

禪宗全書







禪宗全書

# 史傳部六

( 6 )

北京圖書館出版社

藍吉富 主編



# 解題

## 一、聯燈會要（解題見「禪宗全書」第五冊）

## 二、嘉泰普燈錄

編譯組

全書三十卷。總目三卷。南宋·平江府報國光孝寺雷庵正受編。作者鑑於向來的傳燈錄偏重禪門師徒傳法的記錄，乃著手補充「景德傳燈錄」、「天聖廣燈錄」及「建中靖國續燈錄」等書之不足，由於內容普及王侯、士庶、女流、尼師等聖賢衆庶，故名爲「普燈錄」。全書費十七年完成。寧宗嘉泰初年成書後，由皇帝勅許入藏。

全書內容大略如次：卷一至卷二十一，主要收錄六代祖師至南嶽以下十七世、青原以下十六世諸師的示衆機要。卷二十二以下則廣錄聖君、賢臣、應化聖賢、拾遺、諸方廣語、拈古、頌古、偈贊、雜著等。此外，卷首有弟子黃汝霖撰寫的「雷庵受禪師行業一」及「正受上皇帝書一」；卷末有嘉泰五年陸游的跋文。

本書在日本除了宋刊本外，另有五山版等數種版本。

# 目次

解題

壹、聯燈會要（卷十六——卷三十）……………一

一、卷十六……………三

系南——法泰

二、卷十七……………二一

宗杲——道謙

三、卷十八……………四〇

道顏——咸傑

四、卷十九……………五七

行思——僊天

五、卷二十……………七四

義忠——幽溪

六、卷二十一……………九一



善會——義存

七、卷二十二……………一一〇

瓦棺——咸啓

八、卷二十三……………一二七

乾峯——師備

九、卷二十四……………一四六

文偃——孚

十、卷二十五……………一六五

常察——誨璣

十一、卷二十六……………一八〇

桂琛——守安

十二、卷二十七……………二〇〇

道詮——警延

十三、卷二十八……………二一九

智覺——恩

十四、卷二十九……………二三九

用旻——亡命尊宿

十五、卷三十……………二五二

傳大士心王銘等十四篇

貳、嘉泰普燈錄

一、原書總目錄

二、卷一

菩提達磨——方

三、卷二

楚圓——義青

四、卷三

慧南——文

五、卷四

祖心——智圓

六、卷五

善本——守遂

七、卷六

悟新——慧明

八、卷七

從悅——了一

九、卷八

二七一

二七三

三一二

三二二

三三八

三五七

三七〇

三八二

三九二

四〇六

法演——法海（西竺尼）

十、卷九……………四一七

智月——慶顯

十一、卷十……………四三〇

咸靜——大圓智

十二、卷十一……………四四九

惠懃——俞道婆

十三、卷十二……………四六三

繼成——如壁

十四、卷十三……………四七三

嗣宗——智策

十五、卷十四……………四八四

法泰——覺

十六、卷十五……………四九七

宗杲——范縣君

十七、卷十六……………五〇八

心道——慧溫（尼）

十八、卷十七……………五二三

善果——山吉

十九、卷十八……………五三二

鼎需——秦國太夫人計氏妙（法？）——真

二十、卷十九……………五四五

慧方——慧觀

二十一、卷二十……………五五四

得昇——守仁

二十二、卷二十一……………五六四

宗璉——印（卯？）

二十三、卷二十二……………五七四

太宗皇帝——朱炎

二十四、卷二十三……………五八六

楊億——仲

二十五、卷二十四……………六〇一

寶掌——陳道婆

二十六、卷二十五……………六一二

諸方廣語

二十七、卷二十六……………六三三



拈古

二十八、卷二十七

六三一

頌古上

二十九、卷二十八

六六六

頌古下

三十、卷二十九

六七九

偈頌

三十一、卷三十

六九六

雜著

卷十六 三十

宗門聯燈會要 下

宋・晦翁悟明 撰



聯燈會要卷第十六

住泉州崇福禪寺嗣祖比丘 悟明 集

南嶽下第十四世

南嶽軍雲居元祐禪師法嗣

洪州羅漢系南禪師凡五汀州張氏子示衆云紅霞穿碧落白鷺點滄州不是寒山子時臨古渡頭騎駃馬驟高樓萬里銀河輓玉毬別明員解脫撥火覓浮漚

示衆云禪不禪道不道三寸舌頭胡亂掃昨夜日輪飄桂花今朝月寫出芝草阿呵呵萬兩黃金無處討一句絕思量諸法不相到

示衆云大智如愚大巧若拙勿謂今朝中秋令節八極同風千潭共月三十年後蘆花照雪與麼悟去臘門百裂

示衆云鷗鷺籬邊菊正黃妙談西祖意琅琅不知誰解聞斯語堪爲宗門立紀綱便見羅漢拂子展大神通化作文殊普賢觀音勢至穿過諸人觸體若也盡知來處可謂於出入息中供養恒沙諸佛若也不知



分付德山臨濟拂子擊一擊

示衆云諸佛不出世達磨不西來祖師心印狀似鐵牛之機所以印空也日月沉輝乾坤黯黑印水也感浪驚濤魚龍喪命印泥也大地冰消聖凡絕路若是那一印誰敢正眼觀著爭奈諸方起模畫樣若到羅漢門下直教粉碎

泉州南峰永程禪師凡一示衆云始自雞峰續少室流芳大布慈雲宏開慧日教分三藏直指一心或全提而棒喝齊施或縱奪而賓主互設或金剛按劍或獅子翻身或照用雷奔或機鋒電掣無非剪除邪妄開廓玄微直下明宗到真實地諸仁者到此方許一線道與爾商量苟或未然盡是依師作解無有是處

鄂州子凌山自瑜禪師凡二示衆云祖師圖標子都不在言詮若更重宣說特地隔西天

曾問如何是佛法大意師云好事不如無

江州東林常總禪師法嗣

廬州開先廣鑑英禪師凡三桂州永福毛氏子示衆

云談玄說妙譬如畫餅充飢入聖超凡大似飛蛾赴火一向無事敗種焦芽更若馳求水中捉月以拂子一拂云適來許多見解拂却了也作麼生是諸人透脫一句良久云鐵牛不喫欄邊草直向須彌頂上眠以拂子擊繩床

示衆云有一人說得一丈一寸也行不得有一人行得一丈一寸也說不得有一人說得行得有一人說不得行不得此四人中要覓一人爲師明眼請僧試請揀看

僧問如何是道師云良田萬頃僧云不會師云替不辦秋無望

潭州大溈懷秀禪師法嗣

南嶽南臺尤恭禪師凡一示衆云種蓮難遇正是此時何謂釋迦已滅彌勒未生拈起拂子云正當今日佛法盡在山僧拂子頭上放行把住一切臨時放行則風行草偃瓦礫生光拾得寒山點頭點掌把住則水泄不通眞金失色德山臨濟飲氣吞聲當恁麼時放行即是把住即是良久云後五日看

舒州白雲守端禪師法嗣

廬州五祖法演禪師凡十蜀人也。首謁圓照本禪師。古今因緣會盡。唯不會僧問興化。四方八面來時。如何化。云。打中間底。僧作禮化。云。我昨日赴箇村齋中。途遇一陣卒風暴雨。却向古廟裏避得。過諸益本。本云。此是臨濟下因緣。須是問他家兒孫始得。師遂謁浮山遠禪師。請益前話。遠云。我有箇譬喻。說似個。一似箇三家村裏賣柴漢。子把箇匾擔向十字街頭立地。問人中書堂。今日商量甚麼事。師默計云。若如此大故。未在。遠一日語師云。吾老矣。白雲端。爐韜不可失也。師唯諾。卽訪白雲端。端一見。乃云。川菴薩儻來也。一日請問。南泉摩尼珠。語端叱之。師領悟。汗下被體。作投機頌云。山前一片閑田地。叉手丁寧問祖翁。幾度賣來還自買。爲憐松竹引清風。端首肯之。示衆舉德山小參云。今夜不答話。問話者三十棒。衆中舉者甚多。會者不少。且道向甚麼處見德山。有不顧性命者。試出來道看。若無山僧爲大衆與德山老人相見去也。待德山道。今夜不答話。問話者三十棒。

但向伊道某甲話也不問棒也不喫。儻道還契他德山老人麼。到這裏須是箇漢始得。某甲游方十有餘年。海上參尋見數人尊宿。自爲了當。及到浮山。曾裏直是開口不得。後到白雲門下。咬破一箇鐵酸。躡直得百味具足。且道躡子一句作麼生道。乃云。花發雞冠媚。早秋誰人能染紫。絲頭有時風動。頻相倚。似向堦前鬪不休。

示衆舉祖師道。吾本來茲土。傳法救迷情。一花開五葉。結果自然成。達磨大師信。脚來信口道。後代兒孫多成計較。要會開花結果處。麼。鄭州梨。青州棗。萬物無過出處好。

示衆舉古人云。我若向儻道。卽禿却我舌。我若不向儻道。卽啞却我口。且道還有爲人處也。無。四面有時擬爲儻吞却。又被當門齒礙。擬爲儻吐却。又爲咽喉小。且道還有爲人處也。無。乃云。四面從來柳下惠。示衆云。眞如凡聖皆是夢。言佛及衆生。並爲增語。忽有人出來道。盤山老。儻但向伊道。不因紫陌花開。早爭得黃鶯下柳條。若更道四面老。儻自云。諾。惺惺著。

示衆云一向恁麼去道絕人荒一向恁麼來辜負先聖去此二途佛祖不能近設使與白雲同生同死亦未稱平生何故鳳凰不是凡間鳥不得梧桐誓不棲示衆云十方諸佛六代祖師天下善知識皆同這箇舌頭若識得這箇舌頭始會大脫空便道山河大地是佛草木叢林是佛若未識得這箇舌頭只成小脫空自謾去明朝後日大有事在太平恁麼說話還有實頭處也無自云有如何是實頭處歸堂喫茶去示衆云山僧昨日入城見一棚傀儡不免迎前看或見端嚴奇特或見醜陋不堪動轉行坐青黃赤白一見了子細看時元來青布幔裏有人山僧忍俊不禁乃問長史高姓他道老和尚看便休問甚麼姓大衆山僧被他一句直得無言可對無理可伸還有人爲山僧道得麼昨日那裏落節今日這裏拔本示衆云白雲不會說禪三門開在兩邊有人動著關捩兩片東扇西扇示衆云佛祖生冤家悟道染泥土無爲無事人聲色如響瞽且道如何卽是恁麼也不得不恁麼也不得

恁麼不恁麼總不得忽有箇漢出來道恁麼也得不恁麼也得恁麼不恁麼總得卽向伊道我也知爾向鬼窟裏作活計

示衆舉德山和尚因僧問從上諸聖以何法示人山云我宗無語句亦無一法與人雪峰從此有省後有僧問雪峰云和尚見德山得箇甚麼便休去峯云我當時空手去空手歸白雲今日說向透未過者有箇人從東京來問伊甚處來他却道蘇州來問伊蘇州事如何伊道一切尋常雖然如是謾白雲不過何故只爲語音各別畢竟如何蘇州菱邵伯藕示衆云說佛法拈槌豎拂白雲萬里德山入門便棒臨濟入門便喝白雲萬里然後恁麼也不得不恁麼也不得恁麼不恁麼總不得也則白雲萬里忽有箇出來道長老爾恁麼道也則白雲萬里這箇說話喚作矮子看戲隨人上下三十年後一場好笑且道笑箇甚麼笑白雲萬里

示衆云汝等諸人見老和尚鼓動唇吻豎起拂子便作勝解及乎山禽聚集牛動尾巴却將作等閑殊不

知。舊聲不斷前句。雨電影還連後夜雷。

示衆云。陸亘大夫問南泉。弟子家中有片石。也曾坐也。曾臥。如今擬鑄作佛。去得麼。泉云。得。陸云。莫不得麼。泉云。不得。師云。夫爲善知識。須明決擇。爲甚麼他人道得。也道得。他人道不得。也道不得。還知南泉落處麼。白雲不惜眉毛。與爾注破得。又是誰道來。不得。又是誰道來。爾若更不會。老僧今日爲爾作箇樣子。乃舉手云。將三界二十八天。作箇佛頭。金輪水際。作箇佛脚。四大部洲。作箇佛身。雖然作此佛兒子。了爾諸人。又向那裏安身立命。大衆還會也。未。老僧作第二箇樣子去也。將東弗于逮。作箇佛南瞻部洲。作箇佛西瞿耶尼。作箇佛北鬱單越。作箇佛草不叢林。是佛。蠢動含靈。是佛。既恁麼。又喚甚麼作衆生。還會也。未。不如東弗于逮。還他東弗于逮。南瞻部洲。還他南瞻部洲。西瞿耶尼。還他西瞿耶尼。北鬱單越。還他北鬱單越。草木叢林。還他草木叢林。蠢動含靈。還他蠢動含靈。所以道是法住法位。世間相常住。既然恁麼。又喚甚麼作佛。忽有箇漢出來。道白雲休寐。語大衆。

記取這一轉

問牛頭未見四祖時如何。師云。頭上戴纓垂云。見後如何。師云。青布遮前云。未見四祖時爲甚麼。百鳥銜花。師云。富與貴。是人之所以欲云。見後爲甚麼不銜花。師云。貧與賤。是人之所以惡。

問如何是奪人不奪境。師云。秋風吹渭水。落葉滿長安云。如何是奪境不奪人。師云。路上逢人半是僧云。如何是人境兩俱奪。師云。高空有月千門照。大道無人獨自行云。如何是人境俱不奪。師云。少婦掉孤舟。歌聲逐水流。

問如何是先照後用。師云。王言如絲云。如何是先照後照。師云。其出如綸云。如何是照用同時。師云。舉起軒轅鑑。蚩尤頓失威云。如何是照用不同。時師云。金將火試。

問如何是臨濟下事。師云。五逆聞雷云。如何是雲門下事。師云。紅旗閃爍云。如何是潯仰下事。師云。斷碑橫古路云。如何是曹洞下事。師云。馳書不到家。僧作禮。師云。何不問法眼。下事云。留與和尚。師云。巡人犯。



得師云。今日拾得性命。

麼生道良久云。洎合錯下注脚。

洪州黃龍惟清禪師法嗣

東京天寧守卓禪師凡五泉州莊氏子示衆云大凡  
普會衆前出來鼓揚此事也須是箇本分衲僧方可  
函蓋相投當機勦絕纔有請訛便爲離隔而況機輪  
轉處佛眼猶迷祖令行時凡情那測故德山棒下知  
輕重者關竅俱通臨濟喝中辨賓主者皮膚脫落如  
王寶劒孰敢當鋒所以道言之者失其真知之者返  
其愚有之者乖其性無之者傷其軀病既多途藥還  
異狀若不深窮閭域直造根源水乳何分精麤莫辨  
致使廣大威德枉受驅馳本智不生識情爲咎當須  
明悟理則昭然

示衆云了法非法則法法眞如知心非心則心心玄  
寂玄寂則應用洄沙眞如則隱顯無間既是隱顯作  
麼生無間良久云早知燈是火飯熟也多時

示衆云平高就下勾賊破家截鐵斬釘狐狸戀窟總  
不恁麼合作麼生所以道萬仞崖頭親撒手須是其  
人只如香積國中持鉢一句作麼生道良久云切忌  
風吹別調中

示衆云釋迦掩室過犯彌天毗耶杜詞自救不了如

何如何口門太小

僧問如何是主中賓師云不許夜行投明須到云如  
何是賓中主師云長安雖樂不是久居云如何是賓  
中賓師云人無遠慮必有近憂云如何是主中主師  
云當斷不斷返招其亂

福州鼓山佛心才禪師凡入住乾元開堂示衆云百  
千三昧門無量福德藏放行也如開武庫錯落交輝  
把住也似雪覆蘆花通身莫辨使見之者撩起便行  
聞之者單刀直入箇箇具頂門正眼人人懸肘後靈  
符掃拂祖見知作叢林殃害憶得寶壽開堂日三聖  
推出一僧寶壽便打三聖云與麼爲人瞎却鎮州一  
城人眼去在且如乾元今日開堂或有僧出來山僧  
亦打不唯此話大行且要開却福州一城人眼去何  
也劒爲不平離寶匣藥因救病出金瓶  
示衆云三千劒客獨許莊周百萬鳳毛點頭自肯若  
也兩頭坐斷中間不留只是打淨潔毯子未知向上  
一竅若也隨波逐浪帶水拖泥辜負已靈未具頂門  
正眼總不恁麼又作麼生良久云不入驚人浪難尋

稱意魚

示衆云達磨未來東土已前人人懷媚水之珠箇箇抱荆山之璞可謂壁立千仞及乎二祖禮却三拜之後一一南詢諸友北禮文殊好不丈夫或有一箇半箇不求諸聖不重已靈足馬單鎗投虎置刃不妨塵快平生如今有麼自是不歸歸便得五湖煙境有誰爭

示衆云撥塵見佛眼翳花生擲地金聲賢者不貴直得牢籠不肯住呼喚不回頭正好喫痛棒畢竟如何閑持經卷倚松立笑問客從何處來

示衆云宗乘提唱妙絕名言一句該通乾坤函蓋直似首羅正眼豎亞面門又如員伊三點橫該法界乃卓拄杖云向這一點下明得出身猶可易脫體道應難又卓拄杖云向第二點下明得縱橫三界外隱映十方身又卓拄杖云向第三點明得魚龍鎖戶佛祖潛蹤不然放過一著隨分有春色一枝三四花示衆云卽心卽佛眼中著屑非心非佛虛空釘橛不是心不是佛不是物遂以拂子擊繩床云爲君擊碎

精靈窟北斗南星位不殊一一觀方隨兆出擲下拂子云打鼓普請看

示衆大道無中復誰先後僧堂裏聖僧盡日與諸人說法長廊上露柱與諸人覲體談玄何須更來這裏熱謾山僧不如休去歇去好良久云道泰不傳天子令時清休唱太平歌

上堂衲僧家四事隨身三玄被體當機不犯如珠走盤須是殺人刀活人劍活人劍下死人縱橫殺人刀頭活人無數殺活自在收放縱橫還有出格翻身底麼不是渠儂多意氣他家曾蹈上頭關

上堂寶劍不失虎舟不刻朝游羅浮暮歸檀特若謂本光之地理合如然正是坐井觀天持蠡酌海若謂言發非聲色前不物非唯迷宗亦乃失旨宗明旨的又作麼生好把鴛鴦重繡出從它人競覓金針

洪州兜率從悅禪師法嗣

丞相無盡居士張公商英凡三公年十九應舉入京師經由向家向預夢人報云明日接相公凌晨公至勞問曲折後以女妻之因入僧寺見藏經焚夾齊整

佛然曰。吾孔聖之教。不如胡人之書。人所仰重。夜坐書院。研墨吮筆。憑紙長吟。向氏呼曰。官人夜深何不睡去。公以前意語之。正此著無佛論。向曰。既是無佛。何論之有。當須著有佛論。始得公疑其言。遂已之後。訪一同列。見佛龜前經卷。乃問。此何書也。同列云。維摩詰所說經也。公信手開卷。閱到此病。非地大亦不離地大處。嘆曰。胡人之語。亦能爾耶。遂問。此經幾卷。云三卷。因借歸。盡讀向氏。問看者何書。公云。維摩詰所說經。向云可熟讀。此經然後著無佛論也。公異其言。由是深信佛乘。留心祖道。後爲江西漕。偏參祖席。復謁東林總詰。其所見與已符合。乃印可之。後按部分寧諸禪。迺之兜率。居其末公。一一致敬。罷次及兜率。聞其聰明過人。遂問。聞公善文章。是否悅。大笑云。運使失却一隻眼。從悅臨濟九世孫。對運使論文。章政如運使。對從悅。論禪也。公意不平。遂問。此去玉溪幾里。云三十里。公云。兜率。潛云。五里。夜宿兜率。悅先一夜夢日輪昇天。被悅以手搏取。因語首座曰。日輪者。運轉之義。聞張運使非久。此來。吾當深錐痛割。

若肯回頭。則吾門幸事。公與悅語至更深。論及宗門事。悅云。聞東林印可。運使未審。運使於佛祖言教。有少疑否。公云。有悅云。疑何等語。公云。香嚴獨脚頌。德山托鉢話。悅云。此既有疑。其餘安得無耶。只如巖頭云。末後句。是有耶。是無耶。公云。有悅大笑。歸方丈。閉却門。公睡不穩。至五更下床。觸翻踏床。忽然契悟。作頌云。鼓寂鍾沉。托鉢回巖頭。一拶語如雷。果然只得三年活。莫是遭他受記來。遂扣方丈門云。某已捉得賊也。悅云。賊物在甚處。公無語。悅云。且去來。日相見。公翌日以前頌呈悅。悅云。參禪只爲命根。不斷依語。生解如是之說。公已深悟。然至極微細處。使人不覺不知。墮在區宇。後作頌印之云。等閑行處。步步皆如。雖居聲色。寧滯有無。一心靡異。萬法非殊。休分體用。莫擇精麤。臨機不礙。應物無拘。是非情盡。凡聖皆除。誰得誰失。何親何疎。拈頭作尾。指實爲虛。翻身魔界。轉脚邪途。了非逆順。不犯工夫。

佛日杲。謁公爲湛堂求塔銘。纔相見。公便問。祇恁麼著草鞋。遠來杲云。數千里。特來見相公。公遂問。年多

少果云二十八公云水牯牛年多少果云兩箇公云甚麼處學得這虛頭來果云今日親見相公公云念汝遠來且坐喫茶茶罷公問公遠來有何事果離前云勸潭和尚示寂茶毗眼睛牙齒數珠不壞舍利無數山中耆宿皆欲得相公大手筆作塔銘激勵後學得得遠來冒瀆鈞聽公云今有一問若道得卽做塔銘遂問問準老眼睛不壞是否果云是公云我不問這箇眼睛果云相公問甚麼眼睛公云金剛眼睛果云若是金剛眼睛在相公筆頭上公云恁麼則老夫爲他點出光明令他照天照地去也果進謝云先師多幸請相公做塔銘公唯唯而笑

公謂佛日云余閱雪竇拈古至百丈再參馬祖因緣云大冶精金應無變色投卷嘆曰審如是豈得有臨濟今日耶遂作一頌云馬師一喝大雄峰深入觸髓三日響黃檗聞之驚吐舌江西從此立宗風後平禪師致書云去夏讀臨濟宗派乃知居士得大機大用且求頌本余作頌寄之云吐舌耳聾師已曉徒曾只得哭蒼天盤山會裏翻筋斗到此方知普化顯諸方

往往以余聰明博記少知余者公自江西法窟來必辨優劣試爲老夫言之佛日云居士見處與眞淨死心符合公云何謂也佛日遂舉眞淨頌云客情步步隨人轉有大威光不能現突然一喝雙耳聾那吒眼開黃葉面死心拈云雲巖要問雪竇既是大冶精金應無變色爲甚却三日耳聾諸人要知麼從前汗罵無人識只要重論蓋代功公撫凡云不因公語爭見眞淨死心用處若非二大老難顯雪竇馬師爾

新州五祖法演禪師法嗣

成都府昭覺克勤禪師凡入蜀人也出峽初謁北鳥牙方禪師得照覺平實之旨復謁大潯喆後謁五祖入室平生知解全用不著乃謂祖移換人出不遜語忿然而去祖云待備著一頓熱病打時方思量我在師到金山染傷寒幾不起遂以平日見處試之無得力者追釋五祖之言乃自誓云我病稍聞卽歸五祖尋歸五祖祖一見而喜曰汝來耶卽日參堂令入侍者寮方半月偶陳提刑者解印還蜀過山問道祖問提刑曾讀小艷詩否詩中有兩句頗相近頻呼小玉



元無事。只要檀郎認得聲。提刑應諾。祖云。且子細師適從外來。侍立次。問祖云。和尚舉小艷詩。提刑還會否。祖云。他只認得聲。師云。只要檀郎認得聲。他既認得聲。爲甚麼不是祖。云。如何是祖師西來意。庭前栢樹子。齊師忽然大悟。趨出見雞飛上欄干。鼓翅而鳴。師自謂曰。此豈不是聲。卽袖香入室。通所悟。祖云。佛祖大事。非小根小器所能造詣。吾助汝喜。遂徧謂山中耆宿云。我侍者參得禪也。

師同佛鑑。佛眼侍五祖於亭上。夜坐歸。方丈燈已滅。祖暗中云。各人下一轉語。鑑云。彩鳳舞丹霄。眼云。鐵地橫古路。師云。看脚下。祖云。滅吾宗者。克勤爾。

師開堂日。示衆云。一向月。視雲霄。壁立千仞。則辜負諸聖。一向拖泥帶水土。面灰頭。則埋沒已靈。而今恁麼也。得不恁麼也得。且要正眼流通。還委恁麼。直饒高步毗盧頂。不稟釋迦文。婢視聲聞。奴呼菩薩底來。也須亡鋒結舌。自餘故是出頭不得。所以道三世諸佛。只言自知。歷代祖師。全提不起。一大藏教。詮註不及。明眼衲僧。自救不了。若據本分草料。猶是節外生。

枝且不涉化門一句。作麼生道。陣雲橫海上。拔劍攬龍門。

示衆云。通身是眼。見不及。通身是耳。聽不徹。通身是口。說不著。通身是心。鑑不出。直饒盡大地。明得無絲毫透漏。猶在半途。據令全提。如何展演。域中日月。縱橫挂一。亘晴空。萬古春。

示衆云。國無定亂之劍。四海晏清。門無白澤之圖。全家吉慶。若道有承恩力。正是土上加泥。更或削跡吞聲。亦乃持南作北。到這裏。縱橫十字。未免誑訛。據位投機。猶較些子。且作麼生是據位底。句。寒山逢拾得。撫掌笑呵呵。

示衆云。一言截斷千聖消聲。一劍當頭。橫屍萬里。所以道。有時句到。意不到。有時意到。句不到。句能刻意。意能刻句。意句交馳。衲僧已鼻。若能恁麼轉去。青天也須喫棒。且道。憑箇甚麼。可憐無限弄潮人。畢竟還落潮中死。

示衆云。一塵入正受。盡大地。冷湫湫。諸塵三昧起。徧十方。開浩浩。分身百億。未足爲多。端坐虛堂。未嘗言。

靜到這裏卷舒收放擒縱殺活以金剛王寶劒截斷  
疑情將衲僧巴鼻脫生死關坐斷要津不通凡聖千  
人萬人牢籠不住百千境界轉變不得始能爲如來  
使普現色身且道正當恁麼時如何日用無回互當  
機有淺深

示衆云萬仞崖頭撒手要須其人千鈞之弩發機豈  
爲鷺鼠雲門睦州當面蹉過德山臨濟誑謔閭閻自  
餘立境立機作窠作窟故是滅胡種族且獨脫一句  
作麼生道萬緣遷變渾閑事五月山房冷似冰

僧問一大藏教阿那箇是頭師云如是我聞云此是  
阿難底如何是和尙底師云老僧用得甚快

建康府蔣山慧勲禪師凡四師參五祖因同圓悟語  
話次舉東寺問仰山鎮海明珠因緣至無理可伸處  
圓悟徵云既云取得逮索此珠又道無言可對無理  
可伸師不能加答明日謂悟云昨日公案我有語也  
悟云試舉看師云東寺只索一顆明珠仰山當下傾  
出一桮栳悟深肯之乃告之曰老兄更宜親近老和  
尙去師一日造方丈未及語被祖呵罵懽懽而退歸

寮閉門而睡恨祖不已悟已密知即往扣門召云勲  
兄師云誰悟云我也師即開門語問爾見老和尚如  
何師云我本不去被爾賺累我遭這老漢垢罵悟呵  
呵大笑云爾記得前日下底語麼師云是甚麼語悟  
云爾又道東寺只索一顆明珠仰山傾出一桮栳師  
當下釋然悟遂領師同上方丈祖纔見遽云勲兄且  
喜大事了畢

示衆云正道無難唯嫌揀擇桃花紅李花白誰道融  
融只一色燕子語黃鸝鳴誰道關關只一聲不識祖  
師關振子空認山河作眼睛

示衆云十五日已前事錦上鋪花十五日已後事如  
大海一漚發正當十五日大似一尺之鏡照千里之  
像雖則真空絕跡其奈海印發光任他雲柱開花說  
甚佛面百醜何故到頭霜夜月任運落前谿

示衆舉僧問趙州如何是不遷義州以手作流水勢  
其僧有省又僧問法眼不取於相如如不動如何不  
取於相見於如如不動眼云日出東方夜落西其僧  
亦有省若也於此見得方知道旋嵐偃嶽本來常靜

江河競注元自不流其或未然不免更爲饒舌天左旋地右轉古往今來經幾徧金鳥飛玉兔走纔方出海門又落青山後江河波渺渺淮濟浪悠悠直入滄溟晝夜流遂高聲喝云還見如如不動麼

舒州龍門清遠禪師凡七蜀之臨邛李氏子年十四捨家受具依毗尼究其說因誦法華經至是法非思量分別之所能解持以問講師講師莫能答師嘆曰義學名相非所以了生死大事遂卷衣南游徑造舒之太平演禪師席室中酬酢水乳相合凡七年洞造闔域後出世舒之萬壽遷龍門後主和之褒禪也示衆云始自隻履西歸卷衣南邁空閒消息流落人間古往今來通相敬授大似一人傳虛萬人傳實山僧病多諳藥性年老變成精不是刻剝古人免見互相埋沒諸人應是從前覺觸往日見知從人邊請益得來語言中舉時中的出入游戲卽不無究竟真實大事萬不可得但能情忘理喪計盡途窮無施設處用心正是作工夫處山僧尋常只道喫茶去今日也道喫茶去會盡諸方五味禪何似山僧喫茶去

示衆云總記不得天花滿紙縱有千言不如一默示衆云只宜說一句有人會得去猶較些子或若無人會得山僧却成妄語思量來不如且休各自大家堂中喫茶自由自在免見異日他時被人覷破何也將軍自有嘉聲在不得封侯也是閑

示衆云慮而解思而知孤燈難並太陽暉不是心不是佛爲君掃蕩精靈窟摩天鷄子入雲飛千里萬里只一突阿剌刺

示衆云千說萬說不如親面一見縱不說亦自分明王子寶刀喻衆盲摸象喻禪學中隔江招手事望州亭相見事迥絕無人處事深山巖崖處事此皆親面而見之不在說也

僧問道遠乎哉觸事而真如何是道師云頂上八尺五云未審此理如何師云方圓七八寸云向上一路還許學人會也無師云不論向上向下却許爾會潭州開福道寧禪師凡四示衆云全提正令匝地風生把定要津執分優劣三玄料簡未辨禪僧五位君臣殊乖道體平實無事誑譎閭閻入理深談粘皮帶



骨何故纖毫。不動空劫已前數量。難該憑何話會。諸禪德還委悉麼。幾回拋向衆人前。千眼大悲看不見。示衆云。秋日耀長空。秋江浸虎碧。嗟傷門外人。處處尋彌勒。驚路忽擡頭。相逢不相識。諸禪德既是相逢。爲甚麼却不相識。剪盡霜前竹。臨溪不化龍。

示衆云。靈山會上。早是周遮。良馬窺鞭。豈爲英俊。巖間宴坐。天帝雨花。無說無聞。藏身露影。少林面壁。計較未成立。雪斷肱。辜他衲子。黃梅呈頌。勝負偏枯。半夜傳衣。謾人不少。從上來事。合作麼生。豈假人天衆。前鼓舌搖唇。競銳爭鋒。互立賓主。問答交參。檢點將來。彌天罪犯。雖然恁麼。不因紫陌花開。早爭得黃鸝下柳條。

示衆云。摩竭正令未免崎嶇。少室垂慈。早傷風骨。腰囊挈錫。辜負平生。煉行灰心。逾相鈍置。爭似春雨晴。春山青。白雲三片。五片黃鳥一聲。兩聲。千眼大悲。看不足。王維妙手。盡難成。直饒便恁麼。猶是涉途程。諸禪德。不涉途程一句。作麼生。良久云。人從陳州來。不得東京信。

潭州雲蓋智本禪師法嗣

潭州承天自承禪師凡二。示衆云。不是心。不是佛。不是物。打繩床云。與君打破精靈窟。窟土揚塵無處尋。千山萬山空突。吼復拍繩床云。歸堂去。

示衆云。五更殘月。落天曉。白雲飛。分明目前事。不是目前機。既是目前事。爲甚麼不是目前機。良久云。欲言言不及。林下好商量。

東京智海平禪師法嗣

東京淨因繼成禪師凡九。示衆云。正法眼藏。頭頭漏泄。眞機涅槃。妙心處處。一時成現。若向言中取。則句外尋求。巧覓見知。強生分別。大似迷頭認影。緣木求魚。顛倒一生。永無休歇。直須回光返照。親近明師。識取自己家鄉。便是當人活計。迷悟心歇。取捨情忘。萬別千差。不離這箇。苟或未然。清風月下。守株人。涼兔漸遙。芳草綠。

示衆云。狹路相逢。且莫疑。電光石火。已遲遲。若教直下三心。徹只在如今一餉。時到這裏。直使問來。答去。火迸星飛。互換主賓。照用得。失波翻。嶽立玉轉珠。回。

納僧面。前了無交涉。豈不見拈花驚嶺。獨許飲光。問疾毗耶。誰當金粟。那知微笑已成途轍。縱使默然。未免風波。要須格外相逢。始解就中。顯契還曾麼。一曲寥寥動今古。洛陽三十六峰西。

示衆云。五蘊山頭一段空。同門出入不相逢。無量劫來。賃屋住到頭。不識主人公。若也識得。正是認奴作郎。若也不識。作麼生免得。古人恁麼道。當初只謂茹長短。燒却元來地不平。

示衆云。舉不顧。卽差互。擬思量。何劫悟。大衆枯桑知天風。是顧不顧。海水知天寒。是思不思。且喚甚麼作悟底道理。兔角杖頭挑法界。龜毛拂子舞三臺。

示衆云。鼻裏音聲耳裏香。眼中鹹淡舌玄黃。意能覺觸。身分別冰室。如春九夏涼。如斯見得。方知男子身中入定時。女子身中從定出。葵花隨日轉。犀紋甌月生。香楓化老人。螟蠕成蝶蠟。若也不知。苦哉佛陀耶。許備具隻眼。

示衆云。一念心清淨。佛居魔王殿。一念惡心生。魔王居佛殿。懷禪師云。但恁麼信去。喚作腳踏實地而行。

終無別法。亦無別道理。老僧恁麼舉了。只恐備諸人見。兔放鷹刻。舟求劍何。功德天黑暗。女有智主人。二俱不受。

示衆舉汾陽拈拄杖。示衆云。三世諸佛在這裏。爲汝諸人無孔竅。遂走向山僧。拄杖裏去。強生節目。師云。汾陽與麼示。徒大似擔雪填井。倘若無人。山僧今日爲汝諸人出氣。拈起拄杖云。三世諸佛不敢強生節目。却從山僧拄杖裏走出。向諸人道。我不敢輕於汝等。汝等皆當作佛。說是語已。翻筋斗向拘尸羅城裏去。也擲下拄杖云。若到諸方。分明舉似。

師同圓悟法真。慈受并十大法師。齋于陳太尉良弼府第時。徽宗私幸。觀其法會。大師魯公亦預焉。適善華嚴對衆。問諸禪云。我佛設教。自小乘至于圓頓。掃除空有。獨證眞常。然後萬德莊嚴。方名爲佛禪宗。一喝轉凡成聖。與諸經論似相違背。今一喝若能入五教而爲正說。若不能入。是爲邪說。諸禪顧師云。如法師所問。不足三大禪師所答。淨因小長老可以使法師無惑。乃召善善應。諾師云。法師所謂愚法小。

乘者乃有義也。大乘始教者乃無義也。大乘中教者不有不空義也。大乘頓教者即有即空義也。一乘圓頓者乃空而不有而不空義也。如我一喝非唯能入五教至方百工伎藝諸子百家皆悉能入。師乃喝一喝云。還聞麼。善云。聞。師云。汝既聞此一喝是有能入小乘教。須臾又問。善。還聞麼。善云。不聞。師云。汝既不聞。適來一喝是無能入大乘始教。師又顧善而問曰。我初一喝。汝既道有。喝久聲消。汝復道無。道無則元初實有道。有則如今實無。既乃不有不無。能入大乘中教。又云。我有一喝之時。非有是有。因無故有我無一喝之時。非無是無。因有故無。即有即無。能入大乘頓教。又云。我有一喝。不作一喝。用有無不及。情解兩忘。道有之時。纖塵不立。道無之時。橫徧十方。即此一喝。入百千萬億喝。百千萬億喝。入此一喝。是爲圓教也。善不覺身起于座。再拜師前。師復語之曰。非唯一喝爲然。乃至語默動靜一切時一切處一切事一切物契理契機。周徧無餘。於是四衆歡喜。聞所未聞。

南嶽下第十六世

東京天寧守卓禪師法嗣

湖州道場長範禪師。凡三泉州晉江蔡氏子。示衆云。塵劫來事盡在如今。空劫那邊全歸日用。觸處成現。觀體無私。人人單提祖印。箇箇獨用全機。到這裏直饒有通天作略。竭世樞機。只是枝上生枝。蔓上生蔓。於本分事上了無交涉。是故諸佛出世。罕遇其人。西祖東來。乘虛接響。一大藏教。誑諱闍闍。明眼衲僧。自救不了。且作麼生。話會作麼生。承當作麼生。展演作麼生。提唱還有向這裏挨得身著得。脚頭大丈夫作略底麼。出來相見。如無且放過一著。

示衆云。青眸一瞬。金色知歸。授手而來。如王寶劍。如今開張門戶。各說異端。可謂古路坦而荆棘生。法眼明而還自翳。辜負先聖埋沒已靈。且道不埋沒不辜負。正法眼藏如何吐露。還有吐露得底麼。出來吐露看。如無擔取詩書歸舊隱。野花啼鳥一般春。示衆云。未離兜率已降王宮。未出母胎度人已畢。猶較些子。及乎周行七步。目顧四方。一手指天一手指地。道天上天下。唯我獨尊。特地一場敗闕。後來雲門。

老漢出來要一棒打殺與狗子喫。貴圖天下太平。未救得一半。而今莫有全救得底麼。出來大展作略看。若向這裏展得去。釋迦雲門性命。總在上座手裏。

福州鼓山本才禪師法嗣

福州普賢元素禪師。凡六建州人也。示衆云。拈花微笑。猶乖量外之機。斷臂安心。何異捉月之見。設使萬機休罷。千聖不携。還同待兔守株。未是通方達士。明眼漢沒窠臼。高高處觀之不足。低低處平之有餘。神光照徹大千萬有。全歸掌握。大機大用。草偃風行。全暗全明。超情離見。所以道。神光不昧。萬古微猷。入此門來。莫存知解。知解既泯。眞智現前。八字打開。分明顯示。豎起拂子云。還見麼。於斯見得。言語路絕。取捨情忘了。非生佛未分。豈是威音那畔。權實俱備。照用雙行。流出自己。曾禪要且。不從人得。既不從人得。正當今日祝嚴。聖壽一句。作麼生道。良久云。四海湛平。龍睡穩。萬年松在。祝融峯。  
示衆云。兵隨印轉。三千里外。絕煙塵。將逐符行。二六時中。爭裸裸。不用鐵旗鐵鼓。自然草偃風行。何須七

縱七擒。直得無思不服。所謂大丈夫秉慧劍。般若鋒。刃金剛。鋒。非但能摧外道心。早曾落却天魔膽。正恁麼時。且道。主將是甚麼人。喝一喝。

示衆云。南泉道我十八上。便解作活計。囊無繫蟻之絲。厨乏聚繩之糝。趙州道我十八上。便解破家散宅。南頭賣賤。北頭賣貴。檢點將來。好與三十棒。且放過一著。何故。曾爲若子。偏憐客。自愛貪。孟惜醉人。

示衆提起拄杖云。敲空作響。罕遇知音。復擊繩床云。擊木無聲。稀逢鑒者。莫向情中卜度。休於事上思量。縱饒斷斷兩頭未是。到家時節。且道。作麼生是到家時節。良久云。清風已逐和風去。朱夏還隨暑氣回。

示衆云。未開口時。先分付。擬思量處。隔千山。莫言佛法無多子。未透玄關也。大難只如玄關。作麼生透。喝一喝。

示衆云。一葉落。天下秋。正是時人升降處。一塵起。大地收。衲僧向甚麼處著眼。若向這裏著得。一隻眼如珠走盤。不撥自轉。脫或未然。十字街頭。吹尺八。酸酒冷茶。愁殺人。

泉州法石祖珍禪師凡四莆田林氏子示衆云大道只在目前要且目前難觀欲識大道真體不離聲色言語卓拄杖云這箇是聲豎起拄杖云這箇是色喚甚麼作大道真體直饒向這裏見得也是鄭州出曹門

示衆云向上一路千聖不傳卓拄杖云怎麼明得十萬八千畢竟如何桃紅李白薔薇紫問著春風總不知

示衆云尋牛須訪跡學道貴無心跡在牛還在無心道易尋豎起拂子云這箇是跡牛在甚麼處直饒見得頭角分明鼻孔也在嶽林手裏

僧問投子繞繩床一匝便爲推藏竟此理如何師云畫龍看頭畫蛇看尾云未審甚處是投子轉藏處師云箭穿紅日影須是射鵬人進云婆子云北來請轉全藏爲甚却轉半藏此意如何師云人無遠慮必有近憂云未審甚處是轉半藏處師云不是知音者徒勞話談寒

成都府昭覺圓悟克勤禪師法嗣

潭州大潯法泰禪師凡十蜀人也示衆云祖師道欲得現前莫存順逆釋迦老子是甚麼破草鞋一大藏教是拭不淨底故紙達磨九年面壁瞌睡未惺汝等諸人皮下無血眼裏無筋更來這裏覓甚麼碗各請歸堂

示衆云止止不須說我法妙難思釋迦老子無端向淨地上放屙諸增上慢者聞必不敬信彼彼丈夫兒諸人向甚麼處見釋迦老子若也見得入得德山門未入得德山室且德山室如何入良久云三十年後示衆云開口有時非開口有時是龜言及細語皆歸第一義釋迦老子盤鳴聲達磨西來屎臭氣唯有山前水牯牛身放毫光照天地

示衆云法不爾而爾暗去明來道不然而然雷奔雨驟直得千江競注萬壑爭流山頭白浪滔天平地人魚共處莫問稻芽增長如今頭上漫漫雖然水到渠成爭奈過猶不及幸而雲收雨散浪息波停杲日當空萬家同慶且大功不宰一句作麼生道野老不知堯舜力鑿鑿打鼓祭江神



示衆云寶劍拈來使用豈有遲疑眉毛剔起便行更無回互一切處騰今煥古一切處截斷羅籠不犯鋒銑亦非顧鑑獨超物外則且置機喪盡時如何八月秋何處熱

示衆云聞聲悟道未免著水耳中見色明心亦是撒沙眼裏直一纖毫無障礙空有等空平下絕已躬上無攀仰孤迥迥絕情塵峭魏魏離分別猶是那邊事且這邊事又作麼生休戀寒潭無影樹且看六月雪花飛

示衆云動則影現覺則水生不動不覺土木無殊衲僧家到這裏須有轉身一路始得若也轉得分三成六唱九作十納須彌於芥中擲大千於方外若轉不得守他山鬼窟不免是精靈

示衆云達得人空法空未稱祖佛家風體得全用全照亦非衲僧要妙直須打破牢關識取向上一竅如何是向上一竅春寒料峭凍殺年少

示衆云涅槃無異路方便有多門拈起拄杖云看看山僧拄杖子一口吸盡西江水東海鯉魚蹄跳上三

十三天帝釋忿怒把須彌山一擲粉碎堅牢地神合掌讚嘆云諦觀法王法法王法如是以拄杖擊繩床示衆云德山入門便棒平地生堆監濟入門便喝無風起浪俱胝只豎一指未免顛預雪峰輟出三毬小兒戲劇到這裏總用不著爭如六月三伏甘雨普滋水足東臯禾青南畝農夫鼓腹樵者高歌古佛家風儼然如在於斯會得共樂昇平脫或未然只知事逐眼前過不覺老從頭上來

### 聯燈會要卷第十六

### 聯燈會要卷第十七

住泉州崇福禪寺嗣祖比丘 悟明 集

### 南嶽下第十六世

成都府昭覺克勤禪禪法嗣下

臨安府徑山宗杲禪師凡二宣州奚氏子初謁寶峰

準禪師於道染指次謁圓悟勤禪師因上堂問舉僧問雲門如何是諸佛出身處門云東山水上行勤云

有問天寧如何是諸佛出身處。只向他道。薰風自南來。殿角生微涼。師於言下。忽然前後際斷。雖然動相不生。却坐在淨裸裸處。勤曰。也不易。懶得到這田地。不惜死了。不能得活。不疑言句。是爲大病。不見道。懸崖撒手。自肯承當。絕後再甦。欺君不得。須信有這箇道理。每室中詰以有句無句。如藤倚樹之語。師纔開口。勤便云。不是。不是。經半年。奈何不下。遂請益勤云。聞和尚當年曾問五祖。此話未審。五祖道甚麼。勤笑而不答。師云。和尚須當衆問。今說又何妨。勤云。我問有句無句。如藤倚樹。意旨如何。祖云。描也描不成。畫也畫不就。我問樹倒藤枯時。如何。祖云。相隨來也。師當下釋然曰。我會也。勤遂舉數因緣。詰之。師酬對如太平時。得路便行了。無凝滯。勤每對人賞之曰。果非一生兩生。爲善知識。來自是名動叢林。勤著正宗記。委師極重。紹興初入閩。庵居得其法者。不可一二數。諸方屢舉。俱却之後。應張丞相魏公浚。徑山之命。開堂。日僧問人天普集。選佛場開。祖令當行。如何。舉唱師云。鈍鳥逆風飛。云徧界且無尋覓處。介明一點座。

中圓師云。人間無水不朝東。復有僧競出。師約住云。假使大地盡末。爲塵。一一塵有一口。一一口具無礙。廣長舌相。一一舌相出。無量差別音聲。一一音聲發。無量差別言詞。一一言詞有無量差別妙義。如上塵數。納僧各各具。如是口。如是舌。如是音聲。如是言詞。如是妙義。同時致百千問難問。問各別。不消長老咳嗽一聲。一時答了。乘時於其中間。作無量無邊廣大佛事。一一佛事周徧法界。所謂一毛現神變。一切佛同說。經於無量劫。不得其邊際。便怎麼去。鬧熱門庭。卽得正眼觀來。正是業識忙忙。無本可據。祖師門下一點也用不著。況復勾章棘句。展弄詞鋒。非唯埋沒從上宗乘。亦乃笑破衲僧鼻孔。所以道。毫釐繫念。三塗業因。譬爾情生。萬劫羈鎖。聖名凡號。盡是虎聲。殊相劣形。皆爲幻色。汝欲求之。得無累乎。及其厭之又成大患。看他先聖。怎麼告報。如國家兵器。豈得已而用之。本分事上。亦無這箇消息。山僧今日。如斯舉唱。大似無夢說夢。好肉剗瘡。檢點將來。合喫拄杖。只今莫有下得毒手者麼。若有堪報不報之恩。共助無爲。

之化如無倒行此令去也。驀拈拄杖云：橫按鐵錫全正。令太平寶宇斬癡頭卓拄杖喝一喝。

示衆云：水底泥牛嚼生鐵，儺梵鉢提咬著舌。海神怒把珊瑚鞭，須彌山王痛不徹。

示衆云：顛倒想生生死續，顛倒想滅生死絕。生死絕處涅槃空，涅槃空處眼中屑。涅槃既空，喚甚麼作眼中屑？白雲乍可來青嶂，明月難教下碧天。

示衆云：心生法滅，性起情忘。這裏悟去，担怪有甚麼難。舉起拂子云：看看觀音彌勒，普賢文殊，盡向徑山拂子頭上聚頭打葛藤去。若也放開從教口，勞舌沸若也把住不消一擊，以拂子擊繩床。

示衆云：摩竭提國，猶在半途。少室峰前，全無巴鼻。談玄說妙，好肉剗瘡。舉古明今，拋沙撒土，爭似飢食渴飲，閑坐困眠。從教四序推移，都不干預我事。雖然如是，也須實到這箇田地，始得只如實到這箇田地底。如何親近？喝一喝云：炙瘡癰上，更著艾炷去也。

示衆云：我宗無語句，實無一法與人。早是通身浸在屎窖裏了，也那堪踏步向前，如之若何？問向上向下。

三玄三要，銀盃裏盛雪。北斗裏藏身，意旨如何？豈不是屎窖邊更掘屎窖？雖然如是，若於屎窖中知些氣息，方知三世諸佛歷代祖師天下老和尚古往今來一切善知識盡在屎窖裏轉大法輪，其或未然。切忌向屎窖裏作活計。

示衆問答罷，乃云：問得亦好不問，更親何故？聲前一路千聖不傳，學者勞形如猿捉影。可中有箇英靈漢，恁麼不恁麼，聊聞舉著，別起便行。猶在葛藤窠裏，直得內無所證，外無所修，似地擎山，如石含玉，亦未是衲僧放身命處。敢問大衆：作麼生是衲僧放身命處？若也知得，塵塵念念皆無空闕，折旋俯仰盡在其中。正恁麼時，畢竟是誰家風月？還委恁麼千聖不知何處去倚天長劍逼人寒。

師垂語云：我這裏無法與人，只是據款結案。恰如衲將箇琉璃瓶子來護惜，似箇甚麼？我一見便與衲打破了。衲又將箇摩尼珠來，我又與衲奪了。待衲只恁麼來，我又和衲兩手截了。所以臨濟和尚道：逢佛殺佛，逢祖殺祖，逢羅漢殺羅漢。既稱善知識，爲甚麼却



要殺人去。且道是甚麼道理。

師垂語云。爾若會去過他方世界。又他方世界更他方世界。乃至不可說不可說微塵數香水海華藏世界外。與汝這裏不別。更盡未來際。不可說不可說劫外。亦與爾這裏不別。

師舉南院問風穴。南方一棒作麼生。商量穴云。作奇特商量。穴却問和尚。此間一棒作麼生。商量院橫按拄杖云。棒下無生忍。臨機不見師。師云。風穴當時好大展坐具。禮他三拜。不然與他掀倒繩床。乃回顧冲密云。爾道風穴當時禮拜。是掀倒繩床。是密云。草賊大敗。師云。爾退這瞎漢便打。

舉睦州。凡見僧來。便云。見成公案。放爾三十棒。雲峰悅云。作賊人心虛。師云。又添得一箇道了。問冲密云。爾道我恁麼道。還有過也。無密云。作賊人心虛。師云。三箇也有。

師舉僧問大龍。色身敗壞。如何是堅固法身。龍云山。花開似錦。潮水湛如藍。作麼生。會僧云。不會。師指拜席云。見麼。云。見。師云。又道不會。復云。太近也。因甚麼

不會。僧問措師云。只爲分明極。纔令所得遲。

師室中問僧。巖頭纔跨德山門。便問是凡是聖。山便喝頭。便作禮。意作麼生。僧云。好箇消息。師云。那裏是好處。僧便喝。師云。爾這一喝。未有主在。出去。

師問僧。不是心。不是佛。不是物。爾作麼生。僧云。領師云。領爾屋裏七代先靈。僧便喝。師云。適來領如今喝。干他不是。心不是。佛不是。物甚麼事。僧無語。師便打。師問僧。路逢達道人。不將語默對時。如何。僧珍重。便行。師呵呵大笑。次一僧來。師云。我適來問這僧。路逢達道人。不將語默對時。如何。他珍重。便行。爾道。他會不會。僧擬問訊。師便打出。

師問僧。不與萬法爲侶者。是甚麼人。云。無面目。漢師云。適來有箇師僧。如此道打出去也。僧擬議。師便打。師問僧。馬大師道。自從胡亂後。三十年不曾少鹽醬。意作麼生。云。隨家豐儉。師云。好箇隨家豐儉。只是爾不會。僧擬議。師便喝出。

師問僧。香巖上樹。話爾作麼生。僧云。好對春風唱鷓鴣。師云。虎頭上座。道樹上卽不問。未上樹。請和尚道。

又作麼生。僧云。適來向和尚道了也。師云。好對春風。唱鷓鴣。是樹上語。樹下語。僧無對。師便打。

師問僧。道不用修。但莫污染。如何是不污染底。道僧云。某甲不敢道。師云。汝爲甚麼不敢道。僧云。恐污染。師叫行者。將糞箕掃帚來。僧忙然。師便打出。

師見僧纔入門。便云。不是。不是。出去。僧便出。師云。沒量大人。被語脉轉却。又一僧入門。師亦云。不是。不是。出去。僧却近前。師云。向爾道。不是。更來覓箇甚麼。便打出。復有一僧入門。云。適來二僧不會。和尚意。師低頭。噓一聲。僧罔措。師打云。却是爾會。老僧意。

師問僧。一切智智。清淨無二。無二分。無別無斷。故爾作麼生。會云。一切智智。清淨無二。無二分。無別無斷。故某甲只恁麼會。師高聲云。抱取猫兒來。僧無語。師便喝出。

師問僧。我前日有一問。在爾處。爾先前日答我了也。只今因甚麼瞌睡。僧云。如是如是。師云。道甚麼。僧云。不是。不是。師連打兩棒。云。一棒打爾。如是一棒打爾。不是。不是。

師見僧纔入門。便云。爾不會。出去。僧便出。又一僧來。師亦云。爾不會。出去。僧亦出。復有一僧來。師云。適來兩箇上座。一人解取。不解放。一人解放。不解取。爾還辨得出麼。云。一狀領過。師云。領過後如何。僧拍手一下。便出去。師云。三十年後。悟去在。

師見僧入門。便云。釋迦老子來也。僧近前。師云。元來不是。便打。次一僧來。師亦云。釋迦老子來也。僧問訊。便行。師云。恰似真箇。

師問僧。香巖上樹話。爾作麼生。僧撒手。便行。師云。爾擬那裏去。那僧無語。師便打。

師問侍者。許多人入室。幾人道得。著幾人道不著者。云。某甲只管看師展手。云。我手何似佛手者。云。天寒且請和尚通袖。便行。師打一棒。云。且道是實。爾是爾。爾。

僧請益。不知某甲死向甚麼處去。師云。爾卽今是生耶。死耶。僧云。生也不道。死也不道。師云。爾做得漸源奴。僧擬議。師便打出。又一僧來。師云。適來這僧。納一場敗闕。爾還知麼。僧云。知。師亦打出。

僧請益夾山境話聲未絕師便喝僧忙然師云爾問甚麼僧擬舉師連打喝出

僧請益某甲參禪不得病在甚麼處師云病在這裏云某甲爲甚麼參不得師云開眼尿床漢我打爾去明州阿育王山端裕禪師凡六紹興府錢氏子也示衆云一法若有重重鐵壁银山萬法若無處處沉空滯寂已眼若正見刺亦除一法不墮綠塵萬法本無望礙山是山水是水俗是俗僧是僧不異不同直饒恁麼猶是閉門造車未是出門合轍更須知有頂王一著作麼生明今古團欒無縫罅大力那羅壁不開示衆云行時絕行跡說時無說經行說若到則堦生招箭行說未明則神鋒劃斷就使說無滲漏行不迷方猶滯殼漏在若是大鵬金翅奮迅百千由旬十影神駒馳驟四方八極不取次啗啄不隨處埋身且總不依倚還有履踐分也無利剝塵塵是要津示衆舉南泉道老僧十八上便解作活計趙州道我十八上便解破家散宅還會麼作活計底始解破家散宅破家散宅底始解作活計假使黃金爲城白銀

爲壁禪悅爲食解義爲漿本色衲子不肯回顧何也豈不見道明眼漢沒窠臼縱饒萬里空寥寥正好一鎚俱撒碎且道不落進修一句作麼生道良久云擣蒲若誠本面采儘教骰子滿盤紅擊拂子一下

示衆云未恁麼時一句子超釋迦越彌勒及手明破不直半分文何也只爲見慣若裁方就圓如虎頭帶角龍背插翼爲瑞爲祥若平塌塌地睡來合眼飯來開口且道裁方就圓卽是平塌塌卽是還辨得出麼直饒辨得也是盤脫丘

示衆云盡大地是沙門眼盡大地是自已光爲甚麼東弗于逮打鼓西瞿耶尼不聞南瞻部州點燈北鬱單越黑暗直饒向箇裏道得十全猶是光影活計以拂子撼云百雜碎作麼生是出身一路若果不見隨路摘楊花

示衆云一鎚便成不是性燥漢一躍千里不是汗血駒鋒銳不露無孔鐵鎚八面玲瓏多虎少實直須肘後懸夜明符頂門具金剛眼徹頭徹尾生殺交馳任他魔佛現前便好利刀截却且道據箇甚麼使如此

要知麼玉霸輕提海嶽昏

平江府虎丘隆禪師凡四示衆云。豁開戶牖萬里不挂片雲。杲日騰空。四顧清風滿座。湖光浩渺。野色澄明。萬象森羅。全彰海印。直得頭頭妙用。物物眞機。心境一如。纖塵不立。正恁麼時。萬機休罷。千聖不携。坐斷毗盧頂。不稟釋迦文。婢視聲聞。奴呼菩薩。德山臨濟。直得目瞪口呆。吐有棒。有喝。一點也用不得。且道。忽遇其中人來時。如何話會。傾蓋相逢。元故舊。何妨來喫趙州茶。

示衆云。目前無法。萬象森然。意在目前。突出難辨。不是目前法。觸處逢渠。非耳目之所到。不離見聞覺知。雖然如是。也須是踏著他。向上關。楔子始得。所以道。羅籠不肯住。呼喚不回頭。佛祖不安排。至今無處所。如是則不勞。斂念。樓閣門開。寸步不移。百城俱到。蕭拈拄杖。劃一劃云。路逢死蛇。莫打殺。無底籃子盛將歸。

示衆云。光非照境。境亦非存。光境俱忘。復是何物。百草頭上。罷却干戈。則且置。忽若嘉州大像倒騎陝府。

鐵牛把須彌山。一摑百雜碎。新羅國裏走馬。南贛部洲說禪。又作麼生。五臺山上雲蒸飯。佛殿塔前狗尿天。利竿頭上煎鑊子。三箇糊孫夜簸錢。示衆云。凡有展托。盡落今時。不展不托。墮坑落塹。直饒風吹不入水。洒不著。檢點將來。自救不了。豈不見道。直似寒潭月影。靜夜鍾聲。隨扣擊以無虧。觸波瀾而不散。猶是生死岸頭事。拈拄杖。劃一劃云。劃斷古人多年葛藤。點頭石不覺。撫掌大笑。且道。笑箇甚麼。腦後見腮。莫與往來。

台州護國景元禪師凡五温州樂清張氏子師謁圓悟於蔣山。因二僧閱死心錄。有云。既迷時。須得箇悟。既悟。須識悟中。迷迷悟雙忘。却從無言處。建立一切。法師心非之。拂袖而起。行數步。忽然冥契。走告圓悟。悟印其所解。後辭悟。悟問。向去有人問。爾作麼生。師撫傍僧背云。和尚問。爾何不祇對悟。大笑。後開法處州南明。終於本山。

示衆云。釋迦不會道。達磨不會禪。列祖無機關。衲僧沒巴鼻。是則是。作麼生。承當若向這裏承當得。去佛。

法世法打成一片十二時中不移易一絲毫其或未然莫守寒巖異草青坐著白雲宗不妙

示衆舉拂子云大衆還見麼擊碎銀山鐵壁掀翻虎穴魔宮截斷佛祖機關拂盡諸方路布直得德山却步臨濟吞聲天下衲僧不敢喘氣縱饒睦州親自入門頂顙也還一割且道連雲節角在甚麼處還知麼若到諸方切忌錯舉

示衆云野犴鳴獅子吼開得眼張得口動南星蹉北斗大衆還知落處麼金剛墮下蹲神龜火裏走

僧問如何是臨濟宗師云殺人活人不眨眼云如何是雲門宗師云頂門三眼曜乾坤云如何是潯仰宗師云推不向前約不向後云如何是法眼宗師云箭鋒相敵不相饒云如何是曹洞宗師云手執夜明符幾箇知天曉

建康蔣山佛鑑慧勲禪師法嗣

韶州南華知炳禪師凡八蜀人也久隨佛鑑盡得其奧妙初住舒之天平終于本山

上堂云釋迦不曾出世亦無一法示人達磨不在少

林二祖何嘗得髓以至諸方老宿天下宗師或棒喝縱橫或言詞縝密各各開張義路建立門風大似盡餅充飢蒸沙作飯縱經塵劫徒自疲勞諸人幸是無事人輒不可造次承當容易領解金屑雖貴落眼成翳南華今日早是犯鋒傷手了也還有別機宜議休咎底麼直饒便領解得去也是不唧啗漢畢竟如何卽是若具爍迦羅眼者三千里外見諸訛

上堂云諸法不自生亦不從他生不共不無因是故說無生無生之法性本自空衆生橫計流轉生死是以從上佛祖出興於世擊大法鼓演大法義欲令衆生脫彼妄情背塵合覺若也頓除妄宰空不生花漸竭愛源金無重鑛如今法鼓已擊卓拄杖一下云大義已演還有委悉底麼本自無渣勿傷之也

上堂云十五日已前事三世諸佛說不到十五日已後事一大藏教詮不及正當十五日猶如倚天長劍誰敢當鋒峭壁懸崖那容措足直得心無所緣目無所觀耳無所聽口無所言猶未得一片在到這裏如何卽是逢人且說三分話未可全拋一片心



上堂云。卽心卽佛。認奴作郎。非心非佛。斬頭覓活。總不恁麼。困魚止澗。病鳥棲蘆。別有機關。避得風雷。重遭霹靂。且道。太平爲人在甚麼處。若也知得。喚鹽聞鹹。喫醋聞酸。若也不知。布袋裏老鴰。雖活如死。

上堂云。日日說時。學似地擎山。爭幾許。隴西鸚鵡得人憐。大都只爲能言語。休息惟帶伴侶。智者聊聞猛提取。更有一般也。大奇。貓兒偏解捉老鼠。

上堂云。泡幻同無礙。如何不了悟。達法在其中。非今亦非古。諸人者。四大五蘊。是泡幻。見聞覺知。是泡幻。十二處十八界。二十五有。山河大地。有情器世間。無不是泡幻。那箇是無礙。若也見得。方知道終日忙忙。那事無妨。苟或未然。易尋溪上路。難覓洞中天。

上堂云。五目莫覩其容。二聽絕聞其響。古人恁麼道。殊不知語之不全。旨之有缺。五目莫覩其容。舉起拂子云。有眼者盡見。爭得不覩其容。二聽絕聞其響。復擊禪床云。有耳者盡聞。爭得不聞其響。不聞不見。何異盲聾。既聞既見。憑何旨的不觸波瀾。招慶月動人雲。雨鼓山雷下座。

上堂云。迷不自迷。對悟立迷。悟不自悟。因迷說悟。所以悟爲迷之體。迷爲悟之用。迷悟兩無。從箇中無別共無別。共撥不動。祖師不將來。鼻孔千斤重。

舒州龍門清遠禪師法嗣

福州鼓山士珪禪師。凡五。西蜀人也。示衆云。一向恁麼去。底人喚不回。頭脚跟下。已喫三十棒了。也一向恁麼來。底人把捉不住。頂門上。更與一錐。新天寧因病。識病所以用。桶出桶。須是恁麼人。始得還委。恁麼劍爲不平。離寶匣。藥因救病。出金瓶。

示衆云。明明無悟。有法則迷。諸人向這裏立不得。諸人向這裏住不得。若立即差。若住卽瞎。須是意不停。玄句不停。意用不停。機三者。既明一切處。不用管帶。自然現前。一切處不用照顧。自然明白。雖然如是。須知有向上事。始得。遂召大衆云。如何是向上事。乃云。久雨不晴。喝一喝。

示衆云。用機鋒。守癡兀。依理智。住玄默。坐在窠窟裏。縱饒不用機鋒。不守癡兀。不依理智。不住玄默。也未出得窠窟。在諸人作麼生出得窠窟。去良久云。修羅。

捧日遮天面。忿怒那吒。撲帝鍾。喝一喝。

示衆云。釋迦彌勒。猶是他奴。臨濟德山。是何草芥。向上一路。荆棘成林。更欲翻身。墮崖落壑。總不動著。當處活埋。生機臨時。却成亂統。與爾諸人。一時拈了也。恁麼也不得不恁麼。也不得不恁麼。不恁麼總不得作麼生。良久云。穿耳胡僧。葱嶺上。朝來踏雪。馬蹄輕。示衆云。真實本有之事。不可妄求。見成難信之宗。終無所得。爰自雪山付囑。雞足授衣。晝渡重溟。夜航一葦。皆緣上祖。不了殃及兒孫。汝等諸人。各各如初心出家。如初心行脚。直須自重。莫受人譏笑。時足下煙生也。怪天寧不得。

饒州薦福道行禪師。凡七括蒼葉氏子。示衆云。佛說三乘十二分教。頓漸偏圓。癡人面前。不得說夢。祖師西來。直指人心。見性成佛。臨濟三玄。洞山五位。癡人面前。不得說夢。山僧恁麼道。還免諸方檢責也。無所以古人道。石人機似汝也。解唱巴歌。汝若似石人。雪曲也須和。還有和得底麼。若有喚來與老僧洗脚。示衆云。通身是口。說得一半。通身是眼。用得一概。用

不到處說。有餘說。不到處用。無盡所似道。當用無說。當說無用。用說同時。用說不同時。諸人若也擬議。老僧在爾腳底。

示衆云。會即便會。玉本無瑕。若言不會。確甞生花。試問九年面壁。何如大會拈花。南明恁麼。面確也是。順風撒沙。

示衆云。學道人第一不得行理路。若行理路。走殺爾學道人。第一不得行意路。若行意路。縛殺爾。走殺則天上人間。縛殺則三顯六臂。不走不縛。梁根阿師。隨處負墮。且道。過在甚麼處。爾若檢點得出。許爾具通方眼。

示衆舉。璣和尚開僧禪。以何爲義。衆下語。俱不契理。僧請益璣。璣代云。以謗爲義。大衆三世諸佛。是謗。西天二十八祖。是謗。唐土六祖。是謗。天下老和尚。是謗。諸人是謗。山僧是謗。於中還有不謗者也。無談玄說妙。河沙數爭似雙峰。謗得親。

示衆云。釋迦掩室於摩竭。正令不從拗曲。作直淨名。杜口於毗耶。東家厮兒。却在西家。使喚。須菩提。唱經

說而顯道。一人傳虛。釋梵絕聽。而雨花萬人傳實。斯皆理爲神。御故口以之。而默草裏出頭來。豈曰無辯。辯所不能言也。訝郎當漢。又怎麼去也。

僧問。如何是和尙爲人。一句師云。門前石塔子。

撫州白楊仙林禪寺法順禪師。凡七編州魏城文氏子。依止佛眼數年。偶佛眼普說。舉傳大士心王銘云。水中鹽味。色裏膠青。決定是有。不見其形。師於言下。有省。次日入室。眼問云。眞佛住在何處。師云。住在不定處。眼云。既是眞佛。爲甚麼不定。師云。若定。卽非眞佛也。眼領之。自是日。臻堂奧。名動叢林。

示衆云。諸仁者。山僧從來不識好惡。向爾諸人道。究竟一段大事。因緣已是將惡水澆在爾諸人頭上了。也見爾不曉也。事不獲已。更舉拂擎。拳有不識好惡底。衲僧便踏步向前。以語句吟哦。舉頭拂子。殊不知與爾自己了無交涉。爾何不向道理。未成意路。未行已前。道得一句子。穩密密地。莫快活仙林腸肚麼。非但日消萬兩黃金。仙林長老。以身爲床座。教上人說法度生。未爲分外。

示衆云。雞啼曉。月狗吠枯椿。只可默會。難入思量。看不見處。動地放光。說不到處。天地玄黃。撫城尺六。狀紙元來。出在清江。大衆分明話出。人難見。昨夜三更月到窓。

示衆云。我此堅密身。一切塵中見。具相三十二。豈可容方便。老鼠入禾倉。烏狗上佛殿。夜月帶重輪。曉雲拖素練。形容滿世間。少有人看見。若也見。凡聖悟迷成一片。

示衆云。見聞覺知之性。明暗色空之緣。是衆生根本之光明。乃諸佛離念之境。界迷此號爲凡。夫證此謂之先覺。大衆吾無見。滿目青山成一片。金鳥飛上碧霄來。芳草岸頭花影輕。正當怎麼時。如何說箇無見底道理。於斯存見。非吾眷屬。畢竟如何。說箇無見底道理。具擇法眼者。試請辨看。

示衆云。粥後一覺睡。齋時一鉢飯。此外絕馳求。道業自成辦。只如打睡喫飯。却如何說箇道業成辦。底道理。此是仙林成就諸人。打睡喫飯底。因緣。爾若於斯。領覽得去。打睡時。光明射四天下。喫飯時。光明射四



天下乃至一動一靜一語一默。悉皆光明射四天下。脫或未然。且莫錯會。仙林語好。

示衆云。水洗溪邊石。風吹古殿幡。於斯知落處。何必在靈山。

### 潭州開福道寧禪師法嗣

潭州大鴻善果禪師。凡三信州人也。示衆云。大凡參學之士。須參活句。莫參死句。活句下明得。可以權衡。佛祖顯正。摧邪覆育。群生賑濟。孤露若於死句下明得。依草附木。埋沒宗風。自救不可。且如何是活句。莫是路逢死地。莫打殺無底籃子。盛將歸麼。莫是陝府鐵牛。吞却嘉州大像。麼。莫是懷州牛喫禾。益州馬腹脹。麼。莫是天台普請。南嶽上堂。麼。莫是不露鋒骨句。未學先分付麼。若如此。總是死句。且如何是活句。卓拄杖云。有情有理。俱三段。一道神光射斗牛。

示衆云。心生法亦生。心滅法亦滅。心法兩俱忘。烏龜喚作鱉。諸禪德。道得也未。若道得。道林與爾拄杖子。其或未然。歸堂喫茶去。

僧問。久響月庵。及乎到來。庵又不見。月又不現。師云。

老僧罪過。僧作禮。師云。作家作家。

### 南嶽下第十七世

### 前潭州大鴻法泰禪師法嗣

鼎州靈巖仲安禪師。凡五蜀人也。示衆云。參禪不究淵源。觸途盡爲留礙。所以守其靜默。澄寂虛閑。墮在毒海。以弱勝強。自是非他。立人我見。量處偏枯。忽若能殺不能活。能活不能殺。則被物流轉。忽若殺活齊致。優劣不分。照不攝。用用不離。窠此乃學處不立盡。爲流俗到這裏。須知有殺中透脫。活處藏機。佛不可知。祖莫能測。所以古人道。有時先照後用。且要共備商量。有時先用後照。備須是箇漢。始得。有時照用同時。備又作麼生。抵當有時。照用不同。時又向甚麼處湊泊。還知麼。穿楊箭裏。驚人句。不是臨時學得來。師爲佛性和尚。往蔣山圓悟和尙處。通法嗣。書悟於法堂上。接書問。千里持來。不辱宗風。公案見成。如何通信。師云。覲面相呈。更無回互。悟云。此是德山底。作麼生。是山座底。師云。豈有第二人。悟云。背後底。師便通書悟云。作家禪客。師云。分付蔣山。

師到僧堂前捧書問訊。首座即蓬萊和尚問立沙白紙。此自何來。師呈起書云。見麼。座引手接書。師縮却書云。久默斯要不務速說。今日拜呈。幸希一覽。座便喝。師云。作家座。又喝。師遂打一書。座擬接。師云。未明三八九不免自沉吟。座無語。師又打一書云。接。

時圓悟同佛眼在法堂前。見悟云。打我首座死了也。眼云。官馬厮踢有甚憑據。師聞應聲云。甚麼官馬厮踢。正是龍象蹴踏。悟喚師來云。我五百衆中首座。偏爲甚打他。師云。和尚也好喫一頓始得。悟顧佛眼吐舌。眼云。未在。眼却問師。空手把鋤頭。步行騎水牛。人從橋上過。橋流水不流。偏作麼生會。師曲躬云。如上所供。並皆詣實。眼笑云。元來是屋裏人。

師至五祖自和尙處。通書自問書裏說甚麼事。師云。文彩已彰。自云。畢竟說箇甚麼。師云。當陽揮寶劍。自云。近前來。這裏不識數字。師云。莫詐。敗自顧侍者云。這箇是那裏師僧者。云。此首座曾在和尚座下去。自云。怪得與麼骨頭。師云。曾被和尚鈍置來。自將書於香爐上薰。云。南無三滿駄。沒多南師。近前彈指而已。

潭州芙蓉清旦。禪師凡六。蓬州儀禮嚴氏子。謁德山秦禪師。聞上堂舉趙州云。臺山婆子已爲汝勘破了也。意在甚麼處。良久云。就樹摘將黃葉去。入山推出白雲來。師於言下釋然。翌日入室。秦問前百丈不落因果。因甚墮野狐。後百丈不昧因果。因甚脫野狐。師云。好與一坑埋却。秦復徵詰。著著脫穎。語皆不凡。後又因看華嚴經。有云。破塵出經。卷師當下心境消融。聖凡情盡。不覺手舞足蹈者。終日泰學立僧名動一時。

示衆云。至眞絕相。非相無以顯眞。至理忘言。非言無以明道。所以理隨事變。遇緣卽宗。事得理融。隨機應物。如雲出岫。似谷傳聲。要須物我雙忘。自然圓機普應。然後離名絕相。聲色純眞。但盡凡情。別無聖解。示衆云。見色明心。墮坑落壑。聞聲悟道。辜負平生。直饒聲色純眞。塵塵入妙。坐在光影裏。未爲究竟。直須萬機休罷。千聖不携。撒手那邊。跳出窠臼。到這裏亦無人亦無佛。大千沙界海中漚。一切聖賢如電拂。且道釋迦老子向甚麼處出頭。良久云。放過一著。

示衆云。夜夜抱佛眠。朝朝還共起。起坐鎮相隨。語默同居止。分毫不相離。如身影相似。欲識佛去處。只這語聲是。衆中不曉古人意。便認業識以爲心性。如乘破缸以渡大海。如將畫餅以飽飢腸。無有是處。須知我此門庭。深固幽遠。無人能到。若有到者。終日同門出入。各不相知。終日共箇舌頭。各不相識。同中有異。異中有同。同異不相知。步步無前後。若能如是。卽色卽心。卽人卽佛。山花開似錦。徧界不曾藏。澗水湛如藍。通身無影像。直饒恁麼墮在死水中。且轉身一句作麼生。道龍向洞中喚雨。出鳳從花裏帶香歸。示衆云。一葉落。天下秋。一塵舉。大地收。智者聊聞猛。提取莫待須臾。失却頭。且道是那箇。一塵明。眼漢沒窠臼。纔聞舉著。拈來使用。不撥一塵。糞掃堆頭。現丈六金身。不撥一境。向蠅螟眼裏。開張世界。隱在一塵中。使天下人不見蹤跡。向一塵中移身換步。換却天下人眼睛。所以道。靈鋒寶劍。常露現前。有時出。就佛祖不存文。殊普賢也。須貶向鐵圍山下。有時入。就風清月白。狸奴白牯。直入蓮花座間。且不出不入時。如

何施設良久云。吽。泊乎。打破蔡州。

示衆云。說佛說祖。正如好肉剜瘡。舉古舉今。猶是殘羹餽飯。一聞便悟。已落第二頭。一舉便行。早是不著。便須知箇事。如天普蓋。似地普擎。師子游行。不求伴侶。力士伸臂。不借他力。佛祖拈掇不起。袈裟顯見無門。迷悟雙忘。聖凡路絕。且道從上諸聖。以何法示人。咄。莫妄想。

臨安府徑山宗杲禪師法嗣

福州西禪鼎需禪師。凡七本州長樂林氏子。本老儒。業旬休日。入僧寺。見遺教經。戲看數板。忽然有省。遂辭親祝髮。一錫湖湘。凡叢林有聲者。例造參扣。法無異味。如水乳合。眼空諸方。無可意者。遂歸桑梓。結茅於羌峰絕頂。不畜童僕。唯一繩床客。至席地而已。不下山者三年。大乘佛心。才禪師屢邀不出。後修書責之曰。夫出家兒。既得安樂處。宜弘通大法。以報佛恩。厭喧求靜。獨善其身者。豈智人達士乎。力挽之。既出首衆。大乘嘗問學者。卽心卽佛。因緣時妙。喜庵于洋。

巖師之友彌光與師書云庵主手段與諸方別可來少款如何師笑而不答光以計邀師飯師往赴之纔及門會妙喜爲諸徒入室師隨喜焉妙喜問僧問處祖如何是佛祖云卽心是佛作麼生師下語妙喜晤之曰備見解如此敢妄爲人師耶鳴鼓普說揭其平生珍重得力處排爲邪解師淚交頤不敢仰視默計曰我之所得旣爲所排西來不傳之旨豈止於是耶遂歸心弟子之列一日妙喜問師內不放出外不放入正恁麼時如何師擬開口妙喜拈竹篋劈脊連打三下師於此大悟戾聲云和尚已多了也妙喜又打一下師作禮妙喜笑云汝今日方知道吾不汝欺也遂印以偈云頂門豎亞摩醯眼肘後邪懸奪命符瞎却眼卸却符趙州東壁挂葫蘆於是名動叢林示衆云句中意意中句須彌峰于巨川句刻意意刻句烈士發乎狂失任待牙如劍樹口似血盆徒逞辭鋒虎張意氣所以淨名杜口早涉繁詞摩竭掩關已揚家醜自餘瓦棺老漢巖頭大師向羌峰頂上拏風鼓浪旣弄神變脚跟下好與三十且道過在甚麼處

良久云機關不是韓光作莫把胃襟當等閑示衆云奔流度刃未是作家疾談過風猶爲鈍漢所以盛指悟道重益瘡疣擊竹忘知一場瞢瞢縱饒伎倆俱盡氣息全無點檢將來直是未在向上一路千聖不傳學者勞形如猿捉影旣是不傳達磨一宗因甚到于今日喝一喝云切忘認驢鞍橋作阿爺下領示衆云太虛挂劍用顯吾宗按坐神威如何近傍縱具回天轉地電卷星馳底手段要且不堪効敵而今莫有別休咎者麼便請出來相見如其稍遲涉回一鎚直教粉碎喝一喝

示衆云承言易墜滯句轉迷坐却舌頭別須有眼假饒知有不是俊流攢眉却回未爲性燥翻然一擲騰過太虛只這威稜誰敢觀著汝纔目顧他位腳踏他門盡是影響不真狐狸戀屈一鎚粉碎未稱平生不見道欲知此事直須揮劍若不揮劍漁父棲巢正恁麼時如何卽是良久云將此深心奉塵刹是則名爲報佛恩

至節示衆云二十五日已前群陰消伏泥龍閉戶二

十五日已後一陽來復鐵樹開花正當二十五日慶  
中醉客騎驢騎馬街後街迎相慶賀物外閑人帶  
帳蒙頭圍爐打坐風蕭蕭雨蕭蕭冷冰冰誰管爾張  
先生李道士胡達磨

示衆云橫按鎮鄧虛張意氣穿開鐵壁徒費精神直  
饒不動神鋒坐致太平堯舜之君猶有化在

福州龜山彌光禪師凡七本州人也徧歷叢林後謁

妙喜平生所得五技而窮凡半年無啓口處一日入  
室妙喜問喫粥了也洗鉢盂了也燒香行道了也去  
却藥忌道將一句來師云裂破妙喜色莊云又來這  
裏說禪那師於言下大悟徧體汗下遂作禮妙喜以  
偈印之云龜毛拈得笑哈哈一擊萬重關鎖開慶快  
平生是今日孰云千里賺吾來師亦作投機頌云輕  
輕一拶怒雷吼驚起法身藏北斗洪波浩渺浪滔天  
拈得鼻孔失却口後開法泉之教忠終于本山

示衆云雨霽雲收巖巖生翠風和日暖殿閣生春聚  
間乳燕語關關原上天桃紅灼灼最好是靈雲一見  
自謂平生不疑玄沙聞來便道深談實相二老漢具

頂門眼有時後符檢點將來未免尋聲逐色且道透  
脫一句又作麼生還委悉麼乍雨乍晴寒食節半明  
半暗禁煙天

示衆云月生一言勘破維摩詰月生二百草頭邊  
恣游戲月生三百枯狸奴解放恣放行則錦上添花  
把住則真金失色敢問大衆把住好放行好良久云  
深秋簾幕千家雨落日樓臺一笛風

示衆云有句無句如藤倚樹師云放恣作麼及手樹  
倒藤枯句歸何處情知爾諸人卒討頭鼻不著爲甚  
如此只爲分明極翻令所得遲

示衆拈起拄杖卓一卓喝一喝云不是坐來頻勸酒  
自從別後見君稀

示衆云夢幻空花何勞把捉得失是非一時放却遂  
擲下拂子云山僧今日已是放下了也汝等諸人又  
作麼生遂喚侍者云收取拂子

僧問見與師齊滅師半德見過於師方堪傳授只如  
見與師齊爲甚麼却滅師半德師云我不可參雲門  
禪不得云見過於師方堪傳授未審傳箇甚麼師云



莫謗他好

福州東禪思岳禪師凡三本州人也。示衆云。啞却我口。直須要道。塞却爾耳。切忌蹉過。昨日有人從天台來。却道泗洲大聖在洪州打坐。十字街頭賣行貨。是甚麼。斷跟草鞋。尖簷席帽。

師問僧甚處來。云黃檗來。師云黃檗有何言句。云某甲到這裏一時忘却。師云上座豈不是黃檗來。云是。師云又道忘却。僧擬議。師便喝出。

師問僧道人相見時如何。云更無餘事。師云趙州道呈漆器。又作麼。生僧便喝。師云爾道無餘事。又喝作麼。僧擬議。師便打。云莫道無餘事好。

福州西禪守淨禪師凡四示衆云。未到雲門不免岐路波吒。前不至村後不至店。及乎到來又須透出。始得若不透出。坐在裏許前面毒蛇成群。背後猛虎無數。頭上火是迸散。脚下劍戟森然。而今一衆盡在裏許。眉毛相似。眼孔一般。誰是透出者。誰是透不出者。明眼高人試爲雲門指出貴圖。一夏在此亦不虛過。儻或不爾。還我九十日飯錢來。

示衆云。善鬪者不顧其首。善戰者必獲其功。其功既獲。坐致太平。太平既致。高枕無憂。罷拈三尺劍。休弄一張弓。歸馬于華山之陽。放牛于桃林之野。風以時而雨。以時漁父歌而樵人舞。雖然如是。堯舜之君猶有化在。爭似乾坤收不得。堯舜不知名。渾家不管與亡事。偏愛和雲占洞庭。

示衆云。閉却口。時時說。截却舌。無間歇。無間歇。最奇絕。最奇絕。眼中屑。既是奇絕。爲甚麼却成眼中屑了。了時無可了。玄玄處亦須呵。

示衆學教中。道佛滅度後。其爲善知識者。總是見佛來。後來歸宗和尚。道其爲善知識者。不可容易所觀。善知識者。亦不可輕慢。師云。歸宗恁麼道。恰似新婦怕阿家。未免隨他舌頭轉。殊不知其爲善知識者。只是箇瞎漢。所觀善知識者。如宿世冤家。便好剗却眼睛。掀却腦蓋。雖然如是。未足酬恩。

建寧府開善道謙禪師凡入本府人也。初之京師。謁圓悟禪師。無所省發。後隨妙喜庵居泉南。妙喜領徑山師亦侍行。未幾令師往長沙通紫岳居士張丞相。

書師自謂我參禪二十年。無入頭處。更作此行。決定荒廢。意欲無行。友人宗元者。叱曰。不可。在路便參禪。不得也。去吾與汝俱往。師不得已而行。在路泣謂元曰。我一生參禪。殊無得力處。今又途路奔波。如何得相應。去元告之曰。爾但將諸方參得底。悟得底。圓悟妙喜爲。爾說得底。都不要理會。途中可替底事。我盡替。爾只有五件事。替爾不得。爾須自家知。當師云。五件者何事。願聞其要。元云。著衣飯喫。屙屎送尿。寢箇死屍路上。行師於言下。領旨不覺。手舞足蹈。元復告之曰。爾這回方可通紫巖書。汝可前進。吾當歸矣。元卽皈徑山。師到長沙。留半載。秦國太夫人日常看經。因問師云。徑山和尚尋常如何教人參禪。師云。和尚令人屏去雜事。唯看僧問趙州。狗子還有佛性也無。州云。無。又僧問雲門。如何是佛。門云。乾屎橛。但一切時。一切處。頻頻提撕。看以悟爲。則國太欲辨此事。宜輟看經。專一體究。始得。國太依教。未及月餘。俄有省發。作偈云。逐日看經文。如逢舊識人。勿言頻有礙。一舉一回新。師告回。及徑山妙喜策杖門待。一見而喜。

曰。建州子。爾這回別也。於是日益玄奧。後出世玄沙。遷建寧。開善而終焉。

示衆云。祖師門下。本分提綱。任是明眼衲僧。到此罔知所措。假使十方利海塵沙。如來同時出現。現無量神通光明。發無窮辯才智。慧總用一點不著。直得心機泯絕。凡聖無蹤。如萬仞壁立懸崖。一切人無湊泊處。便恁麼去。盡法無民。到這裏事不獲已。通一線道。故先聖謂之脫珍御服。著弊垢衣。回首塵勞。曲開方便。所以達磨大師。從西土來。抑下無限威光。向少林面壁九年。守株待兔。更有箇神光。座主不識。好惡立雪齊腰。自斷左臂。達磨乃問。爾立雪斷臂。當爲何事。光云。某甲心未寧。乞師安心。達磨云。將心來。與汝安。光良久云。覓心了不可得。達磨云。與汝安心。竟啞好鈍。置殺人當時。何不捩轉面皮。教這老漢一場懣懣。可惜放過。直至如今。令人扼腕。後來又問。汝自見吾得箇甚麼。光禮拜依位而立。便揉糊他道。汝得吾髓。轉見不堪。自此一人傳虛。萬人傳實。喚作傳法救迷情。一例墮他野狐窠裏。更無一箇軒昂特立不受人。

謾獨脫底大丈夫只今莫有恁麼人麼有則出來對人天衆前分明吐露一任飛當激電奪鼓攪旗也要爲舟爲梁爲龜爲鑑庶不辜檀越今日請山僧出世而山僧亦不虛出來施設彼此利益豈不快哉有麼有麼如無且看拄杖子逞神通去也。驚拈拄杖卓一下云莫怪從前多意氣他家曾踏上頭關。

示衆云竺土大僊心東西密相付如何是密付底心良久云八月秋何處熱。

示衆云德山入門便棒大似傍若無人臨濟入門便喝也是乾氣眼俱眨一生只豎箇指頭蝦跳何曾出得斗雪峰輓毬禾山打鼓祕魔擎杖道吾作舞盡是小兒戲劇自餘之輩故是熱大不緊且畢竟如何花須連夜發莫待曉風吹。

示衆云擬則喪動則乖不擬不動又似箇無孔鐵鎚有甚麼提掇處到這裏須是咬豬狗底手脚偏不見臨濟侍立德山山云今日困濟云這老漢寐語作麼山擬拈棒濟便掀倒繩床偏看他兩箇老作家等閑蕩蕩地鋒鈍不露忽然觸著便如草窠裏大蟲突然

地誰敢近著近著則喪身失命所以道據虎頭收虎尾第一句下明宗旨敢問大衆且道虎頭作麼生據虎尾作麼生取把甚麼爲第一句以何爲宗旨作家漢不要囊藏試對衆吐露看如無山僧自道去也。驚拈拄杖卓一下云峰頭有眼明如日要識真金火裏看。

示衆云壁立千仞三世諸佛措足無門是則是太殺不近人情放一線道十方利海放光動地是則是爭奈和泥合水須知通一線道處壁立千仞壁立千仞處通一線道橫拈倒用正按傍提電激雷奔崖巖石裂是則是猶落化門到這裏壁立千仞也沒交涉通一線道也沒交涉不近人情和泥合水總沒交涉只這沒交涉也則沒交涉是則是又無佛法道理若也出得這四路頭管取乾坤獨步且獨步一句作麼生道莫怪從前多意氣他家曾踏上頭關。

示衆云說佛說法誑惑盲聾論性論心自投陷穽行棒行喝倚勢欺人瞬目揚眉野狐精魅總不與麼大似揚聲止響別有奇特也是望空啓告畢竟如何白。



雲盡處是青山行人更在青山外

結夏示衆云。把住世界不漏絲毫。坐斷要津。豈通凡聖。開諸佛出世說法度人。天雨四花。地搖六震。當甚麼熱盃。鳴聲見天下宗師。大機大用。電卷風旋。雲行雨施。如夢相似。說甚麼安居。禁足結制。護生謹守。蠟人無繩自縛。料掉沒交涉。直饒到此境界。方喚作衲僧。平常行履處。未是宗門。向上事。且作麼生。是宗門向上事。欲言言不及。林下好商量。

聯燈會要卷第十七

聯燈會要卷第十八

住泉州崇福禪寺嗣祖比丘 悟明 集

南嶽下第十七世

臨安府住山宗杲禪師法嗣下

江州東林道顏禪師凡十蜀人也。久參圓悟。一日商確古今。師每當仁不讓。悟喝云。爾參禪不求正悟。只管信口亂道。作麼師不覺汗下。歸堂坐禪。徹夜不寐。

忽然猛省。不覺失笑。次日復見圓悟。議論鋒發。略無疑滯。悟即點頭。師云。昨日亦如此。祇對和尚爲甚麼不肯。今日亦如是。又却點頭。悟叱曰。癡漢。爾昨日雜妄想心也。師作禮云。元來釋迦老子無神通也。師待圓悟游山。見園頭燒糞煙起。悟問煙從甚處起。師云。從糞堆頭起。悟休去。悟歸寂。師復依妙喜徹證闍域。首衆徑山名徧叢林。

示衆云。祖師巴鼻。列聖鉗鎚。驅耕夫牛。奪飢人食。耽耽虎視。凜凜全威。如商君法。如孫武令。有死無犯。除非久戰沙場。嗅土知機。望風決勝。識進退存亡者。聊通一線。若是已眼未開。以蝦爲目者。只了趙隊喫飯。無自由分。如今莫有當陽定奪底。衲僧麼。山僧性命盡在諸人手裏。

示衆云。法無定相。理絕去來。道無古今。體離生滅。若離生滅。去來趣向。法道何異。緣木求魚。捕風繫影。諸人欲識道法根源。便是生死根本。還委麼。河裏失錢。河裏攬。

示衆云。一塵纔舉。大地全收。新羅國裏打鐵。火星飛。

燒著雲門。脚指頭則且置。眉毛在眼上。爲甚麼不見衆中多口阿師。被這一問。便須亡鋒結舌。直饒雲門見得。亦須口似磑盤。或有問。已庵又且如何。良久云。理合如是。

示衆云。向上一竅。八面玲瓏。覲面一機。全身擔荷。是則金鑰難掩。非則玉石俱楚。擬議不來。銀山粉碎。總不恁麼。又且如何。是非不挂娘生口。自有傍人話短長。

示衆云。萬物始於生生。生者無生。變化非於始。始者無始。然則無生無始。物之性也。萬物有性情。古今有死生。死故因於生。生故因於情。情積不休。生死流注。是以如來出世演萬行之因。花祖師西來喝一乘之妙法。根性猛利。靈覺獨存。底坐斷報化佛頭。以蝦爲目。借人鼻孔出氣。底未免生死海裏頭出頭沒。是故名爲可憐憫者。

示衆云。圓通門戶八字打開。若是從門入。得不堪共語。須是入得無門之門。方可坐登堂奧。所以道。過去諸如來。斯門已成。就現在諸菩薩。今各入圓明。未來

參學人當依如是法。從上諸聖。幸有如此廣大門風。不能繼紹。甘自鄙棄。穿窬牆壁。好不丈夫。敢問大衆。無門之門。作麼生入。良久云。非唯觀世音。我亦從中證。

示衆云。牀窄先臥粥稀。後坐熬。卽取涼寒。卽向火拾得哭寒。山笑莫道無事好。

示衆云。法無定相。遇物斯形。事無固必。功成不宰。有時風高寥廓。不可得而親疎。有時屈已伸他。不可得而翫狎。恁麼則易不恁麼。則難。世法佛法。俱成戲論。須知老僧不在這裏。且道在甚麼處。披蓑側立千峰上。引水澆蔬五老前。

僧問。如何是佛師。云。誌公和尚云。某甲問佛和尚。爲甚麼答誌公和尚。師云。誌公不是閑和尚。云。如何是法師。云。黃絹幼婦。外甥蓋曰。云。意旨如何。師云。絕妙好辭。云。如何是僧師。云。釣魚虹上。謝三郎云。如何不直說。云。玄沙和尚云。向上還更有事也。無師云。王喬詐仙得仙。僧呵呵大笑。師乃扣齒。

僧問。香巖上樹話意旨如何。師云。描不成。畫不就。云。

李陵雖好手。爭免陷番身。師云甚麼處去來。

饒州薦福道本禪師凡五。江州人也。示衆云。高揖釋迦。不拜彌勒者。與三十拄杖。何故爲他。只會步步登高。不會從空放下。東家牽犁。西家拽把者。與三十拄杖。何故爲他。只會從空放下。不會步步登高。高山僧。恁麼道。還有過也。無衆中莫有檢點得出者。麼。若檢點得出。須彌南畔把手共行。若檢點不出。布袋裏老鴰。難活如死。

示衆。舉聖法師道。諸法無異者。不可續。截鶴移嶽。盈壑。然後爲無異者。哉。師云。僧堂穿過。厨庫佛殿。走出三門。拽占波共新羅鬪額雲門。扇子踈跳上。三十天。壓著帝釋鼻孔。東海鯉魚打一棒。雨似盆傾。且道是異。無異。良久云。用盡自己心。笑破他人口。

示衆云。千峰頂上一句子。十字街頭不知十字街頭。若知便是千峰頂上十字街頭。一句子。千峰頂上莫測。千峰頂上若測。便是十字街頭。恁麼也得。不恁麼也得。恁麼不恁麼。總得然後種田博飯。拽把牽犁。混俗和光。拖泥帶水。正當恁麼時。且道到家一句作麼。

生道良久云。一堂風冷淡。千古意分明。

示衆云。當頭坐。斷未解轉身。踏步向前。脚跟踉蹌。過直下。漆桶子脫去。馬簸箕三十年不少鹽。醬是甚熱。紐鳴聲老趙州十八上。便解破家散宅。徒爲戲論。雖然。如是不因一事。不長一智。

示衆云。善言言者。言所不能言。言既無言。終日言而未嘗言。善跡跡者。跡所不能跡。跡既無跡。終日跡而未嘗跡。譬如虛空。體非群象。而不礙諸相。發揮日出之時。明徧天下。而虛空未嘗明。日沒之時。暗徧天下。而虛空未嘗暗。如今忽有箇不受人謾底。聞恁麼說話。忍俊不禁。出來掀倒繩床。喝散大眾。向三千里外。側足威音那畔。搖頭視佛祖。如萬世仇讎。聞禪道。似千錐割耳。豈不是有些褻僧氣。息雖然。如是要且只入得祖師門。未入得祖師室。在敢問大眾。且道祖師室。畢竟作麼生入。還委悉麼。白雲乍可來青嶂。明月難教下碧天。

潭州大鴻法寶禪師凡三。福州人也。示衆云。一句語具三玄門。一玄門具三要。路有玄。有要。孰得知人臂。

那吒擎鐵柱。擊拂子云。是立門。是要路。若縑素得出。許備具。衲僧正眼。其或未然。却爲諸人。指出玉兔。挨開碧海門。金鳥飛上珊瑚樹。

示衆。舉肇法師道言之者。失其真。知之者。返其愚。有之者。乖其性。無之者。傷其軀。大衆。古人一期方便。大似把髻投衙。抱賊叫屈。衲僧門下。千山萬水。且道。衲僧有甚長處。舉頭天外。看誰是箇中人。

示衆云。了角女子。雪滿頭。毗盧頂上。倒騎牛。寒山拾得。呵呵笑。不風流處也風流。雖然如是。且道。拾得寒山笑箇甚麼。拈起拄杖云。還見麼。一片月生海。幾家人上樓。

明州阿育王佛照德光禪師。凡七臨江。軍彭氏子。志學之年。依本郡南山光化寺吉禪師落髮。一日入室。吉問。不是心。不是佛。不是物。是甚麼。師罔措。遂致疑。通夕不寐。次日詣方丈請益。昨日蒙和尚垂問。旣不是心。又不是佛。又不是物。畢竟是甚麼。望和尚慈悲。指示。吉震威一喝云。這沙彌。更要我與爾下注脚在。拈棒劈脊打出。師於是有省。後謁月庵果應庵。華百

丈震終不自肯。適妙喜領育王四海英材。鱗集師亦與焉。妙喜室中。問師喚作竹筴。則觸。不喚作竹筴。則背。不得下語。不得無語。師擬對妙喜。便棒師豁然大悟。從前所得。瓦解冰消。

示衆云。臨濟三遭痛棒。大愚言下。知歸與化。於大覺棒頭。明得黃檗意旨。若作棒會入地獄。如箭射若不作棒會入地獄。如箭射衆中商量。盡道赤心片片。思大難酬。總是識情卜度。未出陰界。且如臨濟悟去。是得黃檗力。是得大愚力。若也見得。許備頂門眼。正肘後符。靈其或未然。鴻福更爲諸人通箇消息。丈夫氣宇衝牛斗。一踏鴻門兩扇開。

示衆舉金剛經云。三世諸佛及諸佛阿耨多羅三藐三菩提法。皆從此經出。錯認定盤星。德山入門便棒。臨濟入門便喝。著甚死急。天下老和尚拈鎚豎拂。瞬目揚眉。自屎不知臭。浮山冷地觀著。這一隊漢。敗闕不少。諸人若也知去。許他鼻孔遼天。若也未知。且莫雲居羅漢。

示衆舉僧問靈樹。如何是祖師西來意。樹據坐樹舉

似雲門云如何得一轉語鑄上碑去門云不難遂代云師後來白雲端師翁頌云師之一字太巍巍獨向寶中寔是非畢竟水須朝海去到頭雲定覓山歸山僧卽不然師之一字見還難直下須教透祖關縱使頂門開正眼前頭更有萬重山

示衆云七手八脚三頭兩面耳聽不聞眼覷不見苦樂逆順打成一片且道是甚麼路逢死地莫打殺無底籃子盛將歸

示衆云聞聲悟道落二落三見色明心錯七錯八生機一路猶在半途且道透金剛圈吞栗棘蓬底是甚麼人披蓑側立千峰上引水澆蔬五老前

僧問浩浩塵中如何辨主師云巾峰頂上塔心尖

福州雪峰崇聖普慈蘊聞禪師凡二洪州沈氏子久依妙喜發明心要後出世信州懷玉遷福州幽巖雪

峯被旨住臨安雙徑再乞歸老于本山

示衆云大丈夫事不要回頭轉腦擬議則喪身失命鄉關萬里到這裏象王行處狐兔潛蹤師子嘯呌野干腦裂釋迦彌勒猶是他奴文殊普賢權爲小使臨

機應變不失其宜放去也春花似錦海晏河清收來也衲僧禍害佛祖冤讎敢問諸人總不恁麼落在什麼處豎起拂子云天人群生類皆承此恩力

示衆云拈花微笑飯裏著砂少室傳心腦門中箭行棒行喝大膽靈心舉古舉今蝦蟇涎唾修禪入定活殯深埋如斯舉唱哂者還多具眼衲僧一撥便轉雖然如是事無一向案不空行又道殺人須是殺人刀活人須是活人劒殺人刀則不問作麼生是活人劒喝一喝下座

示衆云旃檀叢林旃檀圍繞師子叢林師子圍繞虎狼叢林虎狼圍繞荆棘叢林荆棘圍繞大衆四種叢林合向那一種叢林安居好若也明得九十日內管取箇箇成佛作祖其或未然般若叢林歲歲凋無明荒草年年長

建寧府竹原庵主宗元凡六本府連氏子久隨妙喜得旨之後徑歸桑梓結茆茹晦諸方屢請不出終于是庵

示衆云達磨西來已成多事二祖安心一生受屈後



來乘虎接響將謂多少禪道佛法盡是迷頭狂怖殊不知古聖曲垂方便事出急家今時滿口道隨意說如之若何盡是染汚兄弟不知却謂是好點頭嚙唾若真實全體作用却理會不得蓋謂不曾證悟不遇真善知識向心意識裏卜度自謂百了千當苦哉可惜許皮下還有血麼老僧只是箇喫飯屙屎底老和尚無一法與人備纔入門便知備端的若是箇中人如上將軍出陣不顧危亡得失決勝千里把從上佛祖蹈向脚跟下一突突出噉天下人不奈爾何然後更須知有向上一竅子若透頂透底方得自由自在若只得箇入頭處便寶惜坐在勝妙境界中堪作甚麼大丈夫漢一等是踏破草鞋須是大徹大悟方能出生入死如其毫髮不透則十萬八千人云轉凡成聖易轉聖成凡難如今凡聖難易總不得動著但一切時中著精彩看忽然撞著無面目漢老僧罪過彌天達磨二祖隱身無地

師垂語云諸方爲人抽釘拔楔解粘去縛我這裏爲人添釘添楔加繩加縛送向深潭裏待地自理會

師垂語云參禪須是透徹這一著子始得悟了大法不明者固有之大法雖明脚跟下紅線子不斷者比比皆是諸方問怎麼道盡罵老僧云既是大明明了又安得脚跟下紅線子也怪他不得爲渠欠這一解盡教他疑著

師垂語云這一些子恰如撞著殺人漢相似爾若不殺了他他便殺了爾

師垂語云楞嚴經有十種魔界如今盡大地人參禪更高也出他不得時有僧云和尚落在第幾界師云和爾在裏許僧云某甲不入這保社師云驢漢爾擬那裏去那

平江府資壽尼妙總禪師凡五師偏參諸大老後謁妙喜于徑山因上堂問舉石頭云怎麼也不得不怎麼也不得怎麼不怎麼總不得因緣時馮楫侍郎在座下忽有省趨方丈告妙喜曰和尚適來舉石頭話楫會也妙喜曰侍郎作麼生會馮云怎麼也不得蘇嚕娑婆訶不怎麼也不得嚕哩娑婆訶怎麼不怎麼總不得蘇嚕嚕哩娑婆訶須臾師至妙喜舉侍郎語

◆點悉歎

似師師笑云郭象註莊子有識者謂莊子註郭象妙喜點之次日入室妙喜問古德既不出門因甚却在莊上喫油糍師云和尚放妙總過卽道妙喜云我放備過試道看師云妙總亦放和尚過妙喜云爭奈油糍何師便喝遂出去作投機頌云。蕭然摸著鼻頭伎倆冰消瓦解達磨何必西來二祖枉禮三拜更問如何若何一隊草賊大敗後出世平江資壽

示衆云宗乘一唱三藏絕詮祖令當行十方坐斷二乘聞之怖走十地到此猶疑若是俊流未言而喻設使用移星換斗底手段施機奪鼓底機關猶是空拳豈有實義向上一路千聖不傳學者勞形如猿捉影靈山付囑俯仰時機演唱三乘各隨根器始於鹿野苑轉四諦法輪度百千萬衆山僧今日與此界他方乃祖乃佛山河大地草木叢林見前四衆各轉大法輪交光相羅如寶絲網若一草一木不轉法輪則不得名爲轉大法輪所以道於一毫端現寶王刹坐微塵裏轉大法輪乘時於其中間作無量無邊廣大佛事一一佛事周徧法界一爲無量無量爲一小中

現大大中現小不動步遊普賢樓閣不反聞入觀音普門情與無情性相平等不是神通妙用亦非法爾如然於此個儻分明 皇恩佛恩一時報足且道如何是報恩一句天高群象正海闊百川朝

示衆云若也孤峯頂上目視雲漢則辜負先聖若也披毛帶角土面灰頭又埋沒已靈於斯二途誠難去取若也全提正令如倚天長劍凜凜神威恁麼也不得不恁麼也不得若放一線道合水和泥則恁麼也不得不恁麼也得便能向虎穴魔宮安身立命街頭市尾入草求人驅耕夫牛奪飢人食不爲分外若是聽不出聲見不超色未免望崖而退所以道直似秋潭月影靜夜鐘聲隨扣擊以無虧觸波瀾而不散猶是生死岸頭事到這裏直須上無攀仰下絕已躬人人常光現前箇箇壁立千仞還委悉麼鶴有九臯難翥翼馬無千里謾追風

示衆云若論此事如按太阿擬之則犯鋒傷手如大火聚近之則燎却面門若是同聲相應同氣相求則舉一明三目機鉢兩如奔流度刃似疾焰過風聊聞



舉著踢起便行。可以起臨濟宗。可以持摩竭令點著。不來白雲萬里。所以道懸崖撒手。自肯承當。絕後再甦。欺君不得。非常之旨。人焉廋哉。我恁麼告報。猶涉化門。且道不涉化門一句。又作麼生。畢竟水須朝海。去到頭雲定覓山歸。

問如何是奪人不奪境。師云。野花開滿路。徧地自清香。云如何是奪境不奪人。師云。茫茫宇宙人無數。那箇男兒是丈夫。云如何是人境俱不奪。師云。處處綠楊堪繫馬。家家門底透長安。云如何是人境兩俱奪。師云。雪覆蘆花舟橫斷岸。

温州淨居妙道禪師。凡五延平黃氏子也。徧參尊宿。後謁妙喜。因妙喜室中問。不是心。不是佛。不是物。是什麼。師立門外聞之。豁然大悟。妙喜印具所解。後開法延平。福興後終于本山。

僧問。言無展事。語不投機。時如何。師云。未局已前墮坑落壑。乃云。問話且止。直饒有傾湫之辯。倒嶽之機。納僧門下一點。也用不著。且佛未出世時。一事全無。我祖西來。便有許多建立。列刹相望。基布名山。以至

今日累及兒孫。遂使山僧於人天大衆前。無風起浪。向第二義門。通箇消息。語默該不盡底。彌亘大方。言詮說不及處。徧周沙界。通身是眼。觀面當機。電卷星馳。如何湊泊。有時一喝。生殺全威。有時一喝。佛祖莫辨。有時一喝。八面受敵。有時一喝。自救不了。且道那一喝。是生殺全威。那一喝。是佛祖莫辨。那一喝。是八面受敵。那一喝。是自救不了。若向這裏薦得。堪報不報之恩。脫或未。然山僧無夢說夢去也。拈起拂子云。還見麼。若見。被兒刺所障。擊禪床云。還聞麼。若聞。被聲塵所惑。直饒見絕聞正。是二乘小果。跳進一步。蓋色騎聲。全放全收。主賓互換。所以道。欲知佛性義。當觀時節。因緣。敢問諸人。卽今是什麼時節。蕩蕩仁風。扶聖化。熙熙和氣。助昇平。

示衆云。若論本分相見。不必高陞此座。然法不孤起。仗境方生。卽今權衡在手。應變臨時。擒縱卷舒。得大自在。有時孤峯頂上。把斷要津。恁麼也不得不恁麼。也不得有時。開市門頭。放開一線。恁麼也得。不恁麼也得。便能攪長河爲酥酪。變大地作黃金。拈一枝草。

作丈六金身。將丈六金身。作一枝草。把定則三玄戈。  
甲五位正偏。豎拂拈匙。默然良久。石火電光。總用不。  
著。又況勾章棘句。展露言鋒。簇錦攢花。只益戲論。所。  
以道窮諸玄。辯若一毫。致於太虛。竭世樞機。似一滴。  
投於巨壑。況是人人具足。各各圓成。履地頂天。眼橫。  
鼻直。春行萬卉。月映千波。無欠無餘。何思何慮。如斯。  
舉唱。猶涉支離。且與大衆。赴箇時節。卓拄杖云。還會。  
麼。千尺鯨噴洪浪。飛一聲雷。震清颺。起。

示衆云。禪非意想。立意乖宗。道絕功勳。建功失旨。聞。  
清聲外句。莫向意中求。轉照用機。關柄佛祖。鉗鍵有。  
佛處。且爲賓主。無佛處。風颯颯。地心寧意泰。響順聲。  
和。似恁麼人。且道向什麼處安著。良久云。披簑側笠。  
千峯外。引水澆蔬。五老前。

示衆云。眨上眉毛。蹉過大似。開眼尿床。現成公案。放。  
行。正是黠兒落節。恁麼不恁麼。總不得曳尾靈龜。不。  
是心。不是佛。不是物。虛空釘橛。離得許多。閑門破戶。  
猶是死水藏龍。傾湫倒岳。一句又作麼生。巨靈擡手。  
無多子。分破華山千萬重。

侍郎張公九成凡十字子。韶鹽官人也。初謁靈隱明。

三

禪師。扣其旨。要明云。公年盛氣豪。正欲唾手取功名。  
何暇死生大事乎。公云。先儒嘗云。死生亦大矣。世出。  
世間之法。初無有二。前輩超達之士。曾何儒釋之異。  
哉。師既主盟大法。爲事安用峻拒耶。請至于再。明嘉。  
其誠。示以栢樹子話。久無所契。即謁善權清禪師。遂。  
問。嘗聞此事。人人具足。箇箇圓成。是否。清云。然。公云。  
既是如是。某甲爲甚。無箇入處。清袖中出數珠示之云。  
此是誰底。公竚思。清復藏諸袖云。若是個底。便拈取。  
去。才涉思惟。便不是也。公於是領旨。

公復謁胡文定公。問治心修已之道。胡云。公但熟讀。  
孟子。將他言仁義處。類作一處看。一日如廁。因思惻。  
隱之心。乃仁之端。忽聞蛙鳴。豁然有省。不覺自舉云。  
如何是祖師西來意。庭前栢樹子。不覺大笑。汗下被。  
體。遂作頌云。春天月下一聲蛙。蛙撞破乾坤共一家。正。  
恁麼時。誰會得。嶺頭脚痛有玄沙。

公訪規首座。纔相見。便問承聞學錄。因蛙鳴有箇入。  
處。是否。公云。那裏得這消息來。規云。現成公案。諱作。

甚麼公召云首座火發也。規云滑頭作甚麼。公云燒到首座脚下也。規云將謂備有長處。元來只如此。規一日同公坐於圍爐。規薦拈起香匙云。學錄不得喚作香匙。畢竟喚作甚麼。公掣却香匙。踢倒湯瓶而出。規坐灰火中笑云。幸自好向火引得。這漢無禮。公一日詣明靜庵。尙禪師營供尙。還其金及相見。尙展兩手。公以手撥之。尙批其頰。公驟步而前。尙云。張學錄誘般若。公云。九成見處。只如此。和尚有何方便。尙示以卽心卽佛。因緣公作頌云。耐耐人間一老兵。巧拈糞塊惑平人。百般計解都呈盡。却作妖狐現本身。

尙一日謂公云。天下無禪師。且如馬祖陞堂。百丈捲席。誰會得耶。公云。有甚難會。尙云。公作麼生。公云。但舉來。尙纔舉。公遽踢倒香卓。尙厲聲云。張學錄殺人。公回顧傍僧云。汝作麼生。僧無語。公打僧一掌。却顧尙云。祖爛不了殃及兒孫。尙乃大笑。

公魁多士。後再謁尙。尙舉浮山語云。饒爾入得汾陽。宅未可。豈浮山門。公作麼生。公叱侍僧云。何不祇對。

僧罔措。公打僧一掌云。蝦蟆窟裏果沒蛟龍。公因讀妙喜贊云。黑漆纍竹篋。佛來也。一棒公掩卷嘆云。今日方知佛法有人在。且以語尙。尙云。此老將一條竹篋坐在徑山頂上。誰敢近傍。公云。爾去也。須喫棒始得。尙仰首云。如何打得我。公云。這鈍根阿師。從朝至暮。喫他棒了。自不知痛痒。大笑而起。公謁妙喜。不遇妙喜。報謁公私第。但寒溫而已。妙喜歸。謂參徒云。張侍郎不假師承。有箇自得處。學徒云。聞相見未嘗說著箇禪字。何以知之。妙喜云。要我眼作甚麼。

公一日復謁妙喜。論格物之旨。妙喜云。公只知有格物。不知有物。格公沉吟須臾云。師豈無方便耶。妙喜哂之。公云。還有樣子否。妙喜云。不見小說載唐時有與安祿山謀叛者。其人先爲閫守。有畫像在焉。明皇幸蜀。見之大怒。令侍臣以劍擊像。首其人在陝西。忽然首墮。公聞之。頓領厥旨。遂作偈云。子韶格物。晦晦物。格欲識一貫。兩箇五百。

公一日問妙喜。前輩既得了。何故理會臨濟四料簡。

作甚妙喜云也不得公乃嫚語妙喜云余嘗以此問圓悟先師政與公無少異然公所見只可入佛不可入魔可不從料簡中去耶公由是默究得法自在妙喜一日訪公公云九成每於夢中必誦論孟師以謂如何妙喜云豈不見圓覺經云由寂靜故十方世界諸如來心於中顯現如鏡中像公拊几云奇哉非老師莫聞此論

公作黃龍三關頌云我手何似佛手天下衲僧無口縱饒撩起便行也是鬼窟裏走諱不得我脚何似驢脚又被糲膠粘著翻身直上兜率天已自遭他老鼠藥吐不出人人有箇生絲鐵圍山下幾千年三災燒到四禪天者漢猶自在傍邊殺得工夫

明州阿育王山端裕禪師法嗣

湖州道場法全禪師凡三示衆云第一句佛祖不存第二句稱提佛祖第三句與佛祖把手共行此三句如摩醯首羅三目非縱非橫不並不別照破本有靈機著著元無虛棄方知趙州道有佛處不得住無佛處急走過三千里外逢人不得錯舉透過差別語言

不落一切音響橫拋豎擲示大威光發大機施大用使一切人脫籠頭卸角獸隨時應變或殺或活或收或放總在當人全身出沒得到怎麼田地地方知從上佛祖握閫外威權提驗人巴鼻敢問大衆作麼生辨仙林驗人底句大啓洪爐烹佛祖狐狸煨作王麒麟示衆云一塵起大地收釋迦老子爲甚麼於三七日中思惟如是事一花開徧界春達磨大師爲甚麼九年面壁若人道得收足句可以坐致太平

示衆云欲得現前莫存順逆卓拄杖云三祖大師變作馬面夜叉向東弗于逮西瞿耶尼南瞻部洲北鬱單越却來山僧手裏首身元來只是一條黑漆拄杖還見麼直饒見得入地獄如箭射卓拄杖一下

臨安府淨慈師一禪師凡二婺州人也示衆云凍雲欲雪未雪普賢象駕崢嶸嶺梅半合半開少室風光漏泄便恁麼去猶是半提作麼生是全提底事無智人前莫說打個頭破百裂

示衆云師子教兒迷子訣擬前跳擲早翻身羅紋結角交鋒處惛眼臨時失却蹤祖師門戶八字打開便

請橫身直入有麼若無一上座不免爲地盡足去也。拈拄杖劃一劃云三世諸佛六代祖師天下老和尚山河大地草木叢林情與無情百雜碎莫有知恩者麼若無舉鼎拔山力千里馬難不易騎。

平江府虎丘隆禪師法嗣

明州天童曇華禪師凡三示衆云風行草偃水到渠成正令當行十方坐斷若也向上論去語默不及處棒喝未施前總是依草附木漢事不獲已且作死馬醫所以道隨處作主遇緣卽宗法隨法行法幢隨處建立展臨濟三玄戈甲會洞山五位君臣敲唱雙行殺活自在拈一莖草穿天下衲僧鼻孔布緇天網打衝浪錦鱗是則是便恁麼去達磨一宗掃土而盡蒿拈拄杖劃一劃云劍爲不平離寶匣藥因救病出金瓶卓拄杖一下

示衆云良工未出玉石不分巧治無人金沙混雜縱使無師自悟向天童門下正好朝打三千暮打八百落拈拄杖云喚作拄杖玉石不分不喚作拄杖金沙混雜其間一箇半箇善別端由管取平丹丹霄苟或

未然卓拄杖云急著眼看

示衆云參禪人切忌錯用心悟明見性是錯用心成佛作祖是錯用心看經講教是錯用心行住坐臥是錯用心喫粥喫飯是錯用心屙屎送尿是錯用心一動一靜一往一來是錯用心更有一處錯用心歸宗不敢與諸人說破何故一字入公門九牛車不出

台州護國景元禪師法嗣

台州國清行機禪師凡三本州人也示衆云衲僧拄杖子不用則已用則如鳩鳥落水魚鱉皆死正按傍提風颯颯地獨步大方殺活在我所以道千人排門不如一人拔關若一人拔關千人萬人得到安樂田地還知麼鴛鴦綉出從君看不把金針度與人示衆云觀色卽空成大智故不住生死觀空卽色成大地不管且道在甚麼處安身立命莫是昭昭於心目之間而相不可觀晃晃於色塵之內而理不可分麼莫是起坐鎮相隨語默同居止麼若恁麼總是觸礙前蔽瞽須知過量人自有過量用且作麼生是過量



用北斗藏身雖有語出群消息少人知

示衆云古佛出世成人者少。祖師西來敗已者多。三乘十二分教立言妙語盡是。鏡鈎搭索。向佛祖提撕。不到處提格外機。向佛祖開口不得處。說無義語。教他有殊勝功行者。寸步不移。不妨七縱八橫。教他有微妙語言者。一詞不措。不妨熾然常說。隱靜平高。就下未免沾占。波與新羅鬪額。所以道。恁麼也得。不恁麼也得。有時恁麼中不恁麼。有時不恁麼中却恁麼。有時教伊揚眉瞬目。有時不教伊揚眉瞬目。有時教伊揚眉瞬目者。是有時教伊揚眉瞬目者。不是殺人。刀活人。劍總在裏。許忽有箇衲子出來。道和尚恁麼說話。且喜沒交涉也。怪他不得。故我王庫內無如是刀。

饒州薦福道行禪師法嗣

泉州法石惠光禪師凡二。建寧府陸氏子。師因舊住相訪。師問頃年有一則公案。與備商量不下。如今作麼生。云未入門時。舉似和尚了也。師云這裏又作麼生。云不可頭上安頭。師以手劃一劃云。這裏且置。備

爲甚麼踏斷天台石橋。僧無語。師云脫空妄語。漢出去。

師問僧上來曾撞見釋迦老子麼。祖見師云在甚麼處。僧問訊而立。師云且莫認賊爲子。僧云將錯就錯。師云教備不得。

南嶽下第十八世

福州西禪鼎需禪師法嗣

温州龍翔南雅禪師凡六。示衆云萬機不到。切忌垛根一句全提。有何巴鼻。直饒透出威音那畔。猶落今時。且不落今時一句。又作麼生。良久云紅白花開。桃李春。

示衆云百尺竿頭進步。脚跟下五色線猶存。寒灰枯木一念萬年。坐在鬼窟裏。總不與麼未有轉身一路。畢竟如何。舉頭天上看。誰是箇中人。

示衆云瑞峰頂上樓鳳亭邊。一杯淡粥。粗衣百衲。蒙頭打坐。二祖禮三拜依位而立。已是周遮達磨老臊胡。分盡髓皮一場狼藉。其餘之輩何足道哉。栢堂恁麼道。還免諸方檢責也。無拍繩床云泊合停囚長智。



示衆云大機貴直截大用貴頓發縱有嚙鐵機一鎚須打殺何故我王庫內無如是刀

示衆云昨日開浩浩今朝靜悄悄鬧中之事靜中參靜中之事鬧中了拈起拄杖云拄杖子是靜鬧雙舉是汝諸人作麼生了若也了得爾有拄杖子我與爾拄杖子爾無拄杖子我奪却爾拄杖子芭蕉鼻孔落在諸人手裏若了不得芭蕉在汝諸人脚底

示衆云紫藤伸拳笋破梢楊花飛盡綠陰交分明西祖單傳句黃栗留鳴燕語巢這裏見得諦信得及若約諸方決定明牕下安排龍翔門下直是一鼐鼐殺何故不是與人難共住大都縑素要分明

福州天王志清禪師凡五示衆云雞足峰前徒勞話會曹溪路上過絕商量縱有窮天立辯竭世樞機渾用一點不著若也一擊便透一舉雙明不在揚眉瞬目亦非竚思停機方可捋猛虎鬚拈毒蛇尾放身捨命入水入泥南北東西縱橫自在一一七穿八穴明明絕慮忘言如是則論劫在途中不離家舍論劫在家舍不離途中且道只今在家舍在途中會麼玉殿

半開金鎖遊夜深誰見紫微君

示衆云奔流度刃未是作家疾焰過風猶爲鈍漢所以曹溪豎拂笑殺衲僧雪峯輓毬繅成兒戲指南一路智者知疏末後一機要津把斷若是具向上眼底脚未跨門撩起便行猶是刺頭入膠盆離此之餘大似胡孫戴紙帽總不恁麼又且如何良久云將此深心奉塵刹是則名爲報佛恩

示衆云師子教兒迷子訣擬前跳擲早翻身羅紋結角交鋒處瞞眼臨時失却蹤這般說話不是弄滑頭逞俊快須是伎倆盡得失忘應時如風應機如電雖然如是未是達人分上事作麼生是達人分上事寒鷹未舉首俊鷁已冲天

示衆云玄道者不可以設功得聖智者不可以有心知眞諦者不可以存我會至功者不可以營事求古人恁麼說話只見錐頭利不見鑿頭方通方君子有時恁麼有時不恁麼有時恁麼者是有時恁麼者不是諸人還委恁麼直饒見徹一切法無是無不是無非無不非直下是非兩忘猶是隔靴抓痒更向句裏

呈機言中辨的。劒去久矣。爾方刻舟。山僧恁麼道。還有爲人處也。無虛空粉碎。無依倚不。委蟠桃幾度春。示衆。豎起拂子云。只這箇天不能蓋。地不能載。徧徧徧徧。徧空成團。成塊。到這裏三世諸佛。向甚麼處摸。索。六代祖師。向甚麼處持提。天下衲僧。向甚麼處名。遊。除非自得。自證。便乃敲唱。雙行。雖然如是。未是衲僧行履處。作麼生是衲僧行履處。是非海裏。橫身入。豺虎叢中。縱步行。

南劒州劒門庵安分庵主凡五。福州永福林氏子。早歲於道微。有省發處。性疎散。紹興初。妙喜領徑山師。往求挂搭。妙喜恐其擾衆。却之。師入城於稠人中。忽聞喝道者云。侍郎來。師豁然大悟。作頌云。幾年箇事挂。曾懷問盡諸方眼。不開肝膽。這回俱揭。盡一聲江。上侍郎來。遂徧歷江湖。徑歸洋嶼。依止懶庵。需禪師。日臻玄奧。一日取辭。需送以偈云。江頭風急浪花飛。南北相逢不展眉。獨有分禪英俊手。等閑奪得錦標歸。後住本庵。

示衆云。這一片田地。汝等諸人。且道天地未分已前。

在甚麼處。直下徹去。已是鈍置。分上座。不少了也。更若擬議。思量。何啻白雲萬里。驀拈拄杖。打散大衆。示衆云。斬草壺山頂。不是有爲功。亦非無爲法。驀拈拄杖。劃一劃云。誰敢正眼覷。著若也望崖而退者。辜負平生。任是聰明辯慧。種種神通。到這裏用一點不著。直饒。是箇鐵漢。向佛祖頭頂上行。正是門外客。入得山僧門者。打折懶脚。搥折懶腰。莫言不道。爲甚如此。黃金自有黃金價。終不和沙賣與人。

示衆云。上至諸佛。下及衆生。性命總在山僧手裏。檢點將來。有沒量罪。過山僧亦有沒量罪。過還有檢點得出者。麼。卓拄杖云。冤有頭。債有主。復東西顧視云。自出洞來。無敵手。得饒人處。且饒人。

示衆云。十五日已前。天上有星。皆拱北。十五日已後。人間無水。不朝東。已。謂已後。總拈却。到處鄉談。各不同。遂以手屈指云。一二三四五六七八九十。十一。二十三十四。復召云。諸兄弟。且道。今日是幾。良久云。本店買賣。分文不賒。

福州東禪思岳禪師法嗣

福州鼓山宗逮禪師凡五本州人也。初參東禪密契微旨。復謁妙喜臻極。闍奧後開法終于本山。

示衆云。瀉懸河之辯。未免葛藤。設陷虎之機。翻成窠臼。縱使談空說有。舉古論今。意句交馳。主賓互換。正是無風起浪。好肉剜瘡。建化門中。不妨施設。若欲全提。正令把斷。要津幹旋。佛祖樞機。提掇衲僧。巴鼻須是頂門眼。正肘後符。靈絕類離倫。超宗越格。始得雖然如是。猶是宗門極則。只如祝聖開堂一句。作麼生道。

帝基盤礴三千界。睿筭延鴻億萬春。

示衆舉雲門大師云。平地上死人無數。透得荆棘林者。是好手。遂拈拄杖云。大衆若喚作拄杖子。正是平地上死人。若不喚作拄杖子。未透荆棘林。在畢竟如何。良久云。冬不寒。臘後看。卓拄杖下座。

示衆云。德山棒。臨濟喝。拈放一邊。秘魔叉。石鞮箭。不須拈出。三世諸佛。歷代祖師。橫說豎說。是甚麼熱盞。鳴聲諸人到這裏。又且如何。良久云。鼓山今日失利下座。

示衆云。世尊道應如是知。如是見。如是信解。不生法相。遂召大衆云。玉本無瑕。却有瑕。

福州西禪守淨禪師法嗣

福州乾元宗穎禪師凡六本州閩清人也。示衆拈拄杖卓一下云。性燥漢只消一鎚。遂靠却拄杖云。創利人不勞再舉。而今莫有創利底麼。良久云。比擬張麟兔亦不遇。

示衆云。誰人無心。誰心無佛。佛常在人人常逐物。豎起拂子云。若喚這箇作拂子。未免爲物所轉。若不喚這箇作拂子。亦未免爲物所轉。畢竟如何。辨明良久云。鴛鴦綉出從君看。莫把金針度與人。

示衆云。摩騰入漢已涉繁詞。達磨西來自彰瑕。賴山僧與麼道。已是罪過彌天。

示衆云。若論此事。是著卽差。非著卽錯。不是不非。如蟻循環。如蠶作繭。到箇裏直須揮劍。設或不然。清風月下。守株人涼。兔漸遙。芳草綠。

僧問。最初說法。不知有末。後句末後說法。不知有最初。句最初。句卽不問如何。是末後句。師云。痛領此問。

云與麼則謾他一點不得也。師云早被謾了。僧問如何是正知正見。師云猫兒狗子云也只具一隻眼。師云半隻也無。

湖州道場法全禪師法嗣

常州華藏有權禪師。凡三臨安府人也。師開堂示衆云。拈花微笑。埋沒平人。面壁九年。外揚家醜。自此一人傳虛。萬人傳實。致使後代兒孫。承虛接響。今日既是逃避。不得不免。將錯就錯。指空話空。扇子踈跳上三十三天。築菩帝釋鼻孔。東海鯉魚打一棒。雨似盆傾。是名初轉法輪。開演第一義諦。於斯明得。靈山一會。儼在目前。無古無今。非別非異。若也未明。更將一句無私語。旁贊。

皇圖億萬春

結夏示衆云。今朝結却布袋口。明眼衲僧休亂走。心行滅處解翻身。噴嚏也成師子吼。旃檀林任馳驟。剔起眉毛頂上生。剗肉成瘡露家醜。

示衆云。久雨不晴。今日晴。簷頭雨滴。許誰聽。驢體忽破。聞機盡見色。聞聲總現成。拈拄杖。擊繩床云。此是

聲色雙舉。聞見歷然。且那箇是現成底。會麼。浙人不相色。胡人不相鼻。

明州天童曇華禪師法嗣

明州天童咸傑禪師。凡四福州人也。徧扣諸方。後依華禪師。華問如何是正法眼。師云破砂盆。華頷之一。日取辭華。送以偈。末句有云。吾有末後句。歸來要汝遵。華頷天童命。師充第一座。師後開法。衡之烏巨。終于本山。

示衆云。以桶出桶。翻成途轍。以心傳心。其病轉深。達磨大師不會當頭句。却向少林面壁九年。後代兒孫。承虛接響。揚眉瞬目。行棒行喝。盡是黃葉。止啼爲巨。到這裏。直得上天無路。入地無門。咬定牙關。且與諸人和泥合水。卓拄杖云。不是一番寒徹骨。爭得梅花撲鼻香。

示衆云。動絃別曲。葉落知秋。舉一明三。目機殊兩。如王秉劍。殺活臨時。猶是無風匝匝之波。向上別有一路。千聖把手共行。合入犁泥地獄。正當與麼時。合作麼生。江南雨。浙春寒。秋熱。

示衆云。盡乾坤大地。喚作一句子。擔枷帶鎖。不喚作一句子。業識忙忙。兩頭俱透。脫淨保保。赤洒洒。沒可把。達磨一宗掃土而盡。所以雲門大師道。盡乾坤大地。無纖毫過。思猶是轉句。不見一法。始是半提。更須知有全提底時。節大小雲門。劒去久矣。方乃刻舟。

聯燈會要卷第十八

聯燈會要卷第十九

住泉州崇福禪寺嗣祖比丘 悟明 集

韶州六祖慧能禪師法嗣

吉州青原行思禪師凡六本郡安城劉氏子。師問六祖云。當何所務。即得不落階級。祖云。爾曾作什麼來。師云。聖諦亦不爲。祖云。落何階級。師云。聖諦尙不爲。何階級之有。祖云。如是如是。善自護持。石頭來參師。問甚處來。云。曹溪來。師豎起拂子。云。曹溪還有這箇麼。云。非。但曹溪。西天亦無。師云。子莫曾到西天否。云。若到。即有也。師云。未。在更道。云。和尙也。

須道取一半。莫全靠某甲。師云。不辭向爾道。恐已後無人承當。

師令遷馳書往南嶽讓和尙處。師謂遷云。達書了。回來與汝箇鋤。斧子住山去。遷到南嶽。未通書。便問不求諸聖。不重已靈。時如何。讓云。子問太高。生何不向下。問遷云。寧可永劫沈淪。不求諸聖。解脫。讓休去。遷回師問書達否。云。信亦不通。書亦不達。去時。蒙許鋤斧子。即今便請師垂下一足。遷便作禮。尋歸南嶽。玄沙云。大小石頭。被大慧靠倒。至今起不得。翠巖芝云。思和尙垂足石頭禮拜。要且不得他斧子。且道後來用箇甚麼。

黃龍南云。石頭雖善馳達。不辱宗風。其柰遲俊。太過。不知落節。既是落節。回來因甚得斧子。雪竇云。大小大慧。不能據令。

僧問。如何是祖師西來意。師云。又怎麼去也。僧問。和尙近日有何言句。乞示一兩則。師召云。近前來。僧近前。師云。分明記取。僧問。如何是佛法大意。師云。廬陵米作麼價。



青原下第二世

吉州青原行思禪師法嗣

南嶽石頭希遷禪師凡八高安陳氏子師參六祖祖將示寂師問和尚百年後希遷當依附何人祖云尋思去祖願世師每靜坐寂若忘生第一座問云汝師已逝空坐何爲師云我稟遺戒故尋思爾第一座云汝有師兄行思和尚住吉州青原師言甚直汝自迷耳師聞是語禮辭祖直詣吉州青原見思思問子自何來師云曹溪思云將得甚麼來師云未到曹溪亦不失思云若恁麼用去曹溪作麼師云若不到曹溪爭知不失師却問曹溪還識和尚麼思云汝今還識吾麼師云識又爭能識得思云衆角雖多一麀足矣

師因青原云有人道嶺南有消息師云有人不云云原云若恁麼大藏小藏從何而出師云盡從這裏去青原然之

師問青原和尚自離曹溪甚麼年到此住思云我即知爾早晚離曹溪師云某甲不從曹溪來思云我亦

知汝來處師云和尚幸是大人且莫造次

示衆云我之法門先佛傳授不論禪定精進惟達佛之知見卽心卽佛心佛衆生菩提煩惱名異體一汝等當知自己心靈體離斷常性非垢淨湛然圓滿凡聖齊同應用無方離心意識三界六道惟自心現水月鏡像豈有生滅汝能知之無所不備

師垂語云言語動用沒交涉藥山出云直得非言語動用亦沒交涉師云我這裏針劑不入山云我這裏如石上栽花

大顛問古人云道有道無二俱是謗請和尚除師云我這裏一物也無除箇甚麼師却問顛併却咽喉唇吻道將來顛云無這箇師云若與麼汝卽得入門師問僧甚麼處來云江西來師云還具馬大師麼僧云見師指一檟柴云馬大師何似這箇僧問措回舉似馬大師大師云汝見檟柴大小云沒量大大師云汝甚有力僧云何故大師云汝從南嶽負一檟柴來豈不是有力耶

僧問如何是解脫師云誰縛汝云無人縛師云誰求



解脫問如何是淨土。師云誰垢。汝問如何是涅槃。師云誰將生死與汝。問如何是禪師。云碌搏云如何是道。師云木頭問如何是祖師。西來意。師云問取露柱云某甲不會。師云我更不會。

### 青原下第三世

#### 南嶽石頭希遷禪師法嗣

荊州天皇道悟禪師凡二。婺州東陽張氏子。師問石頭離却定慧。以何法示人。頭云我這裏無奴婢。離箇甚麼。師云如何明得。頭云汝還撮得虚空麼。師云恁麼則不從今日去也。頭云未審汝早晚從那邊來。師云某甲不是那邊人。頭云我早知汝來處。師云和尚何得賊認於人。頭云汝身現在。師云雖然如是。畢竟將何示於後人。頭云汝道誰是後人。師於言下契悟。前所得心聲殫其跡。

師臨示寂時。大眾問疾。師囑召典座近前云。會麼。云不會。師拈枕擲于地。即便告終。

澧州藥山惟儼禪師凡二。絳州韓氏子。精持律行。博通經論。一日自嘆云。大丈夫當離法自淨。誰能屑屑。

事細行耶。直造石頭。問三乘十二分教。某甲粗知。嘗聞南方直指人心。見性成佛。實未明了。伏望和尚慈悲指示。頭云恁麼也不得不恁麼也不得。恁麼不恁麼總不得。汝作麼生。師竚思。頭云子因緣不在此。江西馬大師處去。必爲子說師造。復理前問。馬大師云。我有時教伊揚眉。瞬目。有時不教伊揚眉。瞬目。有時教伊揚眉。瞬目者。是有時教伊揚眉。瞬目者。不是山於言下頓悟。便作禮。馬大師云。子見箇甚麼道理。便禮拜。師云某甲在石頭時。如蚊子上鐵牛相似。馬大師云。汝既如是。宜善護持。

法雲秀云。石頭好箇無孔鐵鎚。大似分付不著人。藥山向江西悟去。爭奈平地喫交。有甚麼扶策處。具眼者辨看。

馬大師一日問師子。近日見處如何。師云皮膚脫落盡。唯有真實在。馬云子之所得。可謂協於心。體布於四肢。既然如是。宜將三條篋束。取肚皮隨處住。山去。師云某甲又是何人。敢言住。山師云不然。未有長行。而不住。未有長住。而不行。欲益無所益。欲爲無所爲。

宜作舟航無久住此師卽禮辭復返石頭

師坐次石頭問師作甚麼師云一物不爲頭云恁麼則閑坐也師云若閑坐則爲也頭云汝道不爲又不爲箇甚麼師云千聖亦不識頭以偈贊云從來共住不知名任運相將只麼行自古上賢猶不識造次凡流豈可明

示衆云祖師只教汝保護若貪嗔癡起來切須防察莫教振觸是爾欲知枯木石頭却須擔荷實無枝葉可得雖然如此更宜自看不得絕却言語我今爲汝說這箇語顯那無語底他那箇本來無耳目等貌時有僧問云何有六趣師云我此要輪雖在其中元來不染問不了身中煩惱時如何師云煩惱作何相狀我且要備考看有一般底只向紙背上記持言語多被經論惑我不曾看經論策子汝只爲迷事走失自家不定所以便有生死心未學得一言半句一經一論便說與麼菩提涅槃世攝不攝若如此解只是生死若不被此得失繫縛便無生死汝見律師說甚尼薩者突吉羅最是生死本雖然與麼窮生死且不可

得上至諸佛下至螻蟻盡有此長短好惡大小不同若也不從外來何處有閑漢掘地獄待爾欲識地獄道只今鑊湯煎煮者是欲識餓鬼道只今多虛少實不令人信者是欲識畜生道見今不識仁義不辨親疎者是豈須披毛帶角斬割倒懸欲識人天只今清淨威儀持瓶挈鉢者是切須保任免墮諸趣第一不得棄這箇這箇不是易得須向高高山頂立深深海底行此處行不易方有少分相應如今出頭來盡是多事人寬箇癡鈍漢不可得莫只記策子中言語以爲自己見知見他不解者便生輕慢此輩盡是闍提外道此心直不中切須審悉與麼道猶是三界逐事莫在衲衣下空過到這裏更微細在莫作等閑須知珍重

師久不上堂院主白云大眾久思和尚示誨師云打鐘著院主打鐘大眾纔集師便下座歸方丈院主隨後問和尚許爲大眾說話爲甚一詞不措師云經有經師論有論師又爭怪得老僧

瑯琊覺云藥山下座不妨疑著及乎院主拶著

失却一隻眼。翠巖芝云院主怪藥山不爲說話可謂悞他三軍。

師晚參云我有一句。子待特牛生兒。卽向汝道。時有僧出云特牛生兒也。只是和尚不道。師喚侍者將燈來。其僧便抽身歸衆。

洞山云這僧會卽會只是不肯禮拜。

法燈云生底是牯牛兒。牯牛兒。代云雙生。

師尋常不許人看經。一日將經自看。僧問和尚尋常不許人看經爲甚麼。却自看。師云我只要遮眼云某甲學和尚看得麼。師云倘若看牛皮也須穿。

長慶稜云眼有何過。

師與道吾雲巖游山見兩株樹一榮一枯。師問雲巖枯者是榮者是云榮者是。師云與麼則酌然一切處光明燦爛去。又問道吾云枯者是。師云與麼則酌然一切處放教枯淡去。少頃高沙彌來師又問高云枯者從他自枯榮者從他自榮。師回顧雲巖道吾云不是不是。

保寧勇頌云抹粉搽坯復裏頭。盡由行主線牽。

抽鼓鑾打破曲吹徹。收拾大家歸去休。師謂雲巖云與我喚沙彌來。巖云喚他來作甚麼。師云我有箇折脚鑪子。要他提上挈下。巖云怎麼則某甲共和和尚每人出一隻手。

大潯喆云藥山不得雲巖折脚鑪子。幾成廢器。師一日提笠子出雲巖指問用這箇作甚麼。師云有處用。巖云風雨來時作麼生。師云蓋覆著。巖云還受蓋覆也。無師云雖然如是。要且無遺漏。

一日齋時院主報云打鐘也。請和尚上堂去。師云汝與我擎鉢。孟去。主云和尚無手來多少時也。師云汝只是枉披袈裟。漢主云某甲只恁麼和尚又作麼生。師云我無這箇眷屬。

師坐次僧問兀兀地思量箇甚麼。師云思量箇不思量底。云不思量底。又如何思量。師云非思量。遵布衲作殿主俗佛次師問。爾只浴得這箇還浴得那箇麼。遵云把將那箇來。

長慶稜云邪法難扶。黃龍南云此二尊宿一出。一入未見輸贏三十年後不得錯舉。

師於手中書佛字問道吾云是甚麼字。吾云佛字。師云多口阿師。

師問僧甚處來。云南泉。師云在彼多少時。云粗經冬夏。師云恁麼則三十年後成一頭水牯牛去也。云某甲雖在彼中且不曾上他食堂。師云偏口欲南風。那云和尚莫錯。自有把匙筯人在。

師問僧甚處來。云湖南。來師云洞庭水滿也未。云未。師云許多時雨水爲甚麼未滿。

雲巖代云。湛湛地。道吾云滿也。

師問僧年多少。云七十二。師云是七十二。那云是師便打。

曹山云。前箭猶似可。後箭射人深。僧問如何免得此棒。曹云王勅既行。諸侯避道。

師問飯頭。偏在這裏得多少時。云三年也。師云我總不識。偏其僧不契。憤然而去。

僧問學人有疑。請師決。師云待晚間來爲汝決。晚參衆集。師云今日要決疑。僧何在。僧便出。師下座。攬住云。大眾這僧有疑。便托開歸方丈。

翠巖芝云。藥山與麼決疑。土上更加泥。雖然如是。這僧也不得辜負藥山。

僧問。已事未明。乞師指示。師良久云。吾爲汝道。亦不難。只宜於言下便見。去。猶較些子。若更思量。却成吾罪過。不如各自合取口。免相累及。

僧問。平田淺草。麀鹿成羣。如何射得。麀中主。師云。看箭。僧放身便倒。師喚侍者云。拖出這僧。著僧便走。師云。弄泥團。漢有甚麼限。

僧問。如何是道中至寶。師云。莫誑曲。云。不誑曲時如何。師云。傾國莫換。

僧問。勞人擾。歸鄉時如何。師云。汝父母偏身紅爛。在荆棘林中。汝歸何所。云。若恁麼。即不歸也。師云。汝却須歸去。汝若歸去。我示汝箇休糧方子。云。便請。師云。

二時上堂。不得咬破一粒米。

僧問。祖師未來時。還有祖師意也。無。師云。有云。既有祖師。又來作麼。師云。只謂有。所以來。

師臨示寂時。叫云。法堂倒。法堂倒。衆皆持物撐拄。師舉手云。子不會我意。卽告終。

鄧州丹霞天然禪師。凡十初習儒業。入長安應舉。遇一禪者。問仁者何往。師云。選官去。禪者云。選官何如。選佛師云。選佛當何所詣。禪者云。江西馬大師是。選佛之場。仁者可往。師徑造江西。纔見馬大師。便以兩手托幘。頭脚馬顧視之。云。吾非汝師。南嶽石頭處去。師復造石頭。亦以前意投之。頭云。著槽廠去。師乃服勤三年。

石頭一日告衆云。來日剗佛殿前草。次日大衆各備鋏鐮。剗草。師獨以水洗頭。胡跪石頭前。頭微笑。與落髮。又爲說戒。師掩耳而去。

師再謁馬祖。未參禮。便入僧堂。騎却聖僧。頂而坐。衆皆愕然。報馬大師入堂見。即笑云。我子天然。師跳下作禮。云。謝師安名。因名天然。馬祖問甚處來。師云。石頭來。祖云。石頭路滑。還蹉倒汝麼。師云。若蹉倒。即不來也。

師經過一寺。值天寒。師取殿中木佛燒火。向院主忽見。呵云。何得燒我木佛。師以拄杖撥灰云。吾燒取舍利。院主云。木佛何有舍利。師云。既無舍利。更請兩尊。

再取燒之。院主自後眉髮墮落。

師問僧甚處來。云。山下來。師云。喫飯了也。未云。喫飯了。師云。將飯與汝喫。底人還具眼麼。僧無對。

長慶問保福。將飯與人喫。報恩有分爲甚麼。不具眼。福云。施者受者。二俱瞎。漢慶云。盡其機來。還成瞎否。福云。道我瞎得麼。

師訪龐居士。至門首相見。師問居士在否。士云。飢不擇食。師云。龐老在否。士云。蒼天蒼天。便入宅去。師云。蒼天蒼天。便回去。

師問居士。昨日相見。何似今日。士云。如法。舉昨日底來作箇宗眼。師云。只如宗眼。還著得龐公麼。士云。我在。爾眼裏。師云。我眼窄。何處安身。士云。是眼何窄。是身何安。師休去。士云。更道取一句。便得此話圓。師不對。士云。就中這一句。無人道得。

師與居士行次。見一泓水。士以手指水云。得與麼也。還辨不出。師云。酌然是。辨不出。士屏水二掬。潑師。師云。莫與麼。莫與麼。士云。須與麼。須與麼。師却屏水三掬。潑士。士云。正與麼時。堪作甚麼。師云。無外物。士云。



得便宜者。少師不對士云。誰是落便宜者。

師訪居士門。逢女子靈照。提盤洗菜。師問居士在否。照放下菜盤。斂手而立。師再問。照提盤。便行。師遂回山。須臾居士歸。照舉前話。士云。丹霞在否。照云。已去也。士云。赤土塗牛欄。

大潏詰云。大小丹霞。被居士女子勘破。

師路次。逢一翁與一童子。師問翁住在甚處。翁云。上是天下。是地。師云。忽遇天崩地陷。又作麼生。翁云。蒼天蒼童子。噓一聲。師云。非父不生其子。翁與童子入山而去。

潭州長髭曠禪師。凡七師謁石頭。頭云。甚處來。師云。嶺南來。頭云。大庾嶺。頭一鋪功德。成就也未。師云。成就久矣。只欠點眼在。頭云。莫要點眼麼。師云。便請頭垂下一足。師便作禮。頭云。偏見箇甚麼道理。便禮拜。師云。如紅爐上一點雪相似。

雪竇云。無眼功德。有甚點處。

南華曷云。喚作一鋪功德。已是假名。石頭垂下一足。長髭云。如洪爐上一點雪。轉見漏逗。雖然。

如是。劔閣路雖險。夜行人更多。

師陞座。次龐居士來。衆集。定士出云。各請自檢好。師便提唱上。却於繩床右立。時有僧問。不觸主人公。請師答話。師云。還識龐公麼。云。不識。士攬住其僧云。苦哉。苦哉。僧無語。士便托開。師少頃問居士。適來這僧還喫拄杖麼。士云。待伊甘始得。師云。居士只見錐頭利。不見鑿頭方。士云。和尚恁麼說話。某甲即得外人聞之要且。不妨。師云。不好箇甚麼。士云。阿師只見鑿頭方。不見錐頭利。

師廓下行。見僧問訊。師云。步步是汝。證明處還知麼。僧云。不知。師云。汝若知我。堪作甚麼。僧作禮。師云。我不堪。汝却好。

師一日見僧來。驀擒住云。獅子兒。野狂屬僧。以手作撥眉勢。師云。雖然如此。猶欠哮吼。在僧擒住。師云。偏要行此一機。師與一擲。僧放手。拍三下。師云。若見同風。汝還甘與麼。否。云。終不由別人。師作撥眉勢。僧云。猶欠哮吼。在。師云。料想不由別人。

有僧來繞繩床。一匝卓然而立。師云。若是石頭法席。



一點也用不著。僧又行一匝。師云。却是怎麼時。不易道得。箇來。這僧便出去。師喚云。上座。僧不顧師云。這漢猶少教誨。在僧却回首云。有一人不從人。得不受教。詔不落階級。師還許麼。師云。逢之不逢。逢必有事。僧退身三步。師却繞繩床一匝。僧云。不唯宗眼分明。亦乃師承有據。師打三棒。

師問僧甚處來。云。九華控石庵。師云。庵主是甚麼人。云。馬祖下尊宿。云。名甚麼。云。不委他。名師云。他不委。爾備不委他。云。尊宿眼在甚麼處。師云。若是庵主親來。也須喫棒。云。賴遇和尚放某甲。過師云。百年後討箇師僧也難得。

雪竇云。是則是。二俱作家。且不解收虎尾。只解據虎頭。若是德山令行。並須瓦解。

師問李行婆。憶得在絳州時事麼。婆云。非師不委。師云。多虛少實。在婆云。有甚諱。師云。念汝是女人。放爾拄杖。婆云。某甲終不見尊宿。過師云。老僧過在甚麼處。婆云。和尚既無過。婆豈有過。師云。無過底人作麼。生婆豎起拳云。與麼不與麼。總成顛倒。師云。實無。

### 諱處

潭州大川和尚。凡一問僧甚處來。云。江陵來。師云。幾時發。足僧提起坐具。師云。謝子遠來。下去。僧繞繩床一匝。便出。師云。若不怎麼。焉知眼目端的。僧攤掌一下。云。苦殺人。泊合錯判諸方。師云。甚得禪宗道理。後僧舉似丹霞。霞云。大川法道。即得我這裏。即不然。云。和尚此間作麼。生。霞云。猶較大川三步。在僧作禮。霞云。錯判諸方者多。

### 洞山云。若不是丹霞也難分玉石。

潮州大顛和尚。凡五初謁石頭。頭問阿那箇是汝心。師云。見言語者是頭。便喝出。經旬日。師詣方丈。請問前話。云。前者既不是。除此外。何者是。心頭云。除却揚眉瞬目。將心來。師云。無心可得。將來頭云。元來有心。何得言無。無心盡同。謗師於言下有省。

示衆云。夫學道人。須識自家本心。將心相示。方可見道。多見時輩。只認揚眉動目。一語一默。驚頭印。可以爲心。要此實未了。吾今爲汝諸人。分明說出。各須聽受。但除却一切妄想。念見量。即汝真心。此心與塵。

境及守認寂默時。全無交涉。卽心是佛。不假修治。何以故。應機隨照。冷。冷。自用窮其用處了。不可得。喚作妙用。乃是本心。大須護持。不可容易。

水空和尚來師。把住坐具云。不用通時。喧亦不用通來。處空云。疑。欲。怎麼。又恐人情不足。師放手云。還足也。未空提起坐具云。若通時。喧又恐。迷來處。師云。暫時相見也。無妨。

師將痒和廊下行。逢一僧問。訊師以痒和。騰口打云。會麼。云。不會。師云。大願老野狐。不曾辜負人。

侍郎韓愈。文公問師。春秋多少。師提起。吸珠云。會麼。愈云。不會。師云。晝夜一百八。愈問。措。歸宅。快快不樂。夫人問。侍郎情思不懌。復有何事。愈舉前話。夫人云。何不進語。云。晝夜一百八。意旨如何。愈明日凌晨復去。及門逢首座。座云。侍郎入寺。何早。愈云。特去堂頭通話。座云。有何因緣。愈舉前話。座云。侍郎怎生會。愈云。晝夜一百八。意旨如何。座扣齒三下。復至方丈。進前話。師亦扣齒三下。愈云。信知佛法一般。師云。有箇甚麼道理。愈云。適來門首問首座。亦如是。師喚首座。

問。適來祇對侍郎佛法。是否。座云。是。師便打。卽時起出。

保寧勇頌云。一步纔行兩步移。門前驚起鳳凰兒。棲蹤不在梧桐樹。羣鳥東西空繞枝。

汾州石樓和尚。凡二僧問。未識本來性。乞師方便。師云。石樓無耳。衆僧云。某甲自知非。師云。老僧還有過僧。云。和尚過在甚麼處。師云。過在汝非處。僧作禮。師便打。

師問僧。近離甚處。云。漢國。師云。漢國天子。還重佛法也。無僧云。苦哉。賴遇問著某甲。問著別人。卽彌生。師云。何也。僧云。人尙不見。有何佛法。可重。師云。閹梨受戒多少時也。僧云。二十夏。師云。大好不見人。便打。

雪竇云。這僧棒。卽喫了。要且去。不再來。石樓令。雖行爭奈無風起浪。

鳳翔府佛陀遜禪師。凡三因米胡。頗來相看。師便披轉繩床。面壁而坐。米於背後立少時。却回客位。師云。是。卽是。若不驗過。已後遭人貶刺。却令侍者去請米。胡纔上來。披轉繩床。便坐。師繞繩床一匝。便歸方丈。

丈胡拽繩繩床領衆出去

師訪龐居士云。憶得在母胎時。有一則語。今日舉似阿師。第一不得作道理。主持師云。猶是隔生也。士云。向道不得作道理。主持師云。驚人之句。爭得不怕。士云。如師見解。可謂驚人。師云。不作道理。却成道理。士云。不但隔一生。兩生師云。粥飯僧。一任檢責。

師見居士來。便閉却門。云。多知老翁。莫與相見。士云。獨坐獨語。過在阿誰。師便開門。被士攔住。云。是偏多知。是我多知。師云。多知。且置。閉門。開門。卷之與舒。相去幾何。士云。只此一問。氣急殺人。師不對。士云。弄巧成拙。

潭州招提慧朗禪師。凡二師謁馬大師。大師問汝來何求。師云。求佛知見。大師云。佛無知見。知見乃魔爾。汝自何來。云。南嶽來。大師云。汝從南嶽來。未見曹溪。心要汝速歸。彼不宜他往。師即歸石頭。

問石頭如何。是佛頭。云。汝無佛性。師云。蠢動含靈。又作麼生。頭云。蠢動含靈。却有。師云。某甲爲甚麼却無。頭云。爲汝不肯承當。師於言下悟入。後凡有學者扣。

問師皆云。汝無佛性。

丁行者凡一訪性空。空打一棒云。瞎却汝本來眼也。丁云。非但今日。古人亦行此令。空云。誰向汝道。古今丁拂袖便出。空云。青天白日。有迷路人。丁云。莫要指示麼。空便打。丁云。莫瞎却人眼。好空云。瞎却俗人眼。有甚麼過。

青原下第四世

荊州天皇道悟禪師法嗣

澧州龍潭崇信禪師。凡三本。渚官賣餅家子。未詳姓氏。師家日。令師送十餅。上天皇。皇受畢。每留一餅。與之云。我惠汝以陰子孫。師忽自念云。餅我持去。何返遺我。豈別有旨耶。請問。天皇云。是汝持來復汝。何答。師言下領旨。因投出家。皇云。汝昔崇福善。今信吾言。可名崇信。

師問天皇某甲。自到來不蒙和尚指示。心要。皇云。自汝到來。吾未嘗不指示。汝心要。師云。何處是指示。某甲心要。處。皇云。汝擎茶來。吾爲汝接。汝行食來。吾爲汝受。汝和南時。吾便低首。何處不指示。汝心要。師鉤。

思皇云見卽直下便見擬思卽差師當下開悟乃問云如何保任皇云任性逍遙隨緣放曠但盡凡心別無聖解

師問天皇從上來相承底事如何皇云不是明汝來處不得師云這箇眼目幾人具得皇云淺草易爲長蘆

前澧州藥山惟儼禪師法嗣

潭州道吾宗知禪師凡十豫章海昏張氏子初見藥

山山問甚處來師云游山來山云不離此室速道將來師云山上烏兒白似雪水裏游魚閑不徹

師因藥山示衆云我有一句子未曾向人說師云相隨來也僧請問藥山一句子如何說山云非言說師云早說了也

師見南泉泉問閣梨名甚麼師云宗智泉云智不到處作麼生宗師云切忌道著泉云酌然道著卽頭角生三日後師與雲巖在後架把針泉見乃問前日道智不到處切忌道著道著卽頭角生合作麼生行履師便抽身入僧堂泉便去師却來坐巖問師弟適來

何不祇對和尚師云汝得恁麼靈利巖罔措却去問南泉云適來因緣智頭陀何不祇對和尚泉云他却

是異類中行巖云如何是異類中行泉云不見道智不到處切忌道著道著卽頭角生直須向異類中行始得師知巖不薦默計云此人因緣不在這裏却同歸藥山山見二人回乃問巖汝到甚麼處去來巖云

到南泉山云有何言句巖舉前話山云子作麼生會巖無對山大笑巖問如何是異類中行山云我今日困別時來巖云某甲特爲此事歸來山云且去巖便出師在方丈外聞巖不薦不覺咬得指頭血出師却下來問巖云師兄去問和尚那因緣作麼生巖云和尚不爲某甲說師便低頭

不滅處相見。師云。何不道非不生不滅處。亦不求相見。

師見雲巖修鞋。乃問作甚麼。云。將敗壞補敗壞。師云。何不道。即敗壞非敗壞。

雲巖問大悲菩薩。用許多手眼作甚麼。師云。如人背手摸杭子。巖云。我會也。我會也。師云。偏作麼。生會。巖云。偏身是手眼。師云。道也太殺。道只道得八成。巖云。師兄又作麼。生。師云。通身手眼。

石霜問。百年後有人問極則事。向他道甚麼。師喚河。彌應諾。師云。添淨瓶水。著師良久。却問石霜。適來問甚麼。霜擬再舉。師便起去。

師指佛桑花問僧。這箇何似。那箇云。直得寒毛卓豎。師云。畢竟如何。云。道吾門下。師云。十里大王。

僧問。無神通菩薩。爲甚麼足跡難尋。師云。同道者方知。亡和尚還。麼。師云。不知云。爲甚麼不知。師云。去汝不會我語。

僧問。萬里無雲。未是本來天。如何是本來天。師云。今日好曬麥。

潭州雲巖曇晟禪師。凡十鍾陵海昌王氏子。師初參百丈。凡二十年無省發。後謁藥山。山問甚麼處來。師云。百丈來。山云。有何言句。師云。有時示衆云。我有一句。子百味具足。山云。鹹即鹹味。淡即淡味。不鹹不淡。是常味。作麼生。是百味具足底句。師無對。山笑云。爭奈目前生死何。師云。目前無生死。山云。二十年在百丈。俗氣也不除。

藥山一日又問海兄。更說甚麼法。師云。有時道三句。外會取六句。外省去。山云。且喜沒交涉。又問更說甚麼。法云。有時上堂衆纔集。拈拄杖打下。復召大衆衆回首。丈云。是甚麼。山云。何不早恁麼道。師於此大悟。妙喜云。悟去即不無爭奈。未出葛藤窠。

藥山問師。備未到百丈時。曾到甚麼處。師云。曾到廣南山。云。見說廣南城東門外。有一片石。被州主移去。是否。師云。非但州主。蓋國人來亦移不動。

藥山問師。聞備解弄師子。是否。師云。是。山云。弄得幾出。師云。弄得六出。山云。我亦解弄。師云。和尚弄得幾出。山云。弄得一出。師云。一卽六六卽一。



師到瀉山山問承聞長老在藥山弄師子是否師云是爲云長弄還有置時師云要弄卽弄要置便置瀉云置時師子在甚麼處師云置也置也

師問一尼云爾爺在否云在師云年多少云六十八師云爾有箇爺不年六十八汝還知否云莫便是恁麼來者麼師云猶是兒孫在

洞山云直是不恁麼來者亦是兒孫

師謂衆云有一箇人家兒子問著無有道不得底洞山云他屋裏有多少典籍師云一字也無道云爭得與麼多知師云日夜不曾眠洞云問一件事還得否師云道得卽不道

師煎茶次道吾問煎與阿誰師云有一人要吾云何不教伊自煎師云幸有某甲在

師問石霜甚處來云瀉山來師云在彼多少時云粗經冬夏師云與麼則成山長去也霜云雖在彼中却不知師云他家亦非知非識

道吾聞云得恁麼無佛法身心

師掃地次道吾云太區區生師云須知有不區區者

吾云恁麼則有第二月去也師堅起掃帚云這箇是第幾月吾休去

玄沙云正是第二月長慶云被他倒轉掃帚擱面搥又作麼生沙休去 羅山云噫兩箇漢不識好惡雲巖箇漢縛手脚死來多少時也

雲門云奴見婢殷勤

裴大夫問僧只如供養佛佛還喫否僧云如大夫祭家神大夫舉似師師代云有幾味飯食但一時下將來師却問神山一時下來後作麼生山云合取鉢盂師然之

秀州華亭船子德誠禪師凡五節操高遼度量不羣與道吾雲巖得法於藥山山頤後後三人同議各卜深山隱居去道吾須與云適來所議甚愜鄙懷莫辜負先師否師良久云子率性疎野唯好山水樂情自遣他無所能也若遇靈利座主指一箇來或堪雕琢付受平日所得以報先師之恩三人於是各袂師卽泛小舟於華亭時人呼爲船子和尙後道吾至京口指夾山見師問答言下大悟語載夾山禮辭師遂覆



缸而逝

有官人問如何是和尙日用事師豎起橈子云會麼云不會師云棹撥清波金鱗罕遇因示頌云

三十年來坐釣臺釣頭往往得黃金鱗不遇空勞力收取絲綸歸去來

千尺絲綸直下垂一波纔動萬波隨夜靜水寒魚不食滿缸空載月明歸

雪竇云這漢勞而無功忽若雲門道一句合頭語萬劫靈驢橛又作麼生免得此過良久云莫謂水寒魚不食如今載得月明歸

三十年來海上游水清魚現不吞釣釣竿斫盡重栽竹不計功程得便休

宣州桺樹慧省禪師凡四師尚洞山偈來作甚麼山云親近和尚師云若是親近用動兩片皮作麼山無對

曹山聞舉乃云一子親得

師問定山云不落數量請師道山提起數珠云是落不落師云圓珠三般人人有請師圓前話山便打師

便走山云三十年後腿臂大哭去在師後開堂示衆

云老僧三十年前被定山熱瞞一上不同小小

師睡次道吾來見乃牽被蓋之師云作甚麼吾云蓋

覆師云坐底是臥底是吾云不在這兩頭師云爭奈

盡覆何吾云莫亂道

僧問如何是佛師云描兒上露柱云不會師云問取

露柱去

高沙彌凡五初見藥山山問甚麼來師云南嶽來山

云甚麼處去師云江陵受戒去山云受戒圖箇甚麼師

云圖免生死山云有一人不受戒亦無生死可免汝

還知麼師云恁麼則佛戒何用山云這沙彌猶挂唇

齒在師因是契自本心更不受戒

藥山謂道吾云適來有箇沙彌却有些子氣息吾云

未可全信待與勘過始得至晚上堂召云早來沙彌

在甚麼處師出衆山問我聞長安甚闊汝還知麼師

云我國晏然山云汝從人得看經得請益得師云亦

不從人得不從看經得不從請益得山云有人不看

經不請益爲甚麼不得師云不道他不得自是他不

肯承當山。顧道吾雲巖云。不信道。這跛脚沙彌。却有些子氣息。

藥山一日。自打鼓。師捧鉢作舞上堂。山擲下筴云。是第幾和師。云第二。和山云。如何是第一。和師就桶。舀一杓飯。便行。

師辭藥山。去住庵山。問生死事大。何不受戒去。師云。知是般事。便休喚甚麼作戒。山咄云。這饒舌沙彌。入來近處住。菴庶幾時復相見。

師住菴後。一日雨中來山。云。爾來也。師云。是山云。可殺濕師。云。不打這鼓。笛雲巖云。皮也。無打甚麼鼓。道吾云。鼓也。無打甚麼皮。山云。今日大好曲調。

朗州刺史李翱。凡二。一日肅莊客禮。直造藥山。前山看經。略不相顧。李云。見面不如聞名。拂袖便出。山召尙書李應。諾山云。何得貴耳賤目。李遂作禮。問云。如何是道。山以手指天。復指淨瓶云。會麼。李云。不會。山云。雲在青天水在瓶。李禮謝。贈詩云。鍊得身形似鶴形。千株松下兩函經。我來問道無餘事。雲在青天水在瓶。

李問藥山。如何是戒定慧。山云。我這裏無這閑家具。李莫測其旨。山云。太守欲保任此事。直須向高高山頂立。深深海底行。閨閣中物。捨不得。便爲滲漏。

#### 鄧州丹霞天然禪師法嗣

京兆府翠微無學禪師。凡四問丹霞。如何是佛。霞云。幸自可憐生。須要執巾箒作麼。師退。身三步霞云。錯。師進前三步。霞云。錯。師蹣跚一足。旋身一轉而出。霞云。得。卽得。辜負諸佛師。

龍牙問。自到和尚法席。每上堂。不蒙一言示誨。意在何師。云。嫌箇甚麼。後問洞山。山云。爭怪得老僧。後有僧問法眼。眼云。祖師來也。

雪竇云。兩箇老漢。被這僧穿却。唯有法眼與他同參。若是雪竇。門下喫棒了。越出。

師在法堂上行。投子進前作禮。問。西來密旨。和尚如何指示於人。師顧視少頃。子云。乞師垂示。師云。更要第二杓惡水。那子作禮。師云。莫垛却子。云。時至根苗自生。

僧問二祖。初見達磨。有何所得。師云。汝今見吾復何

所得

吉州孝義性空和尚凡二僧來參師。展手示之。僧近前復退。後師云。父母喪略不慘。頭僧呵呵大笑。師云。與閻梨舉哀。其僧打筋斗而出。師云。蒼天蒼天。師見僧來。乃問與麼下去。還有佛法道理也。無僧云。某甲結舌。有分。師云。老僧又作麼。生僧云。素非好手。師仰身合掌。僧亦合掌。師撫掌三下。僧拂袖而出。師云。鳥不前。兔不後。幾人於此忙然走。只有閻梨達本源。結舌何曾著空有。

米舍和尚凡一有僧來繞師三匝。敲繾床一下。云不見主人。公終不參衆去。師云。情識甚麼處去來。云果然不在。師打一拄杖云。幾落情識。僧呵呵大笑。師云。村草步頭逢著一箇半箇。有甚共語。處僧云。且參堂去。

潭州長髭曠禪師法嗣

潭州石室善道和尚凡四侍石頭游山次。頭云。與我所却前頭樹子。礙我。師云。不將刀來。頭袖中取刀。倒度與師。師云。何不過那頭來。頭云。汝用那頭作麼。師

於此有省

杏山問承聞行客游五臺。還見文殊麼。師云。見山云。道甚麼。師云。道爾生身父母在深草裏。杏無對。師與仰山翫月。次山問。尖時圓相向甚麼處去。圓時尖相向甚麼處去。師云。尖時圓相在圓時。尖相隱。師每見僧來。拈起拄杖子云。三世諸佛盡由這箇對者。皆不契。長沙聞得云。我若見。只令放下拄杖。別通箇消息來。三聖將此語去。祇對被師誠破。是長沙語。杏山聞三聖失機。親到石室。纔見便同行者。不易貧道難消。師云。開心盤子盛將來。無縫盤子合將去。說甚麼難消。杏山休去。

潭州大川和尚法嗣

僊天和和尚凡六有新羅僧來參。纔展坐具。師捉住云。未離本國時。道取一句。僧無語。師便推出云。問伊一句。便道兩句。

披雲和尚來。纔入方丈。師便問。未見東越老人時。如何。爲物雲云。只見雲生碧嶂。焉知月落寒潭。師云。只與麼也。難得雲云。莫是未見東越老人時消息麼。師

便喝雪展兩手。師云錯怪人底。有甚麼限。雪掩耳出去。師云死却這漢平生也。

洛平來。師問甚處來。云南溪。師云將得南溪消息來麼。云消卽已。消息卽未息。師云最苦是未息。云且道未息箇甚麼。師云一回見面。千載忘名。平拂袖便行。師云弄死地。手有甚麼限。

有僧來擬作禮。師云野狐兒。見箇甚麼。便禮拜。僧云老禿奴。見甚麼。便恁麼。道師云苦哉。苦哉。僊天今日忘前失後。云要且得時終不補。失師云爭不如。此僧云誰甘。師呵呵大笑。云遠之遠矣。僧四顧而出。

有僧來纔展坐具。師云這裏會得。早是辜負平生。云不向這裏會。又作麼。生師云不向這裏會。更向甚麼處會。便打出。

有僧來纔展坐具。師云不用通時。喧還我文彩。未生時道理來。云某甲有口啞却。卽閑苦死。覓箇膈月扇。子作麼。師拈棒作打勢。僧捉住云還我未拈棒時道理來。師云隨我者。隨之。南北不隨我者。死住東西。云隨與不隨。卽且置。請和尚指出東西南北。師便打。

聯燈會要卷第二十

住泉州崇福禪寺嗣祖比丘 悟明 集

青原下第四世

潮州大顛和尚法嗣

漳州三平義忠禪師。凡三。福州楊氏子。師謁大顛。問不用指東劃西。請師直指。顛云。幽州江口石人蹲。師云。猶是指東劃西。顛云。若是鳳凰兒。不向羅邊討。師作禮。顛云。若不得後語。前話也難圓。

師問侍者。姓甚麼。者云。與和尚同姓。師云。備道我姓甚麼。者云。問頭何在。師云。幾時曾問。備者云。姓者誰。師云。念汝初機。放爾三十棒。

師陞座。次有道士出。從東過。西有僧出。從西過。東。師云。道士却有見處。師僧未。在道士作禮。云。謝師接引。師便打。僧作禮。云。乞師指示。師亦打。乃謂衆云。此兩件公案。且作麼。生。斷還有斷得底麼。如是三問。衆無對。師云。既無人斷得。老僧爲斷去也。擲下拄杖。便歸方丈。

大滙詰云。若不是三平。泊乎作道理。斷却不見。

石鞏道三十年一張弓兩隻箭只射得半箇聖人果然

馬頰山本空和尚凡一示衆云只這施爲動轉還合得本來祖翁麼若合得十二時中無虛棄底道理若合不得喫茶說話往往喚作茶話去僧問如何免得不成茶話去師云爾還識得口也未云如何是口師云兩片皮也不識云如何是本來祖翁師云大衆前不得牽爺恃娘云大衆欣然去也師云爾試點大衆性看僧作禮師云汝往往道一性一切性去僧欲進語師云辜負平生行脚眼

本生和尚凡二拈拄杖示衆云我若拈起汝便向未拈起時作道理我若不拈起爾便向拈起時作主宰且道老僧爲人在甚麼處有僧出云不敢妄生節目師云也知閨梨不分外云高高處平之有餘低低處觀之不足師云節目上更生節目僧無語師云掩鼻偷香空招罪犯

雪竇云這僧善能切瑣爭柰弓折箭盡雖然如是且本生是作家宗師拈起也天回地轉應須

拱手歸降放下也草偃風行必合全身遠害還見本生爲人處也無復拈起拄杖云太平本是將軍致不許將軍見太平

師問僧甚處來云太原來師云那邊風景如何云與此間不別師云且道此間風景如何云和尚與某甲不同師云踏破施主草鞋當爲何事僧無對師云即古即今出箇問處且難乃至老僧亦出不得

侍郎文公韓愈凡四公鎮潮州暇日謁大顛問弟子軍州事多省要處乞師一言顛據坐公罔措時三平義忠禪師侍立乃敲繩床三下顛回顧云作麼忠云先以定動後以智拔公作禮云和尚門風高峻弟子於侍者邊得箇入處

三平遷化衆請公作喪主公將手巾一條蓋一面砂羅上橫一口劍直到龕前放下云還有人道得麼若道得某甲卽作喪主若道不得某甲卽不作喪主其時一衆無對公踢齏砂羅哭云蒼天蒼天先師遠矣羅山閑到三平讀碑見載其事乃云噫大奇大奇三平門下六百來人總被箇俗漢吞却也陳



老師當時若在未放他過在時有僧問只如侍郎與麼上來未審作麼生祇對羅山云我當時若在只將七尺布巾蓋却頭橫亞一柄靈刃刀以手握起孝幕當門而坐看韓家箇漢要作喪主也未得要不作喪主也未得進之須有理退之須有理統要云潭守姓韓非文公也

公問僧承聞講得肇論是否云不敢公云肇有四不遷是否云是公將茶盞撲破云這箇是遷不遷僧無對

汾陽昭代云識得侍郎

公因唐憲宗迎佛骨入大內供養夜放光明次日早朝羣臣皆賀陛下聖德聖感唯公不賀上宣問羣臣皆賀卿何獨不賀公奏云臣曾看佛書佛光非青黃赤白等相此是神龍衛護之光上問如何是佛光公無對因以罪出

雪竇代云陛下高垂天鑑

青原下第五世

澄州龍潭崇信禪師法嗣

鼎州德山宣鑑禪師凡十劔南周氏子師在蜀業金剛經因號周金剛嘗謂同學云一毛吞海海性無虧纖芥投鋒鋒利不動學與無學唯我知焉後聞南方禪席頗盛師氣不平謂同列曰出家兒干劫學佛威儀萬劫學佛細行尙不得成佛南方魔子敢言直指人心見性成佛我當樓其窟穴滅其種族以報佛恩遂擔青龍疏抄出蜀及中路遇一賣餅婆子師放下疏抄問婆云買餅點心婆斂手云上座擔者何文字師云青龍疏抄婆云講何經師云金剛經婆云婆有一問上座若道得即捨餅充點心師云便請婆云經中道過去心不可得見在心不可得未來心不可得上座鼎鼎是點那箇心師無對徑造龍潭纔相見便問久響龍潭及乎到來潭又不見龍又不現潭云子親到龍潭師作禮而退

雪竇云將錯就錯 雲峯悅云大小德山向盡

甕裏淹殺 黃龍心云雪竇與麼不知德山將

錯就錯龍潭將錯就錯識休咎底衲僧必知去

處未過關者亦宜辨白還相委悉麼縱饒栽種

得不是棟梁材

師因侍立龍潭。抵夜潭云。夜深子何不下去。師即珍重揭簾而出。見外面黑。却回云。外面黑。潭點紙燈度。與師師擬接。潭便吹滅。師於此大悟。便作禮。潭云。子見箇甚麼道理。師云。某甲從今日去。不疑天下老和尚。舌頭次日龍潭。陞堂云。可中有箇漢。牙如劍樹。口似血盆。一棒打不回頭。他時異日向孤峯頂上立。吾道去在。師取疏抄於法堂前。將一炬火提起云。窮諸玄辯。若一毫置於太虛。竭世樞機。似一滴投於巨壑。將疏抄便燒。於是取辭。

師到瀉山。挾複子於法堂。從西過東。從東過西。顧視方丈。瀉山不顧。師云。無便出去。雪竇云。勘破了也。師至門首。却云。也不得草草。却具威儀。再入相見。纔跨門提起坐具。召云。和尚。瀉山擬取拂子。師便喝。拂袖而出。雪竇云。勘破了也。瀉山至晚。問首座。今日新到在甚麼處。座云。當時背却法堂。著草鞋出去了也。瀉云。還識此人麼。云。不識。瀉云。此子已後向孤峯頂上盤結草庵。呵佛罵祖。只在雪竇云。雪上加霜。

五祖戒云。德山作賊人心。虎瀉山賊過後張弓。妙喜云。二尊宿。恁麼相見。每人失却一隻眼。

示衆云。於已無事。則勿妄求。妄求而得。亦非得也。汝但無事於心。無心於事。則虛而靈。空而妙。若毫端許言之本末者。皆爲自欺。何故。毫釐緊念。三塗業因。瞥爾情生。萬劫羈鎖。聖名凡號。盡是虎聲。殊相劣形。皆爲幻色。汝欲求之。得無累手。及其厭之。又成大患。終而無益。

小參示衆云。今夜不答話。問話者三十棒。時有僧出作禮。師便打。僧云。某甲話也未問。爲甚便打。師云。儂是甚麼人。云。新羅人。師云。未跨船舷時。好與三十棒。法眼云。大小德山。話作兩橛。德山密云。大小德山。龍頭蛇尾。雪竇云。二尊宿。雖善裁長補短。舍重從輕。要見德山老漢。亦未可在。何故。殊不知德山握閫外之威權。有當斷不斷。不招其亂底。劒子。諸人要識新羅僧麼。只是撞著露柱底瞎漢。大瀉詰云。德山大似清平世界。錚甲磨鎗。這僧不惜性命。身挨白刃。

示衆云。問則有過。不問。猶乖時。有僧出作禮。師便打。僧云。某甲話也未問。爲甚便打。師云。待爾開口。堪作甚麼。

示衆云。諸子從朝至暮。有甚麼事。莫要逞驢唇馬嘴。問德山。老漢麼。我且不怕。爾未審。諸子有何疑慮。近來末法時代。多有鬼神群隊。傍家走言。我是禪師。未審學得多少禪道。說似老漢來。爾諸方老禿奴教。爾修行作佛。傍家行脚。成得幾箇佛也。爾若無可學。又走作甚麼。若有學者。爾將取學得底來。呈似老僧看。一句不相當。須喫痛棒。始得。爾被他諸方老禿奴魔魅。著便道。我是修行人。打硬作橫。作樣恰似得道底人面。孔莫取次用心。萬劫千生。輪回三界。皆爲有心。何故。心生則種種法生。若能一念不生。則永脫生死。不被生死纏縛。要行即行。要坐即坐。更有甚麼事。仁者。我見爾諸人到處發心。向老禿奴會下學佛法。荷負不惜身命。皆被釘却。諸子眼睛。斷諸子命根。三二百箇姪女相似。道我王化建立法幢。爲後人開眼目。自救得麼。仁者。如此說。修行豈不聞道。老胡經三大

阿僧祇劫修行。即今何在。八十年後死去。與爾何別。諸子莫狂勸。爾不如休歇去。無事去。爾瞥起一念。便是魔家眷屬。破戒俗人。爾見德山出世。十箇五箇。擬聚頭來。難問教。結舌無言。爾是傀儡兒。今何不出來。破布袋裏盛錐子。不出頭。是好手。我要問爾實底。莫錯。仁者。波波地傍家走道。我解禪。解道。點眉點肋。稱楊稱鄭。到這裏。須盡吐却。始得無事。爾但外不著聲。色內無能所知。解體無凡聖。更學甚麼。設學得百千妙義。只是箇喫瘡疣鬼。總是情魅。我這裏虛空道有。且不是有道。無且不是無。言凡不凡。言聖不聖。一切處安著他。不得與爾萬法爲師。這箇老漢。不敢謗他。所以老胡吐出許多方便涕唾。教爾無事去。莫向外求。爾更不肯欲得採集殊勝言句。蘊在骨髓。巧說言辭。以舌頭取辦。高著布裙。貴圖人知道。我是禪師。要出頭處。若作如此見解。打那鬼骨。臂入拔舌地獄。有日在到處覓人。道我是祖師。門下客。被他問著。本分事口。似木揆。便却與他說菩提涅槃。眞如解脫。廣引三藏言教。是禪是道。誑他闍闍。有甚麼交涉。謗我先

祖德山老漢見處即不然。這裏佛也無祖也無達磨。是老臊胡。十地菩薩是擔屎漢。等妙二覺是破戒凡夫。菩提涅槃是繫驢。十二分教是鬼神簿。拭瘡疣。紙四果三賢。初心十地。是守古塚鬼。自救得也。無佛是老胡屎橛。仁者莫錯身披瘡疣衣。學甚麼事。飽喫了飯。說真如涅槃皮。下還有血脈。須是箇丈夫。始得。儂莫愛聖聖是空名。向三界十方世間。若有一塵一法可得。與儂執取。生解。保任貴重者。盡落天魔外道。是有學得底。亦是依草附木。精魅野狐。諸子老漢。此間無一法與儂。諸子作解會。自己亦不會。禪老漢亦不是善知識。百無所解。只是箇屙屎送尿。乞食乞衣。更有甚麼事。德山老漢勸儂。不如無事去。早休歇去。莫學顛狂。每人擔箇死屍。浩浩地走到處。向老禿奴口裏。愛他涕唾。喫便道。我是入三昧。修蘊積。行長養聖胎。願成佛果。如斯等輩。德山老漢見似毒箭入心。花針亂眼。辜負先聖。帶累我宗。圖他道。我是出家兒。如此消他十方施主水也。消不得。莫筭道。敢向他國王地上行。父母不供甘旨。豈爲無罪。莫錯用心。閻羅

王徵儂草鞋錢。有日在穿儂鼻孔。繫著橛上。償他宿債。莫言不道。是儂諸人大。似有福。遇著德山出世。與儂解却繩索。脫却籠頭。卸却角獸。作箇好人。去三界六道收攝。儂不得。更無別法。是箇粗。赫虛空。無礙自在。不是儂莊嚴得底。物從佛從祖。皆傳此法。而得出離。一大藏教。只是整頓儂。今時人。諸子莫向別處求覓。乃至達磨小碧眼胡僧。到此來也。只是教儂無事去。教儂莫造作。著衣喫飯。屙屎送尿。更無生死可怖。亦無涅槃可得。無菩提可證。只是尋常一箇無事人。第一莫拱手作禪師。覓箇出頭處。巧作言語。魔魅後生。欲得人喚作長老。自己分上都無交涉。徒知心識浩浩。地日夜捏怪不休。稱揚稱鄭。我是江西馬大師宗徒。德山老漢。且不是儂羣隊人。我見石頭和尚。不識好惡。老漢所以罵他。諸子儂莫著聲色名言句義。境致機關道理。善惡凡聖。取捨攀緣。染淨明暗。有無諸念。可中與麼得。方是箇無事人。佛亦不如儂。祖亦不如儂。仁者莫走。蹈儂脚板。闕去別無禪道。可學。若有學得者。卽是二頭三首。外道見解。亦無神通變現。

可得汝道神通是聖諸天龍神五通神仙外道修羅亦有神通應可是佛也孤峰獨宿一食卯齋長坐不臥六時禮念疑他生死老胡有言諸行無常是生滅法若言入定凝神靜慮得者尼乾子等諸外道師亦入得八萬劫大定莫是佛否明知邪見精魅仁者老胡不是聖佛是老胡屎橛且要仁者辨取好惡莫著人我免被諸聖槩菩提槩解脫殊勝名言妙義沒溺繫縛汝何故一念妄心不盡卽是生死相續仁者時不待人莫因循過日時光可惜老漢不圖爾田庫奴荷負若肯卽信取若不肯每人有箇屎鉢擔取去老漢亦不求爾諸方大有老禿奴取一方處所說禪說道爾急去學取抄取我此間終無一法與爾諸人仁者問取學取以爲知解老漢不能入拔舌地獄若有一塵一法示諸人說言有佛有法有三界可出者皆是野狐精魅諸人者欲得識麼只是箇虛空尙無纖塵可得處處清淨光明洞達表裏瑩徹無欲無依無棲泊處有甚麼事老漢從生至死只是箇老比丘雖在三界生而無垢染欲得出離何處去設有去處亦

是籠檻魔得其便仁者莫用身心無可得只要一切時中莫用他聲色應是從前行履處一時放却頓脫羈鎖永離蓋纏一念不生卽前後際斷無思無念無一法可當情仁者作麼生擬下口觜爾多知解還會識渠面孔麼出家兒乃至十地滿心菩薩覓他蹤跡不得所以諸天歡喜地神捧足十方諸佛讚嘆魔王啼哭何以故緣此虛空活潑潑地無根株無住處若到這裏眼目定動卽沒交涉仁者莫求佛佛是大殺人賊賺多少人入淫魔坑莫求文殊普賢是田庫奴何惜許一箇堂堂大丈夫兒喫他毒藥了便擬作禪師面孔見神見鬼向後狂亂傍家走覓師婆打瓦卜去被無知老禿奴便卽與卜道教爾禮祖師鬼佛鬼菩提涅槃鬼是小姪女子不會便問如何是祖師西來意這老禿奴便打繩床作境致豎起拂子云好晴好雨好燈籠巧述言辭強生節目言有玄路鳥道展手若取如是說如將寶器貯於不淨如將人糞作旃檀香仁者彼旣丈夫我亦爾怯弱於誰竟日就他諸方老禿奴口觜接涕唾喫了無慚無愧苦哉苦哉狂



却子去。因果分明。水牯牛牽犁。拽把。眼睛突出。氣力不登。大棒打。爾春。勸佛衣。食道我修行了也。若不明大理。饒爾去。佛肚裏。還來只是箇能行底屎。概不會遇著好人。便即認得。六根門頭。光影。向口裏說。取露布。是隱言。妙句。光彩。尖新。爭奈。爾自家。無分。仁者是別人。涕唾。更有一輩。三三兩兩。聚頭。商量。甚麼處。無事。好經冬。過夏。快說。禪道。有知解。會義理。仁者。總作如此見解。竟便宜。豈有如此道理。入地獄。有日。在莫道。不向諸子。說到。處。菜不擇一莖。柴不搬一束。一朝福盡。只是喫草。去。虛。消。信。施。盜。稱。參。學。更作。禪師。模樣。無益於人。自己。分上。十二時中。行履。處。心常。附物。見人。只欲。妖媚。掉尾子。指東。語。西。眼裏。口邊。果然。不見。只欲。將相似。語。勸。當。解。處。老。漢。與。爾。諸人。何。別。郎。君子。莫取。一期。眼下。口快。喫他。毒藥。了。似貪姪女人。不持。齋戒。嗜。禿奴。羣羊。僧。顛。却。他人。入。地獄。仁者。莫取。次看。策子。尋句。義。竟。勝負。一。通。一口。何時。休歇。老。漢。相。勸。不是。惡事。切。須。自。帶。眼。目。辨。取。清。濁。是。佛。語。是。魔。語。莫。受人。惑。所以。殊。勝。名。言。皆是。老。胡。一。期。方。

便施設。切須休歇。去。莫倚一物。領他言語。作解會。揀擇。親疎。浮虛。詐偽。記他閑言長語。皆是比量。仁者。老。漢。只恐。諸子。墮坑。落。運。作。薄福。業。事。持。唇。背。得。少。爲。足。向。靜。處。立。不肯。進。前。自。惑。諸。境。亂。走。他又。由。巡。萬。法。蓋。爲。不。信。虛。空。本。來。無。事。增。減。他。不。得。爾。諸人。好。似。老。鴉。身。在。虛。空。心。在。糞。堆。頭。只。覓。死。物。喫。諸子。莫。道。德。山。老。漢。不。曾。入。叢。林。商。量。高。聲。罵。取。無。人。情。不。怕。業。只。爲。諸子。不。守。分。馳。騁。四。方。傍。他。門。戶。恰。似。女。姑。鬼。傳。言。送。語。依。事。作。解。心。跡。不。忘。自。猶。不。立。常。負。死。屍。擔。枷。帶。鎖。五。百。一。千。里。來。到。德。山。面。前。八。字。立。地。如。欠。伊。禪。道。相。似。和。尙。須。爲。我。說。指。示。我。老。漢。全。體。作用。大。棒。鎧。這。田。庫。奴。罵。賊。屎。孔。面。不。識。好。惡。到。我。這。裏。恰。似。遇。澄。州。人。喫。魚。羹。爛。臠。一。頓。且。圖。爾。放。下。重。擔。去。却。枷。鎖。作。箇。好。人。去。還。肯。麼。若。肯。即。住。不。肯。一。任。脫。去。珍。重。

雪峰問古人斬地。意旨如何。師便打。峰便走。師召云。布衲。峰。回。首。師云。他後。悟。去。方。知。老。漢。徹。底。老。婆。心。師。見。僧。來。閉。却。門。僧。敲。門。師。問。阿。誰。云。師。子。兒。師。開。

門僧作禮師驚頂騎云這畜生甚處去來

有僧來相看作相撲勢師云與麼無禮合喫山僧手中棒僧拂袖便行師云饒爾如是也只得一半僧轉身便喝師便打云須是我打爾始得僧云諸方有明眼人在師云天然有眼僧壁開眼云貓便出師云黃河三千年一度清

僧問路逢達道人不將語默對未審將甚麼對師云只恁麼僧良久師云汝更問看僧擬再問師便喝出妙喜云不妨好一喝只是下得太遲

僧問如何是菩提師云出去莫向這裏問如何是佛師云佛是西天老比丘

師因疾僧問還有不病者麼師云有云如何是不病者師云阿耶耶阿耶耶

師臨示寂時示衆云捫空追響勞汝精神夢覺覺非復有何事言訖端然而寂時咸通六年乙酉十二月三日也壽八十六鴈六十五塔于本山

洪州寶峰和尚凡五師問巖頭與麼作麼生會頭云不與麼不與麼又作麼生會師云是平實語頭

云腰帶無鈎師云作麼生頭云上腰不得師云是平實語

有僧從巖頭來師豎起拂子云落在此機底人未具眼在僧擬進前師云恰落在此機僧回舉似巖頭頭云我若見奪却拂子看他作麼生師聞乃云我豎起拂子從他奪總不將物來爾又作麼生頭聞乃云無星秤子有甚麼辨處

師見僧念經從方丈前過師云滿口道盡只是不具眼僧以手指師云道道師掌身邊沙彌云眼在甚麼處僧蹺一足云與麼與麼師云長江下釣無餌也吞僧便喝云這老和尚無故塗糊人師云咬人師子不露牙僧作咬勢師云大裁帽子別處戴

師問僧其中事即易道不落其中事始終難道僧云某甲在路時便知有此一同師云更二十年行脚也不較多云莫不契和尚意麼師云苦瓜那堪待客師問僧古人有一條路接初機晚進汝還知麼云請師指出師云恁麼則闍梨知了也云頭上更安頭師云老僧不合問云問又何妨師云我這裏不曾容人

亂道出去

潭州道吾宗智禪師法嗣

潭州石霜慶諸禪師凡十廬陵陳氏子師到瀉山作米頭篩米次山云施主物莫拋撒師云不拋撒瀉於地上拾得一粒米示師云汝道不拋撒這箇從甚麼處得來師默然瀉云莫輕這一粒百千粒盡從這一粒生師云未審這一粒從甚麼處生瀉山呵呵大笑歸方丈至晚上堂云大衆米裏有蟲

師問道吾如何是觸目菩提吾喚沙彌彌應諾吾云添淨瓶水著吾却問汝適來問甚麼師擬舉吾便起去師於此密契

道吾謂師云我疾作將欲去世心中有物久而爲患誰爲我除師云心物俱非除之益患吾賢之

示衆云一代時教是整頓爾時人手脚凡有其由皆落今時直至法身非身猶是教家極則我輩沙門全無肯路若分卽差不分卽坐著泥水

僧問咫尺之間爲甚麼不覩師顏師云我道徧界不曾藏僧後問雪峯徧界不曾藏意旨如何峯云甚麼

處不是石霜僧回舉似師師云這老漢有甚麼死急

玄沙云山頭老漢蹉過也 洞山云笑殺土地

瑯琊覺云雪峰雖有利人之心且無出人之眼

石霜雖有出人之眼未知有向上一竅

僧問先師一片靈骨黃金色擊作鐘磬未審甚麼處去也師召僧僧應諾師云爾不會我語去

有僧辭師問缸去陸去云遇缸卽缸遇陸卽陸師云我道半途稍難僧無對

雲門代云三十年後此話大行 又云臨行之句永劫不忘

僧問三千里外遠聞石霜有箇不顧是否師云是云且如萬象歷然是顧不顧師云我道不驚衆云不驚衆是不與萬象合如何是不顧師云徧界不曾藏

雪竇云誰是不顧者

裴相公來師拈起裴笏問在天子手中爲珪在官人手中爲笏在老僧手中且道喚作甚麼裴無對師乃留下笏子

雪竇代云弄巧成拙 保寧勇代云只恐和尚

用不著

師問侍者道。吾云莫棄這邊著。那邊備作麼生會者。云一依和尚所會。師云作麼生是我會處。者從西過東而立。師云備正是棄這邊著那邊。

僧問如何是祖師西來意。師扣齒示之。僧不契。師遷化後。其僧問九峰先師扣齒意旨如何。峯云寧可截舌不犯國諱。僧問雲蓋。蓋云我與先師有甚冤讎。

僧問一毫穿衆穴時如何。師云直須萬年去。云萬年後如何。師云登科任備登科拔萃任備拔萃。其僧後問徑山譚。譚云光靴任備光靴結褵任備結褵。

潭州漸源仲興禪師。凡六師爲道。吾作侍者。一日過茶與吾。吾接得拈起盞子云是斜。是正。師叉手近前視之。吾云斜則總斜。正則總正。師云某甲不恁麼。吾云子作麼生。師奪盞子提起云是斜。是正。吾云汝不謬爲吾侍者。

師侍道。吾到一家吊慰次。師撫棺云生耶死耶。吾云生也不道。死也不道。師云爲甚麼不道。吾云不道不道。歸至中路。師云和尚快與某甲道。若不道打和尚。

去吾云打卽任打。道卽不道。師便打吾歸寺。謂師云汝宜離此。恐知事知於汝不便。

大鴻秀云大凡言論須有轉身之謀。道吾旣喫他痛棒。且漸源具甚麼眼。

師辭道吾去一村院。凡經三年。一日聞童子念經云應以此丘身得度者。卽現此丘身。師忽然大悟。遂焚香作禮云信知先師之言終不虛。發自是我不會錯怪先師也。

師後造石霜。霜問向來打先師因緣。還會也未。師云却請和尚道。霜云不見道生也不道。死也不道。師遂通所得作禮而退。

雲居元云石霜著甚死急。喚惺千箇。漸源有甚用處。當初待他舉了。以棒打出。非唯作天下宗師。亦乃與道吾雪屈。

師一日荷鋤子於法堂上。從西過東。從東過西。霜問作甚麼。師云覓先師靈骨。霜云洪波浩渺。白浪滔天。覓甚麼。先師靈骨。師云正好著力。霜云這裏針劄不入。著甚麼力。師荷鋤便出。

太原孚云先師靈骨猶在

保寧勇頌云終日挨門復倚樓幾回明鏡照梳頭自從事却潘郎後也會人前不識羞

師在紙帳中坐有僧來撥開帳云不審師視之良久云會麼云不會師云七佛已前事爲甚麼不會後僧舉似石霜霜云如人善射箭不虛發

師一日捲簾在方丈內坐寶蓋和尚來見乃下却簾子歸客位師令侍者傳語云長老遠來不易猶隔津在蓋打侍者一掌者云不得打某甲自有堂頭和尚在蓋云爲有堂頭和尚所以打爾者舉似師師云猶隔津在

祿青和尚凡三僧同不落道吾機請師道師云庭前紅莧樹生葉不生花僧無語師云會麼云不會師云正是道吾機爲甚麼不會僧作禮師便打云須是老僧打爾始得

有僧來師以目視之僧云是箇機關於某甲分上用不著師彈指三下僧繞繩床一匝依位而立師云參堂去僧纔出去師便喝僧以目視之師云酌然是用

不著

潭州雲巖曇晟禪師法嗣

筠州洞山良价禪師凡十二會稽俞氏子七歲依律師

出家一日律師爲師授般若心經至無眼耳鼻舌身意處師顛倒上下又自捫其身云和尚亦有眼耳鼻舌身意某甲亦有眼耳鼻舌身意佛何得言無其師驚云吾非汝師汝已後當荷大乘法去遂親送師入五洩山出家

師初謁忠國師問如何是古佛心忠云牆壁瓦礫是師云牆壁瓦礫豈不是無情忠云是師云無情還會說法也無忠云常說熾然說無間歇師云甚麼人得聞忠云諸聖得聞師云師還問否忠云我不聞師云和尚既不聞爭知無情會說法忠云賴我不聞我若聞即齊於諸聖汝即不聞我說法師云怎麼則衆生無分也忠云我爲衆生說不爲諸聖說師云衆生聞後如何忠云即非衆生師云無情說法該何典故忠云酌然言不干典非君子之所談豈不是華嚴云刹說衆生說三世一時說師不契師後到潯山山問承



聞价闍梨曾問忠國師無情說法是否師云是。爲云試舉看師舉了。爲云我這裏也有些子。只是罕遇其人。師云便請。爲以拂子點一點。師云請和尚爲某甲說。爲云父母所生口終不爲子說。師云此間莫有同年慕道者麼。爲云此去澧陵縣側石室有雲崑道人。若能撥草瞻風。必爲子之所重。師辭。爲山直造雲崑。請益前話。崑云不見彌陀經云水鳥樹林悉皆念佛念法。師因有省。作偈云也大奇也大奇。無情說法不思議。若將耳聽終難會。眼處聞聲方得知。

師問雲巖某甲有餘習未盡。巖云汝曾作甚麼來。師云聖諦亦不爲。巖云還得歡喜地也未。師云歡喜即不無。如糞堆頭拾得一顆明珠。

師問雲巖百年後。忽有人問還邈得和尚真如何。祇對巖云。但道只這是。師沉吟。巖云价闍梨承當箇事。大須審細。師無語。巖便打後。因過水觀影。方得頓悟。作偈云。切忌從他覓。迢迢與我疎。我今獨自往。處處得逢渠。渠今正是我。我今不是渠。應須恁麼會。方得契如如。

師因供養雲巖。眞僧問先師道。只這是。莫便是麼。師云是。云意旨如何。師云當初泊錯會先師意。云未審先師還知有也。無師云若不知有。爭解恁麼道。若知有。爭肯恁麼道。

師辭京兆興善平禪師。平問甚處去。師云汭流無定止。平云法身汭流。報身汭流。師云總不作此解。平乃撫掌。

示衆云。秋初夏末。東去西去。直須向萬里無寸草處去。始得。又云。只如無寸草處。作麼生去。後有僧舉似石霜。霜云出門便是。草師聞乃云。大唐國裏能有幾人。

大陽延云。如今直道不出門。亦草漫漫地。且道合向甚麼處行履。良久云。莫守寒巖異草。青坐著白雲。宗不妙。

妙喜云。師子一滴乳。迸散十斛驢乳。

示衆云。有一人在千人萬人中。不肯一人不向一人。偏道此人具何面目。雲居膺出云。某甲參堂去。師垂語云。須知有佛向上事。時有僧出問。如何是佛。

向上事師云非佛

雲門云名不得狀不得所以言非

師夜參不點燈有僧問話退師喚侍者點燈來召其僧僧出來師云將取三兩粉與這上座其僧拂袖而退因而有省乃罄衣鉢設齋待三年後辭師師云善爲時雪峰侍立乃問這僧辭去幾時却來師云他只知一去不解再來其僧歸衣鉢下坐化須臾報師師云雖然如此猶較老僧三生在

師與泰首座喫果子次師問有一物上拄天下拄地黑如漆常在動用中動用中収不得偏道過在甚麼處泰云過在動用中師便喝掇却果卓

五祖戒云來朝更獻楚王看

大潞喆云還知洞山落處麼若也不知往往作是非得失會去山僧道這果子莫道泰首座不得喫設使盡大地人來亦不得正眼覷著雲蓋本云洞山雖有打破虚空底鉗鎚且無補綴底針線待伊道過在動用中但道請首座喫果子泰首座若是箇漢喫了也須吐出

開善謙云洞山倚勢欺人真如隨風倒掩忽有人問山僧道過在甚麼處拈果子便喫何故下坡不走快便難逢

師在潞潭因初首座示衆云也大奇也大奇佛界道界不思議師出云佛界道界卽不問且如說佛界道界是甚麼人只請一言初良久師云何不急道初云爭卽不得師云道也未曾道說甚麼爭卽不得初無語師云佛之與道只是名字何不引教初云教道甚麼師云得意忘言初云猶將教意向心頭作病在師云說佛界道界病大小初明日忽遷寂時號師爲問殺首座价

師與雲居渡水次問水深多少居云不濕師云過人居云和尚作麼生師云不乾

有一病僧在延壽堂要見師師遂去僧問和尚何不救取人家男女師云汝是甚麼人家男女云某甲是大闢提人家男女師良久僧云四山相逼時如何師云老僧亦從人屋簷下過云回互不回互師云不回互云教某甲向甚麼處去師云栗畚裏去僧噓一聲

云珍重便坐脫師以拄杖敲頭三下云汝只解怎麼去不解怎麼來

師因普請次巡察見一僧師問爾何不赴普請云某甲不安師云爾尋常安時又何曾去僧無對

師問僧名甚麼云某甲師云阿那箇是爾主人公云見祇對次師云苦哉苦哉今時人例皆如此只認得驢前馬後底將謂自己佛法平沉因茲是也客中認主尚未分明如何辨得主中主僧便問如何是主中主師云闍梨自道取云某甲道得只是客中主如何是主中主師云與麼道即易相續也大難乃示偈云嗟見今時學道流千萬萬認門頭還似入京朝聖主只到潼關即便休

僧問時時勤拂拭莫遣惹塵埃爲甚麼不得他衣鉢師云直饒道本來無一物也未合得他衣鉢云甚麼人合得師云不入門者云只如不入門者還得也無師云雖然如此不得不與他師復云直道本來無一物亦未合得他衣鉢這裏合下得甚麼語有一僧下九十六轉語不愜師意末後一轉始相契師云何不

早怎麼道有一僧密聽只不聞末後一轉語請益其僧僧不肯說如是三年執侍巾瓶一日因疾僧云某甲請舉前話不蒙慈悲善取不得惡取去遂將刀向前云上座若不爲某甲舉即殺上座去僧悚然云闍梨且待我爲汝舉乃云直饒將來也無著處其僧忻然禮謝

雪竇云他既不受是眼將來底必應是瞎還見祖師衣鉢麼若於此入門便乃兩手分付非但大庾嶺頭一人提不起設使盡國人來且款款將去翠巖芝云不得他衣鉢即與古佛同參且道參阿誰

師於扇上書佛字雲巖見即書不字又改作非字雪峰見一時除却

師問僧甚麼處來云游山來師云還到頂麼云到師云頂上有人麼云無人師云爾不會到頂云若不到頂爭知無人師云闍梨何不且住云某甲住即不辭西天有人不肯

僧問三身中阿那身說法師云吾常於此切僧後問

曹山洞山道吾嘗於此切意旨如何曹云要頭便斫將去又問雪峯以拄杖劈口拄云我也曾到洞山來

承天宗云一轉語海晏河清一轉語風高月冷一轉語騎賊馬趕賊試請辨看忽有箇衲僧出來道總不恁麼也許他具隻眼

僧問寒暑到來時如何回避師云何不向無寒暑處去云如何是無寒暑處師云寒時寒殺閻梨熱時熱殺閻梨

雪竇頌云垂手還同萬仞崖正偏何必在安排  
瑠璃古殿照明日忍俊韓獪空上塔

師問僧世間甚麼物最苦僧云地獄最苦師云不然衣線下不明大事始是苦

有官人云某甲欲註三祖信心銘師云纔有是非紛然失心作麼生註官人無對

保寧勇代云今日得上座證明

師將示寂遣沙彌去傳語雲居他若問汝和尚有何言句但道雲居路欲絕也汝須遠立恐他打備沙彌

依教語未終被雲居打一棒沙彌無語

師臨示寂時告衆云吾有閑名在世誰爲我除有沙彌出云請和尚法號師云吾閑名已謝師於咸通十一年三月一日剃沐端然坐逝大衆號慟移時師忽開眼云夫出家之人心不附物是真修行勞生息死於悲何有乃令主事辨愚癡棄一中蓋責其戀情也至八日方坐逝壽六十三鴈四十二塔于本山  
潭州神山僧密禪師凡五師與洞山行次忽見白鹿走過師云俊哉洞云作麼生師云大似白衣拜相洞云老老大大作這箇語話師云爾又作麼生洞云積代簪纓暫時落魄

師與洞山過水洞云莫錯下脚師云若錯即過不得也洞云不錯底事作麼生師云共長老過水

師與洞山行次洞指路傍院云裏面有人說心說性師云是誰洞云被師伯一問直得去死十分師云說心說性者誰洞云死中得活

師把針次洞山問作甚麼師云把針洞云把針事作麼生師云針針相似洞云三十年同行作這箇語話

豈有與麼工夫。師云。長老作麼生。洞山云。大地火發。底道理。

師與洞山鋤茶園。洞下鋤頭云。我今日困一點氣力也。無師云。若無氣力。爭會與麼。道洞云。偏將謂有氣力底。是那師休去。

涿州杏山鑒洪禪師。凡一臨濟問。如問是露地白牛。師云。咩咩。濟云。啞却杏山口。師云。長老作麼生。濟云。這畜生師便休。

幽溪和尚。凡一僧問。大用現前。不存軌則。時如何。師繞繩床一匝。而坐。僧擬進語。師與一踏。僧歸位而立。師云。汝恁麼。我不恁麼。汝不恁麼。我却恁麼。僧再進語。師又與一踏。云。三十年後。吾道大行。

聯燈會要卷第二十



聯燈會要卷第二十一

住泉州崇福禪寺嗣祖比丘 悟明 集

青原下第五世

秀州華亭船子德誠禪師法嗣

澧州夾山善會禪師凡十廣州峴亭廖氏子初住京

中竹林寺今鑄林是上堂有僧問如何是法身師云法身

無相進云如何是法眼師云法眼無瑕道吾時客座

下聞是語不覺失笑師纔下座即請吾喫茶問某甲

適來祇對這僧話必有不是處致令上座失笑望上

座不吝慈悲吾云和尚一等是出世未有師在師云

某甲甚處不是望爲說破吾云某甲終不說可參華

亭船子誠和尚去師云此人如何吾云此人上無片

瓦遮頭下無卓錫之地若去宜易其服師乃散衆易

服徑造華亭誠見師來便問大德住甚麼寺師云似

則不住住則不似誠云不似又不似箇甚麼師云不

是目前法誠云甚處學得來師云非耳目之所到誠

云一句合頭語萬劫繫驢橛誠又問垂絲千尺意在

深潭離釣三寸子何不道師擬開口誠拈橈子臂脊

打落水中師纔上船誠急索云道道師擬開口誠又

打師豁然大悟乃點頭三下誠云竿頭絲線從君弄

不犯清波意自殊師遂問拋綸擲釣師意如何誠云

絲懸淡水浮定有無之意師云語帶玄而無路舌頭

談而不談誠云釣盡江波金鱗始遇師乃掩耳誠云

如是如是即囑師云向去直須藏身處沒蹤跡沒蹤

跡處莫藏身吾二十年在藥山只明斯事汝今既得

他後不得住城隍聚落但向深山裏鑽頭邊覓取一

箇半箇接續無令斷絕師即辭行頻頻回顧誠喚云

闍梨闍梨師回首誠豎起橈子云汝將謂別有那乃

覆缸入水而逝師後出世夾山

示衆云不知天曉悟不由師龍門躍鱗不墮漁人之

手但意不寄私緣舌不親玄旨正好知音此名俱生

話若向玄旨疑去賺殺闍梨困魚止淺鈍鳥棲蘆雲

水非闍梨闍梨非雲水老僧於雲水而得自在闍梨

又作麼生

示衆云金烏玉兔交互爭輝坐却日頭天地黑暗上

層與下層從來不相識明明向君道莫令眼顧著何

也日月未足爲明天地未足爲大空中不運斤巧匠不遺蹤見性不留佛悟道不存師尋常老僧道目觀瞿曇猶如黃葉一大藏教是老僧坐具祖師玄旨是破草鞋闍梨寧可赤脚不著最好

示衆云古人重懷中之金千尺冰雪遇日即消萬劫疑情一句頓曉不墮沙門手不度六門事聞中生解意下丹青浮雲不關山滴水鋒鋦尙犯他影饒君解唱婆娑曲終歸不曉影人蹤驪馬奔騰從闍梨立響這裏老僧沒蹤

示衆云眼不挂戶意不停玄直得靈草不生猶是五天之位珠光月魄不是出頭時座上無老僧目前無闍梨

示衆云動則影現離舌三寸須有眼始得坐却舌頭別生見解露柱簷楹滴滴珠之影乘舟者迷登機者失子有跨戶之談老僧有室中之意明月寄空碧潭無分一句合頭語萬劫繫驢橛或句到意不到或意到句不到或意句俱不到或意句俱到冥應萬機龍現即乖言下無跡句裏出頭言下立人言下無跡

闍梨玄旨是老僧舌頭老僧玄旨是闍梨舌頭坐却舌頭別生見解他參活意不參死意溢目不登揚眉自曉

示衆云聞中生解意下丹青目下即美久蘊成病青山與白雲從來不相到機梭不挂絲頭事文彩蹤橫意自珠嘉祥一路智者知疏瑞草無根賢者不賣示衆云明不越戶穴不棲巢目不顧他位裏脚不踏他位裏六戶不掩四衢無蹤學不停午意不立玄干劫眼不惜舌頭底萬劫舌頭不顧眼中明俊機不假鋒鋦事到這裏有箇甚麼事闍梨竿頭絲線從君弄不犯清波意自殊

示衆云忽有人問老僧報道百草頭上罷却平生事根株亦不留老僧當位坐坐處不停囚闍梨殿上識得天子屋裏識得主人公有甚用處須向鬧市門頭識取天子百草頭上薦取老僧方是傀儡漢金鳥不挂風雲影水鳥那能度九天明月夜藏鈎不知落誰手

示衆云老僧於古路頭置箇選場若是孤進者即放

過若是其中人卽別有一路。目前無法意在目前。不是目前法。非耳目之所到。天無因地。無果日月只運轉虛空裏。假使碧潭清似鏡。終教明月下來。難胡曲從君。唱秦箏夜裏彈。清聲外意與他不相干。闍梨龍無龍句。他不隨本形。駿馬不露風骨。老僧管云天無動。照之功德無立機之用。明月不關天地事。闍梨錯向水中求。九五從他天子貴。金烏西謝也須愁。空戶不拘關鎖意。風雲不涉兩頭人。

示衆云。我二十年住此山。未嘗舉著宗門中事。一日有僧問承聞和尚有言。二十年住此山。未嘗舉著宗門中事。是否。師云。是。僧掀倒禪床。師休去。至明日。普請掘一坑。令侍者喚昨日問話僧來。僧便出。師云。老僧二十年只說無義語。今請上座打殺老僧埋向坑中。便請上座若不打殺老僧。上座自著打殺埋此坑中。始得其僧歸堂。束裝潛去。

師會下有一僧到石霜纔入門。便云。不審霜云。不必僧云。恁麼則珍重。又到巖頭云。不審頭。噓兩聲。僧云。恁麼則珍重。纔回步。頭云。雖是後生。亦能管帶其僧。

回舉似師。師次日陞堂。喚云。昨日從石霜巖頭歸底。阿師出來。如法舉著。僧出。舉前話。畢。師云。大眾還會麼。若無人道。老僧不惜兩莖眉。毛道去也。乃云。石霜雖有殺人刀。且無活人劍。巖頭亦有殺人刀。亦有活人劍。

#### 妙喜云。癡人面前不得說夢。

西蜀有一座主舉華嚴。問白馬一塵含法界。無邊時如何。馬云。如車二輪。如鳥兩翼。主云。將謂禪門別有奇特。元來不出教乘。乃回本地。後聞師盛化。遣小師持前話問師。師云。雖沙無鏤玉之談。結草乖道人之思。小師回舉似其師。其師讚嘆云。將謂禪門與教意不殊。元來有奇特事。

師有小師行脚。聞師道聲振遠。乃回省覲云。和尚有如此奇特事。何不向某甲說。師云。汝蒸飯。吾著火。汝行益吾展鉢。甚麼處是辜負。憫麼。小師從此開悟。師問僧甚處來。云。洞山來。師云。有何言句。云。尋常許人三路學。玄路鳥道展手。師云。實有此語。那云。然師云。執持千里鈔。林下道人悲。

師問虎頭上座甚處來云湖南師云曾到石霜麼云要路經過爭得不到承聞石霜有毬子話是否云和尚也須急著眼始得師云作麼生是毬子云跳不出師云作麼生是毬杖云勿手足師云老僧未曾與闍梨相識出去

雪竇云親見這僧從石霜來因甚麼道不相識師次日陞堂召云昨日新到還在麼虎頭應諾師云目前無法意在目前不是目前法非耳目之所到頭云今日雖同要且不是師云片月雖明非關天地頭云莫屎涕便作掀禪床勢師云且緩緩虧著上座甚麼處頭豎起拳云目前還著得這箇麼師云作家作家頭又作掀繩床勢師云大眾看這一員戰將若是門庭建立山僧不如他若據入理深談猶較山僧一級地

僧問如何是目前無法師云夜月流輝澄潭無影僧作掀禪床勢師云上座又作麼生僧云目前無法了不可得師云大眾看這一員戰將僧問撥塵見佛時如何師云欲知此事直須揮劍若

不揮劍漁父棲巢僧後問石霜霜云渠無國土甚處逢渠僧回舉似師師云門庭施設即不無夾山入理深談猶較石霜百步

僧問如何是相似句師云荷葉團團似鏡菱角尖尖似錐復云還會麼云不會師云風吹柳絮毛毬走雨打梨花蝶飛

僧問如何是道師云太陽證目萬里不挂片雲云如何體會師云清清之水流魚自迷

僧問如何識得家中至寶師云忙中爭得作閑人問擬伸一問師還許也無師云四海無魚徒勞下釣問如何是一老一不老師云青山元不動湖水鎮長流手執夜明符幾箇知天曉問如何是沙門行師云動則影現覺則水生

京兆府翠微無學禪師法嗣

舒州投子大同禪師凡十本州懷寧劉氏子初參翠微問如何是祖師西來意微顧視之師擬進語微云更要第二杓惡水那師從此識通三昧示衆云諸人來這裏覓新鮮語句簇錦攢花圖口裏

有可道我老兒氣力稍劣口吻遲鈍亦無閑言長語到汝汝若問我我隨汝答對也無玄妙可及於汝亦不教汝塚跟終不說向上向下有佛有法有凡有聖亦不存坐繫縛汝諸人變現千般總是汝生解自擔帶將來自作自受這裏無可與汝不敢誑諱汝無表無裏可得說似諸人還知麼時有僧問表裏不取時如何師云汝擬向這裏倒跟那

示衆云。僂諸人口似刀子。鑷子相似。有甚麼當處。雖然如此。莫逞俊道。有不潦底打僂在。莫言不道。

示衆云。人人總道投子實頭。忽若下山三步外有人問。僂投子實頭事。僂作麼生祇對。

師一日庵前指石問雪峰云。三世諸佛總在裏許。峯云。須知有不在裏許者。師云。不快漆桶。

師一日同雪峯游龍眠路。有兩條峯云。那箇是龍眠路。師以拄杖指之。峯云。東去西去。師云。不快漆桶。

雪峰問師。此間還有人參也無。師將鑊頭拋向面前。峯云。怎麼則當處掘去也。師云。不快漆桶。

雪峯問。一鎚便成時如何。師云。不是性懞漢。峯云。不

假一鎚時如何。師云。不快漆桶。

雪竇云。然則一期折倒雪峰。且投子是作家爐鞴。我當時若作雪峰。待投子道不是性懞漢。只向伊道。鉗鎚在我手裏。諸上座合與投子著得箇甚麼語。若能道得便。乃性懞平生光揚宗眼。若也顛頂。頂上一鎚。莫言不道。

師在桐城縣。因趙州問。莫是投子庵主麼。師云。茶鹽錢布施。我來州先歸庵。見師自携油歸州云。久響投子到來。只見箇賣油翁。師云。僂只見賣油翁。且不見投子。州云。如何是投子。師提起瓶云。油油。

趙州問。死中得活時如何。師云。不許夜行。投明須到州云。我早喉白。僂更喉黑。

巨榮禪客來參。師云。老僧未曾有一言半句挂諸方唇齒。何用見老僧。榮云。到這裏不施三拜。要且不甘。師云。出家兒得與麼無碑記。榮繞繩床一匝而出。師云。有眼無耳。塚六月火邊坐。

雪竇云。也不得放過。纔轉便擒住。是誰不甘若跳得出不妨。是一員禪客。



大滿結云。這僧雖則慣戰沙場。爭奈投子善能折剉。何故真金不入爐中煅。爭得光華徹底鮮。僧問。如何是十身調御。師下繩床立。又問。凡聖相去多少。師亦下繩床立。

雪竇云。此公案諸人無不委知。若恁麼舉。天下衲僧盡成念話。杜家雪竇莫有長處也。無試爲大衆舉看。凡聖相去多少。投子下繩床立。如何是十身調御。投子下繩床立。且道與前來舉底是同是別。若道一般。許上座具一隻眼。若道別有奇特也。許上座具一隻眼。更開一線道。凡聖相去多少。請上座下一轉語。如何是十身調御。請上座答一轉語。非但參見投子。亦乃知雪竇長處。若總道下繩床立。惜取眉毛好。

僧問。一切聲是佛聲。是否。師云。是云。和尚莫尿沸盪。鳴聲師便打。又問。麤言及細語。皆歸第一義。是否。師云。是云。喚和尚作一頭驢。得麼。師便打。僧問。不斷煩惱而入涅槃時。如何。師作色云。這箇師僧。好發業殺人。

西堂藏云。家家觀世音。

國清機云。或有問山僧。不斷煩惱而入涅槃時。如何。劈面便掌。何故見之不取。思之千里。

僧問。依稀似半月。彷彿若三星。乾坤收不得。師於何處。明師云。道甚麼。云。想師只有湛水之波。且無滔天之浪。師云。閑言語。

雪竇云。投子古佛。不可道不知。若檢點將來。直是天地懸隔。纔問和聲。便打。

僧問。諸佛出世爲一大事。因緣和尚出世。當爲何事。師云。尹司空。今日爲老僧開堂。

有婆子上山云。婆家中失却牛。請師一卜。師召婆婆。應諾。師云。牛在。

問金雞未鳴時。如何。師云。無這箇音響。云。鳴後如何。師云。各自知時。

問月未圓時。如何。師云。吞却三箇四箇。云。圓後如何。師云。吐却七箇八箇。

問達磨未來時。如何。師云。徧天徧地。云。來後如何。師云。蓋覆不得。

問如何是無情說法師云莫惡口問師子是獸中之王爲甚麼被六塵吞師云不作大無人我問抱璞投師請師雕琢師云不是棟梁材問一大藏教還有奇特事也無師云演出一大藏教問和尚住此山有何境界師云丫角女子白頭絲問和尚甲子多少師云春風了又春風

湖州道場山如訥禪師凡一僧問如何得聞性不隨緣師云汝聽看僧作禮師云聖人也唱胡家曲好惡高低自不聞云聞性宛然也師云石從空裏立火向水中焚

鄂州清平令遵禪師凡三師問翠微如何是祖師西來意微云待無人處爲汝說師良久云無人也請和尚說微引師入竹園師又云無人也請和尚說微指竹云這一竿得與麼長那一竿得與麼短師遂領旨後住清平謂衆云先師入泥入水相爲自是我識好惡

僧問如何是大乘師云并索云如何是小乘師云錢索云如何是有漏師云爪離云如何是無漏師云木

杓云觀面相呈時如何師云分付與典座僧問如何是禪師云糊獠上樹尾連類

棗山光仁禪師凡一示衆云不辜負平生眼目致箇問來有麼時有僧出作禮師云負我且從大衆何也便歸方丈後有僧請益云和尚陞座云負我且從大衆何也意旨如何師云齋時有飯與爾喫夜間有床與爾睡一向煎迫我作甚麼僧作禮師云苦苦云乞師指示師垂下足云舒縮一任老僧

建州白雲約禪師凡一詔國師來師問甚處來云江北來師云缸來陸來云缸來師云還逢見魚鱉麼云往往逢之師云逢時如何詔咄云縮頭去師乃大笑

#### 吉州性空和尚法嗣

歙州茂源和尚凡一平田來師起身田把住云開口卽失閉口卽喪正恁麼時請和尚道師以手掩耳田放手云一步易兩步難師云有甚麼死急田云若非是師不免諸方檢點

#### 青原下第六世

鼎州德山宣鑒禪師法嗣

鄂州殿頭全豁禪師凡十泉州柯氏子初謁德山執

坐具上法堂瞻視山云作麼師便喝山云老僧過在甚麼處師云兩重公案便下參堂山云好箇阿師相似箇行脚僧師來日却上問訊德山云莫是昨日新到麼云是山云甚麼處學得這虛頭來師云某甲終不敢自瞞山云他後不得辜負老僧

師一日上問訊脚纔跨門便問是凡是聖山便喝師便作禮洞山聞乃云若不是豁公也大難承當師云洞山老漢不識好惡錯下名言殊不知我當時一手擡一手搥

雪竇云然則德山門下草偃風行要且不能塞斷天下人口當時纔禮拜劈脊便棒非唯勦絕洞山亦乃把斷豁老還會麼將軍自有嘉聲在不得封侯也是閑教忠光云還知三大老落處麼德山和身放倒洞山帶水拖泥若非巖頭具通方眼爭顯功高汗馬且作麼生是一手擡一手搥處殺人刀活人劍

師同雪峰欽山辭德山山問甚麼處去師云暫辭和

尚下山去山云子他後作麼生師云不忘和尚也山云子憑何有此語師云不見道智與師齊滅師半德智過於師方堪傳授山云如是如是善自護持

示衆云夫大統宗綱中事須識句若不識句難作箇話會甚麼是句百不思時喚作正句亦云居頂亦云得住亦云歷歷亦云惺惺亦云的亦云佛未生時亦云得地亦云與麼時將與麼時等破一切是非纔與麼便不與麼便轉轉轉地若也看不過纔被人刺著眼眨瞪地恰似殺不死底羊相似不見古人道沉昏不好須轉得始得觸著便轉纔與麼便不與麼是句亦刻非句亦刻自然轉轉轉地自然目前露保保地飽齕齕地不解却不解咬不見道却物爲上逐物爲下瞥起微情早落地上若是咬猪狗眼赫赤若有人問如何是禪向伊道合取屎孔著却有些子氣息便知深淺硬糾糾地汝識取這箇狸奴面孔與麼時不要故垛伊不要稱量伊於中有一般漢撞著物不解轉刺著局轉轉地這般底髓殺百千萬箇亦無罪過若是本色底撥著便上咬人火急却似刺蝟子相

似未觸著時。自弄毛羽。可憐生。纔有人撿著。便噉斗。咭地有甚麼。近處若也。未得與麼蕩蕩地。喚作依句。修行。有則便須等破與麼時。一物不存。信知從來學得一切言句。隘在胃中。有甚麼用處。不是道。辟觀辟句外。不放入。內不放出。截斷兩頭。自然光煇。煇地。不與一物作對。便是無諍三昧兄弟。若欲得易會。但向根本明取。欲出不出。便須轉一口咬斷。後不用尋伊。去住底遠。近但放却。自然露。裸裸地。不用思搭著。昏昏地。纔有所重。便成窠臼。古人喚作貼體衣。病最難治。是我向前行。腳時參著一兩處尊宿。只教日夜管帶。坐得骨腎生。胛口裏水漉漉地。初向然燈佛肚裏。黑漆漆地。道我坐禪。守取與麼時。猶有欲在。不見道。無依無欲。便是能仁。古人道。置毒藥。安乳中。乃至醒。翻亦能殺人。這箇不是汝習學得底。這箇不是汝去住底。不是汝色裏底。莫錯認門頭。戶口。賺汝。臘月三十日。赤闕闕地。無益當莫造作。捏怪。但知著衣喫飯。屙屎送尿。隨分遣時。莫亂統詐。稱道者。有一片衣。不敢將出。曬。恐人見失。却道者。名。圖人贊嘆。作與麼不。

中心行。兄弟亦不要信他。繩床上。老梢。搥。扇。轆轤地。將謂好誑諱人。別作地獄著。汝在信知。古風大好。不見道。有即是無。無即是有。與麼送出來。便知深淺。這箇是古格。於中有一般。漢信彩吐出來。有甚麼碑記。但知喚作禪道。但知喚作一句子。軟嫩嫩地。真是無孔鐵鎚。聚得一萬箇。有甚麼用處。若是有筋骨底。不用多諸處行脚也。須帶眼。始得。莫被人謾。不見道。依法生解。猶落魔界。夫唱教須一一從自己。曾。襟。間。吐得出來。與人爲榜樣。今時還有與麼漢。麼第一。一切須識取。左右句。這箇是出頭處。識取去底。識取住底。這箇是兩頭句。亦是左右句。亦喚作是非句。纔生便咬。自然無事。兄弟見與麼說。還會麼。莫終日。闕闕地。亦無了期。欲得易會。但知於聲色前。不被萬境惑亂。自然露。裸裸地。自然無事。送向聲色前。蕩蕩地。捨似一團火相。似觸著。便燒。更有甚麼事。不見道。非是塵不侵。自是我無心時。熱珍重。

示衆云。吾嘗究涅槃經。七八年。於中有一兩段義。頗似禪僧說話。又云。休休時。有僧出作禮云。請和尚爲。

衆舉師遂云吾教意如字三點第一向東方下一點點開諸菩薩眼第二向西方下一點點諸菩薩命根第三向上方下一點點開諸菩薩頂門此是經中第一段義又云吾教意如摩醯首羅墜開面門豎亞一隻眼此是第二段義又云吾教意如塗毒鼓擊一聲遠近聞者俱喪此是第三段義時有僧出問如何是塗毒鼓師以手按膝亞身云韓信臨朝底師問僧甚處來云西京來師云黃巢過後還收得劍麼云取得師引頸近前云因僧云師頭落也師呵呵大笑僧後到雪峰峰問甚處來云岩頭來峯云有何言句僧舉前話峯打三十棒越出

大滌喆云這僧黃巢過後曾收劍却向巖頭處施設乃至雪峯面前鋒銳不露何故爲他巖頭大笑一聲直得天地陡暗四方絕唱若不得雪峰幾乎陸沉不見道殺人刀活人劍

師因沙汰遂於鄂州湖邊作渡子兩岸各挂一板有人過渡打板一聲師云阿誰或云要過那邊去師乃舞棹迎之一日有一婆子抱一孩兒來問師呈機舞

棹則不問且道婆婆手中兒甚處得來師便打婆云婆生七子六箇不遇知音只這一箇也不消得遂拋向水中

德山謂師云我這裏有二僧住菴多時汝去看他怎生師將一斧去見二人在庵內坐師提起斧云道得也一斧道不得也一斧二人殊不顧師擲下父云作家作家歸舉似德山山云備道他如何師云洞山門下不道全無德山門下未夢見在

師與雪峯坐次欽山將水一盃致地云水清月現峰云水清月不現師賜瓢水而去

觀音會下有僧來以手左右各作一圓相中央作一圓相欲成未成師以手一撥僧無對師便喝出僧便出師却喚回問汝豈不是洪州觀音來云是師云只如適來左邊圓相作麼生云是有句師云左邊圓相作麼生云是無句師云中央圓相響云是不有不無句師云只如吾與麼又作麼生云如刀劃水師便打即時越出

師見疎山來遂洋洋而睡山近前而立師不顧山拍



繩床一下。師回顧云。作甚麼。山云。和尚且瞌睡。便出去。師呵呵大笑云。三十年弄馬騎。今日被驢撲。

臨濟有僧放大言云。我若見與他。拔却髭。一日到來。作禮欲起。未起。師將衲衣角。驚面一拂。僧無語。泣淚而去。

有僧辭師。問甚麼處去。云。入嶺禮拜雪峰。去。師云。雪峰若問巖頭如何。但向他道。近日在湖邊住。只將三文買箇撈波子。撈蝦。擺蜆。且恁麼過。時僧到雪峰。峯問甚麼處來。云。巖頭來。峯云。有何言句。僧舉前話。峯云。窮鬼子。得與麼快活。

問三界競起時。如何。師云。坐却。善僧云。未審師意如何。師云。移取廬山來。卽向爾道。

問如何是佛法大意。師云。小魚吞大魚。問浩浩塵中。如何辨主。師云。銅砂羅裏。滿盛油。問路逢猛虎時。如何。師云。拶。問無師還有出身路也。無。師云。聲前古義。爛問利劍。斬天下。誰是當頭者。師云。暗僧擬進語。師云。鈍漢。

福州雪峰義存禪師。凡四泉州曾氏子。師出嶺首謁

鹽官。自後三到投子。九上洞山。因緣不契。後參德山。遂問宗乘中事。學人還有分。無。山和聲。便棒。師當下如桶底脫。相似。山復語之云。我宗無語句。亦無一法與人。

巖頭聞云。德山一條脊梁。硬以鐵。雖然如是。於唱教門中。猶較些子。保福問招慶。只如巖頭出世。有何言句。過於德山。便恁麼道。慶云。汝不見巖頭道。如人學射。久久方中。福云。中後如何。慶云。展闌梨。莫不識痛痒好。福云。和尚非唯學話。慶云。展闌梨。是甚麼心行。

明招云。大小招慶。錯下名言。

師在洞山。作飯頭淘米。次山問。淘沙去。米淘米去。沙。師云。沙米一時去。洞云。大眾喫箇甚麼。師覆却米盆。山云。據子因緣。合在德山。

瑯琊覺云。雪峰恁麼去。大似拋却甜桃樹。松山摘醋梨。

洞山問師。甚麼處來。師云。天台洞山。云。還見智者麼。師云。義存喫鐵棒有分。

洞山問師甚處來。師云。斫槽來。洞山云。幾斧斫成。師云。一斧斫成。洞云。猶是這邊事。那邊事。作麼生。師云。直得無下手處。洞云。猶是這邊事。那邊事。作麼生。師休去。

汾陽昭代云。某甲早是困也。

師辭洞山。山問子向甚麼處去。師云。歸嶺去。山云。當時從甚路出。師云。飛猿嶺出。山云。今從甚路去。師云。飛猿嶺去。山云。有一人不從飛猿嶺去。子還證麼。師云。不識山云。爲甚麼不識。師云。他無面目。山云。子既不識。爭知無面目。師無對。

瑯琊覺云。心麤者失。

師在德山作飯頭。一日飯遲。師曬飯巾。次見德山托鉢至法堂前。師云。這老漢。鍾未鳴。鼓未響。托鉢向甚麼處去。山便歸方丈。師舉似巖頭。頭云。大小德山不會末後句。山聞令侍者喚巖頭來。山問汝不肯。老僧那頭密啓其意。山休去。明日陞堂。果與尋常不同。頭至僧堂前。撫掌大笑云。且喜得堂頭老漢會末後句。他後天下人不奈伊何。雖然如是也。只得三年後三

年果遷化。

明招代德山云。咄咄沒處去。沒處去。雪竇云。曾聞說箇獨眼龍。元來只具一隻眼。殊不知德山是箇無齒大蟲。若不是巖頭識破。爭得昨日與今日不同。諸人要會末後句麼。只許老胡知。不許老胡會。大瀉詰云。巖頭大似高崖石裂。直得百里走獸潛蹤。若非德山度量深明。爭得非昨日與今日不同。

師同巖頭欽山三人辭德山。同到澧州欽山。先住師與巖頭一日到龍山店。阻雪。師一向坐禪。巖頭唯打睡。師云。師兄。兄且起來。頭云。作甚麼。師云。今生不著便。共文遠箇漢。行脚到處被他帶累。師兄如今又只管打睡。頭喝云。噯。眠去。每日恰似七村裏土地。他時後日魔魅人家男女去。在師點臂云。某甲這裏未穩。在不敢自瞞。頭云。我將謂爾他後向孤峯頂上盤結草庵。呵佛罵祖去。在猶作這箇語話。峯云。某甲實未穩在。頭云。若實如此。據汝見處。一一通來。是處與爾證明。不是處與爾劃却。師云。某甲初到鹽官。聞舉

色空義得箇入處。頭云。此去三十年。切忌舉著。師云。又因洞山過水悟道。頌有箇省處。頭云。若恁麼自救。也不了。師云。某甲因問德山。從上宗乘。中事。學人還有分也。無山打一棒云。道甚麼。我當下如桶底脫相似。被巖頭震威一喝云。豈不聞道。從門入者。不是家珍。師云。如何。即是。頭云。他後若欲播揚大教。須一一從自己。曾襟流出。將來與我蓋天蓋地去。師於言下。大悟。跳下床。作禮云。師兄。今日始是龍山成道。師兄。今日始是龍山成道。

教忠光云。只如岩頭道。一一從自己。曾襟流出。且道。雲峯前三次悟。若從自己。曾襟流出。又道。未穩。在。若不從自己。曾襟流出。又從甚麼處得。來。莫有斷得出者麼。若斷得出。不唯雪峰。龍山。成道。盡大地有情。齊成正覺。若斷不出。說甚麼。龍山成道。直饒少室傳心也。未夢見在。

示衆云。南山有一條鼈鼻蛇。汝等諸人。切須好看。時長慶出云。今日堂中。大有人喪身失命。雲門以拄杖。攬向面前。作怕勢。僧舉似玄沙。沙云。須是稜兄始得。

然雖如是我。卽不然。僧云。和尚作麼生。沙云。用南山作麼。

眞淨云。奇哉。善知出處。非父不生其子。鶻拈拄杖。召大衆云。南山鼈鼻蛇。却在這裏。擲下拄杖云。擬卽喪身失命。

示衆云。望州亭與汝相見了也。烏石嶺與汝相見了也。僧堂前與汝相見了也。後保福問。鷄湖僧堂前。卽且致望州亭。烏石嶺。甚麼處相見。來。鷄湖驟步歸方丈。保福便入僧堂。

雪竇云。二老是則是。只知雪峯放行。不知雪峰把定。忽有箇衲僧出來。問未審雪竇作麼生。豈不是別機。宜識休咎。底漢還有望州亭。烏石嶺。底麼。良久云。擔板禪和。如麻似粟。

示衆云。盡大地撮來。如粟米粒大。拋向面前。漆桶不會打鼓。普請看。

長慶稜問雲門。雪峰與麼道。還有出頭不得處。麼。門云。有。稜云。作麼生。門云。不可總作野狐精見解。又云。狼籍不少。雪峰悅云。匹上不足。

我更與爾葛藤。蘸沾拄杖云。還見雪峯麼。咄。王令稍嚴。不許。攪行奪市。大瀉。詰云。我更爲諸人士上加泥。乃拈杖云。看看雪峯老人。向諸人面前放。扇。咄。爲甚麼。屎臭氣。也不知。雪竇頌云。牛頭沒馬頭。回曹溪鏡裏。絕纖埃。打鼓。看來君不見。百花春到。爲誰開。

示衆云。我這裏如一面古鏡。相似胡來胡現。漢來漢現。時有僧出問。忽遇明鏡來時如何。師云。胡漢俱隱。玄沙云。我卽不然。時有僧問。忽遇明鏡來時如何。沙云。百雜碎。明招云。當與麼時。莫道胡漢俱隱。別作麼生。道沙云。破招云。喪也。示衆云。盡大地是箇解脫門。把手拽伊不肯入。時有僧出云。和尚怪某甲不得。一僧云。用入作麼。師便打。雪竇云。三箇中有一箇受救。在忽若總不辨明。平地有甚數。

示衆云。三世諸佛是草裏漢。三經五論是繫驢橛。八十卷華嚴是村草步頭。博飯喫底言語。十二分教是蝦蟆口裏事。還知麼。所以道。如今千百人中。若有一

人大肯去。我作驢駝物。供養他。有甚麼罪過。

示衆云。三世諸佛向這裏出頭。不得一大藏教。著一字。不得天下老和尚。向這裏百雜碎。還知麼。諸人若實明白。得去。免被人惑。設有言句。亦不他疑。自己若未明白。却不得掠虛枉度時光。莫只管向諸方老師領。腮下記得一言半句。將謂自己。曾襟大錯。兄弟我道。只這三寸。能殺人。能活人。我尋常向師僧道。是甚麼。他便口喃喃地。如此等輩。驢年解承當得麼。且問。爾諸和尚子。諸方老宿。還與闍梨說事麼。還曾指示。闍梨麼。還曾共闍梨商量麼。大須體悉。審實看。示衆良久云。便與麼承當得。去。好省心力。所以道。三世諸佛不能唱。十二分教不能詮。如今。嚕涕唾兒爭能會得。我尋常向師僧道。是甚麼。更近前來。覓答話。驢年會得麼。我事不獲已。向爾恁麼道。已是平欺爾了。也。又向爾道。未入門時。早共爾商量了。也。亦是老婆心。省力處。不肯承當。但知踏步向前。覓言覓句。向爾道。盡大地是箇解脫門。總不肯入。只管亂走。逢人便問。佛問祖。還識羞麼。甘自受屈。若實未得箇悟入。

莫當等閑直須悟入始得不可虛度時光著些精彩  
好達磨西來以心傳心不立文字且作麼生是汝諸  
人心不可亂統了便休已眼未明何處消得許多妄  
想時中無個安身處便乃見凡是聖有僧俗男女高  
低勝劣大地面前吵吵地鋪沙相似未曾一念暫返  
神光流浪生死盡劫不息大須慚愧各自努力

示衆云臨河渴死人無數飯籬邊受餓人如恒河沙  
非但一箇半箇兄弟若也根思遲回却須勤著精彩  
莫只這邊經冬那邊過夏收拾些子涕唾便當平生  
事了但擬抄取記取盡是識學依通這般底我喚作  
蝦蟆衣下客亦喚作黑牛臥死水汝還會麼

示衆云若論此事如一片田地相似一任諸人耕種  
無有不承此恩力者玄沙云且作麼生是一片田地  
師云看沙云是卽是某甲不恁麼師云備作麼生沙  
云只是人人底

師垂語云此事得與麼尊貴得與麼綿密僧云某甲  
自到山經數載可聞和尚與麼示徒師云我已前雖  
無如今已有莫有妨閑也無僧云不敢此是和尙不

得已而已

師一日於僧堂前坐拈起拄杖云這箇爲中下根人  
時有僧問忽遇上上根人來時如何師拈起拄杖

雲門云我不似雪峰打破狼籍僧便問未審和  
尙如何師便打

師參次有一僧珍重便出師云總似這箇僧省我多  
少心力玄沙云和尚恁麼爲人瞎却閭中一城人眼  
去在師云備又作麼生沙云便好與三十棒師云已  
後無人奈子何

師一日陞堂衆集定師輟出木毯玄沙遂捉來安舊  
處著

白雲端云此箇時節衆人皆言子父共作一大  
事如此見解還夢見也未白雲今日布施大衆  
乃云濃研香墨深蘸紫毫

師晚參次却向中庭臥太原孚上座云五州管内只  
有這老和尚較些子師便起去

師一日於僧堂內閉却門燒火乃叫云救火救火玄  
沙將一片柴從牕內拋入師便開門



師領徒南游時黃湜槃預知。拈策出迎。抵蘇溪。避近師。問近離甚處。云辟支巖。師云巖中還有主麼。槃以竹杖敲師。師遂出。齋相見。槃云。曾郎萬福。師展丈夫禮。槃作女人拜。師云。莫是女人麼。槃又設兩拜。遂以竹策劃地。右繞師。齋三匝。師云。某甲是三界內人。偏是三界外人。宜前去。某甲後來。槃即先回。師遂至止囊山。憩數日。槃供侍。隨行徒衆一無所闕。師送南際長老。出門。遂作女人拜。際歛手。應諾。師以手斫額。便歸。

師到國清。拈鉢孟。問座主云。道得。即與爾鉢孟。主云。此是化佛邊事。雪竇別云。只恐錯置和尚。師云。爾作座主奴也。未得在。云某甲不會。師云。爾問我與爾。道主方作禮。師一踏踏倒。主舉似雲門云。某甲得七年方見門。云爾七年方見。那主云。是門云。更七年始得。

雪竇云。草賊敗也。

玄沙問某甲。如今大用去。和尚作麼生。師將三木毬。一時輟出。沙作斫牌勢。師云。爾親在靈山來。方得如此。沙云也。即是自家底。

有一僧在山下卓庵。多年不剃頭。蓄一長柄杓。就溪取水。有問如何。是祖師西來意。僧提起杓云。溪深杓柄長。師聞之云。也甚奇怪。一日袖剃刀。同侍者訪之。纔見。便問道。得。即不剃。汝頭僧便洗頭。跪師前。師便與剃却。

一日有兩僧來。師以手托庵門。放身出云。是甚麼僧。亦云。是甚麼師。低頭歸庵。僧後辭去。師問甚麼處去。云。湖南去。師云。我有箇同行。在彼住巖頭。附汝一信去。師致書云。某甲信上。師兄。一自龍山成道後。迄至于今。飽不休。同參某甲。信上。師兄。僧到巖頭。頭問甚麼處來。云。嶺南來。頭云。曾到雪峰麼。云。近離彼中。雪峰有書上。和尚頭看書了。却問和尚有何言句。僧舉前話。頭云。他道甚麼。云。他無語。低頭歸庵。頭云。噫。我當初悔不向伊道。末後句。若向伊道。天下人不奈雪老。何。僧至夏末。請益前話。頭云。何不早問。僧云。不敢容易。頭云。雪峰雖與我同條生。不與我同條死。要識末後句。只這是。

大瀉詰云。大小雪峰巖頭。被這僧勘破。

雪竇頌云末後句爲君說明暗雙雙底時節同  
條生也共相知不同條死還殊絕還殊絕黃頭  
碧眼須辨別南北東西歸去來夜深同看千巖  
雪

師問僧見說大德曾爲天使來是否云不敢師云爭  
解與麼來云仰慕道德豈憚關山師云汝猶醉在出  
去僧便出師却召云大德僧回首師云是甚麼僧亦  
云是甚麼師云這漆桶僧無語師回顧鏡清云好箇  
師僧却向漆桶裏著到清云和尚豈不是據款結案  
師云也是我尋常用底復云忽若喚回道是甚麼被  
他道這漆桶又作麼生清云成何道理師云我與麼  
及伊汝又道據款結案他與麼及我汝又道成何道  
理一等是與麼時節其間何故有得有不得清云不  
見道醒醐上味爲世所珍遇斯等人翻成毒藥

雪竇云看他父子相投言氣相合若知者謂粉  
骨碎身此恩難報不知者謂扶高抑下臨危悚  
人毒藥醒醐千載龜鑑還會麼這漆桶

師因僧作禮師打五棒僧云某甲有甚麼過師又打

### 五棒

雪竇云我不曾與人葛藤前五棒日照天臨後  
五棒雲騰致雨爾若辨得也好與五棒

有僧禮辭師問甚處去云禮拜徑山去師云徑山忽  
問爾此間佛法如何汝作麼生祇對云待問卽道師  
便打却回顧鏡清云這僧過在甚麼處便喫棒清云  
問得徑山徹困也師云徑山在浙中因甚麼問得徹  
困清云不見道遠問近對師休去

師喚僧僧應諾師云近前來僧近前師云去

雲門舉問僧爾作麼生道得叉手句爾若道得  
叉手句卽見雪峯

師問僧甚處來云浙中來師云缸來陸來云二途俱  
不涉師云爭得到這裏云有甚麼隔礙師打趂出僧  
過十年後再來師問甚處來云湖南來師云湖南與  
此間相去多少云不隔師豎起拂子云還隔這箇麼  
若隔卽不到也師又打趂出僧住後凡見人便罵有  
同行聞得特去相訪乃問老兄到雪峯有何言句不  
是罵之不已僧遂舉前話被同行詬罵乃與說破其

僧悲泣常夜間焚香遙禮悔過

師問僧近離甚處云覆缸師云生死海未渡爲甚麼覆却缸僧無對

雪竇代云久響雪峯待這老漢擬議拂袖便行僧後舉似覆缸缸云何不道渠無生死僧再去進此語師云此不是爾語云覆缸語師云我有二十棒寄打覆缸二十棒老僧自喫不干闍梨事

雪竇著語云能區能別能殺能活若也辨得天下橫行

師問僧甚處去云識得卽知去處師云爾是了事人亂走作麼云和尚莫探汚人好師云我卽不探汚爾古人吹布毛作麼生與我說來看云殘羹餿飯已有入喫了師休去

雲門別前語云築著便作屎臭氣 又代後語

云將謂是鑽天鷄子元來是死水裏蝦蟆

雪竇出雪峰云一死更不再活

師問僧名甚麼云玄機師云日織多少云寸絲不挂師云參堂去僧纔行三五步師云袈裟落地也僧回

首師便打云大好寸絲不挂

師見僧召云近前來僧近前師云甚處去云普請去師云去

雲門云此是隨語識人

師問僧甚處來云江西師云江西與此間相去多少云不遙師豎起拂子云還隔這箇麼云若隔卽遙也師便打出

師問僧甚處來云慧日師云來時日出也未云若日出卽融却雪峯師休去

師問僧近離甚處云瀉山師云瀉山有何言句云某甲曾問如何是祖師西來意山踞坐師云汝肯他否云不肯師云瀉山古佛子速去禮拜懺悔有僧舉似玄沙沙云山頭老漢蹉過也不知僧云未審和尚尊意如何沙云大小瀉山被這僧一問直得百難碎僧問聲聞人見性如夜見月菩薩人見性如晝見日未審和尚見性如何師打三棒其僧後問巖頭頭打三掌

雪竇云應病與藥且與三下若也據令而行合

打多少

僧問古澗寒泉時如何師云。瞪目不見底。云。飲者如何。師云。不從口入。僧後舉以趙州州云。既。不從口入。不可從鼻孔裏入。僧却理前問。州云。苦。僧進後語。州云。死。師聞遙望作禮。云。趙州古佛。從此不答話。

雪竇云。衆中商量。總云。雪峰不出這僧問頭。所以趙州不肯如斯話。會深屈古人。雪竇即不然。斬釘截鐵。本分宗師。就下平高。難爲作者。天衣懷云。諸仁者。作麼生。會不答話。底道理。贊嘆趙州。卽不無還知。趙州片玉。瑕生麼。若人檢點得出。相如不誑於秦主。

僧問牧童。能歌能舞時如何。師下繩床作舞。玄沙云。這老漢。脚跟未點地。在師云。子又作麼生。玄沙乃撫掌三下。

僧問乞師。指示師云。是甚麼。僧於言下大悟。

雲門云。雪峰向伊道甚麼。

僧與師造龕子了。白云和尚。龕子成也。師云。昇將來。堂前著。僧昇來。師纔見。便問大衆。道得第一句。卽留。

取如是再問。有僧出云。某甲咨和尚。師便喝云。莫尿沸。便將龕子燒却。

聯燈會要卷二十一

余乾道初。客建康。蔣山邂逅泉州一老僧。有巖頭錄。因閱之。見其間僧甚處去。僧云。入嶺禮拜雪峯去。巖頭云。雪峰若問。爾巖頭如何。佗向他道。巖頭近日在湖邊住。只將三文買箇撈波子。撈蝦。撈蜆。且恁麼過時。因問老僧。余閱巖頭錄。他本盡作老婆。此云撈波。何也。渠笑云。老婆誤也。巖頭雪峯皆鄉人。吾鄉以撈蝦。撈竹具。撈波也。鄉人至今如是呼之。後人訛聽作老婆字。教人一向作禪會。巖頭錄。他本作買箇妻子。雪峯錄。作買箇老婆。後來真淨舉了云。我只將一文錢。娶箇黑妻子。所謂字經三寫。烏焉成馬。於宗門雖無利害。不可不知。雪峰空禪師。頌有云。三文撈波。年代深。化成老婆黑。而醜。蓋方語有所。

不知不足怪也。如福州諺曰：打野堆者，成堆打  
闕也。今明招錄中作打野樾，後來圓悟碧巖集  
中解云：野樾乃山上燒不過底火柴頭，可與老  
婆一狀領過也。

聯燈會要卷第二十二

住泉州崇福禪寺嗣祖比丘 悟明 集

青原下第六世

鼎州德山宣鑒禪師法嗣下

泉州瓦棺和尚凡一師在德山爲侍者。德山斫木欲  
山將一盃水度與師，師接得喫却。山云：會麼？師云：不  
會。山又將一盃水度與師，師接得又喫却。山云：會麼？  
師云：不會。山云：何不成褫取？那不會底。師云：不會。又  
成褫箇甚麼？山云：大似箇鐵橛。師住後，雪峰相訪。茶  
話次，峯問：當年在德山斫木，因緣作麼？生師云：先師  
當時肯我。峯云：和尚離先師太早，其時面前有一碗  
水。峰云：將水來。師度與峯，峯接得便潑却。

雲門云：莫壓良爲賤。

襄州高亭簡禪師凡一師初見德山在江岸坐，卽隔  
江問訊。山以扇子招之，師忽然契悟，橫移而過，更不  
渡江，遂返高亭住持。

洪州大寧感潭資國和尚凡一白兆來問家內停喪，  
請師慰問。師云：苦痛蒼天。兆云：死却父耶？死却母耶？  
師便打出。師凡遇僧來，多以拄杖打趣。

潭州石霜慶諸禪師法嗣

筠州九峰道虔禪師凡五福州劉氏子，師爲石霜侍  
者，霜遷化衆請第一座。繼踵師云：須會先師意，始得。  
座云：先師有甚麼意？師云：先師道休去歇去，一念萬  
年去。寒灰枯木去，古廟香爐去，冷湫湫地去，如一條  
白練去。作麼？生座云：明一色邊事。師云：元來不會。先  
師意。座云：備不肯我。那裝香事？座乃焚香云：我若不  
會，先師意香煙起處，卽脫去不得。果隨香煙脫去。師  
撫其背云：坐脫立亡，卽不無首座。先師意未夢見在。  
南華曷云：透生死關，高超世表，秉殺活劍，獨踞  
寰中，若非智眼洞明，未免扶籬摸壁。要會麼？春  
蘭與秋菊各一時榮。



僧問無間中人行甚麼。行師云畜生行云畜生復行甚麼。行師云無間行云此猶是長生路上人。師云須知有不共命者。云不共甚麼。命師云長生氣不常。師復云還識命麼。欲知命。流泉是命。湛寂是身。千波競起。是文殊境界。一旦晴空。是普賢床榻。其次借一句子。是指月於中事。是話月。從上宗門中事。如節度使信旗相似。且如諸方先德。未建立許多名目。指陳已前兄弟約甚麼體格商量。到這裏不假三寸試道看。不假耳根試采聽。看不假眼根試辨白。看所以道聲前拋不出。句後不藏形。盡乾坤都盧是汝。諸人本體向甚麼處著眼。耳鼻舌若向意根下圖度作解。盡未來際未有了日。所以洞山和尚道。擬將心意學玄宗。狀似西行却向東。珍重。

僧問承師有言。諸聖間出。只是傳語底人。是否。師云是云世尊。一手指天一手指地。云天下天下。唯我獨尊。爲甚麼喚作傳語底人。師云只爲他。一手指天一手指地。所以喚作傳語人。

僧問如何是自已。師云更問阿誰。云便怎麼承當時。

如何。師云須彌上不可戴須彌。

僧問一筆丹青爲甚麼。迦志公真不得。師云僧繇却許誌公。僧云爲甚麼。繇却許誌公。師云烏龜稽首須彌柱。

台州湧泉景欣禪師凡四示衆云。若是應世傍借。盡是千差。門頭事善惡。二念未生時。是法身體纔生。屬報身報。屬化一化千化。我道盡處爲身。空處爲座。萬行爲衣。只喚作三世因圓果滿。是菩提成立處。直得白衣拜相。善財龍女。屠兒廣額。拋刀便行。乃是一乘圓頓。猶是時人淨土。亦云一生補處。直得無方絕所。物物不拘。亦是佛地。愚若是渠爭肯坐著。方所我道。出不隨應入。不居空內。證見寂即落守。蘊外證明空。即落明蘊。有見落常。無見落斷。不有不無。即落中道。若不知有此事。盡被人天帶將去。切須在意。莫作等閑。

示衆云。我四十年在這裏。尙自有走作。汝等諸人。莫開大口。見解人多。行解人萬中無一箇半箇。見解言語。總要知通。若識不盡。敢道輪回去在爲何。如此蓋

爲識漏未盡汝但盡却今時即得成立亦喚作立中功轉功就他去亦喚作就中功親他去我所以道親人不得度渠不度親人怎麼譬喻尙不會薦得渾崙底但管取信亂動舌頭不見洞山道相續也大難汝須知有此事若不知有此事啼哭有日在

雪峰相訪及去師門送峰入轎了師云這箇四人昇那箇幾人昇峰湧身起云道甚麼師再問峯云行行他不曾師云知卽知卽是道不得

強德二禪客路次見師騎牛禪客云頭角甚分明爭奈騎者不識師驟牛而去二禪客憩於樹下煎茶師回來下牛相問訊與坐喫茶師問近離甚處云那邊師云那邊事作麼生僧提起茶盞師云猶是這邊事那邊事作麼生二人無對師云莫道騎者不識好

潭州雲蓋志元禪師凡三師問雲居某甲不奈何時如何居云只爲工夫不到師不禮拜而退後問石霜霜云非但閤梨老僧亦不奈何云和尚因甚麼不奈何霜云我若奈何便拈却爾不奈何師乃作禮求入室

師因僧問石霜萬戶俱閉卽不問百戶俱開時如何霜云堂中事作麼生僧云無人接得渠霜云道也太殺道只道得八成師聞乃禮請石霜爲道霜不道師抱石霜從方丈後去復作禮不住云請和尚爲某甲道若不道須打和尚去霜云得在師復設拜霜云無人識得渠師於言下有省

翠巖云先行不到末後太過

妙喜云一對無孔鐵鎚就中一箇最重

有道正奏聞馬王乞與師論義馬王請師至具說其事師茶罷就大王借一口劍乃握劍問道正爾本教道恍恍惚惚其中有物是何物杳杳冥冥其中有精是何精道得卽不斬道不得卽斬道正作禮謝過師謂大王曰還識此人否云識師云是誰云道正師云不是其道若正合對得臣只是箇無主孤魂因斯道門不復紛紜

福州覆缸禪師凡四道吾問久響和尚會禪是否師云蒼天蒼天吾近前掩却師口云低聲低聲師與一掌吾云蒼天蒼天師近前把住云得與麼無禮吾

却與師一掌。師云。老僧罪過。吾拂袖便行。師呵呵大笑云。早知如是。悔不如是。

師見僧來。作起身勢。僧便出去。師云。闍梨且容人事。僧回身作抽坐具勢。師却歸方丈。僧云。蒼天蒼天。師云。龍頭蛇尾。僧叉手近前而立。師云。敗將投主。不存性命。

僧問。鈎錐不到處。請師道。師良久。僧云。掣電之機。徒勞。若思。師云。出格一句。備試道看。僧近前三步。却退。後師云。此是出格句。卽今事作麼生。僧以衣袖一拂。便出。師云。也是天津橋上漢。

僧問。如何是師子子。師云。善能哮吼。僧撫掌云。好手。師云。青天白日。却被鬼迷。僧作掀繩床勢。師便打。僧云。驢事未去。馬事到來。師云。酌然是作家。僧拂袖而去。師云。將甌盛水。擬比大洋。

潭州大光居諡禪師。凡三師。依石霜。凡十年。霜問國。家每年放舉人及第。朝門還得拜也。無師云。有一人不求進。霜云。憑何師。云。他不爲名。霜云。除却今日別。更有時也。無師云。渠亦不道今日者是。

示衆云。一代時教。只是整理。今時人手脚直饒剝盡。到底只成得箇了事人。不可將富衲衣下事。所以四十九年。明不盡。標不起。到這裏。合作麼生。若更切切。恐成負累。

僧問。達磨還是祖否。師云。不是。祖云。不是。祖又來作箇甚麼。師云。爲爾不薦祖。云。薦後如何。師云。方知不是祖。

鳳翔府石柱和尚。凡一師。謁洞山。因山垂語云。有四人。一人說過佛。祖一步行不得。一人行過佛。祖一句說不得。一人說得。行得。一人說不得。行不得。且道。那箇是其人。師出衆云。一人說過佛。祖一步行不得。只是無舌。不許行。一人行過佛。祖一句說不得。只是無足。不許說。一人說得。行得。正是函蓋相應。一人說不得。行不得者。如斷命而求活。此是石女兒。擔枷帶鎖。洞山云。闍梨自己。又作麼生。師云。該通分上。卓卓寧彰。洞山云。只如海上明公秀。又作麼生。師云。幻人相逢。撫掌呵呵。

潭州文殊禪師。凡一僧問。僧緣爲甚麼。遠誌公真不

得師云。非但僧錄誌公亦遯不得。云誌公爲甚麼遯不得。師云。彩繪不將來。云和尚還遯得也。無師云。我亦遯不得。云和尚爲甚麼遯不得。師云。渠不以苟我顏色教我作麼生遯。

秀才張公拙。凡一往石霜訪禪月齊已。太布衲石霜相接。公但略相顧而已。卽與三人終日劇談。公忽問三人中何不推一人作長老。禪月知公輕於霜。乃云。公宜謁堂頭和尚。此是肉身菩薩。堂中五百學徒。勝某甲者二百五十人。公遂欽奉。卽造方丈。參禮霜。問秀才何姓。公云。姓張名拙。霜云。覓巧了。不可得。拙自何來。公言下有省。乃述偈云。光明寂照徧河沙。凡聖含靈共我家。一念不生全體現。六根纔動被雲遮。斷除煩惱重增病。趣向真如亦是邪。隨順世緣無聖處。涅槃生死是空華。

筠州洞山良价禪師法嗣

撫州曹山本寂禪師。凡二泉州莆田張氏子。謁洞山。山問師名。甚麼。師云。本寂。云。何不向上道。師云。不道。云。爲甚麼不道。師云。不名本寂。洞山器之。

師辭洞山。山問甚處去。師云。不變異處去。洞云。不變異處豈有去耶。師云。去亦不變異。

示衆云。諸方盡把格。則何不與他道。一轉語教伊不疑去。雲門便問密密處。爲甚麼不知。有師云。只爲密密所以不知。有門云。此人如何親近師。云。莫向密密處親近。門云。不向密密處親近。時如何。師云。始解親近。門云。諾諾。

妙喜云。濁油更著濕燈心。

示衆云。莫行心處路。不挂本來衣。何須更恁麼切忌未生時。

師聞鐘聲。乃云。阿耶耶。阿耶耶。僧云。和尚作甚麼。師云。打著我心。

五祖戒云。作賊人心虛。

雲門問。如何是沙門行。師云。喫常住苗稼者是門。云。便恁麼去。時如何。師云。汝還畜得麼。門云。畜得。師云。汝作麼生。畜門云。著衣喫飯。有甚麼難。師云。何不道披毛帶角。門便作禮。

鏡清問。清虛之理。畢竟無身。時如何。師云。理卽如是。

事作麼生云如理如事師云謾曹山一人卽得爭奈諸聖眼何云若無諸聖眼爭鑑得箇不恁麼師云官不容針私通車馬

大瀉詰云曹山雖善切瑳琢磨其奈鏡清玉本無瑕要會麼不經敏手終成廢器

僧清銳問某甲孤貧乞師賑濟師召銳闍梨銳應諾師云清源白家三盞酒喫了猶道未沾唇

師問強德二上座菩薩在定聞香象渡河出甚麼經云涅槃經師云定前聞定後聞云和尚流也師云道也太殺道只道得一半云和尚又作麼生師云灘下接取

師問僧甚處來云掃地來師云佛前掃佛後掃云前後一時掃師云與我過袈裟來

僧問抱璞投師請師雕琢師云不雕琢云爲甚麼不雕琢師云須知曹山好手

僧問學人通身是病請師醫師云不醫云爲甚麼不醫師云教爾求生不得求死不得

僧問子歸就父爲甚麼父全不顧師云理合如是云

父子之恩何在師云始成父子之恩云如何是父子之恩師云刀斧斫不開

僧問世間甚麼物最貴師云死貓兒最貴云爲甚麼死貓兒却貴師云無人著價

僧問如何是師子師云衆獸近不得云如何是師子兒師云能吞父母云既是衆獸近不得爲甚麼却被兒吞師云若哮吼祖父母俱盡云只如祖父母還盡也無師云盡云盡後如何師云全身歸父云前來爲甚麼道父母俱盡師云不見道王子能成一國事枯木上更慘些子花

僧問乘教有言大海不宿死屍如何是海師云包含萬有云爲甚麼不宿死屍師云絕氣息者不著云既是包含萬有爲甚麼絕氣息者不著師云萬有非其功絕氣息者有其德云未審向上還有事也無師云有云如何是向上事師云道有道無卽得爭奈龍王按劍何

僧問幻本何真師云幻本元真云當幻何顯師云卽幻卽顯云恁麼則始終不離於幻也師云覓幻相了



不可得

僧問日未出時如何師云三十年前曹山也曾怎麼來云日出後如何師云猶較曹山半月程

僧問國內按劍者誰師云曹山云擬殺何人師云但有一切總殺云忽遇所生父母又作麼生師云揀甚麼云爭奈自己何師云誰人奈我何云和尚何不自殺師云無下手處

僧問如何是無刀劍師云非淬煉所成云用者如何師云逢者皆喪云不逢者如何師云亦須頭落云既不逢爲甚麼亦頭落師云不見道能盡一切云盡後如何師云方知有此劍

僧問古人有言盡大地唯有此人未審是甚麼人師云不可有第二月去也云如何是第二月師云也要老兄定當云作麼生是第一月師云嶮

問雪覆千山爲甚麼孤峯不白師云須知有異中異云如何是異中異師云不墮諸山色

僧問卽心卽佛卽不問如何是非心非佛師云兎角不用無牛角不用有僧問十二時中如何保任師云

如經盡毒之鄉水也不得沾他一滴問一牛飲水五馬不嘶時如何師云曹山解忌口

洪州雲居道膺禪師凡二幽州玉田壬氏子謁洞山山問汝名甚麼師云道膺洞云向上更道師云若向上道卽不名道膺洞云與吾在雲巖時祇對無異也師乃服勤席下

洞山問師甚麼處來師云踏山來洞云阿那箇山堪住師云阿那箇山不堪住洞山云怎麼則國內總被子占却也師云不然洞云怎麼則子得箇入路師云無路洞云若無路爭得與老僧相見師云若有路卽與和尚隔生也洞云子已後千人萬人把不住

師問洞山如何是祖師西來意洞云闍梨他後有把赤蓋頭有人問備作麼生師云道膺罪過

師刻章偶刻殺蚯蚓洞山指問這箇章師云他不死洞云二祖往鄴都又作麼生師不對住後僧問和尚在洞山刻蚯蚓洞山問師豈不是無語師云當時有語只是無人聽

洞山問師吾聞思大在倭國作國王是否師云若是

思大佛亦不作況國王乎洞然之

洞山問大闡提人殺父殺母出佛身血破和合僧如是種種孝養何在師云始能孝養自此洞山推之爲室中領袖

示衆云得者不輕微明者不賤用識者不吝嗟解者無厭惡從天降下則貧寒從地涌出則富貴門裏出身易身裏出門難動則埋身千丈不動則當處生苗一言迴脫獨拔當時言語不要多多即無用處

示衆云了無所有得無所圖言無所恃行無所依心無所托即得無過在衆如無衆無衆如在衆豈不是無燒其德超於萬類脫一切羈鎖千人萬人得尙道不當自己古人云體取那邊事却來這邊行履那邊有甚麼事這邊又作麼生行履所以道有也莫將來無也莫將去見在底是誰家事

示衆云汝等直饒學得佛法邊事早是錯用心了也不見古人道講得天花落地頭石點頭尙不干自己事自餘是甚麼閑擬將有限身心向無限中用有甚麼交涉如將方木逗圓孔多少誦訛若無怎麼事饒

汝攢花簇錦亦無用處未離情識在須向這裏又盡方得無過方有出身路若有一毫髮去不盡即被塵累豈況更多差之毫釐過犯山嶽不見古人道學處不立盡是流俗閨閣中物捨不得俱爲滲漏併盡一切事始得無過頭頭上了物物上通只喚作了事人終不喚作尊貴將知尊貴一路自別所以古人道猶如雙鏡光相對光明相照更無虧盈豈不是一般猶喚作影像邊事如日出照於世間明朗是一半那一半喚作甚麼如今人未認得光影門頭戶底淺底事將作屋裏事又爭待

示衆云汝等發言吐氣須有來由莫當等閑凡問箇事也須識好惡莫學相似語所以尋常道莫怪不相似恐同學太多去第一莫將來將來不相似八十翁翁入場屋眞誠不是小兒戲一言若差鄉關萬里敲骨打髓須有來由言語如鉗鉤鎖相續不斷始得頭頭上明物物上顯方是得妙知有底終是不取次十度發言九度休去爲甚如此恐無利益他得底人如膈月扇口生白醭去不是強爲任運如此要明恁

麼事須是怎麼人若是怎麼人何愁怎麼事

示衆舉古人云地獄未是苦衲衣下不明大事始是苦汝等既在這行流十分去九不較多了更著些心力便是上座不枉平生行脚眼不辜負叢林古人道欲得保任此事須向高高峰頂立深深海底行方有些子氣息若大事未辦且須履踐玄途

示衆云若有一毫許去不盡卽被塵累豈況更多不見尋常道昇天底事對衆掉却十成底事對衆去却擲地作金聲不須回頭顧著自餘有甚麼用處所以道智人不向言中取得人不向說中求不是異於常徒息一切萬累道暫時不在途路便有來由非但惡眷屬善眷屬也覓他不得甚處去通身去歸家去省覲去脫諸有門去絕牢籠去脫嶮難異常徒

示衆云老僧二十年前住三峯庵時有魏府興化長老來問權借一間以爲影草時如何老僧當時機思遲鈍道不得爲伊致得箇話頭奇特不敢辜負伊他云想和尚答這話不得不如禮拜了退如今思量當時不消道箇何必後遣化主到魏府興化化問和尚

住三峰庵時老僧問伊話對不得如今道得也未主舉前話化云雲居二十年只道得箇何必興化卽不然爭如箇道不必

三聖云雲居二十年道得底猶較興化半月程示衆云如人將三貫錢買得一隻獵狗只解尋得有蹤跡多氣息底忽遇羚羊挂角時氣息也無僧問羚羊未挂角時如何師云六六三十六云挂角後如何師云六六三十六僧作禮師云會麼云不會師云豈不見道絕蹤跡僧舉似趙州州云雲居師兄猶在僧却問羚羊未挂角時如何州云九九八十一云挂角後如何州云九九八十一

師問雪峰門外雪消也未峯云一片也無消箇甚麼師自云消也

保福展云要且無雪上加霜

有一僧在旁看經師問念底是甚麼經云維摩經師云我不問爾維摩經念底是甚麼其僧言下有省師令侍者送袴與住菴道者者云自有娘生袴竟不受師又令侍者去問娘未生時著箇甚麼者無對後

遷化燒得舍利持以似師。師云直饒出得八斛四斗。不如當初下取一轉語好。

保寧勇向無語處代僧舉脚示之。

僧問如何是諸佛師。師喝云。這田庫奴僧作禮。師云。爾作麼生會。僧作舞出去。師云。汾臺般乞兒。

僧問山河大地從何而有。師云。從妄想有。云與某甲想出一錠金作麼。師休去。僧不肯。

雲門云。已是葛藤。不能折合。待伊道與某甲想出一錠金作麼。拈拄杖劈脊便打。

僧問如何是一法師。云如何是萬法。云未審如何領會。師云一法是爾本心。萬法是爾本性。且道心與性。是一是二。僧作禮。師示以頌云。一法諸法宗。萬法一法通。惟心惟汝性。不說異兼同。

僧問有人衣錦入來。見和尚後爲甚麼寸絲不挂。師云。直作瑠璃殿上行。撲倒也須粉碎。問香積之飯。甚麼人作喫。師云。須知得喫之人入口也須挑出。

荊南節度使成尚書與大將送供入山。問世尊有密語。迦葉不覆藏。如何是世尊有密語。師召尚書書應。

諸師云。會麼。云不會。師云。汝若不會。世尊有密語。汝若會去。迦葉不覆藏。

法燈云。且道喚底是密語。應底是密語。若也總是卽不密也。且道作麼生是密語。時有僧問。如何是世尊有密語。燈云。何曾得密來。

東林總云。怪哉弘覺二十年。羚羊挂角絕跡亡蹤。及乎被尚書一拶。直作帶水拖泥。作人笑怪。法燈也是日午點金。燈夜半潑墨。汀東林卽不然。如何是密語。却向伊道甚處不密。且道恁麼還有過也無。良久云。更不用別人。

師臨示寂時問侍者。今日是幾者。云初三師云。二十年後。但道只這是。乃端然告寂。

潭州龍牙居遁禪師。凡九師問翠微學人。自到法席。不蒙一法示誨。意在於何微。云。嫌甚麼。又謁德山。理前問山亦云。嫌甚麼。師不肯。後見洞山。理前問洞山云。爭怪作老僧。

師問翠微如何是祖師西來意。微云。與我遇禪板來。師度禪板與微。微接得便打。師云。打卽任打。要且無。

祖師意又問臨濟濟云。與我過蒲團來。師度蒲團與濟濟接得。便打師云。打即任打。要且無祖師意。師住後有僧問和尚。當時問二尊宿。祖師意未審。二尊宿還明也。無師云。明則明已。要且無祖師意。

石門總云。龍牙無人挨著。猶較些子。纔被箇布衲挨著。失却一隻眼。

雪竇云。臨濟翠微只解放不解。収我若作龍牙。待伊索禪板蒲團。拈得劈臂便擲。

師問德山。學人仗劍取師頭時。如何。山近前引頸云。因師云。頭落也。山呵呵大笑。師後舉似洞山。山云。德山道甚麼。師云。他無語。山云。無語且致。將德山落底頭來。呈似老僧看。師於是有省。遂焚香遙禮懺謝。後有僧舉似德山。山云。洞山老人不識好惡。這漢死來多少時了也。救得有甚用處。

保福展云。龍牙只知進前不知失步。

翠巖芝云。龍牙當斷不斷。如今作麼生斷。

師問洞山。如何是祖師西來意。山云。待洞水逆流時。即向汝道。師於言下契悟。

示衆云。夫參學人。須透過佛祖始得。新豐和尚云。佛教祖教。如生冤家。始有參學分。若透不過。即被佛祖謾。時有僧問佛祖。還有謾人之心也。無師云。汝道江湖還有礙人之意也。無又云。江湖雖無礙人之意。爲時人過不得。江湖成礙人去。不得道江湖不礙人。佛祖雖無謾人之心。爲時人透不得。佛祖成謾人去。不得道佛祖不謾人。若透得佛祖過。此人退却佛祖。始體得佛祖意。方與向上人同。若未透得過。但學佛求祖。萬劫無有出期。僧問如何得不被佛祖謾去。師云。道者直須自悟始得。

僧問師子。返擲時如何。師云。返擲且止。備道還怕文殊麼。云。非但文殊。佛亦不怕。師云。爭奈破文殊騎。何云。文殊騎者。不是師子。師云。返擲事作麼生。僧云。應用無虧。師云。正是文殊騎者。返擲事作麼生。僧無語。僧問二鼠。侵藤時如何。師云。須有隱身處。始得云。如何是隱身處。師云。還見文殊麼。

僧問如何是祖師西來意。師云。待石鳥龜解語時。即向爾道。云。石鳥龜語也。師云。向爾道甚麼。



僧問十二時中如何用力師云如無手人行拳

大瀉秀云是即是又教人入陰界中作活計十

二時中如何用力如有手人行拳又且如何

僧問古人得箇甚麼便休去師云如賊入空屋問大

庾嶺頭提不起時如何師云六祖爲甚麼將得去

襄州洞山師虔禪師凡五洞山問師近離甚麼處師云

武陵山云武陵法道何似此間師云胡地冬抽筍山

云別飯炊香飯供養此人師便出山云此子已後千

人萬人把不住

鼓山永云怎麼祇對滴水難消因甚別飯炊香

飯

示衆云祖師門下鳥道玄微功窮皆轉不究難明汝

等諸人直須離心意識參出聖凡路學方可保任若

不如是非吾子息

妙喜云饒汝離心意識參得透出聖凡路學得

成也是雪峰道底

師凡有新到來須令擔泥三擔有一僧不肯乃問云

三轉內卽不問三轉外事如何師云鐵輪天子裏中

勅僧無語師便打越出院

大瀉秀云夫欲君臣道合應須水乳和同這僧

既抗節朝堂不覺喪身失命當時見道鐵輪天

子裏中勅將坐具便揖待伊擬議劈面便撼

僧問昔年疾苦中又毒諸師醫師云金鑿刮破腦頂

上灌醍醐云怎麼則謝師醫去也師便打

僧問學人徑往時如何師云死地當大路勸子莫當

頭云當頭者如何師云喪子命根云不當頭者如何

師云亦無回避處云正怎麼時如何師云失却也云

未審向甚麼處去師云草深無覓處云和尚也須隄

防始得師撫掌云一等是毒藥

撫州疎山羌仁禪師凡五吉州新淦人初往東林聽

習嘆曰尋行數墨語不如默捨已求人假不如眞卽

卷衣游方初謁潞山見示衆云行脚高士直須向聲

色裏睡眠聲色裏坐臥師出問如何是不落聲色句

潞山豎起拂子師云此猶是落聲色句潞山便歸方

丈師不契便辭香嚴嚴云何不且住師云某甲與和

尙無緣嚴云有何因緣不契試舉看師舉前話嚴云

某甲有箇語師云道甚麼嚴云言發非聲色前不物師云元來此中有人乃囑嚴云爾向後有住處某甲却來相見遂去瀉山問香嚴云問聲色話底矮閣梨在麼嚴云已去了也瀉云曾舉向子麼嚴云某甲亦曾有語對他來瀉云試舉看嚴云言發非聲色前不物瀉云他道甚麼嚴云他深肯瀉云我將謂他有長處元來只在這裏此子向後設有住處近山無柴燒近水無水喫

師到福州西禪遇上堂師出問法身之理理絕玄微不奪是非之境猶是法身邊事如何是法身向上事禪舉起拂子師云此猶是法身邊事禪云如何是法身向上事師進前奪拂子摺折擲向地上便歸衆禪云龍蛇易辨衲子難護

示衆云老僧咸通年已前會得法身邊事咸通年已後會得法身向上事雲門問承聞和尚咸通年已前會得法身邊事咸通年已後會得法身向上事是否師云是門云如何是法身邊事師云枯椿門云如何是法身向上事師云非枯椿門云還許學人說道理

也無師云許門云枯椿豈不是明法身邊事師云是門云非枯椿豈不是明法身向上事師云是門云法身還該一切也無師云作麼生不該門指淨瓶云還該這箇麼師云闍梨莫向淨瓶邊會問便作禮

上方岳云疎山總是戰爭收拾得却因歌舞破除休雲門舌上有龍泉

妙喜云雲門禮拜不是好心

師到夾山問承聞和尚有言目前無法意在目前如何是目前法山云山月流輝澄潭無影師作掀繩床勢山云闍梨又作麼生師云目前無法了不可得山云大眾看這一員戰將

師因知事爲造壽塔畢來白師師云將多少錢與匠人云一切在和尙師云爲將三文與匠人爲將兩文與匠人爲將一文與匠人若道得與吾親造塔知事無對羅山閑禪師時在大嶺住菴其僧到大嶺閑問甚處來云疎山閑云有何言句僧舉前話閑云還有人道得麼云未有人道得閑云汝却歸去學似疎山道大嶺云若將三文與匠人和尙此生決定不得塔

若將兩文與匠人和尙與匠人共出一隻手。若將一文與匠人帶累匠人眉鬚墮落。僧回舉似師。師具威儀望大嶺作禮嘆云。將謂無人大嶺有古佛。放光射到此間。却語僧云。爾去向大嶺道。猶如藕月蓮花。僧持此語舉似閑閑云。早是龜毛長數丈。

浮山遠云。疎山以錐栽地。大嶺用刀刻空。雖然二老錯下錐刀。今時人亦難搆赴。何故。後語中有稍有殺。雖然如是。河裏失錢。何裏攬。

師問僧甚處來。云雪峰來。師云。我已前到時。是事不足。如今足也未。云。如今足也。師云。粥足飯足。僧無對。洞山代云。粥足飯足。

僧問牛頭。未見四祖時如何。師云。魚隱深潭。必招釣客。云。見後如何。師云。瞥然渾濁水。白鷺卒難尋。

僧問久負不逢時如何。師云。饒汝雄信。解拈鎗。猶較秦王一百步。云。正恁麼時如何。師云。將軍不上。便橋金牙徒勞拈筈。

師嘗握木蛇。僧問和尙手中是甚麼。師云。曹家女。云。如何是和尙家風。師云。尺五頭巾。云。如何是尺五頭。

巾師云。圓中取不得。

僧問。如何是冬來意。師云。京師出大黃。問百匝千重。是何人境界。師云。在搓芒繩縛鬼子。

澧州欽山文邃禪師。凡十福州人也。同巖頭雪峰見德山。師問德山。天皇也。恁麼道。龍潭也。恁麼道。未審和尙作麼生道。山云。爾試舉天皇龍潭底看。師擬義山便打。師下延壽堂云。是卽是打我。太殺巖頭云。若恁麼他。後不得道見德山來。

雪竇云。諸禪客。欽山致箇問。端甚是奇特。爭奈龍頭蛇尾。汝試舉天皇龍潭底看。坐具便撼大丈夫。漢捋虎鬚。也是本分。他既不能。德山令行一半。令若全行。雪峰巖頭總是涅槃堂裏漢。五祖戒云。德山只解打死。欽山不解打活。欽山大滺詰云。德山門下草偃風行。待問未審。和尙作麼生道。劈脊便棒。且道德山是大滺是。

師游方時。同雪峰巖頭憩一店上。喫茶。師云。不會轉身吐氣者。不得茶喫。頭云。若恁麼。我今日定不得茶喫。峯云。某甲亦然。師云。這兩箇老漢。話頭也不識頭。

云甚麼處去來師云布袋裏老鴿雖活如死頭退後云看看師云豁公且致存公作麼生峰作一圓相師云不得不問頭笑云太遠生師云有口不得茶喫者多

師與巖頭雪峰坐次洞山行茶來師乃閉目洞云甚麼處去也師云入定洞云定本無門從何而入

有一老宿云大人有恁麼會 雪竇代云當時

但指巖頭雪峰云與這兩個瞎睡漢茶喫

巖頭住庵師訪之問云師兄在此二時齋粥如何頭云每日受張四郎宅供養極是難消師云師兄受他供養他時異日去他家作男作女頭以手捏拳安頭上師云恁麼則向頂額上生去也頭便喝師云何如生取文遂去好頭又喝云我見爾三二十年鼓兩片皮直至如今猶作這箇去就便喝出時張四郎却同師歸宅師垂淚云三十年同行有佛法不向文邃道至半夜又去敲門云師兄師兄有佛法不向文邃道且乞慈悲頭遂開門爲說細大法門方得安樂再回澧州住也

示衆橫按拄杖顧視大衆云有麼有麼如無欽山唱菩薩蠻去也囉囉哩哩便下座

示衆伸起手云開卽爲掌五指參差復握拳云握卽爲拳必無高下還有商量分也無時有僧出豎起拳師云汝只是箇無開合漢

雪竇云我卽不然豎起拳云握卽爲拳有高有下復開云開卽成掌無黨無偏且道放開爲人好把定爲人好開也造車握也合轍若謂閉門造車出門合轍我也知爾向鬼窟裏作活計

良禪客問一鏃破三關時如何師云放出關中主看云恁麼則知過必改師云更待何時云好箭放不著所在便出去師云且來圍梨良回首師把住云一鏃破三關卽且致試與欽山發箭看良擬議師打七棒云且聽這漢疑三十年

同安察云良公雖能發箭要且未中的有僧問未審如何得中的去安云關中主是甚麼人僧舉似欽山山云良公若解與麼也免得欽山口雖然如是同安不是好心亦須看始得

師到浴下見僧踏水車次放却來問訊師云幸自轉  
轉地何須却恁麼僧云不恁麼又爭得師云若恁  
麼欽山眼在甚麼處云作麼生是和尙眼師以手作  
撥眉勢僧云和尙又得與麼師云是是爲我與麼便  
不得與麼僧無對師云索戰無功一場氣悶良久云  
會麼云不會師云欽山爲爾擔一半

德山侍者來纔作禮師把住云還甘欽山與麼也無  
云某甲却悔久住德山今日無言可對師放却云一  
任爾祇對者撥開胷云且聽某甲通氣一上師云德  
山門下卽得這裏用不著云久響欽山不通人情師  
云累他德山眼目參堂去

僧問十二時中如何接人師云我若接人卽與爾一  
般云某甲特來和尙也須吐露師云汝若特來我須  
吐露云便請師便打僧無語師云守株待兔枉用心  
神

京兆府華嚴休靜禪師凡四師問洞山學人未見理  
路未免情識山云爾還見理路也未云無理路山云  
甚處得情識來云學人實問山云若與麼須向萬里

無寸草處立云無寸草處邊許立也無洞云直須恁  
麼去

師在洛浦作維那普請白槌云上間般柴下間鋤地  
首座云聖僧作甚麼師云當堂不正坐不赴兩頭機  
僧問既是長老爲甚麼却後生師云三歲國家龍鳳  
子百年塔下老朝臣云王子未登九五時如何師云  
貪游六宅戲不覺國內傾云正登九五時如何師云  
朱簾齊捲上四相集朝儀云登九五後如何師云金  
箱排玉印御輦四方歸

僧問大悟底人爲甚麼却迷師云破鏡不重照落花  
難上枝

筠州高安白水本仁禪師凡四示衆云尋常不欲向  
聲前句後鼓弄人家男女何故且聲不是聲色不是  
色時有僧問如何是聲不是聲師云喚作色得麼云  
如何是色不是色師云喚作聲得麼僧作禮師云且  
道爲汝說答汝話若人辨得有箇入處

雪竇云既非聲前句後且作麼生入  
示衆云眼裏著沙不得耳裏著水不得時有僧問如



何是眼裏著沙不得師云。應真無比云。如何是耳裏著水不得師云。白淨無垢。

師問鏡清時寒不易道者清云。不敢師云。還有臥單也無清云。設有也無展底工夫師云。直饒道者滴水冰生亦不干他事清云。滴水冰生事分相涉師云。是清云。此人意作麼生師云。此人不落意清云。不落意此人豈師云。高高山頂無可與道者啗啄。

僧問文殊與普賢萬法悉同源文殊普賢卽不問如何是同源底法師云。却須問取文殊普賢僧云。如何是文殊普賢師云。一釣使上。

僧問如何是不遷義師云。落花隨流水。明月上孤峰。益州北院通禪師凡四師辭洞山。山問甚處去師云。入嶺去山云。飛猿嶺峻好看師沈吟山云。通闍梨何不入嶺去師於此有省更不入嶺。

師在夾山見示衆云。斷主人公不落第二見師出衆云。須知有一人不伴山云。猶落第二見師便掀倒繩床山云。老兄作麼生師云。待某甲舌頭爛卽向和尚道。

師問夾山目前無法意在目前不是目前法非耳目之所到豈不是和尚語山云。是師便掀倒繩床叉手而立夾山起來打一棒便下去。

法眼云。是伊掀倒繩床了何不下去須待夾山起來打一棒了去意在甚麼處。

僧問二龍爭珠誰是得者師云。得者失云。不失時如何師云。還我珠來問如何是祖師西來意師云。壁上畫枯松蜂來爭採藥。

洛京白馬遁儒禪師凡一師問僧名甚麼云。寬箇名了不可得師云。自是老僧不識好惡云。幾人於此忘言師云。酌然是作家云。須是和尙眼始得師云。闍梨。僧拂袖而出師召云。闍梨闍梨僧回首師云。苦屈之辭不妨難吐。

明州天童咸啓禪師凡二僧問學人卓卓上來請師的的師云。我這裏一屨便了有甚麼卓卓的的云。和尚與麼答話更買草鞋行脚始得師喚其僧近前僧近前師云。只如老僧怎麼祇對過在甚麼處僧無語師便打。

師問伏龍甚處來云伏龍來師云還伏得龍麼云不  
曾伏這畜生師云喫茶去

聯燈會要卷第二十二

聯燈會要卷第二十三

住泉州崇福禪寺嗣祖比丘 悟明 集

青原下第六世

筠州洞山良价禪師法嗣下

越州乾峰和尚凡四示衆云法身有三種病二種光  
須一一透得始歸家穩坐須知更有照用同時向  
上一竅雲門出衆云庵內人爲甚麼不知庵外事師  
呵呵大笑門云猶是學人疑處師云子是甚麼心行  
門云也要和尚相委師云若恁麼始得穩坐門云諾  
諾

雪竇云若明得褒貶句未必善因而招惡果  
示衆云舉一不得舉二放過一善落在第二雲門出  
衆云昨日有人從天台來却往徑山去師云來日不

得普請

雪竇云雲門只解一手擡不能一手擲還有共  
相著力者麼試露牙爪看

大瀉詰云乾峰善唱雲門善拍唱拍相隨風清  
古格還有知音者麼一堂風冷淡千古意分明  
僧問十方薄伽梵一路涅槃門未審路頭在甚麼處  
師拈拄杖劃一劃云在這裏僧後請益雲門門拈起  
扇子云扇子踈跳上三十三天築著帝釋鼻孔東海  
鯉魚打一棒雨似盆傾會麼

黃龍南云乾峰一期指路曲爲初機雲門乃通  
其變使後人不倦汝等須窮二老之意莫逐二  
老之言得意則返正道以歸家尋言則蕩邪途  
而轉遠 大瀉詰云乾峰被這僧勘破 大瀉  
秀云乾峰老漢被這僧一問直得脚忙手亂  
教忠光云雲門跛脚阿師泥水不辨菽麥不分  
懸羊頭賣狗肉神出鬼沒爭奈伊何還知乾峰  
落處麼擲下拄杖云切忌向這裏垛跟  
妙喜頌云擗破雲門一柄扇拗折乾峰一條杖

二三千處管絃樓四五百條花柳巷

師問僧甚處來云天台師云見說石橋成兩截是否云和尚甚處得這消息來師云將謂是華頂峰前客元來只是平田村裏人

筠州九峰普滿禪師凡十示衆云常住法身不生不滅有僧問既不生不滅爲甚麼六道輪迴師云爲有心故云以何方便當證法身師云以虛空心合虛空理云證後如何師云任從三界轉徒聽四生奔復云會麼云不會師云禮拜著

師問僧近離甚處云閩中師云遠涉不易云不難動步便到師云有不動步者麼云有師云爭得到這裏僧無對師云賺殺一船人拈拄杖即時趲下

問對境心不動時如何師云汝無大人力云如何是大人力師云對境心不動云適來爲甚麼道汝無大人力師云在舍只言爲客易臨淵方覺取魚難僧問古人道眞因妄立從妄顯眞是否師云是云如何是眞師云不雜食云如何是妄師云起倒攀緣云去此二途如何合得圓常師云不教功德天誰怕黑

暗女

僧問如何是不遷義師云東生明月西落金烏云非師不委師云理當卽行僧作禮師便打云仁義道中禮拜何答師云來處不明須行嚴令

僧問九峰一路古今咸知向上宗乘請師提唱師豎起拂子僧云大衆側聆願垂方便師云清波不覩魚龍現迅浪風高下底鈎云若不久參那知今日師云人生無定止像沒鏡中圓

僧問如何是把定乾坤眼師云把定在裏許云乾坤眼何在師云正是乾坤眼云還照燭也無師云不借三光勢云既不借三光勢憑何照燭喚作乾坤眼師云若不恁麼觸體前見鬼無數

僧問人人盡言請益師將何極濟師云備道巨嶽還曾乏寸土麼云四海參尋當爲何事師云演若迷頭心自狂云還有不狂者也無師云有云如何是不狂者師云突曉途中眼不開

僧問如何是道師云見通車馬云如何是道中人師便打僧作禮師便喝

僧問如何是不遷義師云深夜衆星皆拱北庭前花發滿塔紅云如何領會師云出去

僧問如何是不壞身師云正是云學人不會請師直指師云適來曲多少

僧問眼不到色塵時如何師指香臺云面前是甚麼云請師子細師云不妨遭檢點

僧問如何是祖師西來意師云更問阿誰云恁麼則學人全體是也師云須彌頂上戴須彌

蜆子和尙凡一混俗闍川居無定所日沿江岸採拾蝦蜆充腹夜宿東山白馬廟紙錢中華嚴休靜禪師

欲決師真僞一夜潛入紙錢中深夜師歸靜薰欄曾攬住云如何是祖師西來意師云神前酒臺盤

台州幽棲和尙凡三鏡清問如何是少父師云無標的清云無標的以爲少父耶師云有甚麼過清云只

如少父又作麼生師云道者是甚麼心行

僧問如何是佛師云汝不信是衆生云某甲深信師云若作聖解卽墮群邪

師因僧爲造壽塔畢師卽領衆看塔卽入塔內端坐

云一客不煩兩主人便告寂衆僧競喚云和尚許多年在世不可便卽怎麼去遂昇歸主事辦齋了師復上堂告衆云不得喚作是不得喚作非汝喚作甚麼時有僧出問承和尙有言不得喚作是不得喚作非未審喚作甚麼師便珍重告寂

#### 澧州夾山善會禪師法嗣

澧州洛浦元安禪師凡二鳳翔府麟游談氏子師在臨濟爲侍者濟問從上來一人行捧一人行喝阿那箇親師云總不親濟云親處作麼生師便喝臨濟便打

一日有座主相看臨濟問講何經論主云某甲荒唐粗習百法論濟云有一人於三乘十二分教明得有一人於三乘十二分教明不得是同是別主云明得卽同明不得卽別師遽云座主這裏是甚麼所在說同說別濟回顧師云爾又作麼生師便喝濟送座主回問師適來是汝喝老僧那師云是濟便打濟每對衆賞之曰臨濟門下一隻聖箭誰敢當鋒

師辭臨濟濟拈拄杖畫一畫云過得這箇便去師便

喝濟便打師作禮去。後臨濟上堂云。臨濟門下有一赤梢鯉魚。搖頭擺尾。向南方去。不知向誰家養。裏淹殺。

師到澧州夾山。於案山頂上卓庵。山訝之。修書令侍者招之。師接書坐却。又展手就侍者。索者無語。師便打云。歸去。分明舉似和尚者。歸舉似夾山。山云。他若開書。三日後必來。若不開書。此人救不得。山乃令人密伺其出庵。卽焚之。三日後果來。隨後焚其庵。或告之曰。庵中火發。師不回顧。直詣夾山。不禮拜。端身而立。山云。雞棲鳳巢。非其同類。出去。師云。自遠移風乞師。一接。山云。目前無閤梨座。上無老僧。師便喝。山云。住住。且莫草草。忽忽。云。月是同。谿山各異。坐斷天下人舌頭。卽不無閤梨爭教。無舌人解語。師佇思。山便打師。卽投誠入室。

興化獎云。但知作佛。愁甚麼。衆生。五祖戒出洛浦語云。更說道理看。便出去。雪竇云。這漢可悲。可痛。鈍致他臨濟。他既雲。月是同。我。卽谿山各異。說甚麼。無舌人解語。坐具劈口便滅。夾

山若是箇知方漢。必然明窓下安排。

師問夾山。佛魔不到處。如何。體會山云。燭明千里。像闇室。老僧迷。又問。朝陽已昇。夜月如何。不現山云。龍喚寶珠游魚。不顧師於言下大悟。

夾山將示寂。垂語云。石頭一枝。看看卽滅矣。師云。不然。山云。何也。師云。自有青山在山。云。苟或如是。卽吾道不滅矣。

示衆云。末後一句。始到牢關。把斷要津。不通凡聖。尋常向諸人道。任從天下樂欣欣。我獨不肯欲知上流之士。不將佛法見解。貼在額頭上。何故如龜負圖。自取喪身之兆。鳳縈金網。趣雲漢。以何期直須旨外明。宗莫向言中取。則是以石人機似汝也。解唱巴歌。汝若似石人。雪曲也須和。指南一路。智者知疏。示衆云。學道先須識得自己。宗旨方可隨機免失。只如鋒鋦未兆。已前都無是箇。非箇。暫起見聞。便有張三李四。胡來漢去。四姓雜居。不親而親。是非互起。致使玄關固閉。識錄難開。疑網難離。智刀劣剪。若不當陽曉示。迷子何以知歸。欲得大用現前。但可頓



忘諸見諸見若盡昏霧不生大智洞然更非他物今之學人。獨途成滯。蓋爲聽不出聲見不超色假饒併當門頭淨潔自己未得通明還同不了若也。單明自己法眼未明此人只具一隻眼。所以是非欣厭貫係不得脫折自由。謂之深可慙傷各自努力。示衆云。孫賓收鋪去也。有卜者出來時有僧出云。請和尚一卜。師云。汝家爺死僧無語。

### 法眼代撫掌三下

師問僧近離甚處。云。荆南。師云。有一人恁麼去。汝還逢麼。云。不逢。師云。爲甚麼不逢。云。若逢則頭須粉碎。師云。闌梨三寸甚密。雲門在江西見其僧問云。還有此語否。云。是門云。洛浦倒退三千里。

龐居士來設拜起。云。孟夏毒熱。孟冬薄寒。師云。莫錯。士云。龐公年老。師云。何不寒時道寒。熱時道熱。士云。患聾作麼。師云。放個三十棒。士云。啞却我口。塞却爾眼。

有故人問。倏忽數年何處。逃離。師云。只在闌闌中。云。何不向無人處去。師云。無人處去有何難。云。且如闌

闌中如何逃避。師云。雖在闌闌中。要且無人識。故人問。措復問。西天二十八祖至此土人傳一人。且如彼此不垂曲者如何。師云。野老門前不話朝堂之事。云。合談何事。師云。未逢別者。終不開拳。云。有人不從朝堂來相逢時。還話否。師云。量外之機。徒勞目擊。故人無對。

僧問。一毫吞盡巨海於中。更復何言。師云。家有白澤之圖。必無如是之怪。

### 保福別云家無白澤之圖必無如是之怪

問。如何是主中賓。師云。逢人長問路。足下鎮長迷。云。如何是賓主雙舉。師云。枯樹無橫枝。鳥來無指足。問。衆手淘金。誰是得者。師云。拳中舊寶。不假披沙。云。恁麼則展手不逢也。師云。莫將鸛唳擬當鶯啼。問。學人擬歸鄉時如何。師云。家破人亡。子歸何處。云。恁麼則不歸去也。師云。庭前殘雪日輪消。室內紅塵遽誰掃。

問。如何是祖師西來意。師以拂子擊繩床。云。會麼。云。不會。師云。天上忽雷驚宇宙。井底蝦蟆不舉頭。

問撥亂乾坤底人來師還接否師豎起拂子僧云恁麼則今日得遇明君去也師云依稀似曲纔堪聽又被風吹別調中

問萬仞崖頭須進步如何免得喪於身師云須彌繫藕絲云是何境界師云刹竿頭上仰蓮心云澄澄湛湛去也師云須彌頂上再翻身云恁麼則競競切切也師云空隨媒鴿走虛喪網羅身云如何得不隨去師云鸚鵡瓶頂小擬透望天飛

問二王當筵龍蛇未辨救難之心誰人最切師云踏開鴻門者云誰知今古不覺虛隨師云只貪香餌身滯網羅云饒君古鏡當軒猶被野狐精魅師云山僧今日大戰無功僧作虎聲師便打僧隨棒便倒師云棒打不死漢有甚麼限僧拂袖出去師云臘狗不向床下死

問法身無爲不墮諸數是否師云惜取眉毛好云如何免得斯咎師云泥龜任爾千年終不解隨雲鶴云任是孫賓也遭貶剝師云無鼻孔牛有甚禦處僧以手托地作牛吼師云這畜生僧便喝師云掩尾露牙

終非好手

問無問無答請師答話師云爾不是丁姚云謝師答話師云中九下七

問如何是祖師西來意師云颶風當軒竹經霜不自寒僧擬議師云只聞風聲響知是幾千竿

問枯盡荒田獨立事如何師云驚倚雪巢猶可辨烏投漆立事難分

師臨顧寂時告衆云吾非明即後也今有事問汝等若道這箇是即頭上安頭若道這箇不是即斬頭竟活第一座云青山不舉足日下不挑燈師云如今是甚麼時節作這箇語話有彥從上座出云離此二途請和尚不問師云未在更道云彥從道不盡師云我不管汝盡不盡云彥從無侍者祇對和尚師至深夜令侍者喚彥從來方丈問云爾今日祇對老僧甚有道理據汝合體得先師意先師道目前無法意在目前不是目前法非耳目之所到且道那句是主若擇得出分付鉢袋子云彥從不會師云汝合會但道看云彥從實不會師喝出乃云苦苦次日午前有僧舉

前話問師。師云。慈舟不棹清波上。劒峽徒勞放木鷄。即便告寂。

袁州盤龍可文禪師。凡一僧問。亡僧遷化。向甚麼處去。師云。石牛沿江路。日裏夜明燈。問如何。是佛。師云。癡兒捨父逃。

撫州黃山月輪禪師。凡四夾山問師。名甚麼。師云。月輪。山盡一圓相。云。何似這箇。師云。和尚與麼說話。諸方大有人不肯。山云。子又作麼。生。師云。還見月輪麼。山云。子怎麼說話。大有人不肯。請方。

夾山問師。甚麼處人。師云。閩中人。山云。還識老僧麼。師云。和尚還識某甲麼。山云。不然。子且還老僧草鞋錢。老僧然後還子廬陵米價。師云。與麼則不識和尚未審。廬陵米作麼價。山云。子善能啼吼。

示衆云。祖師西來。特唱此事。自是諸人不薦。向外馳求。投赤水以尋珠。就荊山而覓玉。所以道。從門入者。不是家珍。認影迷頭。豈非大錯。

僧問。如何是道。師云。石牛頻吐三春霧。木馬嘶聲滿道途。問如何得見本來面目。師云。不勞懸石鏡。天曉。

### 自雞鳴

洛京韶山寰普禪師。凡四。因遵布被到山下。相見。遵問韶山路向甚麼處。去。師以手指云。烏那青黯黯處。去。遵近前把住云。久響韶山。莫便是否。師云。是。即是。闍梨有甚麼事。遵云。擬伸一問。師還答否。師云。想君不是金牙作。爭解彎弓射尉遲。遵云。鳳凰直入煙霄去。誰怕林間野雀兒。師云。當軒布鼓從君擊。試展家風。似老僧。遵云。一句迥超千聖外。松蘿不與月輪齊。師云。饒君透出威音外。猶較韶山半月程。遵云。未審過在甚麼處。師云。個儻之詞。時人知有遵云。與麼則。眞玉泥中異。不撥萬機塵。師云。魯般門下徒。施巧妙。遵云。某甲只恁麼和尚。又如何。師云。玉女夜拋梭。織錦於西舍。遵云。莫便是和尚家風也。無師云。耕夫製玉。編不是行家。作遵云。北猶是文談。作麼生是和。尚家風。師云。橫身當宇宙。誰是出頭人。復云。闍梨有衝天之氣。老僧有入地之謀。闍梨橫吞巨海。老僧背負須彌。闍梨按劒上來。老僧亞鎗相待。向上一路。速道。遵云。明鏡當臺。請師一鑑。師云。不鑑。遵云。爲甚。

麼不鑑。師云淺水無魚徒勞下釣。遵無語。師便打。

師問白頭因云莫是多口白頭。因麼云不敢。師云有多少口。因云偏身是師。云大小二事。向甚麼處。屬云韶山口裏。師云有韶山口。卽且從無韶山口。向甚麼處。屬因無語。師便打。

雲門代云這話。阿師放爾三十棒。又云將

謂是師子兒。又云韶山今日瓦解冰消。

雪竇別云從來疑著韶山。

僧問是非不到處。還有句也無。師云有云是甚麼句。

師云一片孤雲不露醜。

問如何是一切相。師云鳥飛霄漢白。山色深青云。

恁麼則一切相去也。師云情知爾亂會。

舒州投子大同禪師法嗣

福州牛頭微禪師凡二示衆云三世諸佛用一點伎倆不著天下老師口似匾擔。諸人作麼生。大不容易除非知有餘莫能知。

僧問如何是和尚家風。師云山畚粟米飯野菜淡黃羹云。忽遇上客來時又作麼生。師云喫則從君喫不

喫任東西

安州九峻山和尚凡一僧問如何是佛。師云只汝是。問久響九峻山到來。只見一峻。師云爾只見一峻。且不見九峻云。如何是九峻。師云水急浪花灘。

東京觀音巖俊禪師凡一師到投子。子問昨夜宿何處。師云不動道場。子云旣言不動。爭得到這裏。師云到此豈是動耶。子奇之。

青原下第七世

鄂州巖頭全豁禪師法嗣

福州羅山道閑禪師凡十本州長豁陳氏子。師謁石霜。問起滅不停時如何。霜云直須寒灰枯木。去一念萬年去。函蓋乾坤去。純清絕點去。師不契。復謁巖頭。理前問。頭喝云是誰起滅。師於此大悟。

師初入院上堂。纔攬衣欲坐。卽云珍重。便下座。良久却回云未識底。近前來時有僧纔出作禮。師云也大苦。僧拜起云某甲咨和。尚師便喝。出僧問如何是奇特一句。師云道甚麼。良久云若是上士。脚纔跨門。便委得。若也覲面相呈。猶是鈍漢。口喃喃地不消一饅。

會麼不是禪。不是道。不是佛。不是法。是甚麼。靈鋒寶劍常露現前。亦能殺人。亦能活人。若也操持。一任操持。若也出場。定當須是箇漢。始得機機相副。法法無根。互爲賓主。雖然如此。切忌承當。何故。倘若野犴鳴。我即師子吼。我若野犴鳴。爾亦師子吼。爾若師子吼。我亦師子吼。臨時布取意句。有主宰。所以道意中句。句中意。意中不停句。句中不停意。意句不同。倫合作麼。生會意。能刻句句。能刻意意。句交馳。是爲可畏。意句不明。事聖不通。只是箇無孔鐵鎚。古人喚作流俗。阿師似這般底。如稻麻竹箬。有甚麼用處。比箇門中。須是箇漢。眼卓朔地。點著便轉轉轉地。豈是箇清濁可羨。凡聖能詮。有恁麼漢。上士相逢。如擊石火。似爆龜紋。迅速如風。捷辯如電。快著精彩。一人半人事。禪言句。動逾萬億。低頭學禪。卒不可得。所以道。恁麼則易。不恁麼則難。亦云。恁麼則難。不恁麼則易。諸人作麼。生大須細意。兄弟夫行脚也。須帶眼。莫被這般底。單却教。爾直須冥然去。須得綿綿去。苦哉。被這般底。無辜枷著。有甚麼出期。這箇如水上葫蘆。子有人按。

得麼。常露現前。滔滔地。自由自在。未嘗有一法解。蓋得伊。未嘗有一法解。等得伊。撥著便露。觸著便轉轉轉地。蓋聲蓋色。展即周流。無滯常露現前。豈是兀兀底。出則無無。不是入則箇箇歸源。聲前迥迥地。豈墮有無。所以道。聲前一句。非聖不傳。未曾親近。如隔大千聲。前一思。大家具知。這箇作麼。生會尋常道。聲前有路。從汝洞明。句後不來。猶虧一半。纖毫不盡。如隔鐵圍。奇特相逢。將何詰對。大凡唱教。須會目前生死意。句殺活。方可褒揚。殺人刀。活人劍。上古之機鋒。亦是今時之樞要。摧魔破執。不得不無直露。直詮須知。已有的能破的大用。無虧圓通。現前魔難措手。若也未得如此。一切四威儀中。合作麼。生明顯。還見伊面。孔麼。這裏尋常道。面前一思。常時無問。諸人還得恁麼也。無若實未明。且須自立。露保保地。不與萬法爲隣。一切法。蓋伊不得。所以古人道。目前無法。意在目前。不是目前法。非耳目之所到。第一須得本智現前。本地風光。常露保保地。自由自在。出入無滯。方可達時。乃至龍神拏花。無路。外道潛覷。不見有蹤。不是泯。



形實去兄弟透頂透底始得莫只這邊那邊得些  
言句到處插諸指東劃西舉古舉今這般底絕殺一  
萬箇有甚麼過明朝後日錯認人家男女打汝鬼骨  
膏有日在知麼宗門深奧酌度曾襟難食易飽細食  
難飢根本差殊良由自錯虛勞一報空腹高心過在  
阿誰食人言語揀擇是非只占已長終無是處無事  
珍重

師侍嚴頭游山次忽喚云和尚頭云作麼師近前作  
禮云和尚豈不是三十年前在洞山又不肯洞山頭  
云是師云和尚豈不是法嗣德山又不肯德山頭云  
是師云不肯德山即不問且如洞山有甚麼虧闕頭  
良久云洞山好佛只是無光師便作禮

保福會中有一僧來作禮云保福傳語和尚秋間入  
府朝覲大王致四十箇問頭問大師忽若一句不相  
當莫言不道師呵呵大笑云陳老師入福建道洪唐  
橋頭下一硬寨未見一箇毛頭星現汝向從展道陳  
老師無許多問頭只有一口劍劍下有分身之意亦  
有出身之路稍若不明直須成末但與麼傳語僧回

舉似保福福云我當時也只是謬伊至秋朝覲師特  
爲辨茶筵相請福不赴却向僧云我當時曾有謬語  
恐大師問著僧回舉似師師云汝更去向他道猛虎  
終不食伏肉僧再去請福遂來師不言其事

師任禾山與清貴上座說話次貴云天下無第一人  
大小瀉山輪他道吾師云有甚麼語輪他貴云石霜  
辭瀉山作禮起瀉山云有句無句如藤倚樹子意如  
何霜無對却到道吾吾問甚處來霜云瀉山來吾云  
有何言句霜舉前話吾云汝爲我看庵待我與汝報  
讎去吾往瀉山值山泥壁次忽回首見道吾在背後  
山云智頭陀因何到此吾云某甲不爲別事來聞和  
尚問諸道者有句無句如藤倚樹還是也無瀉云是  
吾云且如樹倒藤枯時如何瀉山擲下泥盤呵呵大  
笑被吾捺向泥中山總不管貴舉了云這箇豈不是  
瀉山輪他道吾師云三十年後有把茆蓋頭呵思學  
著此話貴不肯却與道吾作主被師擒下地云白大  
衆各請停喧某甲今日與貴上座直爲大瀉雪屈話  
且須側聆貴云知也知也便作禮師云何不早恁麼

道備還識道吾麼只是館驛裏本色撮馬糞漢

無軫上座問巖頭道洞山好佛只是無光未審洞山有何虧闕便道無光師召無軫軫應諾師云酌然好佛只是無光軫云大師爲甚麼撥某甲話師云甚麼處是撥爾話處快道快道軫無對師打三十棒趨出院軫後舉似招慶慶得一夏罵詈夏末自來問師此事師即分明舉似慶慶作禮懺悔云洎合錯怪大師師發泉州化主臨岐問化主太傅忽問大師十二時中將何示徒備作麼生祇對主無語師云但道騎虎頭取虎尾第一句下明宗旨師又問渠忽進語云此猶是菩薩有言教菩薩無言教又作麼生主又無語師又代云敵露機鋒如同電拂

師住大嶺有僧辭往疎山師云我有一信寄與疎山將麼云便請師以手捋頭上却展云還奈何麼僧無對僧後到疎山堂內舉次一僧云還會麼衆無對僧云天下人不柰大嶺何

師在禾山送同行矩長老出門次師以拄杖攬向面前矩無對師云石牛欄古路一馬勿雙駒有僧舉似

疎山疎山云石牛欄古路一馬生三寶

招慶問師有問巖頭巖中如何辨主頭云銅沙羅裏滿盛油意作麼生師召大師師應諾師云獨猴入道場僧後問明招招云箭穿紅日影

招慶問岩頭和尚道怎麼怎麼不怎麼不怎麼意作麼生師召大師慶應諾師云雙明亦雙暗慶作禮而去二日後却來問前日蒙大師垂慈只爲看不破師云盡情向爾道了也慶云大師是把火行師云若怎麼據爾疑處問來慶云如何是雙明復雙暗師云同生亦同死慶乃禮謝而去後有僧問長慶同生亦同死時如何慶云彼此合取狗口僧云大師收取口喫飯其僧却問師同生不同死時如何師云如牛無角云同生亦同死時如何師云如虎帶角

師臨順寂時上堂良久展開左手知事問測遂令師僧退後師又展開右手知事又指令西邊師僧退後師乃云欲報佛恩無過守志欲報王恩無過流通大教去也呵呵大笑奄然而逝

台州瑞巖師彥禪師凡四福州許氏子問巖頭如何

是本常理。頭云動也。師云動時如何。頭云不是本常理。師沉思。頭云肯則未脫根塵。不肯則永沉生死。師於言下頓悟。

師到夾山。山問甚處來。師云臥龍來。山云來時龍起也。未師近前。以目顧視。山云炙瘡癩上。更著艾焦。師云和尚又苦如此。作麼。山休去。

大渴。詰云瑞巖雖然威靈。斥堠爭奈夾山水清不容。

師問夾山與麼。即易不與麼。即難。與麼。與麼。即惺惺。不與麼。不與麼。即居空界。與麼。不與麼。請師速道。山云老僧設園梨去也。師便喝云。這老和尚是甚麼時節。便出去。後有僧舉似巖頭。頭云苦哉。將我一枝佛法與麼流將去。

師尋常自喚主人。公復自應云。諾。復云惺惺。著他後。莫受人謾。後有僧舉似玄沙。沙云一等是弄精魂。甚奇怪。復云何不且住。彼中云已遷化了。沙云如今還喚得麼。僧無對。

懷州玄泉彦禪師。凡一僧問如何是佛。師云張家三

箇兒。僧云不會。師云孟仲李。

福州雪峰義存禪師法嗣上

福州玄沙師備禪師。凡三本州謝氏子。初謁雪峰。後

十九

欲徧歷諸方。參尋知識。携囊出嶺。築著脚指頭流血。

痛楚忽然猛省。曰。是身非有痛。自何來。即回雪峰。

問那箇是備頭陀。師云終不敢誑於人。峰一日召云。

備頭陀何不徧參去。師云達磨不來東土。二祖不往

西天。峰然之後。閱楞嚴。發明心地。由是應機敏捷。與

修多羅冥契。峰每徵詰。當仁不讓。峰云備頭陀。其再

來人也。實雪峰門下角立者。

師侍雪峰。行次。峰指面前地云。這一片田地。好造箇

無縫塔。師云高多少。峰上下顧視。師云人天福報。即

不無和尙。靈山受記。未夢見在。峰云。備作麼生。師云

七尺八尺。

琅琊覺云。國清才子貴。家富小兒嬌。

雪峰指火爐云。三世諸佛在火焰裏。轉大法輪。師云。

近日王令稍嚴。峰云作麼生。師云不許攬行奪市。

雲門云。火焰爲三世諸佛說法。三世諸佛立地。

聽黃龍新云。雪峰雲門交互爭輝。薪盡火滅。向甚麼處聽。莫戀白雲深處。坐切忌寒灰煨殺人。

雪峰謂師云。有箇南際長老。問著無有答不得者。一日令訪師。師問古人道此事。唯我能知。長老作麼生。際云。須知有不求知者。師云山頭老漢。喫許多辛苦作麼。

師上山問訊雪峰。時太原孚主俗峰云。我此間有箇老鼠。今在浴下。師云。待與和尚勘過。師到浴下。見孚打水。師召云。新到相看。孚云。已相見了也。師云。甚麼劫中曾相見來。孚云。莫瞌睡。師上方丈。謂雪峰云。已勘破了也。峰云。子作麼生。勘師舉前話。峰云。汝著賊了也。

雪竇別云。這賊敗也。妙喜云。又勘破一箇。

師侍立雪峰。有二僧從階下過。峰云。此二人堪爲種草。師云。某甲不與麼。峯云。子又作麼生。師云。便好與二十棒。

師因雪峰云。世界闊一丈。古鏡闊一丈。世界闊一尺。

古鏡闊一尺。師指火爐云。且道火爐闊多少。峰云。如古鏡闊。師云。這老漢脚跟未點地。在。

東使問僧。爲復古鏡。致火爐與麼闊。火爐致古鏡與麼大。雲門云。餽飯泥茶爐。保寧勇別。雪峰云。若不是吾泊被子惑。

雪峰到來。謂師云。近日有僧來禮拜我。我打伊一棒。僧回首。我向伊道。是甚麼渠。便有箇會處。師云。和尚莫錯保持人。也須是某甲勘驗始得。師後上雪峰。果見其僧。師問山中和尚見兄來打一棒。云。是甚麼是。否云。是師拂袖而去。峰問師。那僧如何。師云。那僧荒也。峰云。何處荒。師云。四邊荒。保保地。

師遣僧馳書上雪峰。峰開緘。唯見三番白紙。乃呈似大衆云。會麼。良久云。不見道。君子千里同風。僧回舉似師。師云山頭老漢。蹉過也不知。

五祖戒云。將謂胡鬚赤。黃龍南云。雪峰不道無長處。既被玄沙識破。直至如今雪不出。海師信云。智與師齊。減師半德。智過於師。方堪傳授。要且欠一著在。

開善謙云。玄沙白紙爭奈文彩已彰。雪峰既曰。千里同風。何故不知。踉蹌過不見道。養子莫教大。大了作家賊。

雪峰遷化。師作喪主。三朝集衆煎茶。師於靈前拈起一隻盞云。先師在日。卽且從汝道。如今作麼生。道若道得。卽先師無過。若道不得。卽過在先師。還有人道得麼。如是三問衆無對。師撲破盞子歸寺。後問中塔作麼生。會塔云。先師有甚麼過。師便面壁。塔便出去。師召塔。塔回首。師云。爾作麼生。會塔面壁。師休去。示衆云。佛道閑曠。無有程途。無門解脫之門。無意道人之意。不在三際。故不可昇沉。建立乖眞。非屬造化。動則起生死之本。靜則沉昏醉之鄉。動靜雙泯。卽落空亡。動靜雙收。則顛預佛性。直須對塵對境。如枯木寒灰。但臨時應用。不失其宜。鏡照諸像。不亂光輝。鳥飛空中。不雜空色。所以十方無影像。三界絕行蹤。不隨往來。機不住。中間意。鐘中無鼓響。鼓中無鐘聲。鐘鼓不相交。句句無前後。如壯士展臂。不借他力。師子游行。不求伴侶。九霄絕翳。何在穿通。一段光明。未曾

昏昧。若到這裏。體寂寂常的。的日赫焰無邊表。圓覺空中不動搖。吞燦乾坤迥然照。夫出世者。元無出入。名相無體。道本如如。法爾天真。不同修證。只要虛閑。不昧作用。不涉塵泥。箇中纖毫道不盡。卽爲魔王眷屬。句前句後。是學人難處。所以一句當天。八萬門永絕。生死直饒得似秋潭月影。靜夜鐘聲。隨扣擊以無虧。觸波瀾而不散。猶是生死岸頭事。道人行處。如火銷冰。終不却成冰。箭既離絃。無返回勢。所以牢籠不肯住。呼喚不回頭。古聖不安排。至今無處所。若到這裏。步步登玄。不屬邪正。識不能識。智不能知。動便失宗。覺卽迷旨。二乘膽戰。十地魂驚。語路處絕。心行處滅。直得釋迦掩室於摩竭。淨名杜口於毗耶。須菩提唱無說而顯道。釋梵絕聽而雨花。若與麼現前。更疑何事。沒棲泊處。難去來。今限約不得。心思路絕。不因莊嚴本來眞淨。動用語笑。隨處明了。更無欠少。今時人不悟箇中道理。妄自涉事。涉塵處處染著。頭頭繫絆。縱悟則塵境紛紜。名相不實。便擬凝心。斂念。攝事歸空。閉目藏睛。終有念起。旋旋破除。細想縈生。卽便



遏捺如此見解。卽是落空亡底外道。魂不散底死人。冥冥漠漠。無覺無知。塞耳偷鈴。徒自欺誑。這裏分別。則不然。也不是隈門傍戶。句句現前。不得商量。不涉文墨。本絕塵境。本無位次。權名箇出家兒。畢竟無蹤跡。眞如凡聖地。獄天堂。只是療狂子之方。虛空尙無改變。大道豈有昇沉。悟則縱橫不離本際。若到這裏。凡聖也無立處。若向句中作意。則沒溺殺學人。若向外馳求。又落魔界。如如向上。沒可安排。恰似焰爐不藏蚊蚋。此理本來平坦。何用剗除。動轉揚眉。是眞解脫。道不强爲意度。建立。乖眞若到這裏。纖毫不受措意。則差便。乃千聖出頭來。安排一字。不得久立。

示衆云。夫古佛眞宗。常隨物現。堂堂應用。處處流輝。隱顯坦然。高低盡照。是以沙門上士。道眼唯先契本明心。方爲究竟。森羅萬像。一體同源。廓爾無邊。誰論有滯。塵劫中事。都在目前。時人曠隔年深。致乖殊體。迷心認物。久背眞宗。執有滯空。不遇良朋。善友。只自於私作解。縱有商量。渾成意度。及至尋窮理地。不辨正邪。況平生自己。未嘗撓撓。若乃先賢古德。便自知。

時克已推功菴巖石室古德云。情存聖量。猶落法塵。已見未忘。還成滲漏。不可道持齋持戒。長坐不臥。住意觀空。凝神入定。便當去也。有甚麼交涉。西天外道。入得八萬劫大定。凝神寂靜。閉目藏睛。灰心滅智。劫數滿後。不免輪迴。蓋爲道眼不明。生死根源不破。夫出家兒。卽不然。不可同他外道也。莫非眞實明達。具大見知。能與諸佛同徹。寂照忘知。虛含萬像。如今甚麼處。不是汝甚麼處。不分明甚麼處。不露現。何不與麼會去。若無這箇田地。時中爭奈諸般滲漏。何總成虛妄。阿那箇便是平生得力處。如實未有發明。却須在急時中。忘食失寢。似救頭燃。如喪身命。冥心自救。放捨閑緣。歇却心識。方有少分相親。若不如是。明朝後日。盡被識情帶去。有甚麼自由。分如今却不。如他無情之物。敷唱分明。土木石頭說法。非常眞實。只是少人能聽。若聞此說。始可商量。且道無情說底法。作麼生商量。試道看。不可道無言無說也。無視無聽也。不可道無聞而自說。稱嘆所行道。不見善財童子。參五十三人。知識末後。見彌勒。彈指之頃。得入門縫。

入門後其門自閉於樓閣中觀百千諸佛過去捨身受身所參底五十三人善智識化境於樓閣中一時俱現爲其證明善財疑心頓息大凡三條椽下具這箇真實發明即可商量便向四生六道中同於諸佛淨土更懼何生死且阿誰知他一切諸法無實體至於靈山會上迦葉親聞猶如話月古德云善惡都莫思量還如指月乃至三乘行位解脫菩薩涅槃聖德聖果並如空花兔角不見道却來觀世間猶如夢中事有爲心法不可相依日久年深全無利益只爲違真棄本厭離凡情折心聖道作此見知不出他限量拋他五陰不去不見道諸行無常是生滅法偏只擬向前爭能明得可中徹去方得知之若未究得當知盡是虛頭世間難信之法具大根器方能明達今生若徹去萬劫亦然古德云直向今生須了却誰能永劫受餘殃珍重

示衆云夫爲宗匠大不容易我怎麼方便助汝尙不能構得若純舉宗乘汝又向甚麼處措足所以靈山百萬衆唯有迦葉親聞汝道迦葉親聞底事作麼生

不可道世尊不說說迦葉不聞聞便當得去且如道吾有正法眼藏分付摩訶大迦葉我道猶如話月曹溪豎拂猶如指月所以道大唐國裏宗乘中事未嘗有一人舉唱設有一人舉唱盡大地人失却性命如無孔鐵鎚一時亡鋒結舌賴遇我不惜身命隨汝顛倒方有箇伸問處若不恁麼汝又向甚麼處相見示衆云世尊道吾有正法眼藏付囑摩訶大迦葉猶如話月曹溪豎拂猶如指月時鼓山出衆云月漚師云這阿師就我覓月山不肯歸衆云道我就他覓月雪竇云玄沙鼓山如排百萬大陣只拋瓦礫相擊或有衲僧辨得當知正法眼藏分付有在師上堂衆集拈拄杖打下却回顧侍者云我今日作得一解驗入地獄如箭射者云喜得和尙再復人身翠巖芝云大小玄沙前不構村後不至店且作麼生道得出身一路

示衆云諸方盡道接物利生忽遇三種病人來且作麼生接患盲者拈拄豎拂他又見患聾者語言三昧他亦不知患啞者教伊說又說不得且作麼生接

若接不得佛法無靈驗。時地藏出云某甲有限有耳。和尚作麼生接。師云慚愧。便歸方丈。

後有僧請益雲門。門云汝禮拜。普僧拜起。門以拄杖極之。其僧退。後門云汝不是愚盲。復喚僧近前來。僧近前。門云汝不是愚聾。又云會麼。云不會。門云汝不是愚啞。其僧於此有省。

雪竇舉了便喝云。這盲聾瘡啞漢。若不是雲門驢年去。如今有底拈鎚豎拂。他又不管教伊近前。他又不來還會麼。他又不應。諸方還奈何得麼。雪竇若不奈何。偏這一隊驢漢。又堪作甚麼。以拄杖一時趲散。

龍門遠頌云。玄沙三種病人。有理不在高聲。引得香嚴老子。却來樹上懸身。

示衆云。我與釋迦老子同參時。有僧出問。未審參見甚麼人。師云釣魚船上謝三郎。

師上堂。聞燕子聲。乃云。深談實相。善說法要。便下座。尋有僧請益云。某甲不會。師云去。無人信汝。

師一日云。我尋常道亡僧面前。正是觸目菩提。萬里。

神光頂後相若。構得不妨出得陰界。天龍爲師侍者。隨師游山。見虎。龍云。前面是虎。師云。是汝虎。至晚侍立。次龍問。今日見虎。未審和尚尊意如何。師云。娑婆世界有四種重障。若人透得。許偏出陰界。

雪竇云。要與人天爲師。面前端的是虎。

保寧勇頌云。猛虎當途獨振威。爪牙真箇利如錐。可憐不覺亡身者。碎骨拾來良可悲。

師問鏡清云。我不見一法。爲大過患。汝道不見甚麼法。清指露柱云。莫是不見這箇法麼。師云。浙中清水白米。從汝喫佛法。未夢見在。

雪竇云。大小鏡清。被玄沙熱謾我當時。若見但向道。靈山受記也。未到如此。

保寧勇代鏡清拍手呵呵大笑。

師一日云。深山巖崖。千年萬年人跡不到處。還有佛法也。無若道有喚甚麼作佛法。若道無佛法。却有不到處。

長慶稜來。師云去。却藥忌作麼生。道稜云。放憨作麼。

師云雪峰山象子拾食却來這裏雀兒放糞

師訪三斗庵主。編相見主云。莫怪住庵年深。無坐具。

師云。人人盡有庵主。爲甚麼却無主。云。且坐喫茶。師

云。元來有在。

師見鼓山來作圓相。示之。山云。人人出這箇不得。師

云。情知爾向驢胎馬腹裏作活計。山云。和尚又作麼

生。師云。人人出這箇不得。山云。和尚與麼道。却得某

甲爲甚麼不得。師云。我得汝不得。

師與地藏說話。夜深。師云。侍者。關隔子門了。汝作麼

生出得藏。云。喚甚麼作門。

法燈別云。和尚莫欲歇去。

雪竇別珍重便行。

有聲明三藏到。王大王請師試驗。師將銅火筋敲鐵

火爐。問是甚麼聲。云。銅鐵聲。師云。大王莫受外國人

謾。

雪竇別云。大王宜加敬信。又別三藏云。莫謾外

國人。法燈代却是和尚謾大王。

師入衆時。光侍者云。師叔若學得禪。某甲打鐵缸下。

海去師住後。令人馳書問光云。打得鐵船也未。

法燈代請和尚下船。

師謂大普玄通云。汝在彼住。莫誑惑人家男女。通云。

某甲開箇供養門。爭敢作與麼事。師云。事難通云。某

實是難。師云。甚麼處是難處。云。爲伊不肯承當。師便

歸。方丈。

師與泉守。在室中說話。有沙彌揭簾欲入。見却退步

出去。師云。那沙彌好與三十棒。守云。怎麼則某甲罪

過。師云。佛法不是這箇道理。

韋監軍云。曹山和尚甚奇怪。師乃問撫州取曹山多

少。韋指傍僧云。上座曾到曹山麼。僧云。曾到。韋云。撫

州取曹山多少。僧云。一百二十里。韋云。與麼則上座

不曾到曹山。韋却起禮拜。師云。監軍却須拜此僧。他

却具慚愧。

承天宗云。這僧可悲。可痛。直饒玄沙具金剛眼。

睛。蹉過韋監軍了也。

監軍問占波國人語。稍難會。何況五天梵語。還有人

辨得麼。師拈起橐子云。識得這箇。即辨得。

雪竇云玄沙何用繁辭又云適來道甚麼

師坐次指面前一點白問侍僧云還見麼云見如是三問僧亦三應師云爾也見我也見爲甚麼不會師問僧甚處來云德山來師云近日有何言句云和尚一日大衆集定拈拄杖甚向面前便歸方丈閉却門師云賺舉了也云甚麼處是賺舉處師云更舉看僧又舉師云不違種草

僧問承師有言盡十方世界是一顆明珠學人爲甚麼不會師云盡十方世界是一顆明珠用會作麼

雪竇云諸方即得我這裏不得

慈雲隆云這般說話喚作嚼飯餞嬰兒把手更與杖若也不會須是扣已而參直須眞實不可信口掠虛徒自虛生浪死

僧問是甚麼得恁麼難見師云只爲太近

法眼云也無可得近直下是上座

師到泉州莆田縣百戲迎之次日問小唐長老昨日許多喧闐向甚麼處去也小唐提起袈裟角師云料掉沒交涉

法燈則云今日更是好笑

鏡清問學人乍入叢林乞師指箇入路師云汝聞偃溪水聲麼云聞師云從這裏入

一日有三人新到來師自去打普請鼓三下却歸方丈新到具威儀了亦去打普請鼓三下却入僧堂久住僧白師云新到輕欺和尚師云打鐘集衆勘過大衆既集新到不來師令侍者去喚纔至法堂新到却拍侍者背一下云和尚喚爾侍者至師傍新到便歸堂久住僧問和尚何不勘他師云我與汝勘了也師因誤服藥偏身紅爛僧問如何是堅固法身師云膿滴滴地

天衣懷頌云涸滴通身是爛膿釣魚缸上顯家風時人只看絲綸上不見蘆花對蓼紅

師因雪峰垂語云飯籬邊坐餓死漢臨河渴死漢師云飯籬裏坐餓死漢水裏沒頭浸渴死漢

雲門云通身是飯通身是水

妙喜舉三人語了喝云多嘴阿師可殺忍俊不禁通身是飯通身是水那裏得這消息來



聯燈會要卷第二十四

住泉州崇福禪師嗣祖比丘 悟明 集

青原下第七世

福州雪峰義存禪師法嗣下

韶州雲門文偃禪師凡五蘇州嘉興人也。初參睦州。發明心要。後謁雪峰。值峰上堂。次師犯衆出。熟視云。頂上三百斤鐵枷。何不卸却。峰云。因甚到與麼師。以手拭目。趨出。峰奇之。自是入室。益臻玄奧。

示衆云。我事不獲已。向爾諸人。直下無事。早是相埋沒了。也更擬踏步向前。尋言逐句。求覓解會。千差萬別。廣設問難。贏得一場口滑。去道轉遠。有甚休歇。時此事若在言句上。三乘十二分教。豈是無言句。因甚麼更道教外別傳。若從學解。機智得者。只如十地聖人說法。如雲如雨。猶被呵責。見性如隔羅縠。以此故知。一切有心。天地懸隔。雖然如此。若是得底人。道火何曾口著。燒終日說事。不曾動著口唇。終日著衣。未曾挂著一縷絲。終日喫飯。未曾咬破一粒米。此猶是門庭之說。須實得。怎麼始得。若向衲僧門下。句裏

呈機。徒勞好思。直饒一句下承當得。猶是瞌睡漢。示衆云。學人簇簇地商量箇甚麼。舉一句語。教汝直下承當。去早是撒尿在汝頭上了。直饒捻一毫頭盡大地。一時明得。已是剗肉作瘡。雖然如此。也須實到這箇田地。始得。若未得如此。切不可掠虛。退步向自己脚跟下推尋。看是甚麼道理。實無絲髮與爾作解會。各各當人一段大事。一切現前。更不煩汝一毫頭氣力。便與祖佛無別。自是諸人起得許多頭角。擔鉢囊子。千鄉萬里受屈。且爾諸人有甚麼不足處。大丈夫漢。阿誰無分。直下承當得。已是不著。便不可受人欺謾。取人處分。纔見老和尚動口。便好將特石。薦口塞恰似屎上蠅子相似。團團將去。三箇五箇聚頭商量。苦屈兄弟。古德一期。爲爾諸人不奈何。所以方便垂一言半句。通汝入路。知是般事。捻放一邊。自家著些精彩。豈不是有相親分。快與快與。時不待人出息。不保入息。更有甚麼身心別處。閑用切須在急。示衆云。我看諸人。二三機中。尙不能搆得。空披衲衣。何益。爾還會麼。我爲爾註破。久後到諸方。若見老宿。

舉一指豎一拂子云是禪是道拽拄杖打破頭便行。若不如。此盡落天魔眷屬。滅吾宗汝若實不會。且向葛藤社裏看。我尋常向爾道微塵刹土中三世諸佛。西天二十八祖。唐土六祖。盡在拄杖頭上說法。神通變化。聲應十方。一任縱橫。爾還會麼。若不會。且莫掠虛。雖然如此。且諦當實見也。未直饒到此田地也。未夢見衲僧沙彌。在三家村裏。不逢一人。驚拈拄杖。劃一劃云。總從這裏出去也。

示衆云。爾諸人無端來這裏。竟甚麼。老僧只是喫飯。屙屎。別解作甚麼。爾諸方行脚參禪。問道我且問爾。諸方參得底事。作麼生。試舉看。譚爾屋裏老爺得麼。向老漢骨臂後。覓得些子。啼睡嚼將以爲自己。便謂我解禪。解道。饒爾念得一大藏教。擬作麼生去。古人事不獲已。見爾亂走。向爾道。菩提涅槃。是埋沒爾。是釘鐵緊。却爾又見爾。不會向爾道。非菩提涅槃。知是般事。早是不著便了也。又更覓他。注解這般底。滅胡種族。從上來。總似爾何處有今日也。

示衆云。從上來。是甚麼事。如今却不得已。且向諸人。

道盡大地有甚麼物。與爾諸人爲緣。爲對。若有針鋒許。與爾爲隔礙。與我拈將來。喚甚麼作佛。喚甚麼作祖。喚甚麼作山河大地。日月星辰。將甚麼爲四大五蘊。我與麼道。喚作三家村裏老婆說話。忽然遇著本色行脚漢。則與麼道。把脚拽向墻下。有甚麼罪過。雖然如是。據箇甚麼道理。便與麼莫趣口快。向這裏亂道。須是箇漢。始得。忽然被老漢脚跟下尋著。沒去處。打折爾脚。莫言不道。

示衆云。諸和尚莫妄想。天是天地。地是地。山是山。水是水。僧是僧。俗是俗。良久云。與我拈將來。案山來時。有僧問學人。見山是山。水是水。時如何。師云。三門爲甚麼。騎佛殿。從這裏過。僧云。與麼則不妄想去也。師云。還我話頭來。

示衆云。爾若不相當。且覓箇入頭處。微塵諸佛。在爾舌頭上。三藏聖教。在爾脚跟底。不如無事去好。還有人悟得麼。出來對衆道看。

示衆拈拄杖。指面前云。乾坤大地。微塵諸佛。總在這裏。爭佛法勝。負。還有人諫得麼。若無人諫得。待老僧。

與僊諫看時有僧出云請和尚諫師云這野狐精  
師拈拄杖示衆云凡夫謂之有二乘謂之無緣覺謂  
之幻有菩薩當體卽空衲僧家見拄杖但喚作拄杖  
行但行坐但坐不得動著

師拈拄杖示衆云拄杖子化爲龍吞却乾坤了也山  
河大地甚處得來

師有頌云不露風骨句未語先分付進步口喃喃知  
君大閑措

示衆云諸方老宿盡道聲色外有一段事似這般語  
話三間法堂裏獨自妄想未曾夢見我本師宗旨作  
麼生消得他信施藹月三十日各償他始得乃蹕跳  
云僊諸人各自努力

師垂語云燈籠是僊自己把鉢盂噉飯飯不是僊自  
己時有僧問飯是自己時如何師云這野狐精三家  
村裏漢復云來來不是僊道飯是自己云是師云驢  
年夢見三家村裏漢

妙喜云用盡自己心笑破他人口

師舉三平頌云只此見聞非見聞師云喚甚麼作見

聞無餘聲色可呈君師云有甚麼口頭聲色箇中若  
了全無事師云有甚麼事體用何妨分不分師云語  
是體體是語復拈拄杖云拄杖是體燈籠是用是分  
不分不見道一切智智清淨

師有時云大用現前不存軌則時有僧便問如何是  
大用現前師拈起拄杖高聲云釋迦老子來也

師舉誌公云如我身空法亦空千品萬類悉皆同師  
云僊立不見立行不見行四大五蘊不可得何處見  
有山河大地來是汝每日把鉢盂噉飯喚甚麼作飯  
何處更有一粒米來

師有時云要識祖師麼以拄杖指云祖師在僊頭上  
蹕跳要識祖師眼睛麼在僊腳跟下又云這箇是祭  
鬼神茶飯然雖如此鬼神也無厭足

妙喜云不見道留惑潤生時有僧在傍咳嗽一  
聲妙喜云老僧恁麼道有甚麼過僧擬議妙喜  
便打

師有時云若說菩提涅槃是燒楓香供養僊若說佛  
祖是燒黃熟香供養僊若說超佛越祖之談是燒餅

師有時拈起拂子云。這裏得箇入處捏怪也。日本國裏說禪三十三天有箇人出來喚云。吽吽特舍兒擔枷過狀。

師有時云。直得乾坤大地。無纖毫過患。猶是轉句。不見一法。始是半提。須知更有全提底時節。

師云有三種人。一人因說得悟。一人因喚得悟。一人因舉便回去。爾道便回去。意作麼生。復云也好。與三十棒。

師曰云。盡十方世界。乾坤大地。天下老和尙。以拄杖一劃云。百雜碎。

雪竇云。是卽是要。且未有出身之路。如今挂杖。在雪竇手裏。復橫按云。東西南北。甚處得來。

師一日云。三乘十二分教。達磨西來。放過卽不可。若不妨過。不消一喝。

師一日云。聞聲悟道。見色明心。作麼生是聞聲悟道。見色明心。乃云。觀世音菩薩將錢買胡餅。放不手云。元來却是饅頭。

師一日云。真空不壞。有異。死生不異。色。僧問。作麼生是真空。師云。還聞鐘聲麼。云。此是鐘聲。師云。聽年夢見麼。

師有時云。平地上死人無數。過得荊棘林者。是好事。有僧云。與麼則堂中第一座。有長處也。師云。蘇鳴蘇。噲。

師有時云。光不透脫。有兩般病。一切處不明。面前有物。是一。又透得一切法空。隱隱地似有箇物相似。亦是光不透脫。又法身亦有兩種病。得到法身爲法執。不忘已見。猶存坐在法身邊。是一直饒透得法身去。放過卽不可。子細檢點來。有甚氣息。亦是病。

妙喜云。不用作禪會。不用作道會。不用作向上商量。此是雲門老漢。實諦論我。怎麼道有沒量罪過。汝若檢點得出。許箇具擇法眼。若檢點不出。且向雲門葛藤裏參。

師嘗舉馬大師云一切語言是提婆宗以這箇爲主乃云好語只是無人間時有僧問如何是提婆宗師云西天九十六種汝是最下種

雪竇云。赤幡被這僧奪却了也。

師舉臨濟三句問塔主云。只如塔中和尙得第幾句。主無對。師云。爾問我主便問。師云。不快。卽道主云。作麼生。是不快。卽道師云。一不成。二不是。

師問臥龍明已底人。還見有已麼。龍云。不見有已。始明得已。師又問長連床上學得底。是第幾機。龍云。第二機。師云。作麼生。是第一機。龍云。緊峭草鞋。

妙喜云。騎賊馬。趕賊隊。借婆帔子。拜婆年。

僧舉灌溪語。問師。十方無壁落。四面亦無門。淨保保亦洒洒。沒可把。作麼生。師云。與麼道。卽易也。大難出。僧云上座不肯。他與麼道。那師云。適來是爾。恁麼舉。那云。是師云。驢年夢見灌溪。麼云。某甲話在。師云。我問爾。十方無壁落。四面亦無門。淨保保亦洒洒。沒可把。爾道大梵天王與帝釋。商量甚麼事。云。豈于他事。師喝云。逐隊喫飯漢。

師到天童。童問。爾還定當得麼。師云。和尚道甚麼。童云。不會。卽目前包裹。師云。會。卽目前包裹。師因鷺湖上堂云。莫道未了底人。長時浮逼逼地。

設使了得底人。明明知得有去處。尙乃浮逼逼地。師下堂。舉問首座。適來和尚示衆意。作麼生。座云。浮逼逼地。師云。首座久在此住。頭白齒黃。作這箇語。話座上。上座又作麼生。師云。要道。卽得見。卽便見。若不見。且莫亂道。座云。只如堂頭道。浮逼逼地。又作麼生。師云。頭上著枷。脚下著杻。座云。與麼則無佛法也。師云。此是文殊普賢大人境界。

大瀉詰云。大凡撥草瞻風。須是其人。雲門可謂青天霹靂。旱地震雷。直得魂慮變懾。不見道驚群。須是英靈漢敵。勝還他師子兒。

師在浙中。蘊和尚會中喫茶。次蘊垂語云。見聞覺知。是法法。離見聞覺知。作麼生。時有僧云。見定如今目前。一切見聞覺知。是法法。亦不可得。師遂拍手一下。蘊舉頭。師云。猶欠一著。在。蘊云。我到這裏却不曾。珙長老舉。菩薩手中幡。問師。作麼生。師云。爾是無禮漢。珙云。作麼生。無禮師云。是爾外道奴也。作不得。師問首座。爾道乾坤大地。與爾自己是。同是別。座云。同師云。一切物。命蛾蟬蟻子。與爾自己是。同是別。座



云同師云。備爲甚麼干戈相待。

師雲。游到江西。陳操尙書請喫飯。陳問三乘教典。卽不問儒書。更不在言作麼生。是行脚事。師云。曾問幾人來。陳云。卽今問上座。師云。卽今且致作麼生。是教意。陳云。黃卷赤軸。師云。這箇是語言文字。作麼生。是教意。陳云。口欲談而詞喪。心欲緣而慮忘。師云。口欲談而詞喪。爲對有言。心欲緣而慮忘。爲對妄想。作麼生。是教意。陳無對。師云。見說尙書看法華經。是否。云。是。師云。經中道。治世語言。資生產業。皆與實相不相違背。且道。非非想。天有幾人。退位。陳又無對。師云。尙書且莫草草。十經五論。師僧拋却。入叢林。十年二十年。尙不奈何。尙書又爭會得。陳作禮云。某甲罪過。師問直歲甚處來。云。割茆來。師云。割得幾箇。祖師歲云。三百箇。師云。朝三千暮八百。東家杓柄。長西家杓柄。短又作麼生。歲無語。師便打。師問僧。光明寂照。徧河沙。豈不是張拙秀才語。僧云。是。師云。語墮了也。

妙喜云。驢揀濕處尿。

大瀉果頌云。萬丈龍門勢。倚空懸崖撒手辨魚龍。時人只看絲綸上。不見蘆花對蓼紅。

師問僧甚處人。云。新羅人。師云。將甚麼過海。云。草賊大敗。師云。爲甚麼在我手裏。云。恰是。師云。一任蹉跳雪竇。云。雲門老漢。龍頭蛇尾。放過這漢。爲甚麼在我手裏。恰是。臂脊便棒。

師問僧。近離甚處。云。西禪。師云。西禪有何言句。僧展兩手。師與一掌。僧云。某甲話在。師却展兩手。僧無語。師又打。

師到庫下。見一僧。乃問作甚麼。云。設供。師云。備是甚處人。云。某處人。師喚典座。與這僧設却供。

大瀉詰云。雲門一期慈悲。却成多事。當時便回去。免見挂後人唇齒。良久云。若不登樓望焉知滄海深。

師問僧甚處來。云。江西。師云。江西一隊老漢。寐語住也。未僧無語。後舉似法眼。眼云。大小雲門。被這僧勘破。

師問僧。近離甚處。云。南嶽。師云。我不曾與人葛藤。近

前來僧近前師云去

僧問如何是法身向上事師云向上與儒道即不難作麼生是法身云請和尚鑑師云鑑即且致作麼生是法身云與麼與麼師云這箇是長連床上學得底我且問儒法身還喫飯麼僧無對

雪竇云將成九仞之山不進一簣之土過在甚

麼處梁家庵主云雲門直得入泥入水

有一僧罷經論來參師問云未到雲門時恰似初生月及乎到來曲彎彎地師云是儒道那云是師云甚好我問汝作麼生是初生月僧研頰作望月勢師云爾如此已後失却目去在僧經旬却來師云爾還會也未云未會師云爾問我僧便問如何是初生月師云曲彎彎地僧罔措後果失目

瑯琊覺云且道佛法有靈驗麼如今若有問瑯

琊如何是初生月向道經堂前打板聲

白雲端云這僧失却目雲門和鼻孔不見雖然

如是家住州西

師問僧甚處來云禮塔來師云謊我云某甲實禮塔

來師云五戒也不持

汾州云彼此相鈍置

僧問十方薄伽梵即不問如何是一路涅槃門師云我道不得云和尚爲甚麼道不得師云爾舉話即得

雪竇云淺水無魚徒勞下釣

僧問秋初夏末前程忽有人問作麼生祇對師云大衆退後僧云未審過在甚麼處師云還我九十日飯錢來

大滙詰云這僧貪程太速致使雲門隨索飯錢如今還有識雲門者麼良久云不是弄潮人休入洪波裏

僧問佛法如水中月是否師云清波無透路云和尚從何而得師云再問復何來云便與麼去時如何師云重疊關山路

僧問如何是雲門一曲師云鴈月二十五云唱者如何師云且緩緩

僧問如何是法身師云六不收

雪竇頌云一二三四五六碧眼胡僧數不足少

林謾道付神光卷衣又說歸天竺天竺茫茫何處尋夜來却對乳峰宿

問如何是透法身句師云北斗裏藏身

白雲端頌云五陵公子游花慣未第貧儒自古多冷地看他人富貴等閑不柰幞頭何

僧問不起一念還有過也無師云須彌山

保寧勇頌云萬仞峯頭立大乖須臾眨眼落懸崖通身不損毫毛者天上人間安敢埋

問如何是道師云透出一字云透出後如何師云千里同風

問如何是清淨法身師云花葉欄云便怎麼去時如何師云金毛師子

問如何是塵塵三昧師云鉢裏飯桶裏水問一言道盡時如何師云裂破問如何是超佛越祖之談師云胡餅問如何是佛法大意師云面南看北斗問如何是佛師云乾屎橛問一切智通無障礙時如何師云掃地潑水相公來

福州長慶慧寂禪師凡十杭州鹽官孫氏子初參靈

雲問如何是佛法大意雲云驢事未去馬事到來師往返看二十年無省動後謁雪峯忽一日捲簾豁然大悟遽偈云也大差也大差捲起簾來見天下有人問我解何宗拈起拂子驀口打雪峯謂玄沙云此子徹也沙云未可此是意識著述待與勘過始得至晚師上問訊峯問師備頭陀不肯備若實有正悟對衆舉來看師復作偈云萬象之中獨露身唯人自肯乃方親昔時謬向途中覓今日看來火裏冰峯顧玄沙云不可也是意識著述

示衆云淨潔打疊了也却近前問我覓我劈脊與爾一棒有一棒到汝汝須生慚愧無一棒到汝汝又向甚麼處會

雪竇云我即不然淨潔打疊了也直須近前就我覓我劈脊與爾一棒有一棒到爾爾須受屈無一棒到爾與爾平出但怎麼會

示衆云撞著道伴交肩過一生參學事畢

雪竇云是即是針不割風不入有甚麼用處

示衆云總似今日老胡有望

保福展云總似今日老胡絕望

師拈拄杖云衆云識得這箇一生參學事畢

雲門云識得這箇爲甚麼不肯住

靈巖安云怎麼住者喪我兒孫怎麼去者寒灰發焰然雖如是都未得勦絕在拈起拄杖云識得這箇遂卓一下云敲出鳳凰五色髓擊碎驪

龍明月珠

師同保福鼓山三人游山福指雪峰舊院云教中道妙高峰頂莫只這裏便是麼師云是卽是可惜許鼓山云若不是孫公便見髑髏徧野

雪竇云今日共這漢游山圖箇甚麼復云百千年後不道全無只是少

又頌云妙峰孤頂草離離拈得分明付與誰不是孫公辨端的髑髏徧野幾人知

師一日陞堂大衆集定師拽出一僧云大衆禮拜這僧著又云且道這僧有甚長處却教大衆禮拜他衆無對

臥龍舉僧問曹山維摩默然文殊讚善未審還稱得

維摩意也無曹云備還縛得虛空麼云怎麼則不稱維摩意也曹云他又爭肯云畢竟有何所歸曹云若有所歸卽同彼二公也云和尚作麼生曹云待汝患維摩病始得臥龍舉了師云我雖不見曹山敢與曹山作箇話主龍愕然云這老和尚近日顛倒作麼山頭老漢以維摩默然話休歇了多少人他却道與曹山作箇話主師咄云這尿床鬼子不會便休亂統作麼

僧問羚羊未挂角時如何師云草裏漢云挂角後如何師云亂叫喚云畢竟如何師云驢事未去馬事到來

師問僧甚處來云鼓山師云鼓山有不跨石門句有人問備作麼生道云昨夜宿報慈師云劈脊便棒備又作麼生云和尚若行此棒不虛受人天供養師云泊乎放過

僧問衆手淘金誰是得者師云有伎倆者得云學人還得也無師云大遠在

雪竇代這僧當時便喝復云有伎倆者得一手

分付有伎倆者不得兩手分付。學人還得也無。  
蒼天蒼天

閩帥夫人練師崔氏遣使送衣物至云。練師令就大師請取回。信師云。傳語練師領取回。信師次日入府。練師云。昨日謝大師回信。師云。却請昨日回信看。練師展兩手。師云。練師與麼呈信。還慙大師意麼。師云。猶較些子。云。未審大師意旨如何。師良久。師云。不可思議。大師佛法深遠。

福州安國明真大師凡二師問。僧得之於心。伊蘭作旃檀之樹。失之於旨。甘露乃蒺藜之園。我要箇語。具得失兩意。僧豎起拳。云。不可喚作拳頭。師云。只爲喚作拳頭。

雪竇云。無繩自縛。漢拳頭也不識。

雪峯一日攔臂扭住師云。盡大地是箇解脫門。把手拽伊不肯入。師云。和尚怪某甲不得。峯云。雖然如此。爭奈背後許多師僧何。

漳州保福從展禪師凡十。福州陳氏子示衆云。此事如擊石火。似閃電光。搆得搆不得。未免喪身失命。有

僧問。未審搆得底人。還免喪身失命也。無師云。適來且致。闍梨還搆得麼。僧云。若搆不得。未免大衆笑怪。師云。作家作家。云。是甚麼心。行師云。一杓屎。欄面潑。也不知臭。

雪竇云。保福有生擒虎兒底牙爪。這僧也不易相敵。雖然如是。且放過保福一著。只如雪竇與大衆。還免諸方檢責也。無若免不得。平地上死人無數。其中有得活底麼。遂拈拄杖云。來也來也。

師問。長慶盤山道光。境俱忘。復是何物。洞山道光。境未忘。復是何物。據二老。總未得勦絕。在作麼生。得勦絕去。慶良久。師云。情知憫向鬼窟裏作活計。慶云。憫作麼生。師云。兩手扶犁。水過膝。

雪竇云。俱忘未忘。總由我保福。因甚道未得勦絕。酌然能有幾箇。諸人又作麼生。道免得長慶在鬼窟裏。良久云。柳絮隨風。自西自東。

師一日云。如今有人從佛殿後過。便知是李四張三。有人從佛殿前過。爲甚麼不見。且道佛法利害在甚。



麼處僧云爲伊有一分疆境所以不見師便喝復自云若是佛殿卽不見云不是佛殿還見麼師云不是佛殿見箇甚麼

師因僧侍立師云爾得恁麼驢心云甚麼是某甲驢心處師拈一塊土度與僧云拋向門前著僧拋了却來云甚麼是某甲驢心處師云我見爾築著磑著所以道爾驢心

雪竇云然則這僧被熱瞞爭奈真不掩僞曲不藏直雪竇將今視古於理不甘爾這一隊漢忽僧堂裏來寮舍裏去築著磑著爾亦不知近來驢心轉盛我若放過便見諸方檢責乃卓拄杖下座

長生卓菴師往相訪茶話次生云有僧問某甲如何是祖師西來意某甲豎起拂子不知得不得師云我爭敢道得不得有箇問有人讚咲此事如虎帶角有人輕賤此事分文不直一等是與麼事爲甚贊毀不同生云適來出自偶爾

有一老宿云毀又爭得 有一老宿云惜取眉

毛 太原孚云若無智眼難辨得失

雪竇都別云若非和尚證明拂子一生無用師病中問僧我與爾相識年深有何名方妙藥相救云藥方甚有聞和尚不解忌口

雪竇別云只恐難爲和尚

師問飯頭鑊闕多少云和尚試量看師作量勞僧云和尚莫瞞人好師云却是爾瞞我

師問僧爾作甚麼業得與麼長云和尚短多少師蹲身作短勢僧云和尚莫瞞人好師云却是爾瞞我師問僧爾名甚麼云咸澤師云忽遇枯涸時如何云誰是枯涸者師云我是僧云和尚莫瞞人好師云却是爾瞞我

師問僧殿裏是甚麼佛僧云和尚試定當看師云釋迦佛僧云和尚莫瞞人好師云却是爾瞞我師見一僧拈拄杖打其頭僧作忍痛聲師云那箇爲甚麼不痛僧無對

玄覺代三貪行拄杖

師因尼來參師云阿誰侍者云覺師姑師云既是覺

師姑用來作麼尼云。仁義道中。卽不無師。自別云。和尚是甚麼心行。

師見僧數錢。乃展手云。乞我一錢云。和尚因何到恁麼地。師云。我到恁麼地云。若到恁麼地。將取一錢去。師云。汝爲何到恁麼地。

師問僧甚處來云。江西觀音。師云。還見觀音麼。云。見。師云。左邊見。右邊見。僧云。見時不歷左右。

### 法眼別云。如和尚見

師令侍者屈崇壽長老云。但獨自來。莫帶侍者來。壽云。不許帶來。爭解難得。師云。太煞恩愛。壽無語。

僧問。如來禪。卽不問。如何是祖師禪。師以手撥云。壽嚴道底。拈向一邊。著僧無語。師却問。明招云。道者。道取招云。請大師舉。師便舉招云。更有第二下鐵鎚來。和尚又將箇甚麼。當抵始得。師休去。

僧問師。雪峰平生有何言句。得似羚羊挂角時。師云。我不可作雪峰弟子。不得。

### 雪竇云。一千五百箇衲子。保福較些子。

杭州龍冊順德。德禪師。錢清也。凡十八。師問雪峰。只如古德。

豈不是以心傳心。峰云。兼不立文字語句。師云。只如不立文字語句。未審如何傳授。峰良久。師便作禮。峰云。更問我。一轉豈不好。師云。就和和尚請一轉問頭。峰云。只恁麼爲別。有商量。師云。和尚恁麼。卽得峯云。汝又作麼生。師云。辜負殺人。

師在雪峰。普請次。峰忽爲山云。見色便見心。還有過也無。師云。古人爲甚麼。事峰云。雖然如此。我要共爾商量。師云。若恁麼。不知某甲纔地去好。

示衆云。有舟無楫。亦不得。有楫無舟。亦不得。舟楫俱備。亦不得。亦不得。亦不得。諸人作麼生。

示衆云。一人到亦不得。一人不到亦不得。二人俱到亦不得。亦不得。亦不得。諸人作麼生。此是妙中之妙。拂盡青霄。通霄不礙。

師一日於僧堂前。自打鐘云。玄沙道底。玄沙道底。時有僧問。玄沙道甚麼。師盡一圓相。僧云。若不久參。爭知與麼。師云。還我草鞋錢來。

### 雪竇云。泊被打破蔡州。

師普請鋤草。次浴頭。請師浴。師不顧。如是三請。師舉。

鑊作打勢頭便走師召云來來頭面首師云向後遇作家分明舉似僧後見保福舉前話未了福以手掩僧口僧復舉似師師云饒伊與麼也未作家

師問靈雲行脚大事乞師指南雲云浙中米作麼價師云若不是某甲泊作米價會

師問風穴近離甚處云自離東來師云還過小江也無云大舸獨飄空小江無可濟師云鏡水秦山鳥飛不渡子莫道聽遺言云滄溟尚怯艤輪勢列漢飛帆

渡五湖師豎起拄杖子云爭柰這箇何云這箇是甚麼師云果然不識云出沒卷舒與師同用師云杓卜聽虎聲熟睡饒瞻語云澤廣藏山理能伏豹師云捨罪怨慙速須出去云出去即得便出到法堂上却云行脚人因緣未盡善不可便休再上方丈見師坐次穴問訊云某甲適來輒呈獻見胃瀆尊顏伏承和尚慈悲未賜罪責師云適來言從東來豈不是翠巖來云雪竇親棲寶蓋東師云不逐忘羊狂解息却來這裏念篇章云路逢劍客須呈劍不是詩人不獻詩師云詩速秘却略借劍看云鼎首韻人携劍去師云不

獨觸風化亦自顯顙頊云若不觸風化爭明古佛心師云何名古佛心云再許允容師今何有師云東來衲子菽麥不分云只聞不已而已何得抑已而已師云巨浪涌千尋澄波不離水云一句截流萬機湮削便作禮師云東來衲子俊哉俊哉

師問僧近離甚處云三峰師云夏在甚處云五峰師云放櫛三十棒云某甲過在甚麼處師云爲櫛出一叢林入一叢林

琅琊覺云割菜鎌子

師問僧近離甚處云石橋師云本分事作麼生云近離石橋師云我豈不知備近離石橋本分事作麼生云和尚何不領話師便打僧云某甲話在師云備但喫棒我要這話行

雪竇云然則倚勢欺人爭柰事不孤起這僧若能慎初護末棒須是鏡清自喫

師問僧門外甚麼聲云雨滴聲師云衆生顛倒迷已逐物云和尚作麼生師云泊不迷已云泊不迷已意作麼生師云出身猶可易脫體道應難

黃龍心云。說易說難。轉見迷已。要不迷已。如今喚作甚麼聲。

師問。僧門外甚麼聲。云。蛇咬蝦蟆聲。師云。將謂衆生苦更有苦衆生。

師住庵時。有一行者。徐徐近前。取拂子。豎起云。某甲決定喚這箇作拂子。庵主喚作甚麼。師云。不可。更分名立字也。者。擲下拂子云。著甚死急。

明招代云。敢死喘氣。

僧問。學人未達其源。乞師方便。師云。是甚麼。源云。其源師云。若是其源。爭受方便。

雪竇云。死水裏浸殺。有甚用處。

侍者隨後問。適來是成禪。伊那師云。無云不成。禪伊那師云。無云和尚尊意如何。師云。一點水墨。兩處成龍。

雪竇云。猶較些子。雪竇不是。滅鏡清威光。要與這僧相見。是甚麼。源其源三十年後。與爾三十棒。

僧問。學人。啐請師。啄師云。還得活也。無云。若不活。遭。

人怪笑。師云。也是草裏漢。

雪竇云。衲僧有此奇特事。若有一人。半人。互相平展古聖。也不虛出來一回。

僧問。聲前絕妙。請師指歸。師云。許由不洗耳。云。爲甚麼如此。師云。猶繫脚在。云。某甲只如此。師意又如何。師云。無端夜來。鴈驚起。後池秋。

僧問。新年頭。還有佛法也。無師云。有云。如何是新年頭。佛法師云。元正啓祚。萬物咸新。云。謝師答話。師云。鏡清今日失利。

福州長生。皎然禪師。凡五師。因雪峰。普請次。峰自負一束藤路。逢一僧。便拋下。僧擬取。被峰一踏。踏倒。乃謂師云。今日踏得這僧快。生師云。和尚須替這僧入涅槃堂。始得峯休去。

雪竇云。長生大似東家人。死西家人。助哀也好。與一踏。白雲端云。雪峰外面。贏得五百家中。失却一貫。

有僧問。雪峰如何。是第一句。峯良久。僧舉似師。師云。此是第二句。峰問。令僧同師如何。是第一句。師云。蒼。

天蒼天

雪峰問師光境俱亡復是何物師云放某甲過有箇商量峰云我放爾過爾作麼生商量師云某甲亦放和尙過峰深肯之

立沙問我觀如來前際不來後際不去今亦無住長老作麼生師云放某甲過有箇道處沙云我放爾過爾作麼生道師默然沙云誰委師云和尙不委那沙云情知爾向鬼窟裏作活計

僧問從上宗乘如何舉唱師云不可爲闍梨荒却長生山也

福州鼓山神晏禪師凡十久依雪峰峰知其緣熟一日薦擱曾扭住云是甚麼師當下釋然契悟但舉手搖拽而已峰云子作道理耶師云何道理之有峰撫而印之

示衆云諸和尙盡道向諸方參學未審參箇甚麼學箇甚麼還有參得者也無有卽出來對衆驗看諸和尙爲復參禪參道參佛參法參毗盧師法身主參佛向向上事涅槃後句若實參此得無大妄喚作望上心

不息與諸和尙了無交涉

示衆云大事未辦宗脉不通切忌記持言句意識裏作活計不見道意爲賊識爲浪盡被漂沉沒溺去無自由分諸和尙必若大事未辦不如休去歇去身心純靜去好時中莫駐著事却易得露這箇是事不得已相勸之言古人喚作死馬醫若是箇漢向他與麼道如同寐語一般且諸人分上作麼生十二分教還用得一字麼諸方老宿語還用得一句麼若十二分教是兄弟在阿那箇教若諸方老宿語當得兄弟在阿那箇中所以道十二分教唱不得聖凡攝不得古今流不得言教該不得與麼說話爲刺頭入在教門裏且與伊折開若有箇漢總未通達箇消息向伊與麼道被伊薦口擱尿沸作麼不可怪得他也兄弟大須甄別莫吉凶不辨有辨得者出來對衆驗看時寒久立

示衆云若是靈利底擦著便休去似這般底千里萬里去也有甚麼救處進前退後納箇如何醉人相似有甚麼稍僧氣息既然如是且宗門中事作麼生請



和尚這裏也須是箇漢始得大不容易。兄弟鼓山不惜口業。向汝諸人道。不假記一字。亦不用一功。亦不用眨眼。亦不用呵氣。大坐著。便紹却去。諸和尚且道。紹甚麼爲復紹。佛紹祖。祖紹禪。紹道紹佛。向上事。涅槃後句。若紹此句。得爲大妄。喚作望上心不息。與諸兄弟了無交涉。於諸人分上。作麼生紹。普請驗看。是甚麼爲復。是凡是聖。是毗盧師法身主。在甚麼處居住。甚麼年中有渠。方圓闊狹。長短大小。試道看。還有絲髮大物解。蓋覆得麼。還有絲髮許間。隔麼。向阿那裏抄向阿那裏寫。諸和尚與麼顯露。與麼聊耍。何不直下承當。取又更刺頭入他言句裏。意識中學。有甚麼交涉。不見道。意爲賊。識爲浪。走作馳。求終無歇。分若自不具眼。就人揀辨。卷子裏抄策子裏寫。假饒百千萬句。龍宮海藏一時吞納盡。是他人不干自己事。亦喚作識學。依通猶如水母借蝦爲目。無自由分。亦如盲者辨色。依他語故。實不能辨色之正相。若是學經律論。自有人在。所以鼓山尋常道經有經。師律有律。師論有論。師有函有號。有部有秩。白日明窓。夜附燈。

燭自有人傳持。在禪師作麼生。還有人道得麼。試出來道看。時有僧問。如何是目前顯露底機。師云。道甚麼。僧再問。師喝出去。

示衆云。諸和尚大凡行脚。須識辨宗風。莫只是尋言逐句。無有了期。雪峰和尚道。三世諸佛不能唱十二分教。載不起。所以鼓山道。有一人與麼來。總未曾通這箇消息。向伊與麼道。被伊把黃泥。薰口塞。還怪得他也。無恐人亂塞人口。所以道。鼓山有不踰石門句。作麼生道。這裏須是其人莫亂道。時有僧問。如何是不踰底事。師拈拂子。薰口打云。還會麼。云。不會。師咄云。汝不是這手脚。

示衆云。實不敢欺。兄弟亦不敢昧。兄弟然且没人辨得有僧問。從上宗乘。如何舉唱。師便打。僧作禮。擬再問。師云。老兄不是這手脚。

示衆云。鼓山門下。不得咳嗽。時有僧咳嗽一聲。師云。作甚麼。僧云。傷寒。師云。傷寒卽得。

示衆云。若論此事。如一口劍相似。時有僧問。和尚是死屍。學人是死屍。如何是劍。師云。拖出這死屍。僧應。

諾歸衣鉢下束裝便行師至晚間首座問話僧在否座云當時便去也師云好與三十棒

雲居齊云鼓山拄杖是賞伊罰伊具眼者試商量看 雪竇云諸方老宿總道鼓山失却一隻眼殊不知重賞之下必有勇夫然雖如是若子細檢點來未免一時埋却

師問僧直下猶難會尋言轉見賒若論佛與祖特地隔天涯備作麼生會僧無語後舉問侍者云某甲不會請侍者代一轉語侍者云和尚與麼道麼隔天涯在僧學似師師喚侍者來問備爲新到代語是否云是師便打趣出院

有一僧製得雪峰實錄云師因上堂良久顧視大眾云是甚麼師問雪峰只有此語爲當別更有在僧云別更有師云案圖也下山去

師因困山同上雪峯因山云與和尚歸行師云輸也明州翠巖令參禪師凡三示衆云一夏已來爲兄弟東語西話看我眉毛在麼

長慶云生也 雲門云關 保福云作賊人心

虛 翠巖芝云爲衆竭力福出私門

僧問還丹一粒點鐵成金至理一言轉凡成聖學人上來請師一點師云不點云爲甚麼不點師云恐汝落在凡聖云乞師至理師喚侍者點茶來

僧問古人拈槌豎拂意旨如何師云邪法難扶問僧緣爲甚麼爲誌公真不得師云作麼生折合問嶮惡道中以何事爲津梁師云藥山再三叮囑

泉州臥龍道溥禪師凡三示衆云莫道空山無祇待便歸方丈

僧問初心後學乍入叢林方便門中乞師指示師敲門拈示之云向上還更有事也無師云有云如何是向上事師再敲門拈

越州越山師彝禪師凡三初謁雪峰於道染指後因問主請於清風樓上齋坐久舉頭忽見日光豁然大悟作偈云清風樓上赴官齋此日平生眼豁開方信普通年遠事不從忽嶺帶將來

僧問如何是佛身師云備問那箇佛身云釋迦佛身師云舌覆三千界

師臨順寂時示偈云。眼光隨色盡耳識逐聲消。還源無別旨。今日與明朝。

安州白兆山志圓禪師。凡二僧問。如何是佛法大意。師云。苦云。如何是道。師云。普。

玄則問。如何是學人自己。師云。丙丁童子來求火。

南嶽金輪可觀禪師。凡一師謁雪峰。峰召云。近前來。師近前。峰與一踏。師卽冥契。住後示衆云。自從一喫雪峰踏。直至如今。眼不開。不知是何境界。

漳州報恩懷獄禪師。凡二僧問。十二時中。如何行履。

師云。動卽死。云。不動時如何。師云。猶是守古塚鬼。

僧問。如何是學人出身處。師云。有甚麼纒縛汝。云。爭奈出不得。何。師云。過在阿誰。

漳州隆壽紹鄉禪師。凡一師侍雪峰。行次見風吹芋。

葉。動峰指示之。師云。某甲甚生怕怖。峰云。是個屋裏。

事。怕箇甚麼。師於此有省。

杭州龍華靈照禪師。凡一師指半月間。薄上座。那一片甚麼處。云。也薄。云。莫妄想。師云。失却一片了也。薄。

無對。

洛京南院和尚。凡一有一儒士博覽古今。呼爲張百會。一日謁師。師問。莫是張百會麼。云。不敢。師以手空中畫一畫。云。會麼。張云。不會。師云。一尙不會。甚麼處得百會來。

太原字上座。凡十。初名座主在楊州。光孝講涅槃經。有一禪者阻雪在寺。因往隨喜。講至三。因佛性三德。法身廣談。法身妙理。禪者失笑。孚講罷。請禪者喫茶。問某甲素志狹劣。依文解義。適蒙見笑。有不到處。伏望見教。禪者云。實笑。座主不識法身。師云。如此解說。何處不是。云。請座主更說一遍。師云。法身之理。猶若太虛。堅窮三際。橫亘十方。彌綸八極。包括二義。隨緣赴感。靡不周徧。禪者云。不道。座主說得不是。只是說得法身量邊事。實未識法身在。師云。既然如是。禪者當爲我說。云。座主還信否。師云。焉敢不信。云。若如是。座主暫輟講句。日於室內端坐。靜慮收心。攝念善惡。諸緣一時放却。師一依所教。從初夜至五更。聞鼓角聲。忽然契悟。走扣禪者門。禪者問云。誰。師云。某甲。禪者咄云。教爾傳持大教。代佛宣揚。夜來爲甚麼醉酒。

臥街師云。禪德自來講經。將生身父母鼻孔扭捏。從今向去。更不敢如是。禪者云。且去。明日來相見。師卽罷講。徧謁諸方。

師初到雪峰。纔上法堂。顧視雪峰。便下去。見知事。

雪竇云。一千五百人善知識。被孚老一覲。便高

豎降旗。

明日却上方丈。作禮云。昨日觸忤和尚。峰云。知是般事。便休。

雪竇云。果然。

後有僧問雲門。作麼生是觸忤處。門便打。

雪竇云。打得百千萬億箇。有甚麼用處。直須盡大地人。喫棒。方可扶豎雪峰。且道。孚上座。具甚麼眼。

雪峰一日。指日示師。師搖手而去。峰云。備不肯老僧。那師云。和尚搖頭某甲。擺尾甚麼處。是不肯和尚處。峰云。到別處也須諱却。

雪峰問師。見說臨濟有三句。是否。師云。是。峰云。如何。是第一句。師舉目視之。峰云。此是第二句。如何。是第

一句。師叉手而退。峯深器之。

晏國師問父母未生前。鼻孔在甚麼處。師云。老兄先道。晏云。如今生也。鼻孔在甚麼處。師不肯。晏却問汝作麼生。師云。將扇子來。晏與扇。再徵之。師默致。晏乃歎師一拳。

師因雪峰門送晏國師。住鼓山。回至法堂。峰云。一隻聖箭射入九重城裏去也。師云。和尚是伊。未在。峯云。渠是徹底人。師云。若不信。待某甲去勸過。遂趨至中路。便問師兄。向甚麼處去。晏云。九重城裏去。師云。忽遇三軍圍繞時。如何。晏云。他家自有通霄路。師云。恁麼則離宮失殿去也。晏云。何處不稱尊。師拂袖而歸。峯問如何。師云。好一隻聖箭。折却了也。遂舉前話。峰云。奴奴渠語在。師云。這老漢。畢竟有鄉情在。

大滄喆云。此話叢林商量不少。或云。纔問甚麼處去。這裏便好打。是聖箭折處。或云。忽遇三軍圍繞時。如何。亦好打。是聖箭折處。如斯理論。非唯瞞他。亦乃自瞞。會麼。相如奪得連城壁。秦主安然致太平。

保福簽瓜次見師乃問道得卽與汝瓜喫師云把將來福度一片與師師接得便去

雪竇云雖是死蛇解弄也活且道誰是好手者  
試請辨看

師到投子子問久響太原孚上座莫便是麼師作掌勢子云也是老僧招得師便出子云且聽諸方斷看師回首子便打

玄沙云莫是投子招得麼

僧問如何是觸目菩提師踢狗子作聲走僧問措師云小狗子不消一踢

師在雪峰有大聲譽後歸楊州陳尙書留在宅供養一日謂尙書云來日講一徧大涅槃經報答尙書書次日致齋煎茶畢師遂陞座良久揮尺一下云如是我聞乃召尙書書應諾師云一時佛在乃脫去

聯燈會要卷第二十四

聯燈會要卷第二十五

住泉州崇福禪寺嗣祖比丘 悟明 集

青原下第七世

筠州九峰道虔禪師法嗣

洪州同安常察禪師凡十示衆云洪音不割其理不彰設使不言且道是分不分時有僧出云不分師云若不是閻梨老僧不曉云同安風采瓦解冰消師云養由弓矢不射田竭僧作禮師云將謂是便宜示衆云寅晡飲啄無處藏身備道有此道理麼時有僧出云和尚作麼生師打一拂子僧云撲手征人徒誇好手師云握鞭側帽豈是閻梨云今古之道何處藏身師云閻梨作麼生僧珍重便出師云未示衆云青霄鳥道登者卽迷碧海無波動犯風影今時學者也似敲空竟響鑿石求聲火中求水水裏覓火山僧有一曲卽不然何也五天唱不起漢地和不咸欲曉其中事鐵牛水上行幻人看音樂石女夜鳴擾若能如是作許君解無爲有言玄妙用無語句中明諸目不干生死事邇然那肯挂風雲直須頭頭超



祖意句句越無生。方可言了。物物不沉空。明明三界內。獨脫萬機前。所以道。俊鳥不栖林。活龍不滯水。孤鸞那有伴。師子不同群。鳳飛無影樹。象徑絕狐蹤。言須有骨格。句句透玄關。萬象不能藏。森羅何障礙。譬如手向長空。任爾開合。

師一日云。喜鵲鳴寒檜。心印是渠傳。時有僧云。何別。師云。衆中有人在云。同安門下道絕人。荒師云。胡人飲乳返怪良醫。僧云。休休。師云。老鶴入枯池。不見魚蹤跡。

師翫月次。乃云。奇哉。星明月朗。足可觀瞻。不異道乎。僧問。如何。是道。師云。汝試道看。云。彼自無。瘡勿傷之也。師云。負笈公文。莫關弓矢。

有僧來繞繩床。一匝。振錫一下。云。凡聖不到處。請師道。師鳴指一下。僧云。奇哉。同安嚇得忘前失後。師云。闍梨發足甚處。僧便珍重。師云。五湖衲子一錫。禪人未到同安。不妨疑著。僧云。近見不如遠聞。師云。貪他一杯酒。失却滿缸魚。

師問僧。善惡不思。心體自現。古人還有理也。無云。莫。

便是古人深意麼。師云。胡人飲乳返怪良醫。僧作禮而出。師云。若到諸方。莫道參見同安來。

師問僧。甚處來。云。五臺。師云。還見文殊麼。僧展兩手。師云。展手頗多。文殊誰觀。云。氣急殺人。師云。不觀雲中馬。焉知沙塞寒。云。遠移方丈。乞師一言。師云。孫賓門下徒。話鑽龜。云。名不浪施。師云。喫茶去。僧珍重。師云。雖得一場榮。則却一雙足。

師問僧。甚處來。云。江西。師云。江西法道。與此間如何。云。和尚賴遇。問著某甲。問著別人。卽禍生。師云。老僧適來造次。云。某甲不是。嬰兒徒用。止啼黃葉。師云。怒驚傷龜。殺活由我。僧又問。久造玄微。如何洞曉。師云。老僧耳背。分明問將來。云。快鶴不打籬邊之雀。師云。暗中臨鏡。誰辨妍媸。始云。向上機關。如何洞曉。師云。何必云。休休。師云。始解乘舟。便欲劒水。

師問僧。近離甚處。云。太原。師云。太原近日法道如何。云。只見雲隨日出。水逐波生。不知太原法道如何。師云。爾豈不是離太原。云。苦苦。師云。不觀海雲色。微覺旱雷聲。云。以金易鑰。憎直愛假。師便歸。方丈。僧拂袖。

便出師云。橫抱嬰兒。擬彰皇簡。

僧問。萬法歸真。真歸何所。師云。龍門無宿客。龜鶴自成仙。云。作麼生是龍門無宿客。底道理。師云。爛斧只因。基少局亡羊。那得失長途。云。久響和尚。師云。負笈公文。不勝交戰。

僧問。學人未曉時。機乞師指示。師云。參差松竹煙凝薄。重疊峰巒月上遲。僧擬進語。師云。劒甲未施賊身已露。云。何也。師云。精陽不剪霜。前竹水墨徒誇海上龍。僧繞繩床一匝。大笑而出。師云。閉目食蝸牛一場酸澁苦。

有座主問三乘十二分教。某甲粗知未審。和尚說何法示人。師云。我說一乘法。云。如何是一乘法。師云。幾般雲色出峯頂。一樣泉聲落檻前。云。某甲不問此事。如何是一乘法。師云。闍梨英賢老僧。蒙昧對衆試道。看云。某甲何答。師云。只見錐頭利。不見鑿頭方。

吉州禾山澄源無般禪師。凡二垂語。云。習學謂之聞。絕學謂之證過。二者謂之真過。僧問。如何是真過。師云。打鼓云。如何是真諦。師云。解打鼓。又問。卽心。

卽佛。卽不問。如何是非心。非佛。師云。解打鼓云。如何是向上事。師云。解打鼓云。萬法齊興時。如何。師云。解打鼓。

僧問。如何是古佛心。師云。世界崩壞。僧云。爲甚麼世界崩壞。師云。寧無我身。

新羅清院和尚。凡一僧問。奔馬爭毬。誰是得者。師云。誰是不得者。云。恁麼則不爭去也。師云。直得不爭。猶有過在。云。如何免得此過。師云。要且不曾失。云。不失處。如何煅煉。師云。兩手捧不起。

#### 潭州雲蓋志安禪師法嗣

新羅臥龍和尚。凡一僧問。如何是大人相。師云。紫羅帳裏不垂手。云。爲甚麼不垂手。師云。不尊貴。問。十二時中。如何用心。師云。胡獼喫毛蟲。

#### 潭州大光居誨禪師法嗣

潭州伏龍禪師。凡一僧問。賓主未分時。如何。師云。雙陸盤中不喝彩。云。分後如何。師云。骰子不曾拈。云。攪長河爲酥酪。變大地作黃金。時如何。師云。臂長衫袖短。云。隨緣認得時。如何。師云。雪裏牡丹花。問。如何是。

祖師西來意師云。竺國不傳無字印。支那謾說過流

沙

台州湧泉景欣禪師法嗣

台州六通紹禪師凡二涌泉問甚處來師云燒畚來  
泉云火後事作麼生師云鐵地鑽不入

僧問南山有一條毒蛇如何近得師云非但闍梨千  
聖亦近不得問父母未生時未審那人何處立師云  
卦兆未形孫賓失筭問如何是大千頂師云不與衆  
峯齊

潭州雲蓋志元禪師法嗣

潭州雲蓋志元禪師凡一僧問如何是須彌頂上浪  
滔天師云文殊正作鬧在問如何是正位中事師云  
不向機前展大悲問如何是那邊人師云峯前不露  
影句後覓無蹤

撫州曹山本寂禪師法嗣

撫州金峯從志禪師凡十示衆云事存函蓋合理應  
箭鋒挂莫有人道得麼若有人道得金峰分半院與  
他住時。僧出作禮師云相見易得好共住難爲人

便下座

示衆云我若舉來又恐遭人唇吻若不舉來又恐遭  
人怪笑於其中間如何則是時有僧纔出師便歸方  
丈至晚有僧請益云和尚今日垂語有僧出爲甚麼  
不答他師云大似失錢遭罪

師拈梳子謂僧云一切人喚作梳子金峰道不是云  
未審和尚喚作甚麼師拈起梳子僧云恁麼則依而  
行之師云懶喚作甚麼云梳子師云落在金峯窠裏  
師因僧侍立師云我有一則因緣舉似懶第一不得  
亂會云請和尚舉師豎起拂子僧良久師云知道闍  
梨亂會僧東西顧視師云雪上更加霜  
有僧問訊師把住云我有一則因緣舉似懶僧作聽  
勢師與一掌僧云爲甚麼打某甲師云懶但喫掌我  
要這話行

開善謙云可惜許金峯好一則因緣被這僧揭

却若要話行這一掌須是金峯自喫始得

師喫胡餅次拈起一片從上座板頭轉一匝大眾見  
一一合掌師云假饒十分擡起手也只得一半晚間

有僧請益云。今日和尚行胡餅。見衆僧合掌却云。假饒十分擡起手也。只得一半。請和尚全道。師以手作拈餅勢云。會麼。云不會。師云。金峯也只道得一半。

師見僧來。師云。不用通時。喧第一句道將來。云孟春猶寒。伏惟和尚尊候。萬福。師云。猶有這箇在。云不可要人檢點。師云。誰僧指自身。師云。不妨遣人檢點。

師問僧發足何處。云趙州。師云。趙州法嗣何人。云南泉。師云。爾何曾離趙州。云未審和尚尊意如何。師云。趙州實嗣南泉。僧至晚請益云。今日蒙和尚慈悲。某甲未會。乞和尚指示。師云。若到諸方。莫道後語。是金峯底云。爲甚如此。師云。恐辱他趙州。

師見僧來。便起身。僧便出去。師云。恰共昨日師僧見解一般。僧回首云。昨日師僧道甚麼。師云。恰與麼。僧云。知道。金峯有眼。師云。金峯且致。爾今日何處喫飯。云道著。卽不中。師云。與麼則無來處也。云老婆心堪作甚麼。師云。金峯問僧不曾弱。他就中闍梨無話處。云。豈是分外。師云。小慈妨大慈。

師見僧來。豎起拂子云。此是大人分上事。爾試通箇。

消息來看。云某甲不欲謾和尚。師云。孝養人也。還希有。云莫是大人分上事麼。師云。老僧不欲謾闍梨。云到這裏也不易。辨白。師云。酌然酌然。僧作禮。師云。發足何處。云只這裏。師云。不唯自謾。兼謾老僧。

師問僧還知金峯一句子麼。云知來久矣。師云。爾作麼。生僧便喝。云。金峯一句子。今日百雜碎。師云。稍曾問人。就中闍梨門風孤峻。云不可要人檢點。師云。眞箇不博金。

師問僧甚處來。云東國來。師云。作麼。生過得金峯關。云某甲行止分明。師云。試呈似老僧看。僧展兩手。師云。金峯關從來無人過得。云和尚過得麼。師云。波斯喫胡椒。

師見駢道者來。遂擎起經作攬衣勢。以目視之。駢提起坐具。以目視師。師云。一切人道。爾會禪。駢云。和尚作麼。生。師云。草賊大敗。

僧問不落凡聖。機請師別道。師云。金峯眼不小。云恁麼則一撥長琴。頓清君主去也。師云。別道又爭得。云爲物之言作麼。生。師云。頓清君主。云不是金峯也大。

難師云量經漢席周下還輸云若不承言恐遭惑亂師云承甚麼言云何勞再舉師云啞子趁缸頑豈不少僧休去

僧問是身無知如土木瓦石此意如何師下繩床扭僧耳垛僧負痛作聲師云今日捉著箇無知漢僧作禮而去師召云闍梨僧回首師云若到堂中不得舉著云何故師云火有人笑金峯老婆心

僧問金杯滿酌時如何師云金峯不勝酌酌

處州廣利容禪師凡一師見僧來豎起拂子云貞溪老漢還具眼麼云某甲不取見人過師云老僧死在闍梨手裏僧以手指臂便出去師云闍梨參見先師來至晚請喫茶了僧拈起盞子云這箇是諸佛出世邊事作麼生是未出世邊事師以手撥却盞子云到闍梨死在老僧手裏云五里牌在郭門外師云無故惑亂師僧遂起謝茶師云特謝闍梨相訪

襄州鹿門處真禪師凡二師問韶國師近離甚處云谷隱夜宿龐居士巖師云五眼之中那箇是正眼韶云久響鹿門師云這一片田地干甚麼事韶云話頭

何在

僧問如何是和尙家風師云有鹽無醋問如何是道人師云口似鼻孔云客來將何祇對師云柴門草戶謝汝經過云如何是禪師云鸞鳳入雞籠云如何是道師云藕絲牽大象云劫壞時此箇還壞也無師云臨崖看潏眼特地一場愁云如何是和尙轉身處師云昨夜三更失却枕子

衡州阿育王弘通禪師凡二示衆云釋迦老子四十九年說不盡底句今日不避羞耻爲諸人說却良久云珍重

僧問心法雙忘時如何師云三脚蝦蟆背大象云如何是祖師西來意云壁邊有鼠耳

撫州曹山惠霞禪師凡二僧問佛未出世時如何師云曹山不如云出世後如何師云不如曹山云四山相逼時如何師云曹山在裏許云還求出也無師云若在裏許即求出

師問僧可殺熱僧云未審向甚麼處回避師云鑊湯爐炭裏回避云只如鑊湯爐炭裏作麼生回避師云



衆苦不能到

### 洪州雲居道膺禪師法嗣

杭州佛日和尚凡四初游天台嘗謂人曰有人奪得我機者卽我師也次謁雲居便問二龍爭珠誰是得者居云卸却業身來相見師云業身已卸膺云珠在甚麼處師無對卽投誠入室

師到來山見維那那云此間不著後生師云暫來禮拜和尚維那白山山許相見師未陞階山便問甚麼處來師云雲居云卽今在甚麼處師云在夾山頂額上山云老僧行年在坎五鬼臨身師欲上階山云三道寶階從何而上師云三道寶階曲爲今時便上作禮山開闔梨與誰同行師云木上座山云何不來見老僧師云和尚見他有分山云在甚麼處師云堂中山同師下到堂中山問在甚麼處師取拄杖擲于山前山云莫從天台得麼師云非五岳之所生山云莫從須彌得麼師云月宮亦不逢山云莫從人得麼師云自已尙如冤家從人得堪作甚麼山云冷灰裏一粒豆爆乃喚維那明窓下安排著

次日夾山入堂問昨日新到在甚麼處師出應諾山云子未到雲居時在甚麼處師云天台國清山云我聞天台有潺潺之水淙淙之波謝子遠來子意如何師云久居巖谷不挂松蘿山云此猶是春意秋意作麼生師良久山云看君只是撐缸客終歸不是弄潮人

一日大衆普請次維那令師送茶師云某甲爲佛法來不爲送茶來那云和尚教上座送師云和尚尊命卽得乃携茶去作務處撼盞作聲夾山回顧師云釀茶三五盞意在饅頭邊山云瓶有傾茶勢籃中幾箇甌師云瓶有傾茶勢籃中無一甌便傾茶行時大衆一時舉目師云大衆鷗望請師一言山云路逢死地莫打殺無底籃子盛將歸師云手執夜明符幾箇知天曉山云大衆有人也歸去來歸去來

蘇州永光眞禪師凡二示衆云言鋒若差鄉關萬里直須懸崖撒手自肯承當絕後再甦欺君不得非常之旨人焉度哉

僧問道無橫徑立處皆危如何得不被橫徑所侵師

拈拄杖劈口拄

洪州同安不禪師凡四師看經次有僧來參師以衫袖蓋却頭僧作弔慰勢師放下衫袖提起經云會麼僧却將衫袖蓋却頭師云蒼天蒼天

師問僧甚處來云湖南來師云還知同安這裏風雲體道花籃璇玑麼云知師云非公境界僧便喝師云短販樵人徒誇書劍僧擬進語師云劍甲未施賊身已敗

僧問如何是和尙家風師云金雞抱子歸霄漢玉兔懷胎入紫微僧云忽遇客來將何祇待師云金果早朝猿摘去玉花晚後鳳銜來

僧問如何是同安一箭師云腦後看取云將來不相似不將來時如何師云向甚麼處著

洪州雲居懷岳禪師凡一僧問明鏡當臺時如何師云不鑑照云爲甚麼不鑑照師云胡來胡現漢來漢現云大好不鑑照師便打

歙州朱溪謙禪師凡一韶國師到聞犬咬靈鼠聲遂問是甚麼聲師云犬咬靈鼠聲韶云既是靈鼠爲甚

麼被犬咬師云咬殺也韶云好箇犬師便打韶云莫打某甲話在師休去

池州磬山章禪師凡一師在投子作柴頭投子一日送茶與師乃云森羅萬象總在裏許師潑却茶云森羅萬象在甚麼處子云可惜一盞茶

洪州雲居簡禪師凡三范陽人也久依雲居膺禪師居第一座膺將順寂主事問誰堪繼嗣膺云堂中簡主事未喻旨謂之揀選與衆會議舉第二座爲化主備禮先請第一座必若謙讓即堅請第二座師既密承膺記略不辭遂自持道具入方丈主事不愜素志罔循規式師察其情棄院下山其夜山神號泣詰旦主事大衆奔至麥莊悔過哀請歸院衆聞山神連聲云和尚來也和尙來也

問維摩豈不是金粟如來師云是云爲甚麼却預釋迦會下聽法師云他無人我問如何是和尙家風師云隨處得自在

問如何是朱頂王菩薩師云爾問這赤頭漢作甚麼問路逢猛虎時如何師云千人萬人不逢偏爾便逢

問孤峯獨宿時如何師云閑却七間僧堂誰教爾孤峯獨宿

廬山歸宗懷惲禪師凡二僧問截水停輪時如何師云磨不轉

妙喜云恩大難酬

僧問無佛無衆生時如何師云甚麼人如此問水清魚現時如何師云把將一箇來問學人未到處請師說師云汝未到甚麼處

筠州九峯普滿禪師法嗣

洪州同安威禪師凡四師問僧眼界無光如何得見僧云北斗東轉南斗西移師云夫子入太廟云怎麼則同安門下道絕人荒去也師云橫抱嬰兒擬彰皇簡

僧問牛頭未見四祖時如何師云路邊神樹子見者盡擎拳僧云見後如何師云室內無靈床渾家不著孝

師游山次大衆相隨師云階前翠竹砌下黃花古人謂真如般若同安卽不然僧云古人也好和尚師云

不貪香餌味可謂碧潭龍云諸方眼目不怪陶潛師云闌梨閉目中秋坐劫笑月無光云階前翠竹砌下黃花又作麼生師云安南未伏塞北難降僧作禮師云名稱普聞

僧問祖意教意是同是別師云玉兔不曾知曉意金烏那肯夜頭明

潭州龍牙居遁禪師法嗣

潭州報慈嶼禪師凡三僧問承古有言情生智隔想變體殊只如情未生時如何師云隔云情既未生隔箇甚麼師云這梢郎子未遇人在

那那覺云報慈不妨入泥入水據禪僧門下遠之遠矣

天衣懷頌云報慈一隔禪僧命脉欲識一貫兩箇五百

師贊龍牙真云日出連山月圓當戶不是無身不欲全露龍牙一日在紙帳內坐僧問不是無身不欲全露請師全露龍牙撥開帳子云還見麼云不見龍牙云不將眼來師聞乃云龍牙只道得一半

雲門謂僧曰。舉來我與爾道。僧舉了。門云。我不

妨與爾道

僧問。心眼相見時如何。師云。向爾道甚麼。云。如何是實見處。師云。絲髮不隔。云。與麼則見也。師云。南泉甚好去處。問如何。是西來意。師云。昨夜三更送過江。問臨機使用時如何。師云。海東有果樹。頭心問和尚。年多少。師云。秋來黃葉落。春至便開花。

襄州含珠山審哲禪師。凡四問僧。有亦不是。無亦不是。有不無。亦不是。汝本來名甚麼。云。已具名了。師云。具名即不無。畢竟名甚麼。僧云。只是師云。且喜沒交涉。

僧問。學人道不得處。請師道。師云。別日來與汝道。僧云。即今爲與麼。不道。師云。覓箇領話人。不可得。

師問僧。張黃李趙。不是汝本來姓。汝本來姓箇甚麼。云。與和尚同姓。師云。同姓。即且從汝本來姓箇甚麼。云。待漢水逆流時。即向和尚道。師云。只今爲甚麼。不道。云。漢水逆流也。未師休去。

師因檀越請堂中首座。開堂主事報師。師云。即是。

欠悟在首座。聞得束裝而去。師拈拄杖。隨後打出。

襄州洞山師虔禪師法嗣。亦云青林

襄州鳳凰山石門獻蘊禪師。凡六師問青林。從上諸聖學人。還有分也。無林據坐。師良久。林云。會麼。師云。不會。林云。無子用心處。師於言下大悟。住後。凡有扣問。多云。好大哥。然後答話。時人呼爲大哥和尚。師在青林作園頭。林問。今日作甚麼。師云。種菜。林云。徧界是佛身子。向甚麼處種。師云。金鋤纔動。土靈苗在處生。

林次日入園。召蘊闍梨師應諾。林云。刺我無影樹。留與後人看。師云。若是無影樹。又豈受我。林云。不受我。子還見他枝葉麼。師云。不曾見。林云。既不曾見。爭知不受我。師云。只爲不見。所以道不受我。林云。如是如是。

云。衆云。琉璃殿上光輝之。日日無私。七寶山中晃耀之。頭頭有據。泥牛運步。木馬嘶鳴。野老謳歌。樵人舞袖。太陽路上。古曲玄音。林下相逢。復有何事。馬王自青林請師過夾山。王出遠迎。遂問如何。是祖。

師西來意。師云。好大哥。御駕六龍。千古秀玉階排仗出金門。

僧問。月生雲際時如何。師云。三箇孩兒抱花鼓。好大哥。莫來攔我毬門路。問如何是祖師西來意。師云。好大哥。玉印不離天子手。金箱豈許外人知。問如何是和尙家風。師云。騎駿馬。蹀高樓。鐵鞭指出胡人路。問不落機關。請師別道。師云。湛月迅機無可比。君今曾問幾人來。云。只今問和尙。師云。好大哥。雲綻不須藏九尾。想君殘壽速歸丘。

襄州萬銅山廣德禪師。凡一僧問。盡大地是箇死屍。向甚麼處葬。師云。北邙山下千丘萬丘。

### 撫州疎山羌仁禪師法嗣

筠州黃蘗慧禪師。凡一師謁疎山。正值坐法堂。參次。師先顧視大眾。然後設問。云。利那。便去時如何。山云。逼塞虛空。懶作麼生去。師云。逼塞虛空不如不去。山休去。師下至僧堂前。首座謂師云。適觀上座祇對和尚語。甚奇特。師云。此乃率爾實自偶然。敢望慈悲開示。愚迷座云。一刹那間。還有擬議也無。師言下有省。

隋州護國淨果守澄禪師。凡二同演化大師在湖南。報慈值慈陞堂。次演化出問。如何是真如佛性。慈云。誰無化。不契請益。師云。汝但問來化理。前問。師云。誰有化於言下。契悟乃云。首座或在衆。或住持某甲。誓終身相助後化。亦繼師住護國。

僧問。諸佛不到處。是甚麼。人行履。師云。耽耳鬚頭驢面獸。顯問如何是祖師西來意。師云。一人傳虛。萬人傳實。問。百了千當時如何。師云。階下漢。問。鶴立枯松時如何。師云。地下底。一場懺懺。問。會昌沙汰時。護法善神向甚麼處去。師云。三門外。兩箇一場懺懺。問。滴水滴凍時如何。師云。日出後。一場懺懺。

洛京長水歸仁禪師。凡一僧問。如何是祖師西來意。師云。仰面獨揚眉。回頭自拍手。云。如何是和尙家風。師云。騎牛戴席帽。渡水著靴衫。問如何是靈泉活計。師云。東壁打西壁。

撫州大安山省禪師。凡三僧問。失路迷人。請師直指。師云。三門前去。問。羅四句。絕百非。請師道。師云。我王庫內。無如是刀。



問重重關鎖。信息不通時。如何師云。爭得到這裏云。到後如何。師云。彼中事作麼生。

問如何是真中真。師云。十字街頭泥佛子。

### 筠州高安白水本仁禪師法嗣

杭州瑞龍幻璋禪師。凡一示衆云。老僧頃年。游歷江外嶺南荆湖。但有知識叢林。無不參問。蓋爲今日與諸人聚會。要知箇去處。然諸方終無異說。只教當人歇却狂心。休從他覓。但隨方任真。亦無真可任。隨時受用。亦無時可用。設使垂慈苦口。且不可呼晝作夜。更饒善巧多方。終不能指東爲西。脫或能爾。自是神通作怪。非干我事。若是學語之流。不自省已知非真。欲向空裏採花。波中捉月。還著得心力麼。汝今各宜退思。忽然省去。始知瑞龍老漢事不獲已。迂迴太甚。還肯麼。

### 澧州洛浦元安禪師法嗣

鳳翔府青峰傳楚禪師。凡二師齋次。問北院云。先師道信手拈來。卓師兄作麼生。院拈起一隻筴。師云。汝恁麼。又何曾夢見先師。院云。汝恁麼會。又何曾夢見。

先師

白水問師。我聞洛浦有生機。一路是否。師云。是水云。止却生機。熟路上道。將一句來。師云。生機上死人。無數熟路上。不著活漢。水云。此是洛浦底上座。分上又作麼生。師云。非但洛浦夾山。亦不奈何。水云。夾山爲甚麼不奈何。師云。不見道。生機一路。

廬州烏牙彦賓禪師。凡一僧問。未作人身。已前作箇甚麼。來師云。三脚石牛波上走。一枝瑞氣月前分。問匹馬單鎗。直入時如何。師云。饒汝雄信。解拈鎗。猶較秦王一百步。問久戰沙場。爲甚麼功名不就。師云。雙鵬隨手落。李廣不當名。問百步穿楊中的者。誰。師云。將軍不上便橋。金牙徒勞拈筴。

### 袁州蟠龍可文禪師法嗣

袁州太平善導禪師。凡五問洛浦。如何是一遍未發。已前事。浦云。移舟。諸水勢舉。棹別波瀾。師不肯復問。蟠龍龍云。移舟不別水。舉棹即迷源。師從此悟入。

雲峰悅云。太平若於洛浦言下。悟去猶較些子。可惜許。向蟠龍死水裏淹殺。後有問如何是木。

平對云不勞斤斧師云果然只在這裏諸禪德  
大凡發足超方也須甄別邪正識辨真偽帶些  
眼筋始得然雖如此也是賊過後張弓

僧問如何是木平一句師云逼塞虛空僧云逼塞虛  
空意旨如何師便打

李王問如何是木平師云不勞斤斧王云爲甚麼不  
勞斤斧師云向道木平

僧問亡僧遷化向甚麼處去師云石牛汾古路日裏  
夜明燈

師凡有僧來參先令擔泥三檐有偈云南山路側東  
山低新到莫辭三檐泥嗟汝在途經日久明明不曉  
却成迷

### 撫州黃山月輪禪師法嗣

鄂州桐泉和尚凡一黃山問師天門一合十方無路  
若有道得擺手出漳江師云蟄戶未開龍無龍句山  
云是汝恁麼道那師云是即直言是不是即直言不  
是山云擺手出漳江

### 青原下第八世

### 福州羅山道閑禪師法嗣

婺州明招德謙禪師凡十二師自受羅山印記之後出  
於流輩機鋒穎捷無敢當者

示衆云全鋒敵勝罕遇知音同死同生萬中無一尋  
言逐句其數河沙舉古舉今滅胡種族向上一路碎  
啄猶乖儒士相逢握鞭回首沙門所見誠實苦哉拋  
却真金隨群撮土報諸稚子莫謾波波解得他玄猶  
兼瓦礫不如一擲騰過太虛只這靈鋒阿誰敢近任  
君來箭方稱丈夫擬欲吞聲不消一饅

示衆云太處挂劍用顯吾宗選佛場中還有虎狼禪  
客麼出生入死一任施展看若也覷地覓針切忌亂  
呈矇袋槌折懶腰莫言不道

示衆云千劍輪頂飛大寶光虎眼鋒前豁開宗要有  
何俊鷄不避死生眨上眉毛與吾相見有僧纔出師  
便云可惜許

示衆云半夜明星當午現愚夫猶待曉雞鳴便下座  
上堂良久云這裏風頭稍硬不是偏諸人安身立命  
處且歸暖處商量便歸方丈大衆隨後上方丈方立

定師云。纔到暖處。便乃瞋睡。拈拄杖。一時趁下。

師到福田。衆請上堂。纔就座。有僧出云。某甲。咨和尚。

師便喝出。却云。莫有英靈底麼。一任擎展。選佛選祖。

今正是時。所以道。驚群須是英靈漢。敵勝還他師子。

兒。選佛若無如是眼。假饒千載。又何爲。

師一日。謁勝光。纔跨門。光方垂足。師云。伎倆已盡。拂

袖而出。

師到鼓山。廨院喫餓。山見便問。這浙子。總不來鼓山。

師云。某甲。自從入嶺。便患風。不得禮覲。大師山行數

步。回顧師云。還有風也。無師略展兩足。山云。元來是

會禪師。云。和尚。幸是大人。不得造次。山云。爾不肯鼓

山。待上來。與爾三十棒。師云。喫棒自有人。

清八路。拈仰山插鉢話。問師。古人意在插鉢處。在叉

手處。師召清。上座。清應諾。師云。還夢見仰山麼。清云。

不要上座下語。只要商量。師云。若要商量。堂頭自有

五百人老師在。

師在招慶。普請般泥。慶將拄杖。當路坐。問一僧云。上

窟泥下窟泥。云上窟泥。慶打一棒。又問一僧。僧云。下

窟泥。慶亦打一棒。却問師。師放下泥叉手云。請和尚  
鑑慶休去。

妙喜云。劈脊與一棒。看他如何折合。

師在招慶。殿上指壁畫。問僧。是甚麼神。云。護法善神。

師云。會昌沙汰時。甚麼處去。僧無語。師令僧問。演侍

者。演云。儂甚麼劫中。遭此難來。僧舉似師。師云。直饒

演上座。他後有一千衆。有甚麼用處。僧請師別語。師

云。甚麼處去也。

師在法雲。插火從食堂前過。遇數兄弟。一人云。此是

衆僧。火盜向甚麼處去。師轉火。插云上座。分上有多

少在裏許。僧無語。師云。這一隊漢。今夜總須凍殺。

師在智者。爲首座。尋常不受淨水。院主瞋云。上座不

識觸淨。爲甚麼不受淨水。師跳下床。拈起淨瓶云。這

箇是觸淨。淨主無語。師撲破淨瓶。

師在王太傅宅。迎木佛。傳問忽遇丹霞。時作麼生。師

驚頭撮起云。也要分付著人。

雙巖欲卸院。與師請師喫茶。云。有一問。問上座。若道

得。卽卸院。與上座。遂舉金剛經云。一切諸佛及諸佛。

阿耨多羅三藐三菩提皆從此經出。且道此經是何人說。師云。說與不說。拈放一邊。和尚決定喚甚麼作此經。嚴無語。師却舉經云。一切賢聖皆以無爲法。而有差別。一切賢聖皆以無爲爲極。則憑何有差別。只如差別是過底語。不是過底語。若是過一切賢聖皆是過。若不是過。決定喚甚麼作差別。嚴又無語。師云。噫。雪峰道底。

師到坦長老處。坦云。夫參學人一人所在。也須到半人所在。也須到師問一人所在。即不問如何。是半人所在。坦無對。後却令小師問師。汝欲識半人麼。只是箇弄泥團漢。

師會下有一僧去住庵。一年後却來禮拜師。云。古人道。三日不相見。莫作舊時看。乃撥開簾。云。爾道我這裏有幾莖蓋。臈毛僧無語。師云。爾甚時離庵。云。今早。師云。來時拆脚鐺子。分付阿誰。又無語。師遂喝出。師訪保寧中路相逢。師云。兄是道伴中人。遂以手點鼻。云。這箇礙塞。我不可徹。與我拈却。少時得麼。寧云。和尚有來多少時也。師云。噫。泊賺我踏破一雙草鞋。

便回國。泰代云。非但某甲諸佛亦不奈何。師云。因甚麼以已妨人。

師問國泰。古人道。俱胝只念三行呪。便得名超一切人。作麼生。與他拈却三行呪。便得名超一切人。泰豎起一指。師云。不因今日爭識得瓜州客。

草堂清云。明招只識得瓜州客。且不識國泰直。

饒識得國泰也。未夢見俱胝老在。

師臥疾。國泰深和尚來相訪。纔入方丈。師便云。阿耶耶。阿耶耶。深師叔救取老僧。深云。和尚有甚救處。師舉頭一覷。云。咦。眼子烏。哇。哇。地。依前只是舊時深上座。乃轉身面壁。更不相見。

師疾愈。訪國泰。泰領衆門接師。指金剛云。這兩箇漢在這裏作甚麼。泰作金剛勢。師云。殿裏黃面老子笑。爾在。

僧問師。子未出窟時如何。師云。俊鷄趁不及。云。出窟後如何。師云。萬里正紛紛。云。欲出未出時如何。師云。嶮云。向去時如何。師云。貶。

吉州清平惟曠禪師。凡一示衆云。不動神情。便有輪。

贏之意還有麼。出來看時有僧纔出。師云。不是作家。出去。僧問。如何。是第一句。師云。要頭便斫。將去。

婺州金柱義昭禪師。凡二。新到來。師以手揭簾。作除帽勢。僧擬進前。師云。賺殺人。

師示衆有頌云。虎頭帶角人難措。石火電光須密布。假饒烈士薦應難。槽底那能解回互。

吉州匡山和尚。凡一。示衆云。匡山路。匡山路。岩崖峻。峻人難措。游人擬議。隔千山。一句分明超佛祖。

西川慧禪師。凡三。羅山問甚處來。師云。遠離西蜀。近發開元。却近前云。即今事作麼生。山揖云。且坐喫茶。

師擬議。山云。秋氣稍暖。出去。師下法堂。自嘆云。我在峨嵋山下。拾得一隻蓬蒿箭。擬撥亂天下。今日到福

建道。陳老師寨裏。弓折箭盡。去也。休休。

羅山次日陞座。師出問。豁開戶牖。當軒者誰。山便喝。

師無語。山云。羽毛未倫。翼梢未全。且去。

師謁勝光。光坐次。師直造身邊。叉手而立。光云。甚麼處來。師云。猶待答話在。便下去。光遂拈拄杖拂子下。

僧堂前見師。提起拂子問。師偏喚這箇作甚麼。師云。

敢死喘氣。光便低頭歸方丈。

懷州玄泉彥禪師法嗣

岳州黃龍蕤瑗禪師。凡二。清河張氏子。僧問。如何。是君王。劍師云。不傷萬類。云。佩者如何。師云。血濺梵天。云。大好。不傷萬類。師便打。

僧問。毛吞巨海。芥納須彌。不是學人本分事。如何是學人本分事。師云。封了合盤市裏。揭問。如何是大疑底人。師云。對座盤中。弓落。蓋云。如何是不疑底人。師云。再座盤中。弓落。蓋問。風恬浪靜時。如何。師云。百尺竿頭。五兩垂。

聯燈會要卷第二十五

聯燈會要卷第二十六

住泉州崇福禪寺嗣祖比丘 悟明 集

青原下第八世

福州玄沙師備禪師法嗣

漳州羅漢桂琛禪師。凡三。常山李氏子。玄沙問。三界



惟心子作麼生。師指倚子云。和尚喚這箇作甚麼。沙云。倚子。師云。和尚不會三界。惟心沙云。我喚這箇作竹木。爾喚作甚麼。師云。某甲亦喚作竹木。沙云。盡大地。覓箇會佛法人了不可得。

師因中塔侍立。玄沙次沙打一棒云。就名就體。塔無對沙問。師云。這漢著一棒不知來處。

師作玄沙忌請報恩藥石。恩見靈位無真。遂問還有真麼。師以手揖云。看恩云。元來無真。師云。大似不相識。

師與長慶保福入州。見牡丹障子。福云。好一朵牡丹花。慶云。莫眼花。師云。可惜一朵花。

玄覺云。三尊宿語還有親疎也。無只如羅漢與麼道。落在甚麼處。

保福有僧來。師問彼中如何。示徒僧云。和尚一日示衆云。塞却爾眼。教爾覷不見。塞却爾耳。教爾聽不聞。坐却爾意根。教爾分別不得。師云。我問爾。我不塞爾眼。爾見箇甚麼。不塞爾耳。爾聞箇甚麼。不坐爾意根。爾作麼生。分別。僧於言下有省。

師晚參次。忽聞鼓角聲。乃云。羅漢三日一參。王太尉二時相助。

師問僧甚麼處來。云。秦州。師云。將得甚麼物來。云。不將得物來。師云。爾爲甚麼對衆謾語。僧無對。師却問秦州豈不是出鸛鵲。云。鸛鵲出隴西。師云。也不較多。師問招慶僧云。爾在招慶有甚麼異聞。底事試舉看。云。不敢錯舉。師云。真實底事作麼生。云。和尚因甚麼如此。師云。爾話墮也。

師問僧甚麼處來。云。報恩。來。師云。何不且在彼中。云。僧家不定。師云。既是僧家。爲甚麼不定。僧無對。

玄覺代云。謝和尚顧問。

師問僧甚麼處來。云。南方。師云。南方知識有何言句。示徒云。彼中道金屑雖貴。眼裏著不得。師云。我道須彌在爾眼裏。

翠巖芝云。且道地藏還免得這僧麼。

師見僧來。豎起拂子。僧作禮。師云。見箇甚麼。便作禮。云。謝和尚指示。師便打却。云。見我豎起拂子。便道謝和尚指示。每日見我掃床掃地。爲甚麼不道謝指示。

師插田次見僧乃問甚處來云南方師云南方近日佛法如何云商量浩浩地師云爭如我這裏種田搏飯喫云爭奈三界何師云備喚甚麼作三界僧有省

大瀉詰云清貧長樂濁富多憂

僧問以字不成八字不是是甚麼字師云汝不識此字那云不識師云看取註脚

僧問如何是和尙一句師云我若向備說却成兩句福州安國惠球禪師凡六泉州莆田人也師問玄沙如何是第一月沙云用汝箇月作麼師言下大悟

示衆云我此間粥飯因緣爲兄弟提唱終是不常如今欲得省要却是山河大地舉明其事却常亦能究竟若從文殊門入若一切草木瓦礫助汝發機若從觀音門入者一切蝦蟆蚯蚓助汝發機若從普賢門入者不動步而到我以此三門方便示汝如將一隻折筴攪彼大海令彼魚龍知水爲命會麼若無智眼審而諦之任備百般巧妙不爲究竟

琅琊覺云雖是善因而招惡果

示衆云諸人若要商量向觸體後通取箇消息來共

相商量這裏不曾遮障人光明

師問了院主先師道盡十方世界是箇真實人體備還見僧堂麼主云和尙莫跟花師云先師遷化肉猶暖在

僧問諸佛還有師也無師云有云如何是諸佛師師云一切人識不得

僧問如何是大庾峯頭事師云料汝承當不下云重多少師云這般底論劫不奈何

蕪州金華國泰瑤禪師凡一示衆云不離當處咸是妙明真心所以玄沙和尙道我會最後句出世少人知爭如國泰有末頭一句時有僧問如何是末頭一句師云闍梨向太遲便歸方丈

福州螺峰冲奧禪師凡一僧問牛頭未見四祖時如何師云德重鬼神欽云見後如何師云通身聖莫測乃云人人具足人人成見爭怪得老僧珍重

泉州睡龍禪師凡一拈拄杖謂衆云三十年住山得他氣力僧云和尙得他甚麼氣力師云過山過嶺東挂西挂便挂歸方丈

天台雲峯光緒禪師凡二示衆云。但以衆生日用而不知。譬如三千大千世界。日月星辰。江河淮海。一切含靈。從一毛孔入。一毛孔出。不小世界。不大其中。衆生不覺不知。若要易會上座。日用亦復不知。僧問。日裏僧歇。像夜裏像歇。僧未審此意如何。師云。閤梨豈不是茶堂裏來。

天台國清師靜上座。凡二師謁玄沙。遇上堂云。汝諸人。但能一生如喪考妣。吾保汝究得徹。去師遂問。只如教中道。不得以所知心。測度如來。無上知見。又作麼生。沙云。汝道究得徹底。所知心。還測度得及麼。師於此信入。

有問。弟子每當靜坐。心念紛飛。未明攝伏之方。願垂指誨。師云。如或安坐。心念紛飛。却將紛飛之心。以究紛飛之處。究之無處。則紛飛之念。何存。反究究心。則能究之心。安在。能照之智。本空。所緣之境。亦寂寂而非寂者。蓋無能寂之人也。照而非照者。蓋無所照之境也。境智俱寂。心慮安然。外不尋枝。內不住定。二塗俱泯。一性怡然。此乃還源之要道也。

#### 韶州雲門文偃禪師法嗣

韶州白雲祥禪師凡二示衆云。諸人會麼。但向街頭市尾。屠兒魁膾。地獄饕餮處。會取若恁麼。會堪與人天爲師。爲匠。若向衲僧門下。天地懸殊。更有一般底。只向長連床上。作好人去。備道此兩般人。那箇有長處。無事珍重。

師問僧。不壞假名。而談實相。作麼生。云。這箇是倚子。師以手撥云。與我將鞋袋來。僧無語。師云。這虛頭漢。雲門聞乃云。須是我祥兄始得。

岳州巴陵顯鑒禪師凡四。雲門舉雪峯云。開却門。達磨來也。意作麼生。師云。築著和尚鼻孔。門云。阿修羅王惡發。將須彌山。一擲。踣跳上梵天。帝釋爲甚麼。却去日本國裏藏身。師云。莫恁麼心行。好門云。汝道築著鼻孔。又作麼生。師休去。

師問僧。爲佛法來。游山來。云。清平世界。設甚麼佛法。師云。好箇無事底禪客。云。早是多事也。師云上座。去年在此。過夏了。云。不曾。師云。恁麼則。先來不相識。下去。

師將拂子與僧僧云本來清淨用拂子作麼師云既知清淨切莫忘却

梁山觀別云也須拂却

僧問祖意教意是同是別師云雞寒上樹鴨寒下水問如何是提婆宗師云銀盃裏盛雪問如何是道師云明眼人落井問如何是吹毛劍師云珊瑚枝枝撐著月

隋州智門師寬禪師凡五師游山回首座出松門接座云游山巉嶮不易師拈起拄杖云全得這箇力座奪拄杖拋向一邊師放身便倒大衆進前扶起師拈拄杖一時趯散却回顧首座云向道全得這箇力

黃龍南云明教雖然會倒會起不覺弄巧成拙師訪白兆云老僧有箇木魚頌師云請舉看兆云伏惟爛木一槩佛與衆生不別若以杖子擊著直得聖凡路絕師云此頌有成禪無成禪兆云無成禪師云佛與衆生不別潛左右教云有成禪師云直得聖凡路絕潛當時白兆一衆失色

五祖戒和尚來參師問諸方言教即不問不涉泥水

一句道將來戒云話墮也師云拖泥帶水漢戒云和尚幸是大人師云禿丁子參堂去

師一日舉拂子云我這箇爲中下之機僧云忽遇上上人來時如何師云打鼓爲三軍

僧問新年頭還有佛法也無師云無僧云日日是好日年年是好年爲甚麼却無師云張公喫酒李公醉云老老大大龍頭蛇尾師云明教今日失利

襄州洞山守初禪師凡九師謁雲門門問近離甚處師云查渡門云夏在甚處師云湖南報慈門云幾時離彼師云八月二十五門云放子三頓棒師次日上去問訊云昨日蒙和尚放三頓棒未審某甲過在甚麼處門云飯袋子江西湖南便恁麼商量師於言下大悟遂云某甲他時異日向無人煙處卓箇庵子不畜一粒米不種一莖菜接待十方往來盡與他出却釘拔却楔拈却炙脂帽脫却鶻臭衫教伊洒洒落落地作箇衲僧去豈不快哉雲門云爾身如椰子大開得許大口

雪竇云雲門氣宇如玉撈著便冰消瓦解當時

若據令而行兒孫也未到斷絕。白雲端云大  
小雲門被洞山一問直得額頭汗出口裏膠生  
示衆生。楚山北畔漢水南。江擊法鼓而會禪徒。學宗  
風而明祖意。若以揚眉瞬目。舉指豎拂。聲歎咳嗽。是  
厨中拭鉢。帛道甚麼會也。無是衲僧破草鞋。這瞎漢  
這漆桶。是箇弄精魂。鬼總與麼總不與麼。是東司頭  
廁籌子。以此稱提。從上來事盡是邪魔所作。謗大乘  
滅胡種。與爾天地懸殊。且道衲僧據箇甚麼道理出  
來。對衆道。看折脚鐺子。各出一隻手。貴要宗乘不斷  
亦表叢林。有人有麼。若無洞山不惜眉毛。打葛藤去  
也。葛藤之事。只在目前。萬象森羅。乾坤大地。百千諸  
佛。日月星辰。地獄三塗。起心動念。每日經歷。皆是諸  
德自己。何不向這裏體當。尋覓看。蕭然覩得。個儒分  
明。不虛行脚也。自得箇安樂田地。洞山此語。且作死  
馬醫。若據明眼衲僧。將草鞋薰口。壓還怪得他。也無  
怪。卽不怪。個道憑箇甚麼。捉得將來。腳跟下推尋毫  
末。參差。槌折。個腰莫龜心。好  
示衆云。明機自昧。息慮迷源。萬法同塵。語默難顯。不

是情中法。莫生種種心。離此章句。別有商量。且道離  
却作麼生。商量還有委悉者麼。明明地。揀破明明地。  
顯示明明地。舉唱明明地。歌詠更無囊藏被。蓋純說  
乾爆爆地。禪若是靈利漢。纔聞舉著。便合眼卓。朝地  
知箇落處。豈不是自家具眼。其奈罕遇其人。蓋緣洞  
山這裏言無味。食無味。法無味。無味之句。塞斷人口。  
兄弟到這裏。難爲湊泊。若向這裏覩得分明。天下尊  
宿。到與不到。徹與不徹。總被爾驗破。何故。智有邪正。  
道有真僞。多只是心機意識。認得箇門頭。屋後底。學  
得路布。葛藤一堆。一擔。蘊在。智襟。道我會禪。會道。還  
夢見禪道也。未喚作打底。不遇作家。到老只成骨董。  
待到明朝。後日。薦割地。踏著正脉。省前所行履處。方  
始羞見本命元辰。  
示衆云。舉唱宗乘。闡揚大教。須得法眼精明。方能鑑  
辨。緇素切緣。真妄一源。水乳同器。到此難分。洞山尋  
常。以心中眼。觀身外相。觀之又觀。乃辨真僞。若不如  
是何名善知識。夫善知識者。驅耕夫之牛。奪飢人之  
食。方名善知識。卽今天下。那箇是真善知識。諸人參



得幾箇善知識來。也不是等閑直須是參教徹。觀教透。千聖莫能證明。方顯丈夫兒。不見釋迦老子。明星現時。豁然大悟。與大地衆生同時成佛。無前後際。豈不暢哉。雖然如是。若遇明眼衲僧。也好劈脊棒。示衆云。言無展事。語不投機。承言者喪。滯句者迷。還得麼。儼衲僧分上事。到這裏須具擇法眼。始得。只如洞山恁麼道也。有一場過。且道過在甚麼處。

示衆云。語中有語。名爲死句。語中無語。名爲活句。諸禪德作麼生。是活句。到這裏實難得人。若也不動一塵。不撥一境。見事便道。答話長老下口。不得。東西南北。莫知多少。要得去。雖泥水活人眼目。舉唱宗風。激揚大事。不道全無。其奈還少。卽緣未達其源。落在第八魔界中。識得箇不名不物。無是非頭。頭物。物無不具足道。我得安樂田地。更不求餘。凡有扣擊問難。便敲床豎拂。更不惜便施。便設。便行。便用。向惡水坑裏。頭出頭沒。弄箇無尾。胡獼臈。月三十日鼓也打破。了胡獼。又走却了。手忙脚亂。一無所成。悔將何及。儼若是箇衲僧。乍可凍殺餓殺。終不著他。謁臭布衫。

示衆云。洞山這裏尋常。方丈內不似諸方。一箇上來。一箇下去。嗽嗽唧唧。地裏私說底佛法。禪道盡是向。儼兄弟面前。滿口道。滿口說。滿口拈提。滿口藥。揀無。儼左遮右掩。處一時和底翻出。諸德作麼生。委悉試對衆道。看譬如太末蟲。處處泊得。不能泊於火燄之上。被他諸方老禿奴。甜唇美舌。說作配當道。這箇是禪。這箇是道。這箇是菩提涅槃。這箇是真如。解脫。被丈二釘八尺橛。橛在眼裏。不知不覺。乍到洞山這裏。不知是何說話。會得麼。直饒會得真如涅槃。菩提解脫。毫末無差。被他條繩子。於腳跟下繫。却不得出。雖若是靈利衲僧。一咬咬斷。作箇脫洒衲僧。豈不快哉。若三咬兩咬。不斷。准前打入骨董社裏。有甚麼出頭時。洞山不獲已。傍地爲儼著力珍重。

師問僧甚處來。云汝州師云。此去多少。云八百里。師云。踏破幾編草鞋。云三編。師云。甚處得錢買。云打笠子。師云。參堂去。僧應諾去。

問亦水求珠。猶是人間之寶。和雲唱出。固非格外之談。未審今日將何示人。師云。夜聞祭鬼鼓。朝聽上灘。

歌問言超象表青霄外。出語幽玄事若何。師云岸上行人聲有韻。缸中漁父和。不齊云幽玄事若何。師云鈎長線短問。如何是佛。師云。麻三斤。問纔生便死時。如何。師云。鍾馗解舞十八拍。問如何是古佛心。師云。巢知風穴知雨。

問蓮華未出水時如何。師云。漢水正東流。云出後如何。師云。楚山頭倒卓。

問如何是衲僧本分事。師云。雲裏楚山頭。決定多風雨。問衲僧得一時如何。師云。五九四十五。太陽來入戶。問佛法禪道是同是別。師云。頭不梳。面不洗。問德山入門便棒。臨濟入門便喝。未審和尚意旨如何。師云。尖斜量不盡。

韶州雙峰競欽禪師。凡二益州人也。示衆云。進一步則迷。理退一步卽失事。饒汝一向兀然去。又同無情時。有僧問。如何得不同。無情去。師云。動轉施爲云。如何得不迷。理失事去。師云。進一步退一步。僧作禮。師云。向來有人。怎麼會。老僧不肯伊。云。請和尚直指。師便打出。

僧問。如何是法王。劍師云。鉛刀徒逞。不若龍泉。云。用者如何。師云。藏鋒猶不許。露刃更何堪。

斬州北禪寂禪師。凡二師拈拄杖示衆云。過去未來。現在三世。諸佛微塵菩薩。一時在拄杖頭上。轉大法輪。盡向諸人鼻孔裏過。還見麼。若見。與我拈將來。若不見。大似立地死。漢良久云。風恬浪靜。不如歸堂。

師問僧。甚處來。云。黃州。師云。在甚麼寺。云。資福。師云。福將何資。僧云。兩重公案。師云。爭奈在北禪手裏。云。在手裏。卽收取。師便打。僧不甘。師隨後趲出。

雪竇云。奇怪。宛有超師之作。還知這僧麼。只解瞻前不能顧後。若在雪竇手裏。棒折也未放在。朗州德山圓明密禪師。凡八示衆云。靈山會上。付囑相傳。十方諸佛。出現於世。喚作建立道場。轉大法輪。如斯之法。只在如今。若於祖宗門下。天地懸殊。上上之流。何不啓問。時有僧出。師便云。去。去。西天路遙。迢迢十萬餘。問靈山一會。意旨如何。師云。當時妄想。直至如今。云。如何是最初一句。師云。三生六十劫。云。大悟底人。還有過也無。師云。鐵山橫在路。師乃云。坐斷日。

頭天地黯黑茫茫者。匝地普天當此之時。佛祖出頭來也好。與三十棒雖然如是。官不容針私通車馬。示衆云。十方諸佛出世了無一法與人。只是治病解縛。但有來者盡是依草附木。竹木精靈。所以從頭地棒待有箇獨脫底出來。別有商量。衆中還有麼。時有僧出作禮。師便下座。

示衆云。一人在須彌頂上。一人在千尺井中。又無繩索。亦無梯蹬。日月照不到。要與此人相見。且作麼生得相見。若相見了。朝打三千暮打八百。良久云。直饒恁麼會得埋沒宗乘。不恁麼會得辜負平生。據汝諸人論甚麼劫數。

示衆云。與麼來者。現成公案。不與麼來者。垛生招箭。總不與麼來者。徐六擔板迅速鋒銳。猶是鈍漢。萬里無雲。青天猶在。

示衆舉臨濟示衆云。恁麼來者。恰似失却不恁麼來者。無繩自縛。十二時中。莫亂斟珪。會與不會。都盧是錯。分明與麼道。一任天下人貶剝。師云。古鏡闊一丈。屋梁長三尺。是汝鉢盂。饒子闊多少。

示衆云。但參活句。參死句。活句下薦得。永劫無滯。一塵一佛國。一粟一釋迦。是死句。揚眉瞬目。舉指豎拂。是死句。山河大地。更無諸訛。是死句。時有僧問。如何是活句。師云。波斯仰面看云。恁麼則不謬去也。師便打。

示衆云。俱胝和尚。凡有扣問。只豎一指。寒則普天普地寒。雪寶云。甚麼。熱則普天普地熱。雪寶云。且莫。處見俱胝老。錯認定盤星。

雪寶復云。森羅萬象。徹下孤危。大地山河。通上嶮絕。甚麼處得一指頭禪來。

僧問。牛頭未見四祖時。如何。師云。秋來黃葉落。云見後。如何。師云。春來草自青。

問。達磨未來時。如何。師云。千年松倒挂。云來後。如何。師云。金剛努起拳。

問。羚羊未挂角時。如何。師云。獵屎狗。云挂角後。如何。師云。獵屎狗。

問。明星現時。便成正覺時。如何。師云。曲爲今時。云。個儼無差時。如何。師云。雲驢擻。云。過在甚麼處。師云。自尿不覺臭。云。和尚與麼道。卽得。師云。蛻蝦推糞毬。

隋州雙泉都禪師。凡二僧問。如何是第一句。師云。回頭終不顧。云。如何是第二句。師云。未語先分付。云。如何是第三句。師云。連根猶帶苦。

郢州林溪敬脫禪師凡四僧問。如何是法身。師云。四海五湖賓。問。如何是本來人。師云。風吹滿面塵。

問如何是佛師云十字街頭云如何是法師云三家村裏云佛之與法是一是二師云露柱渡三江猶懷感恨長

潞府妙勝臻禪師凡二僧問金粟如來爲甚麼却降  
釋迦會裏師云香山南雪山北云南瞻部洲事又作  
麼生師云黃河水急浪花翻云如何是向上一路師  
云一條濟水貫新羅

僧問北斗裏藏身。意旨如何。師云。月似彎弓。少雨多風。問如何是室內一盞燈。師云。三人證龜成鼈。問如何是衲衣下事。師云。騰月火燒山。

問魚游陸地時如何。師云。發言必有後救。云却下碧。

潭時如何師云頭重尾輕

問但有言句盡是賓如何是主師云長安城裏云如何領會師云千家萬家

師臨示寂時示衆云老僧四十年來不能打得成一片言訖告寂

韶州雲門法球禪師凡一示衆云一法如是諸法亦然萬別千差不離方寸諸禪德若能如是盡十方世界一時拈來向諸人眼睫上百千諸佛向眼睫上轉大法輪各各湧身向虚空現十八變爲三世諸佛說法諸人還見麼若道不見可惜父母祈生眼若道見且作甚麼面目試對衆道看良久云買賣不當價拈掌一下

潭州南臺道遵禪師凡二示衆云從上宗乘合作麼生提綱合作麼生言論將佛法兩字當得麼雖然如是細不通風大通車馬若約理化門中一言啓口振動乾坤山河大地海晏河清三世諸佛說法現前若也分明古佛殿前同登彼岸

僧問牛頭未見四祖時如何師云著衣喫飯云見後

如何師云鉢盂挂壁上

南岳般若啓柔禪師凡二上堂聞板聲乃云善哉三下板知識盡來參既善知時節吾今不再三

僧問西天以蠟人爲驗此土以何爲驗師云新羅人草鞋

信州鵝湖雲震禪師凡一僧問如何是佛師云闍梨不是云如何是鵝湖家風師云客是主人相師云恁麼則謝師周旋去也師云難下陳蕃之榻

廬州天王微禪師凡二僧問如何是一大藏教師云高座不曾登云登後如何師云三段不同今當第一向下文長付在來日東家籬西家壁自己分上合作麼生僧無對師便打

僧問如何是從天降下師云風雨順時云如何是從地涌出師云稻麻竹箬

深明二上座凡二因聞僧問法眼如何是色法眼豎起拂子或云雞冠花或云貼肉汗衫二師特遠訪送問承聞和尚有三種色語是否眼云是深云鷄子過新羅便歸衆時李後主在座下不肯乃白法眼冥



人來日爲致茶筵。請此二人重新問話。明日茶筵罷。備綵一箱。劒一口。謂二師曰。上座問話。若問得是。奉賞雜綵。若問不是。只賜一劒。法眼既陞座。深復出問。今日奉勅問話。師還許也無眼。云許深云。鷄子過新羅。捧綵便行。大衆一時散去。時法燈作維那。乃鳴鐘集衆。僧堂前勘二師。衆既集。法燈問承聞。二上座久在雲門。有甚奇特。因緣舉一兩則來。商量看。深云。古人道。白鷺下田。千點雪。黃鸝上樹。一枝花。維那作麼生商量。燈擬議。深打一坐具。便歸衆。

二上座到淮河。見人牽網。有魚從網透出。深云。明兄。浚哉。一似箇禪僧。明云。雖然如此。爭如當初不撞入網羅。好深云。明兄。爾欠悟。在明至中夜方省。

饒州薦福古禪師。凡三師望雲門百餘歲。因閱其錄。發明已見。卽爲之嗣。示衆云。三世諸佛。仰望不及天。下祖師。結舌有分。知有者。善自保任。未知有者。不休何待。

示衆云。劒去遠矣。爾方刻舟。便下座。

示衆舉百丈。恒和尚。有時上堂。衆纔集。便云。喫茶去。

有時衆纔集。便云。珍重。有時衆纔集。便云。歇。便下座。往往多用此時節。因緣後。自作一頌。頌此三轉。因緣云。百丈有三訣。喫茶珍重。歇直下。便承當。敢保君未徹。大衆只如恒和尚。作此一頌。且道見處如何。還知得失麼。據他三度上堂。時恰似箇好人。後來作此一頌。恰似面上雕兩行字。若是通人。達士。舉起。便知。後學初機。難爲揀辨。老僧與爾。從頭註出。百丈有三訣。賊身已露。喫茶珍重。歇。賊物出來。直下。便承當。敢保君未徹。大似抱贓判事。雖然如此。諸仁者。若具擇法眼。方能證明。如或邪正未分。可謂顛倒。佛性更須博問。賢良可惜。虎生浪死。

#### 福州長慶慧稜禪師法嗣

泉州招慶道匡禪師。凡四潮州人也。示衆云。聲前薦得。辜負平生。句後投機。殊乖道體。且道從來合作麼生。

示衆云。招慶今日。與諸人一時道却。還知落處麼。有僧出云。大衆一時散去。還稱師意也。無師云。好與三十拄杖。僧作禮。師云。雖有盲龜之意。且無曉月之程。

時有僧問如何是曉月之程師云此是盲龜之意云如何是沙門行師云非行不行云如何是祖師西來意師云蚊子上鐵牛

師在長慶作桶頭常與衆僧語話一日長慶入寮見乃問爾終日口嘮嘮地作甚麼師云一日不作一日不食慶云與麼則磨弓錯箭去也師云專待尉遲來慶云尉遲來時如何師云教伊筋骨偏地眼睛突出慶便出去

僧問如何是佛法大意師云七顛八倒問如何是招慶家風師云清貧長樂濁富多憂

福州報慈光雲禪師凡三閩王問報慈與神泉相去遠近師云若說遠近不如親到師問大王日應千差是甚麼心王云甚麼處得心來師云豈有無心者王云那邊事作麼生師云請向那邊問王云大師謾別人即得師休去

示衆云瘥病之藥不假驢馱若據如今各自歸堂好師問僧甚處來云臥龍師云在彼多少時云經冬過夏師云龍門無宿客因甚麼在彼許多時云師子窟

中無異獸師云汝試作師子吼看云若作師子吼即無和尚去師云念汝新到放汝三十棒

雪竇云奇怪諸禪德若平展則兩不相傷若據令則彼此俱險還檢點得出麼

婺州報恩寶資禪師凡二僧問波騰鼎沸起必全真未審古人意旨如何師叱之僧云恁麼則造次也師云爾話墮也又云我話亦墮汝作麼生僧無對

師令侍者取西橋水灌東邊蓮盆侍者灌了師云灌何處者云東邊蓮盆師顧旁僧云是眞實是妄語襄州鷲嶺明遠禪師凡三長慶問師汝名甚麼師云明遠慶云那邊事作麼生師云明遠退兩步慶云爾無端退兩步作麼師無語慶代云若不退兩步爭知明遠師於是喻旨

僧問無一法當前應用無差時如何師以手卓火其僧有省

福州石佛靜禪師凡一示衆云素面相呈猶象脂粉縱離忝過猶有負諸人作麼生體悉

福州僊天守玳禪師凡一僧問十二時中常在底人

還消得人天供養也。無師云：消不得云：爲甚麼消不得？師云：爲伊常在云：只如不常在底人，還消得麼？師云：驢年。

杭州傾心法瑄禪師，凡二示衆。良久云：大衆不待一句語，便歸堂去，還有紹繼宗風分也？無若有人酬得這裏與諸人爲怪笑。若無人酬得，諸人與這裏爲怪笑。

僧問承古：有言不斷煩惱而入涅槃，此意如何？師云：又是發人業云：如何得不發人業去？師云：汝話墮也。新羅龜山和尚凡一師舉裴相國問僧看甚麼經云：無言童子經。裴云：有幾卷？云：兩卷。裴云：既是無言，爲甚麼有經兩卷？僧無對。師代云：若論無言，非唯兩卷。大傳王公延彬凡三因入佛殿，指鉢孟問殿主：這箇是甚麼鉢？主云：藥師鉢。公云：只聞有降龍鉢，主云：待有龍，卽降公云：忽遇拏雲叟，霧來時又作麼生？云：他亦不顧公云：話墮也。

玄沙云：盡備神力，走向甚麼處坐？保福展云：皈依佛法僧。雲門云：他日生天，莫辜負老僧。

王與長慶語話次，舉雪峰見僧來，豎起拂子，僧便出去。慶云：若據此僧，合喚回與一頓棒。公云：和尚是甚麼心行？慶云：泊合放過。

公到招慶，煎茶次，時朗上座與明招把鉢，忽翻却茶鉢。公見乃問：茶爐下是甚麼？朗云：捧爐神。公云：既是捧爐神，爲甚麼翻却茶鉢？朗云：事官千日失在一朝。公拂袖而出，招云：朗上座喫却招慶飯了，却向江外打野糲。朗云：備又作麼生？招云：非人待其便。

雪竇云：當時但踏倒茶爐。大滙詰云：王太傅大似相如，奪髮怒髮衝冠，明招也是忍俊不禁。難逢快便，大滙若作朗上座，當時見問，但呵呵大笑，何故見之不取千載難忘。

漳州保福從展禪師法嗣

泉州招慶省燈禪師，凡一同保福入佛殿，觀佛像，福舉手問師：佛與麼意？作麼生？師云：和尚也是橫身。福云：一撇我自取。師云：和尚不唯橫身，福然之。漳州報恩黑禪師，凡一爲保福往王太傅宅下書王問。漳南和尚近日還爲人麼？師云：若道爲人，卽屈著。

和尚若道不爲人。又屈著太傅王云。何不道取一句。待鐵牛能嚼草木。馬解含煙。師云。某甲惜口喫飯。王良久。又問。驢來馬來。師云。驢馬不同途。王云。爭得到這裏。師云。謝太尉領話。

福州鼓山神晏國師法嗣

金陵淨德慧悟禪師。凡一福州人也。僧問。如何是大道。師云。我無小徑。云。如何是小徑。師云。我不知有大道。

福州鼓山智岳禪師。凡一本州人也。初游方至鄂州。黃龍遂問。久響黃龍。到來只見赤斑蛇。龍云。汝只見赤斑蛇。且不識黃龍。師云。如何是黃龍。龍云。滔滔地。師云。忽遇金翅鳥來。又作麼生。龍云。性命難存。師云。怎麼則被他吞却也。龍云。謝子供養。師不契。尋回受業。禮覲國師。發明奧旨。

建州白雲智作禪師。凡三因鼓山上堂。召大眾。衆皆迴眸。山披襟示之。師忽有省。

鼓山一日。問南泉喚院主。意作麼生。師叉手端容而立。山莞然奇之。

示衆云。還有人向宗乘中。致得一問來麼。待山僧向宗乘中。答時。有僧出作禮。師便歸方丈。

明州翠巖令參禪師法嗣

杭州龍冊子興禪師。凡二僧問。正位中。還有成佛否。師云。誰是衆生。云。怎麼則成佛去也。師云。還我正位來。云。如何是正位。師云。汝是衆生。僧問。如何是無價珍。師云。卞和空抱璞。云。忽遇楚王。還進也。無師云。則足始知非。

泉州臥龍道溥禪師法嗣

漳州保福清豁禪師。凡三福州永泰人也。臥龍問。師豁闍梨。見何尊宿來。師云。某甲謁大章。得箇信入處。龍遂陞座。衆集。龍召豁闍梨出來。燒香對衆說。悟處老僧爲汝證明。師出燒香。云。香已燒了。悟臥不悟。龍深肯之。

僧問。家貧遭劫時。如何。師云。不能盡底去。云。爲甚麼不能盡底去。師云。賊是家親。云。既是家親。爲甚麼驪成家賊。師云。內既無應外。亦不能爲。云。忽然捉敗。功歸何處。師云。實亦未曾聞。云。怎麼則勞而無功去也。

師云功則不無成而不處云爲甚麼不處師云不見道太平本是將軍致不許將軍見太平

妙喜云絲來線去弄精魂

洪州雲居懷岳禪師法嗣

揚州風化令崇禪師凡一僧問如何是敵國一局碁師云下將來問一棒打破虚空時如何師云把將一片來

安州白兆志圓禪師法嗣

朗州大龍智洪禪師凡一僧問如何是佛師云卽汝是云如何領會師云更嫌鉢盂無柄那  
襄州白馬行雲禪師凡一僧問如何是清淨法身師云井底蝦蟆吞却月云如何是白馬正眼師云面南看北斗

晉州興化師普禪師凡二僧問盈龍宮溢海藏眞詮卽不問如何是教外別傳底事師云眼裏耳裏鼻裏云莫只這便是麼師云是甚麼僧便喝師便打  
師問僧近離甚處云下寨師云還逢著賊也無云今日捉下師云放爾三十棒

洪州同安丕禪師法嗣

洪州同安志禪師凡一僧問一機不到如何舉唱師云徧處不逢玄中不失問凡有言句盡落今時學人上來請師直指師云目前不現句後不迷云向上事如何師云迥然不換標的卽乖

青原下第九世

婺州明招德謙禪師法嗣

處州報恩契從禪師凡一示衆云烈士鋒前還有俊鷹俊鷂麼放一箇出來看時有僧出師云著精彩僧擬議師云甚麼處去也問師子未出窟時如何師云鋒鋷難擊云出窟後如何師云藏身無路云欲出未出時如何師云命若懸絲云向去事如何師云拶

鄂州黃龍晦環禪師法嗣

棗樹和尚凡四僧問訊次師問爾見阿誰了便不審云見師不問訊禮式不全師云却是辜負老僧僧舉似首座座云和尚近日可謂爲人切師聞乃打首座七棒座云某甲怎麼道未有過在亂打作麼師云喫了我多少鹽醋又打七棒



有僧辭師問若到諸方有人問爾老僧法道作麼生對他云待他問即道師云何處有無口底佛云只這也還難師豎起拂子云還見麼僧云何處有無眼底佛師云只這也還難僧繞繩床一匝而出師云善能祇對僧便喝師云老僧不識子云用識作麼師敲繩床三下

師問僧發足甚處云閩中師云俊哉云謝師指示師云屈哉僧作禮師云我與麼道落在甚麼處僧無對師云彼自無瘡勿傷之也

師問僧未到這裏時在甚麼處安身立命僧叉手近前師亦近前相並而立僧云某甲未到此時和尚與誰並立師指背後云莫是伊麼僧無語師云不獨自謾兼謾老僧僧作禮師云正是自謾

嘉州黑水和尚凡一間黃龍雪覆蘆花時如何龍云猛烈師云不猛烈龍又云猛烈師又云不猛烈龍便打師因而有省

漳州羅漢桂琛禪師法嗣

金陵清涼法眼文登禪師凡十餘杭魯氏子參長慶

不大發明後同景修法璣三人欲出嶺經過地藏阻雪少憩藏即琛禪師也琛問此行何之師云行脚去琛云作麼生是行脚事師云不知藏云不知最親切又同三人舉肇論至天地與我同根處琛云山河大地與爾自己是同是別師云同琛豎起兩指熟視之云兩箇即便起去師須臾啓行琛門送之問云上座尋常說三界惟心萬法惟識乃指庭下片石云且道此石在心內在心外師云在心內琛云行脚人著甚來由安片石在心頭耶師窘無以對即放包依席下求決擇近一月餘日呈見解說道理藏語之曰佛法不恁麼師云某甲詞窮理絕也藏云若論佛法一切見成師於言下大悟後出世撫州崇壽長慶會下有子昭首座平昔與師商確古今心中憤憤一日領眾遠詣撫州責問於師師舉眾出迎特加禮待主賓位上各挂拂子茶罷昭忽變色問云長老開堂的嗣何人師云地藏昭云何太辜長慶先師某甲同在座下商確古今曾無間隔因何却嗣地藏師云某甲不會長慶一則因緣昭云何不問來師云長

慶道萬象之中獨露身。作麼生。昭豎起拂子。師叱云。首座。此是當年學得底。別作麼生。昭無對。師云。只如萬象之中。獨露身。是撥萬象。不撥萬象。昭云。不撥。師云。兩箇參隨連聲救云。撥萬象。師云。萬象之中。獨露身。昭等懍懍而退。師指住云。首座。殺父殺母。猶通懺悔。謗大般若。誠難懺悔。昭竟不能對。於是參。師發明已見。更不開堂。

示衆云。出家兒。但隨時及節。便得寒即寒。熱即熱。欲識佛性義。當觀時節。因緣。古今方便。不少。石頭初看肇論。至會萬物爲已者。其惟聖人乎。則曰。聖人無已。靡所不已。乃作參同契。首言。竺土大仙心。無過此語。也。中間亦是尋常說話。夫欲會萬物爲自。已去。盡盡大地。無有一法可見。已而又云。光陰莫虛度。所以告汝輩。但隨時及節。便得。若也移時失候。却虛度。光陰於非色中。作色解。卽是移時失候。且道。色作非色解。還當得麼。若恁麼會。便是沒交涉。正是癡狂兩頭走。有甚用處。但守分過時好。

示衆云。古人道。我立地待。爾擣去。山僧如今。坐地待。

爾擣去。還有道理也。無那箇親那箇疎。試斷看。示衆云。盡十方世界。皎皎地。無一絲頭。若有一絲頭。卽是一絲頭。

法燈云。若有一絲頭。不是一絲頭。

師指橙子云。識得橙子。周匝有餘。

雲門云。識得橙子。天地懸殊。天衣懷云。識得

橙子。桮桶木做。圓通秀云。識得橙子。四脚著

地。其間一出一沒。半合半開。有得有失。有親有

疎。具眼禪人。一任檢點。

妙喜云。識得橙子。好剃頭洗脚。

師問修山主。毫釐有差。天地懸隔。兄作麼生。修云。毫釐有差。天地懸隔。師云。恁麼會。又爭得。修云。某甲只

恁麼和尙作麼生。師云。毫釐有差。天地懸隔。修作禮。

保寧代修山主云。恁麼會。又爭得。

又頌云。石城親切同。同參不話東西。便指南明。

暗兩條來去路。依稀屈曲在烟嵐。

師拈香匙問悟空云。兄不得喚作香匙。畢竟喚作甚

麼。空云。香匙。師不肯。悟空後二十餘日。方省。

師問僧甚處來云泗州禮拜大聖來師云大聖今年出塔否云出師却問傍僧備道這僧曾到泗州麼一日有二僧來參師以手指簾二僧齊去捲師云一得一失

師開井泉眼不通問僧泉眼不通被沙塞道眼不通被甚麼礙僧無對師代云被眼礙

子方上座自長慶來師問長慶道萬象之中獨露身作麼生方舉起拂子師云恁麼會又爭得云師意如何師云備喚甚麼作萬象云古人不撥萬象師云萬象之中獨露身說甚麼撥與不撥方豁然有省

師指竹問僧還見麼云見師云竹來眼裏眼到竹邊云總不恁麼師休去

師問百法座主云百法是體用雙陳明門是能所兼舉座主是能法座是所作麼生說箇兼舉底道理主無對

雪竇別云和尚分半院與某甲始得

僧問如何是塵劫來事師云盡在于今

楊次公頌云塵劫來事盡在于今祖師不會面

壁沉吟

襄州青溪洪璉禪師凡三師在地藏居第一座因二僧禮拜地藏和尚藏云俱錯僧無對下堂請益修山主修云備自巍巍堂堂却禮拜擬問別人豈不是錯耶師聞之不肯修乃問末審上座作麼生師云汝自迷暗焉可爲人修憤然上方丈請益地藏藏指庫下云典座入庫頭去也修乃有省

師問修山主明知生是不生之理爲甚麼爲生死之所流修云等畢竟成竹去如今作箴使得麼師云汝向後自悟去在修云某甲所見只如此上座作麼生師云這箇是監院房那箇是典座房修乃作禮僧問衆旨摸象各說異端忽遇明眼人又作麼生師云汝但舉似諸方

撫州龍濟紹修山主凡七師同法眼悟空三人到地藏阻雪附爐次藏問山河大地與上座自已是同是別眼云別藏豎起兩指師云同藏亦豎起兩指便起去師罔措遂投誠入室

師問地藏古人道萬象之中獨露身意旨如何藏云

汝道撥萬象不撥萬象師云不撥藏云兩箇師駭然  
沉思却問未審古人撥萬象不撥萬象藏云倆喚甚  
麼作萬象師於言下領旨

示衆云具足凡夫法凡夫不知具足聖人法聖人不  
會聖人若會卽是凡夫凡夫若知卽是聖人此語具  
一理二義若人辨得不妨於佛法中有箇入路若辨  
不得莫道不疑

示衆云聲色不到處病在見聞言詮不及處過在唇  
舌僧云離却聲色請和尚道師云聲色裏問將來  
師問僧甚處來云翠岩師云有何言句云尋常道出  
門逢彌勒入門見釋迦師云恁麼道又爭得云和尚  
作麼生師云出門逢阿誰入門見甚麼僧言下有省  
天衣懷云雖得一場榮則却一雙足且道落在  
賓家分上主家分上若定當得出憂則共戚樂  
則同勸山僧卽不然出門則吳山楚水入門則  
佛殿行廊或有箇衲僧出來問師意如何也許  
伊具一隻眼

僧問師子返鄉時如何師云倆還怕文殊麼云非但

文殊佛來亦不顧師云爭柰披文殊騎何云文殊騎  
者不是師子師云返鄉事作麼生云應用無虧師云  
正是文殊騎師子

僧問劫火洞然大千俱壞未審這箇壞不壞師云不  
壞云爲甚麼不壞師云爲同大千

問毫釐不隔爲甚麼覩之不見師云作家弄影漢  
問古鏡未磨時如何師云照天照地云磨後如何師  
云黑似漆

師有頌云欲識解脫道諸法不相到眼耳絕見聞聲  
色開浩浩又云諸佛不出世四十九年說祖師不西  
來少林有妙訣又云萬法是心光諸緣唯性曉本無  
迷悟人只要今日了

金陵清涼休復悟空禪師凡三師凡三度入嶺偶值  
地藏不安師一日侍立床前乃啓地藏云某甲與和  
尚因緣背此來又值和尚不安地藏起身拈拄杖卓  
向面前云這箇也不背師於此有省

示衆云古聖纔生下便周行七步目顧四方云天上  
天下唯我獨尊便有這箇方便奇特只如諸上座生

下時有箇甚麼奇特。試舉看。若道無是對面諱却。若道有作麼生。通得箇消息來。還會麼。諸上座。幸自有奇特事。因甚麼不知去。

問如何是佛師云。汝是衆生。

問如何是觸目菩提師云。問取觸體後。人問如何是諸佛本源師云。爾喚甚麼作諸佛。

南岳南臺守安禪師。凡一僧問寂寂無依時如何。師

云。寂寂底。齊師有偈云。南臺靜坐一爐香。終日凝然

萬慮忘。不是息心除妄想。都緣無事好思量。

資壽尼妙總云。可惜南臺向死水裏浸殺當初

若見與他一拶。令渠別有生涯。

聯燈會要卷第二十六

聯燈會要卷第二十七

住泉州崇福禪寺嗣祖比丘 悟明 集

青原下第九世

潭州延壽惠輪禪師法嗣

廬山歸宗道詮禪師。凡二僧問承聞和尚親見延壽來。是否師云。山前麥熟也未。

僧問九峰山中還有佛法也。無師云。有如何是九峰山中佛法。師云。石頭大底大小底小。

韶州白雲祥禪師法嗣

連州保峰和尚。凡四示衆云。看天看地。新羅國裏和南不審。日銷萬兩黃金。雖然如是。猶欠少在。

示衆云。盡十方世界。是箇木羅漢。幡竿頭上道將一句來。

師問僧甚處來。僧云。大容來。師云。大容近日作麼生。僧云。合得一甕醬。師喚沙彌。將一盃水來。與這僧照影。

師見僧從法堂階下過。師敲繩床作聲。僧云。若是這箇。不消拈出。師喜近前詰之。僧無說。師便打。





自代云水到渠成

師問僧甚處來云復州師云甚麼物恁麼來云請和尚辨看師云禮拜著僧云諾師云自領去三門外與爾三十棒

師問超山主名甚麼云與和尚同名師云回互不回互云不回互師便打

師問俗士年多少云四十四師云減一添一是多少士無對師便打又自代云適來猶記得

僧問祖意教意是同是別師云巢知風穴知雨問如何是佛法大意師云東方甲乙木

新州五祖師戒禪師凡七智門問師暑往寒來即不問林下相逢事若何師云五鳳樓前聽玉漏云爭奈主山高按山低師云須彌頂上擊金鐘

示衆云大迦葉擊金鐘於須彌頂上普震大千阿難陀集總持於畢鉢岩前曲垂奧旨今則大教東流法傳西祖觀機應響接物隨緣有解問者一任施呈時有僧出作禮師云切忌龍門點破額

示衆云涅槃含四德唯我契真常拈拄杖云豈不是

四德作麼生是真常諸人還會麼爾若不會祖峰布施爾諸人乃云拄杖子穿過真常真常穿過四德會麼祖峰解開布袋一時傾出了也爾諸人有會底也無出來說看祖峰與爾證明若說不得敲落爾鼻孔披脫爾眉毛以拄杖擊香臺下座

示衆拈拄杖云彌勒先鋒釋迦殿後總在祖峰拄杖頭上爾諸人還見麼又道我觀法王法法王法如是會麼會即出來道看若也不會伏惟尚饗以拄杖擊香臺

師問僧近離甚處云東京師云還見天子也無云常年一度出金明池師云有禮可恕無禮難容出去僧問截鐵鑊鐺猶是鈍嚼鐵當鋒事若何師云爾試用看云恁麼則獻上漢高王也師云爾見箇甚麼道理云苦痛深師云頭在我手裏一任蹉跳

僧問如何是佛師云鼻孔長三尺云不會師云真不掩偽曲不藏直問如何是道師云點云點後如何師云荊三下四

新州四祖諶禪師凡二示衆云盡乾坤大地三世諸

佛天下老和尚今日被山僧坐斷無偏出頭處設有出頭得也只是箇竹木精靈雖然如是未免擔枷判事

僧問如何是祖師西來意師云一人傳虛萬人傳實  
蘄州廣教懷志禪師凡二示衆云舉令提綱群魔屏跡全提祖印坐斷十方正恁麼時老胡出來也須乞命衆中若是作家略希英鑒

僧問如何是佛法大意師云偏記來多少時云學人不曾師云言猶在耳

舒州龍門永禪師凡三示衆云諸佛言詮止啼爲義祖師心印莫可論之向上一路誰敢措足直下會得已是不答便

僧問祖祖相傳未審傳箇甚麼師云德山拄杖僧云恁麼則師得其妙也師便打

僧問如何是龍門路師云嶮云爲甚麼如此師云點額却回來

唐州天目契滿禪師凡一示衆云迦葉親傳如來密印達磨西來多虛少實若論此事權且認奴作郎說

佛說祖剗肉作瘡直下單明未是衲僧活計作麼生是衲僧活計何不出來對衆證據時有僧出作禮師云若是仙陀客更不待揚眉僧應諾師云金剛路兩兩三三

鄂州建福智通禪師凡二示衆云直饒一句下個儻分明去早是不著便遣他點污了也衲僧家合作麼生便下座

僧問如何是透法身句師云鸚鵡戀西秦

#### 襄州洞山守初禪師法嗣

岳州乾明睦禪師凡二師問洞山停機罷賞時如何山云水底弄傀儡師云誰是看翫者山云停機罷賞者師云恁麼則知音不和也山云知音底事作麼生師云大盡三十日山云未在更道師云某甲合喫和尚手中痛棒山休去

僧問昔日靈山記今朝嗣阿誰師云楚山突岬漢水東流云恁麼則洞山的嗣也師云聽事不真喚鐘作羹

鄧州廣濟通禪師凡一僧問如何是佛法大意師云

黑漆崑崙峯白象云和尚莫護後學好師云好心不得好報

荊南府開福德賢禪師凡一示衆云不用思而知不用慮而解知解俱泯合談何事良久云一葉落天下秋

僧問如何是衲僧活計師云耳裏種田

朗州德山密禪師法嗣

南岳南臺勤禪師凡二示衆云南岳山裏寒不似別處寒寒則樹結銀條草鋪碎玉江河凍定四海成冰虛空結合鳥道不通雲布長郊龍魚鎖戶當恁麼時命若懸絲作麼生道若道得卽紅日連天若道不得冥冥長夜

僧問如何是祖師西來意師云一寸龜毛重七斤

鼎州文殊應真禪師凡二示衆云直釣釣龍曲釣釣蝦蟆蚯蚓還有龍麼良久云勞而無功

僧問寶劍未出匣時如何師云在甚麼處云出匣後如何師云臂長衫袖短

鼎州德山紹晏禪師凡二示衆云一塵纔起大地全

收一毛頭上師子全身一塵纔起大地全收須彌山重多少斤兩一毛頭上師子全身大海水有幾許滴瀝有人道得與汝拄杖子天下橫行若道不得須彌山蓋却彌頭大海水溺却汝身

僧問如何是祖師西來意師云桃源水繞白雲亭

鼎州文殊寬禪師凡三示衆云直教彌聞一句一時決了已是不著便遣他點污合作麼生

僧問如何是文殊爲人一句師云粗識好惡云古人捲席意旨如何師云汝自不知時

僧問如何是雲門透法身句師云借取眉毛云爲甚麼如此師云非汝境界

隋州雙泉郁禪師法嗣

鼎州德山慧遠禪師凡二開堂示衆云無量法門悉已具足然難如此且須委悉始得其餘方便昔時聖人互出乃曰傳燈爾後賢者差肩故云繼祖是以心心相傳法法相印且作麼生傳作麼生印舉起拂子云此乃人天同證若如是也還相證明其或未曉之徒請垂下問僧問如何是祖師西來意師云鐵門路

峻

示衆云。夫出家之人。生死事大。直須先取生滅之法。既於利那利那之際。猶如電轉。電轉之法。無有所寄。諸法生滅。滅已會麼。會即便會。不會即生死根本。

江陵府奉先深禪師法嗣

天台蓮華峰祥公庵主凡二師拈拄杖示衆云。古人到這裏。爲甚麼不肯住。衆無對。師自云。爲他途路不得力。復云。畢竟如何。又自云。柳樛橫擔。不顧人。直入千峰萬峰去。

示衆云。若論此事。最是急切。切須明取。始得。若也明得。時中免被拘繫。便能隨處安閑。亦不要將心捺伏。自然合他古轍去。若學處分。劑便須路布箇道理。以爲佛法。幾時得休歇。去上座。却請與麼相安好。

鄂州林溪敬脫禪師法嗣

西劔州鳳凰山智廣禪師凡二示衆云。朝朝相似。日日一般。更有新奇也。拈不出。以至諸聖出來。且不敢誑於上座。因甚如此。蓋爲上座是行脚人。如今與上座在這裏。聚集少時。早是欺屈諸人了也。更若停騰。

是非鏗起。不如且歇。

僧問。如何是和尙。此間佛法。師云。東壁打西壁。

韶府妙勝臻禪師法嗣

潭州大滙承禪師凡一僧問。梁皇爲甚麼不識達磨。師云。彼此丈夫。問九年面壁。意旨如何。師云。一人傳虛。萬人傳實。

益州香林澄遠禪師法嗣

隋州智門光祚禪師凡十示衆云。汝等諸人。橫擔拄杖。出一叢林。入一叢林。爾道叢林有幾種。或有旃檀叢林。旃檀圍繞。或有荊棘叢林。荊棘圍繞。或有荊棘叢林。旃檀圍繞。或有旃檀叢林。荊棘圍繞。只如四種叢林。是汝諸人在阿那箇叢林裏。安身立命。若無安身立命處。虎踏破草鞋。閻羅王徵爾草鞋錢。有日在。示衆云。三兩日來好雨。可謂滂沱。凡夫見水是水。天人見水是琉璃。龍魚見水是窟宅。餓鬼見水是火。爾衲僧家。喚作甚麼。爾若喚作水。又同凡夫。見若喚作琉璃。又同諸天。見若喚作窟宅。又同龍魚。見若喚作火。又同餓鬼。見是爾尋常。還作麼生。所以道。若是得。



底人道火不燒。口道水不濕。身儼每日喫飯還少得一粒麼。古人云。終日著衣喫飯。未曾咬著一粒米。未曾挂著一縷絲。雖然如此。又須實到這裏。始得若未到這田地。且莫掠虛。

示衆云。雪峰毘羅漢書字歸安。斬蛇大隋燒畬。且道明甚麼邊事。還有人明得麼。試道看。若明不得。所以道。斬蛇須是斬蛇手。燒畬須是燒畬人。瞥起情塵。生妄見。眼底無筋。一世貧。

示衆云。數日來好雨。且道從甚麼處來。若道從天降。且阿那箇是天。若道從地出。喚甚麼作地。若更不會。所以道。天地之前。徑時人莫強移箇中生。解會。眼上更安錐。

示衆云。赫日裏。我人雲霧裏。慈悲霜雪裏。假揭電子裏。藏身還藏身得麼。若藏不得。却被電子打破。觸體示衆云。南泉道。自小養一頭水牯牛。擬向溪東放。不免食他國王水草。擬向溪西放。不免食他國王水草。不免隨分納些些。他總不見得。所以雲門大師道。平地上死人無數過。得荊棘林者。是好手。直饒。截斷。

凡聖及盡有無也。只是老鼠入飯甕。未知有向上一竅。在時有僧問。如何是向上一竅。師便打云。我早是將一塊屎。薰口抹了。爾更來浚我手作麼。

僧問蓮華未出水時如何。師云。蓮華云。出水後如何。師云。荷葉。

雪竇頌云。蓮華荷葉報君知。出水何如未出時。江北江南問王老。一狐疑了一狐疑。

問如何是般若體。師云。蚌含明月云。如何是般若用。師云。兔子懷胎。

雪竇云。非唯把定世界。亦乃安貼邦家。若也善能參詳。便請丹霄獨步。

又頌云。一片虛凝絕。謂情人。天從此見空生。蚌含玄兔。深深意。曾與叢林作戰爭。

僧問。如何是佛。師云。踏破草鞋赤脚走。云。如何是佛。向上事。師云。拄杖頭上挑日月。

雪竇云。千兵易得一將難求。僧問。金剛眼中。著得箇甚麼。師云。一把沙。云。爲甚麼如此。師云。非公境界。

僧問國師三喚侍者意旨如何師云憐兒不覺醜云國師辜負侍者意旨如何師云美食不中飽人飡侍者辜負國師意旨如何師云粉骨碎身未足報僧問如何是透法身句師云胡獼繫露柱問曹溪路上還有俗談也無師云六祖是盧行者問一切智智清淨還有地獄也無師云閻羅王是鬼做

洪州同安志禪師法嗣

鼎州梁山緣觀禪師凡六示衆云垂絲千尺意在深潭一句橫空白雲自異孤舟獨掉不犯清波海上橫行不逢明鑒

示衆云停機罷賞匿跡潛蹤竹戶茆堂眠雲臥月青松碧澗枕石漱流道不屬修無心自悟談玄唱道莫非雲水高人鳥道無蹤乃是道人行履談玄則不挂唇吻履踐則鬼神難覓悟之則剎那成佛迷之則永劫生死有疑卽決不可守株待兔抱拙守愚潦倒無成空延歲月

師與端長老坐話次有僧問二尊不並化因甚麼兩人居方丈師云一亦非

僧問家賊難防時如何師云識得後不爲冤云識得後時如何師云貶向無生國裏云莫是他安身立命處也無師云死水不藏龍云如何是活水龍師云興雲不吐霧云忽遇興雲致雨時如何師下繩床把住云莫教濕却老僧袈裟角

僧問如何是從上來傳底事師云渡水胡僧無膝袴背施梵夾不持經問如何是西來意師云葱嶺不傳唐土信胡人謾說太平歌

師示衆有偈云赫日猶虧半鳥沉未得圓若會箇中意牛頭尾上安

韶州舜峰韶禪師法嗣

磁州桃園巖明禪師凡一示衆云若是唱道門風禮且強名若論祖宗提綱難爲開口所以先聖道向上一路千聖不傳學者勞形如猿捉影諸禪德且作麼生商量得與先聖齊去衆中莫有作家底麼便請離却前非單刀直入時有僧出作禮師云眞師子兒問靈山一會何異今日師云當時妄想此日猶存青原下第十世

金陵清涼法眼禪師法嗣

天台德韶國師凡九師處州龍泉縣陳氏子問龍牙云天不能蓋地不能載時如何牙云道者合如是凡經十七次問牙云若爲汝說汝已後罵我去師後住天台通玄峰因澡浴忽省前話遂具威儀焚香遙禮龍牙云當時若爲我說今日決定罵他

妙喜云只今也不少

師問疎山百匝千重是何人境界山云左搓芒繩縛鬼子師云不落古今請師說山云不說師云爲甚麼不說山云箇中不辨有無師云師今善說山駭之師參五十三員善知識後謁法眼但隨衆而已一日有僧問法眼如何是曹源一滴水眼云是曹源一滴水僧問措師在座側豁然開悟擬滯水釋示衆云眞空不二萬德無言正當明時如王寶劍所以如來於一切處成等正覺於刀山劍樹上成等正覺於鑊湯爐炭裏成等正覺於棒下成等正覺所以一動一靜一去一來一生一滅未曾有纖毫異相未曾有纖毫別相更無毫釐絲髮許作見聞心識解會

何故諸仁者誠謂是非路絕妙性天機所以道汝生我亦生汝殺我亦殺生殺輪王機交馳如電掣示衆云古聖方便猶如何沙祖師道非風幡動仁者心動斯乃無上心印法門我輩是祖師門下客合作麼生莫是風幡不動汝心妄動麼莫是不撥風幡就風幡道取麼莫是動處是甚麼麼有云附物明心有云色卽是空有云非風幡動應須妙會如此解會與祖師有何交涉既不許如是會諸上座便合知悉這裏悟去何法而不明百千諸佛方便一時洞了若不如此設經塵劫只自勞神無有是處示衆云佛法現成一切具足圓同太虛無欠無餘若能如是且誰欠誰剩誰是誰非誰會誰不會所以道東去也是上座西去也是上座南去也是上座北去也是上座上座因甚麼得成東西南北去若會得自然見聞覺知路絕一切諸法現前何故如此爲法身無相觸物皆形般若無知對緣而照一時徹底會去好

師住通玄峰有偈云通玄峰頂不是人間心外無法

滿目青山

法眼聞得乃云只此一偈可以起吾宗

妙喜云滅却法眼一宗只緣此一偈

僧問名假法假人空法空向去諸緣請師直指師云謝此一問云不覩王居壯焉知天子尊師云貪觀天上月失却手中撓

僧問敲打虛空鳴穀穀石人木人齊應諾六月降雪落紛紛此是如來大圓覺如何是敲打虛空底師云崑崙兒著鐵袴打一棒行一步僧云恁麼則石人木人齊應諾也師云爾還聞麼

僧問諸法寂滅相不可以言宣和尚如何爲人師云若到諸方更舉一徧云恁麼則絕於言句去也師云夢裏惺惺

問如何是古佛心師云此問不弱云如何是絕滲漏底句師云口似鼻孔

問三世諸佛爲甚麼不知有師云却是爾知有云狸奴白牯爲甚麼却知有師云爾甚麼處見三世諸佛問淨慧寶印和尚親傳未審今日一會分付何人師

云鑿鑿鼓一頭打兩頭鳴

金陵清涼秦欽禪師凡四開堂日示衆云某甲本欲居山藏拙養病過時柰緣先師有未了底公案出來與他了却時有僧出問如何是先師未了底公案師便打云祖禪不了殃及兒孫僧云過在甚麼處師云過在我殃及爾

翠巖芝云爲衆竭力禍出私門

雲峰悅云這老漢一斯與奪也似絕後光前及乎拶著又却龍頭蛇尾如今莫有爲清涼作主底麼

李國主問先師有甚未了底公案師云見分析次師問僧近離甚麼處云廬山師拈起香匣云廬山還有這箇麼僧無對

僧問百骸俱潰散一物鎮長靈未審百骸一物相去多少師云百骸一物一物百骸

雪竇別云吾不如汝

金陵報恩玄則禪師凡四法眼問師曾見甚麼人來師云曾見青峰和尚來眼云有何言句師云某甲曾

問如何是學人自己峯云丙丁童子來求火眼云好語只恐備錯會備試說來看師云丙丁屬火將火求火如將自己而求自己眼云與麼會又爭得師云某甲只恁麼和尚尊意如何眼云備問來待我與備道師理前問眼云丙子童子來求火師言下大悟

師開堂日李王與法眼在會有僧問龍吟霧起虎嘯風生學人知是出世邊事到這裏爲甚麼不會師云會取好僧舉頭看師又看法眼便抽身入衆眼與李王失色眼歸方丈令侍者喚其僧至眼問上座適來問底語許備具眼人天衆前何不禮拜蓋覆却便撼一坐具其僧三日後吐光而終

僧問宗門中玄要乞師一言師云汝行脚來多少時也僧云不曾逢伴侶師云少瞌睡

問如何是不遷義師云江河競注日月旋流

金陵報恩玄覺禪師凡一聞鳩子鳴問僧是甚麼聲云鶉鳩聲師云欲得不招無間業莫謗如來正法輪杭州報恩慧明禪師凡二問僧近離甚處云都城師云上座離却都城到此山都城少上座此山剩上座

剩則心外有法少則心法不周說得道理則住不會則去僧無對

師舉雪峰塔銘問僧從緣有者始終而成壞非從緣有者歷劫而長堅堅之與壞卽且置雪峰只今在甚麼處僧無對

法眼代云只今是成是壞

漳州羅漢守仁禪師凡四示衆云報恩這裏不曾與人揀話今日與上座揀一兩則還願樂麼諸上座鶴脰自長鳬脰自短甘草甜黃連苦恁麼揀辨還慳雅意麼諸上座莫道血脉不通泥水有隔好且莫錯會珍重

師問僧甚處來云福州師云跋涉如許多山嶺那個是上座自己云某甲親離福州師云只恁麼別更有商量云更作麼生商量師云汝話墮也

僧問如何是祖師西來意師云喚甚麼作祖師西來意云恁麼則無西來意也師云由備口頭道

金陵鍾山義章禪師凡二示衆云道遠乎哉觸事而眞聖遠乎哉體之則神我尋常示汝何不向衣鉢下



坐地直下參取須要上來討箇甚麼欲得省要麼但向僧堂裏三門下寮舍裏參取好還有會處也未若有會處試說看

僧問如何是祖師西來意師云不東不西

金陵報恩文遂禪師凡一師問僧甚處來云曹山師云幾程到此云七程到師云行許多山林溪澗何者是汝自己云總是師云衆生顛倒認物爲已云如何是學人自己師云總是

杭州永明道潛禪師凡五法眼問律中道隔壁聞鈸鉦聲卽名破戒見觀金銀合雜朱紫駢闐是破戒是不破戒師云好箇入路

示衆云佛法顯然因甚麼不會去欲佛法問取張三李四欲會世法參取古佛叢林珍重

僧問牛頭未見四祖時如何師云看東看西云見後如何師云南看看北

問如何是慧日祥光師云此去報恩不遠云恁麼則親蒙照燭去也師云且喜沒交涉

僧問至理無言假言詮而顯道如何是顯道底言師

云切忌揀擇云如何是不揀擇師云元帥大王太保令公

佛鑑勤云大好不揀擇

僧問祖師西來未審傳箇甚麼師云傳箇策子云恁麼則心外有法去也師云心內無法

廬山歸宗慧超禪師凡二師問法眼如何是佛眼云汝是慧超師於言下大悟

雪竇頌云江國春風吹不起鷓鴣啼在深花裏

三級浪高魚化龍癡人猶戽夜塘水

僧問如何是佛師云我向汝道卽別有也

廬山棲賢慧圓禪師凡一示衆云出得僧堂門見五老峰一生參學事畢何用更到這裏雖然如此也勞上座一轉

洪州百丈恒禪師凡六師問法眼外道問佛不問有言不問無言叙語未終眼云住住爾擬向世尊良久處會那師於此大悟

示衆云諸上座適來從僧堂裏出來脚未跨門限便回去已是重說偈言了也更來這裏不可重重下切

脚也。古人云：參他不如自參。所以道：森羅萬象是善財之宗，師業惑勞乃普賢之境界。若恁麼參，得卽與善財同參。若不肯與麼參，却歸堂向火，參勝熱婆羅門珍重。

師或時上堂，衆纔集，師便云：喫茶去。或時衆纔集，便云：珍重。或時衆纔集，便云：歇。後有頌云：百丈有三訣，喫茶珍重歇。直下便承當，敢保君未徹。

僧問：承古有言，於無異法中而說諸法，如何是無異底？法師云：鶴脰長，鳬脰短。云：如何體會？師云：有甚麼可體會。

僧問：祖師西來，直指人心，見性成佛。未審此理如何？師云：不用更如何。云：學人不曾乞師慈悲。師云：靈利人難得。

僧問：學人乍入叢林，諸事不會。時如何？師云：吾助汝喜。同一物，不將來時如何？師云：却請將取去。問：學人欲作佛時如何？師云：汝許多時作甚麼來。

杭州靈隱清鋒禪師凡一示衆云：十方諸佛常在汝前，還見麼？若言見，將心見，將眼見，所以道：一切法不

生。一切法不滅。若能如是解，諸佛常現前。又曰：見色便見心，且喚甚麼作心？山河大地，萬象森羅，青黃赤白，男女等相，是心不是心？不是心，若是心，爲甚麼却成物象？去，若不是心，又道見色便見心，還會麼？只爲迷此，而成顛倒種種，不同於無同異中，強生同異。若能直下承當，頓豁本心，皎然無一物，可作見聞。若離心別求解脫者，古人喚作迷波討源，卒難曉悟。

襄州清溪洪璉禪師法嗣

襄州天平從漪禪師凡一師到西院，居常自言：莫道會佛法，今時覓箇學話人也無。西院聞之一日，遙見師遂召云：從漪師，舉頭院云：錯。師行三兩步，院又云：錯。師近前，院云：適來這兩錯，是西院錯，上座錯。師云：是從漪錯。院又云：錯。錯師無語。院云：且在這裏過夏，待共上座商量。這兩錯，師當下便行住後告衆云：我當初行脚時，被業風吹到汝州，思明長老處被他連下兩錯，更留我過夏，待共我商量。這兩錯，我不道那時錯，發足南方去時，早知道錯了也。

首山云：據天平作與麼解會也，未夢見西院在。

何故話在

蕪州五祖師戒禪師法嗣

洪州泐潭懷澄禪師凡一僧問如何是佛師云文不加點問不與萬法爲侶者是甚麼人師云觀世音菩薩問如何是佛法大意師云文殊自文殊解脫自解脫

筠州洞山自寶禪師凡二示衆云總恁麼風恬浪靜那裏得來忽遇洪波浩渺白浪滔天當恁麼時竟箇水手也難得衆中莫有把柁者也無衆無對師云賺殺一艍人

問如何是佛師云腰長脚短

復州北塔思廣禪師凡二問如何是訥僧變通事師云東涌西沒云通變後如何師云地肥茄子嫩

問如何是和尙家風師云左手書右字云學人不會師云歐頭柳脚

潭州福嚴良雅禪師法嗣

潭州北禪智賢禪師凡二歲夜小參示衆云年窮歲盡無可與諸人分發且烹箇露地白牛炊黍米飯向

骨拙火唱村田樂何故免見倚他門戶傍他牆剛被時人喚作郎便下座至深夜維那來問計云縣裏有公人到勾和尙師云作甚麼那云道和尙宰牛不納皮角師將頭帽擲地云這箇不是那就地拾得便行師跳下繩床攔臂搗住叫云賊賊那將帽子覆師頂云天寒且還和尙帽子時法昌爲侍者師顧法昌云這箇公案作麼生昌云潭州紙貴一狀領過僧問如何是佛師云匙挑不上

鼎州文殊應真禪師法嗣

筠州洞山曉聰禪師凡六韶州曲江林氏子示衆云相見不揚眉君東我亦西紅霞穿碧落白日繞須彌示衆云井底生紅塵高峰起白浪石女生石兒龜毛寸寸長若欲學菩提但看此模樣

送化主示衆云住持之事勞他十方高人且實際理地不受一塵佛事門中不捨一法蓋爲清衆之故所以忘勞盡大地作箇胡餅天下人盡得喫唯有深沙神不得喫怒發將蒺藜棒打一棒瓦解冰消僧問德山入門便棒猶是起模畫樣臨濟入門便喝

未免捏目生花。離此二途。未審洞山如何爲人。師云。天晴久無雨。近日有雲騰。云他日若有人問洞山宗旨。教學人如何舉似。師云。園蔬枯槁。甚擔水潑菠菱。云師唱誰家曲。宗風嗣阿誰。師云。竹錫挑擎。千界月鉢。孟盛貯五天雲。云古聖說不到處。請師舉。師云。寒星明月夜。寂寂萬家門。

僧問。無根樹子。向甚麼處栽。師云。千年常住一朝僧。云如何是離聲色句。師云。南瞻部洲北鬱單越。云恁麼則學人知恩不昧去也。師云。四海水深多少。

僧問。如何是佛師。云。理長。卽就問祖師。西來當爲何事。師云。幾人被渠謾。問國師。三喚侍者。意旨如何。師云。年老心孤。云既是泗洲大聖。爲甚麼在揚州出現。師云。君子愛財。取之有道。

朗州德山慧遠師云法嗣

廬山歸宗善暹禪師。凡二臨江軍人也。示衆云。一若是二。卽非東西南北。少人知。休話指天并指地。青天白雲徒爾爲。以拄杖繫繩床下座。

僧問。達磨未來時如何。師云。清貧長樂。云來後如何。

師云。濁富多憂。問年窮歲盡時如何。師云。依舊孟春猶寒。云更深夜靜時如何。師云。老鼠入燈籠。

隋州智門光祚禪師法嗣

明州雪竇重顯禪師。凡二。遂州李氏子。問智門。不起一念。云何有過門。召師。近前。師纔近前。門以拂子。薰口。打師。擬開口。門又打師。豁然開悟。

師開堂。曰。普觀大衆。云。人天普集。合發明箇甚麼事。焉可互分賓主。馳騁問答。便當宗乘。去廣大門風。威德自在。輝騰今古。把定乾坤。千聖只言自知。五乘莫能建立。所以聲前悟旨。猶迷顧鑒之端。言下知宗。尙昧識情之表。諸人要知。真實相爲。但以上無攀仰下絕已躬。自然常光現前。箇箇壁立千仞。還辨明得也。無未辨。辨取未明明。取既辨。明得能截生死流。同居佛祖位。妙圓超悟。正在此時。堪報不報之恩。以助無爲之化。

示衆云。形與未質。名起未名。形名既兆。游氣亂清。拈起拄杖。云。大衆。拄杖子是。形名雙舉。還與還也。無有卽水底月。無卽形名兆。若也究得實。謂恩大難酬。

示衆云。一問一答。總未有事。在直饒乾坤大地草木叢林。盡爲衲僧異口同音。各置百千問難。不消長老彈指一下。並乃高低普應。前後無差。曠佛祖之妙靈廓。人天之幽跡。如是則何假覺城東際。五衆咸居古佛廟前。此時參畢。

示衆云。田地穩密。底佛祖不敢近爲甚麼。擡脚不起。神通遊戲。底鬼神不能測爲甚麼。下脚不得。直饒十字縱橫。朝打三千。暮打八百。

示衆云。春山疊亂。青春水漾。虎碧寥寥。天地間獨立。望何極。便下座。却顧侍者云。適來有人看方丈麼。者云。有師云。作賊人心虛。

示衆云。國無定亂之劍。四海晏清。也不是分外。還有梯山入貢者麼。

示衆云。十方無碧落。四面亦無門。古人向甚麼處見客。或若道得接手句。許備天上天下。

示衆云。上士相見一言半句。如擊石火。瞥爾便過。應非卽言定旨。滯句迷源。從上宗乘。合作麼生議論。直得三世諸佛。不能自宣。六代祖師。全提不起。一大藏。

教詮註不及。所以棒頭取證。喝下承當。意句交馳。還同流浪。其有通方作者。共相證明。

示衆云。立賓立主。剗肉作瘡。舉古舉今。拋沙撒土。直下無事。正是無孔鐵鎚。別有機關。合入無間地獄。明眼衲子。應須自看。

師問大龍。語底默底。不是非語。非默底。更非總是。總不是。拈却大用。現前時人。知有大龍如何。龍云。子有如是見解。那師云。這老漢。今日瓦解水消。至晚龍問師。那裏是老僧。瓦解水消處。師云。轉見不堪。拂袖便出。龍云。耐耐耐。耐師不顧。後舉似。福嚴雅雅云。何不與他本分草料。師云。和尚更買草鞋行脚。始得。

一日五人新到。相看師云。洞庭絕頂。無行路。不假梯航。試道看云。特來禮拜和。尚師云。湛水停舟。徒勞運濟。僧無語。師云。過這邊來。其僧齊過。師云。將頭不猛。帶累三軍。參堂去。

師問僧名甚麼。云。宗雅。師云。雅卽不問。如何是宗。僧無對。師云。且限三日。其僧頻來下語。師不諾。僧云。和尚作麼生。師云。爾何不問僧。擬問師。連打數棒。



一日六人新到相看師問參頭夫爲上將須是七事隨身兩刃交鋒作麼生云久響和尚有此一著師云一著放過還我草鞋錢來僧便喝師便打僧約住棒與師一掌師云未到翠峰時與爾三十棒了也僧無語師云且過一邊著却問第二僧副將作麼生僧茫然師云一狀領過喫茶了師把住參頭云適來公案這裏只恁麼堂中作麼生舉僧擬議師打一坐具便推出

一日六人新到相見師問還有作家禪客麼參頭云和尚道甚麼師云點卽不到僧擬議師便喝僧無語師云龍頭蛇尾漢復問第二僧僧指參頭云和尚問爾何不祇對師與一掌僧無語復指第三僧其僧茫然師云一狀領過

師問僧甚處人僧提起坐具師云蝦跳不出斗僧云蹉跳師便打僧云更蹉跳師又打僧便走師喚回僧作禮云觸忤和尚師云我要這話行爾又走作麼僧云已徧天下了也師又打五棒僧云有諸方在師云爾只管喫棒師又喚第二人近前僧近前師云爾是

甚處人云鼎州師云敗也云青天白日師云兩重公案云恰是師以拄杖指云爾擬蹉跳那僧議擬師亦打五棒參頭云這僧與某甲喫棒不同師云一時近前來僧珍重便走師隨後與一拄杖

師問僧近離甚處云和尚道甚麼師云我問爾近離甚處僧退身而立師云克由耐不言來處將拄杖來僧云某甲近離奉川師云打野裡漢何不早恁麼道復問第二人云爾也一處來云某甲近離大梅師云兩段不同好與三十棒且放過

師問聰道者云久參事作麼生聰云青天白日師云亂走作甚麼聰便喝師云喫棒得也聰擬舉手師打一坐具云爾看這瞎漢亂做

師問僧近離甚處云天台師云還見智者麼云見師云爲甚麼在我脚底僧無語師云脫空妄語漢

師問僧近離甚處云温州師云還識永嘉大師麼云是鄉人師云與爾隔海在云酌然師云面亦不如語直僧無語師嘯一聲

師在大湫爲知客李殿院來問云知客是長老鄉人

家。驚然鐵棒如風至。失却從前眼裏花。

無盡句。師云。手指空時。天地轉回。途石馬出。紗籠問。

如何是師子嘯呻。師云終無回顧意。爭肯落平常云。如何是師子返嚮。師云周旋往返全歸父。繁興大用體無虧。云如何是師子踞地。師云迥絕去來機。古今無變異。

示衆云。莫行心處路。莫坐無處功。有無二俱離。廓然天地空。所以南泉道。大家在這裏。喫莖菜。若更覓一莖菜。入地獄如箭射。且道是甚麼語話。

示衆云。文殊隱顯於人間。普賢出沒於衆中。倘若一念通明。向文殊門裏發機。倘若通前叶後。超方不弱。向普賢門裏出身。如今上來下去。頭上脚下。是箇甚麼。上來也。我辨。備下去也。備辨。我句裏明宗。即易宗中辨的。則難句裏明宗。爲箇甚麼。來宗中辨的。備諸人試通箇消息。看大家證明。有麼。乃云。老僧今日一場醉酒。

示衆云。一句子拈起。也滿目生光。放下也寒雲收谷。且道不拈不放。喚作甚麼。洪波浩渺。白浪滔天。果日當空。森羅俱顯。若向言中取。則句裏明機也。似迷頭認影。若也宗乘。舉唱石人拈掌。且道石人明甚麼邊。

事乃云。露柱懷胎。猶未可。鐵牛生處。不難通。

示衆云。放一線道。縱橫可。否不放一線道。大難大難。所以睦州和尚道。放一線道也。由睦州不放一線道也。由睦州僧問。如何是放一線道。州云。量才補職。如何是不放一線道。州云。萬里崖州。雖然如是。各在門底。施設建立。宗乘大開。徑路大陽。尋常道。握拳展手。爲訪知音。展則當處出生。握則隨處滅盡。恁麼告報。猶尙不會。豈況言中宛轉。句裏藏鋒。覲面無私。徒伸意款。一句當軒。三門頭合。掌兩廊下。行道中庭裏作舞。後門底搖頭。更有針鋒上。師子作麼生。道。爾若委悉。去放一線道。若也宗乘。舉唱老僧口門窄。

示衆云。廓然去。肯重去。無所得心。去平等心。去離彼我心。去然後方可穩坐。所以古德道。牽牛向水東去。也不免官家徭稅。牽牛向水西去。也不免官家徭稅。不如隨分納些些。免被他家撈掇。作麼生是隨分納些些。底道理。但截斷兩頭。聖凡情盡。體露真常。事理不二。即如如佛。若能如是。法法無依。平等大道。萬有不繫。隨處碌碌。地更有何事。

師問聰上座。即石門。慈照也。近離甚處。聰云。襄州。師云。作麼

生是不隔底句。聰云。和尚住持不易。師云。且坐。喫茶。聰便參堂去。侍者遂問。暫到祇對住持不易。和尚爲甚麼教且坐。喫茶。師云。我獻他新羅附子。他酬我舶上茴香。懶去問他。有語在。侍者問。聰適來祇對和尚住持不易。意旨如何。聰云。真箇不博金。

師問僧。甚處來。云。洪山。師云。先師在麼。云。在。師云。在。卽不無請渠出來。我要相見。僧云。暫。師云。這箇猶是侍者。僧無對。師云。喫茶去。

師問侍者。有一人偏身紅爛。在荊棘林中。周匝火圍。如何近附。教得此人者。云。六根不具。七識不全。師云。教伊出來。我要與伊相見者。云。只今別無左右。祇對師云。官不容針。

僧問雲門。透法身句。意旨如何。師云。懶記來多少時。云。深承和尚指示。師云。更不再撥。

聯燈會要卷第二十七

聯燈會要卷第二十八

住泉州崇福禪寺嗣祖比丘 悟明 集

青原下第十一世

天台德韶禪師法嗣

杭州永明延壽智覺禪師。凡四初住雪竇。示衆云。雪竇這裏。迅瀑千尋。不停纖粟。奇巖萬仞。無立足處。汝等諸人。向甚麼處進步。

師問僧。曾到此間麼。云。曾到。又問一僧。僧云。不曾到。師云。一得一失。少頃侍者問。未審那箇得。那箇失。師云。爾曾識這僧麼。云。不曾識。師云。同坑無異土。

僧問。久在永明爲甚麼。不曾永明。家風。師云。向不會處。會取。云。不會處。又如何。會。師云。牛胎生象子。碧海起紅塵。問如何。是大圓鏡。師云。砂盆。

僧問。如何是永明旨。師云。更添香著。僧云。謝師指示。師云。且喜沒交涉。僧作禮。師云。聽取一偈。欲識永明旨。門前一池水。日照光明。生風來波浪起。

温州僊巖安禪師。凡二師。因破句。讀楞嚴經云。知見立。知卽無明。本知見無見。斯卽涅槃。繫於此悟入。卽印。

心於韶國師後畢生如是讀或告之曰和尚破句讀了也師云此是我悟處

姚夔通判問鏡清問玄沙學人乍入叢林乞師指箇入路沙云還聞偃溪水聲麼清云聞沙云從這裏入忽若當時道箇不聞又作麼生師召云學士姚應諾師云從這裏入姚亦有省

杭州五雲志逢禪師凡二示衆云捨一知識參一知識盡學南游之式樣也且問上座只如善財禮拜文殊擬登妙峰山禮德雲比丘及到彼所德雲何得於別峰相見教意祖意同一方便終無別理彼若明得此亦照然諸上座只今簇著老僧是相見是不相見此處是別峰不是別峰脫或從此省去可謂不辜負老僧亦見德雲未嘗剎那相捨還信得及麼

示衆云古德爲法行脚不憚勤勞如雪峰和尚三度到投子九度上洞山盤桓往返尙求箇入處不得看汝諸人纔跨門來便要老僧接引指示說禪說道且汝欲造玄極之道豈是等閑而況此事亦自有時節躁求焉汝等要知悟時麼各自下去堂中靜坐直

待仰家峰點頭時老僧爲汝說破時有僧出云仰家峰點頭也請和尚說師召大眾云且道這僧會不會僧作禮師云今日偶然失鑒

廣州光聖師護禪師凡一僧問學人乍入叢林乞師指示師云汝未入衆時我已指示汝了也云如何傾會師云不用傾會

杭州龍華慧居禪師凡一示衆云從上宗乘到此如何舉唱只如釋迦老子說一代時教如瓶注水古德尙云猶如夢事寐語一般且道古德據箇甚麼道理便恁麼道還會麼大施門開何曾墜塞生凡育聖不隔絲毫言凡則全凡舉聖則全聖凡聖不相待箇箇獨稱尊所以道山河大地長時說法長時放光地水火風一一如是時有僧出作禮師云好箇問頭如法問著僧方進前師云又沒交涉了也

温州瑞鹿本先禪師凡五示衆云吾初見天台言下便薦然千日之內四威儀中似物礙膺如鐵同處一日忽然猛省譬如洗面摸著鼻孔示衆云大凡參學未必學問話是參學未必學揀話



是參學未必學代語是參學未必學別語是參學未必學捻破經論中奇特言語是參學未必學捻破諸祖師語言是參學若也如是參學任爾七通八達於佛法中儘無真實見處喚作乾慧之徒豈不聞古德道聰明不敵生死乾慧未免苦輪諸人若也參學應須真實參學始得真實參學者行時行時參取立時立時參取坐時坐時參取眠時眠時參取語時語時參取默時默時參取一切作務時作務時參取既向如是等時參且道參甚麼人參箇甚麼說到這裏自有箇明白處始得若無明白處喚作造次參學則無究了

示衆云天台教中說文殊觀音普賢三門文殊門者一切色觀音門者一切聲普賢門者不動步而到我道文殊門者不是一切色觀音門者不是一切聲普賢門者是箇甚麼莫道別却天台教說話無事且退示衆云幽林鳥叫碧澗魚跳雲片展張瀑聲鳴咽爾等還知許多境界示汝入處麼若也知得不妨參取好

師有頌云曠大劫來只如是如是同天亦同地同地同天作麼形作麼形兮無不是

温州鴈蕩願齊禪師凡一僧問夜月舒光爲甚麼碧潭無影師云作家弄影漢僧從西過東立師云不催弄影無乃飾頭

杭州興教洪壽禪師凡一示衆云撲落非他物縱橫不是塵山河及大地全現王身

#### 金陵清涼泰欽禪師法嗣

洪州雲居齊禪師凡四師在法燈座下充獻主燈一日謂師云今日有僧問如何是祖師西來意老僧對他道不東不西藏主作麼生師云不東不西燈云恁麼又爭得師罔措至晚上方丈請益燈去他家自有兒孫在師於言下頓明厥旨有頌云接物利生絕妙外生終是不肖他家自有兒孫將來用得恰好師問僧甚麼處來云堂中來師云何得謾語

#### 慈受深云這僧是小謾語雲居是大謾語

僧問如何是佛師云汝是阿誰師臨示寂時示衆云今日老僧風火相逼特與諸人

相見且向甚麼處相見。向四大五蘊處見耶。向六入十二處見耶。既是種種處不可見。則如今相問者是誰。若也見得。可謂後學有賴。

洪州百丈恒禪師法嗣

廬山栖賢澄禪師凡二示衆云。佛法無事。大家共行。大家共止。滿眼是色。滿耳是聲。諸佛妙義。於此明得。千里萬里。

僧問如何是佛。師云。張三李四。

洪州雲居清錫禪師法嗣

天台山從進禪師凡一僧問。古澗寒泉時如何。師云。切忌飲著。云。飲者如何。師云。喪却汝性命。

廬山歸宗義柔禪師法嗣

明州天童新禪師凡一僧問。如何是密用。師云。何曾得密。同心徑未通時如何。師云。甚麼物礙汝。問。求之不得時如何。師云。用求作麼。云。如何即是。師云。何曾失却。

廬山長安延規禪師法嗣

潭州雲蓋用清禪師凡一僧問。有一人在萬丈井中。

如何出得。師云。且喜相見。僧云。恁麼則穿雲透日去也。師云。三十三天事作麼生。僧無對。師云。脫空謾語漢。

洪州泐潭澄禪師法嗣

明州阿育王大覺懷遠禪師凡二示衆云。若論佛法兩字。是加增之辭。廉纖之說。諸人向這裏承當得盡。是二頭三首。譬如金屑雖貴。眼裏著不得。若是本分衲僧。纔聞舉著。一擺擺斷。不受纖塵。獨脫自在。最爲親的。然後便能在天同天。在人同人在。僧同僧在。俗同俗在。凡同凡在。聖同聖在。一切處出沒自在。拘檢他不得。名邀他不得。何也。謂渠能建立一切法要。且不是渠。渠既無背面。第一不用妄與安排。但知十二時中。平常飲啄快樂。無憂只此。相期更無別事。所以古人道。放曠長如癡。元人他家自有通人愛。師舉拳示衆云。握拳則五嶽倒卓。展手則五指參差。有時把定佛祖。闕有時托開千聖宅。今日這裏相呈。且道作何使用。拍繩床云。向下文長。付在來日。婺州承天惟簡禪師凡一示衆云。一刀兩段埋沒宗。

風師子。翻身拖泥帶水。直饒坐斷十方。不通凡聖。脚跟下。好與三十。

### 復州北塔思廣禪師法嗣

荊門軍玉泉承浩禪師。凡四示衆云。山僧在谷。隱十年。不曾飲谷。隱一滴水。不曾嚼谷。隱一粒米。汝若不會。來大陽與爾說。拈拄杖下座。

示衆云。粥稀後坐。床窄先臥耳。瞋愛高聲。眼昏宜字。大珍重。

師因僧入室。有狗在室中。師叱一聲。狗便出去。師云。狗却會。爾却不曾。

僧問。如何是佛。師云。截却脚跟。云。如何是法。師云。掀却腦蓋。

### 潭州北禪智賢禪師法嗣

洪州法昌倚遇禪師。凡十北禪問。師近離甚處。師云。

福嚴。賢云。思大鼻孔長多少。師云。與和尚當時見底。

一般。賢云。汝道我見時長多少。師云。和尚大似不曾。

到。福嚴。賢云。學語之流。又問來時。馬大師安樂否。師

云。安樂。賢云。向汝道甚麼。師云。教和尚莫亂統。賢云。

念汝新到。不能打得。爾師云。某甲亦放和尚過。茶罷。賢問鄉里甚處。師云。漳州。賢云。三平在彼作甚麼。師云。說禪說道。賢云。年多少。師云。與露柱齊年。賢云。有露柱。即且從無。露柱年多少。師云。無露柱。一年也不少。賢云。夜半放烏雞。

示衆云。毗耶杜口。做微宗。乘鷲嶺。拈花。纔成毒藥。九年面壁。鈍置先宗。半夜傳衣。欺他後學。馬祖即心是佛。大似待鬼守株。盤山非心非佛。可謂和泥合水。如斯之見。盡是敗祖宗風。滅胡種族。承虛接響。罔聖欺賢。後學無辜。遭他指註。若論此事。諸佛不曾出世。亦無一法與人。達磨不西來。二祖不得髓。直得皇風蕩蕩。野老謳詠。心無所恃。行無所依。聞禪與道。似見冤家。說色與心。如逢猛虎。法昌然後。與爾挑野菜。春黍米。作和羅飯。煮骨董羹。飢即食。困即眠。不由諸位自崇。高莫學三乘立功課。

示衆云。聞聲悟道。何異緣木求魚。見色明心。大似迷頭認影。諸仁者。不用續。鳬鵲移岳。盈壑南辰。北斗躔度。分明日晦。月明。昇沈自異。但請休征。罷戰端拱。

無爲自然安貼。邦家差肩。佛祖更若言中辨的句裏。

明機清風月下守株人。涼兔漸遙。春草綠。

示衆云。祖師西來特唱此事。只要時人知有如貧子衣珠。不從人得。千世諸佛。只是弄珠底人。十地菩薩。只是求珠底人。汝等正是伶俚乞丐。懷寶迷邦。靈利漢。纔聞舉著。眨上眉毛。便知落處。若更踏步向前。不如策杖歸山去。長嘯一聲。煙霧深。

示衆云。汝若退身千尺。我便當處生芽。汝若覲面相呈。我便藏身露影。汝若春池拾磔。我便撒下明珠。直得水洒不著。風吹不入。如箇無孔鐵鎚。相似且道。法昌還有爲人處也。無良久云。利刀割肉。瘡猶合。惡語傷人。恨不消。

師垂語云。我要一箇不會禪底作國師。

妙喜云。且道是醒酬句。是毒藥句。

師與南禪師舉程大卿看生緣話。師云。何不直下與伊勸絕却。南云。也曾爲蛇盡足來。是伊自不瞥地。師云。和尚如何爲他。南云。咬盡生薑。呷盡醋。師云。流俗阿師。又恁麼去。南云。和尚作麼。生師拈拂子。便打。南

云。這老漢也是無人情。

師與南禪師舉昔曾問興化知有底人向甚麼處去。化云。善財拄杖子。我云。我不問善財拄杖子。知有底人向甚麼處去。化云。或則登山。或則渡水。我云。和尚只解步步登高。不解從空放下。化云。老僧雖則年邁。要且。不負來機。南云。和尚作麼。生師云。我當時錯怪興化。南云。如今知也。且道向甚麼處去。師云。偏問阿誰。南云。佯聾詐啞。作甚麼。師云。雖然如是。要且。不負來機。

師在雙嶺。受請與英勝二首座相別云。三年聚首。無事不知檢點。將來不無滲漏。以拄杖畫一畫云。這箇卽且止。宗門事作麼。生英云。須彌安鼻孔。師云。恁麼則。臨崖看滌眼。特地一場愁。英云。深沙努眼睛。師云。爭奈聖凡無異。路方便有多門。英云。錢地鑽不入。師云。這般漢。有甚共語。處英云。自緣根力淺。莫怨太陽春。却畫一畫云。宗門事且止。這箇事作麼。生師便掌英云。這漳州子。莫無去就。師云。偏這般見解。不打更待何時。又打英云。也是老僧招得。

英勝二首座到山相訪。英云和尚尋常愛檢點諸方。今日因甚麼却來古廟裏作活計。師云打草只要蛇驚。英云莫塗糊人好。師云。爾又刺頭入膠盆作甚麼。英云。古人道我見兩箇泥牛鬪入海。所以住此山未審。和尚見箇甚麼。師云。爾他時異日有把茆蓋頭人。或問。爾作麼生。祇對英云。山頭不如嶺尾。師云。爾且道。還當得住山事也。無英云。使鎚不及拖犁。師云。還曾夢見古人麼。英云。和尚作麼生。師展兩手。英云。擊跳不出。斗師云。休將三寸燭。擬比大陽暉。英云。爭奈公案現在。師云。亂統禪和如麻似粟。

師將起法堂。問英勝二首座云。我欲來這裏起法堂。且道作得箇甚麼。向當英云。賊是小人。師云。邵武子動著。便作屎臭。英云。曾經霜雪苦。師云。明珠自有千金價。誰肯林間打雀兒。英云。大似持鉢不得。詐道不飢。師却指勝云。爾且道作得箇甚麼。向當勝云。本來無位次。不用強安排。師云。爾這驢漢向甚麼處著。勝云。一任鑽龜打瓦。師云。也只是箇杜撰巡官。英云。若是千金寶。何須打雀兒。師云。東家人死西家人助。

哀英云。路見不平。

冬夜與感首座喫果子。師拈起橘子云。這箇滋味。何似黃龍。感云。須待嘗過始得。師云。驗人端的處。開口便知音。云。末法禪師多虛少實。師拈起案子云。這箇又作麼生。云。須是和尙始得。師云。一箇案子。早是不奈。何感云。饒人不是弱漢。

詰首座來。師問山深路僻。何煩訪及。詰云。仁義道中。不爲分外。師云。將得甚麼來。詰叉手近前。師云。只這箇爲當。別有。詰展兩手。師云。前頭較些。子後頭打不著。詰云。且容某甲人事。人事罷。師復問。近離甚處。詰云。雲居。師云。峯頭事作麼生。詰云。多少人疑著。師卓拄杖云。弘覺鼻孔。何似這箇。詰云。草賊大敗。師云。這僧話頭也不識。詰云。和尚問甚麼。師云。我問爾弘覺鼻孔。詰云。又道不識話頭。師云。不謬爲翠巖弟子。師問僧。一切聲是佛聲。是否。云。是。師云。爲甚麼。鷄作鷄鳴。鵲作鵲噪。云。和尚自生分別。師便打。又問一僧。一切聲是佛聲。是否。云。不是。師云。爲甚麼。不是云。鷄作鷄鳴。鵲作鵲噪。師亦打。



後有僧問前頭一僧是且從後頭一僧不是因甚也打師打云且聽明眼人斷看

筠州洞山曉聰禪師法嗣

南康軍雲居曉舜禪師凡十自洞山如武昌行乞首謁劉公居士家居士高行爲時所敬意所與奪莫不從之師時年少不知其飽參頗易之居士云老漢有一問上人語相契卽開疏如不契卽請却還遂問古鏡未磨時如何師云黑似漆士云磨後如何師云照天照地居士長揖云若恁麼上人且請還洞山拂袖入宅師憚憚卽還洞山山問其故師具言其事山云爾問來我與爾道師理前問山云此去漢陽不遠師進後語山云黃鶴樓前鸚鵡洲師於言下大悟機鋒不可觸

師開堂日示衆云如來至理實難剖露心印立機那從意解衆生無始時至背心取法執事迷流遂有諸佛出興於世隨機設教喚作方便門庭若據衲僧門下一言相契迢迢十萬衆中莫有通商量底麼出來對衆吐露談消息看僧問承和尚言不談玄不說

妙去此二途如何指示師云蝦蟆起鷄子云全因此問也師云老鼠弄糊孫師乃云問話且止古人道多言復多語由來返相悞山僧今日無端向諸人前敗關一場若是明眼人見笑破他口何謂彼自無瘡勿傷之也雖然如是又須實到這箇田地始得

示衆云德山道與爾脫却龍頭卸却角馱教爾作箇好人去三界不收六道不攝爾諸方學得底豈不是籠頭角馱德山棒臨濟喝豈不是籠頭角馱爾諸人被諸方老骨撻教壞了也學得一堆骨董蘊在胷襟便道我會禪爾皮下還有血麼被他熱瞞了也大愚今日與麼道也是爲他閑事長無明

示衆云古人道不見一法卽如來方得名爲觀自在且問爾諸人作麼生說箇不見一法底道理莫是本來無一法麼莫是本來清淨麼若恁麼會未曾夢見在三家村裏老婆亦不作如是見解大愚會下莫有說得道理底麼試出來對衆說看大愚與爾證明有麼一言已出驢馬難追

示衆云聞說佛法兩字早是汗我耳目諸人未跨大

愚門脚跟下好與三十棒。雖然如是。今日也是爲衆竭力。

示衆云。橫飛雪刃。寸草不存。大地黯然。乾坤失色。正當與麼時。佛祖出頭來也。須入地三尺。雖然如是。大愚今日向諸人前。敗闕一場。且道甚麼處敗闕。還有人檢點得出麼。若檢點得出。行脚事畢。若檢點不得。且作納飯阿師。

示衆云。拈起要妙。露柱皺眉。出格之談。烏龜向火。平實無事。嚼飯小兒。褒貶古今。豈能自救。諸禪德離此之外。作麼生商量。莫是三年逢一閏九月。是重陽麼。莫是大盡三十日。小盡二十九。麼。莫是春來草自青。麼。若作如斯見解。大愚門下。喚作驢前馬後漢。

示衆舉夾山道開市門頭。識取天子百草頭上。薦取老僧三峽。卽不然。婦搖機。軋軋兒弄口。喝喝。

示衆云。諸方便有。弄蛇頭。撥龜尾。跳大海。劒刃裏藏身。三峽這裏。寒天熱水洗脚。夜間脫襪打睡。早朝旋緊行。纏風吹籬。倒喚人夫。劈篋縛起。

僧問。言無展事。語不投機。未是衲僧見處。學人上來。

師意如何。師云。水長缸高。云。如何是衲僧見處。師云。人無遠慮。必有近憂。問。如何是本來心。師云。拆東籬補西壁。

#### 廬山歸宗善暹禪師法嗣

洪州雲居佛印元禪師。凡二。饒州浮梁林氏子。師謂衆曰。雲門說法如雲如雨。絕不許人記錄其語。見則詬曰。汝口不用返記吾語。他日異時。裨販我去。在今室中對機錄。皆香林以紙爲衣。隨所聞。卽書之後。世漁獵語言。正如吹網欲滿。非愚卽狂也。

師一日爲學徒入室。適東坡居士忽到。面前師遽云。此間無坐榻。居士來。此作甚麼。坡云。暫借佛印四大。爲坐榻。師云。山僧有一間居士。若道得。卽請坐。若道不得。卽輸腰下玉帶。子坡欣然云。便請。師云。居士適來道。暫借山僧四大爲坐榻。只如山僧四大。本空五陰。非有居士。向甚麼處坐。坡不能加答。遂留下玉帶。師却贈以衲衣。坡有偈云。百千燈作一燈光。盡是恒沙妙法王。是故東坡不敢惜。借君四大作繩床。又曰。病骨難堪玉帶圍。鈍根猶落箭鋒機。會當乞食歌姬。

院奪得雲山舊衲衣。又曰：此帶閱人如傳舍。流傳到我亦悠悠。錦袍錯落猶相襯。乞與佯狂老萬回。

明州雪竇重顯禪師法嗣

越州天衣義懷禪師凡十溫州樂清陳氏子。示衆云：未離兜率已降王宮。未出母胎度人已畢。直饒麼。猶落建化門中。諸人者。若論此事。舉目則千山萬水。思量則天地懸殊。直得六根杜絕。一念相應。正是無孔鐵鎚。怎麼說話。埋沒宗風。耻他先作初機。後學不可徒然。先聖幸有第二義門。留與後人。諸仁者。若論第二義門。足可話會。山僧今日不避譏嫌。分明說破。大道無偏。復誰迷悟。諸仁者。迷則迷於悟。悟則悟於迷。迷時力士失額上之珠。悟則貧子獲衣中之寶。誰人不有故聖人云：如我觀身。實相觀佛。亦然。前際不來。後際不去。今則無住。無住之本。流出萬端。森羅眩目。全彰古佛家風。音聲聒耳。盡是普賢境界。雖然如是。笑殺衲僧。以拄杖擊繩床。

師受天衣請辭衆。示衆云：今日一筵。便是祖送將軍。出塞坐蓮華。帳勑上馬盃。乃橫按拄杖云：雖無七事。

隨身且有折弓鈍劍。雖不能刺。鍾鐵爭奈古格。猶存對諸作者面前。焉敢拈出。念是舊時光彩。乃目顧大衆云：七星璀璨。光透九霄。膝上磨礪。乾坤肅靜。若也交鋒。兩刀自取其傷。若也掃蕩。煙塵赤眉轉盛。直得心無異緣。口無異說。自無異顧。不施寸刃。建立太平。檢點將來。羈手化跡。何也將軍。猶在若是。明眼衲僧。一任貶剝。

示衆云：玄黃不真。黑白何咎。六祖大師道。葉落歸根。來時無口。若會此箇說話。直入維摩丈室。住金色光中。見十方世界。四聖六凡。如觀掌中庵摩勒果。又見一類衆生。寢生死長夜。惛惛睡眠。不覺不知。作金雞報曉一聲。令伊惺悟。豈不快哉。若能如是。方可將此深心奉塵刹。是則名為報佛恩。雖然如是。古人道笑我者多。晒我者少。

示衆云：山河無隔礙。光明處處透。作麼生是處處透底光。若也不會。山僧爲爾註脚。透爾眼處。十方諸佛國土。只在香煙上。透爾耳處。觀音菩薩在鍾磬裏。禮拜透。爾鼻處。香積世界。熏天炙地。透爾舌處。醍醐上。

味翻成毒藥。透備身處一棒一條痕。透備意處業識茫茫顛倒妄想。如是會得四大五蘊瓦解冰消。作麼生。是父母未生前。面目良久云。三十年後鼻孔掣天一任罵取。

示衆云。鴈過長空。影沉寒水。鴈無遺蹤之意。水無沉影之心。若能如是。方解向異類中行。不用續鳬截鷄夷嶽盈壑。放行也。百醜千拙。取來也。攀攀拳拳。用之則敢與君王鬪。富不用都來不直半分錢參。

示衆云。青蘿黃綠。直上寒松之頂。白雲淡泞。出沒太虛之中。何似南山起雲。北山下雨。若也會得。甜瓜徹蒂甜。苦瓠連根苦。

示衆云。五蘊山頭一段空。同門出入不相逢。無量劫來賃屋住。到頭不識主人公。有老宿拈云。既不識當初問甚麼人。質師云。恁麼拈也大遠在。何故須知死人路上有活人出身處。活人路上死人無數。那箇是活人路上死人無數。那箇是活人路上死人無數。那箇是若也檢點得分明。拈却炙脂帽子。脫却鴉臭布衫。示衆云。日月沉輝。乾坤黯黑。赤肉團上。壁立千仞。孫

賓門下。徒話鑽龜。朕兆已萌。何勞擬議。向威音王佛已前道得。猶在金峯窠裏。若是具眼衲僧。到這裏合作麼生道。

示衆云。無邊刹境。自他不隔於毫端。且道妙喜世界。不動如來。說甚麼法。十世古今。始終不離於當念。只如威音王佛。最初一會度多少人。若是通方作者。試爲道看。良久云。行路難。行路難。萬仞峰前著眼看。

示衆云。善能分別諸法。相於第一義。而不動作麼生說。箇分別底道理。老僧試爲分別看。四面是山。中間是僧堂。佛殿。廚庫。三門。這裏是法堂。上是天下。是地。僧是僧俗。是俗作麼生說。箇第一義。若向這裏明得。去穿取維摩老子鼻孔。若也不會。且待阿逸多出世。師作色空二偈。一云。色空空色。空空色。空空色。空空色。不通劫火。洞然毫末。盡青山依舊。白雲中。

其二云。東西南北十萬八千空。生罔措。火裏生蓮。泉州奉天傳宗禪師。凡二示衆云。靈山正眼。千聖不知。少室鋒機。三乘莫演。正當今日。委在山僧。放開也。風行草偃。捏聚也。地轉天回。偈等諸人。盡是久經陣。

敵憤戰作家幸對人天出來證據

示衆云。始自迦葉垂旨。海印分權。斷臂少林。吾宗失旨。豈況列位三乘分宗。五教則此道濫觴也。若論衲僧門下。直須千聖情盡。萬緣不滯。始得設使機輪轉處。又涉多途。直饒千眼頓開。白雲萬里。

示衆云。大凡舉唱宗乘。須會目前生殺縱奪。臨時殺人刀活人劍。此是上古之機鋒。亦是今時之樞要。到這裏也。須是箇漢。始得點著。便轉撥著。便露擬議之間。喪身失命。以拄杖擊繩床。

示衆云。鋒前一句。切忌承當。師子翻身。急須著眼。一刀兩段。少分相應。同死同生。萬中無一。爾諸衲子。盡是尋言泥句。入海算沙。習學多聞。驢年會去。若更放過。轉見不堪。拈拄杖。一時趂下。

示衆云。汝等諸人。盡是老弱殘兵。只是守管把寨底手脚。若是上將軍。便能埋兵布陣。把定邊疆。不顧信旗單。刀直入。說甚麼孟嘗門下賓客三千點蒼不來。還歸死海。

僧問。如何是諸佛本源。師云。千江流白月。進云。如何。

領會師云。三十年後。師乃云。人天圍繞。賓主交馳。問者若一花一葉。以開敷答者。似一雨一雲。而動作如斯。相見未稱。衲僧若論宗乘。一割海嶽。難宣把定。乾坤要津。無路既通。一線千聖出興。所以大覺世尊。於師子床。回紫金山。普告大眾。吾今爲汝建大法幢。爲出世因。作將來眼。諸人還辨得也。無忽。若於此辨得。當知正法眼藏。委在此時。便能作大覺王。獨步三界。堪報我佛之恩。用助堯天之化。

示衆云。諸人者。直饒問得知過。驚子辯若滿慈也。祇是口傳心授底。葛藤且道。從上宗乘。合作麼生。議論若也。鋒銳未兆之前。大朴未分之際。薦得猶落化門。若向意根下。尋思卒摸索不著。

僧問。如何是般若體。師云。雲籠碧嶠。云如何是般若用。師云。月在清池。師乃云。若是上士。脚纔跨門。便知般若之體。便乃覲露鋒機。如同電拂。論禪與道。未免輪迴。舉意明宗。猶遭曲轍。通人分上。私限不拘。後進初機。快須薦取。於斯明得。許爾把定乾坤。手擎日月。若也未然。山僧今日。勞而無功。



示衆云。宗門深奧。合作麼。生話會。若教山僧。祖令當行。直須倒插乾坤。飄騰日月。人天泯跡。佛祖潛蹤。一切魔王宮殿。振裂。雖然如此。猶涉化門。若是作者。相見閃電。猶遲擬挂言詮。宛然流浪。

示衆云。千峰影裏。雙澗聲中。忽然風雷一擊。千尺鯨噴。祖佛家風。急須著眼。雄兵百萬。要定邊疆。劍客三千。到則不點。東來衲子。吳楚作家。點著不來。一時擒下。

示衆云。聞聲悟道。猶是聽響之流。見色明心。何異眼中著屑。眞如佛性。要且未出苦源。行布圓融。大似無繩自縛。若是衲僧。家喝散白雲。衝開碧落。橫身三界。獨步大方。若不如是。徒爲大夫喝一喝。

示衆云。衲僧門下。不在多端。達士相逢。非存目擊。始知拈槌。豎拂。眼裏撒沙。瞬目揚眉。猶是鈍漢。假饒直下。明得。正是無孔鐵鎚。擬欲尋思。千里萬里。卓拄杖一下。

師行脚時。爲泉州栖隱和尚。馳書到京師。李駙馬宅相看。尉因甚麼。到京師云。專爲院門馳書。尉云。適

來。梅伸一問。師云。駙馬慣得其便。尉便喝。師云。放過一著。尉云。再犯不容。師云。三十年後。有人舉在。師到風穴。穴問。近離甚處。師云。東家穴云。且喜沒交涉。師便喝。穴云。作家。師打一坐具。拂袖而出。穴云。未到風穴。與爾三十棒了也。

瑞光專使馳書上。師接書了。拈拄杖問。參頭西祖不傳。東土信少林。謾道付神光。書且拈却。作麼生。是瑞光家風。使云。師叔在上。師指云。將頭不猛。帶累三軍。使云。和尚幸是大人。師云。兩重公案。且放過一著。復問第二僧。爾在瑞光多少時。云。和尚著忙作麼。師云。師子窟中。無異獸。僧無語。師打一棒。又問第三僧。爾爲甚麼。失却本道。公驗云。和尚慣得其便。師云。一狀領過。且坐喫茶。

僧問。如何是祖師西來意。師云。白雲抱幽石。僧云。乞師再垂方便。師云。千里未是遠。

問。如何是道。師云。蛇無頭不行。云。如何是道中人。師云。行到水窮處。坐看雲起時。

問。孟常門下。劍客三千。鳳凰門下。又且如何。師云。不

許夜行云。怎麼則學人退身三步。師云。不是劍客。請莫相過。

問如何是道。師云。且莫詐明頭。云。如何是道中人。師云。墮坑落壑。

問祖意教意是同是別。師云。胡馬嘶北風。

舒州投子法宗道者。凡一僧問。如何是道者家風。師云。袈裟裹草鞋。云。旨如何。師云。赤脚下桐城。

越州天衣在禪師。凡二示衆云。摩竭掩室。鈍鳥栖盧毗耶杜詞。困魚止滌。少林面壁。待兔守株。天衣怎麼道。還有分付處也。無良久云。他時豹變後。五日看。

僧問祖祖相傳。傳祖印。師今得法嗣。何人。師云。人將語試水。將杖試。

### 郢州大陽警延禪師法嗣

郢州與陽剖禪師。凡四師在大陽作園頭種瓜。延問甜瓜何時熟。師云。卽今熟爛了也。延云。揀甜底摘來。師云。與甚麼人喫。延云。不入園者。師云。未審不入園者還喫也。無延云。汝還識伊麼。師云。雖然不識。不得不與延笑云去。

師臥疾。次延問。是身如泡。幻泡幻中成。辨若無箇泡。幻大事。無由辨。若要大事辨。識取箇泡。幻作麼。生師云。猶是這邊事。延云。那邊事。作麼。生師云。匝地紅輪。秀海底。不栽花。延笑云。乃爾惺惺耶。師喝云。將謂我忘却。

示衆云。西來大道理。絕百非句裏。投機全乖。妙旨不已。而已有屈祖宗。豈況切切有何所益。雖然如是。事無一向。且於唱教門中。通一線道。大家商量。

僧問。婆竭出海。龍宮震覲。面相呈事。若何。師云。金翅鳥王當宇宙箇中。誰是出頭人。云。忽遇出頭時。又作麼。生師云。似鵲提鳩。君不信。觸體前驗。始知真云。怎麼則叉手當胸。退身有分去也。師云。須彌脚下。烏龜子。莫待重遭點額回。

舒州投子義青禪師。凡六青社李氏子。謁浮山遠禪師。經三載。遠一日問云。外道問佛。不問有言。不問無言。世尊默然。如何。青擬開口。遠遠以手掩師口。師於此大悟。遂作禮。遠云。汝妙悟玄機。那師云。設有妙悟。也須吐却。時孜侍者在旁云。青華嚴今日如病得汗。

師回顧汝云。合取狗口。汝更切切我。即便毆。遠後以大陽直褻皮履付師。師云。代吾續洞上宗風。

示衆云。若論此事。如鸞鳳冲霄。不留其跡。羚羊挂角。那覓其蹤。金龍不守於寒潭。玉兔豈栖於丹影。其或主賓若立。須威音路外。搖頭問答。言陳仍立路傍。提爲唱。若能如是。猶在半途。更乃凝眸不勞相見。

示衆云。默沉陰界。語落深坑。擬著則天地懸殊。棄之則千生萬劫。洪波浩渺。白浪滔天。鎮海明珠在誰收掌。良久卓拄杖云。百雜碎。

示衆云。孤村陋店。莫挂瓶盂。祖佛玄關。橫身直過。早是蘇秦。觸塞求路。難回頂主。臨江何迷。困命禪德。到這裏。進則落於天魔。退則沉於鬼趣。不進不退。正在死水中。諸仁者。作麼生得平穩去。良久云。任從三尺雪。難壓寸靈松。

示衆云。諸佛出世。應病施方。祖師西來。守株待兔。直饒全提舉唱。猶如鑿壁偷光。設使盡令施行。大似空中擲劍。何故不見古人道。不用求真。唯須息見。諸仁者。且道。息箇甚麼。見良久云。靈雲不悟桃花旨。空使

玄沙暗皺眉

示衆云。若論此事。如魚遁深淵。必招釣客。玉埋荆谷。何逆求人。所以刖足楚城。煙波渭水。蓋謂不守平常。致見如是。此日白雲滿谷。淅水浮煙。瑞鳥驚晨。山光眩日。觸事無私。有何不可。雖然如是。更須無手能遮目。釣魚不犯竿。

慧州羅浮如禪師。凡一大陽問師。備甚處人。師云。益州陽云。此去多少。師云。五千里。延云。備與麼來。還曾踏著麼。師云。不曾。踏著。陽云。汝解騰空。那師云。不解騰空。陽云。爭得到這裏。師云。步步不迷方。隨身無辨處。陽云。汝得超方三昧。耶。師云。聖心不可得。三昧豈彰名。陽云。如是如是。汝應信此。卽本體全彰。理事不二。善自護持。

西川雲頂鵬禪師。凡二僧問。如何是大疑底人。師云。畢鉢巖中。面面相覷。云如何。是不疑底人。師云。如是我聞。須彌粉碎。

僧問。祖意教意。是同是別。師云。達磨逢梁武。摩騰遇漢明。

青原下第十二世

廬州栖賢澄謚禪師法嗣

湖州西余體柔禪師凡一示衆云一人把火自燼其身一人抱水橫死於路進前卽觸途成滯退後卽噎氣填膈直得上天無路入地無門如今已不奈何也良久云待得雪消去自然春到來

洪州雲居曉舜禪師法嗣

建康府蔣山法泉禪師凡二隋州時氏子上堂僧問達磨未來時如何師云月明東嶺上云來後如何師云黃河徹底清云祖師面壁意旨如何師云撐天拄地云便恁麼去時如何師云落七落八師乃云諸仁者問話得也未相挨相拶進前退後口裏喃喃地圖箇甚麼將謂宗門合有恁麼說話諸人敗闕終可帶累山僧亦無分雪處何故諸人未發問時猶較些子纔出頭來便沒交涉不見摩竭國內土曠人稀少室巖前風高月冷到這裏豈假三寸方解辨明所以道諸佛不出世祖師不西來馬鳴龍樹不敢商量海藏龍宮不能詮註雖然如是若是明眼漢一點也瞞

他不得後學初機卒難摸索今日判府侍郎爲佛法主山僧得與諸人相見大衆如今忽有人問如何是相見底事向他道甚麼莫有道得底麼出來露箇消息看山僧爲汝證明若也未知今日已是隱藏不得爲諸人一時說破乃擘開胃云一時記取

示衆云要去不得去要住不得住打破大散關脫却娘生袴諸仁者到臘月三十日且道用箇甚麼良久云柳絮隨風自西自東

處州慈雲修慧禪師凡四示衆云若論此事唯佛與佛乃能知之諸人還知麼慈雲今日開大智門入總持藏示汝諸人無價珍去諸人還識麼拈起拄杖云這箇豈不是無價珍一人有一箇自是諸人不肯承當若承當去頭頭應用取捨自由十二時中受用不盡若用不得一任懷寶迷邦向外馳求踏破草鞋盧生浪死卓拄杖一下

示衆云大衆會麼五月十五卽不問且道葫蘆裏走馬一句作麼生道直饒道得也是渴鹿趁陽焰示衆云菩提達磨口能招禍聖諦義中梁王勘破歸

到少林九年壁坐退已讓人萬無一箇  
僧問牛頭未見四祖時如何師云青山藏不得云見  
後如何師云明月却相容

### 越州天衣義懷禪師法嗣

東京法雲圓通法秀禪師凡七秦州隴城辛氏子也  
通諸經論久習華嚴一日嘆曰吾觀善財始見文殊  
復過百一十城事五十三知識又聞達磨西來老盧  
南去教外別傳無上心印吾豈止方隅滯性相之宗  
耶因棄所業東裝南游徑往天衣謁懷禪師懷問曰  
座主講甚麼經師云粗習華嚴懷云華嚴以何爲宗  
師云以法界爲宗懷云法界以何爲宗師云以心爲  
宗懷云心以何爲宗師不能加答懷云毫釐有差天  
地懸隔汝當自看會有省發耳後十七日聞僧舉白  
兆問報慈云情生智隔想變體殊情未生時如何慈  
云隔師於此大悟直詣方丈陳所證懷喜云前後座  
主唯汝一人真大法器吾宗異日在汝行矣師遂服  
勤八年餘天衣推爲導首後出世舒之四面最後住  
本山而終老焉

示衆舉古云見一則瞎汝眼知一則翳汝眼翳生則  
天上人間瞎却則三頭六臂師云既是翳生爲甚麼  
天上人間既是瞎却爲甚麼三頭六臂山僧卽不然  
翳生則長連床上伸脚打睡都莫以道爲懷瞎却則  
朝打三千暮打八百且道還有得失也無良久云可  
知禮也

示衆云單傳心印過犯彌天祖師玄言如何宣說打  
鼓上來成得什麼良久云直饒動地雨花爭如歸堂  
向火參

示衆云多能多慮轉不相應絕言絕慮無處不通拈  
起拄杖云直饒向這裏見得祖師正好喫山僧拄杖  
若也棒頭取證猶在半途作麼生是究竟一句良久  
云常憶江南三月裏鷓鴣啼處百花香

示衆云道士倒騎驢獼猴繫露柱蝦蟇跳上天烏龜  
縮頭去棲賢也欲放過又恐不分縹素却被諸方檢  
點薰拈拄杖云非但諸方便是棲賢拄杖也自不甘  
繫繩床一下

示衆云少林九年冷坐却被神光覷破如今玉石難



分只得麻纏紙裏還會麼。笑我者多。晒我者少。

示衆云。看風使帆。正是隨波逐波。截斷衆流。未免依前滲漏。量才補職。寧越短長。買帽相頭。難爲恰好。直饒上不見天下。不見地。東西不辨。南北不分。有甚麼用處。任是純鋼打就。生鐵鑄成。也須額頭汗出。總不恁麼。又且如何商量。良久云。赤心片片。誰知得笑殺黃梅石女兒。

示衆云。衲僧家高揖釋迦。不拜彌勒。未爲分外。只如半偈亡軀。一句投火。又圖箇甚麼。良久云。彼彼住山人。何須更說破。

杭州佛日智才禪師凡一示衆云。風雨蕭蕭。塞汝耳根。落葉交加。塞汝眼根。香臭叢雜。塞汝鼻根。冷熱甘甜。塞汝舌根。衣綿溫冷。塞汝身根。顛倒妄想。塞汝意根。諸禪德。直饒饒得轉。也是平地骨堆。

東京慧林宗本禪師凡一僧問。如何是露地白牛師。云。放出無尋處。

台州瑞嚴子鴻禪師凡二示衆云。法爾不爾。建立乖真。堂堂現成。雕琢成僞。妙圓超悟。頭上安頭。頓發法

身枷上著。杻設若不爾。則靈山畫餅。曹溪指梅。過犯彌天。放過卽不可。更有一箇誰檢點。得出蒿拈拄杖。云。今日不著便。

示衆云。一不守。二不向。上下四維。無等量。大洋海裏。泛鐵缸。彌須頂上翻。鯨浪臨濟。縮却舌頭。德山。閣却拄杖。千古萬古。獨巍巍。留與人間作榜樣。

眞州長蘆體明禪師凡二示衆。顧視左邊云。師子之狀。豈免嘖呻。復顧視右邊云。象王之儀。寧忘回顧。取此逃彼。上士奚堪。識變知機。野狐懸窟。到這裏。須知有凡聖。不歷處。古今不到處。且道是甚麼處。人行履。良久云。丈夫自有衝天氣。不向如來行處行。

示衆云。上士相逢。休存目擊。祖師門下。如何受用。古往今來。新新無間。雖然如是。猶在荊棘林中。衲僧家。須向鑊湯爐炭上。成等正覺。刀山劒樹上。說法度人。方有少分相應。良久云。茯苓只在松根下。用意追尋事轉遙。

蘇州淨慧可證禪師凡二示衆云。龍宮海藏。盡屬葛藤。教外別傳。起擡畫樣。當人分上。平地風波。到這裏。

如何出得良久云毗婆尸佛早留心直至如今不得妙

僧問達磨未來時如何師云天涯海角云來後如何師云四海五湖

### 舒州投子義青禪師法嗣

東京淨因道楷禪師凡十師問投子佛祖意句如家常茶飯離此之餘還別有爲人言句也無子云汝道寰中天子勅遣假禹湯堯舜也無師擬開口子拈拂子驚口打云爾發意來時早有一十棒分師於此契悟作禮便行子云且來闍梨師竟不回首子云子到不疑之地耶師掩耳而去

師作典座子問廚務勾當不易師云不敢子云煮粥耶蒸飯耶師云人工淘米著火行者煮粥蒸飯子云子作箇甚麼師云和尚慈悲放他閑去

師侍投子游菜園子度拄杖與師師接得隨行子云理合怎麼師云與和尚提鞋挈杖也不爲分外子云有同行在師云那一人不受教子休去至晚問師早來與子說話盡師云請和尚舉子云卯生日戌生

月師即點燈來子云子上來下去總不空然師云在和尙左右理合如此子云奴兒婢子誰家屋裏無師云和尚年尊關他不可子云得怎麼殷勤師云報恩有分

示衆云威音已前不落諸位然燈之後以心傳心諸祖迦相繼襲掩室摩竭似是而非更於鹿野苑中三轉十二行法輪自後聲教既傳四十九年指喻不下子孫幾乎斷絕黃面老人末後著忙將青蓮目顧視迦葉迦葉微笑便云吾有正法眼藏付囑於汝金色頭陀大似不丈夫取人處分自後西天此土指鹿爲馬少室黃梅將日作月祖師已是錯傳山僧已是錯說今日不免將錯就錯曲爲今時從來向君道直須旨外明宗莫向言中取則石人機似汝也解唱巴歌汝若似石人雪曲也須和直饒唱得韻出青霄和得宮商不犯正是出世邊事落在今時且道未出世邊事作麼生良久云昧兆未生前薦取春風飄擺絲楊垂

示衆云威音路外千聖不游問答言陳鄉關萬里設

使總不恁麼坐在無事界中更若礙眸不勞相見

示衆云纔陞此座已涉塵勞更乃凝眸自彰瑕玷別傳一句勾賊破家不失本宗狐狸懸窻所以眞如凡聖皆是夢言佛及衆生並爲增語到這裏回光返照撒手承當未免寒蟬抱枯木泣盡不回頭

示衆云威音那畔水泄不通便是釋迦親來也分疎不下少室九年伸吐無門若據令而行三界諸佛應須側立六代祖師只可傍觀如今放一線道許備諸人通箇消息許備同身共命一氣連枝若通不得只知荆玉異那辨楚王心

示衆拈起拄杖云這裏薦得盡是諸佛建立邊事直饒爾東涌西沒卷舒自在也未夢見七佛已前消息須知有一人不從人得不受教詔不落階級若識此人一生參學事畢焉召大衆云更若凝眸不勞相見示衆云道本明直不勞修證直饒一句下會得君臣父子五位具足臨濟三玄三要四句料簡雲門函蓋乾坤截斷衆流隨波逐浪會得通同古今個儻分明盡是古人方便建立落在今時不見黃面老人自解

知非掩室摩竭淨名杜口有一般漢將爲極則黃面老人早是犯鋒傷手幸然無事更將膩脂帽子搨向頭上自後黃梅聚徒八百選佛場開末後散席自云心空及第便有老盧出云未來無一物便乃密傳衣法半夜渡江負重至大庾嶺頭明上座越及自云爲法而來便云不思善不思惡正恁麼時還我明上座本來面目這一場狼藉不同小小便是德山臨濟手脚也打疊不盡更有一般底遞相傳授舉覺商量將爲奇特爛嚼細嚙垢汗心田且諸祖未建立已前將甚體格今時只如老漢不會禪不會道百無長處是箇三家村裏漢自小出家寺院剃頭後乃經游天台廬阜如今年老頭白齒黃只是舊時三家村裏漢與諸人何異地上行床上臥鉢盂裏喫飯後架裏盪漱若作佛法商量眉鬚墮落諸人還會麼直饒會得玄玄爭似飢食困歇

楊次公問師相別得幾年師云七年公云七年參禪來學道來師云不打這鼓笛公云恁麼則空游山水百無所能去也師云相別未久善能高鑑公呵呵大

笑

韓相公。德出接公云。禁足不出。爲甚麼却出師云。官不容針。私通車馬。

西京少林恩禪師凡四示衆云。若向這裏說。卽心是佛。大似頭上安頭。若說非心非佛。何異迷頭認影。賞箇名安箇是。立箇非。向甚麼處見達磨祖師。雖然如此。放一線道。別有商量。諸仁者。是復誰是非。復誰非。是非查絕。分明萬機。於斯明得。晝見日夜。見星於斯。不明有寒暑兮。促君壽有鬼神兮。妬君福。

示衆云。如斯說話。誰是知音。直饒句一向下千眼。頓開端的。有幾箇是迷鋒達磨。諸人要識達磨祖師麼。舉手捏空云。達磨祖師鼻孔。在少林手裏。若放開去。從他此土。西天說黃道黑。若不放過。不消一捏。莫有爲祖師作主者麼。出來與少林相見。有麼。良久云。果然。

示衆云。便恁麼休去。已落二三更。若怱怱終成異見。既到這裏。又不可弓折箭盡去也。且衲僧家。遠則能照近。則能名。拈拄杖云。穿却德山鼻孔。換却臨濟眼。

晴掀翻大海。撥轉虛空。且道三千里外。誰是知音。於斯明得。大似杲日照天。苟或未明。不免雲騰致雨。卓拄杖一下。

僧問久飄客路。罕遇知音。今日上來。請師一接。師云。有眼無耳。塚六月火邊坐。云頂門不具金剛眼。幾逐流鶯過短籬。師云。白雲千里萬里。

### 聯燈會要卷第二十八

### 聯燈會要卷第二十九

住泉州崇福禪寺嗣祖比丘 悟明 集

### 青原下第十三世

東京法雲法秀禪師法嗣

澧州香積用旻禪師凡一示衆云。夫爲宗匠。隨衆提綱。應機問答。殺活臨時。心眼精明。那容妖怪。若也棒頭取證。喝下承當。埋沒宗風。耻他先作轉身一路。不在遲疑一息。未還同死漢。大衆直饒到這箇田地。猶是語句埋藏。未有透脫一路。且作麼生是透脫一。

路還有人道得麼。若無山僧不免爲諸人說破良久。云玉離荊岫寒光動。劍出豐城紫氣橫。

東京慧林宗本禪師法嗣

杭州淨慈善本禪師凡二本州余氏子示衆云上士聽法以神中士聽法以心下士聽法以耳且道更有一人來將甚麼聽卓拄杖云高也著低也著落落實音偏寥廓十方內外更無他不用無繩而自縛

示衆云會麼祖師妙旨只在目前惠日峰前雲生足下湖湘浪闊迥接遙天晚唱漁舟夜泛蓁葭之月歡游畫舫時聞絲竹之音更說聞聲悟道見色明心大似拋却甜桃樹沿山摘醋梨

福州太平恩禪師凡二示衆豎起拳云或時爲拳復開云或時爲掌若遇衲僧有功者賞遂放下云直是土曠人稀相逢者少

示衆云衲僧現前三昧釋迦老子不會住世四十九年說得天花亂墜爭似渴飲飢飡展脚堂中打睡秀州本覺法真禪師凡二示衆云本分相見不在如何掾起便行猶爲鈍漢若也分賓列主俱爲念話杜

家更乃說妙談玄不是宗門苗裔山僧怎麼道已是雪上加霜汝等諸人更擬覓甚麼以拄杖一時趁下示衆云拆半裂三人人道得去一拈七亦要商量正當今日雲門道底不要別作麼生露得箇消息良久云日月易流

北京天鉢重元禪師法嗣

西京聖善真悟禪師凡一示衆云揚聲止響不知聲是響根弄影逃形不知形爲影本以法問法不知法本非法以心傳心不知心本無心心本無心知心知幻了法非法知法如夢心法不實莫謾追求夢幻空花何勞把捉到這裏三世諸佛一大藏教祖師言句天下老和尚路布葛藤盡使不著何故太平本是將軍致不許將軍見太平

東京淨因楷禪師法嗣

東京淨因法成禪師凡四示衆云知有佛祖向上人方有說話分諸禪德且道那箇是佛祖向上事有箇人家兒子六根不具七識不全是大闢提無佛種性逢佛殺佛逢祖殺祖天堂收不得地獄滿無門大衆



還識此人麼。良久云。對面不仙陀。睡多饒寐語。

示衆云。只這箇。負累殺人。認作空劫時。自己分明。頭上安頭。更言落在今時。何異霜加雪上。直得純清絕點。猶有流注。眞常。縱然轉位回機。大似日中逃影。所以道。二由一。有一亦莫守。一心不生。萬法無咎。喝一喝云。是甚熱盪。鳴聲豈不見。道文殊起。佛見法見。見。見。向二鐵圍山。衲僧起。佛見法見。列在三條椽下。乃舉起拂子云。拂子夜來起。佛見法見。且道。今朝如何。批判緊繩床云。分付德山臨濟。

示衆云。靈機獨耀。智鑑洞然。瞬目揚眉。已彰痕跡。拈起豎拂。豈免階梯。悟之者。心超數量。語默皆如。左放右收。都無依賴。迷之者。頭頭作解。取捨有心。縱饒盡得那邊未免。這邊礙著。所以道。衲僧家說箇解粘去縛。拔柄抽釘。已是犯鋒傷手。更言體之與用。正之與偏。恰似三家村裏教書郎。未念得一本太公家教。便道文章賽過李白杜甫。諸禪德。伊家自有同風。不要展他書卷。

師問僧甚處人云。西川師云。幾時離鄉云。前年二月。

師云。未離本國。一句作麼生道。云。通身是口。爲祇對師云。猶是離家失業。句。僧無語。師打一拂云。枉踏草鞋。

#### 青原下第十四世

#### 杭州淨慈善本禪師法嗣

福州雪峰思慧禪師凡四。杭州余氏子示衆云。若論此事。最尊最勝。難解難知。是第一義諦。是無分別法。是智不到處。是大總持王。是如來頂。是祖師印。是金剛王寶劍。是踞地師子。是鐵牛機。是猛火聚。擬向即乖。措意即失。而我云。何能說能示。諸人云。何能信能解。自非上根大器。向光未發。已前。薦提得去。其孰能與於此哉。衆中必有飽參禪客。在行間立地。鼻孔裏冷笑肚皮裏自語云。這話。賢阿師大好不說。喚師子咬人狂狗。趣塊却被山僧拄杖子檢責云。克由耐耐。妄意卜慶。隨語生解。放過即不可。若也放過。曹溪路上生荆棘。迦葉門風。被陸沉以拄杖擊繩床下座。示衆云。一法有形。翳汝眼睛。眼睛不明。世界崢嶸。縱使通身眼。綻爛破大千十方圓明。純一無雜。猶未得。

勦絕在何故。金屑雖貴。落眼成翳。若不消空。花仍在。直須瞎却。諸人眼。始解剪除病根。從教摸地撈天。免人弄光認影。過此已還。吾不知也。

示衆云。諸佛說法。常依真俗二諦。唯有祖師門下。一無所依。不依內。不依外。不依中間。乃至一切諸佛。都無依倚。或問。或答。盡在臨時。句後聲前。不留影迹。不是禪。不是道。不是玄。不是妙。不是真。不是俗。且道。是箇什麼。良久云。毗婆尸佛。早留心。直至如今。不得妙示。衆云。當場問答。只在臨時。不用尋思。拈來使用。諸禪德。不是情中法。莫生取捨心。而況法無異。法句無別句。拈起一毫。盡大地一時明。得一切言句。無不該通。猶未是衲僧分上事。豈不見道。擊石火閃電光。薦得薦不得。未免喪身失命。且如諸人。還免得也。無良久云。臨崖看滌眼。特地一場愁。

### 鄧州丹霞淳禪師法嗣

明州天童正覺禪師凡五示衆云。佛法也無許多般。只要諸人一切時中。放教身心空。索索地條絲不挂。廓落無依。本地靈明。毫髮不昧。若恁麼履踐。得到自

然一切時。合一切時。應了無纖毫許。作個障礙處。便能轉十聖向自己。背後方喚作衲僧。若也倚他門戶。取他處分。受他茶糊。豈不是瞎驢趁大隊。既然如是。畢竟如何。自是不歸。歸便得。五湖煙景。有誰爭。

示衆云。諸禪德。吞盡三世佛。底人爲甚麼。開口不得。照破四天下。底人爲甚麼。合眼不得。許多病痛。與爾一時拈却了也。且作麼生。得十成通暢去。還會麼。肇開華岳。連天秀放出。黃河到海流。

示衆云。以本際光。洗長夜暗。以法界智。破塵劫疑。生滅紛紛。而不至真淨之家。貪緣擾擾。而不到圓明之境。任他外變。獨我中虛。步入道寶。體亡幻事。所以古人道。有物先天地。無形本寂寥。能爲萬象主。不逐四時凋。且道是甚麼。良久云。鯨吞海水。盡露出珊瑚枝。示衆云。眞空不空。妙有不有。是萬化生法之根。卽二儀造化之母。方隅不可定。其居劫數不可窮。其壽門庭廓淨也。風色如秋。田地虛明也。月華如晝。達一念之未萌。在大功而莫守。五路頭木馬嘶鳴。四衢內石牛奔走。到處相逢到處。渠通身是眼。通身手。

示衆云一切色不爲眼礙。文殊門中發機。一切聲不爲耳礙。觀音門中透徹。一切用不爲身拘。一切應不爲事背。便是普賢門中出入。奪境也。如驢戲井。奪人也。如井觀驢。三千世界百億身。不用安排。只這是。

青原下第十五世

福州雪峰思慧禪師法嗣

臨安府淨慈道昌禪師。凡三湖州人也。示衆云。了得目前。不了生死。此人病在生死。了得生死。不了目前。此人病在目前。且道目前生死。一時了得。底人病在甚麼處。良久云。鴛鴦綉出從君看。莫把金針度與人。示衆云。只這裏蕩蕩地。幸自可憐生。因甚麼特地礙却。只爲備行時有箇行。見坐時有箇坐。見隱隱猶懷舊日嫌。若是覷得透。見得徹。撥正路頭。直饒隨風倒施。要且徧界不藏。且道不受移易一句。又作麼生。無底籃中提得起。莫密村裏不須尋。

示衆云。靈山會上。特地顛頂少室。峯前依前懍懼。何山門下。覷得。不覷。暗未免從頭算。箇五百文元來。是一貫。恁麼說話。且於衲僧門下。成得甚麼邊事。

須知穿耳客。不是刻舟人。

明州天童正覺禪師法嗣

臨安府淨慈慧暉禪師。凡四明州人也。示衆云。眞機獨立。卓爾不群。覷面無私。對揚有準。不墮諸緣之後。妙超造化之先。衆生背之。而逐浪迷源。諸佛證之。而截流到岸。設使波澄大海。風清而未許停舟。雲散長空。月朗而豈容披照。當陽顯赫大地。該通一句。全提十方。普應黃花翠竹。咸彰妙德。家風松韻。泉聲盡證圓通境界。直得恁麼。猶是門庭施設。止宿草庵入理深談。猶隔生在。所以道。任汝頭頭上了物物上。明只喚作了事。底人須知有尊貴處。事直饒如兩鏡相照。光影互融。亦只喚作光影邊事。更須知有到家時節。合作麼生。人歸大國。方成器水。到滄溟始是波。示衆云。巢知風穴。知雨甘草。甜黃連苦。不須計較。作商量。五五從來二十五。萬般施設。只如常。此是叢林飽參句。諸人還委恁麼。野老不知堯舜力。鑿鑿搥鼓祭江神。

示衆云。懸崖撒手。自肯承當。絕後再甦。欺君不得。若

向這裏見得便能全人。卽境全境。卽人人境。一如十方通徹。在一塵而見性。卽一性以全真。有時鬧市橫身。有時寒巖宴坐。有時賓中辨主。有時主中辨賓。有時賓主交參。有時主賓互用。諸人還相委悉麼。我是法中王。於法得自在。

示衆云。二千年前。吾佛世尊拈花示衆。唯有金色頭陀。破顏微笑。世尊云。吾以正法眼藏。涅槃妙心。分付摩訶大迦葉。自後通代。以心傳心。直指人心。見性成佛。譬如金翅鳥。扇開大海。直取龍吞。擬議不來。白雲萬里。唯在一念。自肯不落。意思不墮。情識德山棒。臨濟喝。竹韻松聲。驢鳴犬吠。莫不盡是發揚此事。自是諸人開眼尿床。對面蹉過。且道。諸訛有甚麼處。擲下拄杖云。三十年後。不得錯舉。

應化賢聖

佛陀波利尊者。游五臺到忻州。見一老人。問師甚麼處去。師云。臺山禮文殊去。老人云。大德見文殊。還識麼。尊者無對。

汾陽云。今日慶幸。

尊者到山下。又見一老人。問尊者何來。云。西天來。老人云。還將得佛頂尊勝經來麼。尊者云。不將得來。老人云。空來何益。尊者遂回。

明安云。當初下得甚麼語。得見文殊。不回西天。乃云。但展兩手似伊。

耶舍尊者。訪遠法師。遠問如何。是道師云。無人能會。云。此間有五百聽徒。其中碩學高流。豈無一人會師。微笑遠復問如何。是道師舉如意示之。云。見麼。遠云。見師云。見箇甚麼。遠云。見尊者手中如意。師將如意擲于地。云。還見麼。遠云。見師云。見箇甚麼。遠云。見尊者手中如意。墮地。師收起如意。云。見卽不見。還見麼。遠問措師。斥云。觀公見解。未出常流。何得名喧宇宙。乃拂衣上紫霄峰。

波羅提尊者。西天異見王。問何者是佛。師云。見性是佛。王云。師見性否。師云。我見佛性。王云。性在何所。師云。性在作用。王云。是何作用。我今不見。師云。今現作用。王自不見。王云。於我有否。師云。王若作用。無有不是。王若不用。體亦難見。王云。若常用時。幾處出現。師

云若出現時當有其八王云其八出現當爲我說師說偈云在胎曰身處世名人在眼曰見在耳曰聞在鼻嗅香在舌談論在手執捉在足運奔徧現俱該沙界收攝在一微塵識者知是佛性不識者喚作精魂王聞心悟作禮而謝

秦跋陀禪師問生法師講何經論生云大般若經師云作麼生說色空義云衆微聚曰色衆微無自性曰空師云衆微未聚喚作甚麼生罔措師又問別講何經論云大涅槃經師云如何說涅槃之義云涅槃而不生槃而不滅不生不滅故曰涅槃師云這箇是如來涅槃那箇是法師涅槃云涅槃之義豈有二耶某甲只如此未審禪師如何說涅槃師拈起如意云還見麼云見師云見箇甚麼云見禪師手中如意師將如意擲于地云見麼云見師云見箇甚麼云見禪師手中如意墮地師斥云觀公見解未出常流何得名喧宇宙拂衣而去其徒懷疑不已乃追師扣問我師說色空涅槃不契未審禪師如何說色空義師云不道汝師說得不是汝師只說得果上色空不會說得因

中色空其徒云如何是因中色空師云一微空故衆微空衆微空故一微空一微空中無衆微衆微空中無一微

汾陽代云休葛藤

南岳慧思禪師因誌公令人傳語云何不下山教化衆生目視雲漢作甚麼師云三世諸佛被我一口吞盡何處更有衆生可化

五祖戒云更說道理看

天台智顗禪師在南岳誦法華經至藥王品云是真精進是名眞法供養如來於是悟法華三昧獲旋陀羅尼見靈山一會儼然未散

妙喜云如今未獲旋陀羅尼者還見靈山一會否若見以何爲證若不見是真精進是名眞法供養如來只恁麼念過却成利法矣

天台豐干禪師因寒山問古鏡未磨時如何照燭師云水壺無影像猿猴探水月云此是不照燭也更請道看師云萬德不將來教我道甚麼寒山拾得二俱作禮而退



師欲游五臺問寒山拾得云汝共我去游五臺便是我同流若不共我去游五臺不是我同流山云爾去游五臺作甚麼師云禮文殊山云爾不是我同流大潯祐禪師作沙彌時往國清受戒寒山預知同拾得往松門接祐纔到二人從路傍跳出作大蟲吼三聲祐無對山云自從靈山一別迄至于今還記得麼祐亦無對拾得拈拄杖云爾喚這箇作甚麼祐又無對寒山云休休不用問他自別後已三生作國王來總忘却了也

先淨照禪師問楞嚴大師經中道若能轉物卽同如來若被物轉卽名凡夫只如昇元閣作麼生轉

汾陽代云彼此老大

金陵誌公和尚問一梵僧承聞尊者喚我作屠兒曾見我殺生麼云見師云有見見無見見不有不無見若有見見是凡夫見無見見是聲聞見不有不無見是外道見未審尊者如何見梵僧云爾有此等見耶

汾陽云不枉西來

師垂語云終日拈香擇火不知身是道場

玄沙云終日拈香擇火不知真箇道場  
雪竇云一對無孔鐵鎚

昭覺勤云終日拈香擇火不知拈香擇火  
明州布袋和尚嘗立通衢有僧問在這裏作甚麼師云等箇人來或云來也來也遂懷內取一橘子度與僧僧擬接師縮手云汝不是這箇人

僧問如何是祖師西來意師放下布袋叉手而立僧云只這箇別更有在師拈布袋上肩便行

師一日見僧在前行師驚撫其背僧回首師云把將一錢來

師或將布袋并破席一領於通衢往來布袋盛鉢孟木履魚肉菜飯瓦石土木諸般總有或於稠人中扞開布袋撒下物云看看又一一拈起問人云這箇喚作甚麼

婺州善慧大士梁武帝請講金剛經士纔陞座以尺揮按一下便下座帝愕然誌公云陛下還會麼帝云不會誌公云大士講經竟

白雲端云大士與誌公被梁皇一狀領過

雪竇頌云不向雙林寄此身却於梁土惹埃塵  
當時不得誌公老也是恹恹去國人

大士一日披衲頂冠報履朝見帝問是僧耶士以手指冠帝云是道耶士以手指報履帝云是俗耶士以手指衲衣

汾陽代云大士多能

大士有偈云夜夜抱佛眠朝朝還共起起坐鎮相隨語默同居止纖毫不相離如身影相似欲識佛去處

雪竇云三生六十劫祇這語聲是

玄沙云大小傳大士只認得箇昭昭靈靈

雪竇云天下衲僧跳不出直饒口挂壁上漢別有一竅勘過了打又云玄沙打草驚蛇

泗州大聖或問師何姓師云姓何或云何國人師云何國人

無著和尚往臺山文殊相迎次問大德何方而來師云南方云南方佛法如何住持師云末法比丘少奉戒律云多少衆師云或三百或五百師却問和尚此間佛法如何住持殊云凡聖同居龍蛇混雜師云多

少衆殊云前三三後三三

汾陽代云識得價

雪竇頌云千峰盤屈色如藍誰謂文殊是對談堪笑清涼多少衆前三三與後三三

文殊與師喫茶次拈起玻璃盞問南方還有這箇麼師云無殊云尋常將甚麼喫茶師無對

長慶稜云若恁麼癡客勸主人

師觀日色稍晚遂問文殊擬投一宿得否殊云汝有執心在不得宿師云某甲無執心殊云汝曾受戒否師云受戒久矣殊云爾若無執心何用受戒師辭退均提童子送師出門師問童子和尙適來道前三三後三三是多少童子召大德師回首童子云是多少

洞山云欲觀前人先觀所使

師見寺無額問童子此寺名甚麼童子以手指金剛背後云看師回首化寺乃隱

師游五臺逢一老人師問莫是文殊麼云豈有二文殊師纔作禮老人忽然不見

趙州代云文殊文殊天衣懷云無著只有先

鋒且無殿後老人若不隱去有甚面目見無著公期和尙因往羅漢路逢一騎牛公子師問羅漢路向甚麼處去公拍牛云道道師喝云這畜生公云羅漢路向甚麼處去師却拍牛云道道公云直饒恁麼猶少蹄角在師便打公子拍牛便走

紙衣道者曹山問師莫是紙衣道者麼師云不敢山云如何是紙衣下事師云一裘纔挂體萬法悉皆如山云如何是紙衣下用師近前應諾便立脫去山云汝只解恁麼去且不解恁麼來師忽開眼問一靈真性不假胞胎時如何山云未是妙師云如何是妙山云不借借師便珍重却坐脫山乃有頌云覺性圓明無相身莫於知見強疎親念與便於立體昧心差不與道相隣情分萬法沉前境識鑑多端喪本真如是句中全曉會了然無事舊時人

寒山因衆僧炙茄次將串茄向一僧背上打一下僧回首山呈起茄串云是甚麼僧云這風顛漢山向傍僧云偏道這僧費却我多少鹽醋  
寒山因趙州游天台路次相逢山見牛跡問州云上

座還識牛麼州云不識山指牛跡云此是五百羅漢游山州云既是羅漢爲甚麼却作牛去山云蒼天蒼天州呵呵大笑山云作甚麼州云蒼天蒼天山云這斯兒宛有大人之作

拾得一日掃地寺主問汝名拾得因豐干拾得汝歸汝畢竟名甚麼姓甚麼拾得放下掃帚叉手而立主再問拾得拈掃帚掃地而去寒山提督云蒼天蒼天拾得云作甚麼山云不見道東家人死西家人助哀二人作舞笑哭而去

拾得見國清半月念戒衆集拾得拍手云聚頭作想那事如何維那叱之得云大德且住無瞋卽是戒心淨卽出家我卽與爾合一切法無差

錢塘將使在界上爲鎮使每問僧若相契卽留止宿一日有二僧來使問甚處來云江西馬大師處來使問有何言句云卽心是佛使便揖出又問次僧僧云非心非佛使亦揖出

洪州許式郎中與上藍薄泐潭澄二師話次澄云承聞郎中有云夜坐連雲石春栽帶雨松當時答洞山

甚麼話許云今日放衙澄云聞說是答泗州大聖在  
楊州出現底話是否許云別點茶來澄云名不虛得  
元來是作得主許云和尚早晚回山澄云今日被上  
藍觀破藍便喝澄云須是懶始得許云無奈缸何打  
破辱斗

郎中入上藍問首座年多少座云六十八許云僧臘  
多少座云四十七夏許云聖僧得幾夏座云與虎空  
同受戒許拍板頭云下官喫飯不似首座喫鹽多  
大宋太宗皇帝問僧看甚麼經云仁王經帝云既是  
寡人經因甚麼在卿手裏僧無對

雪竇代云皇天無親惟德是輔

帝幸開寶塔問僧卿是何人云塔主帝云寡人塔爲  
甚麼卿作主僧無對

雪竇代云蓋國咸知

帝因僧朝見乃問卿是甚麼處僧云廬山臥雲庵帝  
云臥雲深處不朝天爲甚到此僧無對

雪竇代云難逃至化

帝夢神人報云請陛下發菩提心帝早朝宣問左右

街云菩提心作麼生發俱無對

雪竇代云實謂今古罕聞

有僧朝見云陛下還記得臣僧麼帝云甚處相見來  
云廬山一別直至如今帝云卿以何爲驗僧無對

雪竇代云貧道得得而來

帝因僧奏燒却藏經欲乞宣賜帝問昔日摩騰不燒  
如今爲甚麼却燒僧無對

雪竇代云陛下不忘付囑

亡名尊宿

昔有一老宿一夏不爲師僧說話有僧嘆云我只恁  
麼空過一夏不敢望和尚說佛法得聞正因兩字也  
得老宿聞乃云闍梨莫斯速若論正因一字也無道  
了叩齒云適來無端不合與麼道隣壁有不老宿聞  
云好一釜羹被一顆鼠糞汚却

雪竇代云誰家釜裏無一兩顆

昔有一老宿住庵於門上書心字於牕上書心字於  
壁上書心字

法眼云門上但書門字牕上但書牕字壁上但

書壁字 玄覺云門上不要書門字。牕上不要

書牕字。壁上不要書壁字。

昔有二菴主住庵旬日不相見。忽相會上庵主問下菴主多時不相見。在甚麼處。去下菴主云在菴中造箇無縫塔。上菴主云某甲也要造一箇。就兄借取塔樣子下庵主云何不早說。恰被人借去了也。

法眼云且道是借他樣。不借他樣。

昔有老宿云。祖師九年面壁。爲訪知音。若恁麼會得。喫鐵棒有日。在又一老宿云。祖師九年面壁。何不慚惶。若恁麼會得。更買草鞋行脚三十年。

瑯琊覺云。既不然。且道祖師面壁。意作麼生。良久云。欲得不招無間業。莫謗如來正法輪。

昔有老宿畜一童子。前不知軌則。有一行脚僧到。乃教童子禮儀。晚間見老宿外歸。遂去問訊。老宿怪訝。遂問童子云。何誰教爾童子云。堂中某上座老宿喚其僧來。問上座傍家行脚。是甚麼心行。這童子養來二三年了。幸自可憐生。誰教上座教壞。伊快束裝起去。黃昏雨淋淋地。被越出。

法眼云。古人恁麼顯露些子家風。甚怪。且道意在於何。

昔有一行者。隨法師入佛殿。行者向佛吐唾。法師云。行者少去。就何以唾。佛者云。將無佛處來。與某甲唾。法師無對。

仰山代法師。但唾行者。待他有語。却向他道。還我無行者處來。

昔有僧到曹溪。時守衣鉢僧提起衣云。此是大庾嶺頭。提不起底。僧云。爲甚麼在上座手裏。僧無對。雲門云。彼此不了。又云。將謂是師子兒。

昔有一僧去覆紅路。逢一賣鹽翁。僧問覆紅路向甚麼處去。翁良久。僧再問。翁云。憐患。那僧云。爾向我道甚麼。翁云。向爾道覆紅路。僧云。翁莫會禪麼。翁云。莫道會禪佛法也。會盡僧云。爾試說看。翁挑起鹽籃。僧云。難翁云。爾喚這箇作甚麼。僧云。鹽翁云。有甚麼交涉。僧云。爾喚作甚麼。翁云。不可更向爾道是鹽。昔有婆子供養一庵主。經二十年。常令一二人女子送飯給侍。一日令女子抱定云。正恁麼時。如何。主云。



枯木倚寒巖。三冬無暖氣。女子舉似婆婆。云我二十年只供養得箇俗漢。遂遣出燒却庵。

昔有一僧參米胡路逢一婆住庵。僧問婆有眷屬否。云有。僧云在甚麼處。云山河大地若草若木皆是我眷屬。僧云婆莫作師姑來否。云汝見我是甚麼僧。云俗人婆云汝不可是僧。僧云婆莫混濫佛法好。婆云我不混濫佛法。僧云汝恁麼豈不是混濫佛法。婆云。偏是男子。我是女人。豈會混濫。

昔南泉典座。辨兩分食。詣園管待。園頭食時展鉢次。忽有念佛鳥鳴。園頭乃敲枕頭一下。鳥又鳴。頭又敲一下。鳴既住。園頭云。會麼。座云。不會。頭又敲一下。

鹽官會下有一主事僧。見一鬼使來追僧云。某甲身充主事。未暇修行。乞容七日。得否。使云待我白王若許。七日後來。不然。須臾便至。言訖不見。七日後來。覓其僧了。不可得。後有僧問一僧云。忽然覓著時如何。抵擬他僧無對。

洞山云。被他覓得也。

昔鴻山有一僧下山。覓住處偶宿。一行者家者問上

座何處去。云覓箇住處者。書佛字問這箇是甚麼字。云佛字者。却喚妻子問。是甚麼字。妻云佛字者。云上座與拙室見解一般。爭解住得其僧却回。鴻山。昔有一僧到翠巖相看。值巖不在。遂下看主事。事云見和尚也未。云未。主事指狗子云。上座要見和尚。但禮拜這狗子。僧無語。後翠巖歸。聞乃云作麼生。免得與麼無語。

雲門云。欲觀其師。先觀弟子。

妙喜云。當時若作這僧。便禮狗子一拜。

昔有一婆入趙州僧堂云。這一堂師僧總是婆生。只有大底孩兒。五逆不孝。州纔顧視婆便出去。

昔有一道士背佛而坐。僧問道流。莫背佛道云。大德本教道佛身。充滿於法界。教我向甚麼處坐。即得其僧無對。

昔有一僧還魂云。冥中見地藏問。偏平生修何行業。云念法華經。藏云。止。止。不須說。我法妙難思。僧無對。昔有一僧問一老宿云。師子捉象。全其力。捉兔亦全其力。未審全箇甚麼力。老宿云。不欺之力。

昔有施主入寺行衆僧隨年錢知事云聖僧前著一分施主云聖僧年多少僧無對

法眼代云心期滿處即知

昔有一老宿不赴堂侍者來請赴堂宿云我今日在莊喫油糍飽者云和尚不曾出入宿云爾但去問取莊主者方出門忽見莊主歸謝和尚到莊喫油糍妙喜頌云和尚不赴堂莊主謝臨屈一字入公門九牛車不出

昔廣南有一僧住庵偶大王出獵吏人報云庵主大王來請起身主云非但大王來佛來亦不起王問佛豈不是卿師主云是王云見師爲甚麼不起僧無對

法眼代云未足酬恩

昔有一官人作無鬼論中夜揮毫忽見一鬼出云汝道無我寧官無語

五祖演代但以手作鵲鳩背云谷谷孤

昔有老宿問一座主疏鈔解義廣略如何主云鈔解疏疏解經宿云經解甚麼主無對

昔有僧路行見魚死水中乃問魚以水爲命爲甚麼

却向水中死竟無對者

昔高麗國來錢塘刻觀音像昇上缸竟不能動遂請入明州開元寺供養後有僧問無利不現身因甚麼不去高麗國

長慶稜云現身雖普觀相生偏

昔有座主常念彌陀號有小師喚云和尚主回首小師不顧如是數四主叱之小師云和尚幾年喚他即得某甲纔喚便惡發

聯燈會要卷第二十九

聯燈會要卷第三十

住泉州崇福禪寺嗣祖比丘 悟明 集

傳大士心王銘

觀心空王 微妙難惻 無形無相 有大神力  
能滅千災 成就萬德 體性雖空 能施法則  
觀之無形 呼之有聲 爲大法將 心戒傳經  
水中鹽味 色裏膠青 決定是有 不見其形

心王亦爾	身內居停	面門出入	應物隨情
自在無礙	所作皆成	了本識心	識心見佛
是心是佛	是佛是心	念念佛心	佛心念佛
欲得早成	戒心自律	淨律淨心	心即是佛
除此心王	更無別佛	欲求成佛	莫染一物
心性雖空	貪瞋體實	入此法門	端坐成佛
到彼岸已	得波羅蜜	慕道真士	自觀自心
知佛在內	不向外尋	卽心卽佛	卽佛卽心
心明識佛	曉了識心	離心非佛	離佛非心
非佛莫測	無所堪任	執空滯寂	了此漂沉
諸佛菩薩	非此安心	明心大士	悟此玄音
身心性妙	用無更改	是故智者	放心自在
莫言心王	空無體性	能使色身	作邪作正
非有非無	隱顯不定	心性離空	能凡能聖
是故相勸	好自防慎	剎那造作	還復漂沉
清淨心智	如世黃金	般若法藏	並在身心
無爲法寶	非淺非深	諸佛菩薩	了此本心
有緣遇者	非去來今		

誌公和尚十二時歌

平日寅	勤苦已經無量劫	不信常擎如意珍	但有纖毫卽是塵	外來知識也非真	用處不須生善巧	起意便遭魔境撓	日夜被他人我拗	何曾心地生煩惱	無明本是釋迦身	只麼忙忙受苦辛	只是他家染汙人	問取虛空始出塵	未了之人教不至	莫向心頭安了義	認著依前還不是	願劫不遭魔境撓	四大身中無價寶	
日南午	若捉物	入迷津	不住舊時無相貌	日出卯	縱使神光照有無	若施功	終不了	不用安排只麼從	食時辰	坐臥不知元是道	認聲色	覓疎親	若擬將心求佛道	禺中巳	假饒通達祖師言	只守玄	沒文字	暫時自肯不追尋

陽焰空花不肯拋

作意修行轉辛苦

不會迷 莫求悟

任爾朝陽幾回暮

有相身中無相身

無明路上無生路

日昧未

心地何曾安了義

他家文字沒踪親

莫起工夫求的意

任縱橫 絕忌諱

長在人間不居止

運用不離聲色中

歷劫何曾暫拋棄

晡時申

學道先須不厭貧

有相本來權積聚

無形何用要安真

作淨潔 却勞神

莫認愚癡作近隣

言下不求無處所

暫時喚作出家人

日入酉

虛幻聲音終不久

禪悅珍羞尚不捨

誰能更飲無明酒

沒可拋 無物守

蕩蕩逍遙不曾有

縱爾多聞達古今

也是癡狂外邊走

黃昏戌

狂子施功投暗室

假使心通無量時

歷劫何曾異今日

擬商量 却嗽唧

轉使心頭黑似漆

晝夜舒光照有無

癡人喚作波羅蜜

人定亥

勇猛精進成懈怠

不起纖毫修學心

無相光中常自在

超釋迦 越祖代

心有微塵還望礙

放蕩長如癡兀人

他家有通人愛

夜半子

心住無生即生死

生死何曾屬有無

用時使用無文字

祖師言 外邊事

識取起時還不是

作意搜求實沒蹤

生死魔來任相試

雞鳴丑

一顆圓光明已久

內外推尋覓總無

境上施爲渾大有

不見頭 亦無手

世界壞時渠不朽

未了之人聽一言

只這如今誰動口

誌公和尚十四科

善提煩惱不二

衆生不解修道

便欲斷除煩惱

煩惱本來空寂

將道更欲覓道

一念之心即是

何須別處尋討

大道曉在目前

迷倒愚人不了

佛性天真自然

亦無因緣修造

不識三毒虛假

妄執浮沉生老

昔時迷日爲晚

今日始覺非早

持犯不二

丈夫運用無礙

不爲戒律所制

持犯本自無生

愚人被它禁繫

智者造作皆空

聲聞觸途成滯

大士肉眼圓通

二乘天眼有翳

空中妄執有無

不達色心無礙

菩薩與俗同居

清淨曾無染世

愚人貪著涅槃

智者生死實際

法性空無言說

緣起略爲茲偈

百歲無智小兒

小兒有智百歲

佛與衆生不二

衆生與佛無殊

大智不異於愚

何須向外求寶

身田自有明珠

正道邪道不二

了知凡聖同途

迷悟本無差別

涅槃生死一如

究竟諸緣空寂

惟求意想清虛

無有一法可得

脩然自入無餘

理事不二

心王自在脩然

法性本無十纏

一切無非佛事

何須攝念坐禪

妄想本來空寂

不用斷除攀緣

智者無心可得

自然無爭無喧

不識無爲大道

何時得證幽玄

佛與衆生一種

衆生卽是世尊

凡夫妄生分別

無中執有迷奔

了達貪瞋空寂

何處不是眞門

靜亂不二

聲聞厭喧求靜

猶如棄麵求餅

餅卽從來是麵

造作隨人百變

煩惱卽是菩提

無心卽是無境

生死不異涅槃

貪瞋如焰如影

智者無心求佛

愚人執邪執正



徒勞空過一生

不見如來妙頂

了達姪慾性空

鑊湯爐炭自冷

善惡不二

我自身心快樂

隨然無善無惡

法身自在無方

觸目無非正覺

六塵本來空寂

凡夫妄生執著

涅槃生死空平

四海阿誰厚薄

無爲大道自然

不用將心畫度

菩薩散誕靈通

所作常合妙覺

聲聞執法坐禪

如蠶吐絲自縛

法性本來圓明

病愈何須執藥

了知諸法平等

恬然清虛快樂

色空不二

法性本無青黃

衆生謾造文章

吾我說他止觀

自意擾擾顛狂

不識圓通妙理

何時得會眞常

自疾不能治療

却教他人藥方

外看將謂是善

心內猶若豺狼

愚人畏其地獄

智者不異天堂

對境心常不起

學足皆是道場

佛與衆生不二

衆生自作分張

若欲除却三毒

還逼不離災殃

智者知心是佛

愚人樂往西方

生死不二

世間諸法如幻

生死猶如雷電

法身自在圓通

出入山河無間

顛倒妄想本空

般若無迷無亂

三毒本自解脫

何須攝念禪觀

只爲愚人不了

從他戒律決斷

不識寂滅眞如

何時得登彼岸

智者無惡可斷

運用隨心合散

法性本來空寂

不爲生死所絆

若欲斷除煩惱

此是無明癡漢

煩惱卽是菩提

何用別求禪觀

實際無佛無魔

心體無形無段

斷除不二

丈夫運用堂堂  
一切不能爲害  
不著二邊中道  
五欲貪瞋是佛  
愚人妄生分別  
智者達色無礙  
法性本無瑕翳  
如來引接迷愚  
彌勒身中自有  
棄却真如佛像  
聲聞心中不了  
言章本非眞道  
心裏蛇蝎蝮蝎  
不解文中取義  
死入無間地獄  
眞俗不二  
法師說法極好  
口談文字化他

逍遙自在無妨  
堅固猶如金剛  
脩然非斷非常  
地獄不異天堂  
流浪生死猖狂  
聲聞無不惛惶  
衆生妄執青黃  
或說地獄天堂  
何須別處思量  
此人卽是顛狂  
唯只聽逐言章  
轉加鬭爭剛強  
螫著便卽遭傷  
何時得會眞常  
神識枉受災殃  
心中不離煩惱  
轉更增他生老

眞妄本來不二  
四衆雲集聽講  
南座北座相爭  
雖然口談甘露  
自己元無一錢  
恰似無智愚人  
心中三毒不捨  
解縛不二  
律師持律自縛  
外作威儀恬靜  
不駕生死紅筏  
不解眞宗正理  
有二比丘犯律  
優波依律說罪  
方丈室中居士  
優波默然無對  
而彼戒性如虛  
勸除生滅不肯

凡夫棄妄覓道  
高座談議浩浩  
四衆爲言爲好  
心裏尋常枯燥  
日夜數他珍寶  
棄却眞金擔草  
未審何時得道  
自縛亦能縛他  
心內恰似洪波  
如何渡得愛河  
邪見言辭繁多  
便却往問優波  
轉增比丘網羅  
維摩便卽來呵  
淨名說法無過  
不在內外婆娑  
忽悟還同釋迦

境照不二

禪師體離無明	煩惱從何處生
地獄天堂一相	涅槃生死空名
亦無貪瞋可斷	亦無佛道可成
衆生與佛平等	自然智者惺惺
不爲六塵所染	句句獨契無生
正覺一念玄解	三世坦然皆平
非法非律自制	儼然直入圓成
絕此四句百非	如空無作無依
運用無礙	
我今滔滔自在	不羨王公卿宰
四時猶若金剛	昔樂心常不改
法寶喻於須彌	智慧廣於江海
不爲八風所牽	亦無精進懈怠
任性浮沉若顛	散誕縱橫自在
遮莫刀劍臨頭	我自安然不采
迷悟不二	
迷時以空爲色	悟卽以色爲空

迷悟本無差別

色空究竟還同

愚人喚南作北

智者達無西東

欲覓如來妙理

常在一念之中

陽燄本非其水

渴鹿狂越忽忽

自身虛假不實

將空更欲覓空

世人迷倒至甚

如犬吠雷狂狂

三祖璨大師信心銘

至道無難	唯嫌揀擇	但莫憎愛	洞然明白
毫釐有差	天地懸隔	欲得現前	莫存順逆
違順相爭	是爲心病	不識玄旨	徒勞念靜
圓同太虛	無欠無餘	良由取捨	所以不如
莫逐有緣	勿住空忍	一種平懷	泯然自盡
止動歸止	止更彌動	唯滯兩邊	寧知一種
一種不通	兩處失功	遣有沒	從空背空
多言多慮	轉不相應	絕言絕慮	無處不通
歸根得旨	隨照失宗	須臾返然	勝却前空
前空轉變	皆由妄見	不用求真	唯須息見
二見不住	慎莫追尋	纔有是非	紛然失心

二由一有	一亦莫守	一心不生	萬法無咎
無咎無法	不生不心	能由境滅	境逐能沉
境由能境	能由境能	欲知兩段	元是一空
一空同兩	齊含萬象	不見精靈	寧有偏黨
大道體寬	無易無難	小見狐疑	轉急轉遲
執之失度	必入邪路	放之自然	體無去住
任性合道	逍遙絕惱	緊念乖真	昏沉不好
不好勞神	何用疎親	欲取一乘	勿惡六塵
六塵不惡	還同正覺	智者無爲	愚人自縛
法無異法	妄生愛著	將心用心	豈非大錯
迷生寂亂	悟無好惡	一切二邊	良由斟酌
夢幻空花	何勞把握	得失是非	一時放却
眼若不睡	諸夢自除	心若不異	萬法一如
一如體立	元爾忘緣	萬法齊觀	歸復自然
泯其所以	不可方比	止動無動	動止無止
兩既不成	一何有爾	究竟窮極	不存軌則
契心平等	所作俱息	狐疑盡淨	正信調直
一切不留	無可記憶	虛明自照	不勞心力

非思量處 識情難測 眞如法界 無他無自  
 要急相應 唯言不二 不二皆同 無不包容  
 十方智者 皆入此宗 宗非促延 一念萬年  
 無在不在 十方目前 極小同大 忘絕境界  
 極大同小 不見邊表 有即是無 無即是有  
 若不如是 必不須守 一卽一切 一切卽一  
 但能如是 何慮不畢 信心不二 不二信心  
 言語道斷 非去來今

永嘉眞覺大師證道歌

君不見絕學無爲閑道人 不除妄想不求眞  
 無明實性卽佛性 幻化空身卽法身  
 法身覺了無一物 本源自性天真佛  
 五陰浮雲空去來 三毒水泡虛出沒  
 證實相 無人法 剎那滅却阿鼻業  
 若將妄語誑衆生 自招拔舌塵沙劫  
 頓覺了 如來禪 六度萬行體中圓  
 夢裏明明有六趣 覺後空空無大千  
 無罪福 無損益 寂滅性中莫問覓

比來塵鏡未曾磨	今日分明須剖析
誰無念 誰無生	若實無生無不生
喚取機關木人問	求佛施功早晚成
放四大 莫把捉	寂滅性中隨飲啄
諸行無常一切空	卽是如來大圓覺
決定說 表真乘	有人不肯任情徵
直截根源佛所印	摘葉尋枝我不能
摩尼珠 人不識	如來藏裏親取得
六般神用空不空	一顆圓光色非色
淨五眼 得五力	唯證乃知難可測
鏡裏看形見不難	水中捉月爭拈得
常獨行 常獨步	達者同游涅槃路
調古神清風自高	貌悴骨剛人不顧
窮釋子 口稱貧	實是身貧道不貧
貧則身常披縷褐	道則心藏無價珍
無價珍 用無盡	利物應時終不吝
三身四智體中圓	八解六通心地印
上士一決一切了	中下多聞多不信

但自懷中解垢衣	誰能向外誇精進
從他謗 任他非	把火燒天徒自疲
我聞恰似飲甘露	銷融頓入不思議
觀惡言 是功德	此則成吾善知識
不因訕謗起冤親	何表無生慈忍力
宗亦通 說亦通	定慧圓明不滯空
非但我今獨達了	恒沙諸佛體皆同
師子吼 無畏說	百獸聞之皆腦裂
香象奔波失却威	天龍寂聽生欣悅
游江海 涉山川	尋師訪道爲參禪
自從認得曹谿路	了知生死不相干
行亦禪 坐亦禪	語默動靜體安然
縱遇鋒刀常坦坦	假饒毒藥也閑閑
我師得見然燈佛	多劫曾爲忍辱仙
幾回生 幾回死	生死悠悠無定止
自從頓悟了無生	於諸榮辱何憂喜
入深山 住蘭若	岑峯幽邃長松下
優游靜坐野僧家	閑寂安居實瀟灑



覺卽了	不施功	一切有爲法不同
住相布施生天福	猶如仰箭射虛空	
勢力盡	箭還墜	招得來生不如意
爭似無爲實相門	一超直入如來地	
但得本	莫愁末	如淨琉璃含寶月
既能解此如意珠	自利。他終不竭	
江月照	松風吹	永夜清霄何所爲
佛性戒珠心地印	霧露雲霞體上衣	
降龍鉢	解虎錫	兩鉗金銀鳴歷歷
不是標形虛事持	如來寶杖親蹤跡	
不求眞	不斷妄	了知二法空無相
無相無空無不空	卽是如來眞實相	
心鏡明	鑑無礙	廓然瑩徹周沙界
萬象森羅影現中	一顆圓光非內外	
豁達空	撥因果	潏潏蕩蕩招殃禍
棄有著空病亦然	還如避溺而投火	
捨妄心	取眞理	取捨之心成巧僞
學人不了用修行	眞成認賊將爲子	

損法財	滅功德	莫不由斯心意識
是以禪門了却心	頓入無生知見力	
大丈夫	秉慧劍	般若鋒兮金剛燄
非但能摧外道心	早曾落却天魔膽	
震法雷	擊法鼓	布慈雲兮洒甘露
龍象蹴踏潤無邊	三乘五性皆惺悟	
雪山肥膩更無雜	純出醍醐我常納	
一性圓通一切性	一法徧含一切法	
一月普現一切水	一切水月一月攝	
諸佛法身入我性	我性同共如來合	
一地具足一切地	非色非心非行業	
彈指圓成八萬門	刹那滅却三祇劫	
一切數句非數句	與吾靈覺何交涉	
不可毀	不可讚	體持虛空沒涯岸
不離當處常湛然	覓卽知君不可見	
取不得	捨不得	不可得中只麼得
默時說	說時默	大施門開無壅塞
有人問我解何宗	報道摩訶般若力	

或是或非人不識

逆行順行天莫測

吾早曾經多劫修

不是等閑相誑惑

建法幢 立宗旨

明明佛勅曹溪是

第一迦葉首傳燈

二十八代西天記

法東流 入此土

菩提達磨爲初祖

六代傳衣天下聞

後人得道何窮數

眞不立 妄本空

有無俱遣不空空

二十空門元不著

一性如來體自同

心是根 法是塵

兩種猶如鏡上痕

痕垢盡除光始現

心法雙亡性卽眞

嘆末法 惡時世

衆生薄福難調制

去聖遠兮邪見深

魔强法弱多冤害

聞說如來頓教門

恨不滅除令瓦碎

作在心 殃在身

不須冤訴更尤人

欲得不招無間業

莫謗如來正法輪

旃檀林 無雜樹

鬱密深沉師子住

境靜林閒麝自游

走獸飛禽皆遠去

獅子兒 衆隨後

三歲便能大哮吼

若是野豸逐法王

百年妖怪虛開口

圓頓教 沒人情

有疑不決直須爭

不是山僧逞人我

修行恐落斷常坑

非不非 是不是

差之毫釐失千里

是卽龍女頓成佛

非卽善星生陷墜

吾早年來積學問

亦曾討疏尋經論

分別名相不知休

入海算沙徒自困

却被如來苦呵責

數他珍寶有何益

從來蹭蹬覺虛行

多年枉作風塵客

種性邪 錯知解

不達如來圓頓制

二乘精進沒道心

外道聰明無智慧

亦愚癡 亦小駭

空拳指上生實解

執指爲月枉施功

根境法中虛捏怪

不見一法卽如來

方得名爲觀自在

了卽業障本來空

未了還須償宿債

飢逢王膳不能飡

病遇醫王爭得瘥

在欲行禪知見力

火中生蓮終不壞

勇施犯重悟無生

早時成佛于今在

師子吼 無畏說 深嗟懵懂頑皮粗  
 只知犯重障菩提 不見如來開秘訣  
 有二比丘犯姪殺 波離螢光增罪結  
 維摩大士頓除疑 猶如赫日銷霜雪  
 不思議 解脫力 妙用恒沙也無極  
 四事供養敢辭勞 萬兩黃金亦銷得  
 粉骨碎身未足酬 一句了然超百億  
 法中王 最高勝 恒沙如來同共證  
 我今解此如意珠 信受之者皆相應  
 了了見 無一物 亦無人 亦無佛  
 大千沙界海中漚 一切聖賢如電拂  
 假使鐵輪頂上旋 定慧圓明終不失  
 日可冷 月可熱 衆魔不能壞眞說  
 象駕崢嶸謾進途 誰見螳螂能拒轍  
 大象不游於兔徑 大悟不拘於小節  
 莫將管見謗蒼蒼 未了吾今爲君決

石頭和尚參同契

竺土大僊心 東西密相付 人根有利鈍

道無南北祖 靈源明皎潔 枝派暗流注  
 執事元是迷 契理亦非悟 門門一切境  
 回互不回互 回而更相涉 不爾依位住  
 色本殊質像 聲元異樂苦 暗合上中言  
 明明清濁句 四大性自復 如子得其母  
 火熱風動搖 水濕地堅固 眼色耳音聲  
 鼻香舌鹹醋 然於一一法 依根葉分布  
 本末須歸宗 尊卑用其語 當明中有暗  
 勿以暗相遇 當暗中有明 勿以明相覩  
 明暗各相對 比如前後步 萬物自有功  
 當言用及處 事存函蓋合 理應箭鋒拄  
 承言須會宗 勿自立規矩 觸目不會道  
 運足焉知路 進步非遠近 迷隔山河固  
 謹白參立人 光陰莫虛度

石頭和尚草庵歌

吾結草庵無寶貝 飯了從容圖睡快  
 成時初見茅草新 破後還將茅草蓋  
 住庵人 鎮長在 不屬中間與內外

世人住處我不住

世人愛處我不愛

庵雖小 含法界

万丈老人相體解

上乘菩薩信無疑

中下聞之必生怪

問此庵 壞不壞

壞與不壞主元在

不居南北與東西

基上堅牢以爲最

青松下 明窻內

玉殿朱樓未爲對

衲帔蒙頭萬事休

此時山僧都不會

住此庵 休作解

誰誇鋪席圖人買

回光返照便歸來

廓達靈根非向背

遇祖師 親訓誨

結草爲庵莫生退

百年拋却任縱橫

擺手便行且無罪

千種言 萬般解

只要教君長不昧

欲識庵中不死人

豈離如今遮布袋

### 僧亡名息心銘

隋右拾遺弄官爲僧名曰亡名

法界有如意寶人焉久緘其身銘其膺曰古之攝心人也戒之哉戒之哉無多知無多慮多知多事不如息意多慮多失不如守一慮多志散知多心亂心亂

生惱志散妨道勿謂何傷其苦悠長勿言何畏其禍

鼎沸滴水不停四海將盈纖塵不拂五嶽將成防末

在本雖小不輕關汝七竅閑爾六情莫視於色莫聽

於聲聞聲者還見色者盲一文一藝空中蚊蚋一伎

一能日下孤燈英賢才藝是爲愚蔽捨棄淳朴耽溺

淫麗譏馬易奔心猿難制神既勞役形必損斃邪行

終迷脩途永泥莫貴才能日益昏瞢誇拙羨巧其德

不弘名厚行薄其高速崩內懷懦伐外致怨憎或談

於口或書於手邀人令譽亦孔之醜凡謂之吉聖謂

之咎賞翫暫時悲哀長久畏影畏跡逾遠逾極端坐

樹陰跡滅影沉獸生患老隨思隨造心想若滅生死

長絕不死不生無相無名一道虛寂萬物齊平何貴

何賤何辱何榮何勝何劣何重何輕澄天愧淨皎日

慙明安夫岱嶺同彼金城敬貽賢哲斯道利貞

### 趙州和尚十二時歌

鷄鳴丑

愁見起來成漏逗

裙子褊衫箇也無

袈裟形相些些有

視無腰 袴無口

頭上青灰三五斗

比望修行利濟人

誰知變作不唧啞

平日寅

荒村破院實難論

解齋粥米全無粒

空對閑牕與隙塵

唯雀噪 勿人親

獨坐時間落葉頻

誰道出家憎愛斷

思量不覺淚沾巾

日出卯

清淨却翻爲煩惱

有爲功德被塵漫

無限田地未曾掃

攢眉多 稱心少

耐耐東村黑王老

供利不曾將得來

放驢喫我堂前草

食時辰

煙火徒勞望四隣

饅頭餛子前年別

今日思量空蘸津

持念少 嗟嘆頻

一百家中無善人

來者只道覓茶喫

不得茶嚙去又瞋

禺中已

削髮那知到如此

無端被請作村僧

屈辱飢懷受欲死

胡張三 黑李四

恭敬不曾生些子

適來忽爾到門頭

唯道借茶兼借紙

日南午

茶飯輪環無定度

行却南家到北家

果至北家不推註

苦沙鹽 大麥醋

蜀黍米飯蓋高苳

唯稱供養不等閑

和尚道心須堅固

日跌未

這回不踐光陰地

曾聞一飽忘百飢

今日老僧身便是

不習禪 不論義

鋪箇破席日裏睡

想料上方兜率天

也無如此日炙背

哺時申

也有燒香禮拜人

五箇老婆三箇癩

一雙面子黑數皴

油麻茶 實是珍

金剛不用苦張筋

願我來年蠶麥熟

羅喉羅兒與一文

日入酉

除却荒涼更何守

雲水高流定委無

歷寺沙彌鎮長有

出格言 不到口

枉續牟尼子孫後

一條拄杖蠹爛梨

不但登山兼打狗

黃昏戌

獨坐一間空暗室

陽燄燈光永不逢

眼前純是金州漆

鍾不聞 虛度日

唯聞老鼠鬧唧唧



憑何更得有心情 思量念箇波羅蜜

人定亥 門前明月誰人愛

向裏惟愁臥去時 勿箇衣裳著甚蓋

劉維那 趙五戒 口頭說善甚奇怪

任懶山僧囊罄空 問著都緣總不會

半夜子 心境何曾得暫止

思量天下出家人 似我住持能有幾

土榻床 破蘆簾 老榆木枕全無被

尊像不燒安息香 灰裏唯聞牛糞氣

羅漢琛禪師明道頌

至道淵曠 勿以言宣 言宣非旨 孰云有是

觸處皆渠 豈喻真虛 真虛設辨 如鏡中現

有無雖彰 在處無傷 無傷無在 何拘何闕

不假功成 將何法爾 法爾不爾 俱爲唇齒

若以斯陳 理沒宗旨 宗非意陳 無以見聞

見聞不脫 如水中月 於此不明 翻爲剎法

一法有形 翳汝眼睛 眼睛不明 世界蜚蝶

我宗奇特 當陽顯赫 佛及衆生 皆承恩力

不在低頭 思量難得 拶破面門 覆蓋乾坤

快須薦取 脫却根塵 其如不曉 謾說如今

同安察禪師十玄談

心印

問君心印作何頭 心印何人敢授傳

歷劫坦然無異色 呼爲心印早虛言

須知體自虛空性 將喻紅爐火裏蓮

勿謂無心云是道 無心猶隔一重關

祖意

祖意如空不是空 靈機爭墮有無功

三賢尙不明斯旨 十聖那能達此宗

透網金鱗猶滯水 回途石馬出鈔籠

慇懃爲說西來意 莫問西來及與東

立機

迢迢空劫勿能收 豈與塵機作繫留

妙體本來無處所 通身何更有蹤由

靈然一句超群衆 迥出三乘不假修

撒手那邊千聖外 回程堪作火中牛

塵異

濁者自濁清者清  
誰言卞璧無人鑒  
萬法泯時全體現  
丈夫自有衝天志  
菩提煩惱等空平  
我道驪珠到處晶  
三乘分別強安名  
莫向如來行處行

演教

三乘次第演金言  
初說有空人盡執  
龍宮滿藏醫方義  
眞淨界中纔一念  
三世如來亦共宣  
後非空有衆皆捐  
鶴樹終談理未立  
閻浮早已八千年

達本

勿於中路事空王  
雲水隔時君莫住  
堪嗟去日顏如玉  
撒手到家人不識  
策杖還須達本鄉  
雪山深處我非忘  
却嘆回時鬢似霜  
更爲一物獻尊堂

還源

返本還源事已差  
萬年松徑雪深覆  
本來無住不名家  
一帶峰巒雪更遮

賓主穆時全是妄  
還鄉曲調如何唱  
君臣合處正中邪  
明月堂前枯樹花

回機

涅槃城裏尙猶危  
權挂垢衣云是佛  
木人夜半穿靴去  
萬古碧潭空界月  
陌路相逢勿定期  
却裝珍御復名誰  
石女天明戴帽歸  
再三撈攪始應知

轉位

披毛帶角入羣來  
煩惱海中爲雨露  
鑊湯爐炭吹教滅  
金鎖玄關留不住  
優鉢羅華火裏開  
無明山上作雲雷  
劒樹刀山喝使摧  
行於異類且輪回

一色

枯木巖前差路多  
鷺鷥立雪非同色  
了了時無可了  
慙慙爲唱玄中曲  
行人到此盡蹉跎  
明月蘆華不似他  
玄玄玄處亦須呵  
空裏蟾光撮得麼  
法眼禪師三界惟心頌

三界惟心 萬法惟識 唯識惟心 眼聲耳色  
色不到耳 聲何觸眼 眼色耳聲 萬法成辨  
萬法匪緣 豈觀如幻 大地山河 誰堅誰變

澄觀國師答皇太子心要

至道本乎其心。心法本乎無住。無住心體。靈知不昧。  
性相寂然。包含德用。該攝內外。能深能廣。非有非空。  
不生不滅。無始無終。求之而不得。棄之而不離。迷現  
量則惑苦紛紜。悟真性則空明廓徹。雖即心即佛。唯  
證者方知。然有證有知。則慧日沉沒。於有地若無照。  
無悟則昏雲掩蔽。於空門若一念不生。則前後際斷。  
照體獨立。物我皆如。直造心源。無智無得。不取不捨。  
無對無修。然迷悟更依。真妄相待。若求真去妄。猶棄  
影勞形。若體妄即真。似處陰影滅。若無心忘照。則萬  
慮都捐。若任運寂知。則衆行爰起。放曠任其去住。靜  
鑒覺其源流。語默不失。玄微動靜。未離法界。言止則  
雙忘。知寂論觀。則雙照。寂知語證。即不可示人。說理  
則非證不了。是以悟寂無寂。真知無知。以知寂不二  
之一心。契空有雙融之中道。無住無著。莫攝莫收。是

非兩忘。能所雙絕。斯絕亦寂。則般若現前。般若非心。  
外新生。智性乃本來具足。然本寂不能自現。實由般  
若之功。般若之與智性。翻覆相成。本智之與始修。實  
無兩體。雙忘正入。則妙覺圓明。始末該融。則因果交  
徹。心心作佛。無一心而非佛心。處處成道。無一塵而  
非佛國。故真妄物我。舉一全收。心佛衆生。渾然齊致。  
是知迷則人隨於法。法法萬差。而人不同。悟則法隨  
於人。人人一智。而融萬境。言窮慮絕。何果何因。體本  
寂寥。孰同孰異。唯忘懷虛。朗消息。沖融其猶透。水月  
華虛。而可見。無心鑑像。照而常空矣。

鼎州普安道和尚

函蓋乾坤句

乾坤并萬象 地獄及天堂 物物皆真見

頭頭用不傷

截斷衆流句

堆山積岳來 一一盡塵埃 更擬論玄妙

水消瓦解摧

隨波逐浪句

辯口利舌問 高低總不虧 還如應病藥  
診候在臨時

三句外

當人如舉唱 三句豈能該 有問如何事

南岳與天台

通褒貶

金屑眼中翳 衣珠法上塵 已靈猶不重

佛祖爲何人

辨親疎

黑豆未生前 商量已成顛 更尋言句會

特地隔西天

辨邪正

罔象談真旨 都緣未辨明 守他山鬼窟

不免是精靈

通賓主

自遠趨風問 分明向道休 再三如未曉

消得更搖頭

擡薦商量

相見不揚眉 君東我亦西 紅霞穿碧落  
白日繞須彌

提綱商量

若欲正提綱 直須大地荒 擬來衝雪刀

不免碎鋒鉞

據實商量

睡來合眼飯來噇 起坐終諸沒兩般

同道已知言不惑 十方世界目前看

委曲商量

得用由來處處通 應機施設任家風

揚眉瞬目開隻手 堅拂拈槌爲舉揚

聯燈會要卷第三十終

至元辛卯歲重刊于育王松庵

三山鄭 子桼栞

康應己巳歲重刊于臨川寺

崑元祿庚午孟夏日雒北大應禪寺涉門祖泰命  
工印行



# 嘉泰普燈錄

宋・雷庵正受

編



雷庵受禪師行業

師諱正受字虛中號雷庵出蘇之常熟邵氏年十六肄儒業因游邑之慧日寺與主僧心鑒語異其敏慧類若夙習乃曰世境虛幻百年一瞬讀世書選官蓋若究出世法以選佛邪師善其言毅欲超俗坐孤養母懷不敢發居鬱鬱若有失母恠而詰之具道所以頗難之師遂舉偈曰唱徹黃鍾宮吹成大石調萬古絕知音驢揀濕處尿母知其志不可奪卽赴懇於外祖祖贊成之俾禮鑒薙落登具遊方首見應庵華於天童機緣不契回淨慈依月堂昌昌峭峻少許可識師於室中留侍左右一旦指續燈喟歎曰佛祖之道潛通廣被曾何僧俗之間是書獨取於比丘而於王侯士庶尼師皆遺而不錄燈雖曰續如照之不普何爾盍爲掇所闕遺扶具宗眼者備成之普燈之作遂權輿矣尋謁無庵全於道場睹堂遠於虎丘仁仰堂住中竺延賓上首未幾還里眞查梨王化萬壽一見相得俾之分座說法師視之不屑慶元之初泛雪過都憩

心指

湖上之壽星院脩然返關邈與世接愚時獲攝衣卽進請益竊謂達磨西來直指人心見性成佛不立文字及傳二祖付楞伽四卷以印佛心非文字而何願祛其惑師開示善巧疑情冰釋因言是經蘊奧讀者尙不能句請爲詮辨以幸來學當爲錢梓師乃欣然發揮義趣又因寂音所著楞嚴章正補葺廣爲合論繼踐月堂之屬成普燈三十卷歲十七遷而絕編表進于朝三書咸板行于世又藏經四大部華嚴居一焉李長者復衍而論之文富義博鮮有能終誦者師乃括攝樞要爰夷穴長貫八十卷之經彙四十卷之論束爲三卷言約理詣如措諸掌悉蒙指授師天資純至識見超卓以闡教弘宗爲心斥遠聲利故屢却名利之招方遁跡藏密庵居咕郊廼以嘉定改元歲在戊辰示微疾索筆書偈奄忽而逝時十一月二十八日也壽六十三臘四十七

辛未歲元日授法弟子武德郎敬庵黃汝霖謹誌

進

聖宋嘉泰普燈錄上

皇帝書

月日平江府報恩光孝禪寺臣僧正受謹昧死上書  
皇帝陛下臣聞孤山智圓之言曰吾道如鼎也三教  
如足也足一虧而鼎覆焉臣嘗慕其人稽其說乃知  
儒之爲教其要在誠意道之爲教其要在虛心釋之  
爲教其要在見性誠意也虛心也見性也異名同體  
究厥依歸無適而不與此道會 聖帝明王以精一  
相授元默躬行亦豈外是智圓其知言哉然釋氏見  
性之道自如來於三藏所詮之外乃以先佛一心法  
印付上足飲光有飲光至達磨凡二十八傳達磨西  
來至于曹溪是爲六祖合而言之爲三十有三如燈  
傳燈光相續故付法藏傳曰以此慧燈次第傳授  
自達磨而來則此燈分輝廣照雖佛祖不可得而掩  
蔽矣不可得而掩蔽則往往其人謂之流通其語謂  
之總持總持之爲言也則有佛祖之異以佛而言者  
謂之結集卽尊者阿難是矣以祖而言者謂之編錄

卽沙門道原是矣若夫世尊以青蓮目顧視飲光飲  
光但一微笑達磨命門弟子各言其所得二祖唯禮  
三拜其旨固不可以語言結集編錄然顧視而微笑  
扣問而作禮蓋亦心傳冥契之跡耳發明後學自茲  
而始孰謂不可以集錄哉雖其金章玉句歷涉梁隋  
之來雖嘗聞著於簡編尙亦未精於筆削故不能表  
表暴白于世至 我宋勃興 聖聖相繼 祖述既  
彰於 洪烈 睿證咸極於法源緣是七佛之微言  
諸祖之奧旨粲然備見乎龍藏琅函之間則三燈是  
已臣頃侍淨慈佛行禪師道昌一日指續燈錄喟然  
謂臣曰三草二木之不同及其受潤則一也彼之云  
潤者卽此之被照也夫燈之明等及一切初不擇物  
而照何獨收於比丘而遺於 帝王公卿師尼道俗  
耶如梁武帝問聖諦於達磨卽棄有爲唐肅宗請塔  
樣於國師後明深旨裴休契機於黃檗白居易悟心  
於烏窠丹霞出於名儒龐蘊生於俗俚古之劉鐵磨  
末山尼靈照女凌行婆皆載之諸集系之祖圖獨是  
錄未嘗及之燈雖曰續惜其照之不曾汝能擇正悟

扶宗眼以補其遺則我志也。遍隱佛海禪師慧遠亦  
嘗督臣爲臣因自惟祝髮人道安逸林下微此無  
以仰報。聖君賢臣天覆海涵之恩卽佩服二師之  
訓繇昔之今凡三燈之所不與者莫不旁搜曲取會  
粹攷覈於十有七年。攬摭以成是書垂三十卷目錄  
三卷擬命其題曰嘉泰普燈錄。謂既備於案機庶  
可名之以普況其間登載聖朝

太宗皇帝至

孝宗皇帝宸音聖訓及熙世名臣見道因緣按諸  
奏對等錄紀述頗詳而傳廣續三燈調未始有臣伏  
觀景德之初宣慈禪師道原所進傳燈錄

眞宗皇帝有旨命翰林楊億撰序以賜天聖之  
初駙都尉李遵勉所進廣燈錄

仁宗皇帝親製序以賜建中靖國之初佛國禪師  
惟白所進續燈錄

徽宗皇帝亦親製序以賜爲其道可以參贊化育  
啓迪生民故得膺上聖之發揮爲有國之靈鎮  
臣願惟何幸而是書復得際遇於陛下成第四燈

夫以傳燈二十年之後而有廣燈廣燈七十九年之  
後而有續燈續燈百有一年之後而有普燈非天所  
相曷其使然恭惟

皇帝陛下法天剛健履道希夷丕承無疆之休  
增錫有永之祚會三教同歸於至治建皇極益  
宣於重光典御萬方宏濟羣品自然玉燭調  
金輪統車書同民物阜佛法於今正賴陛下舉而  
振之譬如大功德天清淨摩尼寶珠雨於陛下之  
手罔不稱慶普燈之行茲維其時臣謹繕寫嚴爲兩  
封躬詣登聞檢院投進伏望陛下尙憶靈山  
付囑之切仰稽列聖外護之隆有彰千載之逢略  
賜乙夜之覽乞詔景德天聖建中靖國故事特據  
睿斷錫以序文冠于卷首俾祖門徽旨增重於  
將來流芳於不朽仍乞降付福州東禪寺與大藏  
一就刊行庶幾佛法帝道萬世同昌願不盛歟臣  
安敢不揆狂僭妄擬前修仰希聖製以千鈇鉞  
之狀誠以生逢昌運蒙被至化念佛祖之傳授  
慮載述之闕遺機動竊鳴不能自已越起退縮至于



再三是以藉臺山焚冒昧塵 獻尚冀 頒行式碑  
宗教寔爲法門莫大之幸倘臣祕之行篋不過一私  
書耳此燈何自而普哉持此一毫善力恭祝 兩宮  
聖壽無疆 國祚延鴻 天眷綿衍實臣之至禱至  
願忤犯 宸嚴罪在不赦臣下情無任激切屏營  
之至

嘉泰普燈錄總目

普燈錄總目錄卷上

一之卷

六代祖師

初祖菩提達磨大士

三祖僧璨大士

五祖弘忍大士

二祖慧可大士

四祖道信大士

六祖慧能大士

曹溪分派宗師

吉州青原弘濟行思禪師

潭州南嶽大慧懷讓禪師

南嶽石頭無際希遷禪師

江西馬祖大寂道一禪師

隆興府百丈大智懷海禪師

荊州天皇道悟禪師

澧州藥山弘道惟儼禪師

筠州黃檗斷際希運禪師

澧州龍潭崇信禪師

潭州雲岩無住曇晟禪師

示衆機語二十一卷十一之二

聖君賢臣二卷二十二之三

應化聖賢一卷二十四拾遺附

廣語一卷二十五

拈古一卷二十六

頌古二卷二十七之二十八

偈贊一卷二十九

雜著一卷三十

嘉泰普燈錄總目終

鎮州臨濟慧照義玄禪師南嶽四世

常德府德山見性宣鑒禪師青原四世

筠州洞山悟本良价禪師青原四世

福州雪峰真覺義存禪師青原五世

韶州雲門大慈雲匡真弘明文偃禪師青原六世

### 三宗正傳宗師

魏府興化廣濟存獎禪師南嶽五世

南康軍雲居弘覺道膺禪師青原五世

汝州南院慧顥禪師南嶽六世

隆興府鳳棲同安丕禪師青原六世

汝州風穴延昭禪師南嶽七世

益州香林澄遠禪師青原七世

隆興府同安第二代志禪師青原七世

汝州首山省念禪師南嶽八世

隨州智門光祚禪師青原八世

常德府梁山緣觀禪師青原八世

汾州大中無德善昭禪師南嶽九世

慶元府雪竇明覺重顯禪師青原九世

鄧州大陽明安警玄禪師青原九世

已上分派正傳宗師語具三燈除同安第二代

外並不列章次

### 聯芳宗師

筠州洞山延禪師蜀曹

襄陽府石門獻蘊禪師蜀青

襄陽府廣德第一代道延禪師蜀青

洛京靈泉歸仁禪師蜀疎

襄陽府洞山崇慧守初禪師蜀雲

建康府清涼智明禪師蜀雲

隨州護國演化知遠禪師蜀護

襄陽府石門慧徹禪師蜀石

江陵府福昌重善禪師蜀明

常德府德山慧遠禪師蜀雙

汝州葉縣歸省禪師蜀首

襄陽府石門慈照蘊聰禪師蜀首

汝州廣慧元璉禪師蜀首

丞相王隨見首山念語見賢臣

已上聯芳宗師皆有法嗣者語具三燈亦不列

章次後有法嗣無機緣者例此

傳廣二燈遺錄及未詳宗師

隆興府鳳樓同安第二代志禪師

隆興府同安慧敏禪師

襄陽府廣德第二代義禪師

郢州大陽堅禪師

潭州福嚴良雅禪師

吉州西峯祥符圓淨雲豁禪師

懷安軍雲頂德敷禪師

潭州北禪感禪師

襄陽府石門紹遠禪師

鳳翔府青峰義誠禪師

筠首座

襄陽府石門聰禪師

潭州神鼎洪誼禪師

潭州北禪智賢禪師

語見續燈

殿院李琛

語見賢臣

劔門慈雲重謐禪師

鎮江府金山瑞新禪師

廬山開先善暹禪師

濠州南禪聰禪師

潭州道吾詮禪師

鄧州廣濟方禪師

已上傳廣二燈遺錄及未詳宗師機緣語句除

北禪賢禪師李殿院外悉補於祖師卷後云

二之卷

南嶽第十世

臨濟六世

汾陽善照禪師法嗣六人

袁州南源慈明楚圓禪師筠州大愚守芝禪師

滁州瑯琊廣照慧覺禪師舒州法華全舉禪師

蘄州龍華曉愚禪師

撫州疎山曉珠禪師

葉縣歸省禪師法嗣一人

舒州浮山圓鑑法遠禪師

石門慈照蘊聰禪師

一名谷隱

鎮江府金山達觀曇穎禪師

荊南府竹園法顯禪師

唐州大乘遵禪師

駙馬都尉李遵勗居士

語見賢臣

丞相英公夏竦居士

語見賢臣

廣慧元璉禪師法嗣一人

內翰文公楊億居士

語見賢臣

青原第十世

雲門四世

雪竇明覺重顯禪師法嗣六人

紹興府天衣義懷禪師

湖州報本有蘭禪師語具 岳州君山顯昇禪師

平江府水月慧金典座

南嶽雲峯元益首座語見 修撰曾會居士語見

洞山曉聰禪師法嗣二人

南康軍雲居曉舜禪師 郎中許式居士語見

北禪智賢禪師法嗣二人

隆興府法昌倚遇禪師 福州廣因釋要禪師

開先善暹禪師法嗣一人

東京智海正覺本逸禪師

青原第十世洞山六世

大陽明安警玄禪師法嗣六人

郢州興陽清剎禪師 惠州羅浮如禪師

復州乾明機聰禪師 襄陽府白馬歸春禪師

潭州福嚴審承禪師

舒州投子義青禪師已上宗師法嗣餘見續燈其後數世如之

續燈所錄機語有不能精備及嗣遺者今重依

宗派編入

三之卷

南嶽第十一世臨濟七世

南源慈明楚圓禪師法嗣七人

隆興府黃龍普覺慧南禪師

袁州楊岐方會禪師 隆興府大寧道寬禪師

隆興府翠岩可真禪師 潭州道吾真禪師

隆興府景德惟政禪師

建康府蔣山贊元禪師語具續燈

大愚守芝禪師法嗣二人

南嶽雲峰文悅禪師語具續燈及僧寶傳

平江府瑞光月禪師

龍華齊岳禪師法嗣一人

湖州西余師子淨端禪師

瑯琊廣照慧覺禪師法嗣六人

平江府定慧海印信禪師語具續燈

紹興府姜山方禪師 福州白鹿顯端禪師

寧國府興教坦禪師 江州歸宗可宣禪師

嘉興府長水子璿講師

金山達觀曇穎禪師法嗣一人

節使李端愿居士語見賢臣

青原第十一世雲門五世

天衣振宗義懷禪師法嗣十五人

東京慧林圓照宗本禪師

東京法雲圓通法秀禪師語具續燈及僧寶傳

北京天鉢文慧重元禪師

眞州長蘆廣照應夫禪師語具續燈

紹興府天章元善禪師 臨安府佛日智才禪師

台州瑞岩子鴻禪師語具續燈 無爲軍佛足處祥禪師

平江府明因慧贊禪師 興化軍西臺其辯禪師

泉州資壽捷禪師語具續燈 臨安府法雨慧源禪師

撫州延恩法安禪師機語未見事具僧寶傳及山谷塔銘

紹興府淨衆梵言首座 禮部楊傑居士語見賢臣

南岳元益首座法嗣二人

中書李林宗居士語見賢臣

報本有蘭禪師法嗣二人

福州中際可遵禪師 荊州開元法明上座

雲居曉舜禪師法嗣二人

建康府蔣山佛慧法泉禪師

明州天童澹交禪師

廣因擇要禪師法嗣二人一人見錄

福州妙峰如璨禪師

福州鹽山合知禪師

機語未見

智海正覺本逸禪師法嗣五人二人見錄

福州大中海印德隆禪師簽判劉經臣居士語見賢臣

饒州薦福嚴輝師

福州幽巖覺禪師

福州雙峯炳禪師

已上機語未見

青原第十一世洞山七世

投子義青禪師法嗣四人

東京天寧英客道楷禪師

隨州大洪第一世報恩禪師

沂州洞山雲禪師 長安福應文禪師

四之卷

南嶽第十二世臨濟八世

黃龍普覺慧南禪師法嗣二十二人

廬山東林照覺常總禪師語具續燈



隆興府黃龍寶覺晦堂祖心禪師

筠州黃檗真覺惟勝禪師

袁州仰山行偉禪師語具續燈隆興府泐潭洪英禪師

湖州報本慧元禪師

潭州大滙懷秀禪師語具續燈蘄州開元子琦禪師

潭州雲蓋守智禪師

隆興府泐潭真淨雲庵克文禪師

南康軍雲居元祐禪師語具續燈

潭州石霜琳禪師語具續燈

吉州隆慶閑禪師語具續燈

隆興府黃龍元肅禪師語具續燈

衡州華光恭禪師語具續燈隆興府上藍順禪師

廬山圓通璣禪師語具續燈舒州三祖法宗禪師

南安軍雪峰道圓禪師

南嶽福嚴鐵面慈感禪師語具續燈

隆興府祐聖法窟禪師

南康軍清隱潛庵清源禪師

廬山歸宗志芝庵主

楊歧方會禪師法嗣三人

舒州白雲守端禪師 建康府保寧仁勇禪師

比部孫居士遠其名語見賢臣

翠巖可真禪師法嗣一人

潭州大滙真如慕喆禪師

蔣山贊元禪師法嗣二人

邵州丞熙應悅禪師 慶元府雪竇法雅禪師

雲峰文悅禪師法嗣一人

潭州郭山霖禪師

機語未見

定慧海印超信禪師法嗣一人

平江府穹隆智圓禪師

五之卷

青原第十二世雲門六世

慧林圓照宗本禪師法嗣十五人

東京法雲大通善本禪師

鎮江府金山法印寧禪師語具續燈

鎮江府甘露傳祖仲宣禪師語具續燈

台州瑞巖有居禪師語具續燈

東京淨因佛日惟岳禪師語見續燈

嘉興府本覺法真守一禪師

舒州投子證悟脩顯禪師語見續燈

常州無錫南禪寧禪師 揚州石塔慧禪師語見續燈

真州長蘆淨照崇信禪師語見續燈

紹興府石佛密印曉通禪師

平江府萬壽圓禪師語見續燈 福州地藏守恩禪師

筠州壽聖省聰禪師語見續燈

鎮江府金山智覺法慧禪師

法雲圓通法秀禪師法嗣六人

建康府保寧覺印子英禪師語見續燈

舒州甘露德顯禪師語見續燈

東京法雲佛國惟白禪師

廬山開先心印智珣禪師 溫州僊巖景純禪師

寧國府廣教守訥禪師

天鉢文慧重元禪師法嗣二人

衢州元豐清滿禪師 青州定慧法本禪師

長蘆廣照應夫禪師法嗣四人三人見錄

真定府洪濟慈覺宗贖禪師

慶元府雪竇覺印道榮禪師

平江府慧日廣燈智覺禪師

和州開聖覺舜師

機語未見

佛日智才禪師法嗣一人

澧州夾山自齡禪師語見續燈

瑞巖子鴻禪師法嗣一人

慶元府育王真戒曇振禪師語見續燈

資壽捷禪師法嗣二人一人見錄

泉州慧空圓覺大智文宥禪師

泉州資壽思永禪師

機語未見

淨衆梵言首座法嗣一人

西京招提廣燈惟湛禪師

蔣山佛慧法泉禪師法嗣一人

清獻公趙抃居士語見賢臣

九峰鑒韶禪師法嗣一人

慶元府大梅祖鏡法英禪師紹興初潭澄澄嗣五祖戒戒取雲門爲的

孫

青原第十二世洞山八世

芙蓉道楷禪師法嗣十八人十三人見錄

鄧州丹霞子淳禪師

東京淨因枯木法成禪師襄陽府石門元易禪師

長安天寧大用齊璉禪師潼川府梅山已禪師

東京淨因自覺禪師 福州普賢善秀禪師

襄陽府鹿門法燈禪師 西京天寧禧誦禪師

隆興府潞潭闡提惟照禪師

建昌軍資聖南禪師 筠州洞山微禪師

太傅高世則居士語見賢臣

西京昭覺禪師

廬山慧日南禪師

隨州大洪恭禪師

西京少林江禪師

潼川府景山居禪師

已上機語未見

大洪恩禪師法嗣二人一人見錄

隨州大洪淨嚴守遂禪師

隨州大洪智禪師

機語未見

六之卷

南嶽第十三世臨濟九世黃龍二世

黃龍寶覺晦堂祖心禪師法嗣十六人

隆興府黃龍死心悟新禪師

隆興府黃龍佛壽靈源惟清禪師

隆興府潞潭草堂善清禪師

温州護國寄堂景新禪師漳州保福本權禪師

泗州龜山曉津禪師 舒州天柱修靜禪師

吉州青原惟信禪師 鄂州黃龍智明禪師

成都府海雲法琮禪師 潭州道吾仲圓禪師

漢州三聖繼昌禪師 舒州龍門純禪師

太史黃庭堅居士語見賢臣 中大吳中立居士語見賢臣

正言王居士名犯欽宗皇帝廟諱語見賢臣

東林照覺常總禪師法嗣九人八人見錄

隆興府潞潭應乾禪師

廬山開先廣鑑行瑛禪師廬山圓通可僊禪師

臨江軍慧力可昌禪師 紹興府象田梵卿禪師

隆興府上藍希肇禪師 開封府建福慧圓上座

內翰蘇軾居士語見賢臣

威勝軍天寧道才禪師

機語未見

黃檗真覺惟勝禪師法嗣一人

成都府昭覺紹覺純白禪師

大瀉懷秀禪師法嗣一人

潭州大瀉祖璿禪師語見續燈

開元琦禪師法嗣一人

泉州尊勝有朋講師

雲蓋守智禪師法嗣十二人三人見錄

湖州道場十同法如禪師福州寶壽最樂禪師

紹興府石佛解空慧明禪師

袁州仰山普禪師

福州連江報恩有機禪師

潭州開福宣慈文王禪師吉州桃林希信禪師

隆興府上藍師中禪師道州天寧與權禪師

撫州疎山法泰禪師湖州彌勒省文禪師

湖州道場俊禪師

已上機語未見

七之卷

南嶽第十三世歸齊九世黃龍二世

泐潭道場公庵克文禪師法嗣三十二人二十

人見錄

隆興府兜率真寂從悅禪師

東京法雲佛然果禪師桂州壽寧善資禪師

南嶽祝融峰上封慧和禪師

筠州五峰淨覺本禪師永州太平安禪師

潭州報慈進英禪師筠州洞山至乾禪師

隆興府泐潭湛堂文準禪師

德安府文殊宜能禪師廬山慧日文雅禪師

筠州洞山梵言禪師

平江府寶華佛慈普鑑禪師

筠州九峰希廣禪師筠州黃檗道全禪師

筠州清涼寶覺寂音慧洪禪師

衢州超化靜禪師南嶽石頭懷志庵主

婺州雙溪印首座荆公王安石居士語見賢臣

隆興府慧安慧淵禪師

袁州仰山希祖禪師撫州光孝慧滿禪師

潭州南臺洪禪師鄧州大陽允平禪師

潭州石霜紹珂禪師潭州北禪慧昭禪師

隆興府泐潭福深禪師台州慈雲教雅禪師

成都府嘉祐道用禪師衡州華英英禪師

眉州象耳山惟古禪師

已上機語未見

雲居元祐禪師法嗣六人三人見錄

亳州白藻清儼禪師 臨江軍慧力崇教禪師

信州永豐慧日庵主

江州歸宗子章禪師

筠州黃檗覺智禪師

信州鵝湖子昌禪師

已上機語未見

石霜琳禪師法嗣一人

夔府臥龍思順禪師

渤潭洪英禪師法嗣八人三人見錄

南嶽法輪齊添禪師 泉州慧明雲禪師

潭州大潯齊恂禪師

潭州寶蓋自俊禪師

袁州仰山友恩禪師

建康府華藏叔聰禪師

南嶽方廣懷紀禪師

潭州石霜子高禪師

已上機語未見

仰山行偉禪師法嗣二人一人見錄

襄陽府谷隱靜顯禪師

潭州龍王善隨禪師

機語未見

黃龍元肅禪師 先住法嗣六人三人見錄

袁州仰山清簡禪師 隆興府九仙齊輔禪師

嘉州月珠祖鑑禪師

隆興府百丈維古禪師

興元府垂拱法滿禪師

漢州清泉道隆禪師

已上機語未見

華光恭禪師法嗣一人

郴州萬壽念禪師

圓通圓瑗禪師法嗣七人二人見錄

台州真如戒香禪師

慶元府育王無竭淨曇禪師

福州圓明載清禪師

常州南禪立崇禪師

建康府蔣山正覺文瑞禪師

潭州開福世遷禪師

吉州龍須懷宗禪師

已上機語未見

三祖法宗禪師法嗣三人一人見錄

寧國府光孝惟爽禪師

南康軍棲賢利貫禪師

池州海山海良禪師

已上機語未見

祐聖法窟禪師法嗣一人

潭州道林了一禪師

八之卷



南嶽第十三世臨濟九世  
揚岐二世

白雲守端禪師法嗣三人

新州五祖法演禪師

潞州瑯琊水起禪師語見  
續燈

中丞郭祥正居士賢臣  
語見

南嶽第十三世臨濟九世  
翠巖二世

真如慕喆禪師法嗣十六人九人見錄

東京智海普融道平禪師

隆興府泐潭景祥禪師 潭州東明仁仙禪師

廬小東林正覺自遵禪師

泗州普照明悟曉欽禪師

和州光孝碧落慧蘭禪師 吉州光孝慧曉禪師

潭州福嚴真禪師 潭州東明遷禪師

婺州瑞峰道宗禪師

成都府昭覺師範禪師

鄂州興陽賢禪師

南嶽萬壽道宗禪師

潭州雲峰清悟禪師

眉州象耳子真禪師

衡州淨福慧文禪師

已上機語未見

雪竇法雅禪師法嗣一人

衢州光孝慈覺普印禪師

青原第十三世雲門  
七世

法雲大通善本禪師法嗣二十三人九人見錄

潭州雲峰祖燈志璿禪師

臨安府淨慈寶印楚明禪師

東京慧林常悟禪師

眞州長蘆祖照道和禪師

湖州道場草堂有規禪師 湖州道場顯禪師

鄭州資福寶月法明禪師

福州雪峰妙湛思慧禪師

臨安府上天竺慈辯從諫講師

慶元府香山淨淵禪師

嚴州南山文則禪師

處州資聖果宣禪師

衢州超化靈曉禪師

平江府淨慧擇露禪師

處州壽寧介通禪師

嚴州烏龍真悟守節禪師

温州天寧用忠禪師

鎮江府焦山從禪師

紹興府佛智慧通禪師

福州龜洋法海禪師

温州資聖曉初禪師

臨安府淨慈瑞禪師

平江府壽聖鑒禪師

已上機語未見

金山法印寧禪師法嗣六人一人見錄

吉州禾山用安禪師

温州仙岩慈初禪師

衢州超化守覺禪師

湖州西余道孜禪師 寧國府廣教道本禪師  
台州鴻福道才禪師 已上機語未見

甘露傳祖仲宣禪師法嗣一人

平江府妙湛尼慈鑑大師文照

瑞巖有居禪師法嗣一人

台州萬年處幽禪師

淨因佛日惟岳禪師法嗣一人

福州鼓山禪鑒體淳禪師

本覺法真守一禪師法嗣三人二人見錄

台州天台如庵主 平江府西竺尼法海

建康府蔣山欽禪師

機語未見

### 九之卷

青原第十三世雲門七世

投子證悟脩顯禪師法嗣二人

鄧州香嚴海印智月禪師丞相富弼居士語見賢臣

金山智覺法慧禪師法嗣一人

常州報恩寶月覺然禪師

長蘆淨照崇信禪師法嗣十四人五人見錄  
東京慧林慈受懷深禪師

平江府光孝證悟如瑱禪師

紹興府天衣如哲禪師 婺州智者法銓禪師

臨安府徑山妙空智訥禪師

紹興府天衣智暹禪師 嘉興府資聖懷信禪師

平江府光孝覺照明禪師 重州資福梵欽禪師

具州靈岩覺顯禪師 臨安府慶善智照禪師

平江府光孝無著淨真禪師 龍門法秀庵主

福州西禪道暹禪師 已上機語未見

萬壽圓禪師法嗣三人

平江府慈嚴江禪師 台州國清果禪師

平江府永懷榮禪師

已上機語未見

壽聖省聰禪師法嗣一人

黃門侍郎蘇轍居士語見賢臣

保寧覺印子英禪師法嗣八人二人見錄

臨安府鹽官廣福惟尚禪師

慶元府雪竇法寧禪師

漢州無爲志全禪師 平江府虎丘通禪師

寧國府廣教守國禪師 汝州香山常禪師

建康府華藏宜禪師

寧國府廣教密印元照禪師

已上機語未見

甘露德願禪師法嗣一人

揚州光孝元禪師

法雲佛國惟白禪師法嗣六人二人見錄

東京慧林月印慧海禪師楊州建隆原禪師

舒州三祖策禪師 溫州天寧祖鑑修禪師

南康軍羅漢遇禪師 寧國府廣教堯禪師

已上機語未見

開先心印智珣禪師法嗣一人

廬山開先宗禪師

元豐慧圓清滿禪師法嗣二人

福州雪峰圓覺宗演禪師衛州王大夫語見賢臣

洪濟慈覺宗贖禪師法嗣七人

福州賢沙智章禪師 臨安府淨慈惟一禪師

台州天寧子深禪師 福州瑞峰延禪師

建康府將山善欽禪師 嘉興府本覺道如禪師

長安僧忍禪師

已上機語未見

寧國道榮禪師法嗣一人

福州雪峰大智禪師

夾山自齡禪師法嗣三人一人見錄

潭州石霜法聰禪師

澧州層山珊禪師 潭州龍安惟顯禪師

已上機語未見

育王真戒曇振禪師法嗣一人

慶元府岳林真禪師

招提廣燈惟湛禪師法嗣二人一人見錄

嘉興府華亭觀音禪師遺其

嘉興府南塔守聰禪師

機語未見

青原第十三世洞山九世

丹霞子淳禪師法嗣七人四人見錄

真州長蘆真歇清了禪師

慶元府天童宏智正覺禪師

隨州大洪慧照慶預禪師處州治平湧禪師

鄞州大陽滿禪師 廬山歸宗明鑑禪師

唐州大乘昇禪師

已上機語未見

淨因枯木法成禪師法嗣十人五人見錄



開先廣鑑行瑛禪師法嗣十四人二人見錄

紹興府慈氏瑞仙禪師 潭州大滄海壽禪師

慶元府靈山智通禪師 新州德山聲稻禪師

潭州道林法照禪師 建昌軍光孝文瑞禪師

隆興府九仙次彥禪師 福州游地汝英禪師

泉州三植灌冲禪師 紹興府寶蓋用興禪師

廣州天寧宗顯禪師 湖州靈山慈浩禪師

筠州黃藥道欽禪師 婺州淨土照禪師

已上機語未見

圓通可仙禪師法嗣二人

婺州明招法鏡禪師 語見續燈

舒州浮山法真禪師

機語未見

象田梵卿禪師法嗣六人二人見錄

慶元府雪竇持禪師 紹興府石佛益禪師

信州光孝宗益禪師 常州光孝淨源禪師

紹興府九巖仲文禪師 紹興府象田珍禪師

已上機語未見

黃龍死心悟新禪師法嗣十六人八人見錄

吉州禾山超宗慧方禪師 臨安府崇覺空禪師

潭州上封祖秀禪師

嘉州九頂寂惺慧泉禪師

嘉興府華亭性空妙普庵主

嚴州鐘山道隆首座 揚州齊證首座

空室道人智通

楚州寧國道宗禪師 廬州羅漢守節禪師

饒州薦福慈建禪師 彭州曲尺宗商禪師

臨江軍接賢曇禪師 荊州竹園道珠禪師

東京天寧慧副禪師 慧宣首座

已上機語未見

黃龍靈源惟清禪師法嗣十六人九人見錄

舒州員乘靈峰慧古禪師 潭州上封佛心才禪師

隆興府黃龍通照德逢禪師

潭州法輪應瑞禪師

東京天寧長靈守卓禪師 信州博山子經禪師

隆興府百丈以栖禪師 邵州光孝曇清禪師

温州光孝德遇禪師

潭州法輪守定禪師 邵州天寧宗覺禪師

澧州欽山元德禪師 福州廣化若秀禪師

廣陵隆慶海禪師 信州龜峰曾瑞禪師

產興府滿月寧禪師

已上機語未見

黃龍草堂善清禪師法嗣八人四人見錄



隆興府黃龍山堂道震禪師

台州萬年雪巢法一禪師

福州雪峰東山慧空禪師

慶元府育王野堂普崇禪師

蘇州疎山如禪師

潭州雲岩因禪師

潭州慈雲隆禪師

鎮江府金山一禪師

已上機語未見

青原惟信禪師法嗣六人三人見錄

潭州梁山權禪師

成都府正法希明禪師

澧州浮山光遠禪師

語具

祖庵主

成都府正法明禪師

成都府昭覺符禪師

已上機語未見

昭覺紹覺純白禪師法嗣二人一人見錄

成都府信相正覺宗顯禪師

邛州鐵像黃禪師

機語未見

大瀉祖瑤禪師法嗣五人二人見錄

眉州中岩慧目慈能禪師

懷安軍雲頂寶覺宗印禪師

建寧府乾元希式禪師

嘉州靈隱了真禪師

榮州天寧法空禪師

已上機語未見

龍門純禪師法嗣三人

澧州欽山普初禪師

語具

澧州洛浦惟昉禪師

希祖首座

已上機語未見

三聖繼昌禪師法嗣三人

溫州淨光佛日了威禪師

語具

彭州曲尺慧照禪師

彭州大隨元照禪師

已上機語未見

泗州龜山曉津禪師法嗣二人

泗州普照齊禪師

岳麓祖曇禪師

已上機語未見

兜率真寂從悅禪師法嗣七人三人見錄

撫州疎山了常禪師

隆興府兜率慧照禪師

丞相張商英居士

語具

舒州投子慧勝禪師

隆興府兜率慧宣禪師

袁州楊岐子圓禪師

台州慈雲明鑑禪師

已上機語未見

法雲佛照杲禪師法嗣三人

筠州洞山守禪師

東京智海儀禪師

西蜀鑾法師

勸潭湛堂文準禪師法嗣三人二人見錄

隆興府雲岩典牛天游禪師

潭州三角智堯禪師

隆興府乾元宗選禪師

機語未見

文殊宣能禪師法嗣一人

常德府德山瓊禪師

慧日文雅禪師法嗣二人

隆興府九仙祖鑑法清禪師

平江府覺海法因庵主

洞山梵言禪師法嗣一人

筠州洞山擇言禪師

道林了一禪師法嗣一人

潭州大潏大圓智禪師

嘉泰普燈錄總目錄卷上

嘉泰普燈錄總目錄卷中

十一之卷

南嶽第十四世臨濟十世楊岐三世

五祖法演禪師法嗣十八人十二人見錄

舒州太平佛鑑慧艷禪師

東京天寧佛果圓悟克勤禪師

舒州龍門佛眼清遠禪師潭州開福道寧禪師

嘉州九頂清素禪師

彭州大隨南堂元靜禪師

舒州五祖表自禪師

蘄州龍華道初禪師

元禮首座

普融知藏

法闕上座

蜀山大明因禪師

懷安軍雲頂崇慧才良禪師

舒州海會慧宗禪師

唐州天目齊禪師

舒州太平處清禪師

嘉州峨眉延福遠禪師

已上機語未見

琅琊永超禪師法嗣一人

金陵俞道婆

十二之卷

南岳第十四世臨濟十世翠岩三世

智海普融道平禪師法嗣十三人三人見錄

東京淨因踊庵繼成禪師

南嶽法輪達宗彦孜禪師衡州開福崇哲禪師

太平州隱靜妙義恭禪師鎮江府金山覺常禪師

台州淨慧從惠禪師

福州東禪佛燈法珊禪師

潭州方廣明覺智京禪師黃州栢子慧崇禪師

筠州黃葉敏從禪師平江府靈岩修辭禪師

衡州雲陽廣悟禪師寧國府廣教從愿禪師

已上機語未見

渤潭景祥禪師法嗣十四人八人見錄

台州鴻福德昇禪師建寧府萬壽慧素禪師

慶元府香山道淵禪師隆興府渤潭惟足禪師

慶元府啓霞德宏禪師

建寧府開善木庵道瓊首座

景淳藏主

信州懷玉用宣首座

福州中隱繼寧禪師

寧國府天寧彦宗禪師

袁州鳳山繼禪師

寧國府多寶道威禪師

饒州密岩子信禪師

泉州龍江鳳山師閔禪師

已上機語未見

普照曉欽禪師法嗣一人

建寧府永安可文禪師

機語未見

光孝慧蘭禪師法嗣一人

慶元府蘆山無相法昌禪師

青原第十四世雲門八世

淨慈寶印楚明禪師法嗣三人

温州靈岩德宗禪師臨安府淨慈象禪師

福州雪峰隆禪師

長蘆祖照道和禪師法嗣十一人三人見錄

鎮江府甘露達珠禪師沂州天寧明禪師

臨安府靈隱圓智法淳禪師

福州精嚴鳳藻禪師

東京華岩尙劉禪師

慶元府定水然禪師

臨安府鳳山顯親正祖永禪師

法音首座

已上機語未見

雪峰妙湛思慧禪師法嗣十四人五人見錄

臨安府淨慈佛行月堂道昌禪師

臨安府徑山照堂了一禪師

福州大吉法圓禪師

鎮江府金山了心禪師

福州石松祖天禪師

福州慶成悟及禪師

福州興王寶機禪師

臨安府淨慈法忍昇禪師

宣州寶勝守寧禪師

福州建善法藏禪師

臨安府淨慈務輝禪師

處州南明戒通禪師

汀州南安岩達禪師

福州中峰寧禪師

已上機語未見

報恩寶月覺然禪師法嗣一人

嘉興府資聖元祖禪師

慧林慈受懷深禪師法嗣七人四人見錄

台州瑞岩寂室慧光禪師

台州國清垂慈普紹禪師

台州國清愚谷妙印禪師泉州九座慧遠禪師

湖州思溪圓覺疊禪師

台州淨慈法如禪師

湖州思溪圓覺勝禪師

已上機語未見

慧林月印慧海禪師法嗣二人

廬山萬杉壽堅禪師

廬山萬杉壽隆禪師

羅漢遇禪師法嗣一人

蘇州曹山月禪師

機語未見

開先宗禪師法嗣二人

筠州黃檗惟初禪師

潭州岳麓海禪師

雪峰圓覺宗演禪師法嗣二人

福州鳳山道沼禪師

福州西禪慧舜禪師

香嚴海印智月禪師法嗣一人

鄧州香嚴倚松如璧禪師

十三之卷

青原第十四世洞山十世

天童宏智正覺禪師法嗣十四人八人見錄

慶元府雪竇聞庵嗣宗禪師

常州善權法智禪師

隨州大洪法爲禪師

真州長蘆琳禪師

臨安府淨慈自得慧璋禪師

慶元府瑞岩石憲法恭禪師

襄陽府石門清涼法真禪師

慶元府光孝了堂思徹禪師

慶元府廣慧法聰禪師

衢州烏巨光禪師

慶元府保福悟禪師

慶元府雪竇慧禪師

紹州鳳凰世釗禪師

紹興府能仁理禪師

已上機語未見

長蘆真歇清了禪師法嗣十一人五人見錄

眞州長蘆妙覺慧悟禪師福州龜山義初禪師

建康府保寧興譽禪師 眞州北山法通禪師

慶元府天童宗珏禪師

温州鳳山能仁壽崇禪師潭州上藍祖輝禪師

温州龍翔道輝禪師

温州幽岩了諒禪師

福州壽山德初禪師

福州神光道新禪師

已上機語未見

隱靜宣禪師法嗣一人

韶州南華明禪師

機語未見

大洪慧照慶預禪師法嗣五人二人見錄

臨江軍慧力悟禪師

福州雪峰慧深首座

饒州薦福演禪師

泗州普照充禪師

隨州智門雅禪師

已上機語未見

天封子歸禪師法嗣一人

江州東林通理禪師

天衣法聰禪師法嗣六人四人見錄

平江府慧日法安禪師 温州護國欽禪師

無爲軍吉祥元實禪師 道宣知藏

紹興府能仁普禧禪師 紹興府石梯宗華禪師

已上機語未見

南嶽第十五世臨濟十一世黃龍四世

勝因戲魚咸靜禪師法嗣六人三人見錄

連水軍萬壽夢庵普信禪師

平江府慧日默庵與道禪師

廣德軍光孝果愍禪師

寧國府廣教留禪師 廣德軍崇寧起禪師

臨安府法華冲禪師

已上機語未見

雪峰有需禪師法嗣三人一人見錄

福州雪峰毬堂慧忠禪師

福州鼓山草舍宗澤禪師福州鼓山本如靖禪師

已上機語未見

天童普交禪師法嗣一人

慶元府蓬萊圓禪師

圓通圓機道旻禪師法嗣五人



江州圓通沖真密印通慧守慧禪師

隆興府黃龍道觀禪師

左丞范冲居士語見賢臣

中丞虞航居士語見賢臣

左司都貺居士語見賢臣

明招法鏡文慧禪師法嗣二人一人見錄

揚州石塔宣秘禮禪師

温州淨光藏禪師

機語未見

禾山慧方禪師法嗣一人

袁州仰山谷堂禪師

機語未見

上封祖秀禪師法嗣一人

文定公胡安國居士語見賢臣

靈峰慧古禪師法嗣一人

舒州四面欣禪師

機語未見

鼓山佛心才禪師法嗣四人三人見錄

福州普賢元素禪師

福州鼓山山堂僧洵禪師

福州鼓山師子祖珍禪師

福州仁王大心讓禪師

機語未見

浮山法真禪師法嗣一人

峨嵋靈岩微禪師

黃龍通照德逢禪師法嗣一人

饒州薦福常庵擇崇禪師

長靈守卓禪師法嗣八人六人見錄

慶元府育王無示介謨禪師

湖州道場普明慧琳禪師

湖州道場無傳居慧禪師

臨安府顯寧松堂圓智禪師

湖州烏回唯庵範禪師

温州本寂靈光文觀禪師

温州符庵主

徑山惟表首座

已上機語未見

黃龍山堂道震禪師法嗣三人一人見錄

常德府德山無諍慧初禪師

常德府大龍慧禪師

具州北山作禪師

已上機語未見

萬年雪巢法一禪師法嗣二人一人見錄

嘉興府報恩法常首座

紹興府石佛淨禪師

機語未見

祖庵主法嗣一人

廬山延慶叔禪師

信相正覺宗顯禪師法嗣一人

成都府金繩文禪師

泐潭典牛天游禪師法嗣二人一人見錄

臨安府徑山塗毒智策禪師

廣安軍報德智一禪師

機語未見

大瀉大圓智禪師法嗣三人

紹興府秦嶽久禪師 潭州石霜能禪師

潭州雲蓋澄禪師

已上機語未見

### 十四之卷

南嶽第十五世臨濟十一世 楊枝四世

天寧佛果圓悟克勤禪師法嗣三十人十五人見錄

潭州大瀉佛性法泰禪師

鄧州丹霞佛智端裕禪師

建康府華藏密印安民禪師

眉州象耳山袁覺禪師

成都府昭覺徹庵道元禪師

平江府虎丘紹隆禪師 眉州中岩華嚴祖覺禪師

潭州福嚴文演禪師 平江府明因曇玩禪師

平江府虎丘雪庭元淨禪師

懷安軍雲頂六庵宗正禪師

衢州天寧訥堂梵思禪師 岳州君山佛照覺禪師

平江府寶華顯禪師 紹興府東山覺禪師

泗州普照佛心勝禪師 漢州無為鐵面勝禪師

遂寧府靈泉希壽禪師 建康府保寧如庵祖禪師 平江府永懷有證禪師

福州幽岩珊禪師 潼川府乾明印禪師

筠州景德晏禪師 臨安府中天竺海禪師

黔中師範首座 七圓智頭首座

姑蘇道殊首座 自珍首座

豫上座 已上機語未見

南嶽第十五世臨濟十一世 楊枝四世

天寧佛果圓悟克勤禪師法嗣十六人

臨安府徑山大慧普覺宗景禪師

台州護國此庵景元禪師台州鴻福子文禪師

福州寶沙僧昭禪師 平江府南峯雲辯禪師

臨安府靈隱佛海慧遠禪師

成都府正法建禪師

温州靈峰仰堂中仁禪師台州天封覺禪師

昭覺道祖首座 雲居宗振首座

樞密徐俯居士語見賢臣 郡王趙令衿居士語見賢臣

覺庵道人祖氏 令人本明

成都府范縣君

十六之卷

南嶽第十五世臨濟十一世楊岐四世

太平佛鑑慧勲禪師法嗣十七人十人見錄

常德府文殊心道禪師 韶州南華知異禪師

潭州龍牙噫嚅智才禪師慶元府蓬萊卿禪師

湖州何山佛燈守珣禪師隆興府寶峯明禪師

台州寶藏本禪師

吉州大中祥符清海禪師漳州淨衆佛眞環禪師

隆興府谷山海禪師

平江府靈巖圓明畫禪師常德府福聖深禪師

潭州天寧道禪師 明州啓霞楚謙禪師

建寧府千山智嵩禪師 發書記

龍門佛眼清遠禪師法嗣十八人十三人見錄

温州龍翔竹庵士珪禪師

南康軍雲居高庵善悟禪師

遂寧府西禪文璉禪師

潭州大溈牧庵法忠禪師

衢州烏巨雪堂道行禪師撫州白楊法順禪師

南康軍雲居法如禪師

南康軍錦宗眞牧正賢禪師

湖州道場正堂明辯禪師潭州方廣深禪師

成都府世奇首座 温州淨居尼慧溫

給事馮機居士語見賢臣

紹興府石佛寺禪師 新州三角山禪師

南康軍雲居祖禪師 寂庵主

已上機語未見

十七之卷

南嶽第十五世臨濟十一也  
楊岐四世

開福道寧禪師法嗣一人

潭州大潯月庵善果禪師

五祖表自禪師法嗣二人一人見錄

新州龍華高禪師

懷安軍雲頂谷禪師

機語未見

大隨南堂元靜禪師法嗣十二人七人見錄

簡州南巖勝禪師

常德府梁山廓庵師遠禪師

嘉州能仁默堂悟禪師

合州釣魚臺石頭自回庵主

彭州土溪智陀子言庵主彭州大隨南修造

龍圖王觀復居士語見  
賢臣

嘉州能仁淨禪師

昌州妙高則禪師

提學吳昕居士

已上機語未見

淨因蹠庵繼成禪師法嗣二人翠巖下附

台州瑞巖佛燈如勝禪師

無爲軍治父實際道川禪師

鴻福德昇禪師法嗣一人

舒州甘露常禪師

機語未見

青原第十五世雲門  
九世

天寧明禪師法嗣法嗣一人

密州瞻山寧禪師

淨慈佛行月堂道昌禪師法嗣二人一人見錄

臨安府五雲悟禪師

婺州智者廣鑑可昇禪師

機語未見

瑞巖寂室慧光禪師法嗣三人一人見錄

臨安府中天竺癡禪元妙禪師

台州靈石辯禪師

已上機語未見

嶽麓海禪師法嗣一人

荊門軍玉泉思達禪師

圓覺曇禪師法嗣一人

撫州靈巖圓日禪師

青原第十五世 洞山十

天童大休宗珏禪師法嗣一人

慶元府雪竇足庵智鑒禪師

雪竇聞庵嗣宗禪師法嗣二人一人見錄

泰州如皋廣福微庵道勤禪師

慶元翠巖宗靜禪師

機語未見

善權法智禪師法嗣二人一人見錄

紹興府超化藻禪師

常州宜興保安超禪師

機語未見

廣慧法聰禪師法嗣一人

慶元府普照戒禪師

機語未見

南嶽第十六世 臨濟十二世  
黃龍五世

天寧夢庵普信禪師法嗣四人

楚州鹽城永寧道全禪師建康府能仁孫禪師

鎮江府鶴林妙禪師 鎮江府孝威據禪師

已上機語未見

光孝果慈禪師法嗣二人一人見錄

廣德軍光孝初首座

處州崇聖善行禪師

機語未見

雪峰毬堂慧忠禪師法嗣一人

隆興府上藍獨秀宏禪師

機語未見

祥符立禪師法嗣一人

湖南報慈淳禪師

育王無示分介謚禪師法嗣六人五人見錄

南劍州西巖宗回禪師

台州萬年心聞曇貫禪師高麗國坦然國師

慶元府天童慈航了朴禪師

臨安府龍華無住本禪師

常州無錫華藏退庵先禪師

機語未見

道場普明慧琳禪師法嗣二人一人見錄

臨江軍東山吉禪師

通州狼山珙禪師

機語未見

烏回範禪師法嗣一人

湖州烏回禪師

機語未見



十八之卷

南嶽第十六世臨濟十二世  
楊岐五世

徑山大慧普覺宗杲禪師法嗣七十五人二十

七人見錄

福州西禪懶庵鼎需禪師

福州東禪蒙庵思岳禪師

泉州教忠晦庵彌光禪師福州玉泉曇懿禪師

饒州薦福悟本禪師

福州西禪此庵守淨禪師

建寧府開善密庵道謙禪師

慶元府育王大圓遵璞禪師

温州鴈山能仁枯木祖元禪師

江州東林已庵道顏禪師潭州大溈寶禪師

眞州靈巖東庵了性禪師

建康府蔣山一庵善直禪師

劍州萬壽自護禪師

潭州大溈了庵長暈禪師

臨安府靈隱誰庵了演禪師

秦州光孝草庵智遠禪師建寧府竹原宗元庵主  
近禮侍者

温州淨居尼定光大師妙道

平江府資壽尼無著妙總侍郎張九成居士語見賢臣

參政李邴居士語見賢臣 寶文劉彥脩居士語見賢臣

提刑吳偉明居士語見賢臣 門司黃彥節居士語見賢臣

秦國太夫人計氏妙眞

成都府正法秀禪師

泉州舟峰慶老禪師

嘉州九頂法生禪師

眉州黑水疊振禪師

潭州龍王自隱禪師

福州大雲峰穎禪師

福州南華因禪師

福州秀峰南禪師

溫州靈峰詮禪師

嚴州烏龍弼禪師

池州石門仁禪師

衡州華藥繼明禪師

信州博山能禪師

饒州薦福普仁禪師

廣州光孝林禪師

荊門軍玉泉如晦禪師

衡州伊山冲密禪師

泉州清涼殊禪師

嘉州華嚴覺印禪師

潭州嶽麓梵禪師

吉州祥符如本禪師

福州慶成冲禪師

婺州明招微禪師

廣州報恩崇海禪師

福州太平言禪師

漳州法濟僧弼禪師

福州大明廣容禪師

漳州浴浦相禪師

興化軍石泉詠禪師

漢州崇慶崇慶禪師

潭州大溈慧如禪師

梅州光孝圓禪師

隆興府黃龍妙照禪師

衡州光孝立禪師

福州興王如沼禪師

福州雪峰可庵然禪師

建康府蔣山思禪師

泰州光孝祖彥禪師

紹興府象田信禪師

婺州明招觀禪師

潭州龍牙信禪師

紹興府象田德禪師

成都府昭覺祖明禪師

成都府昭覺品庵子文禪師

峨山能仁政煥首座

法宏首座

岳侍者

編修黃文昌居士

已上機語未見

### 十九之卷

南嶽第十六世

臨濟十二世  
楊岐五世

文殊心道禪師法嗣三人二人見錄

潭州楚安慧方禪師

常德府文殊思業禪師

常德府文殊瓊禪師

機語未見

大瀉佛性法泰禪師法嗣四人

潭州慧通清且禪師

澧州靈巖安禪師

成都府正法灝禪師

成都府昭覺辯禪師

虎丘紹隆禪師法嗣一人

慶元府天童應庵曇華禪師

丹霞佛智達庵端裕禪師法嗣九人四人見錄

福州清凉坦禪師

臨安府淨慈水庵師一禪師

湖州道場無庵法全禪師

泉州延福寒巖慧升禪師

福州大目肇禪師

隆興府雲巖法秀禪師

處州連雲行教禪師

婺州上巖詠禪師

慶元府安巖古禪師

已上機語未見

華藏密印安民禪師法嗣一人

臨安府徑山別峰寶印禪師

昭覺徽庵元禪師法嗣一人

鄂州鳳棲慧觀禪師

虎丘雪庭元淨禪師法嗣一人

台州翠雲僧竹禪師

機語未見

### 二十之卷

南嶽第十六世

臨濟十二世  
楊岐五世

龍翔竹庵士珪禪師法嗣二人

南康軍雲居頑庵得昇禪師

通州狼山蘿庵慧溫禪師

護國此庵景元禪師法嗣四人

台州國清簡堂行機禪師

鎮江府焦山或庵師體禪師

常州華藏湛堂智深禪師參政錢端禮居士語見賢臣

天寧訥堂梵思禪師法嗣三人

吉州青原立禪師 平江府澄照行齊禪師

知首座

已上機語未見

靈隱佛海慧遠禪師法嗣五人

慶元府東山全庵齊已禪師

撫州疎山歸雲如本禪師日本國覺阿上人

侍郎曾開居士語見賢臣 太守葛郊居士語見賢臣

南華知易禪師法嗣四人

新州四祖肇禪師 紹州南華明禪師

邵州天寧法清禪師 成都府正法月禪師

已上機語未見

蓬萊卿禪師法嗣一人

慶元府延福廣禪師

機語未見

何山佛燈守珣禪師法嗣四人二人見錄

婺州義烏稠嚴了贊禪師待制潘良貴居士語見賢臣

臨安府天井普應佛慧道如禪師

婺州鄭續居士

已上機語未見

西禪文璉禪師法嗣一人

遂寧府西禪希秀禪師

雲居高庵善悟禪師法嗣九人四人見錄

婺州雙林用禪師

台州萬年道閑禪師

福州中際能禪師

南康軍雲居普雲目圓禪師

信州懷王堅禪師 福州靈瑞改禪師

隆興府同安隆禪師 隆興府雲岩宜方禪師

筠州黃雙幻住印禪師

已上機語未見

大瀉牧庵法忠禪師法嗣三人一人見錄

成都府信相戒修禪師

劍州崇化道資禪師 漢州無爲道微禪師

已上機語未見

寶峰明禪師法嗣一人

漢州無爲守緣禪師

谷山海禪師法嗣一人

衡州報恩法舟禪師

機語未見

烏巨雪堂道行禪師法嗣六人三人見錄

饒州薦福退庵休禪師

信州龜峰晦庵慧光禪師

眞州長蘆且庵守仁禪師

江州天寧記禪師

婺州智者修禪師

饒州薦福忠禪師

已上機語未見

嘉泰普燈錄總目錄卷中

嘉泰普燈錄總目錄卷下

二十一之卷

南嶽第十六世臨濟十二世  
楊岐五世

大鴻月庵善果禪師法嗣十三人八人見錄

荊門軍玉泉窮谷宗璉禪師

潭州大鴻行禪師

潭州道林淵禪師

隨州大洪老衲祖證禪師

隆興府石亭野庵璇禪師

隆興泐潭山堂德淳禪師

常州保安復庵可封禪師潭州石霜宗鑑禪師

潭州法輪鐵庵孜禪師 太平州吉祥樂禪師

襄陽府石門立禪師 婺州雙林遠禪師

平江府穹窿覺文禪師

已上機語未見

梁山廓庵師遠禪師法嗣一人

成都府信相宜禪師

機語未見

雲居法如禪師法嗣二人

太平州隱靜圓極彥本禪師

鄂州報恩成禪師

歸宗眞牧正賢禪師法嗣二人

漢州無爲了悟禪師 江州永福嗣衡禪師

已上機語未見

道場正堂明辯禪師法嗣五人二人見錄

平江府覺報清禪師 湖州何山然首座

湖州道場言禪師 成都府正法濟禪師

成都府金剛懃禪師

已上機語未見

白楊法順禪師法嗣二人一人見錄

吉州青原如禪師

汀州南安巖如禪師

機語未見

淨居尼慧溫法嗣一人

溫州淨居尼無相大師法燈

南嶽第十七世臨濟十二世黃龍六世

萬年心聞曇貴禪師法嗣三人二人見錄

溫州龍鳴在庵賢禪師 潭州大瀉曉庵鑒禪師

舒州投子淳禪師

機語未見

南嶽第十七世臨濟十二世黃龍六世

西禪懶庵鼎需禪師法嗣二人

福州鼓山木庵安永禪師南劔州劔門安分庵主

東禪蒙庵思岳禪師法嗣二人一人見錄

福州鼓山宗逮禪師

福州鼓山石庵知禪師

機語未見

薦福悟本禪師法嗣一人

法燈首座

機語未見

育王大圓遵環禪師法嗣一人

然庵主

機語未見

開善密庵道謙禪師法嗣一人

仙州山吳十三道人

東林已庵道顯禪師法嗣六人二人見錄

荆南府公安遜庵祖珠禪師

汀州報恩法演禪師

湖州積善道昌禪師

澧州府護聖麟庵開禪師南康軍棲賢解禪師

成都府保福芥庵清皎禪師

已上機語未見

教忠晦庵彌光禪師法嗣二人

泉州法石中庵慧空禪師

臨安府淨慈混源曇密禪師

西禪此庵守淨禪師法嗣二人一人見錄

福州乾元宗穎禪師

福州中際才禪師

機語未見

天童應庵曇華禪師法嗣六人三人見錄

慶元府天童密庵成傑禪師

南書記

侍郎李浩居士語臣



吉州禾山心鑒禪師 婺州智者菴禪師

教授嚴康朝居士

已上機語未見

道場無庵法全禪師法嗣一人

常州華藏伊庵有權禪師

大瀉行禪師法嗣一人

常德府德山涓禪師

龜峰晦庵慧光禪師法嗣一人

果州報恩智因禪師

機語未見

雙林用禪師法嗣一人

建寧府三峰印禪師

靈瑞眩禪師法嗣一人

潭州福嚴傑禪師

機語未見

二十一之卷

聖君

太宗皇帝

仁宗皇帝

高宗皇帝

眞宗皇帝

徽宗皇帝

孝宗皇帝

賢臣上

丞相王隨居士

文定公張方平居士

鄭中許式居士

都尉李遵勗居士

節使李端愿居士

中書李林宗居士

比部孫居士遺其

已上賢臣編目謹依宗派類定不以官品世次

校也

二十三卷

賢臣下

文公楊億居士

鄭中張僅居士

太史黃庭堅居士

荊公王安石居士

丞相富弼居士

黃門侍郎蘇轍居士

殿院李瑛居士

修撰曾會居士

參政呂惠卿居士

英公夏竦居士

禮部楊傑居士

簽判劉經臣居士

節推朱炎居士

清獻公趙抃居士

太傅高世則居士

中大吳中立居士

提刑郭祥正居士

內翰蘇軾居士

正言王居士

名祀 欽宗廟諱

樞密徐俯居士

丞相張商英居士

文定公胡安國居士

王大夫居士遺其

左丞范冲居士

中丞盧航居士

左司都貺居士

郡王趙令矜居士

給事馮楫居士

龍圖王蕃居士

教授蔡鳳居士

待制潘良貴居士

侍郎張九成居士

參政李邴居士

寶學劉子羽居士

提刑吳偉明居士

門司黃彥節居士

參政錢端禮居士

內翰曾開居士

知府葛郊居士

侍郎李浩居士

通判趙善期居士

朝奉俞南仲居士

二十四之卷

應化聖賢

千歲寶掌和尚

扣冰漢先古佛

酒仙遇賢和尚

南安殿自嚴尊者

法華志言大士

知足智華道者

風法華

李通立長者

呂巖真人

張用成真人

拾遺未詳法

福州東山三教雲頂禪師京洛和尚

婺州雲幽重憚禪師

建寧府等覺智榮禪師

雙溪布衲如禪師

舒州海會如新禪師

舒州投子通禪師

舒州海會通禪師

舒州四面懷清禪師

處州法海立禪師

汝州天寧明禪師

成都府保福贊禪師

蜀中仁王欽禪師

神照本如法師

本嵩律師

臨安府上天竺證悟圓智講師

金陵鐵索山主

潞潭山庵主遺其

温州淨居尼圓機

温州陳道婆

二十五之卷

諸方廣語

西蜀仁王欽禪師

潞潭真淨文禪師

天寧芙蓉楷禪師

黃龍死心新禪師

本覺法真一禪師

潞潭湛堂準禪師

大平佛鑒勲禪師

天寧佛果勤禪師

龍門佛眼遠禪師

渤潭闍提照禪師

徑山大慧普覺杲禪師

語見正法眼藏

開善密庵謙禪師

徑山別峰印禪師

二十六之卷

拈古

蔣山佛慧泉禪師二則

翠岩真禪師三則

白雲端禪師三則

保寧勇禪師二則

黃龍晦堂心禪師二則

渤潭眞淨雲庵文禪師三則

大瀉眞如詰禪師二則

法雲圓通秀禪師二則

智海正覺逸禪師二則

上方益禪師三則

五祖演禪師六則

黃龍死心新禪師四則

兜率眞寂悅禪師一則

渤潭祥禪師二則

雲峰祖燈璿禪師一則

渤潭湛堂準禪師五則

太平佛鑒勲禪師六則

天寧佛果圓悟勤禪師四則

龍門佛眼遠禪師二則

大隨南堂靜禪師四則

九仙清禪師二則

崇覺空禪師一則

淨因踰庵成禪師二則

淨慈月堂昌禪師二則

大瀉佛性泰禪師七則

徑山大慧普覺杲禪師六則

淨因枯木成禪師二則

護國此庵元禪師一則

西禪懶庵果需師二則

大瀉月庵果禪師二則

何山佛燈珣禪師一則

烏巨雪堂行禪師四則

大瀉牧庵忠禪師一則

西禪此庵淨禪師二則

靈隱佛海遠禪師二則

天童應庵華禪師六則

道場正堂辯禪師一則

教忠晦庵光禪師一則

東禪蒙庵岳禪師一則

開善密庵謙禪師二則

東林已庵顏禪師四則

玉泉窮谷璉禪師二則

國清簡堂機禪師三則

天童密庵傑禪師一則

資壽尼無著妙總一則

二十七之卷

頌古上

法昌遇禪師七首

蔣山佛慧泉禪師三首

翠巖眞禪師七首

白雲端禪師十二首

保寧勇禪師十三首

渤潭真淨雲庵文禪師八首

淨因枯木成禪師二首 慧林慈受深禪師四首

雪峯妙湛慧禪師一首 渤潭湛堂準禪師七首

渤潭闍提照禪師五首 蔣山佛鑑勸禪師七首

天寧佛果圓悟勤禪師七首

龍門佛眼遠禪師五首 開福寧禪師三首

大隨南堂靜禪師六首 龍牙言禪師九首

勝因戲魚靜禪師四首 薦福常庵崇禪師三首

寶華佛慈鑑禪師二首 淨慈月堂昌禪師四首

天童宏智覺禪師一首 華嚴真懿蘭禪師五首

上方登禪師二首 淨因端庵成禪師四首

黃龍死心新禪師二首 木庵瓊首座二首

欽山方禪師二首 南華曷禪師二首

文殊道禪師四首 龍牙囉囉才禪師二首

何山佛燈珣禪師五首 龍翔竹庵珪禪師六首

大溪牧庵忠禪師三首 烏巨雪堂行禪師五首

二十八之卷

頌古下

大溪佛性泰禪師十二首

徑山大慧普覺杲禪師十首

道場正堂辯禪師十六首 萬年雪巢一禪師二首

上封佛心才禪師二首 崇覺空禪師一首

南巖勝禪師七首 梁山遠禪師三首

道場普明琳禪師二首 靈隱佛海遠禪師七首

本寂靈光觀禪師三首 東禪蒙庵岳禪師四首

萬年閑禪師二首 靈巖安禪師四首

天童應庵華禪師三首 廬山枯木元禪師二首

東林止庵顏禪師八首 雪竇閑庵宗禪師三首

善權智禪師五首 狼山嘉庵溫禪師五首

國清簡堂機禪師四首 焦山或庵體禪師七首

玉泉窮谷璉禪師三首 文殊能禪師二首

開善密庵謙禪師七首 西禪此庵淨禪師一首

長蘆且庵仁禪師一首 淨慈水庵一禪師二首

德山涓禪師二首 薦福退庵休禪師四首

劔門分禪庵主五首 資壽尼無著道人二首

侍郎楊無爲居士七首 丞相張無盡居士五首

二十九之卷

偈贊

翠岩真禪師三首

法昌遇禪師九首

金山遠觀顯禪師一首

黃龍普覺南禪師二首

雲峰悅禪師六首

開先遷禪師一首

芙蓉楷禪師五首

白雲端禪師四首

保寧勇禪師十首

五祖演禪師三首

淨因枯木成禪師一首

黃龍死心新禪師四首

慧林慈受深禪師一首

泐潭湛堂準禪師五首

長蘆祖照和禪師一首

泐潭闍提照禪師一首

龍門佛眼遠禪師十一首

龍牙言禪師一首

勝因戲魚靜禪師二十二首

虎丘隆禪師二首

薦福常庵崇禪師一首

寶華佛慈鑒禪師五首

淨慈月堂昌禪師二首

廣福尚禪師二首

長蘆真歇了禪師三首

雲峰古禪師一首

黃龍草堂清禪師一首

善權智禪師四首

德山佛性泰禪師五首

徑山大慧普覺果禪師十一首

烏巨雪堂行禪師三首 護國此庵元禪師二首

道場正堂辯禪師五首 欽山方禪師四首

靈隱佛海遠禪師五首 虎丘雪庭淨禪師四首

天童應庵華禪師四首 博山本禪師二首

東林已庵顯禪師七首 國清簡堂機禪師二首

焦山或庵體禪師六首 玉泉窮谷建禪師一首

公安遜庵珠禪師二首 劔門分禪庵主七首

酒仙和尚十首 太史黃山谷道人八首

三十之卷

雜著

蔣山佛慧泉禪師

默庵歌 并序

吳山師子端禪師

睡辭

放牛歌

易說

法昌遇禪師

寄徐龍圖歌

答徐龍圖歌



保寧勇禪師

贈洪井朱道人歌

泐潭真淨雲庵文禪師

送雅禪者往石城作句歌

寶峯闡提照禪師

和陸德先尙書歌

勸徒銘

龍門佛眼遠禪師

坐禪銘

黃龍佛壽靈源清禪師

無生常住真歸告

泐潭湛堂準禪師

贈奇松頭歌

龍牙言禪師

送務紳禪人分衛歌

示曇清侍者牧牛歌

勝因戲魚靜禪師

拄杖歌

薦福常庵崇禪師

和陶潛歸去來辭

常庵賦

司空山歌

座右銘

上封佛心才禪師

坐禪儀

治父川禪師

參玄歌

開善密庵謙禪師

答陳知丞書

劍門分禪庵主

雜句

侍郎楊無爲居士

了了堂記

太史黃山谷道人

跨牛庵銘

翠巖真禪師語錄序

丞相張無盡居士

金剛般若經三十二分說

東林善法堂記

嘉泰普燈錄總目錄下卷終

嘉泰普燈錄卷第一

平江府報恩光孝禪寺臣僧 正受 編

紀佛祖

傳燈曰如來將化預命摩訶迦葉云吾以清淨法眼  
涅槃妙心實相無相微妙正法今付於汝汝當護持  
并敕阿難貳其傳化無令斷絕廣燈曰大迦葉謂阿  
難云婆伽婆未圓寂時多子塔前以正法眼藏密付  
於我我今傳付於汝原是二者蓋體涅槃及阿含等  
經承述之也爾後佛祖授受凡二十八傳至菩提達  
磨自達磨五傳而至曹溪曹溪一傳而角立是爲青  
原是爲南嶽自青原南嶽不十傳則嶽分矣曰臨濟  
曰曹洞曰雲門曰潯仰曰法眼其印度佛祖密乘奧  
旨歲時詳略皆備冠乎傳燈三錄之首今茲纂集不  
復稠疊直自此土初祖菩提達磨以下依次編錄垂  
之無窮獨爲仰法眼數傳而絕者不可得而載焉  
宗師機緣未詳當留以俟來哲 在

六代祖師

初祖菩提達磨大士姓利帝南天竺國香至王之

季子也因二十七祖般若多羅行化其國王與三子  
迎請供養施以無價寶珠祖知其授道時至願所施  
珠問三王子曰此珠圓明有及此否二王子皆云此  
珠七寶中尊唯大士所對才辯清發稱有理趣祖歎  
異之及香至歿衆俱號絕獨大士志求出家端坐不  
動尋辭二兄禮祖足曰某素不顧國位欲以法利物  
而未得其師久有所待今遇尊者出家決矣願悲智  
見容祖與披剃受具卽說偈付法眼藏仍識往震旦  
歲月留難佛法隆替服勤四十餘年迨祖順世遂化  
本國摧六宗異解由是聲馳五印歲逾五紀度無量  
衆後值異見王輕蔑三寶俾無相宗首波難提往詣  
王所廣開法要王悟入悔謝遂問仁者之師其誰耶  
曰卽王之叔達磨大士也王駭然久之敕令近臣邀  
至宮掖爲懺往咎大士復念震旦緣熟行化時至乃  
辭祖塔同學及異見王囑付護持王具大舟親率臣  
屬送至海墘歷歲二周以梁普通元年庚子九月之  
二十一日始達于南海廣州刺史肅勵具主禮迎接  
表奏武帝帝遣使齎詔迎歸京城十月一日抵金陵

車駕郊迎延居別殿遂問聖諦機語不契至十九日

潛往江北

傳燈云祖以丁未普通八年至韶州時刺史蕭昂具禮迎接表奏據明教禪碑正宗

記乃曰祖以庚子普通元年至韶州刺史蕭昂迎接具奏蕭昂不曾刺韶州乃昂之子也以南北史驗之則當以正

先是誌公修高座寺謂寺主靈觀曰當有

大乘菩薩自西而來廣化此國聽吾議曰仰觀兩扇

低腰捻鈎九鳥射盡唯有一頭至即不至要假須刀

逢龍即住遇水即逃靈觀聞已默而識之十一月二

十三日居于洛陽時後魏孝明正光之元年

傳燈云太和十

年寓止嵩山少林等面壁而坐朱臂輒語人莫之測

有僧神光者久居伊洛博窮內外之書臂歎曰孔老

之教粗述玄微經論之詮未盡妙理近聞達磨大士

住止少林至人不遙當造玄境乃夤夕參承大士間

然屹坐莫聞譏勸光念曰昔人求道敲骨取髓布髮

拖泥古尚若此我何人哉其年十二月九日夜天大

雨雪光堅立不動遲明積雪齊腰大士見而問曰汝

久立雪中當求何事光泣曰惟願慈悲開甘露門廣

度羣品曰諸佛無上妙道曠劫精勤難行能行非忍

而忍豈以小德小智輕心慢心欲冀真乘無勞動苦

光聞斷其左臂置大士前大士器而謂曰諸佛最初

求道爲法忘形汝今斷臂吾前求亦可也因爲易名

曰慧可光曰諸佛法印可得聞乎曰諸佛法印匪從

人得光曰我心未寧乞師與安曰將心來與汝安光

曰覓心了不可得曰與汝安心竟光即大契悟自後

同得開悟者數人魏帝聞其異三詔不至就賜伽梨

瓶鉢綈帛等九年欲返天竺命門人各言所得道副

等陳所得竟遂顯光勸令緩護說付法偈及識語傳

衣畢與其徒衆往禹門千聖寺止三日爲期城太守

楊街之說法歸少林寺端居而逝即李莊永安二年

己酉十月五日也帝遣中使何弘簡馳書至梁告哀

武帝感悵久之下詔皇太子備諫文偕百官就奠賜

寶器一十六事充祭綈絹百束爲賻助之禮諫文見寶林傳

十二月二十八日魏詔奉全身塔於熊耳山定林寺

後三年武帝聞魏使宋雲見之慈嶺手携隻履而歸

即以所聞并魏啓墳事製始末行實唐代宗諡曰圓

覺大師塔名空觀傳燈云祖以後魏明帝太和十九年丙寅歲卒以史考之太和丙寅

被天靈元年壬午隔一十七年是時梁武帝尚未立又況太和乃孝文帝朝年號明帝朝即無太和之稱唯明

教禪師正宗記編年次第與史傳發合性往來傳燈時以齊林傳爲據故差之特甚

二祖慧可大士武牢人也生姬氏自承委寄繼闡玄風博求法嗣至北齊天平二年有居士年四十餘不言名氏作禮曰弟子身纏風恙請和尚與懺罪曰將罪來與汝懺士良久曰覓罪性了不可得曰與汝懺罪竟宜依佛法僧住士曰今見和尚已知是僧未審何名佛法曰是心是佛是心是法法佛無二僧寶亦然士曰今日始知罪性不在內不在外不在中間如其心然佛法無二也祖然之卽爲剃髮曰是吾寶也可名僧璨乃受具說偈付衣法後三十四載混迹人間隋開皇癸丑三月十有六日因事怡然委頓時年一百七歲塔于磁州滏陽東北七十里德宗諡曰大祖禪師

三祖僧璨大士未詳族里自謁大祖受度傳法隱于舒之皖公山屬周武破滅佛法往來司空山十有餘載人無知者至開皇十二年有沙彌道信年始十四前禮足云願和尚慈悲乞與解脫法門曰誰縛汝云無人縛曰何更求解脫信於言下大悟巾侍九祀屢

以立微試之卽授衣法往羅浮二秋回舊止大業二年十月十五日受士民檀供已復爲四衆廣宣心要於法會大樹下合掌屹立而終奉眞身塔於山谷寺後玄宗諡曰鑑智禪師覺寂之塔

四祖道信大士族司馬氏世居河內後徙新之廣濟生而超異於解脫法契如夙昔自續祖位耆不至席者殆六十年隋大業中領徒抵廬陵值羣盜圍城七旬乃解唐武德甲申歲歸住破頭山禪侶雲集一日至黃梅路逢小兒骨相奇偉遂問曰子何姓云姓卽有不是常姓曰是何姓云是佛性曰汝無性耶云性空故祖默識之俾侍僧至其舍誘出家母亦知其宿緣殊無難色祖以衣法付之永徽辛亥閏月四日誡門人曰一切諸法悉皆解脫汝等各自護念流化未來言訖安坐而逝壽七十有二奉眞身于本山至今塔戶不開儀相如生代宗諡大覺禪師塔曰慈雲五祖弘忍大士斬之黃梅人出周氏處女以栽松道者假陰而生隨母姓焉旣稟大鑒之任遂嗣化破頭山咸亨中有盧居士者名慧能來謁祖問曰汝自何

來云嶺南曰欲須何事云唯求作佛曰汝嶺南人無佛性安能作佛云人有南北佛性豈然耶祖陰異之令著槽廠逾八月潛以所傳屈晦伽梨說偈付之且曰昔達磨初至人未之信傳衣以明得法今信心已熟衣乃爭端止於汝邊不復傳也兼記所隱之地能禮辭捧衣南邁衆無知者祖自此不復上堂經四載至上元二年忽告衆曰吾今事畢時可行矣卽入室安坐而逝壽七十有四塔於黃梅之東山眞身迄今不壞代宗諡曰大滿禪師法雨之塔

六祖慧能大士盧氏子父行瑫本范陽人也武德三年左宦新州正觀十二年戊戌二月八日夜子時誕質祥光滿室父亡三歲家貧母李氏徙居南海旣長市薪爲養一日至邸聞誦金剛經至應無所住而生其心豁然開悟歸告母以爲法尋師之意遂往韶州遇高行士劉志略結爲友及爲尼無盡藏說涅槃妙理延居寶林寺四衆雲集俄成寶坊忽自念曰我求大法豈中道而止耶卽抵西山之石室遇智達禪師指見黃梅大滿和尚滿見而器之令入廡下一夕密

授衣孟隱于懷集四會之間儀鳳元年正月八日居南海法性寺夜寓廊廡聞二僧競辯風幡祖爲決其疑有法師印宗者嘗講大涅槃經衆所推重服其語異請問勸渠祖以理曉之宗駭然起問何以證此祖直敘得法始末出信衣悉令瞻拜印宗等作禮已復問忍大師付囑如何指授曰唯論見性不論禪定解脫無漏無爲又問何故不論禪定解脫曰爲是二法不是佛法佛法是不二之法又問何名不二之法曰法師講涅槃經明佛性是不二之法且如高貴德王菩薩白佛言世尊犯四重禁作五逆罪及一闍提等當斷善根佛性否佛言高貴德王菩薩善根有二一者常二者無常佛性非常非無常是故不斷名之不二一者善二者不善佛性非善非不善是故不斷名之不二二蘊之與界凡夫見二智者了達其性無二無二之性卽是實性故知佛性乃不二之法也印宗聞已起立合掌願事爲師且告衆曰此居士者眞肉身菩薩也我所講說猶如瓦礫彼所談論譬若精金諸人信否衆皆稽首歸依至十五日會諸名德爲之剃



落二月八日受滿分戒於智光律師明年春欲還舊

隱宗與縑白千餘人送歸寶林詔刺史韋據請於大

梵寺普爲四衆說心地法門度諸弟子於先天二年

七月一日謂門人曰吾欲歸新州速理舟楫時大衆

哀慕乞師少留祖乃爲說法要遂往國恩寺復爲四

衆說法有僧從幽州來參禮白言大士佛說三乘法

又言最上乘弟子不解願賜慈悲祖告之曰汝須自

身心見莫著外法相無有乘法人心量有等見聞轉

讀是小乘悟法解義是中乘依法修行是大乘言下

識自本心見自本性萬法盡通萬行俱備一切不染

離諸見相念念住建立萬法是名最上乘乘是行

義不在口說汝須自修法不相待莫問吾也僧於言

下心大啓悟又爲道俗開示種種譬喻并識記日後

留難及說偈竟中夜加趺而化異香襲人白虹墜地

時八月三日也詔新各崇靈塔爭欲迎請二郡刺史

焚香決之遂鎮曹溪以十一月十三日入塔世壽七

十有六前後帝王所賜珍具甚夥同信衣藏于塔所

憲宗謚曰大聖塔曰元和靈照

如上祖師實錄詳備見傳廣二燈云

傳廣二燈遺錄及未詳宗師

隆興府鳳棲同安第二代志禪師

同安王侍先同安之

久不將顯世上堂謂衆曰多子塔前宗子秀五老峰

前事若何如是三舉師出應云夜明簾外排班立萬

里歌謠道太平不日須是這驢漢始得即以院付師

端然而逝師繼席後有僧問凡有言句盡落今時學

人上來請師直指曰目前不現句後不迷云向上事

如何曰迥然不換標的即乖

以湖州宗派并曹洞宗旨考之洞山价出雲居

廣齊出同安王不出同安志今傳燈等列志在同安或下按威之嗣曰九峰滿威與雲居廣齊嗣洞山若列志

在威下誤矣

隆興府同安慧敏禪師

洞山初到洞山問諸聖以何

爲命曰不問斷云還有向上事也無曰有云如何是

向上事曰不從間斷師於言下有省住同安曰上

堂曰若是作家應須如是舉雖然恁麼也是厨寒飯

足塵

襄陽府廣德第二代表禪師

同廣德延傳燈誤錄其名

僧問如

何是古佛心曰千年曆日雖無用犯著依前總滅門

問如何是廣德境曰清流無間斷碧樹不曾凋問

不闡三乘教如何話祖宗曰誕生王子非修進判斷山河自有人 問如何是學人相契處曰方木逗圓孔 問時人有病醫王醫醫王有病甚人醫師展手曰與我診候云不會曰須彌徒作藥四海護爲湯問如何是出家幽暢處曰瑞草爲甍不覺秋 問向上一路千聖不傳和尙還傳否曰鐵丸塞口塞難得解吞人 問如何是賓中賓曰蕩子無家計飄蓬歲不知云如何是賓中主曰茆戶挂珠簾云如何是主中賓曰龍樓鋪草座云如何是主中主曰東宮雖至嬌不面聖堯顏 問如何是不昏底事曰夜半無燈燭家書歷歷宣 問如何是蓬門生貴子曰襤衫不自遮 問體妙玄玄爲甚麼今人不曉曰四足踞地乾坤黯黑 問有室女未嘗嫁甥生得一子姓箇甚麼曰偶然衫子破闌外沒人蹤 問懸崖峭峻還具得失也無曰忻逢良便好與一推 問如何是不睡眠底眼曰昨夜三更擊不開 問如何是密室曰茆茨當大道云如何是密室中人曰歷劫沒人敲 問衆星橫夜月時如何曰互影不交光

鄧州大陽堅禪師嗣靈泉仁傳燈 出百丈超下 僧問如何是立旨曰壁上挂錢財 問如何是無相道場曰不坐菩提樹懶向雪山游 潭州福嚴良雅禪師嗣洞山初 居洞山第一座山參次僧出問如何是佛山答曰麻三斤參罷山至寮謂師曰我今日答這僧話得麼云恰值某淨髮山曰你元來作這去就拂袖便出師云這老漢將謂我動他這話頭不得因作偈呈之曰五彩畫牛頭黃金爲點額春晴二三月農人皆取則寒食賀新正鐵錢三五百山見深肯之大惠武庫中誤引此頌爲洞山初和尙作後人又誤認初和尚麻三斤爲价和尚語二俱訛舛蓋雪竇頌古舉語中但曰洞山故也 住福嚴曰 僧問如何是和尙家風曰入門便見 問如何是佛曰臂長衫袖短吉州西峰祥符圓淨雲豁禪師嗣清涼明或郡之永出雲居融下 和曾氏子幼棄儒爲比丘巡禮方外發明已事晚見清涼出問佛未出世時如何曰雲遮海門樹云出世後如何曰壁破鐵圍山於言下大悟始蒙印可歸住西峰之寶龍雲侶聯集祥符二年 眞宗皇帝聞其名遣中謁者 召至訪問宗要留上

苑經時冥坐不食。上嘉異賜號圓淨。既而辭歸。留之不可乃聽。珍錫甚隆。皆不受。加侍者四人。命服度弟子十人。以詩寵其行。四年改寶龍曰祥符。亦旌師之居也。嘗有問易中要旨者。師曰。夫神生於無形。而成於有形。從有以至於無。然後能合乎妙。圓正覺之道。故自四十九衍以至於萬。有一千五百二十以窮天下之理。以盡天下之性。不異吾聖人之教也。師示寂之夜。鳴鼓告衆。仍說偈曰。天不高地不厚。自是時人覩不透。但看臘月二十五。依舊面南看北斗。嗔然而逝。茶毗。獲舍利五色者無數。合靈骨爲塔焉。壽七十有七。臘五十。

懷安軍雲頂德敷禪師

嗣護國遠

嘗問護國直截根源。佛

所印摘葉尋枝。我不能時。如何曰。罷攀雲樹。三秋果休弄碧潭。孤月輪師乃頓釋所疑。遂返雲頂。衆請住持。成都帥請就衙陞座。時有樂營使禮拜起。回顧塔前下馬臺。云。一口吸盡西江水。淨且置。請和尚吞却。塔前下馬臺。師展兩手唱曰。細抹將來。管使猛省。潭州北禪懷感禪師

嗣石門徹

僧問。如何是諸聖爲人

底句。曰。紅輪輝萬戶。光燭本無心。問師唱誰家曲。曰。石戶不留心。洞玄通妙的。問如何是佛。曰。尺短寸長。

襄陽府石門紹遠禪師

嗣石門徹

僧問。四方八面來時

如何。曰。赤脚波斯鼻。驢天。問如何是祖師西來意。

曰。石牛欄古路。木馬驟高樓。

鳳翔府青峰義誠禪師

嗣石門徹

僧問。三際不生。是何

人境界。曰。白雪連雪嶽。明月混漁釣。云。未審向上更有事也。無曰。有云。如何是向上事。曰。靈光燦破瑠璃色。大地明來絕點痕。問如何是青峰家風。曰。向火喫甜瓜。

契甜瓜

筠首座者

嗣石門徹

太原人也。自至石門。逾三十年。叢林

慕之。有僧請喫茶。次乃問。如何是首座爲人。一著子曰。適來猶記得云。卽今又如何。曰。好生點茶來。一日荷鋤入園。僧問。三身中那一身去作務。師拄鋤而立。僧曰。莫便當也。無師攜鋤便行。

襄陽府石門聰禪師

嗣石門徹

僧問。大陽遷化。向甚麼

處去。曰。騎牛不戴帽。正坐不偏行。

潭州神鼎洪誼禪師<sup>嗣首</sup>族扈氏襄水人也自游方一衲以度寒暑嘗與數耆宿至襄沔間有僧學論宗乘頗博捷會飯于野店中而論說不已師謂曰三界唯心萬法唯識唯識唯心眼聲耳色是甚麼人語云法眼偈也曰其義如何云唯心故根境不相到唯識故聲色縱然曰舌味是根境否云是師以筴菜置口中含胡而言曰何謂相入耶一座驚顧莫能加答師曰路途之樂終未到家見解入微不名見道參須實參悟須實悟閻羅大王不怕多語僧拱而退後返長沙隱于衡嶽三生藏有湘陰豪貴來游福嚴即師之室見其氣貌閑靜一鉢挂壁餘無長物傾愛之遂拜跪請曰神鼎乃我家植福之地久乏宗匠願師俱往何如師笑而諾之即以已馬負師至十年始成叢席一朽床爲說法座其甘枯淡無比又以德臘俱高諸方尊仰之如古趙州上堂舉洞山云貪嗔癡太無知賴我今朝識得伊行便打坐便撻分付心王子細推無量劫來不解脫問汝三人知不知師曰古人恁麼道神鼎即不然貪嗔癡實無知十二時中任從

伊行即往坐即隨分付心王擬何爲無量劫來元解脫何須更問知不知上堂舉古龍牙頌曰一云學道如鑽火逢煙未可休直待金星現歸家始到頭師曰神鼎即不恁麼學道如鑽火逢煙即便休莫待金星現燒脚又燒頭且道神鼎恁麼道爲當違古人願古人別有道理汝道恁麼去底人好恁麼來底人好到這裏須具衲僧眼始得莫受人瞞珍重上堂風不鳴條雨不破塊即且止作麼生打得箇翻車筋斗到梵天去若有出來作箇伎倆有麼莫教帝釋惡發後有僧入室云某甲當時出來左轉一轉便歸衆師曰莫教帝釋惡發又作麼生云知恩者少負恩者多日築著鼻孔僧問魚鼓未鳴時如何曰看天看地云鳴後如何曰捧鉢上堂問輪迴六道底人畢竟如何曰不願成佛云爲甚麼不願成佛曰佛亦不究竟云請師一言曰昨日猶記得今朝話無門問正馬單槍時如何曰神鼎打退鼓云畢竟事如何曰想你不是這手脚問撥塵見佛時如何曰佛亦是塵問如何是和尙家風曰飢不擇食問殺父殺母佛

前懺悔殺佛殺祖向甚處懺悔曰水長船高問布以  
七淨華浴此無垢人既是無垢人爲甚麼却浴曰清  
淨亦不立

劍門慈雲重謚禪師

嗣音山念

僧問如何是和尙家風

師豎拂子僧云究竟如何曰煎茶煮水云好日多

同曰休更切切問如何是祖師西來意曰紅輪輝

萬戶綠水遶青山

鎮江府金山瑞新禪師

嗣福昌善

後住天聖

上堂曰德

山一棒當甚麼英雄金山只重他解偷楚號而所楚

營臨濟一喝當甚麼嘍囉金山只重他奪賊刀殺賊

自餘天下老和尚並是攻墻割壁都市白拈動便納

敗闕且未見一箇是盜狐白裘底手脚金山恁麼判

判諸方聞得無不努唇胖背何也如今卽是覺苑含

春風習習菩提樹上華族簇豈知迦葉有宗風盡把

玄微爲眼目致使金山這裏土曠人稀相逢者少然

性已習成難爲改革金山乍可凍殺餓殺終不肯著

他爛臭布衫以所爲善知識者擊金鑲於病猿碎衣

珠於醉客尚未免止深棲廬不可向葛藤社裏說心

說性說玄說妙去也金山終不事悠悠一言道合死  
卽休大鵬展翅蓋十洲籬邊之物鳴啾啾上堂世  
間所貴者和氏之璧隋侯之珠天聖喚作驢屎馬糞  
出世間所貴者真如解脫菩提涅槃天聖喚作屎涕  
碗鳴且道怎麼說話落在甚麼處故不是取捨心重  
信邪倒見諸人要知麼猛虎不顧凡上肉洪爐豈鑄  
囊中錐僧問吾有大患爲吾有身父母未生未審  
此身在甚麼處曰曠大劫來無處所若論生滅盡成  
非云恁麼則周徧十方心不在一切處曰泥裏撼棒  
廬山開先善暹禪師嗣德山遠臨江人也徧游師席以明  
悟爲志依德山曰值山上堂顧視大眾曰師子顰伸  
象王回顧師猛省因入室陳所見山曰子畢竟作麼  
生會師回顧云後園驢喫草山然之後至雪竇寶與  
語鋒投喜其超邁目曰海上橫行逞道者遂命分座  
四方英衲敬畏之一日舉令出世師至夜書二偈於  
壁遯去偈曰不是無心繼祖燈道慚未則嶺南能三  
更月下離雪竇眷眷無言戀碧巒二十餘年四海間  
尋師擇友未嘗閑今朝得到無心地却被無心越出



山晚年衆請滋甚遂闡法開先以慰道俗之望上

堂曰德山先師道落葉霜風青黃間紅爾也何也片

西片東裯僧家謂之無味之譚若雜揉不分則一切

渾成若離披去也則一彼一此是以祖師道不是風

動不是幡動還有見祖師底麼於此未證不惜眉毛

爲汝說破但請孤運其照各究其源謂之落葉歸根

諸禪德佛法事大開先說得天華亂墜於汝諸人分

上著一點不得何故如人上山各自努力僧問師

唱誰家曲宗風嗣阿誰曰一月在天問如何是祖

師西來意曰洛陽城古云學人不會曰少室峰高

問年窮歲盡時如何曰依舊孟春猶寒問雨雪連

天爲甚麼孤峰露頂曰有甚遮掩處其開堂語要具在後燈

濠州南禪聰禪師嗣北禪感僧問如何是大道根源曰

雲興當午夜石虎叫連霄

潭州道吾證禪師嗣石門遠僧問達磨未來時如何曰

番人不展陣漢地沒胡蹤云來後如何曰八方歌道

秦一國賀無私

鄧州廣濟方禪師嗣石門遠僧問如何是佛曰騎牛趁

春草背却少年爺問寶劍未磨時如何曰烏龜鶴

黑豆云磨後如何曰庭柱掛燈籠

嘉泰普燈錄卷第一

音釋

喟丘愧切扶一決切粹子骨切攷與考同

敷下革切攢舉蘊切撫音隻耐音附

挨巨癸切鉄音府鉞音越籟音賴

趙音玆起千余反藁古老切

棄音攝下葉縣同郢以并切琛丑林切

暹音纖濠音豪識楚禁切茂音滅

駭下楷切掖音亦勵音厲齋箋西切

間苦鴟切屹魚乙切雨主遇切緇疾陵切

綏音雖銜音縣誅力水切約音藥

轉音附熊音雄壙苦謗切謚音示

姪音基磁音慈湓扶雨切斬音其

脅乞業切廠齒雨切昫音舜瑄徒刀切

闍闍善切

磔音歷

夥音福

謠音姚

飢子孕切

暢丑亮切

黠乙減切

甥匹正切

攢祖丸切

訛五禾切

舛尺究切

駢蒲眠切

瞑莫定切

謹音因

扈音戶

沔音編

縱音憲

策音頰

胖蒲謗切

濼音歷

尿音篤

顰音頻

遞徒困切

緣女救切

鵠苦咸切

嘉泰普燈錄卷第二

平江府報恩光孝禪寺臣僧 正受 編

南嶽第十世 臨濟六世

汾陽善昭禪師法嗣

袁州南源慈明楚圓禪師族李氏全之清湘人少爲書生年二十二依城南湘山隱靜寺得度其母有賢行使之游方聞汾陽道望往謁焉陽顧而器之經二年未容入室見必罵詬及所聞皆流俗鄙事一夕訴曰自至法席不蒙指示歲月飄忽已事未明有失出家之利語未卒陽叱曰是惡知識敢裨販我學杖逐

之師擬伸救陽忽掩其口乃大悟曰是知臨濟道出常情 僧寶傳叙師見汾陽時朝廷方問罪河東道路艱行易服類所養之語以師行實訂之乃生於雍熙丙戌入藏於寶元已卯河東服役七稔去謁平八年而師始生寂音失於討論矣 唐明嵩神鼎譚洞山聰暨登楊李二公之門機語契投於是法道大振宜春守黃公宗且請開法南源次遷道吾石霜福嚴興化都尉李侯遵勗奏賜命服徽號 上堂曰若向言中取則埋沒宗風直饒句下精通敢保此人未悟所以山青水綠雀噪鷄鳴萬派同源海雲自異未來諸佛口似燈籠過去諸佛應病施方現在諸佛墮坑落壘且不落凡聖一句作麼生道良久曰矢上加尖 上堂藥多病甚細細魚稠便下座 上堂道吾打鼓四大部洲同參拄杖橫也挑括乾坤鉢盂轉也覆却恒沙世界且問諸人向甚麼處安身立命若也知得此俱盧洲喫粥喫飯若也不知長連床上喫粥喫飯 上堂上來也步步登高下去也通身無礙所以道有時先敲後唱有時先唱後敲有時敲唱同時有時敲唱不同時所以王登寶殿野老謳歌如今還有謳歌者麼良久曰木人雖舉手

石女不擡頭咄 上堂法身無相應物現形豎起拄杖曰這箇是拄杖阿那箇是法身這箇葛藤且止僧堂佛殿穿入汝等諸人鼻孔裏去也四大海水在汝頭上海龍王在汝指甲下汝等還覺麼若覺去晝行三千夜行八百脚下煙生頭上火起若也不覺飢來喫飯困來眠卓拄杖下座 上堂以拄杖擊禪床召大衆曰還聞麼不見道一擊忘所知更不假修持諸方達道者咸言上上機香嚴怎麼悟去分明悟得如來禪祖師禪未夢見在且道祖師有甚麼長處若向言中取則誤賺後人直饒棒下承當辜負先聖萬法本閑唯人自關所以山僧居福嚴只見福嚴境界晏起早眠有時雲生碧嶂月落寒潭音聲鳥飛鳴般若臺前杪樨華香散祝融峰畔把瘦筇坐磐石與五湖衲子時話玄微灰頭土面住與化只見與化家風迎來送去車馬駢闐漁唱瀟湖猿啼嶽麓絲竹歌謠時時入耳復與四海禪人日譚禪道歲月都忘且道居深山住城郭還有優劣也無試道看良久曰是處是彌勒無門無善財 僧問如何是道曰踏著不瞋云

如何是道中人曰負馱背負 問如何是祖師西來意曰渾家送上渡頭船 問如何是佛曰水出高源 問如何是異類中人曰頭長脚短云謝師指示曰半幅封全云直怎麼去也曰闍梨鼻孔爲甚麼在山僧手裏僧無語師便打 問山深覓不得時如何曰口能招禍 問東湧西沒時如何曰尋 問夜靜獨行時如何曰三把茆 問寶劍未出匣時如何曰響云出匣後如何師噓一聲 問關中取靜時如何曰頭枕布袋 問牛頭未見四祖時如何曰堆堆地云見後如何曰堆堆地 問一得永得時如何曰抱石投河 問達磨未來時如何曰物逐人興 問佛祖不立時如何曰舌上生茆 問古人封白紙意旨如何曰家貧路富 問蓮華未出水時如何曰水深蓋不得云出水後如何曰不礙往來看云華開後如何曰南北馨香云結子後如何曰餒魚餒鼈 問如何是禪曰鼻孔入地 問三事未明以何爲驗曰玄沙曾見雪峰來云意旨如何曰一生不出嶺 問久昧衣珠請師指出曰草賊大敗云走透無路也曰脚踢

不動以寶元二年正月五日沐浴加趺而逝壽五十  
四夏三十二

筠州大愚守芝禪師族王氏太原人也幼棄家依潞  
州承天寺試法華得度從賢首諸師嘗講金剛般若  
名滿三河學者宗之時昭禪師出世汾水因往觀聞  
其語異遂投誠入室未及闔疑情頓釋乃蒙印可出  
住高安大愚後遷南昌翠巖 開堂日問答罷乃曰  
問話且止山僧道薄人微素無德行叨承密諫諸官  
僚同伸堅請陞於此座上答 皇恩國祚永安法輪  
常轉大衆且法輪作麼生轉欲得會麼須彌山上倒  
翻身却來堂中疊足坐阿呵呵是甚麼飯糲裏坐却  
受餓和泥合水恁麼過上士聞之熙熙下士聞之肯  
可子細思量却成口過要會麼一六三四二直言四  
七一桃李火中開黃昏候日出久立尊官伏惟珍重  
上堂德山入門便棒臨濟入門便喝一棒一喝若雙  
鋒而互出賓主未辨恹恹而萬里望鄉關照用雙行  
擬議而千差塞路到這裏如何話會棒喝齊施早已  
除古今皆贊出周遮二途不涉憑何說南海波斯進

象牙 上堂舉雪竇云一問一答總未有事在假饒  
盡乾坤大地草木叢林都爲衲僧異口同音致百千  
問難不消老僧彈指一下並乃高低普應前後無差  
師曰翠岩卽不然盡乾坤大地微塵化爲衲僧各致  
一問問問各別却向伊道許多衲僧皮下還有血麼  
上堂一擊響玲瓏喧轟宇宙中知音纔側耳項羽  
過江東恁麼會得恰認得箇驢鞍橋作阿爺下頷  
上堂翠岩路滑徒勞佇思又曰翠岩路嶮巖舉步涉  
千溪更有洪源水滔滔在嶺西擊禪床下座 僧問  
如何是洪州境曰出入敲金鐙朱衣對錦屏云如何  
是境中人曰朝去暮歸 問如何是祖師西來意曰  
天寒日短 講金剛經僧問如是信解不生法相意  
旨如何時有狗臥繩床前師踢之狗去乃問解麼云  
不解曰若解卽成法相嘉祐初示寂塔于西山  
潞州瑯琊廣照慧覺禪師叙語見 上堂曰剪除狂  
冠掃蕩機槍猶是功勳邊事君臣道合海晏河清猶  
是法身邊事作麼生是衲僧本分事良久曰透網金  
鱗猶帶水回途石馬出紗籠 上堂本來無一物壓

殺世間人直饒便分明坐在糞坑裏作麼生是透脫一路妙音觀世音梵音海潮音 上堂拈拄杖曰盤山道向上一路滑南院道壁立千仞險臨濟道石火電光鈍瑯瑯有定乾坤底句各各高著眼高著眼卓拄杖下座 上堂舉僧問馬祖如何是佛曰卽心是佛云如何是道曰無心是道云佛與道相去多少曰佛如展手道似握拳師曰古人方便卽不可山僧這裏也有些子若無人買山僧自賣自買去也如何是佛岩前多瑞草如何是道澗下絕靈苗佛與道相去多少數片白雲籠古寺一條綠水繞青山 上堂汝等諸人在我這裏過夏與你點出五般病一不得向萬里無寸草處去二不得孤峰獨宿三不得張弓架箭四不得物外安身五不得滯於生殺何故一處有滯自救難爲五處若通方名導師汝等諸人若到諸方遇明眼作者與我通箇消息貴得祖風不墜若是常徒卽便寢息何故裸形國裏誇服飾想君太煞不知時 僧問如何是無縫塔曰永鎮紅霞裏云如何是塔中人曰常伴白雲眠 問如何是沙門行曰左

手畫方右手畫圓 問如何是賓中賓曰手攜書劍謁明君云如何是賓中主曰卷起珠簾無可觀云如何是主中賓曰三更過孟津云如何是主中主曰獨坐鎮寰宇 問如何是佛曰銅頭鐵額云意旨如何曰鳥鶩魚腮 問蓮華未出水時如何曰貓兒戴紙帽云出水後如何曰狗子著靴行

舒州法華全舉禪師未詳族里號舉道者所造高遼汾陽稱之自并汾謁諸名宿靡不與酬酢咸推爲飽參住法華未幾遷白雲海會 上堂曰語漸也返常合道論頓也不留朕迹直饒論其頓返其常也是抑而爲之 上堂釋迦不出世遠磨不西來佛法徧天下談玄口不開 上堂心不是佛智不是道且道是甚麼刻舟尋劍膠柱調絃 僧問如何是本來宗曰密室不通風却問僧你作麼生會云不會師曰春日櫻桃朶朶紅 問智識不到處如何曰三門不曾開云誰是知音者曰口似鼻孔 問如何是祖師西來意曰唇紅齒白 問如何是佛曰手不如脚又曰蘆芽穿膝 一日與僧山行僧問香林道老僧三十年



來不能打成一片便遷化此意如何曰老僧亦怎麼復曰會麼云乞師指示師曰香林成一片老僧亦怎麼不待此月終重爲子決破至月末示寂

新州龍華曉愚禪師辭汾陽至五祖戒禪師處戒問不落唇吻一句作麼生道云老老大大話頭也不照顧戒便喝師亦喝戒拈棒師拍手便出戒曰闍梨闍梨話在師將坐具搭肩上竟不顧後住龍華上堂曰摩騰入漢已涉繁詞達磨西來不守已分山僧今日怎麼道也是爲他閑事長無明便下座撫州疎山曉珠禪師僧問如何是佛曰五彩畫鴛鴦問如何是透法身句曰皮穿肉綻云畢竟如何曰雀噪鷄鳴

葉縣省禪師法嗣

舒州浮山圓鑑法遠禪師族王氏鄭之圃田人年十九游并州見三交嵩禪師求出世法嵩顧其犀骨插腦目光射人且異之曰汝當剃染墮三寶數乃可授法云法有僧俗乎曰殊不知僧能續佛壽命師欣從未幾遇嵩爲衆入室一僧請問趙州栢樹子因緣嵩

詰之師旁侍忽契悟進具後謁汾陽葉縣皆蒙印可天禧中至大陽明安安與語遂以衣履命師求人續洞上宗旨元豐辛酉出住舒之太平興國次徙姑蘇天平晚住浮山受請日上堂有僧出禮拜師曰大獵之家豈藉狐兔雖然如是小慈妨大慈便打僧起問大善知識言無所墮有出人眼如何是出人眼曰黃河九曲云怎麼則真善知識曰陝府鐵牛乃曰諸仁者欲得英俊麼仍須四事具備方顯宗師蹊徑何謂也一者祖師巴鼻二具金剛眼睛三有師子爪牙四得衲僧殺活拄杖得此四事縱橫變態任運卷舒高聳人天壁立千仞儼不諧此守死善道者敗軍之兆何故棒打石人貴論實事所以到這裏得不脩江耿耿大野雲凝綠竹含煙青山鏤翠風雲一致水月齊觀一句該通已彰殘朽上堂諸佛出世建立化門不離三身智眼亦如摩醯首羅三目何故一隻水泄不通縹素難辨一隻大地全開十方通暢一隻高低一顧萬類齊瞻雖然若是本分衲僧陌路相逢別具通天正眼始得所以道三世諸佛不知有狸奴

白牯却知有且道理奴白牯知有箇甚麼事要會麼  
深秋底幕千家雨落日樓臺一笛風 上堂天得一  
以清地得一以寧帝王得一以治天下衲僧得一福  
患臨身擊禪床下座 上堂大丈夫擬欲勢裂陣索  
霸王昇騰麼第一不得騰蛇繞足路布纏身高著眼  
睛勿存依挂設使澄瀾渺邈同風而未可停舟雲月  
彌天隱顯兮豈披圓照儘或言超表略事越機諧觸  
目荒榛論年放曠簷前捧日未是高明狹路分歧事  
同大轍應是從前會解平昔見知自負依佗宜須退  
步直須乾曝曝地水灑不著便是敲一粒米著一片  
衣腳踏實地自不欺謾輒莫朝雲暮雨變化不開春  
茂秋凋仇讎不動平生慷慨事合如斯山僧今日恁  
麼道大似罽縣茶瓶 上堂垂慈則有法無法不垂  
慈古人道末後一句始到牢關把斷要津不通凡聖  
尋常向你諸人道任從天下樂欣欣我獨不肯如靈  
龜負圖自取喪身之兆鳳縈金網趙霄漢以何期須  
於旨外明機莫向言中取則是以石人機似汝也會  
唱巴歌汝若似石人雪曲也應和 僧問三世諸佛

不知有意旨如何曰弄巧成拙云狸奴白牯却知有  
又作麼生曰鈍鳥逆風飛 問衆手淘金誰是得者  
曰入水見長人 問如何是面前事曰鼻孔云如何  
是向上事曰眼睛 問金鏃慣調曾百戰鐵鞭多力  
恨無讎學人上來請師端的曰誅龍之劍豈可揮蛇  
僧噓噓師曰而今大有如君者不到烏江未肯休  
問路逢達道人不將語默對未審將甚麼對曰玉樹  
夜凋零不待狂風掃 問從上諸聖傳不到處請師  
道曰番人愛裏鵬鼠帽云斬新日月特地乾坤曰鐵  
鞭遙指賀蘭山 師暮年休於會聖岩叙佛祖奧義  
作九帶曰佛法眼帶佛法藏帶理貫帶事貫帶理  
事縱橫帶屈曲垂帶妙叶兼帶金針雙鏃帶平懷常  
實帶學者既已傳誦師曰若據圓極法門本具十數  
今此九帶已爲諸人說了更有一帶還見得麼若也  
見得親切分明却請出來對衆說看說得分明許汝  
通前九帶圓明道眼若見不親切說不相應唯依吾  
語而爲已解則名謗法諸人到此如何衆無語師叱  
之而去末篇論南華真經曰莊子與惠子遊於濠梁

之上莊子曰鯨魚出游從容是魚樂也惠子曰子非魚安知魚之樂莊子曰子非我安知我不知魚之樂惠子曰我非子固不知子矣子固非魚也子之不知魚之樂全矣莊子曰請循其本子曰汝安知魚樂云者既已知吾知之而問我我知之濠上也郭象註曰凡相知者果可以此知彼不待是魚然後知魚也師曰郭象於魚猶髣髴矣且魚以水爲命見於水即見於魚所謂色心不二彼我無差其或離岸見水則水外別有岸也水岸既立二法迭失魚水各異乃亂天之經逆物之情其或情不逆經不亂均順天和魚相忘於江湖人相忘於道術見岸即水見水即魚天地一指萬物一屬空同實相一體無諸不待水而水不待岸而岸不待魚而魚然後知魚水也首楞嚴經曰如來藏中性水真空性空眞水清淨本然周徧法界隨衆生心應所知量又曰於一毫端現寶王刹豈惟魚水矣又經曰一卽一切一切卽一無異相無別相前後際斷如此而無處不魚無處不水豈待游濠梁之上然後知魚水哉

石門慈照總禪師法嗣一名谷隱

鎮江府金山達觀曇穎禪師錢塘人也族丘氏於隆興寺得度神宇凜然嘗通內外墳典出游師席首謁大陽明安問洞上所立偏正君臣當明何事曰父母未生時事云如何體會曰夜半正明天曉不露師忙然乃往石門理前語云未審師意如何曰不道不是但口門窄滿口說未盡耳云如何是父母未生時事曰糞壘子云如何是夜半正明天曉不露曰牡丹華下睡繡兒師愈疑一日以石頭執事元是迷契理亦非悟問之門曰你道此語是藥語是病語云是藥語門叱曰汝尙以病爲藥豈知祖師透脫意師聞灑然云如何受用曰語不離窠臼焉能出蓋繹師歎曰纔涉唇吻便落意思皆是死門終非活路卽再拜禮辭初住舒之爐峰次遷因聖隱靜賢雪竇金山上堂舉身是菩提樹心如明鏡臺時時勤拂拭莫使惹塵埃又道菩提本無樹明鏡亦非臺本來無一物何假拂塵埃師曰此二尊宿同床打睡各自做夢喫茶去上堂諸方鈞又曲餌又香奔湊猶如蜂抱王因聖這

裏鉤又直餌又無猶如水底捺葫蘆舉拄杖作釣魚勢曰深水取魚長信命不曾將酒祭江神擲拄杖下座 上堂舉長沙岑和尚與仰山翫月次仰云人人盡有這箇只是用不得沙云恰是倩汝用去仰云師叔作麼生用沙踏倒仰山云一似箇大蟲師曰仰山喚作大蟲因聖道似箇狂狗 上堂山僧門庭別已改諸方轍爲文殊拔出眼裏楔教普賢休嚼口中鐵勸人放開豁地手與汝斫却繫驢轅駐意擬思量喝曰捏捏參 上堂始從鹿野苑終至跋提河於是二中間未嘗說一字師曰世尊只知靈龜曳尾後人不覺見兔守株 上堂萬里長途去不回此人空道已心灰若從因聖門前過須解逢春却再來 僧問如何是向去底人曰從歸青嶂裏不出白雲來云如何是却來底人曰自從游紫陌誰肯隱青山 問如何是奪人不奪境曰家裏已無回日信路邊空有望鄉牌云如何是奪境不奪人曰滄海盡教枯到底青山直得碾爲塵云如何是人境兩俱奪曰天地尙空秦日月山河不見漢君臣云如何是人境俱不奪曰

驚囀千林華滿地客游三月草侵天 問如何是和尙家風曰伸手不見掌云忽遇仙陀客來又作麼生曰對面千里 問師唱誰家曲宗風嗣阿誰曰臨濟云恁麼則谷隱的子也曰德山 問亡僧遷化向甚麼處去曰驢胎馬腹云以何爲驗曰種如是因獲如是果 問臨濟入門便喝德山入門便捧未審和尚如何爲人曰靈雲見桃華云莫是和尙爲人處也無曰趙州對栢樹 問如何是長法身曰拄杖長六尺云如何是短法身曰筭子短三寸云恁麼則法身有二去也曰更有方圓在 問馬大師一喝百丈三日耳聾意旨如何曰我平生不曾著人喝一生耳聾云如何領會曰近來又眼暗太子少保李公端愿嘗館之內園日夕問道故公卿求發藥者隨機開示悉令契入其辯才無礙王文康公夏英公諸鴻儒咸事以師禮錄其語曰登門集嘉祐四年除夜遣侍者持書別揚州刀景純學士明日當行厚自愛刀發緘駭然急遣吏馳書報之船將抵岸師欣然登座叙出世本末及謝其輔贊者囑令進修遂舉監寺賢公補處下

座讀力學士書畢大衆擁至丈室加趺而逝五年元日也世壽七十有五僧臘五十有三

荆南府竹園法顯禪師 僧問萬法歸一一歸何所曰水深不見底云如何湊泊曰須是本行人 問如何是道曰交橫十字云如何是道中人曰往往不相識

唐州大乘遵禪師侍慈照日嘗問古人索火意旨如何曰任他滅云滅後如何曰初三十一云恁麼則好時節也曰汝見甚麼道理云今日一場困照便打師即大悟有頌曰索火之機實快哉藏鋒妙用少人猜要會我師說的旨紅爐火盡不添柴

青原第十世雲門四世

雪竇明覺重顯禪師法嗣

紹興府天衣義懷禪師永嘉樂清陳氏子也世以漁爲業母夢星殞于屋乃孕及產尤多吉祥兒時坐船尾父得魚付師貫之師不忍乃私投江中父怒笞師恬然如故長游京師依景德寺爲童行天聖中試經得度自言法華所記之後去謁金鑾善業縣省微有

契晚至姑蘇禮明覺於翠峰峰間汝名甚麼云義懷曰何不名懷義云當時致得曰誰爲汝立名云受戒來十年矣曰汝行腳費却多少草鞋云和尚莫瞞人好曰我也沒量罪過汝也沒量罪過你作麼生師無語峰打曰脫空謾語漢出去入室次峰曰恁麼也不得不恁麼也不得恁麼不恁麼總不得師擬議峰又打出如是者數四徐爲水頭因汲水折擔脩悟作投機偈曰一二三四五六七八九萬仞峰頭獨足立驪龍領下奪明珠一言勘破維摩詰峰間指几稱善後七坐道場化行海內嗣其法者悉龍象 上堂學法眼道昇元閣爲御街裏人說法師曰諸人還知崇壽佛殿上蚩蚩昨夜三更大笑一聲三門頭金剛咄云你笑箇甚麼我笑茫茫宇宙人空延歲月兀兀度時道德不修衣食斯費忽然策著閻羅老子禍事禍事 上堂枯桑知天風海水知天寒金色頭陀見處不眞雞足山中與他看守衣鉢三千大喻八百小喻大似泥裏洗土塊四十九年三百六十餘會摩竭提國猶較些子德山臨濟雖然丈夫爭似鬬賓國王一刀兩段



如今若有箇人鼻孔遼天山僧性命何在良久曰太平本是將軍致不許將軍見太平 上堂夜來寒霜凜冽黃河凍結陝府鐵牛腰折盡道女媧煉石補天爭奈西北一缺如今欲與他補却又恐大地人無出氣處且留這一竅與大地人出氣參 上堂虛明自照不勞心力上士見之鬼神茶飯中下得之狂心頓息更有一人切忌道著 上堂光透日月明暗不收智出聖凡賢愚不歷所以道不在低頭思量難得良久曰是甚麼 上堂須彌頂上不扣金鐘畢鉢巖前無人聚會山僧倒騎佛殿諸人反著草鞋朝游檀特暮到羅浮拄杖針筒自家收取 僧問天不能蓋地不能載未審是甚麼人曰掘地深埋云此人還受安排也無曰土上更加泥 問大修行人還具因果也無曰只聞人作鬼不見鶴成仙云古人又作麼生曰且識前話 問如何是古佛機曰得 問牛頭未見四祖時如何曰長江無六月云見後如何曰一年一度春 室中間僧無手人能行拳無舌人能解語忽然無手人打無舌人無舌人道箇甚麼又曰蜀魄連

霄叫鷄鳴終夜啼圓通門大啓何事隔雲泥晚年以疾居池陽杉山庵門弟子智才住臨平之佛日迎歸侍奉才如蘇城未還師速其歸及鍾門師已書偈遺衆才問卵塔已成如何是畢竟事師學拳示之遂就寢推枕而寂偈曰紅日照扶桑寒雲遮華嶽三更過鐵圍拶折蒼龍角壽七十二夏四十六塔全身於寺東之原師嘗設百問勘驗學者今載其二又據古今尊宿契悟因緣號通明集盛行於世崇寧中 諡振宗大師

岳州君山顯昇禪師 上堂曰大方無外含裹十虛至理不形圓融三際高超名相妙體全彰迥出古今真機獨露握珠而鑑物物物流輝擲寶劍以揮空空空終迹把定則摩竭拖室淨名杜詞放行則拾得搖頭寒山拈掌且道是何人境界拈拄杖卓一下曰瞬目揚眉處憑君子細看

平江府洞庭水月慧金典座慶曆中之四明依明覺聞舉須彌山話默有契一日欲往訊遇之殿軒覺問汝名甚麼云慧金曰阿誰惠汝金云容少間去方丈

致謝曰：「即今雲云，這裏容和尚不得覺休去。於是衆所推敬，命掌香，積後告別，覺述偈送之曰：『野水輕舟，乘興分流，秋光不盡，誰也爭求？握松爲柄，未極折柳，贈行豈休？休休百川，駭浪兮空悠悠。』」  
日復寄以偈曰：『老衲枯藤，一分天涯，無侶道方存。因思龍朔年中事，負石高風，不易論。』  
此二偈與書刻之水月

洞山曉聰禪師法嗣

南康軍雲居曉舜禪師入道機語見續燈錄 上堂曰：「聞說佛法兩字，早是污我耳目。諸人未踏雲居門，脚跟下好與三十棒。雖然如是，也是爲衆竭力。」 上堂舉夾山示衆道：「百草頭上薦取老僧，鬧市裏識取聖人。雲居即不然，婦搖機軋兒弄口，噯噯。」 上堂諸方有弄蛇頭，撥虎尾，跳大海，劒刃裏藏身。雲居這裏寒天熱水洗脚，夜間脫襪打睡，早朝旋打行，飄風吹籬頭倒喚人夫劈篋縛起。

北禪智賢禪師法嗣

隆興府法昌倚遇禪師臨漳高亭人也。族林氏，幼棄家，依郡之崇福，得度。有大志，自受具游方，名著叢席。

浮山遠禪師嘗指謂人曰：「此後學行脚樣子也。」辭遠謁芭蕉庵主，又謁圓通興化諸名宿。機語見留北禪僧寶傳 最久於是。師資敲唱妙出一時。晚至西山，瞻雙嶺，深窺棲息三年，始應法昌之請。 上堂曰：「你若退身千尺，我便當處生芽。你若覲面相呈，我便藏身露影。你若春池拾磔，我便撒下明珠，直得水灑不著。風吹不入，如箇無孔鐵錘相似。且道法昌還有爲人處麼？」遂曰：「利刀割肉，瘡猶合。惡語傷人，恨不消。」 上堂春山青春水綠，一覺南柯夢初足。携筇縱步出松門，是處桃英香馥郁。因思昔日靈雲老，三十年來無處討。如今競愛摘楊華，紅香滿地無人掃。 上堂拈起拄杖曰：「我若拈起你，便喚作先照後用。我若放下你，便喚作先用後照。我若擲下你，便喚作照用同時。忽然不拈不放，你向甚麼處卜度？直饒會得，個儻分明。若遇臨濟德山，便須腦門著地。且道伊有甚麼長處？」良久曰：「曾經大海休誇水，除却須彌不是山。」 上堂舉大地雪漫漫，春來依舊寒。說禪說道，易成佛作祖，難法昌道。大地雪漫漫，春來便不寒。到頭成佛易，却是說

禪難有一般人問怎麼說鼻孔冷笑道有甚麼難朝到西天暮歸唐土南山起雲北山下雨甘草甜黃檗苦魚入深淵鳥棲高樹拈起拄杖達磨眼睛放下數珠釋迦鼻孔若是這箇禪三家村裏臭口老婆也解覓得成佛則未在你且道畢竟那箇是禪遂曰直得額頭汗出上堂靈山會上三乘行位解脫法身正是乞兒錢飯祖師西來直指人心見性成佛正是祭鬼神茶飯汝等若見如經蠱毒之鄉更莫覷著覷著則禍生法昌這裏有一般茶飯尋常不會拈出今日事不獲已將供養諸人他時若到諸方受用殷繁切須記取法昌今日供養遂作一圓相擲拄杖下座上堂夜半烏雞誰捉去石女無端遭指注空王令下急搜求唯心便作軍中主雲門長驅馮山隊伍列五位槍旗布三玄戈弩藥山持刀青原荷斧石鞮彎弓禾山打鼓陣排雪嶺長蛇屯黃檗飛虎木馬帶毛烹泥牛和角羹賞三軍犒師旅打葛藤分露布截海颺塵橫山簸土擊玄關除微路多少平人受辛苦無邊利海競紛紛三界聖凡無覓處無覓處還知否昨

夜雲收天宇寬依前帶月歸高樹上堂閑來只麼坐拍手誰廣和回頭忽見簸箕星水墨觀音解推磨拍手一下曰還會麼八十翁翁雖皓首看看不見老人容上堂法昌今日開爐行脚僧無一箇唯有十八高人緘口圍爐打坐不是規矩嚴難免見諸人話直饒口似秤錘未免燈籠勸破不知道絕功勸妄自修因證果囑曰但能一念回光定脫三乘羈鎖黃龍南禪師至上堂拏雲擾浪數如麻點著銅睛眼便華除却黃龍頭角外自餘渾是赤斑蛇法昌小利路遠山遙景物蕭疎游人罕到敢謂黃龍禪師曲賜光臨不唯泉石增輝亦乃人天欣悅然雲行雨施自古自今其奈爐鑪之所鈍鐵猶多良醫之門病者愈甚堪病須求靈藥銷頭必藉金鏐法昌這裏有幾箇垛根阿師病者病在膏肓頑者頑入骨髓若非黃龍老漢到來總是虛生浪死拈拄杖曰要會麼打趂還他州土麥唱歌還是帝鄉人僧問古鏡未磨時如何曰却須磨取云未審如何下手曰鏡在甚麼處僧遂作一圓相師便打曰這漆桶碌顛也不識問二

龍爭珠時如何曰法昌小出大遇云忽然傾敗倒獄  
又作麼生師便打 冬夜與感首座喫菓子師拈起  
橘曰這箇滋味何似黃龍云更須嘗過始得曰驗人  
端的處下口便知音云末代禪師多虛少實又拈菓子  
子曰這箇作麼生嘗云須是和尙始得曰一箇菓子  
早不奈何云饒人不是癡漢歲夜喫湯次感云昔且  
北禪分歲曾烹露地白牛和尚今夜分歲有何施設  
曰藹雪連山白春風逼戶寒云大眾喫箇甚麼曰莫  
嫌冷淡無滋味一飽能消萬劫飢云未審是甚麼人  
置辨曰無慚愧漢來處也不知 詰首座至師曰山  
深路遠何煩訪及云仁義道中不爲分外曰將得甚  
麼來詰叉手近前師曰只這箇爲別有詰展坐具師  
曰前頭較些子後頭打不著詰曰且容某人事曰近  
離甚處云雲居曰峰頂事作麼生云多少人疑著師  
卓拄杖曰宏覺鼻孔何似這箇云草賊大敗曰這僧  
話頭也不識云和尚問甚麼曰我問你宏覺鼻孔云  
又道不識話頭曰不認爲翠巖弟子一日詰問和尚  
室中尋常開示機緣願聞一兩則曰暗裏抽橫骨明

中坐舌頭你作麼生云和尚本是雲門宗胄爲甚麼  
舉洞上因緣師乃踢出一隻鞋詰便休 晦堂心禪  
師至坐次師曰近日法席可煞興盛云家家觀世音  
日還有數人師子麼云爐鞴之所鈍鐵鎚多日聞汝  
室中有拳頭話是否云家醜莫外揚師拈起鐺曰何  
如我這箇云真不掩偽曰生死界中使那箇即是云  
不勞懸石鏡天曉自雞鳴曰恁麼討人驢年去龍圖  
徐公禧布衣時與師往來爲法喜之游及將化前一  
日作偈遺之曰今年七十七出行須擇日昨夜問龜  
哥報道明朝吉徐覽偈倏然邀靈源清禪師同往師  
方坐寢室以院務誠知事曰吾住此山二十三年護  
惜常住每自蒞之今行矣汝輩著精彩言畢舉拄杖  
曰且道這箇分付阿誰徐與靈源皆屏息遂擲杖投  
床枕臂而化

福州廣因擇要禪師 上堂曰王臨寶位胡漢同風  
初半破三佛殿倒卓藏身句卽不問你透出一字作  
麼生道拈拄杖曰春風開竹戶夜雨滴華心 上堂  
古者道只恐爲僧心不了爲僧心了總輸僧且如何

是諸上座了底心良久曰漁翁睡重春潭闊白鳥不飛舟自橫 僧問如何是祖師西來意曰長安東洛陽西云如何是佛曰福州橄欖南頭尖 問佛未出世時如何曰隈岩傍壑云出世後如何曰前山後山

開先善遇禪師法嗣

東京智海第一代正覺本逸禪師

叙語見

上堂曰

憶得老僧年七歲時於村校書處得一法門超情離見絕妙絕玄爰自染神逾六十載今日輒出普告大眾若欲傳持宜當諦聽遂曰寒原耕隴罷犢負薪歸此夜一爐火渾家身上衣諸禪德逢人不得錯舉

上堂觀乎乾坤之內洪荒之間人人有脚要行便行要住即住不由別人箇箇有口欲開即開欲合便合豈假他力正恁麼時非今非古非理非事非凡非聖非迷非悟包羅沙界籠罩二儀三世如來分疎不下諸大祖師提唱不起德山臨濟有棒有喝不敢施行獅子滿慈有智有辯無門測度然雖如是若到這裏須是眼裏有筋眼裏無筋還同天瞽又須皮下有血知痛知痒痛痒不知何殊土木直饒有眼有筋知

痛知痒正好打草鞋行脚若到諸方莫教打破洛浦徧參底 上堂古者道接物利生絕妙外甥終是不肖他家自有兒孫將來應用恰好諸禪德還曾麼菜園墻倒晴方築房店籬穿雨過修院宇漏時隨分整兒孫大小盡風流 上堂學還和尙道寒寒地爐火暖閑坐蒲團說迦葉不是談達磨無端此也彼也必然一般師召大眾曰迦葉甚處不是達磨那裏無端若點檢得出彼之二老一場懣懣若點檢不出三十年後莫道不被人瞞好 僧問如何是道曰龍吟金鼎虎嘯丹田云如何是道中人曰吐故納新云道與道中人相去多少曰骨鶴頭崖上冲天味米民 問如何是佛曰東涌西沒云如何是道曰七顛八倒云如何是法曰你問我答云如何是禪曰不方不圓云便恁麼去時如何曰靈利人難得

青原第十世

洞山六世

大陽明安警玄禪師法嗣

郢州興陽清剎禪師不知何許人嘗爲大陽園頭種瓜次陽問甜瓜何時得熟云即今熟爛了也曰揀甜



◆提疑

底摘來云與甚麼人喫曰不入園者云未審不入園者還喫也無曰汝還識伊麼云雖然不識不得不與陽笑而去住輿陽曰上堂曰西來大道理絕百非句裏投機全乖妙旨不已而有屈祖宗豈況切切有何所益雖然如是事無一向且於唱教門中通一線道大家商量僧出問娑竭出海乾坤震觀面相呈事若何曰金翅鳥王當宇宙箇中誰是出頭人云忽遇出頭時又作麼生曰似鴿提鳩君不覺觸體前驗始知真云恁麼則叉手當曾退身三步也曰須彌座下烏龜子莫待重遭點額痕問從上諸聖向甚麼處去也曰月照千江靜孤燈海底明鄭金部問和尚甚時開堂曰不歷僧祇數日月未生前惠州羅浮如禪師至大陽日陽問上座是甚麼人云益州曰此去多少云五千里曰你恁麼來還曾踏著麼云不曾踏著曰汝解騰空那云不解騰空曰爭得到這裏云步步不迷方通身無辨處曰汝得超方三昧耶云聖心不可得三昧豈彰名陽曰如是如是汝應信此卽本體全彰理事不二善自護持

復州乾明機聰禪師僧問如何是佛法大意曰此問不虛問如何是東禪境曰定水不曾離舊岸紅塵爭敢下波來襄陽府白馬齋春禪師僧問如龜藏六時如何曰布袋裏弓箭問如何是佛法大旨曰善狗帶牌潭州福嚴審承禪師因丞相參次亡其姓乃問如何是祖師西來意師指庭際栢樹示之如是者三丞相有省作偈曰出沒閑雲滿太虛從來真相一塵無重重請問西來意唯指庭前栢一株舒州投子義青禪師青社人也族李氏續燈曰甫七齡穎異往妙相寺出家試經得度習百法論未幾歎曰三祇塗遠自困何益哉乃入洛五載聽華嚴於義若貫珠嘗讀諸林著薩偈至卽心自性遽省曰法離文字寧可講乎卽棄游宗席時圓鑑禪師居會聖巖一夕夢畜青色俊鷄爲吉徵屆旦師來鑑禮延之三年一日問曰外道問佛不問有言不問無言世尊良久如何師擬對鑑掩其口師了然開悟遂禮拜鑑曰汝妙悟玄機耶云設有也須吐却時資侍者旁立曰

青華殿今日如病得汗師回顧曰合取狗口若更切  
切我即便歐服勤又三載禮辭鑑以大陽衣履付之  
書偈送曰須彌立太虛日月輔而轉群峰漸倚他白  
雲方改變少林風起叢曹溪洞簾卷金鳳宿龍巢宸  
苔豈車碾復指依圓通秀禪師師至棲賢無所參問  
唯嗜睡而已執事白秀云堂中有僧日睡當行規法  
秀曰是誰云義青上座曰未可待與按過秀即曳杖  
入堂見師正睡乃擊床呵曰我這裏無閑飯與上座  
喫了打眠師云和尚待教某何爲曰何不參禪去云  
美食不中飽人喫曰爭奈大有人不肯上座云待肯  
堪作甚麼曰上座曾見甚麼人來云浮山曰怪得恁  
麼頑賴遂握手相笑歸方丈由是道聲籍甚熙寧六  
年至龍舒道俗迎住白雲次遷投子以符慈濟禪師  
之記 上堂召大眾曰若論此事如鸞鳳冲霄不留  
其跡羶羊挂角那覓乎蹤金龍不守於寒潭玉兔豈  
棲於蟾影其或主賓若立須臾音世外搖頭問答言  
陳仍立路傍提爲唱若能如是猶在半途更乃擬眸  
不勞相見 上堂宗乘若舉凡聖絕蹤樓閣門開別

戶相見設使卷簾悟去豈免旁觀春遇桃華重增眼  
病所以古人道向上一路千聖不傳諸仁者既是不  
傳爲甚麼鐵牛走過新羅國裏遂喝曰達者須知暗  
裏驚 僧問師唱誰家曲宗風嗣阿誰曰威音前一  
箭射透兩重山云如何是招牌底事曰全因淮地月  
得照鄧陽春云恁麼則人水見長人也曰只知荆玉  
異那辨楚王心僧禮拜師以拂子擊之復曰更有問  
話者麼如無彼此著便元豐五年五月一日中夜索  
筆書偈曰兩處住持無可助道珍重諸人不須尋討  
投筆泊然奄息闍維多靈典獲設利五色以閨月同  
靈骨塔于寺北三峰庵壽五十一臘三十七

嘉泰普燈錄卷第二

音釋

詬許候切	謹音因	蓮七斃切	謳音猷
杪素何切	攝音羅	駢蒲眠切	闌音田
麗音鹿	謠音姚	馱音陀	饒於僞切

趨他力切 潞音路 閻苦本切 蠟音義

鐙丁鄧切 蹊音兮 勢子悅切 曝音剝

鞏音拱 鏃子木切 鵬音刁 篠音條

擊音擊 楔音屑 緘古咸切 殞羽敏切

鑾盧丸切 劓武粉切 鬪居例切 媯古花切

鷄丁滑切 鴟音刀 摠之石切 喎苦禾切

劈普擊切 馥音伏 犒口到切 簾補過切

羈居宜切 拏女加切 獲一號切或作獲

敵五狡切 罩陟教切 驚音秋 賈音獸

歐於口切 羶音靈 郢以并切

嘉泰普燈錄卷第三

平江府報恩光孝禪寺臣僧 正受 編

南岳第十一世 臨濟七世

南源慈明楚圓禪師法嗣

隆興府黃龍普覺慧南禪師信之玉山人族章氏童  
紹深沈年十一去家師事定水智鑾嘗侍變行次見  
祠廟輒杖擊而往十九落髮受具遠游至廬山依歸

宗寶棲賢謁逾三秋渡淮謁三角澄久之分座雲峰  
悅禪師勉趨石霜至中道聞石霜不事事因寓福嚴  
時賢禪師命典記室賢歸寂適慈明繼席師出迎之  
悚然及聞其說法乃貶刺諸方盡為邪解皆師歷參  
所契證者遂幡然曰大丈夫心膂之間豈可自為疑  
礙造室求發藥明揖坐師固辭哀懇明日書記參雲  
門禪必善其旨如放洞山三頓棒是合喫不合喫云  
合喫曰吾始疑不堪汝師今乃可使拜之復曰洞山  
三頓棒即且置那裏是趙州勘破婆子處師擬對明  
擊其口師大悟述偈呈之留月餘辭去時年三十五  
初住同安次擢歸宗黃檗黃龍得大法者七十有九  
人然在積翠庵所接者多衲子趨風相與交武竭蹶  
于道初受請曰三角遣僧來審師提唱之語有曰智  
海無性因覺妄而成凡覺妄元虛即凡心而見佛便  
爾休去將謂同安無折合隨汝顛倒所欲南斗七北  
斗八僧歸舉似澄澄不懌俄聞開堂為慈明嗣澄誓  
之而三角徒侶棄去者過半 上堂問答罷乃曰未  
登此座一事全無纔登此座便有許多問答敢問大

衆只如一同一答還當宗乘也無若言當去一大藏教豈無問答爲甚道教外別傳傳上根輩若言不當過來許多問答箇甚麼行脚人當自開眼勿使後悔若論此事非神通修證之能到非多聞智慧之所談三世諸佛只言自知一大藏教詮注不及是故靈山百千萬衆獨許迦葉親聞黃梅七百高僧衣鉢分付行者豈是汝等貪淫愚執勝負爲能夫出家者須稟丈夫決烈之志截斷兩頭歸家穩坐然後大開門戶運出自己家財接待往來賑濟孤露方有少分報佛深恩若不然者無有是處以拂子擇禪床一下遂布謝云 上堂說妙談玄乃太平之姦賊行棒行喝爲亂世之英雄英雄姦賊棒喝玄妙皆爲剩物黃檗門下總用不著且道黃檗門下尋常用箇甚麼喝一喝 上堂時人住處我不住時人行處我不行於此了然明的旨須會全身入火坑以拂子畫一畫云臭煙燐煇紅焰熾然眼未明者總在裏許從上古聖無非入生死坑中向無明火裏提拔有情汝等諸人且如何入若人入得可謂在火不燒在水不溺若入

不得非但不能自利亦乃不能利他既不能自利利他圓頂方袍殊無利益良久召大眾衆舉首師曰牛頭出馬頭回 上堂衆集久之師曰嘉魚在深處幽鳥立多時便下座 上堂撞鐘鐘鳴擊鼓鼓響大眾殷勤問訊同安端然合掌這箇是世法那箇是佛法咄 上堂有一人朝看華嚴暮觀般若晝夜精勤無有暫歇有一人不參禪不論議施箇破席日裏睡於此二人同到黃龍一人有爲一人無爲安下那一箇卽是良久曰功德天黑暗女有智主人二俱不受 上堂心王不妄動六國一時通罷拈三尺劒休弄一張弓擊禪床下座 上堂大覺世尊道我今爲汝保任此事終不虛也汝等當勤精進行此三昧師曰精進卽不無諸人作麼生是三昧遂曰迦葉糞掃衣價直百千萬輪王髻中寶不直半文錢以拂子一擊下座 僧問一不去二不住請師道曰高祖殿前喚喚怒云恁麼則今日得遇和尚也曰仰面看天不見天問德山棒臨濟喝直至如今少人拈掇請師拈掇曰千鈞之弩不爲鼷鼠而發機云作家宗師今朝有



在師便喝僧禮拜師曰五湖禪子一錫禪人未到同安不妨疑著問舊歲已去新歲到來不涉二途乞師指示曰東方甲乙木問如何是黃龍境曰昨日方到此未曾子細看云如何是境中人曰長者長短者短師燕坐次有僧侍立師顧眎久之曰百千三昧無量妙門作一句說與汝汝還信否云和尚誠言安敢不信師指其左曰過這邊來僧將趨師喝曰隨聲逐色有甚了期出去一僧聞之師遽入師復理前語問之亦云安敢不信師又指左曰過這邊來僧堅立不往師喝曰汝來親近我我不聽我語出去室中舉手問僧我手何似佛手垂足曰我脚何似驢脚人人盡有生緣上座生緣在何處學者莫有契其旨叢林目之爲黃龍三關脫有酬者師未嘗可否人莫涯其意有問其故師曰已過關者掉臂徑去安知有關更從更問可否此未透關者也熙寧二年三月十六日上堂辭衆說偈語見至十七日飯四祖慧日兩專使已跌坐寢室前大衆環擁良久而化七日闍維得五色舍利塔千山之前瞻閱世六十八坐五十夏

大觀四年春 證曰普覺

袁州楊岐方會禪師郡之宜春人續燈曰族冷氏少警敏及冠不事筆硯繁名征商課最坐不職乃宵遁入九峰悅若舊遊管不忍去遂落髮續燈曰依九峰勸禪師或道吾和每閱經心融神會能折節扣參老宿慈明自南源徙道吾石霜師皆佐之總院事依之雖久然未有省發每咨參明日庫司事繁且去他日又問明語如前或謂曰監寺異時兒孫遍天下去何用忙爲有一老嫗近寺而居人莫之測所謂慈明婆也明乘間必至彼一日雨作知明將往師偵之小徑既見遂擒住云這老漢今日須與我說不說打你去明日監寺知是般事便休語未卒師大悟卽於泥途拜之起問狹路相逢時如何明曰你且擇避我要去那裏去師歸來日具威儀詣方丈禮謝明呵曰未在一日當參粥罷久之不聞搥鼓師問行者今日當參何不擊鼓云和尚出未歸師徑往婆處見明執爨婆爨粥師曰和尚今日當參大衆久待何以不歸明曰你下得一轉語卽歸下不得各自東西師以笠子蓋頭上行數步明



大烹遂與同歸自是明每山行師輒瞰其出雖晚必擊鼓集衆明遽還怒曰少叢林暮而陞座何從得此規繩師云汾陽晚參也何謂非規繩乎今叢林二八念誦罷猶參者此其原也又一日明陞堂師出問云幽鳥語喃喃辭雲入峰亂時如何曰我行荒草裏汝又入深村云官不容針定借一問明便喝師云好喝明又喝師亦喝明連喝兩喝師禮拜明曰此事是箇人方能擔荷師拂袖便行明修興化師辭歸九峯陸沈金穀而萍賓道俗迎居楊岐次遷雲蓋受請語見續登上堂曰霧罩長空風生大野百草枯木作師子吼演說摩訶大般若三世諸佛在你諸人脚跟下轉大法輪若也會得功不浪施若也不會莫道楊岐山勢嶮前頭更有最高峰上堂景色乍晴物情舒泰舉步也千身彌勒動用也隨處釋迦文殊普賢總在這裏衆中有不受人謾底便道楊岐和麤糲麵然雖如是布袋裏盛錐子上堂有句無句如藤倚樹文殊維摩撒手歸去楊岐恁麼道也是看繩鑑更有後語不得錯舉上堂只箇心心是佛十方世界最靈物

釋迦老子說夢三世諸佛說夢且問諸人還曾作夢麼若也作夢向半夜裏道將一句來良久曰人間縱有真消息偷向楊岐說夢看參上堂薄福住楊岐年來氣力衰寒風凋敗葉猶喜故人歸囉唻哩拈上死柴頭且向無煙火上堂釋迦老子初生時周行七步目顧四方一手指天一手指地今時衲僧盡皆打撲盡樣便道天上天下唯我獨尊雲蓋不惜性命亦爲諸人打箇樣子遂曰陽氣發時無硬地晚參示衆一切智通無障礙拈起拄杖曰向汝諸人面前逞神通去也擲下曰直得乾坤震裂山岳搖動會麼不見道一切智智清淨拍禪床曰三十年後莫道楊岐龍頭蛇尾僧問撥雲見日時如何曰東方來者東方坐問師唱誰家曲宗風嗣阿誰曰隔江打鼓不聞聲云興化的子臨濟親孫曰今日因齊慶贊問如何是祖師西來意曰擔頭不負書問少林面壁意旨如何曰西天人不曾唐言問天得一以清地得一以寧衲僧得一堪作甚麼曰鉢孟口向天室中問僧栗棘蓬你作麼生吞金剛圈你作麼生跳

一日三暫到相看師問三人同行必有一智提起坐具曰參頭上座喚這箇作甚麼云坐具曰真箇那云是師復曰喚作甚麼云坐具師顧視左右曰參頭却具眼問第二人欲行千里一步爲初如何是最初一句云到和尚這裏爭敢出手師以手劃一箇僧云了師展兩手僧擬議師曰了問第三人近離甚麼處云南源曰楊岐今日被上座勘破且坐喫茶問僧雲深路僻高駕何來曰天無四壁曰踏破多少草鞋僧便囑師曰一喝兩喝後作麼生云看這老和尚著忙曰拄杖不在且坐喫茶問僧敗葉堆雲朝離何處云觀音曰觀音脚跟下一句作麼生道云適來相見了也曰相見底事作麼生僧無對師曰第二上座代參頭道看亦無對曰彼此相鈍置慈明忌辰設齋衆集師至眞前以兩手捏拳安頭上以坐具一盞打一圓相便燒香退身三步作女人拜首座云休捏怪師曰首座作麼生云和尚休捏怪曰兔子喫牛糞第二座近前打一圓相便燒香亦退身三步作女人拜師近前作聽勢座擬議師打一掌曰這漆桶也亂做

參頭

興化菽禪師遷化致嗣僧至下遺書師問世尊入

滅梯示隻跌和尚歸眞有何相示僧無語師擬曾一

下曰蒼天蒼天皇帝祐改元示寂事述未詳壽五十八

隆興府大寧道寬禪師上堂拈拄杖曰前佛性命

後佛紀綱總在這裏如今用去也爲雲爲雨爲瑞爲

祥利人利天出生入死他方世界出沒卷舒若也通

身是口說不能盡通身是眼照不能窮一念相應利

那萬劫上堂從上來事非從佛得不向祖求丈夫

稟性本自天真動止合儀去來無著如魚在水任性

浮沈似鳥飛空俱無罣礙如斯說話誰是知音良久

曰一氣不言含有象萬靈何處謝無私僧問既是

一眞法界爲甚麼却有千差萬別曰根深葉茂云未

審還出得這箇也無曰弄巧成拙問作止任滅教

中四病後學之流如何趣向曰巧匠運斤斧斫木不

捫繩問丹霞燒木佛院主爲甚麼眉鬚墮落曰眠

不打貧兒家問飲光尊者見世尊拈花因甚麼微

笑曰忍俊不禁有僧造師之室問如何是露地白

牛師以火鋤掃火爐中曰會麼云不會曰頭不欠尾

不剩 師在同安日時有僧問既是同安爲甚麼却  
有病僧化去曰布施不如還却債

隆興府翠岩可眞禪師未詳以徧參自負叢林號爲

眞點曾後至慈明明見乃問如何是佛法大意云無

雲生嶺上有月落波心明叱曰頭白齒黃猶作這箇

見解師悚然求指示明日汝問我師理前語問之明

震聲曰無雲生嶺上有月落波心乃於言下大法頓

明住翠岩時推爲天下法窟 上堂曰不見一法是

大過患山河大地日月星辰色空明暗不是一法拈

起拄杖曰凡夫見拄杖喚作拄杖聲聞人見拄杖認

得頑空撥無拄杖菩薩人見拄杖幾曾挂牙齒飢來

喫飯困來打睡寒來向火熱則取涼不見道一切智

智清淨恁麼說話笑破土地鼻孔 上堂捫空無迹

追響無聞釋迦迦磨貶向他方文殊普賢權爲小使

汝等諸人向甚麼處安身立命所以道也有權也有

實也有明也有暗也有照也有用也有賓也有主放

過一著何不道取乃喝一喝卓拄杖一下下座 上

堂舉僧問巴陵如何是道巴陵云明眼人落井又問

寶應如何是道寶應云五鳳樓前又問首山如何是

道首山云脚下泥深三尺此三轉語一句壁立千仞

一句陸地行船一句賓主交參諸人莫有揀得者麼

出來道看如無且行羅漢慈破結賊故行菩薩慈安

衆生故行如來慈得如相故 上堂聲不雜聲色不

雜色何哉鐘聲無鼓響鼓聲無鐘響拈起拄杖云這

箇豈不是色聲在甚麼處聲不到耳色何從眼眼色

耳音聲萬法自成辨夜來觀音勢至菩薩二人論功

到翠巖所輒與他一判三十年後依而行之 上堂

舉龍牙頌云學道如鑽火逢煙未肯休直待金星現

歸家始到頭神鼎云學道如鑽火逢煙即便休莫待

金星現燒脚又燒頭師曰若論頓也龍牙正在半途

若論漸也神鼎猶少悟在於此復且如何諸仁者今

年多落葉幾處掃歸家 上堂上不在天下不在地

中不在人拈起拄杖曰如今在翠巖手中作無邊身

菩薩諸人還見麼若見果不見如來頂相若不見今

日當巡察問訊 僧問如何是學人著力句曰千日

斫柴一日燒云如何是學人親切處曰渾家送上渡

頭船。問如何是道。曰：出門便見云。如何是道中人。曰：擔枷過狀。問如何是祖師西來意。曰：深耕淺種。問如何是佛法大意。曰：五通賢聖云：學人不曾曰：舌至梵天。問如何是學人轉身處。曰：一堵牆百堵。調室中問僧魯祖。當日見僧來參。何故便面壁。衆下語不契。師作偈曰：坐斷千山與萬山。勸人除却是非難。池陽近日無消息。果中當年不日觀。餘語具。治平改元師將入滅。示疾甚勞苦。席藁于地。轉側不少休。詰侍者垂泣曰：平生呵佛罵祖。今何爲乃爾。師熟視。呵曰：汝亦作此見解耶。卽起。跌坐。呼侍者燒香。煙起。遂示寂。

潭州道吾真禪師。上堂曰：拗折秤衡。將甚麼定。丘兩拈却鉢盂匙。飭將甚麼喫粥。喫飯不如向三家村裏。東卜西卜。忽然卜著脫却鼻孔。上堂。師子兒啼。吼龍馬駒蹄跳。古佛鏡中明。三山孤月皎。遂作舞下座。上堂。若據祖令。到這裏盡須茫然放老僧一線。且向眉毛裏東觀西觀。上堂。普化明打暗打布袋。橫撒豎撒。石室行者踏碓。因甚忘却下脚。上堂。古

今日月依舊山河。若明得去。十方薄伽梵。一路涅槃門。若明不得。謗斯經。故獲罪如是。上堂。舉洞山道五臺山上雲。蒸飯佛殿塔前狗尿天。刹竿頭上煎餛飩。子三箇胡孫夜簸錢。老僧卽不然。三面狸奴脚踏月。兩頭白牯手擎煙。戴冠碧兔立庭栢。脫殼烏龜飛上天。老僧葛藤盡被汝諸人輓破了也。洞山老人甚是奇特。雖然如是。只行得三步四步。且不過七跳八跳。且道。設訛在甚麼處。老僧今日不惜眉毛。一時布施。良久曰：叮嚀。損君德。無言真。有功任從滄海變。終不爲君通。僧問：凝然便會時。如何。曰：老鼠尾上帶研旄。問如何是真如。體曰：夜叉屈膝。眼睛黑云。如何是真如。用曰：金剛杵打鐵山摧。問如何是常照。曰：針鋒上須彌云。如何是寂照。曰：眉毛裏海水云。如何是本來照。曰：草鞋裏躑跳。僧退。師曰：寂照常照。本來照。草鞋底下常躑跳。更會針鋒上須彌。眉毛中水常渺渺。隆興府景德惟政禪師。後住百丈。上堂曰：打動法鼓。微塵諸佛。列在面前。未審諸人還見也未。若道見

眼裏生華若道不見眸中有翳離此二途道將一句  
來若也擬議商量咄這障蔽魔王 上堂岩頭和尚  
用三文錢索得箇妻只解撈蝦擺蜆要且不解生男  
育女直至如今門風斷絕大眾要識藏公妻麼景德  
今日不惜唇吻與你諸人注破蓬鬢荆釵世所希布  
裙猶是嫁時衣 上堂天台普請人人知有南嶽游  
山又作麼生會則燈籠笑你不会則有眼如盲 僧  
問牛頭未見四祖時爲甚麼百鳥啣華獻曰有錢千  
里通云見後爲甚麼不啣華曰無錢隔壁鄰 問達  
磨未來時如何曰六六三十六云來後如何曰九九  
八十一 問如何是祖師西來意曰木耳樹頭生  
問一切法是佛法意旨如何曰一重山下一重人  
問以然如然時如何曰枯木不逢春云以然不然時  
如何曰穿靴水上行 問如何是不來相而來曰雲  
生嶺上云如何是不見相而見曰水出高原 問上  
行下教未是作家背楚投吳方爲達士豈不是和尚  
語曰是云父財子用也曰汝試用看僧擬議師便打

大愚守芝禪師法嗣

平江府瑞光月禪師 僧問俱胝一指意旨如何曰  
月落三更穿市過

龍華齊岳禪師法嗣

湖州西余師子淨端禪師或出河庭月下本郡人也遺其氏  
始見弄師子發明心要往見龍華蒙印可遂旋里合  
綵爲師子皮時被之因號端師子丞相章公慕其道  
躬請開法吳山化風盛播 受請日問答已乃曰彌  
勒眞彌勒分身千百億時時示時人時人自不識衆  
中還有識得底麼出來通箇消息若無爲地盡足去  
也大衆爲甚麼不識只爲太近衆生久流轉生死盡  
爲日用而不知未登眞覺常處夢鄉古人道昨夜得  
箇夢夢見一團空今朝擬說夢夢舉頭又見空山僧亦  
得一夢與古人不同夜來夢見土地向山僧道來日  
野翁先生諸人入山請和尚住持壽聖禪刹況和尚  
平生不曾行脚焉可住持山僧却向土地道禪得之  
在心何勞廣走若是眞師子兒坐下便能哮吼土地  
却問如何是眞師子兒豈不見永嘉道師子兒衆隨  
後三歲便能大哮吼若是野干逐法王百年妖怪虛



開口也大奇也大奇讀書山上師子兒數年長臥深林裏今朝徐步出巖扉露牙爪展毛衣双睛晃晃迸光輝碧眼胡僧猶不識土地山精焉得知夢中被山僧拄杖子打一下忽然不見大眾不須久立伏惟珍重開堂日僧官宣疏至推倒回頭趯翻不托七軸之蓮經未誦一聲之漁父先聞師止之遂登座拈香祝聖罷引聲吟曰本是瀟湘一釣客自西自東自南北大眾雜然稱善師顧笑曰諦觀法王法王法如是便下座上堂二月二禪翁有何謂春風觸目百華開公子王孫日日醺醺醉唯有殿前陳朝檜不入時人意禪家流只是莫思慮坦然齋後一甌茶長連床上伸脚睡咄到華亭衆請上堂靈山師子雲間哮吼佛法無可商量不如打箇筋斗便下座僧問羈羊未挂角時如何曰怕云既是善知識因何却怕曰山僧不曾見怎麼差異畜生師病牙久不愈一日忽謂衆曰明日打筋斗去衆以爲戲言書曰蠲師子太慵懶未死牙齒先壞爛二時伴衆赴堂粥飯都趕不辨如今得死是便宜長眠百事皆不管第一

不著看官第二不著喫粥飯至五鼓果趯寂齋七十有二

瑯琊廣照慧覺禪師法嗣

紹興府姜山方禪師上堂曰穿雲不渡水渡水不穿雲乾坤把定不把定虚空放行不放行橫三豎四乍離乍合將長補短卽不問汝諸人飯是米做一句要且難道良久曰私事不得官酬上堂不是道得道不得諸方盡把爲奇特寒山燒火滿頭灰笑罵豐干這老賊僧問如何是一塵入正受曰蛇齧老鼠尾云如何是諸塵三昧起曰鼈斂釣魚竿云怎麼則東西不辨南北不分去也曰堂前一碗夜明燈簾外數莖青瘦竹問諸佛未出世時如何曰不識酒望子云出世後如何曰釣魚船上贈三桮問如何是不動尊曰單著布衫穿市過云學人未曉曰騎驢踏破洞庭波云透過三級浪專聽一聲雷曰伸手不見掌云還許學人進向也無曰踏地告虚空云雷門之下布鼓難鳴曰八華毯子上不用繡紅旗云三十年後此話大行師便打問蓮華未出水時如何曰穿

針嫌眼小云出水後如何曰盡日展愁眉問奔流渡刃疾焰過風未審姜山門下還許借借也無曰天寒日短夜更長云錦帳繡鴛鴦行人難得見曰髑髏裏面氣衝天僧召云和尚師曰雞頭鳳尾云諸方泥裏洗姜山盡將來曰姜山今日爲客且望閨梨善傳然雖如是不得放過便打

福州白鹿顯端禪師僧問如何是無相佛曰灘頭石師子云意旨如何曰有心江上住不怕浪淘沙

問凝然湛寂時如何曰不是閨梨安身立命處云如何是學人安身立命處曰雲有出山勢水無投壑聲寧國府興教坦禪師永嘉牛氏子業打銀因淬礪瓶器有省卽出家披削謁廣照於瑯琊機語頓契後依天衣懷禪師懷時住興教擢爲第一座懷受他請乃聞府乞師繼之受請日有雪竇化土省宗出問諸佛未出世人人鼻孔遶天出世後爲甚麼杳無消息曰雞足山中鳳凜然云未在更道曰三十棒寄打雪竇僧禮拜師曰新興教今日失利便下座有本小異江州歸宗可宣禪師漢州人也壯爲僧卽出峽依廣

照一語忽投羣疑頓息照可之未幾令分座淨空居士郭功甫過門問道與厚及師領歸宗時功甫任南昌尉俄郡守恚師不爲禮揖甚遂作書寄功甫曰某世緣尙有六年柰州主抑逼當棄餘喘託生公家願無見阻功甫閱書驚喜且領之中夜其妻夢聞見師入其寢失聲曰此不是和尚來處功甫撼而問之妻詳以告呼燈取書示之相笑不已遂孕及生乃名宜老菴年記問如昔至三歲白雲端禪師抵其家始見之曰吾姪來也端云與和尚相別幾年宜倒指曰四年矣蓋與相別一年方死云甚處相別曰白蓮莊上云以何爲驗曰爹爹媽媽明日請和尚齋忽聞推車聲端問門外是甚麼聲宣以手作推車勢端云過後如何曰平地兩條溝果年六周無疾而逝餘語未見所出嘉興府長水子瑤講師郡之嘉興人也自落髮誦楞嚴不輟從洪敏法師講至動靜二相了然不生有省謂敏曰敲空擊木一云擊竹尙落筌蹄舉目揚眉已成礙議去此言端方契斯旨敏拊而證之然欲探禪源問知攸往聞瑯琊道重當世卽趨其席值上堂次出問

清淨本然云何忽生山河大地。璚憑陵答曰：清淨本然云何忽生山河大地？師領悟禮謝曰：願侍巾瓶。璚謂曰：汝宗不振久矣，宜厲志扶持，報佛恩德，勿以殊宗爲分也。乃如教再拜，以辭後住。長水承稟曰：願四衆曰：道非言象，得禪非擬議。知會意通宗，曾無別致。由是二宗仰之，皆疏楞嚴等經，盛行於世。

青原第十一世雲門五世

天衣振宗義懷禪師法嗣

東京慧林圓照宗本禪師常之無錫人也。族管氏體兒，鵬碩所事，淳厚年十九，往姑蘇承天依永安道昇禪師。報春炊不自疲厭，遇昇入室，隨衆諮參。昇曰：道者竭力如此，有少勞乎？師曰：若捨一法，不名滿足。菩提寔欲此生身證，何勞之有？昇陰奇之。越十年，剃染受具，又巾侍三載，請辭遊方。至池陽謁天衣於景德，衣舉天親從彌勒內宮而下，無著問云：人間四百年，彼天爲一晝夜，彌勒於一時中成就五百億天子，證無生法，忍未審說甚麼法？天親云：只是說這箇法，如何是這箇法？久而開悟。一日室中問師：卽心卽佛時

如何云殺人放火有甚麼難？於是名播寰宇。漕使李公復圭命師開法瑞光法席，日盛。武林守陳公襄以承天興教二利，命師擇居。蘇人擁道遮留，又以淨慈堅請移文，諭道俗曰：借師三年爲此邦植福，不敢久占。道俗始從元豐五年，神宗皇帝下詔，開相國寺六十四院爲入禪二律驛，召師爲慧林第一祖。既至，上遣使問勞，閱三日傳宣就寺之三門爲士民演法。翌日召對延和殿，賜坐師卽盤足加趺，擬仆。上亟令近臣益以錦座二隻。事見師行實及無爲居士神宗登遐，命入福寧殿說法，以老乞歸。林下得旨，任便雲遊。州郡不得抑令住持，擊鼓辭衆說偈曰：本是無家客，那堪任意遊。順風加櫓棹，船子下揚州。既出都城，王公貴人送者車騎相屬。師臨別誨之曰：歲月不可把玩，老病不與人期。唯勤修勿怠，是真相爲聞者莫不感涕。晚居靈巖，其嗣法傳道者百餘人。上堂曰：洪音一割震動乾坤，法令施行萬機頓削。聖凡路絕，佛祖情忘。當此之時，東西不辨，南北不分。從教千古萬古，黑漫漫填溝塞壑，無人會卓。

拄杖下座。上堂嶮峻無過雞足峰行人到此路難通唯恐祖師門下客不移毫末到其中參。上堂問也無妨答亦無答何也得之不爲先失之不爲後若達此宗豈論空有千聖從來也只寧任他鳥兔爭頭走成住壞空彈指間得失是非唯一口咄。上堂姑蘇臺畔不話春秋衲僧面前豈論玄妙只可著衣喫飯翫水看山夜見星晝見日兩手扶犁水過膝靈山授記只如斯歷劫何曾異今日。上堂於一毫端現寶王刹坐微塵裏轉大法輪拈起拄杖曰這箇是塵作麼生說箇轉法輪底道理山僧今日不惜眉毛與汝諸人說破拈起也海水騰波須彌炭峇放下也四海晏清乾坤肅靜敢問諸人且道拈起即是放下卽是當斷不斷兩重公案擊禪床下座。上元日僧問千燈互照綠竹交音正恁麼時佛法在甚麼處曰謝布施云莫便是和尚爲人處也無曰大似不齊來問上是天下是地未審中間是甚麼物曰山河大地云恁麼則謝師答話曰大地山河云和尚何得瞞人曰却是老僧罪過。問如何是祖師西來意曰韓信

臨朝云中下之流如何領會曰伏屍萬里云早知今日事悔不忌當初曰三皇家上草離離。問春風吹古樹殘日下前山如何是不遷義曰青山誰管你閑事白日鴈中自有人。問師唱誰家曲宗風嗣阿誰曰調古神清風自高貌悴骨剛人不顧云恁麼則薦福的子雪竇親孫也曰想得未知落處。問如何是露地白牛曰放出無尋處。問適來消息從何處得曰合。問知師久蘊囊中寶今日當場略借看曰何必如此元符二年十二月二十八日沐浴而臥門弟子環列請偈乞強起安坐以化道俗師熟眎曰癡子我尋常尙懶作偈今日特地圖箇甚麼尋常要臥便臥不可今日特地坐也索筆大書曰後事付守榮擲筆慙睡而逝士庶獻最後供者彌月還然。敕全身塔於寺之上方閱世八十坐夏五十二。證法空塔曰瑞光。續燈曰坐亡其異迹見僧寶傳北京天鉢文慧重元禪師。上堂曰若據宗乘正令莫不動用全威如聖輪王寶劍飛空誰是不賓之者是以王道平平和風扇物使羣邦貢獻萬里梯航六

合澄清狼煙永息於是四魔絕跡九類亡機卽且置作麼生是動用全威底道理薦拈拄杖橫按曰休休動不如靜靠拄杖下座 上堂古今天地萬象森然歲歲秋收冬藏人人道我總會還端的也無直饒端的比他雞足峰前是甚麼閑事良久曰今朝十月初旬天寒不得普請參 僧問如何是禪曰入籠入檻僧拈掌師曰跳得出是好手僧擬議師曰了 問學人上來請師舉唱曰善財別後誰相訪樓閣門開竟日閑云恁麼則定光金地遙招手智者江陵暗點頭曰大衆喚覺言僧著 問如何是觸目之機曰摩斯吒落水云謝師答話曰鼻孔不存 問昨日雨今日晴於曹溪路上成得箇甚麼邊事曰昨日雨今日晴紹興府天章元善禪師 上堂曰君問西來意馬師踏水潦若認一毛頭何曾起倒劫火纔洞然愚夫覓乾草寧知明眼人爲君長懊惱 僧問如何是最初句曰末後問將來云爲甚麼如此曰先行不到云入水見長人也曰秦皇擊缶

臨安府佛日智才禪師 上堂曰諸禪德還知麼山

僧生身父母一時喪了直是無依倚處以手撻背曰蒼天蒼天復顧大衆良久曰你等諸人也是鐵打心肝便下座 上堂舉栢樹子話師曰趙州庭栢說與禪客黑漆屏風松蘿亮隔 僧問如何是無爲曰山前雪半消云請師方便曰水聲轉鳴咽無爲軍佛足處祥禪師 僧問大悲千手眼如何是正眼曰暗裏施文彩明中不見蹤云學人爲甚麼不見曰呆日當空盲人摸地 問如何是般若體曰瑠璃殿裏隱寒燈云如何是般若用曰活卓卓地 問一色無變異喚作露地白牛還端的也無曰頭角生也云頭角未生時如何曰不要犯人苗稼 平江府明因慧贊禪師 上堂拈拄杖橫按曰若恁麼去直得天無二日國無二王釋迦老子飲氣吞聲一大藏教如虫蝕木設使鑽仰不及正是無孔鐵鎚假饒信手拈來也是殘羹餽飯一時吐却方有少分相應更乃墮在空亡依舊是鬼家活計要會麼雨後始知山色翠事難方顯丈夫心卓拄杖下座 興化軍西臺其辨禪師 上堂舉臨濟無位真人話



臨安府法雨慧源禪師 僧問如何是最初一句曰  
梁王不識云如何是末後一句曰達磨渡江

報本有蘭禪師法嗣

福州中際可遵禪師郡之梁氏子 上堂曰八萬四  
千深法門門門有路超乾坤如何箇箇踏不著只爲  
蜈蚣太多脚不離多脚亦多口釘觜鐵舌徒增醜拈  
椎豎拂泥洗泥揚眉瞬目籠中雞要知佛祖不到處

門掩落華春鳥啼 上堂昨夜四更起來呵呵大笑  
不歇幸然好一覺睡霜鍾撞作兩槓 上堂野外桃  
華爭爛熳亭前栢樹葉婆娑世人莫作尋常見多少  
英雄不奈何

邢州聞元法明上座依報本未久深得法忍後歸里  
事落魄多嗜酒呼盧每大醉唱柳詞數闋日以爲常  
鄉民侮之召齋則拒召飲則從如是者十餘年咸指  
曰醉和尚一日謂寺衆曰吾明日當行汝等無他往  
衆竊笑之翌晨攝衣就座大呼曰吾去矣聽吾一偈  
衆聞奔眎明乃曰平生醉裏顛蹶醉裏却有分別今  
宵酒醒何處楊柳岸曉風殘月言訖寂然撼之已委  
蛻矣衆盡禮以葬之

雲居曉舜禪師法嗣

建康府蔣山佛慧法泉禪師世號泉萬卷者上堂曰古人

恁麼南禪不恁麼古人不恁麼南禪却恁麼大衆還  
 委恁麼王婆衫子短李四帽簷長 聖節上堂拈拄  
 杖學法座一下曰以此功德祝延 聖壽便下座  
 上堂智人欲識南禪路門前有箇長松樹脚下分明

不較多無奈行人恁麼去莫恁去急回顧樓臺煙鎖  
鐘鳴處雪下上堂召大眾曰還有過得此色者麼  
良久曰文殊笑普賢嘆眼裏無筋一世貧相逢盡道  
休官去林下何曾見一人上堂快人一言快馬一  
鞭若更眼睛定動未免紙裏麻纏脚下是地頭上是  
天不信但看八九月紛紛黃葉滿山川僧問白雲  
本無心爲風出巖谷時如何曰晴作雨備問如何  
是祖師西來意曰髮長僧負醜云未審意旨如何曰  
閉戶怕天寒問久雨不晴時如何曰白日無閑人  
云未曉玄言乞師直指曰看看便是春問南禪結  
夏爲甚麼却在蔣山解曰衆流逢海盡云恁麼則事  
同一家也曰夢裏到家鄉問蓮華未出水時如何  
曰西瞿耶尼云出水後如何曰泗州大聖問如何  
是衲僧行履處曰甲不開倉問二祖立雪齊腰意  
旨如何曰三年逢一閏云爲甚麼付法傳衣曰村酒  
足人醺  
明州天童澹交禪師上堂曰也大奇也大差十箇  
指頭八箇罇由來多少分明不用鑽龜打瓦便下座

僧問臨雲閣後太白峰高到這裏如何進步曰但尋  
荒草際莫問白雲深云未審如何話會曰寒山逢拾  
得兩箇一時癡云向上宗乘又且如何參唱曰前言  
不及後語

廣因擇要禪師法嗣

福州妙峰如瓊禪師上堂曰今朝是如來降生之  
節天下經流莫不以香湯灌沐共報洪恩爲甚麼教  
中却道如來者無所從來既是無所從來不知降生  
底是誰試請道看若道得其恩自報若道不得明年  
四月八還是薦頭澆

智海正覺本逸禪師法嗣

福州大中海印德隆禪師上堂曰法無異法道無  
別道時時逢見釋迦處處撞著達磨放步即交肩開  
口卽敲破不敲破大小大上堂夫欲智拔先須定  
動拈拄杖卓一下曰噉嚙嚙嚙喇婆訶歸堂喫茶  
上堂觸境無滯底爲甚麼擡頭不起田地穩密底爲  
甚麼下脚不得譬如天王賜與華屋雖獲大宅要因  
門入門嚙樊噲踏開眞主出巨靈擡手錦鱗噴參

上堂平日寅曉何人處處彌陀佛家家觀世音月裏麒麟看北斗向陽樨子一邊青 僧問夜半正明天曉不露如何是不露底事曰日落月未上云恁麼則五天唱不起漢地和難齊曰方人以已云鐵狗吠開巖上月泥牛觸破嶺頭雲曰元來猶在云可謂不落今時句如在白雲中曰崔崔鬼鬼霄漢半開云全因今日去也曰且喜開梨簷地 問寒來暑往日居月諸心地未明乞師指示曰臂長衫袖短脚瘦草鞋寬云莫便是和尚爲人處也無曰日午游都市天明往華山

青原第十一世 洞山七世

投子義青禪師法嗣

東京天寧芙蓉道楷禪師沂之沂水人族崔氏自幼學辟穀隱伊陽山後游京師籍名術臺寺試法華得度具戒趨淮西謁投子於海會乃問佛祖言句如家常茶飯離此之外別有爲人言句也無曰汝道寰中天子敕還假堯舜禹湯也無師欲進語青以拂子撼師口曰汝發意來早有三十棒也師即開悟再拜便

行青曰且來闍梨師不顧青曰汝到不疑之地耶師以手掩耳後還沂上居馬鞍山元豐壬戌時年四十道俗迎處僊洞次遷招提龍門又徙大陽大洪皆一時名卿鉅公爲之勸請自是洞上之風大行西北崇寧三年詔住京師淨因大觀改元 敕移天寧 上堂曰喚作一句已是埋沒宗風曲爲今時通途消耗所以借功明位用在體處借位明功體在用處若也體用雙明如門扇兩開不得向兩扇上留意不見新豐老子道峰巒秀異鶴不停機靈木迢然鳳無依倚直得功成不處電火難追擬議之間長途萬里 上堂良久曰青山常運步石女夜生兒便下座 上堂入道之徑內虛外靜如水澄凝萬象光映不沈不浮萬法自如所以道火不待日而熱風不待月而涼堅石處水天瞽猶光明暗自爾乾濕同方若能如是岩前枯木半夜開華木女攜籃清風月下石人舞袖共賀太平野老謳歌知音者和於斯明得何必重登塔廟再見文殊道在目前一時參取 上堂假言唱道落在今時設使無舌人解語無脚人能行要且未能與

其疑表

那一人相應。還會麼。龍吟徒側耳。虎嘯謔沈吟。僧問如何是兼帶之語。曰妙用全施。該世界木人閑步。火中來云如何是和尙家風。曰衆人皆見云未審見箇甚麼。曰東壁打西壁。問如何是無縫塔。曰白雲籠嶽頂。終不露崔嵬。二年春開封尹李公孝壽奏師道行卓冠叢林。宜有褒顯。即賜紫方袍。號定照禪師。內臣持敕命至師迎。謝曰某辭父母出家時。嘗陳重誓不爲利名專誠學道。用資九族。苟渝願心。當棄身命。父母以此聽許。今若不守本志。竊冒寵光。則佛法親盟背矣。於是修表具辭復降。旨京尹堅俾授之師。確守不同。以拒命坐罪奉旨下棘寺。與從輕寺吏聞有司欲徙潘州。有司曰有疾與免刑及吏問之。師曰無疾。吏云何有。灸癰耶。曰昔者疾今日愈。吏令思之。曰已悉厚意。但妄非所安。乃恬然就刑而行。從之者如歸市。師以法語施之。獲益尤衆。靈源清禪師評曰夫楷公大士也。其建志立行。當素有根本。豈悠悠者之所能知。因贊其像曰。惟唐正觀靈潤投師。匪移所守。能適其安。乃曰此行略有三益。一

酬往譴。二順厭生。三成大行。今日潘州楷公亦云嚴天大雪。始見松筠媚草。天華亦成。造化苟竊世榮實辜恩者。師抵潘川。僦居學者愈親。明年冬敕令自便庵於芙蓉湖心。道俗川湊。僅數百人。日食粥一杯。故多引去政和七年冬。賜額曰華嚴禪寺。八年五月十四日。索筆書偈付侍僧曰。吾年七十六。世緣今已足。生不愛天堂。死不怕地獄。撒手橫身。三界外。騰騰任運。何拘束。移時乃逝。隨州大洪第一世報恩禪師衛之黎陽人。族劉氏。而劉氏世皆碩儒。師未冠。舉方略擢上第。後厭塵境。請于朝乞謝簪紱爲僧。上從其請。遂游心祖道。至投子未久。即悟心。要子曰汝再來人也。宜自護持。辭謁諸名宿。皆蒙印可。丞相韓公嶺慕師道。望請開法於西京之少林。未幾大洪革律爲禪。神宗親臨宸翰改賜今額。詔師居之。上堂曰。五五二十五。案山雷主。山雨明眼。訥僧莫教錯舉。上堂若向這裏認。即心即佛。大似頭上安頭。若說非心非佛。何異迷頭認影。賞箇名安箇字。定箇是立箇非。向甚麼處見

達磨祖師然雖如此放一線道別有商量諸仁者是復誰是非復誰非是非杳絕分明萬機會麼前是官不容針後是私通車馬於斯明得晝見日夜見星於斯不明有寒暑兮促君壽有鬼神兮妬君福上堂如斯話會誰是知音直饒向一句下千眼頓開端的有幾箇是迷逢達磨諸人要識達磨祖師麼乃舉手作捏勢曰達磨祖師鼻孔在少林手裏放開去也從教此土西天說黃道黑欺胡謾漢若不放過不消一捏有人要與祖師作主便請出來與少林相見還有麼良久曰果然問祖師西來九年面壁最後一句請師舉唱曰面黑眼睛白師嘗設百問以問學者其略曰假使百千劫所作業不忘爲甚麼一稱南無佛罪滅河沙劫又作此相○曰森羅萬像總在其中具眼禪人請試甄別師素與無盡居士張公商英友善無盡數以書問儒釋大要師隨問以答之無盡問曰清涼疏第三卷西域邪見不出四見此方儒道亦不出此四見如莊老計自然爲因能生萬物卽是邪因易曰太極生兩儀大極爲因亦是邪因若謂一陰一

陽之謂道能生萬物亦是邪因若計一爲虛無則是無因今疑老子自然與西天外道自然不同何以言之老子曰常無欲以觀其妙常有欲以觀其微無欲則常有微則已入其道矣謂之邪因豈有說乎易曰一陰一陽之謂道陰陽不測之謂神神也者妙萬物而爲言寂然不動感而遂通天下之故今乃破陰陽變易之道爲邪因撥去不測之神豈有說乎望紙後批示以斷疑網故也師答曰西域外道宗多途要其會歸不出有無四見而已謂有見無見亦有亦無見非有非無見也蓋不卽一心爲道則道非我有故名外道不卽諸法是心則法隨見異故名邪見如謂之有有則有無如謂之無無則無有有無則有見競生無有則無見斯起若亦有亦無見非有非無見亦猶是也夫不能離諸見則無以明自心無以明自心則不能知正道矣故經云言詞所說法小智妄分別不能了自心云何知正道又云有見卽爲垢此則未爲見遠離於諸見如是乃見佛以此論之邪正異途正由見悟殊致故也故清涼以莊老計道法自然能生



萬物易謂太極生兩儀一陰一陽之謂道以自然太極爲因一陰一陽爲道能生萬物則是邪因計一爲虛無則是無因嘗試論之夫三界唯心萬緣一致心生故法生心滅故法滅推而廣之彌綸萬有而非有統而會之究竟寂滅而非無非無亦非非無非有亦非非有四執既亡百非斯遣則自然因緣皆爲戲論虛無真實俱是假名矣至若謂太極陰陽能生萬物常無常有斯爲衆妙之門陰陽不測是謂無方之神雖聖人設教示悟多方然既異一心寧非四見何以明之蓋虛無爲道道則是無若自然若太極若一陰一陽爲道道即是有常無常有則是亦無亦有陰陽不測則是非有非無先儒或謂妙萬物謂之神則非物物物則亦是無故西天諸大論師皆以心外有法爲外道萬法唯心爲正宗蓋以心爲宗則諸見自亡言雖或異未足以爲異也心外有法則諸見競生言雖或同未足以爲同也雖然儒道聖人固非不知之乃存而不論耳良以未即明指一心爲萬法之宗雖或言之猶不論也如西天外道皆大權菩薩示化之

所施爲橫生諸見曲盡異端以明佛法是爲正道此其所以爲聖人之道順逆皆宗非思議之所能知矣故古人有言緣昔眞宗未至孔子且以繫心今知理有所歸不應猶執權教然知權之爲權未必知權也知權之爲實斯知權矣是亦周孔老莊設教立言之本意一大事因緣之所成始所成終也然則三教一心同途異轍究竟道宗本無言說非維摩大士孰能知此意也

沂州洞山雲禪師 上堂曰秋風卷地夜雨灑空可中別有清涼箇裏更無熱惱是誰活計到者方知纔落見聞即居途路且道到家後如何任運獨行無伴侶不居正位不居偏

長安靈應文禪師 上堂曰明明百草頭明明祖師意直下便承當錯認弓爲矢惺惺底菜著磕著懵懂底和泥合水龜毛拂這塞虛空覓角杖撐天拄地日射珊瑚林知心能幾幾以拂子擊禪床下座

嘉泰普燈錄卷第三

音釋

愿音願	贊於倫切	捷疾葉切	楷口駭切
齧音迢	鑾盧九切	謔音是	燧音蓬
焙滿沒切	噲音快	掇都括切	鑿音奚
囉音羅	唛來皆切	抨披耕切	駒音俱
踴音孛	尿奴弔切	廢音豁	靴許戈切
胝丁尼切	晃戶廣切	醺音熏	羶音靈
備常容切	淬取內切	礪音厲	摺居運切
媽音馬	髮音采	懊烏皓切	羅音羅
餽音搜	罇虛詐切	灌音貫	嚇音蘇
噓音盧	噍音悉	喇音利	嚮尼止切
拂音卑	沂魚衣切	癡蒲官切	磕克盍切
縝之忍切	懵母總切		

嘉泰普燈錄卷第四

平江府報恩光孝禪寺臣僧 正受 編

南嶽第十二世臨濟八世

黃龍普覺慧南禪師法嗣一

隆興府黃龍寶覺祖心禪師南雄始興人族鄔氏爲書生有聲年十九目盲父母禱圓通大士許出家卽觀物乃依龍山寺慧全明年試經唯師獻詩得奏名劉染繼住龍山以律身不嚴幾逢橫逆遂入叢林謁雲峰悅禪師留三年告悅將去悅特指見南禪師時住往居四年無所入一日傾湯誤注手指豁如夢覺知有而機不發南抑之師復雲峰悅已謝世就止石霜因讀傳燈至僧問多福如何是多福一叢竹曰一莖兩莖斜云學人不會曰三莖四莖曲於是頓證二師垂手處徑回積翠方展坐具南曰子始入吾室矣師禮謝乃謁翠巖真渤潭月皆器之自爾名冠叢社南以熙寧二年歸寂郡守及龍圖徐公禧挽師嗣居上堂曰大凡窮生死根源直須明取自家一片田地教伊去處分明然後臨機應用不失其宜只如鋒

鈍未兆已前都無是箇非箇。譬爾爆動便有五行金木相生相尅。胡來漢現。四姓雜居。各任方隅。是非鋒起。致使玄黃不辨。水乳不分。疾在膏肓。難爲救療。若不當陽曉示。窮子無以知歸。欲得大用現前。便可頓忘。諸見諸見。既盡昏翳不生。大智洞然。更非他物珍重。上堂擊禪床曰。一塵纔舉。大地全收。諸人耳在一聲中。一聲遍在諸人耳。若是摩霄俊鶴。便合乘時止。漁困魚徒勞。激浪上堂不與萬法爲侶。即是無諍三昧。便恁麼去爭。奈急急則聲促。若能向紫羅帳裏撒真珠。未必善因而招惡果。上堂有句無句。如藤倚樹。且任諸人點頭。及乎樹倒藤枯。上無衝天之計。下無入地之謀。靈利漢這裏著得一隻眼。便見七縱八橫。舉拂子曰。看太陽溢目。萬里不挂片雲。若是覆盆之下。又爭怪得老僧。上堂若也單明。自己不悟。目前此人。有眼無足。若悟目前。不明自己。此人不足。無眼據此二人。十二時中常有一物。蘊在胷中。物既在胷。不安之相常在。目前既在目前。獨途成滯。作麼生得平穩。去祖不言。手執之失度。必入邪路。放之

自然體無去住。僧問達磨九年面壁。意旨如何。曰。身貧無被蓋。云莫辜負他先聖也。無曰。閤梨見處。又作麼生。僧盡一圓相。師曰。鸞雀不離窠。僧禮拜。師曰。更深猶自可。午後始愁人。問未登此座時如何。曰。一事全無。云登後如何。曰。仰面觀天。不見天。師住持十有二年。性真率不樂事務。凡五辭乃退。揭其室曰。晦堂衲子。源源而來。揮之不去。士夫慕風。求開發者衆。因撫教門祖宗言句。及儒道經書。作徵問辨。通如論語曰。參乎。吾道一以貫之。曾子曰。唯。子出門人問曰。何謂也。曾子曰。夫子之道。忠恕而已矣。師曰。吾道既一。則可以統貫萬差之事。當其一貫萬事之中。可容其見。若容其見。則不爲一。若不見時。萬事顯然。一何形狀。苟能見達。忠恕之道可得。而明道德經出生入死章曰。生之徒十有三。死之徒十有三。人之生動之死地亦十有三。夫何故。以其生生之厚。蓋聞善攝生者。陸行不避兇虎。入軍不被甲兵。兇無所投。其角虎無所措。其爪兵無所容。其刃夫何故。以其無死地焉。師曰。十中有三三。者何耶。其三三。者蓋取九數以

爲生生之攝用也。有何所以不盈十數？若盈十數，形器所拘，則不能明出生入死。既不能明出生入死，寧逃兇虎投角，措爪所以其一不用而用，而能善用，非數而數，而能善數，夫何故？以其無死地也。既知無死，則見無生。無生無死，則可以明出生入死，可謂生而無生死，而無死，非獨入軍不被甲兵，蹈火履水而無焦溺，亦皆如之。請問既有其生，不無其死，何由得歸無死之地？維摩經曰：此室常以金色光照，晝夜無異，不以日月所照爲明。師曰：若以金色光照爲明，現居之室轉流晝夜。若以日月所照爲明，現居之室晝夜流轉，識是非眼入是非，看元符三年十一月十六中夜入滅命門。人黃公庭堅主後事，茶毗日，隣峰爲秉炬火，不續黃顧師之得法上首。新禪師曰：此老師有待於吾兄也。新以喪拒黃強之新執炬，召衆曰：不是餘殃累及我彌天罪過，不容誅而令兩脚揜空去，不作牛豕，便作驢，以火炬打一圓相，曰：只向這裏雪屈。擲炬應手而焚，壽七十有六，臘五十有五，窆于普覺塔之東。賜號寶覺。

筠州黃檗真覺惟勝禪師，梓之中江人，族羅氏。居講聚時，偶以扇勸懲，樞有聲，忽憶教中道：十方俱擊鼓，十處一時聞。因大悟，白本講講令參問，徑往黃檗。值上堂，踞座曰：鐘樓上念讚，床脚下種菜。若人，道得分半院與伊師出。答曰：猛虎當路坐，檗大悅，徐以法席付之。語方宗仰。其示衆機語見續通

隆興府泐潭洪英禪師，邵武人也。族陳氏，幼穎邁，一目五行，及長，棄儒得度，訪道曹山，依雅禪師，久之辭登雲居，睦其勝絕，殆終于此山。因閱華嚴十明論，乃證宗要，即詣黃檗，檗與語，達旦，曰：荷擔大法，盡在爾躬。厚自愛，所至議論奪席。晚游西山，與勝首座棲雙嶺，熙寧改元，分座廬山，圓通學者歸之。二年冬，開法石門，久之遷泐潭。開堂日，問答罷，乃曰：問也無窮，答也無盡。問答去來，於道轉遠，何故？況爲此事，直饒棒頭薦得，不是丈夫，喝下承當，未爲達士。那堪更向言中取，則句裏驢求。語路尖新，機鋒捷疾，如斯見解，盡是埋沒。宗旨玷汚，先賢於吾祖道，何曾夢見？只如我佛如來，臨般涅槃，乃云：吾有正法眼藏，涅槃妙心。

付囑摩訶大迦葉迦葉遂付阿難暨商那和修等多  
大士諸祖相繼至於達磨西來直指人心見性成佛  
不立文字語言豈不是先聖方便之道自是當人不  
信却自迷頭認影奔逐狂途致使鈴蟬流浪生死諸  
禪德若能一念回光返照到自已腳跟下褫剝究竟  
將來可謂洞門豁開樓閣重重十方普現海會齊影  
便乃凡聖賢愚山河大地以海印三昧一印印定更  
無纖毫透漏山僧如是舉唱若是衆中有本色衲僧  
聞之實謂掩耳而歸笑破他口大衆且道本色衲僧  
門下一句作麼生道良久曰天際雪埋千尺石洞門  
凍折數株松 上堂釋迦老子當時一手指天一手指  
指地云天上天下唯我獨尊釋迦老子旁若無人當  
時若遇箇明眼衲僧直教他上天無路入地無門然  
雖如是也須是銅鈔羅裏滿盛油始得 問逢場作  
戲時如何曰紅爐拋出鐵烏龜云當軒布鼓師親擊  
百尺竿頭事若何云山僧不作這活計三年六月知  
事紛爭止之不已初九日謂衆曰領衆不肅正坐無  
德吾有愧於黃龍令集衆叙行腳始末復曰吾滅後

火化以骨歸普同塔明生死不離清衆也語終而逝  
壽五十有九夏四十有三

廬州開元子琦禪師泉之惠安人族許氏九歲依開  
元智訥二十二試經刺染具戒精楞嚴圓覺秉謁翠  
巖真禪師問佛法大意真唾地曰這一滴落在甚麼  
處師捫膺曰學人今日脾疼真解頰辭參積翠歲餘  
盡得其道乘間侍南商確古今適大雪南指曰斯可  
以一致苾芻否對曰不能然則天霽日出雲物解散  
豈復有哉知有底人於一切言句如破竹雖百節當  
迎刃而解詎容聲於擬議乎一日南遣僧逆問老和  
尚三關語如何師厲聲曰你理會久遠時事作麼南  
聞益奇之於是名著叢席南歿四祖演禪師命分座  
室中垂語曰一人有口道不得姓字爲誰傳至東林  
總禪師總歎曰琦首座如鐵山萬仞卒難逗他語脉  
未幾以開元爲禪林請師爲第一世機語未見  
湖州報本慧元禪師 上堂僧問諸佛所說法種種  
皆方便是否曰是云爲甚麼諸法寂滅相不可以言  
宣曰且莫錯會僧以坐具一畫師喝曰諸法寂滅相



不可以言宣今之學者方見道不可以言宣便擬絕慮忘緣杜塞視聽如斯見解未有自在分諸人要會寂滅相麼出行不見一纖毫滿目白雲與青嶂

潭州雲蓋守智禪師劍之罷津人族陳氏幼依劔浦林重院年二十三得度進具已至豫章大寧時法昌遇禪師韜藏西山師聞其飽參即之遇問曰汝何所來云大寧又問三門夜來倒汝知麼師愕云不知遇曰吳中石佛大有人不曾得見師惘然即展拜遇使謁翠巖眞禪師雖久之無省且不舍寸陰及謁黃龍於積翠始盡所疑留五年復謁英邵武於同安積翠歿首衆於石霜遂開法道吾徒雲蓋上堂曰昨日高山看釣魚步行騎馬失却驢有人拾得駱駝去重賞千金一也無若向這裏薦得不著還草鞋錢上堂緊袖履水靴踏破湖湘月手把鐵蒺藜打碎龍虎穴翻身倒上樹始見無生滅却笑老瞿曇彈指超彌勒上堂唯一堅密身一切塵中現雲蓋今日千山鬱茂鳥獸嘶鳴百草競發萬木抽枝盡是諸佛箇箇眞如汝等諸人游山翫水直須急著眼睛莫被伊瞞

上堂舉趙州問僧向甚處去云摘茶去州曰閑師曰道著不著何處摸索背後龍鱗面前驢脚翻身筋斗孤雲野鶴阿呵呵僧問鼓聲纔罷大眾臨筵祖意西來請師舉唱曰雨過路頭乾云祖意既是家風事若何曰腦後合掌云全因今日曰謝汝到來問有一無絃琴不是世間木今朝負上來請師彈一曲師拊膝一下僧云金風颯颯和清韻請師方便再垂音曰陝府出鐵牛元祐初退居西堂不出山三十年政和四年周公種守潭遣長沙令佐以說計遂至開福齋罷鳴鼓問其故曰請師住持此院遂不得辭時年九十矣五年三月七日陞座說偈曰未出世口如驢背出世後頭似馬杓百年終須官壞一任天下十度歸方丈安坐良久乃化闍維得舍利五色經旬撥灰燼猶得之坐六十六夏

隆興府泐潭眞淨雲庵克文禪師陝之閿鄉人族鄭氏世多名卿師生而挺異讀書知要事後母失愛因游方至復之北塔聞廣禪師說法泣而師之二十五試所習得度受具講演名著伊洛義學者宗之偶游

龍門至殿廡見入定比丘像幡然語其僞曰我所負者如吳道子畫人物雖妙盡一時然終非活者於是棄游湘潭治平二年坐夏大滙聞舉僧問雲門佛法如水中月是否曰清波無透路釋然頓悟徑之積翠翠問從甚麼處來云溪山曰恰值老僧不在云未審向甚麼處去曰天台普請南嶽游山云若然者學人亦得自在去也曰脚下鞋是何處得來云廬山七百錢唱得曰何曾自在來師指云何曾不自在來翠異之顧其機鋒莫觸唯英邵武與之階熙寧八年住筠之聖壽攢居洞山後謝事東游至金陵王荊公以師禮迎之施第爲寺命開山奏 賜眞淨號未幾還高安庵于九峰越六秋徙歸宗泐潭 開堂曰拈香祝聖問答罷乃曰問話且止只知問佛問法殊不知佛法來處且道從甚麼處來至一足曰昔日黃龍親行此令十方諸佛無敢違者諸代祖師一切聖賢無敢越者無量法門一切妙義天下老和尚舌頭始終一印無敢異者無異即且置印在甚麼處還見麼若見非僧非俗無偏無黨一分付若不見而我自收遂

收足喝一喝曰兵隨印轉將逐符行佛手驢脚生緣老好痛與三十棒而今會中莫有不甘者麼若有不妨奇特若無新長老讓諸人去也故我大覺世尊昔日於摩竭陀國十二月八日明星現時豁然大悟大地有情一時成佛今有釋子沙門某於東震旦國大末筠陽城中六月十三日赫日現時又悟箇甚麼以拂子畫曰我不敢輕於汝等汝等皆當作佛 上堂天地與我同根萬物與我一體脚頭脚尾橫三豎四北俱盧洲火發燒著帝釋眉毛東海龍王忍痛不禁轟一箇靈靈直得傾瀉倒嶽雲黯長空十字街頭廖胡子醉中驚覺起來拊掌呵呵大笑云筠陽城中近來少賊乃拈拄杖曰賊賊 上堂道泰不傳天子令行人盡唱太平歌五九四十五莫有人從懷州來麼若有不得忘却臨江軍豆豉 上堂世尊拈華迦葉微笑拈拄杖曰洞山拈起拄杖子你諸人合作麼生擊香卓下座 上堂視無禮裕無口頭上青灰三五斗趙州老漢少賣弄然則國清才子貴家富小兒瞞其奈禾黍不陽艷競栽桃李春蠶令力耕者半作

賣華人 上堂佛法兩字直是難得人有底不信自  
已佛事唯憑少許古人影響相似般若所知境界定  
相法門動即背覺合塵黏將去脫不得或學者如印  
印泥迦相印授不唯自誤亦乃誤他洞山門下無佛  
法與人只有一口劍凡是來者一一斬斷使伊性命  
不存見聞俱泯却向父母未生前與伊相見見伊纔  
向前便爲斬斷然則剛刀雖利不斬無罪之人莫有  
無罪底麼也好與三十拄杖 上堂今日供養羅漢  
夜來四方高人諷誦妙法蓮華經安樂行品一遍大  
衆作麼生是安樂行擬心早不安樂了也乃喝一喝  
曰豈不是安樂行如何是透法身句北斗裏藏身豈  
不是安樂行如何是祖師西來意庭前栢樹子豈不  
是安樂行如何是超佛越祖之譚胡餅豈不是安樂  
行以至僧俗大衆一一清淨光明住持豈不是安樂  
行乃至一佛二菩薩一一羅漢一一辟支佛無不清  
淨實相住持所爲安樂行也大衆唯有髻中寶珠不  
妄與之雖然不與亦人人具足十二時中光明烜赫  
阿誰欠少還會麼歸堂喫茶復喝一喝下座 解夏

上堂以拂子擊禪床曰天地造化有陰有陽有生有  
殺日月照臨有明有暗有顯有顯江河流注有高有  
下有壅有決明主治化有君有臣有禮有樂有賞有  
罰佛法住世有頓有漸有權有實有結有解結也四  
月十五日十方法界是聖是凡若草若木以拂子左  
邊敲曰從這裏一時結舉起曰總在拂子頭上還見  
麼遂喝曰解也七月十五日十方法界若草若木乃  
聖乃凡以拂子右邊敲曰從這裏一時解舉起曰總  
在拂子頭上還見麼遂喝曰只如四月十五日已前  
七月十五日已後且道是解是結復舉拂子曰總在  
拂子頭上還見麼遂喝曰諸高德此三喝中有一喝  
是金剛王寶劍有一喝是踞地師子有一喝是探竿  
影草若人一一辨得始見臨濟大師道出常情黃檗  
被掌大愚遺策雖相去三二百年許你親爲的子然  
後大開不二妙門權證祖道摧邪顯正扶宗立教整  
頓綱綱縱大知見耀大法眼不動木際決勝魔軍遂  
喝曰更須知有一喝不作一喝用在這裏須是具  
迦羅眼向未扇已前驚提得去諸高德且道提得箇

甚麼良久喝一喝下座。僧問新豐吟雲門曲舉世知音能和續大衆臨筵願清耳目師以右手拍禪床一下僧云木人拈掌石女揚眉師以左手拍禪床一下僧云猶是學人疑處師曰何不腳跟下薦取僧以坐具一拂師曰爭奈腳跟下何。問遠遠馳符命禪師俯應機祖令當行也方便指羣迷曰深云深意如何曰淺云教學人如何領會曰點。問馬祖下尊宿一箇箇阿鞞鞞地唯有歸宗老較些子黃龍下兒孫一箇箇硬剝剝地只有眞淨老師較些子學人怎麼還扶得也無曰打疊面前堪擔却云若不同床睡焉知被底穿師不答僧云這箇爲上上根人忽遇中下之流如何指接師亦不答僧云非但和尚懷懼學人亦乃一場敗闕曰三十年後悟去在。問承古有言衆生日用而不知未審不知箇甚麼曰道云忽然知後如何曰十萬八千僧提起坐具云爭奈這箇何師便喝崇寧改元休於雲庵十月旦示疾望乃愈出道具散諸徒翌日中夜沐浴更衣趺坐衆請說法師示以偈及遺誡宗門大略言卒而逝越七日火葬焰成

五色白光上騰煙所及成設利道俗千餘人咸得之分靈骨塔于泐潭新豐壽七十有八。隆興府上監順禪師。上堂曰夏日人人把扇搖冬來以炭滿爐燒若能於此全知曉塵劫無明當下消。上堂舉勘婆話師乃曰趙州問路婆子答云怎麼去皆云勘破老婆婆子無你雪處同道者相共舉。舒州三祖法宗禪師。上堂曰架梯可以攀高雖升而不能達河漢鑄鐵可以掘鑿雖利而不到風輪其器者費功其謀者益妄不如歸家坐免使走塵壤大衆那箇是塵壤祖佛禪道。僧問如何是正法眼曰泥裏有刺云如何是道曰老僧落第二云如何是禪曰你且莫少叢林。南安軍雪峯道圓禪師南雄人也依積翠日宴坐下板時一僧論野狐話一云不昧因果也未脫得野狐身一云不落因果又何曾墮野狐來師聞之悚然因詣積翠庵涉澗猛省述偈曰不落不昧僧俗本無忌諱丈夫氣宇如玉爭受囊藏被蓋一條柳栗任縱橫野狐跳入金毛隊南見爲助喜出住雪峰。上堂舉

風幡話師曰不是風兮不是幡白雲依舊覆青山  
來老大渾無力偷得忙中些子閑

隆興府祐聖法窟禪師潮陽鄭氏子晚見黃龍深蒙  
印可上堂曰此事如醫家驗病方且雜毒滿腹未  
易政治必瞑眩之藥而後可瘳就令徇意投之適足  
狂惑增其沈痼求其已病不亦左乎法堂前草深於  
心無媿崇寧三年十二月六日泊然坐逝

南康軍清隱潛庵清源禪師豫章人族鄧氏依洪巖  
處信得度具戒參武泉常雲居舜泐潭月延未決始  
趨黃龍一日聞舉洞山初和尚見雲門因緣遂失笑  
龍問胡爲而笑云笑黃面浙子憐兒不覺醜自是客  
爲侍者閱七年清徹奧妙叢林稱之初住西山次遷  
清隱上堂曰寒風激水成冰果曰照冰成水冰水  
本自無情各各應時而至世間萬物皆然不用強生  
擬議上堂先師初事棲賢謁泐潭澄歷二十年宗  
門奇奧經論玄要莫不貫穿及因雲峰指見慈明則  
一字無用遂設三關語以驗學者而禪者如葉公盡  
龍龍現卽佈建炎三年八月五日示寂于撫之漳江

壽九十八臘七十八

廬山歸宗志芝庵主臨江人也壯爲苾芻依黃龍於  
歸宗遂領深旨有偈曰未到應須到了令人笑眉  
毛本無用無渠底波僧未幾龍引退芝陸沈千衆一  
日普請罷書曰茶芽蘆荻初離焙笋角痕忙又吐泥  
山舍一年春事辨得閑誰管板頭低由是衲子親之  
芝不憚結茅絕頂作偈曰千峰頂上一間屋老僧半  
間雲半間昨夜雲隨風雨去到頭不似老僧閑有本小異  
竟終于此山

楊岐方會禪師法嗣

舒州白雲守端禪師衡陽人族葛氏續燈云周氏非幼事翰  
墨惡俗務冠依茶陵郁禪師披削往參雲蓋顯禪師  
顯歿楊岐繼焉岐見之與語終夕一日忽問受業師  
爲誰云茶陵郁和尚曰吾聞伊過溪有省作偈甚奇  
能記否師誦云我有明珠一顆久被塵勞關鎖今朝  
塵盡光生照破山河萬朵岐笑而起師愕視不寐  
黎明咨詢之適巖暮岐曰汝見昨日打毆難者麼云  
見曰汝一籌不及渠師復駭云意旨如何曰渠愛人



笑汝怕人笑師大悟巾侍久之嘉祐四年辭游廬阜  
圓通訥禪師一見自謂不及舉住承天聲名籍甚又  
遜居圓通次徙法華龍門興化海會所至衆如雲集  
開堂日問答已乃曰昔日靈山會上世尊拈華迦葉  
微笑世尊道吾有正法眼藏分付摩訶大迦葉次第  
流傳無令斷絕至于今日大衆若是正法眼藏釋迦  
老子自無分將箇甚麼分付將箇甚麼流傳何謂如  
此況諸人分上各各自有正法眼藏每日起來是是  
非非分南北種種施爲盡是正法眼藏之光影此  
眼開時乾坤大地日月星辰森羅萬象只在面前不  
見有毫釐之相此眼未開時盡在諸人眼睛裏今日  
已開者不在此限有未開者山僧不惜手爲諸人開  
此法眼藏看舉手豎兩指曰看看若見得去事同一  
家若也未然山僧不免重說偈言諸人法眼藏千聖  
莫能當爲君通一線光輝滿大唐須彌走入海六月  
降嚴霜法華雖恁道無句得商量大衆既是滿口道  
了爲甚麼却無句得商量喝一喝曰分身兩處看  
上堂乾坤之內宇宙之間中有一寶秘在形山大衆

眼在鼻上脚在肚下且道寶在甚麼處遂曰人面不  
知何處去桃華依舊笑春風 上堂豎起拄杖曰鋒  
刃上踔跳橫按曰微塵裏走馬勞勞去復來箇是惺  
惺者擲拄杖下座 上堂不曾迷莫求悟爲甚麼從  
上來却有師承祖嗣若也會得入鄉隨俗若也不會  
餓死首陽山然雖如是入水見長人 上堂今日至  
節一陽生於此日拈起拄杖召大衆曰且道這箇作  
麼生若也見得且恁麼應時納祐若數至大年朝前  
頭大有雪在所以承天尋常十度發言九度休何謂  
如此當門不用栽荆棘後代兒孫惹著衣然雖如是  
三十年後太公釣魚參 上堂古者道將此深心奉  
塵刹是則名爲報佛恩圓通即不然時挑野菜和根  
煮旋斫生柴帶葉燒 上堂江月照松風吹到這裏  
還有漏網者麼良久曰皇天無親 上堂釋迦老子  
有四洪誓願云衆生無邊誓願度煩惱無盡誓願斷  
法門無量誓願學佛道無上誓願成法華亦有四洪  
誓願饑來要喫飯寒到即添衣困時伸脚睡熱處愛  
風吹 上堂日消萬兩黃金法華門下不著直饒不

直半分錢正入得法華門未陞得法華堂未入得法華室日道甚麼人陞得法華堂入得法華室乃曰眼有三角頭峭五嶽上堂今日也是這箇明日也是這箇作麼生是那箇漆桶參堂去淨空居士郭功甫訪師上堂夜來枕上作得箇山頌謝功甫大儒直要與天下有鼻孔衲僧脫却著肉汗衫莫言不道遂曰上大人丘乙巳化三千七十士爾小生八九子佳作仁可知禮也上堂古人留下一言半句未透時撞著鐵壁相似忽然一日覷得透後方知自己自是鐵壁如今作麼生透復曰鐵壁鐵壁僧問如何是佛曰鑊湯無冷處云如何是佛法大意曰水底按葫蘆云如何是祖師西來意曰鳥飛兔走問不求諸聖不重已靈未是衲僧分上事如何是衲僧分上事曰死水不藏龍云便怎麼去時如何曰賺殺你黑事五年遷化壽四十八

建康府保寧仁勇禪師明人族竺氏容止淵秀韶爲大僧通台教俄謦服依雪竇明覺顯禪師顯意其可任一日謂之師憤悱即往依泐潭踰紀疑情未泮聞楊岐移雲蓋能鈴鍵學者直造丈室一語未及頓明心印出住保寧餘二十年大揚祖道上堂曰塵塵剎剎爾山是山水是水彌勒不入樓閣善財不須彈指以手一畫曰微塵世界冰消瓦解且道彌勒善財在甚麼處若向這裏參徹去不妨在處稱尊若也不見客路如天遠侯門似海深上堂立春日打春牛一棒兩棒千頭萬頭雪華深處辨不得頂門有眼空悠悠拍手曰囉囉哩惱亂春風卒未休上堂秋風涼松韻長未歸客思故鄉且道誰是未歸客何處是故鄉良久曰長連床上有粥有飯上堂學三聖云我逢人即出出則不爲人興化道我逢人即不出出則便爲人師曰此二尊宿怎麼爲人猶在半途保寧今日路見不平拈拄杖下座大眾一時走散擲下歸方丈上堂天上無彌勒地下無彌勒打破太虛空如何尋不得垂下一足曰大眾向甚麼處去也上堂祖師門下絕人行深嶮過千萬仞坑垂手不能空費力任他堂上綠苔生上堂若說佛法供養大眾未免眉鬚墮落若說世法供養大眾入地獄如

箭射去此二途且道保寧今日異說甚麼三寸舌頭  
無用處一雙空手不成拳 上堂齧鐵之機猶是鈍  
當鋒點的未親那吒十面十眸動無相靈光翳日  
輪咄 上堂拈起拄杖曰宮商角徵羽金木水火土  
卓一下曰卦上吉凶分三日後看取 上堂看看山  
僧人拔舌地獄去也以手拽舌曰啊哪哪 上堂古  
人底今人用今人底古人爲古今無背面今古幾人  
知哪嗚咿一九與二九相逢不出手 上堂以兩手  
畫一圓相壁開捺膝曰渾崙壁不破三人共兩箇滋  
味信全無有誰吞得過吞得過且恁麼吞不過莫亂  
做 上堂有手脚無背面明眼人看不見天左旋地  
右轉拍膝曰西風一陣來落葉兩三片 上堂風鳴  
條雨破塊曉來枕上驚聲碎蝦蟆蚯蚓一時鳴妙德  
空生都不會都不會三箇成羣四箇作隊窈窕窈窕  
飄飄飄飄向南北東西折得梨華李華一佩兩佩  
再受保寧請上堂拍手三下指口搖手三下便下座  
上堂智不到處切忌道著道著則頭角生大衆頭  
角生了也是牛是馬 上堂無漏真淨云何是中更

容他物喝曰好人不肯做須要屎裏臥 上堂怎麼  
來傾湫倒獄恁麼去填溝塞壑總不恁麼錯錯 上  
堂吞却乾坤大地開口何處出氣永嘉一宿曹溪至  
今猶未瞥地 上堂十目視十手指一不成二不是  
會感寒鷹未舉首俊鷄已冲霄 僧問昔年雲外人  
皆委今日當場略借看曰山僧愛喫不愛喜云斬新  
日月特地乾坤曰恰似不相逢 問如何是佛曰近  
火先焦云如何是道曰溺泥有刺云如何是道中人  
曰切忌踏著 問靈山指月曹溪話月未委保寧門  
下如何曰噯 問先德道寒風凋敗葉猶喜故人歸  
未審誰是故人曰楊歧和尚遷化久矣云正當恁麼  
時更有甚麼人爲知音曰無眼村翁暗點頭 問如  
何是保寧境曰主山頭倒卓云如何是境中人曰鼻  
孔無半邊 問如何是佛曰自屎不覺臭 問蓮華  
未出水時如何曰半陰半陽云出水後如何曰七零  
八落

## 翠巖可真禪師法嗣

潭州大潯真如慕喆禪師臨川人族聞氏未總角禮

建昌永安圓覺律師試所習得度剛簡有識以荷法  
爲志翠巖處衆曰師得與從游幾二十載雖羣居常  
尊以師禮岩謂人曰三十年後詰子必大作佛事岩  
歿塔于西山師心喪三年去依黃檗游湘中時謝公  
師直守潭嘉其名以獻麓禮迎之累日方就遷慧光  
大渴紹聖改元奉驛召對 延和殿稱 肯錫紫  
服真如號尋補大相國寺 上堂曰古者道一釋迦  
二元和三佛陀自餘是甚麼碗脫丘慧光即不然一  
釋迦二元和三佛陀總是碗脫丘諸人還知慧光落  
處麼若也知去許你具鐵眼銅睛若也不知莫謂幾  
經風浪險扁舟曾向五湖游 上堂不用思而知不  
用慮而解廬陵米價高鎮州蘿蔔大 上堂阿喇喇  
是甚麼識思破竈墮杖子纔擊著方知辜負我以拄  
杖擊香卓一下曰墮墮 上堂十方同聚會箇箇學  
無爲此是選佛場心空及第歸慧光門下直拔超升  
不歷科目諸人既到這裏風雲布地牙爪已成但欠  
雷聲燒尾如今爲你諸人震忽雷去也以拄杖擊禪  
床下座 僧問大通智勝佛十切坐道場爲甚麼不

得成佛道曰苦殺人 問牛頭未見四祖時如何曰  
寒毛卓豎云見後如何曰額頭汗出 問如何是教  
外別傳一句曰翻譯不出師自分座至終室中唯問  
學者洗鉢孟話上人如何會僧擬對師即以手托曰  
歇去二年十月八日無疾說偈別衆良久示寂偈曰  
昨夜三更風雷忽作雲散長空前溪月落闌維設利  
大如豆對許目睛齒爪不壞門弟子分塔于京潭

蔣山覺海贊元禪師法嗣

邵州丞熙熙悅禪師撫之宜黃戴氏子 上堂曰我  
宗無語句徒勞尋路布現成公案已多端那堪更涉  
他門戶觀面當機直下提何用波吒受辛若咄  
明州雪竇法雅禪師 僧問舉人不問西來意乞師  
方便指迷情曰霹靂過頭猶瞌睡云謝師答話云再  
三啓口問何人云爭奈學人未禮拜何曰休鈍置  
定慧海印超信禪師法嗣

平江府穹隆智圓禪師本郡人族沈氏未冠依能仁  
曇卿下髮習台教授譯梵棄謁甘露夫禪師及保寧  
眞淨之室始發明後依海印一日汲水澣衣忽大悟

與印咨答若符契留侍再聞遂首衆於和之開聖出  
 住慶善移穹隆 上堂曰三月晚春華正紅馨香惹  
 得亂羣蜂只知妄計競頭採不覺從前造化空 上  
 堂福臻不說禪無事日高眠有問祖師意連擲兩三  
 拳大衆且道爲甚麼如此不合惱亂山僧睡師性眞  
 率雖僕夫亦與偶坐室中唯蒲團紙帳而已有求示  
 衆語者師答曰汝覓上堂語我今重爲舉莫向句中  
 求箇裏全不許圓悟禪師行化至蘇城詣山炷香拜  
 之宣和甲辰五月中漸語門人曰吾翊且行矣漏盡  
 沐浴端坐而終茶毗設利五色無數合遺骨建窆塔  
 波於西北隅壽六十九臘五十二

嘉泰普燈錄卷第四

音釋

窟音居	鄔音塢	育音荒	參音森
咒徐姉切	窆保驗切	褻音耻	駁布角切
舍與捨同		種音同	陟音閃

閱音文本作閱	廖音抽	廖音溜
徇辭閏切	俏音峭	鹿音鹿
歐音區	難音那	諄才笑切
窳音掉	擲初朗切	窳音杳

嘉泰普燈錄卷第五

平江府報恩光孝禪寺臣僧 正受 編

青原第十二世雲門六世

慧林圓照宗本禪師法嗣

東京法雲大通善本禪師族董氏漢仲舒之裔也大  
 父琪父溫皆官于顯遂爲顯人母無子禱白衣大士  
 乃得師及長博極羣書然清修無仕官意嘉祐八年  
 與弟善思往京師地藏院選經得度習毗尼東游至  
 姑蘇禮圓照於瑞光照特顧之於是契旨經五稔益  
 躋微奧照令依圓通秀禪師秀時住棲賢師至又盡其要  
 元豐七年渡淮留太守嚴久之出住雙林遷淨慈尋  
 被旨徙居法雲 上堂良久曰只恁麼休去累他  
 毗耶老人棒喝交馳鈍置德山臨濟紐半破三郎不



要你話會不觸平常一句作麼生道未能分毫白且莫亂針錐。下堂上不見天下不見地逼塞虛空無處回還。若明破即不中且向南山看龍鼻擲拄杖下座。上堂三界有無一切法不能與佛爲譬喻。老胡從來名邈不得處今日不惜眉毛試爲諸人學看良久拈拄杖卓一下曰數尺冰豎纔卓地一條虬勢欲騰空。上空僧家無事實謂高閑困即烹茶寒來向火林間笑傲物外忘懷揮松柄以清談伴煙霞而遣日幕天席地誰是誰非三十年後有人問極則事但向伊道賊過後張弓。上堂言無展事語不投機踏翻大海趨倒須彌直得洞山老無隱身之處你等諸人何不救取若救不得雙林爲你救看遂喝一喝下座。僧問九夏賞勞卽不問從今向去事如何曰光剃頭淨洗鉢云謝師指示曰滴水難消。問如何是祖師西來意曰你行脚來圖箇甚麼云學人不曾曰且待驢年。問春山疊亂青春水漾虛碧未審是何境界曰要道有甚麼難云便請日月似彎弓少雨多風。問涅槃心易曉差別智難分如何是差別智

曰燈籠吞露柱云學人未委曰佛殿出三門。開堂曰僧問寶塔元無縫如何指示人曰煙霞生背面星月繞簷楹云如何是塔中人曰竟日無干清世事長年占斷白雲鄉後得旨還乃庵於西湖龍山今雙崇德大觀三年十二月甲子屈三指謂左右曰有三日耳至期果加趺而化異禽翔鳴于庭。勅塔全身於芳方。謚曰圓定塔名定光壽七十五臘四十七嘉興府本覺法眞守一禪師。上堂舉拂子曰三世諸佛六代祖師總在這裏還見麼兒汝不相當又爲說法云無二無二分無別無斷故還聞麼汝又不惺惺一時却往上方香積世界去也。撼拂子曰退後退後突著你眼睛。上堂古者道佛似握拳道如展手乃合掌曰這箇似甚麼若道得許你是箇了事人若道不得莫道不疑好。上堂觸目不會道運足焉知路三家村裏築著碓著磨較些子若是佛法禪道拈放一邊去伊分上總使不著爲甚麼如此眞人面前不得說假。上堂拈拄杖曰平戎破虜蓋代功勳只如四海晏清還用得這箇麼良久曰李將軍有嘉聲

在不得封侯也是閑 僧問如何是祖師西來意曰  
擔水河頭賣云意旨如何曰欺胡謾漢云勞而無功  
也曰九年人不識隻履自空回 問如何是句中玄  
曰崑崙騎象藕絲牽云如何是體中玄曰影浸寒潭  
月在天云如何是玄中玄曰長連床上帶刀眠云向  
上還有事也無曰放下著

常州無錫南禪寧禪師 僧問初生孩兒還具六識  
也無曰水長船高云廬陵米價作麼生酬曰款出因  
口

紹興府石佛密印曉通禪師 上堂曰冷似秋潭月  
無心合太虎山高流水急何處駐游魚 僧問如何  
是頓教日月落寒潭云如何是漸教曰雲生碧漢云  
不漸不頓時如何曰八十老婆不言嫁

福州地藏守恩禪師 上堂曰古聖道夫說法者當  
如法說山僧今日如法說似大眾乃垂下一足曰一  
任諸方貶剝 上堂良久曰一境誰相到翛然絕點  
塵天花莫狼藉吾匪解空人又曰樵夫跳足下層巒  
大笑漁翁溪上寒山色橫擔鄽市去家家門底透長

安 僧問如何是佛曰晝眠無益云意旨如何曰早  
起甚長 問惡不修底人落在甚麼處曰一步一  
彈指云謝師指示曰回首念觀音 問如何是西來  
祖意曰風吹滿面塵

鎮江府金山智覺法慧禪師 僧問大修行人還落  
因果也無曰鵝鳥入水魚皆死毒龍行處草不生

法雲圓通法秀禪師 詞

東京法雲禪國惟白禪師初住泗之龜山次遷湯泉  
法雲建中靖國一年以所集宗門續燈錄三十卷上  
進稱 旨恭承 御製序文仍 勅其錄入藏頒行  
天下 上堂曰离婁有意白浪徒以滔天罔象無心  
明珠忽然在掌以手打一圓相召大眾曰還見麼長  
久曰看即有分 上堂拈拄杖示衆曰山僧住持七  
十餘日未曾拈動這箇而今不免現些小神通供養  
諸人遂卓拄杖下座 上堂過去已過去未來且與  
筭正當現在事今朝正月半明月正團圓打鼓普請  
看大眾看即不無畢竟喚甚麼作月休於天上覓莫  
向水中尋 僧問以心中眼觀身外相如何是心中

眼曰紅日照扶桑云如何心外相曰白雲封華嶽  
溫州僊岩景純禪師初住智廣次擢護國江心僧  
問不作佛法相見世諦相酬請師速道曰遇唐虞卽  
禮樂逢桀紂卽干戈云不是學人問處曰生擒虎兇  
死怕盲龜問德山棒臨濟喝和尚如何作用曰老  
僧今日困僧便喝師曰却是你惶惶  
寧國府廣教守訥禪師圓照上足也世稱訥叔僧  
問如何是古今常存底句曰鐵牛橫海岸云如何是  
衲僧正眼曰針劑不入

天鉢文慧重元禪師法嗣

衛州元豐慧圓清滿禪師上堂曰老胡生下行七  
步明星現時又說悟并賊捉獲這無端鐵棒三十略  
輕恕驚拈拄杖曰祖師合喫多少要知麼古今罪犯  
彌天盡是諸人致得歲旦上堂憶昔山居絕糧有  
頌舉似大眾饑飢松栢煮渴飲澗中泉看罷青青竹  
和衣自在眠大眾更有山懷爲君說今年年是去年  
年上堂喝一喝曰不是道不是禪每逢三五夜皓  
月十分圓參上堂此劒刃上事須是劒刃上漢始

得有般名利之徒爲人天師懸羊頭賣狗肉壞後進  
初機滅先聖洪範你等諸人問恁麼事豈不寒心由  
是疑誤衆生墮無間獄苦哉苦哉取一期快意受萬  
劫餘殃有甚麼死急來爲釋子喝曰瞋人徒側耳便  
下座僧問如何是佛曰天寒地冷云如何是道曰  
不道云爲甚麼不道曰道是閑名字問如何是全  
彰底事曰秋日春風動有座主問維摩默然意旨  
如何師展手曰會麼云不會師曰也是難師凡見  
僧乃曰佛法世法眼病空華有僧云翳消華滅時如  
何曰將謂汝靈利

青州定慧法本禪師僧問古人到這裏爲甚麼拱  
手歸降曰理合如是云畢竟如何曰夜眠日走

長蘆廣照應夫禪師法嗣

眞定府洪濟慈覺宗蹟禪師上堂曰近日身心頑  
鈍恰似一片鐵板內無玲瓏機智外無華藻文章誰  
能打作鄆州針笑殺秦時轆轤鑽四楞著地萬事無  
心雖然看不入畢竟撲不破何也不見道大都好物  
不堅牢彩雲易散琉璃脆上堂金屑雖貴落眼成

翳金屑既除眼在甚麼處若如是者未出荊棘林中  
棒頭取證喝下承當正在金峰窠裏上堂樓外紫  
金山色秀門前甘露水聲寒古槐陰下清風裏試爲  
諸人再指看拈拄杖曰還見麼擊香卓曰還聞麼靠  
却拄杖曰眼耳若通隨處是水聲山色自悠悠僧  
問如何是上元境曰燈毬大底大小底小云只如車  
馬往來成得箇甚麼邊事曰爭似山僧到曉眠問  
六門未息時如何曰鼻孔裏燒香云學人不曾曰耳  
朵裏打鼓問如何是無功之功曰泥牛不運步天  
下沒荒田云恁麼則功不浪施也曰雖然廣大神通  
未免遺他痛棒

慶元府雪竇覺印道榮禪師郡之陳氏子也僧問  
寒山逢拾得時如何曰揚眉飛閃電云更有何事曰  
開口放毫光云如何是向上一路曰七六八  
平江府慧日廣燈智覺禪師本郡人族梅氏久游師  
席未有省晚契機於廣照未幾歸里開法慧日遷城  
南高峰上堂良久曰休休休徒悠悠釣竿長在手  
魚冷不吞釣喝一喝下座紹興丁巳秋日將跌呼侍

僧令集衆叙平昔參問勉衆辨已躬事引筆書曰南  
北無寸影東西絕四隣一息故鄉信曉風吹宿雲置  
筆而逝

資聖捷禪師法嗣

泉州慧空圓覺大智文宥禪師郡之晉江人族陳氏  
數歲日記千言熙寧中兄皓上書語犯朝政捕甚急  
從兄遁羅浮後依資壽思永禪師披削提乃永之得法師也  
就參之室中垂示漫不省一日問捷古人向開合眼  
處示密作用有是哉捷叱曰驢前馬後漢有甚用處  
拈拄杖逐之師大悟捷笑曰這鈍漢餘語未見

淨衆梵言首座法嗣

西京招提廣燈惟湛禪師出嘉禾倡室王氏七歲依  
淨嚴院出家有逸才一覽不再目十四得度徧扣禪  
病機契淨衆去游京師侍佛國白禪師入對賜號  
廣燈與堪服自出世招提屢遷巨剎開堂日拈香祝  
聖罷復拈香曰此一瓣香二十年前雲門山畔若耶  
淨邊得處有根不同栽接今日薰向爐中供養我越  
州淨衆院言首座和尚令鐵樹抽枝芬芳無盡遂就

座上首白椎曰法筵龍象衆當觀第一義師拍禪床  
呵呵大笑曰好箇第一義剛被少林禪師一椎打作  
兩橛即今莫有接得者麼問答復曰拈華已錯微笑  
乖差四七傳聲流谷響二三妄指月散溪光五派  
狂分千枝橫出指鹿爲馬認弓作蛇首惑安心次迷  
得髓黃梅席上南北宗開曹溪岸頭東西浪起自爾  
波瀾競發阡陌支離標路空多無人截斷隨流愈遠  
誰解歸源棒喝臨機白雲萬里直得黃頭結舌碧眼  
吞聲如斯話會猶是道途之說被明眼人傍觀一場  
笑具雖然如是今日爲國開堂於第二義門爲諸人  
試通一線豎起拂子曰還委悉麼石女舞成長壽曲  
木人唱起太平歌上堂忍對春風百鳥啼桃華落  
入武陵溪謝郎回棹歸來晚不似秦人一向迷上  
堂偏不偏正不正那事從來難比並滿天風雨骨毛  
寒何須更入那伽定卓拄杖下座上堂六塵不惡  
還同正覺馬上誰家白面郎穿華折柳垂巾角夜來  
一醉明月樓呼盧輸却黃金宅臂鷹走狗歸不歸娥  
眉皓齒嗔無力此心能有幾人知黃頭碧眼非相識

囉囉哩拍手一下下座上堂直鉤釣鯢鯨曲鉤釣  
魚鼈古人用力太多所得甚少承天今日沈巨網於  
滄溟魚龍不選舉長網於大野頭角奚分且道其中  
還有透網羅底麼良久曰等閑不用擡頭角他日風  
雲會有時僧問祖祖相傳無間斷師今端的嗣何  
人曰若耶水急秦望峰高云當年得底分明句今日  
無私願舉揚曰霜高鷹隼疾舉翼過新羅問如何  
是和尙家風曰秋風黃葉亂遠岫白雲歸云專爲流  
通也曰卽今且作麼生舉僧便喝師便打問如何  
是招提境曰砌華金布地庭樹碧參空云如何是境  
中人曰有時開碧眼無處覓黃頭問引退荊州之  
祖席復登丹嶠之道場如何是不動尊曰浮杯來楚  
澤飛錫過錢塘云莫便是不動尊麼曰却須緊峭草  
鞋建炎初終於當湖之南庵今號南塔

九峰鑒韶禪師法嗣

慶元府大梅祖鏡法英禪師郡之鄞縣人族張氏棄  
儒試經爲大僧肆講延慶凡義學有困於宿德輒以  
詰師師縱辭辯之爲衆所敬忽曰名相迂曲豈吾所



宗哉乃更服之九峰峰見器之與語若久在業席因痛割之師領旨自爾得譽出游京維所至道俗爭迎判宗留後仲爰以道見交久而益敬奏賜紫衣師名命居襄陽白馬逾二年退休東歸太守迎補大梅法席盛於歐粵宣和改元勅天下僧尼爲德士雖主法者聚議無一言以回上心師肆筆解老子詣進上覽謂近臣曰法英所進道德經解言簡理詣於古未有宜賜入道藏流行仍就賜冠珎壇諸世不知師意者往往以其爲佞諛明年秋詔復天下僧尼師獨無改志至紹興初晨起戴樺皮冠披鶴氅執象簡穿朱履使擊鼓集衆陞座召大衆曰蘭芬香谷菊秋籬物必榮枯各有時昔毀僧尼專奉道後平道佞復僧尼大衆且道僧尼形相作麼生復取冠示衆曰吾頂從來似月圓雖冠其髮不成仙今朝拋下無遮障放出神光透碧天擲之隨易僧服提鶴氅曰如來昔日貿皮衣數載慚將鶴氅披還我丈夫調御服須知此物不相宜擲之舉象簡曰爲嫌禪板大無端豈料遭他象簡瞞今日因何忽放下普天致仕老

仙官擲之提朱履曰達磨携將一隻歸兒孫從此赤脚走借他朱履代麻鞋休道時難事掣肘化鵬未遇不如鯢畫虎不成反類狗擲之橫拄杖曰今朝拄杖化爲龍分破華山千萬重復倚肩曰珍重佛心眞聖主好將堯德振吾宗端然歛目而逝壽八十餘有刊正錄并易註行于世

青原第十二世 洞山八世

天寧芙蓉道楷禪師法嗣

鄧州丹霞子淳禪師劍門人族賈氏幼出家大安寺弱冠爲僧初參玉泉芳禪師次扣大鴻眞如之室後徹證於芙蓉上堂曰乾坤之內宇宙之間中有一寶秘在形山壁法師恁麼道只解指蹤話迹且不能拈示於人丹霞今日壁開宇宙打破形山爲諸人拈出具眼者辨取以拄杖卓一下曰還見麼驚鷺立雪非同色明月蘆花不似他上堂寶月流輝澄潭布影水無蘆月之象月無分照之心水月兩忘方可稱斷所以道昇天底事直須颺却十成底事直須去却擲地金聲不須回顧若能如是始解向異類中行諸

人到這裏還相委麼良久曰常行不舉人間步披  
毛帶角混塵泥 上堂舉德山示衆曰我宗無語句  
實無一法爲人德山怎麼說話可謂是只知入草求  
人不覺通身泥水子細觀來只具一隻眼若是丹霞  
即不然我宗有語句金刀剪不開深深玄妙旨玉女  
夜懷胎 上堂亭亭日午猶虧半寂寂三更尙未圓  
六戶不曾知暖意往來常在月明前 上堂舉北院  
問青峰洛浦道入荒田不揀信手拈來草何不道作  
麼生是信手拈來草峰作拈勢師別曰是則是只是  
未能喫草又甘贅行者接待有僧曰行者接待不易  
贅云譬如餵驢餵馬明安曰也知行者常行此路師  
別曰來年與行者買一領直裰 僧問牛頭未見四  
祖時如何曰金菊乍開蜂競採云見後如何曰苗枯  
華謝了無依宣和己亥春示寂塔全身於洪山之南  
東京淨因枯木法成禪師嘉興崇德人 事詰未詳 上堂  
曰燈籠忽爾笑哈哈如何露柱亦懷胎天明生得白  
頭女至今游蕩不歸來這冤家好歸來黃花與翠竹  
早晚爲誰栽 上堂達磨九年垂一則語直至如今

諸方賺舉欲得不賺舉麼香山爲汝諸人再舉大龍  
山高小龍山低香山處中恰好相宜怎麼舉了還得  
不賺麼良久曰葱嶺罷詢熊耳夢雪庭休話少林春  
上堂孤峰絕頂靈松上聳於千尋萬里江湖皓月光  
輝於碧落正當怎麼時野鷗無因措足游魚何處藏  
形眼睛定動十萬八千擬議之間鄉關阻隔香山今  
日已是開眼溺床汝等諸人切莫夢中說夢 上堂  
歸源性無二方便有多門但了歸源性何愁方便門  
諸人要會歸源性麼露柱將來作木杓旁人不肯任  
從伊要會方便門麼木杓將來作露柱撐天拄地也  
相宜且道不落方便門一句作麼生道三十年後莫  
教錯舉 上堂知有佛祖向上事方有說話分諸禪  
德且道那箇是佛祖向上事有箇人家兒子六根不  
具七識不全是不能提無佛種性逢佛殺佛逢祖殺  
祖天堂收不得地獄攝無門大衆還識此人麼良久  
曰對面不仙陀睡多饒寐話  
鄧州招提元易禪師潼川銅山祝氏子大觀四年出  
住招提凡十更名利 上堂曰十方同聚會箇箇學

無爲此是選佛場。心空及第歸大衆。只如聞見覺知。未嘗有間作麼生說箇心空底道理。莫是見而不見。聞而不聞爲之心空耶。錯莫是忘機息慮。萬法俱捐。銷能所以入玄宗。泯性相而歸法界爲之心空耶。錯。恁麼也不得不恁麼。也不得恁麼。不恁麼總不得未審。畢竟作麼生還會麼。良久曰。若寔無爲。無不爲。天堂地獄常相隨。三尺杖子攪黃河。八臂那吒冷眼窺。無限魚龍盡奔走。捉得循河三脚龜。脫取殼鐵錐。雖吉凶之兆。便分輝。借問東村白頭老。吉凶未兆若何爲。休休休。古往今來春復秋。白日騰騰隨分過。更嫌何處不風流。咄。上堂。今朝四月初一。衲僧雙眼如漆。顧著露柱燈籠。平地一聲霹靂。驚起金剛。出戶半夜荒村失路。天明却到門前。眼耳鼻中塵土。大衆只如金剛眼。睛爛破四天下爲甚。迷却路頭。還會麼。爲憐風月好。忘却故園春。上堂。皓月當空。澄潭無影。紫微轉處。夕陽輝彩。鳳歸時。天欲曉。碧霄雲外石笋橫。空添水波中。泥牛駕浪。懷胎玉兔。曉過西岑。抱子金雞。夜棲東嶺。於斯明得始知。夜明簾外別是家風。

空王殿中聖凡絕跡。且道作麼生。是夜明簾外事。還委悉麼。正值秋風來入戶。一聲礮杆落誰家。上堂。舉雪峰示衆云。盡大地撮來。如粟米粒大。拋向面前。漆桶不會打鼓。普請看大衆。雪峰恁麼說話。還有出身處也無。若道有爲甚麼。大千法界在一粒之中。若道無是甚麼。人打鼓。普請看若也會得不用周遮。其或未然。聽取一頌。撥動乾坤步。轉移南觀北斗。有誰知金烏暮向西山急。曉逐扶桑半夜飛。僧問古者道。迥絕無人處。聚頭相共舉。既是迥絕無人處。是誰相共舉。曰。青山與白雲云。只如青山白雲。還知有也無。曰。若知有。即有人也。云。未審是甚麼人。證明曰。白雲與青山云。莫便是和尚爲人處麼。曰。莫錯認。問古鏡未磨時如何。曰。精靈皺眉云。磨後如何。曰。波斯彈指云。爲甚麼如此。曰。好事不出門。紹興丁巳七月二十五日。索筆書偈。安然坐寂。火後收設。利搭于學射山。壽山壽八十五。長安天寧大用齊璉禪師。上堂曰。清虛之理。佛祖同歸。畢竟無身聖凡一體。理則如是。滿目森羅。事作

麼生纖塵絕際渠儂有眼豈在旁窺官不容針私通車馬若到恁麼田地始可隨機受用信手拈來妙應無妨當風立路直得金針錦縫線脚不彰玉殿寶階珠簾未卷正當此時且道是甚麼人境界古渡秋風寒颯颯蘆華紅蓼滿江灣

潼川府梅山已禪師 僧問如何是法身邊事曰枯木樛華不犯春云如何是法身上事曰石女不粧眉

東京淨因自覺禪師青州人族王氏幼以儒業見知於司馬溫公留門下十餘年事高尚而無意功名一旦落髮從芙蓉游履踐精密契悟超絕崇寧四年出住大乘

徽宗皇帝聞其名 詔居淨因 上堂曰祖師西來特唱此事自是諸人不肯委悉向外馳求投赤水以尋珠詣荆山而覓玉殊不知從門入者不見家珍認影迷頭豈非大錯直得宗門提唱體寂無依念異不生古今無間森羅萬象觸目家風鳥道遼空不妨舉步金雞曉丹鳳翱翔玉樹華開枯枝結子只有太

陽門下日日三秋明月堂前時時九夏要會麼無影樹垂寒澗月海潮東注斗移西 上堂召大眾曰還會麼佛也不信祖也不信只箇自己猶是冤家豈況自餘有甚麼信處大眾且道爲甚麼不信不信不見道事莫等閑信人須悠久看 僧問倪座既登於此日請師一句定乾坤曰大旱連天三尺雨驚人平地一聲雷云知師久韞囊中寶今日當場略借看曰木馬踏開雲外路泥牛耕盡海中田云只這消息今知已何須更問洞中天曰未到潼關即便休 問如何是佛法大意曰有問不當頭箇中無說路云學人不曾乞師再指曰空劫那邊開得口石人也解皺雙眉

福州普賢善秀禪師 僧問如何是正中偏曰龍鳴初夜後虎嘯五更前云如何是偏中正曰輕煙籠皓月薄霧鎖寒巖云如何是正中來曰松瘞何曾老華開滿未萌云如何是兼中至曰猿啼音莫辨鶴唳響難明云如何是兼中到曰撥開雲外路脫去月明前襄陽府鹿門法燈禪師成都華陽人族劉氏少依大

慈寶範爲僧卑聽華嚴得其要棄謁芙蓉容見乃問  
如何是空劫已前自己師於言下心跡泯然從容進  
曰靈然一句超群象迥出三乘不假修容拈而印之  
後開法鹿門上堂召大衆曰耳底泉聲眼前山色  
簷頭雨滴籬畔黃華噫噫新鴈唳南雲片片亭梧紅  
滿地恁麼指示大小分明本色底人便須薦取雖然  
如是猶落聲色邊事只如不落聲色一句作麼生道  
還會麼露柱燈籠常對語夜深拈轉太虛空僧問  
西天解夏以蠟人爲驗未審鹿門以何爲驗曰雨來  
山色暗雲出洞中明則虛立不犯寶鑑光寒時如  
何曰掘地深埋問如何是逍遙物外底人曰偏身  
紅爛不可扶持

西京天寧禧請禪師蔡之西平人族宋氏韶訖辭親  
師開元繼平熙寧六年中經選下髮受具初游講聚  
洞究入微學徒宗之一日罷講浮食方外僅二十年  
始蒙詔於芙蓉自振法天寧繼徙韶山觀音丹霞  
上堂曰韶山近日沒巴鼻眼裏聞聲鼻管味有時一  
覺到天明不在床上不落地大衆且道在甚麼處諸

人於斯下得一轉語非唯救得韶山亦乃不辜行脚  
其或未然三級浪高魚化龍癡人習耳夜塘水上  
堂拈起拄杖曰泯然無內外和融上下平喚作清淨  
法身以拄杖橫按曰天台柳栗木南岳萬年藤喚作  
圓滿報身卓拄杖一下曰敲空作響擊木無聲喚作  
千百億化身遂倚拄杖曰三名一體座主家風靠在  
虛堂俗流見解總不恁麼如何商量擲下拄杖曰驚  
起木雞啼子夜能教鷄狗吠天明僧問如何是君  
曰宇宙無雙日乾坤只一人云如何是臣曰德分明  
主化道契物情機云如何是臣向君曰赤心歸舜日  
盡節報堯天云如何是君視臣曰玄眸凝不瞬妙體  
鑒旁來云如何是君臣合曰帳符尊賤隔潛信往來  
通政和五年九月四日忽召主事令以楮囊分而爲  
四衆僧童行常住津送各一旣而復曰丹霞有箇公  
案從來推倒扶起今朝普示諸人且道是箇甚底顧  
眎左右曰會麼云不會師曰偉哉大丈夫不會末後  
句遂就寢右脇而化壽五十九夏三十九  
隆興府勸潭闡提惟昭禪師簡之陽安人族李氏幼



超邁而惡俗一日授書至性相近也習相遠也遽曰凡聖本一體以習故差別我知之矣即去家趨成都師鹿苑清泰年十九剃染登具泰嘗令聽起信於大慈師輒歸臥泰詰之師曰既稱正信大乘豈言說所能了乃虛心游方謁芙蓉於大洪嘗夜坐閣道適風雪震薄聞警盜者傳呼過之隨有所得辭去大觀中芙蓉嬰難師自三吳欲趨沂水僕夫迷道師舉杖擊之忽大悟歎曰是地非鼇山也耶比至沂芙蓉望而喜曰紹隆吾宗必子數輩矣因留躬耕湖上累年智證成就出領招提遷甘露三祖宣和壬寅詔補圓通棄去復居泐潭上堂曰古佛道我初成正覺親見大地衆生悉皆成正覺後來又道深固幽遠無人能到因沒見識漢好龍頭蛇尾便下座上堂過去諸佛已入涅槃了也汝等諸人不應追念未來諸佛未出於世汝等諸人不要妄想正當今日你是何人參上堂伯夷隘柳下惠不恭君子不由也二邊不立中道不安時作麼生拈拄杖曰鴛鴦繡出從君看不把金針度與人上堂太陽門下妙唱彌高明月

○ 附錄

堂前知音蓋寡不免舟橫江渚棹舉清波唱慶堯年  
和清平樂如斯告報普請承當擬議之間白雲萬里  
上堂本自不生今亦無滅是死不得底樣子當處  
出生隨處滅盡是活生受底規模大丈夫漢直須處  
生死流臥荆棘林俯仰屈伸隨機施設能如是也無  
量方便莊嚴三昧大解脫門湯然頓開其或未然無  
量煩惱一切塵勞獄立面前寒却古路上堂玄道  
不可以強爲得妙智不可以有心知真諦不可以存  
我解至理不可以營事爲若薦得去迦葉糞場衣價  
直百千萬若薦不得輪王髻中寶不直半分錢參  
上堂古人道隨肢體黜聰明離形去智同於大道正  
當恁麼時且道是甚麼人刪詩書定禮樂還委悉麼  
禮云禮云玉帛云乎哉樂云樂云鐘鼓云乎哉僧  
問真如界內本無迷悟之因方便門中顯示無生之  
幽曰六六三十六清風動脩竹云洪音一割驚天地  
有無情類盡悟恩曰一曲兩曲無人會兩過夜塘秋  
水深問承師有言雲黯黯處獨秀峰挺出月朦朦  
裏泐潭水光生豈不是寶峰境曰若是寶峰境憑君

子細看云如何是境中人曰看取令行時云只如承

言須會宗勿自立規矩如何是和尙宗曰須知雲外

千峰上別有靈松帶露寒雪下僧問祖意西來即

不問時節因緣事若何曰一片兩片三四片落在眼

中猶不薦建炎二年正月辛丑晚參舉論曹洞宗旨

不絕如線復歎息今之世續慧命者詰朝閉門稱疾

安居如常俄書別著宿中夜戒執事者毋以俗禮治

喪侍者請遺偈師笑以褒語答之而逝七日闔維得

設利如珠排舌齒不變提舉馮公溫舒深異其事以

二月庚申塔于寺之西峰壽四十五臘二十五

建昌軍資聖南禪師聖節上堂顧眎左右曰諸人

還知麼夜明簾外之主萬化不渝瑠璃殿上之尊四

臣不昧端拱而治不令而行壽逾百億須臾化治大

千沙界且道正恁麼時如何行履野老不知黃屋貴

六街備聽靜鞭聲

筠州洞山微禪師上堂曰日暖風和柳眼青冰消

魚躍浪花生當鋒妙得空王印半夜崑崙戴雪行

僧問如何是默默相應底事曰癡子喫苦瓜

### 大洪恩禪師法嗣

隨州大洪淨嚴守遂禪師遂寧蓬溪人族章氏未冠

禮南殿自慶爲師年二十七落髮進具遠扣師門後

密證於洪山出住水南遷大洪上堂召大眾曰一

拳拳倒黃鶴樓一踏踏翻鸚鵡洲慣向高樓驛王馬

曾於急水打金毬然雖恁麼爭奈有五山絲條繫手

脚三鑄金鑊鑊咽喉直饒鎚碎金鑊割斷絲條須知

更有一重礙汝在且道如何是那重還會麼善吉

維摩談不到目連驚子看如盲上堂舉昔曰有官

人問藥山和尙何姓藥山云正是時官人罔措下至

知事處問云適來問長老何姓答道正是時的當是

姓箇甚麼知事云只是姓韓藥山聞云若六月道正

是時不可道我姓熱也又岩頭問講僧見說大德會

教是否云不敢岩頭舉拳云是甚麼教僧云是權教

岩頭云苦哉我若展脚問你不可道是脚教也師曰

奇怪二老宿有殺人刀有活人劍一轉語似石上栽

華一轉語似空中挂劍當時若無後語達磨一宗掃

土而盡諸人要見二老宿麼寧可截舌不犯國諱

嘉泰普燈錄卷第六

平江府報恩光孝禪寺臣僧 正受 編

南嶽第十五世臨濟九世  
黃龍二世

黃龍寶覺晦堂祖心禪師法嗣

隆興府黃龍死心悟新禪師韶之曲江人以慶曆三年二月二十九日生於黃氏有紫肉羣左肩右袒如僧伽梨狀白光照室襴襦而未嘗號啼稍長顯脫壯依佛陀院德修祝髮進具已謂朋舊曰爲僧當慕世出世法安可汨汨於鄉井中遂杖笠游方熙寧八年至黃龍謁晦堂堂豎拳問曰喚作拳頭則觸不喚作拳頭則背汝喚作甚麼師罔措經二年方領解然尙談辯無所抵牾堂患之偶與語至其銳堂遽曰住住說食豈能飽人師窘乃云某到此弓折箭盡望和尚慈悲指箇安樂處堂曰一塵飛而翳天一芥墮而翳地安樂處政忌上座許多骨董直須死却無量劫來全心乃可耳師趨出一日默坐下板間知事撫行者而迅雷忽震即大悟趨見晦堂忘納其屨即自譽曰天下人總是多得底禪某是悟得底堂笑曰選佛得

甲科何可當也因號死心叟執侍扶翊凡一十八秋不自疲厭始命分座後徧登諸老之門機語超絕元祐七年出住雲岩紹聖四年徙翠岩政和初居黃龍上堂曰深固幽遠無人能到釋迦老子到不到若到因甚麼無人若不到誰道幽遠上堂祖師心印狀似鐵牛之機去即印住住即印破只如不去不住印即是不印即是金果早朝猿摘去玉華晚後鳳啼歸上堂德山入門便棒臨濟入門便喝也是作賊人心虛雲岩入門亦不棒亦不喝且道用箇甚麼幾度敲門招不出翻身直入裏頭看上堂行脚高人解開布袋放下鉢盂去却藥忌一人所在須到半人所在須到無人所在也須親到上堂拗折拄杖將甚麼登山渡水拈却鉢盂匙筯將甚麼喫粥喫飯不如向十字街頭東卜西卜忽然卜著是你諸人有彩若卜不著也怪雲岩不得上堂文殊騎獅子普賢騎象王釋迦老子足躡紅蓮且道黃龍騎箇甚麼良久曰近來年老一步是一步上堂有時破二作三有時會三歸一有時三一混同有時不落數量且道

甚麼處是黃龍爲人處良久曰珍重 上堂囑言及細語皆歸第一義你這一隊溺床鬼子三生六十劫也未夢見第一義在 上堂古人道藏人不藏照藏照不藏人人照俱藏人照俱不藏後來舉者甚多明者極少黃龍今日不惜眉毛與你諸人說破藏人不藏照驚鷺立雪非同色藏照不藏人明月蘆華不似他人照俱藏了了時無可了人照俱不藏立立玄處亦須呵復曰會麼殷勤爲唱玄中曲空裏蟾光撮得麼 上堂清珠下於濁水濁水不得不清念佛投於亂心亂心不得不佛佛既不亂濁水自清濁水既清功歸何所良久曰幾度黑風翻大海未曾聞道釣舟傾 僧問如何是四大毒蛇曰地水火風云如何是地水火風曰四大毒蛇云學人未曉乞師方便曰一大既爾四大同 問弓箭在手智刃當鋒龍虎陣圓請師相見曰敗將不斬云怎麼則銅柱近標脩水側鐵關高鎖鳳凰峰曰不到烏江未肯休云若然者七擒七縱正令全提曰棺木裏瞠眼僧禮拜師曰苦苦 問承師有言老僧今夏向黃龍潭內下三百六

十箇釣筒未曾遇著箇錦鱗紅尾爲復是鉤頭不妙爲復是香餌難尋曰雨過竹風清雲開山岳露云怎麼則已得真人好消息人間天上更無疑曰是鉤頭不妙是香餌難尋云出身猶可易脫體道應難曰亂統禪和如麻似粟 問如何是黃龍接人句曰開口要罵人云罵底是接人句驗人一句又作麼生曰但義取罵人 問如何是先照後用曰清風拂明月云如何是先照後用曰明月拂清風云如何是照用同時曰清風明月云如何是照用不同時曰非清風而無明月云若然者龍岫清風藏不得西安明月却相容曰貧無達士將金濟病有閑人說藥方 室中問僧月晦之陰以五色彩著於眼中令百千萬人夜視其色寧有辨其青黃赤白者麼僧無語師代曰箇箇是盲人又問僧大乘宗旨如何領會僧無對師曰譬如死人手執利刃截死人頭來呈似吾吾卽許汝其爲人若此至於去廣化神祠犧牲之祀碎雲岩輪藏碑碣之陰擲陳公妻孥記寂音留難皆師無作之功而致然也故道場嚴淨魔外草心不敢窺其藩籬政



和五年春偶謂侍者曰今年有一件好事人莫之知衆罔測是歲十二月十三日就照默堂爲法弟靈源清禪師置食次答故人書系之以頌是日巡察薄暮小參勸諭學徒詞旨曲折仍說偈曰說時七顛八倒默時落二落三爲報五湖禪客心王自在休參十四日下白石莊自書其閣曰安心并題脊記食和羅飯如常時食畢偃息日晡從者請歸師曰大千爲家何以歸爲衆譁然議云師臥不起殆病乎呼醫僧化冲至將診師叱之知藏慧宣云和尚到這裏且宜警省師曰川蟲草莫亂道言訖跌坐而化昇歸至法堂端嚴如在三日入龕遠近士庶嗚咽瞻仰以手探懷肌體尙暖二十二日茶毗衆得設利五色雪後有過其區所者獲之尤甚塔于晦堂丈室之北世壽七十有二夏臘四十有六

隆興府黃龍佛壽靈源惟清禪師南州武寧人族陳氏方輟入學日誦千言風神瑩徹吾伊異比丘見之熟眎曰此兒苦海法船也以出家白其父母父母聽之去依戒律師年十七爲大僧往謁延恩安禪師安

指參寶覺師至黃龍雖與衆作息而問答茫然偶閱玄沙語倦即經行步促遺履俯取之乃大悟以告寶覺覺曰從緣入者永無退失於是名卿宿衲師友之屢以名山見邀堅不許淮南漕朱公京以舒之太平力請乃屑就道俗爭迎之次遷黃龍上堂曰鼓聲纔動大衆雲臻無限天機一時漏泄不辜正眼便合歸堂更待繁詞沈埋宗旨縱謂釋迦不出世四十九年說達磨不西來少林有妙訣修山主也似萬里望鄉關又道若人識祖佛當處便超越直饒麼悟入親切去更有轉身一路勘過了打以拂子擊禪床一下下座上堂江月照松風吹永夜清宵更是誰霧露雲霞遮不得箇中猶道不如歸復何歸荷葉團團似鏡菱角尖尖似錐上堂三世諸佛不知有恩無重報狸奴白牯却知有功不浪施明大用曉大機絕蹤跡不思議歸去好無人知衝開碧落松千尺截斷紅塵水一溪上堂至道無難唯嫌揀擇但莫憎愛洞然明白祖師怎麼說話瞎却天下人眼識是非別縑素底衲僧到這裏如何辨明未能行到水窮



處難解坐看雲起時師既託疾告閑居昭默堂十有五年禪坐一室而天下莫屈其高致然念宗徒墮在見聞嘗謂曰今之學者所造不能脫生死者病在甚麼處在偷心未死然非其罪乃師家之罪也如漢高帝給韓信而殺之信雖曰死其心果死乎古之學者言下脫生死効在甚麼處在偷心已死然非學者自能實師家鉗錘妙密也如梁武帝御太殿見侯景不動聲氣而景之心已枯竭無餘然語方所說非不美麗要知如趙昌畫華道真非眞華矣政和七年九月十八日食罷掩室門召以栖首座叙說決別起浴更衣以手指頂侍僧爲淨髮安坐趺趺前十日作無生常住眞歸告銘及遺訓數百言誠藏骨於海會示生死不與衆隔也門弟子不敢違其誠克奉之云隆興府勸潭草堂善清禪師南雄仁昌人族何氏少依香雲寺法思元豐四年試經得度初謁大滙岳禪師次趨晦堂之席堂問不是風動不是幡動如何師佇思堂打出頃之再詣乞指南時有貓旁伏因謂師曰子見彼欲搏鼠乎雙目不瞬四足踞地首尾一直

擬無不中子誠能如是心無異緣則六根自靜默默究之萬不失一師於是向來義學一掃無餘堂器許之政和乙未出住黃龍後居曹疎二山復移勸潭上堂曰色心不異彼我無差豎起拂子曰若喚作拂子入地獄如箭不喚作拂子有眼如盲直饒透脫兩頭也是黑牛臥死水上堂舉阿難問迦葉世尊傳金襴外別傳何法迦葉召阿難阿難應諾迦葉曰倒却門前刹竿著師曰刹竿未倒穿却諸人觸摸換却諸人眼睛刹竿倒後向甚麼處見釋迦老子參上堂法眼道識得堯子周匝有餘雲門道識得堯子天地懸殊雪竇道澤廣藏山狸能伏豹師曰三箇漢總是依他作解明昧兩岐不脫見聞如水中月黃龍卽不然逼塞乾坤內開張日月新上堂湛水無波漚從風激風停漚滅水靜漚虛正當恁麼時設有燕金塞海蚊蚋搖山賴尾金鱗優游自適如今莫有辨浮沈識深淺垂輪擲釣者麼有卽出來相見如無且歸巖下去同看月圓時上堂舉浮山遠和尚云欲得英俊麼仍須四事俱備方顯宗師蹊徑何謂也一者

祖師巴鼻二者具金剛眼睛三者有師子爪牙四者得衲僧殺活拄杖得此四事方可縱橫變態任運卷舒高聳人天壁立千仞儼不如是守死善道者敗軍之兆何故捧打石人貴論實事是以到這裏得不脩江耿耿大野雲凝綠竹凝煙青山鏤翠風雲一致水月齊觀一句該通已彰殘朽師曰黃龍今日出世時當末季佛法澆漓不用祖師巴鼻不用金剛眼睛不用師子爪牙不用殺活拄杖只有一枝拂子以爲陰徑亦能縱橫變態任運卷舒亦能高聳人天壁立千仞有時逢強卽弱有時遇貴卽賤拈起則羣魔屏跡佛祖潛蹤放下則合水和泥聖凡同轍且道拈起好放下好竿頭絲線從君弄不犯清波意自殊 僧問牛頭未見四祖時如何曰京三十四云見後如何曰灰頭土面云畢竟如何曰一場懣懣紹興壬戌上元後示微恙晦日出衣蒙唱鷲書偈遺衆曰將跌傳言諸寮可罷且謁逮夜漏盡三問侍者頗向曉否少選泊然而化衆哀慕火後睛舌堅淨如故設利明瑩大如珠顆其徒合靈骨塔於晦堂之側壽八十六臘六

十二

温州護國寄堂景新禪師郡之樂清人族陳氏於崇德寺得度習台教游方謁三祖宗禪師宗器之後依晦堂始有深造堂一日豎拳擬問師亦豎拳曰是得皮是得髓堂笑而稱善大觀二年溫守章公憑請住江心普寂次居西山 上堂曰有處若有處却天下人眼無處若無失却衲僧鼻孔古今成現不用針錐紫胡半夜高聲捉賊維那只得旁觀丹霞白日要見國師侍者但知其一旦道本分相見合作麼生陌路相逢舜若多切忌額頭汗如雨 上堂三界無法何處求心欲知護國當陽句且看門前竹一株 僧問古曲無音韻如何和得齊曰石女著枷鎖云全非今日事只在未生前曰山僧不答這話云爲甚麼不答曰有甚救處 問我手何似佛手曰天空無四壁云我脚何似驢脚曰聞時九鼎重見後一毫輕云黃龍正派流入永嘉也曰勾卜聽虛聲紹興己未示寂塔于西山 漳州保福本權禪師臨漳人也性質直而勇於道乃

於晦堂舉拳處徹證根源機辯捷出山谷黃太史初有所入問晦堂此中誰可與語堂曰漳州權師方督役開田山谷同晦堂往致問曰直歲還知靈柱生兒麼曰是男是女谷擬議師揮之堂謂曰不得無禮師曰這木頭不打更待何時谷大笑後歸里陸沈山寺郭功甫倅漳過山谷谷力稱彼有權道者深得晦堂之道公宜見之郭抵郡訪尋人無識者後得之命住保福上堂舉寒山偈曰吾心似秋月碧潭清皎潔無物堪比倫教我如何說老僧即不然吾心似燈籠點火內外紅有物堪比倫來朝日出東傳者以爲笑黃龍死心見之歎曰權兄提唱若此誠不負先師所付囑也竟終於保福

泗州龜山曉津禪師闔之連江人歷參宗匠機契未投晚依晦堂舉德山小參不答話闢之師聞脫然頓悟留侍日久初說法於西京石壁次徙龜山上堂曰摩竭掩室盡大地人被熱瞞毗耶杜詞金毛獅子敗闕不少便恁麼去大似停橈舉棹且向灣內泊船而今莫有喚不回頭底麼擔板禪和如麻似粟

上堂田地穩密過犯彌天灼然擡脚不起神通游戲無滄自傷特地下脚不得且道過在甚麼處具參學眼底出來共相理論要見本分家山不支岐路莫只管自家點頭蹉過歲月他時異日頂上一椎莫言不道崇寧三年八月十四日泊然而逝

舒州天柱修靜禪師歲旦上堂曰北帝收威東君布政律初標於四氣爰已動於三陽山川無索寞之容草木有芬芳之意玉簪墜簷而河冰漸泮錦字橫漢而寒鴈將回熙熙萬里盡含春誰悟毗盧真境界大衆若向這裏悟徹去則許汝應時納祐與世均休踞兔角床握龜毛拂或縱或奪或晦或明饒益羣生得大自在若也未悟依例奔波添一歲滿身塵土傍人門

吉州青原惟信禪師上堂曰老僧三十年前未參禪時見山是山見水是水及至後來親見知識有箇入處見山不是山見水不是水而今得箇休歇處依前見山只是山見水只是水大衆這三般見解是同是別有人緇素得出許汝親見老僧

鄂州黃龍智明禪師 上堂南北一訣斬釘截鐵切  
忌思量翻成途轍 一日上堂衆纔集師乃曰不可  
更開眼說夢去也便下座 僧問世尊說法魔界傾  
頽和尚開堂有何祥瑞曰一夜落華雨滿城流水香  
成都府海雲法琮禪師 上堂亞身曰一雨灑乾坤  
我這裏爲甚麼不濕便下座

潭州道吾仲圓禪師 上堂曰不是心不是佛不是  
物古人恁麼道譬如管中窺豹但見一斑設或入林  
不動草入水不動波亦如騎馬向冰凌上行若是射  
雕手何不向地頭上措痒具正眼者試辨看良久曰  
鴛鴦繡出自金針

漢州三聖繼昌禪師彭之九隴人族黎氏自少出關  
至黃龍卽有趣入久之乃盡所疑歸住三聖遷雲居  
上堂曰木佛不度火甘露臺前逢達磨惆悵洛陽  
人未來面壁九年空冷坐金佛不度爐坐歎勞生走  
道途不向華山圓上看豈知潘閬倒騎驢泥佛不度  
水一道靈光照天地堪羨玄沙老古錫不要南山看  
鼉鼻 上堂舉趙州訪二庵主師曰五陵公子爭誇

富百衲高僧不厭貧近來世俗多顛倒只重衣衫不  
顧人

舒州龍門純禪師 上堂曰有箇漢自從曠大劫無  
住亦無依上無片瓦蓋頭下無寸土立足且道十二  
時中在甚麼處安身立命若也知得朝到西天暮歸  
唐土

#### 東林照覺總禪師法嗣

隆興府泐潭應乾禪師 上堂曰靈光洞輝迥脫根  
塵體露眞常不拘文字心性無染本自圓成但離妄  
緣卽如如佛古人恁麼道殊不知是箇坑阱貼肉汗  
衫脫不去過不得直須如師子兒壁立千仞方能動  
絕去然雖如是也是布袋裏老鴉拍禪床下座  
廬山開先廣鑑行英禪師東溪閑居示衆曰聯絡藤  
蘿一徑行窮始到松門籬畔野華不艷堂前流水非  
喧午飯龍離鉢夜深月落金盆此是眞修行處何  
人得意忘言靈山河沙聖衆黃梅七百高僧悟華曉  
稱迦葉傳衣夜喚盧能心自本來不有法道得了何  
曾齋後釀茶三盞叢林一任喧騰 僧問如何是祖

師西來意曰君山點破洞庭湖云意旨如何曰白浪四邊繞紅塵何處來問如何是道曰良田萬頃僧云不會師曰春不耕秋無望

隆興府黃龍法鏡可僊禪師嚴陵陳氏子於長壽寺得度元豐間說法圓通次遷石霜黃龍僧問如何是佛法大意曰寸釘牛刀云學人不曾曰參取不會底臨江軍慧力可昌禪師初自黃龍會中去依照覺菴證微密逾二十年出居慧力上堂曰佛法根源非正信妙智不能悟入祖師關鍵非大悲重願何以開通具信智則權實雙行如金在鑛全悲願則善惡可辨似月離雲大家只知父母未生時許多譬喻向甚麼處吐露良久曰十語九中不如一默僧問如何是末後一句曰少林依位立馬祖喝嫌低云三十年後專爲流通曰也不得草草問承師有言忍別三徵高臥者慚爲一請便行人就中還有殺訛也無曰有人斷得許伊具眼云大衆臨筵乞師不吝師便打紹興府象田梵卿禪師嘉興華亭人族錢氏幼慧靜秉志純實弱冠投超果寺德強披削初游講聚後易

服謁圓通秀又謁投子青久之青入滅往依照覺願契機語歸省親道俗迎居白牛海慧遷永嘉靈峰及會稽象田上堂曰春已暮落華紛紛下紅雨南北行人歸不歸千林萬林鳴杜宇我無家兮何處歸十方刹土奚相依老夫有箇真消息昨夜三更月在池上堂佛法到此命若懸絲異目超宗亦難承紹堅起拂子曰賴有這箇堪作流通於此覩得便見三世諸佛向燈籠露柱裏轉大法輪六趣衆生於鐵圍山得聞法要聲非聲見色非色隨異類四生各得解脫如斯舉唱非但埋沒宗風亦乃平沈自己且道如何得不犯令去拍禪床下座僧問大悲菩薩用許多手眼作甚麼曰富嫌千口少云畢竟如何是正眼曰從來共住不知名問寒風乍起衲子開爐忽憶丹霞燒木佛因何院主落眉鬚曰張公喫酒李公醉云爲復是逢強即弱爲復是妙用神通曰堂中翠僧却諳此事問海慧有屠龍之劍欲借一觀時如何師以拄杖橫按示之僧便喝師攔下拄杖僧無語師曰這死蝦蟆問有佛處不得住無佛處急走過意旨



如何曰穿靴衣錦云此外還更有也無曰緊帽草鞋

問牛頭未見四祖時如何曰醯酸醎聚云見後如

何曰家破人亡問久響白牛未審牛在甚麼處曰

掘地覓天云爭奈目前露迥迥地曰切忌見鬼云莫

是和尙爲人處麼曰會則直下承當不會則一任顛

倒政和六年九月中休說偈曰五陰山頭乘駿馬一

鞭策起疾如飛臨行莫問棲真處南北東西隨處歸

言訖脫然坐逝四衆蟻至觀其容止安詳歎未曾有

隆興府上藍希肇禪師僧問古者道修證卽不無

汚染卽不得未審是何宗旨曰不可更說道理去也

云莫便是和尙爲人處麼曰狂狗趁塊云只如禁足

履生得何果報曰一月普現一切水云恁麼則他家

得自由也曰好箇師僧却恁麼去

慧圓上座開封酸棗于氏子世業農少依邑之建福

寺德光爲師性椎魯然勤渠祖道堅坐不臥居數歲

得度出游廬山至東林每以已事請問朋輩見其貌

陋舉止乖疎皆戲侮之一日行殿庭中忽足顛而仆

了然開悟作偈俾行者書於壁曰這一交這一交萬

兩黃金也合消頭上笠腰下包清風明月杖頭挑卽

日維東林衆傳至照覺覺大喜曰衲子參究若此善

不可加令人迹其所往竟無知者大慧武庫謂證悟語非也

黃檗真覺惟勝禪師法嗣

成都府昭覺紹覺純白禪師上堂曰寒便向火熱

卽搖扇飢時喫飯困來打眠所以趙州庭前栢香岩

嶺後松栽來無別用只要引清風且道畢竟事作麼

生甲子乙丑海中金丙寅丁卯爐中火

開元子琦禪師法嗣

泉州尊勝有朋講師郡之南安人族蔣氏年二十試

經中選下髮多歷教肆嘗疏楞嚴維摩等經學者宗

之每疑祖師直指之道故多與禪衲游一日謁琦禪

師於承天跡未及閤心忽領悟琦出遂問座主來作

甚麼云不敢貴耳賤目曰老老大大何必如是云自

是者不長曰朝看華嚴夜讀般若若則不問如何是當

今一句云日輪正當午曰閑言語更道來云平生伏

忠信今日任風波然雖如是只如和尙恁麼道有甚

麼交涉須要新戒草鞋穿曰這裏且放你過忽遇達

磨問你作麼生道朋便喝琦曰這座主今日見老僧氣衝牛斗朋曰再犯不容琦撫掌大笑自爾師資契投後開法興福宣和六年九月二十一日說偈無疾而終

雲蓋守智禪師法嗣

湖州道場十同法如禪師衢之江山人族徐氏自開法五遷巨刹上堂曰知見立知即無明本知見無見斯即涅槃無漏真淨云何是中更容他物釋迦老子的身放倒後代兒孫如何接續要會麼通玄不是人間世滿目青山何處尋

福州寶壽最樂禪師古田人也上堂曰諸佛不真實說法度羣生菩薩有智慧見性不分明白雲無心意灑爲世間雨大地不含情能長諸草木若也會得猶存知解若也不會墮在無記去此二途如何即是海闊難藏月山深分外寒

紹興府石佛解空慧明禪師僧問如何是寶相境曰三生鑿成云如何是境中人曰一佛二菩薩

嘉泰普燈錄卷第六

音釋

璫音椿 襴居雨切 祿音保 溺與尿同  
璫音鑑 犧許羈切 銓音全 孃音奴  
藟盧下切 苴七下切 昇音餘 韶音條  
璫音育 琮藏宗切 勦子小切作剿非

嘉泰普燈錄卷第七

平江府報恩光孝禪寺臣僧 正受 編

南嶽第十三世臨濟九世黃龍二世

渤潭真淨雲庵克文禪師法嗣

隆興府兜率從悅禪師贛城人族熊氏兒時多病父母許爲僧即愈悔而又病廼依郡西普圓院德嵩年十五下髮十六進具學止觀於賢法師賢曰子法船也吾學不足以成子當教善財遍參知識由是多歷法社抵洞山一日入室於爭鋒之際倏然領悟後游湖湘學者歸之俄領徒至鹿苑有清素首座者年逾八旬晦藏絕交往師食蜜漬荔子次素偶過門師謂曰此老兒鄉果也可同餽素曰自先師亡後不食此

久矣曰先師爲誰素曰慈明師聞駭然遂饋以餘果而日親之素忽問子所見何人曰洞山文和尚又問文所見何人曰黃龍老南素曰南匾頭見先師不久後來法道大振如此師益疑即持香展拜素避席曰吾雖侍先師十有三年以福鮮不許爲人月餘師固請素曰以子勤渠致我違先師記子平生知解試以語我師具通所見素曰可以入佛而不能入魔曰何謂入魔素曰豈不見古人道末後一句始到牢關累月始蒙印可素戒之曰文所示子者皆正知正見吾雖爲子點破使子受用自在恐子離文太早不能盡其道他日切勿嗣吾元祐改元師首衆棲賢洪帥待制熊公伯通以兜率力挽開法而禪侶雲集上堂曰常居物外度清時牛上橫將竹笛吹一曲自幽山自緣此情不與白雲知慶快諸禪德翻思范蠡謾泛滄波因念陳搏空眠大華何曾夢見浪得高名實未神游閑漂野跡既然如此具眼衲僧莫道龍安非他是已好上堂拈一放一何得何失前三後三誰聖誰凡因思黃龍普到慈明處吞盡玄微眉卓豎是何

人是何人軟時歡喜硬時嗔咄一日漕使無盡居士張公商英按部過分寧請五院長老就雲巖說法師最後登座橫拄杖曰適來諸善知識橫拄豎放直立斜拋換步移身藏頭露角既於學士面前各納敗闕未免喫兜率手中痛棒到這裏不由甘與不甘何故見事不平爭忍得衲僧正令自當行卓拄杖下座上堂無法亦無心無心復何捨要眞盡屬眞要假全歸假平地上行船虚空裏走馬九年面壁人有口還如啞參上堂兜率雖無定度不踏聖賢舊路有時掀轉雙睛幾箇眉毛卓豎咄上堂夜夜抱佛眠朝朝還共起起坐鎮相隨語默同居止欲識佛去處只這語聲是諸禪客大小大傳大士只會抱橋柱澡洗把纜放船印板上打將來喚子裏脫將去豈知道本色衲僧塞除佛祖窟打破玄妙門跳出斷常坑不依清淨界都無一物獨奮雙拳海上橫行建家立國有一般漢也要向百尺竿頭凝然端坐泊乎翻身之際捨命不得豈不見雲門大師道知是般事拈放一邊直須擡動精神著些筋骨向混沌未剖已前薦得

猶是鈍漢那堪更於他人舌頭上嘔淡味終無了  
 日諸禪客要會麼剔起眉毛有甚難分明不見一毫  
 端風吹碧落浮雲盡月上青山玉一團喝一喝下座  
 僧問提兵統將須憑帝主虎符領衆匡徒密佩祖  
 師心印如何是祖師心印曰滿口道不得云只這箇  
 別更有曰莫將支遁鶴喚作右軍鶴問如何是兜  
 率境曰一水挪藍色千峰削玉青云如何是境中人  
 曰七凹八凸無人見百手千頭只自知室中設三  
 關語以驗學者其一曰撥草瞻風只圖見性卽今上  
 人性在甚麼處其二曰識得自性万脫生死眼光落  
 地時作麼生脫其三曰脫得生死便知去處四大分  
 離向甚麼處去六年十一月三日浴訖集衆坐定囑  
 累已說偈曰四十有八聖凡盡殺不是英雄龍安路  
 滑奄然而化其徒遵師遺誡欲火葬捐骨江中得法  
 弟子無盡居士張公遣使持祭且曰老師於祖宗門  
 下有大道力不可使來者無所起敬俾塔於龍安之  
 乳峰臘三十有三大觀中諡曰眞寂

東京法雲佛照泉禪師自妙年遊方謁圓通瓊禪師

入室次瓊舉僧問投子大死底人却活時如何子云  
 不許夜行投明須到意作麼生師曰恩大難酬瓊大  
 喜命師首衆至晚爲衆秉拂機遲而訥衆笑之師有  
 赧色次日於僧堂點茶師慚甚因觸茶瓢墜地見瓢  
 跳乃得應機三昧後依眞淨一日讀祖師偈曰心同  
 虛空界示等虛空法證得虛空時無是非法豁然  
 大悟後謂人曰我於紹聖三年十一月二十一日悟  
 得方寸禪出住歸宗久之詔居淨因上堂曰西  
 來祖印教外別傳非大根器不能證入其證入者不  
 被文字語言所轉聲色是非所迷亦無雲門臨濟之  
 殊趙州德山之異所以唱道須明有語中無語無語  
 中有語若向這裏薦得可謂終日著衣未嘗挂一縷  
 絲終日喫飯未嘗齎一粒米直是呵佛罵祖有甚麼  
 過雖然如是欲得不招無問業莫謗如來正法輪喝  
 一喝下座上堂拈拄杖曰歸宗會斬蛇禾山解打  
 鼓萬象與森羅皆從這裏去擲下拄杖曰歸堂喫茶  
 師以力參深到語不入時每示衆嘗舉老僧熙寧八  
 年文帳在鳳翔府供申當年崩了華山四十里壓倒

八十村人家汝輩後生茄子瓠子幾時知得或問云寶華王座上因甚麼一向世諦師曰癡人佛性豈有二種耶 僧問達磨西來傳箇甚麼曰周秦漢魏問如何是透法身句北斗裏藏身意旨如何曰赤心片片云若是學人卽不然曰汝又作麼生云昨夜擡頭看北斗依稀却似點糖糕曰但念水草餘無所知桂州壽寧善資禪師 上堂曰若論此事如鷄啄鐵牛無下口處無用心處更向言中間覓句下尋思縱饒下度將來翻成戲論邊事殊不知本來具足直下分明佛及衆生纖毫不立尋常向諸人道凡夫具足聖人法凡夫不知聖人具足凡夫法聖人不會聖人若會卽同凡夫凡夫若知卽是聖人然則凡聖一致名相互陳不識本源迷其真覺所以逐境生心徇情附物苟能一念情忘自然眞常體露良久曰便請薦取

南嶽祝融上封慧和禪師 上堂曰未陞此猊座已前盡大地人成佛已畢更有何法可說更有何生可利況菩提煩惱本自寂然生死涅槃猶如昨夢門庭

雲巖集

施設誑謔小兒方便門開羅紋結角於衲僧面前皆成幻惑且道衲僧有甚麼長處拈起拄杖曰孤根自有擎天勢不比尋常曲彘枝卓拄杖下座

筠州五峰淨覺本禪師 上堂僧問寶座旣陞願聞舉唱曰雲裏梅華火裏開云莫便是爲人處也無曰井底紅塵已漲天 問同聲相應時如何曰鶻鵲樹上啼云同氣相求時如何曰猛虎巖前嘯 問一進一退時如何曰脚在肚下云如何是不動尊曰行住坐臥

永州太平安禪師 上堂以拄杖卓一下曰還會麼空王佛已前之事太平今日一時漏泄了也還委悉麼一大藏教未常切著佛之一字尙汚心田豈況其餘若也未然且聽太平葛藤擲拄杖下座

潭州報慈進英禪師 上堂曰報慈有一公案諸方未曾結斷幸遇改日拈出各請高著眼看遂趨下一隻鞋云還知麼達磨西歸時提攜在身畔 上堂與麼上來猛虎出林與麼下去毒蛇入草不上不下日輪杲杲喝曰瀟湘江上碧溶溶出門便是長安道



筠州洞山至乾禪師潭之瀏陽人嘗謁眞淨於歸宗令看狗子無佛性話一夕危坐聞鐘鳴了然悟達後住洞山。上堂曰洞山不會談禪不會說道只是饑來喫飯困來打眠你諸人必然別有長處試出來盡力道一句看有麼有麼良久曰睦州道底。

隆興府泐潭湛堂文準禪師興元唐固人族梁氏師穉穉中見佛像輒笑甫八齡不喜酒戲偶金僊寺虛普乞食至家師膺門醺酢有老成相乃辭親從普普授以法華一日輒記元豐以籍名先後試所集師雖甚精主司以年幼不得度陝西經略范公一日過普次與師語大悅欲携與俱師辭曰登山求玉入海求珠人各有志本行學道世好非素心范即爲剗染往依梁山乘禪師乘呵曰驅鳥未受戒敢學佛乘師捧手曰壇場是戒耶三疊羯磨是戒耶阿闍梨是戒耶乘大驚師曰雖然敢不受教遂登具於唐安律師繼游成都講聚倡諸部綱目遽棄曰吾不求甚解法師曇演拊師曰眞棟梁材也南方有亞聖大士若瀉山眞如九峰眞淨者宜往求之竟與同學志恭詣瀉山

久之不契造九峰見眞淨於投老庵淨問曰甚處來云興元府曰近離甚處云大仰曰夏在甚處云瀉山淨展手曰我手何似佛手師惘然淨叱曰適來祇對句句無絲毫差錯靈明天眞纔說箇佛手便成隔礙病在甚麼處云不會曰一切現成更教誰會服勤十載所往必隨紹聖三年眞淨移居石門衆益盛凡諸子扣問但瞑目危坐無所示見來學則往治蔬圃率以爲常師謂恭曰老漢無意於法道乎一日舉杖決渠水濺衣因大悟淨詬曰此中乃敢用葛苴耶自此迹愈晦而名益著顯謨李公景直守豫章請開法雲岩未幾移居泐潭。上堂曰五九四十五聖人作而萬物觀秦時轆轤鑽頭尖漢祖殿前樊噲怒曾聞黃鶴樓崔顥題詩在上頭晴川歷歷漢陽戍芳草萋萋鸚鵡洲可知禮也君子務本本立而道生道生一一生二二生三三生萬物蠢拈拄杖起身立云大衆寶峰何似孔夫子良久曰酒逢知己飲詩向會人吟卓拄杖下座。上堂剗久雨不晴直得五老峯頭黑雲變澗洞庭湖裏白浪滔天雲門大師忍俊不禁向佛

殿裏燒香三門頭合掌禱祝願願黃梅石女生兒子母團圓少室無角鐵牛常甘水草喝一喝曰有甚麼交涉顧衆曰不因楊得意爭見馬相如上堂混元未判一氣岑寂不聞有天地玄黃宇宙洪荒日月盈昃秋收冬藏正當恁麼時也好箇時節匡耐雪峰老漢却向虛空裏釘橛三箇木毬直至後人構占不上便見瀉山水牯牛一向膽大心闊長沙大虫到處敵人家猪狗雖然無禮難容而今且放過一著孝經序云朕聞上古其風朴略山前華堯民解元且喜尊候安樂參上堂今朝臘月十夜來天落雪群峰極目高低白綠竹青松難辨別必是來年蠶麥熟張公李公皆忻悅皆忻悅鼓腹謳歌笑不徹把得雲簫撩亂吹依稀有如楊柳枝又不覺手之舞之足之蹈之左之右之喝曰禪客相逢只彈指此心能有幾人知上堂大陽門下日日三秋明月堂前時時九夏洞山和尚只解夜半捉烏雞殊不知驚起隣家睡寶峰相席打令告諸禪德也好冷處著把火咄上堂古人道不看經不念佛看經念佛是何物自從識得

轉經人舉拂子曰龍藏賢聖都一拂師以拂子拂一拂曰諸禪德正當恁麼時且道雲岩土地向甚麼處安身立命擲下拂子以兩手握拳叩齒曰萬靈千里千靈萬聖上堂僧問承教有言若有一人發真歸源十方虛空悉皆消殞未審此理如何師遂展掌點指曰子丑寅卯辰巳午未一羅二土三水四金五太陽六太陰七計都今日計都星入巨蟹宮寶峰不打這鼓笛便下座問教意卽且致未審如何是祖意曰煙村三月裏別是一家春問寒食因悲郭外春野田無處不傷神林間疊壘添新冢半是去年來哭人這事且拈放一邊如何是道曰蒼天蒼天云學人特伸請益曰十字街頭吹尺八村酸冷酒兩三循環問一法若有毗盧墮在凡夫萬法若無普賢失其境界去此二途請師一決曰大黃甘艸云此猶是學人疑處曰放待冷時看問向上一路千聖不傳未審如何云向上一路曰行到水窮處坐看雲起時云爲甚麼不傳曰家家有路透長安云只如禪僧門下畢竟作麼生曰放你三十棒師自浙回泐潭謁深禪

師尋命分座聞有悟侍者見所擲爨餘有省詣方丈通所悟深喝出因喪志目經於延壽堂則後出沒無時衆憚之師聞中夜特往登榻方脫衣悟即提淨水至師曰待我脫衣脫罷悟復至未幾悟供齋子師蘇淨已召接淨桶去悟擬接師執其手問曰汝是悟侍者那悟曰諾師曰是當時在知客寮見掉下火柴頭有箇悟處底麼參禪學道只要知箇本命元辰下落處汝剗地作此去就汝在藏殿移首座鞋豈不是汝當時悟得底又在知客寮移他枕子豈不是汝當時悟得底汝每夜在此提水度壽豈不是汝當時悟得底因甚麼不知下落却在這裏憒亂大衆師猛推之索然如倒壘巖由此無復見者政和五年夏師臥病進藥者令忌毒物師不從之有問其故曰病有自性乎云病無自性曰既無自性則毒物寧有心哉以空納空吾未嘗顛倒汝輩一何昏迷十月二十二日更衣說偈而化世壽五十有五僧臘三十有六闍維得舍利晶圓光潔道俗千餘人皆獲之晴齒數珠不壞塔于南山之陽

◆ 靈雲

德安府文殊宣能禪師 上堂曰石鞏箭秘魔叉直下會得眼裏空華堪悲堪笑少林客暗携隻履渡流沙僧問如何是祖師燈曰四生無不照一點任君看廬山慧日文雅禪師受請曰 僧問向上宗乘乞師不吝曰拄杖正開封云小出大遇也曰放過即不可便打

筠州洞山梵言禪師太平州人也 上堂曰吾心似秋月碧潭清皓潔無物堪比倫教我如何說寒山子勞而無功更有箇拾得道不識這箇意修行徒苦辛怎麼說話自救不了常尋拈糞箕把掃帚掣風掣顛猶較些子直饒是文殊普賢再出若到洞山門下一時分付與直歲燒火底燒火掃地底掃地前廊後架切忌撓匙亂飭豐干老人更不饒舌參退喫茶 上堂一生二二生三三過捺不住廓周沙界德靈直上妙峰善財却入樓閣新婦騎驢阿家牽山青水綠桃華紅李華白一塵一佛土一棄一釋迦乃合掌曰不審諸佛子今辰改旦季春極喧起居輕利安樂行否少閒專到諸寮問訊不勞久立 上堂臘月二十日一

年將欲盡萬里未歸人大衆總是他鄉之客還有返  
本還源者麼擊拂子曰門前殘雪日輪消室內紅塵  
還誰掃上堂有一物上拄天下拄地若也築著磕  
著便乃轉凡成聖超佛越祖請僧一動一靜舉足下  
足須彌屹屹土上加泥咄解夏上堂應緣數刹皆  
居山寺唯此夏天寧偶當藩府長沙要會之地天寧  
賴國法禁制庶幾僧人可居每戒禪徒各須禁足吾  
不見時何不見吾不見之處若見不見自然非彼不  
見之相若不見吾不見之地自然非物云何非汝大  
衆若謂舉首楞嚴經却非自恣之日也參僧問如  
何是祖師西來意曰眞鍮不博金云莫便是和尚爲  
人處也無曰幾處松聲似爾聲云爭奈一言已出曰  
猶欠註脚在問幸值作家相見擬伸一問時如何  
曰青山不擬白雲飛云可謂伯牙與子期不是閑相  
識曰重說偈言云爭奈流水有知音曰也是剋肉作  
瘡問如何是一眞法界曰杲日照長空云如何是無  
量妙門曰海嶽鎮乾坤云得聞於未聞也曰波斯摸  
大象問梵王請佛天雨四華太守請師有何祥瑞

曰柳條垂宿雨華藥綻初晴一日上堂有二僧齊  
出一僧禮拜一僧便問得用便用時如何曰伊蘭作  
旃檀之樹云有意氣時添意氣不風流處也風流曰  
甘露乃葵藿之園

平江府寶華佛慈普鑑禪師本郡人族周氏韶訖不  
茹葷依景德寺清智下髮十七遊方初謁覺印英禪  
師不契遂扣眞淨之室淨舉石霜虔侍者話問之釋  
然契悟作偈曰枯木無華幾度秋斷雲猶挂樹梢頭  
自從闕折泥牛角直至如今水逆流淨肯之命侍巾  
鉢晚徇衆開法寶華次移高峰上堂曰參禪別無  
奇特只要當人命根斷疑情脫千眼頓開如大洋海  
底蝦一輪赫日上昇天門照破四天之下萬別千差  
一時明了便能握金剛王寶劍七縱八橫受用自在  
豈不快哉其或見諦不眞影像彷彿尋言逐句受人  
指揮驢年得快活去不如屏淨塵緣豎起脊梁骨著  
些精彩究教七穿八穴百了千當向水邊林下長養  
聖胎亦不枉受人天供養然雖如是臥雲門下有箇  
鐵門限更須猛著氣力跳過始得擬議之間墮坑落



童以拂子擊禪床下座 上堂月圓伏惟三世諸佛  
狸奴白牯各各起居萬福時中淡薄無可相延切希  
寬抱老水牯牛近日亦自多病多惱不甘水草遇著  
暖日和風當下和身便倒教渠拽把牽犁直是搖頭  
擺腦可憐萬頃良田一時變爲荒草紹興甲子八月  
十日書數紙以戒門弟子莞爾而逝

筠州九峰希廣禪師游方日謁雲蓋智和尚乃問與  
化打克賓維那意旨如何智下禪床展兩手吐舌示  
之師打一坐具智曰此是風力所轉又問石霜琳禪  
師琳曰懶意作麼生師亦打一坐具琳曰好一坐具  
只是不知落處又問眞淨淨曰懶意作麼生師復打  
一坐具淨曰他打懶也打師於言下大悟淨因有頌  
曰丈夫當斷不自斷興化爲人徹底漢已後從教眼  
自開棒了罰錢趣出院後住九峰衲子宗仰  
筠州黃檗泉禪師 上堂以拂子擊禪床曰一槌打  
透無盡藏一切珍寶吾皆有拈來普濟貧乏人免使  
波吒路邊走遂喝曰誰是貧乏者有本小異

筠州清涼寂音慧洪禪師郡之新昌人族彭氏續傳實傳

誤作 年十四父母俱亡乃依三峰韶禪師爲童子日

記數千言覽群書殆盡韶器之十九試經於東京天  
王寺得度從宣秘講成實唯識論逾四年棄講眞淨  
於歸宗淨遷石門師隨至淨患其深聞之弊每舉玄  
沙未徹之語發其疑凡有所對淨曰你又說道理耶  
一日頓脫所疑述偈示同學曰靈雲一見不再見紅  
白枝枝不著華叵耐釣魚船上客却來平地攪魚鰕  
淨見爲助喜命掌記室未久去謁諸老皆蒙賞音由  
是名振叢林顯謨朱公彥請開法於北禪景德後住  
清涼 示衆舉首楞嚴如來語阿難曰汝應觀此鑑  
中旃檀此香若復然於一鉢室羅筏城四十里內同  
時間氣於意云何此香爲復生旃檀木生於汝鼻爲  
生於空阿難若復此香生於汝鼻稱鼻所生當從鼻  
出鼻非旃檀云何鼻中有旃檀氣稱汝聞香當於鼻  
入鼻中出香說聞非義若生於空空性常恒香應常  
在何藉鑑中薰此枯木若生於木則此香實因薰成  
煙若鼻得聞合蒙煙氣其煙騰空未及遙遠四十里  
內云何已聞是故當知香鼻與聞俱無處所即鼻與



香二處虛妄本非因緣非自然性師曰入此鼻觀親證無生又大智度論問曰聞者云何聞用耳根聞耶用耳識聞耶用意識聞耶若耳根聞耳根無覺識知故不能聞若耳識聞耳識一念故不能分別不應聞若意識聞意識亦不能聞何以故先五識識五塵然後意識識意識不能識現在五塵唯識過去未來五塵若意識能識現在五塵者盲聾人亦應識聲色何以故意識不破故師曰究此聞塵則合本妙既證無生又合本妙畢竟是何境界良久曰白猿已叫千岩晚碧縷初橫萬字鐘住景德曰僧問南有南景德北有北景德德即不問如何是景曰頸在項上崇寧二年會無盡居士張公於峽之善溪張嘗自謂得龍安悅禪師末後句叢林畏與語因夜話及之曰可惜雲庵不知此事師問所以張曰商英頃自金陵酒官移知豫章過歸宗見之欲爲點破方叙悅末後句未卒此老大怒罵曰此吐血禿下脫空妄語不得信既見其盛怒更不欲知之師笑曰相公但識龍安口傳末後句而眞藥現前不能辨也張大驚起執師手曰老

師眞有此意耶曰疑則別參乃取家藏雲庵頂相展拜贊之書以授師其詞曰雲庵綱宗能用能照天鼓希聲不落凡調冷面嚴眸神光獨耀孰傳其眞觀面爲肖前悅後洪如融如肇大慧禪師處衆日嘗親依之每歎其妙悟辨慧建炎二年五月示寂于同安壽五十有八臘四十太尉郭公天民奏賜槥服號寶覺圓明

所著僧寶傳三十卷僧史十二卷智證十卷志林十卷楞嚴尋頂法論十卷法華合論七卷圓覺證義二卷金剛法源論一卷起信解義一卷易莊三卷林間錄二卷冷齋十卷禁贊二卷文字禪三十卷甘露集三十卷

衡州超化靜禪師 上堂聲前認得已涉廉纖句下承當猶爲鈍漢電光石火尙在遲疑點著不來橫屍萬里良久曰有甚用處咄

南嶽石頭懷志菴主葵之金華人族吳氏年十四師智慧院寶偶二十二試所習落髮肄講十二年宿學敷慕嘗欲會通諸宗正一代時教有禪者問曰社順乃賢首宗祖師也談法身則曰懷州牛喫禾益州馬腹脹此偈合歸天台何義耶志無對即出游方晚至湖山謁眞淨問古人一喝不作一喝用意旨如何淨

叱之志趨出淨笑呼曰浙子齋後遊山好志忽領悟久之辭去淨曰子所造雖逸格惜緣不勝耳因識其意自爾諸方力命出世師却之庵居二十年不與世接士夫踵門路不顧有偈曰萬機休罷付癡憨蹤跡時容野鹿參不脫麻衣拳作枕幾生夢在綠蘿庵或問住山多年有何旨趣曰山中住獨掩柴門無別趣三塊柴頭品字煨不用援毫文彩露崇寧改元冬曳杖造龍安人莫之留明年六月晦問侍僧曰早暮云已夕矣遂笑曰夢境相逢我睡已覺汝但莫負叢林卽是報佛恩德言訖示寂於最樂堂茶毗收骨塔于乳峰之下壽六十四夏四十三

婺州雙溪印首座自見真淨徹證宗猷歸遯雙溪一日偶書曰折脚鐘兒謾自煨飯餘長是坐堆堆一從近日生涯拙百鳥銜華去不來又以觸衣碎甚作偈曰不挂寸絲方免寒何須特地裊長竿而今落落零零也七佛之名甚處安

## 雲居元祐禪師法嗣

亳州白藻清嚴禪師信之玉山人 僧問楊廣失橐

馳到處無人見未審是甚麼人得見師以拂子約曰退後退後妨他別人所問云畢竟落在甚麼處曰可煞不識好惡便打

臨江軍慧力崇教禪師 僧問佛力法力卽不問如何是慧力曰推倒人我山扶起菩提樹云菩提本無樹和尚向甚麼處下手曰田軍奴

信州永豐慧月庵主縣之丘氏子卅歲出家於明心寺得度自機契雲居熟游湘漢暨歸永豐或處巖谷或居市鄣令鄉民稱丘師伯凡有所問以莫曉答之一日語邑人曰吾明日行脚去汝等可來相送於是賣路者畢集月笑不已衆問其故卽書偈曰丘師伯莫曉寂寂明皎皎日午打三更誰人打得了投筆而逝

## 石霜琳禪師法嗣

夔府臥龍思順禪師綿州人也 上堂僧問我手何似佛手曰潘闥倒騎驢云我脚何似驢脚曰白雲深處居云人人有箇生緣如何是和尙生緣曰九九八十一僧禮拜師乃曰我手何似佛手覲面相呈已了

頂門眼若未開切忌隨他亂走我脚何似驢脚擬議思量已錯要見宗師端的薦取頭上一著人人有箇生緣分明只在目前迦葉嶺頭雲起澗下綠水潺潺

### 仰山行偉禪師法嗣

襄陽府谷隱靜顯禪師 僧問觀面相呈事若何曰清風來不盡云通上徹下絲毫不納也曰明月照無私 問文彩旣彰願聞舉唱曰巡海夜叉頭戴角云祇園五葉華開處不屬東君別是春日重疊關山路問一鐵破三關即不問道入相見時如何曰賊身已露

### 潞潭洪英禪師法嗣

南嶽法輪齊添禪師 上堂良久曰性靜情逸遂喝曰心動神疲顧左右曰守真志滿拈拄杖曰逐物意移召衆曰見怪不怪其怪自壞 僧問學人上來乞師指示曰汝適來聞鼓聲麼云聞曰還我話頭來僧禮拜師曰令人疑著

泉州慧明雲禪師 僧問般若海中如何爲人曰雲開銀漢迥云畢竟如何曰棒頭見血 問毗婆尸佛

早留心直至如今不得妙意旨如何曰醜拙不堪當潭州大潯齊恂禪師 僧問玉兔不懷胎特牛爲甚麼生兒曰著槽馱去

### 黃龍元肅禪師法嗣

袁州仰山清簡禪師 僧問集雲峰下分明事請師分付四藤條曰趙州八十方行脚云得恁麼不知時節曰行到南泉即便休

隆興府九仙齊輔禪師蜀之閬苑人丞相陳公堯叟之孫也幼聰敏趣向異倫年二十四得度學於成都講聚會眞覺勝禪師與之議論指令南游元豐間出峽徧跡祖闢後造黃龍之室龍見乃問古人見桃華悟道子作麼生云只可背摩霄漢不可入他蘆葦曰爲甚麼玄沙道敢保老兄未徹云却請和尚一處道看曰也須親切始得然只如從上諸聖以心傳心更無別法汝還知麼師於言下徹證崇寧丙戌開法九仙 上堂以拄杖畫一畫曰會麼眞俗雙泯二諦猶存空有兩亡一塵不立尋言逐語有甚了期何也性相無以攝其門色心不能到其境遂卓拄杖喝一

喝下座 上堂百丈開田說大義仰山夢裏起白樵

靈照茶籬只五文千載之下並光輝蓬蓬茸茸師子

出窟雍雍籠籠猛虎截峰更若不會擾擾匆匆 僧

問昨夜三更木馬嘶碧眼胡僧特地疑今朝善法堂

前見元是金毛師子兒文彩已彰願聞法要曰青山

作畫屏流水清行止云承師磊落驚人句意氣風光

滿座生曰一鷲落長空白雲千萬里 問踏翻海水

未爲奇特如何是奇特事曰久向紅霞居不出若非

清世見應難宜和庚子九月十日示化

嘉州月珠祖鑑禪師因僧請筆其語要師曰達磨西

來單傳心印曹溪六祖不識一字今日諸方出世語

句如山重增繩索乃拍禪床曰於斯薦得猶是鈍根

若也未然白雲深處從君臥切忌寒猿中夜啼

華光恭禪師法嗣

郴州萬壽第一代念禪師 歲旦上堂曰往復無際

動靜一源含有德以還空越無私而迥出昔日今日

日日照無兩明昔日風今日風鼓無兩動昔日雨今

日雨澤無兩潤於其中間覓去來相而不可得何故

自他心起起處無礙自我心忘忘處無滅跡大衆若問

這裏會去與天地而同根共萬物爲一體若也未明

山僧爲你重重頌出元正一古佛家風從此出不勞

向上用工夫歷劫何曾異今日元正二寂寥冷淡無

滋味趙州相喚喚茶來剔起眉毛須瞥地元正三上

來稽首各和南若問香山上事靈源一派碧如藍

遂喝一喝下座 上堂香山一路本無遮護虎嚙龍

吟蟬噪高樹皇相山頭風起高須彌頂上華重吐噴

僧問龍華聖會肇啓茲辰未審彌勒世尊現居何處

曰猪肉案頭云既是彌勒世尊爲甚麼却在猪肉案

頭曰不是弄潮人莫入洪波裏云畢竟事又且如何

曰番人不繫腰 問曙色未分人盡望月圓當午意

如何曰龍蛇混雜凡聖同居云未審還有祖師意也

無曰碧潭秋夜冷明月印滄洲云學人未曉其言請

師端的曰蔡倫池內石馬猶存以拂子擊禪床曰會

麼云不會曰毗婆尸佛早留心直至今不得妙

圓通圓瑗禪師法嗣

台州真如戒香禪師興化林氏子 上堂曰孟冬改

且時天寒葉落歸根露遠山不是見聞生滅法當頭莫作見聞看

臨安府法慧無竭淨曇禪師嘉興崇德人久住名藍

晚居法慧上堂曰本自深山臥白雲偶然來此寄

閑身莫來問我禪兼道我是喫飯屙屎人上堂拈

拄杖曰經無量劫枉受沈淪育王今日淨地掃塵三

十年後莫錯怪人卓拄杖下座紹興丙寅夏乙丑徧

辭朝貴歸付院事四衆擁趺揮扇久之書偈曰這漢

從來沒縫罅五十六年成話霸今朝死去見閻王劒

樹刀山得人怕遂打一圓相曰噯一任諸方鑽龜打

瓦取足而化太師秦公檜施千緡以助襄事火後設

利如霰門人持骨歸四明之阿育王山建堂奉藏焉

### 三祖法宗禪師法嗣

寧國府光孝惟爽禪師上堂曰今朝六月旦一年

已過半奉報參玄人識取孃生面孃生面薦不薦鷺

鷺飛入碧波中抖擻一團銀繡線

### 祐聖法窟禪師法嗣

潭州道林了一禪師四明人族臧氏自發明後鷹舉

四方至祐聖投誠入室聖舉拂子問曰雲歸山水歸海且道祐聖拂子歸甚麼處云銀蟾繡散彩萬類盡瞻光曰且喜沒交涉云便唱還鄉曲高歌樂太平也曰何不道春來華競吐秋去葉凋零云謝指示曰老僧未曾開口云伯牙與子期不是閑相識便禮拜自爾師資契合大觀初出住南嶽大明遷智度及道林政和四年二月十五日說偈而終

### 嘉泰普燈錄卷第七

#### 音釋

變音遼	毫音泊	寤音居	郝丑林切
贛音紺	饋音匱	瀏音留	戴側史切
顯音皓	戍傷遇切	壁扶歷切	羣音拱
莞胡官切	詭千定切	肆羊至切	庫音舍



嘉泰普燈錄卷第八

平江府報恩光孝禪寺臣僧 正受 編

南嶽第十三世 臨濟九世  
楊岐二世

白雲守端禪師法嗣

新州五祖法演禪師綿之巴西人族鄧氏年三十五  
始棄家祝髮受具往成都習唯識百法論因聞菩薩  
入見道時智與理冥境與神會不分能證所證西天  
外道嘗難比丘曰既不分能證所證却以何爲證無  
能對者外道貶之令不鳴鍾鼓反披袈裟三藏并法  
師至彼救此義曰如人飲水冷暖自知乃通其難師  
曰冷暖則可知矣作麼生是自知底事遂質本講曰  
不知自知之理如何講莫疏其問但誘曰汝欲明此  
當往南方扣傳佛心宗者卽負笈出關由京師渡淮  
浙所見尊宿無不以此語咨決所疑終不破後謁浮  
山圓鑑禪師鑑舉如來有密語迦葉不覆藏令究之  
及暮一日謂曰子來何晚吾老矣恐虛度子光陰可  
往依白雲此老雖後生吾未識面但見渠頌臨濟三  
頓棒話有過人處必能了子大事師潛然禮辭至白

雲遂舉僧問南泉摩尼珠話請問雲叱之師領悟獻  
投機偈曰山前一片閑田地叉手叮嚀問祖翁幾度  
賣來還自買爲憐松竹引清風雲特印可令掌磨事  
未幾雲至語師曰備知一件事麼云不知曰近日有  
數禪客自廬山來皆有悟入處教伊說亦說得有來  
由舉因緣問伊亦明得教伊下語亦下得只是未在  
師聞愕眙曰既悟了說亦說得明亦明得如何却未  
在狐疑七日忽偃息洞然昭徹曰元來怎麼地其胸  
中珍惜到此盡去走見白雲雲爲手舞足蹈師亦一  
笑而已雲一日示衆曰古人道如鏡鑄像像成後鏡  
在甚麼處衆下語不契舉以問師師近前問訊曰也  
不較多雲笑曰須是道者始得乃命分座開示方來  
初住四面遷白雲晚居東山 上堂曰古人道我若  
向你道卽禿却我舌若不向你道卽啞却我口且道  
還有爲人處也無四面有時擬爲你吞却只被當門  
齒礙擬爲你吐却又爲咽喉小且道還有爲人處也  
無乃曰四面自來柳下惠 上堂結夏無可供養大  
衆作一家蘇管顧諸人遂擡手曰囉囉招囉囉搖囉

遲送莫怪空疎伏惟珍重 上堂白雲不會說禪三  
門開向兩邊有人動著關板兩片東扇西扇 上堂  
一向恁麼去路絕人稀一向恁麼來辜負先聖去此  
二途祖佛不能近設使與白雲同生同死亦未稱手  
生何也鳳凰不是凡閒物不得梧桐誓不栖 上堂  
千峰列翠岸柳垂金樵父謳歌漁人鼓舞笙簧駐地  
鳥語呢喃紅粉佳人風流公子一一爲汝諸人發上  
上機開正法眼若向這裏薦得金色頭陀無容身處  
若也不會喫粥喫飯許你七穿八穴 上堂此箇物  
上挂天下挂地皖口作眼皖山作鼻太平退身三步  
放你諸人出氣 上堂狗子還有佛性也無也勝貓  
兒十萬倍 上堂太平漏洩漢事事盡經徧如是二  
十年也有人讚歎且道讚歎箇甚麼好箇漏洩漢  
上堂難難幾何般易易沒巴鼻好好催人老默默從  
此得過這四重關了泗州人見大聖參 上堂你等  
諸人見老和尚鼓動唇吻豎起拂子便作勝解及乎  
山禽聚集牛動尾巴却將作等閑殊不知簷聲不斷  
前旬雨電影還連後夜雷 謝監收上堂人之性命

事第一須是○欲得成此○先須防於○若是真○  
人○○ 上堂有佛處不得住換却你心肝五臟無  
佛處急走過留聲三千里外逢人不得錯薦過舉出  
門便錯恁麼則不去也種粟却生豆摘楊華摘楊華  
不覺日又夜爭教人少年 上堂悟了同未悟歸家  
尋舊路一字是一字一句是一句自小不脫空兩歲  
學移步湛水生蓮華一年生一度 上堂舉陸巨大  
夫問南泉和尚弟子家中有一片石也曾坐也曾臥  
擬鐫作佛得麼曰得云莫不得麼曰不得師召大衆  
曰夫爲善知識須明決擇爲甚麼他人道得也道得  
他人道不得也道不得還知南泉落處麼白雲不惜  
眉毛與你注破得又是誰道來不得又是誰道來你  
若更不會老僧爲你作箇樣子乃舉手曰將三界二  
十八天作箇佛頂金輪水際作箇佛脚四大洲作箇  
佛身雖然作此佛兒子了你諸人却在那裏安身立  
命大衆還會也未老僧作第二箇樣子去也將東弗  
于逮作一箇佛南瞻部洲作一箇佛西瞿耶尼作一  
箇佛北鬱單越作一箇佛草木叢林是佛蠢動含靈

化疑他

是佛既恁麼又喚甚麼作衆生還會也未不如東弗于逮還他東弗于逮南贍部洲還他南贍部洲西瞿耶尼還他西瞿耶尼北鬱單越還他北鬱單越草木叢林還他草木叢林蠢動含靈還化蠢動含靈所以道是法住法位世間相常住既恁麼你又喚甚麼作佛還會麼忽有箇漢出來道白雲休寐語大衆記取這一轉語 僧問承師有言山前一片閑田地只如威音王已前未審甚麼人爲主曰問取寫契書人云和尚爲甚情人來答曰只爲你教別人問云與和尚平出去也曰大遠在 問如何是佛曰口是禪門又曰肥從口入 問一代時教是箇切脚未審切那箇字曰鉢囉娘云學人只問一字爲甚麼却答許多曰七字八字問如何是臨濟下事曰五逆聞雷云如何是雲門下事曰紅旗閃爍云如何是曹洞下事曰驢書不到家云如何是滄仰下事曰斷碑橫古路僧禮拜師曰何不問法眼下事僧云留與和尚師曰巡人犯夜 問如何是和尙家風曰鐵旗鐵鼓云只有這箇爲復別有曰採石渡頭看云忽遇客來將何祇待

曰龍肝鳳髓且待別時云客是主人相師曰謝供養 問如何是先照後用曰王言如赫云如何是先照後用曰其出如綸云如何是照用同時曰舉起軒轅鑑蚩尤頓失威云如何是照用不同時曰金將火試 問佛未出世時如何曰大憨不如小憨云出世後如何曰小憨不如大憨 問牛頭未見四祖時如何曰頭上戴纓垂云見後如何曰青布遮前云未見時爲甚麼百鳥銜華獻曰富與貴是人之所欲云見後爲甚麼不啣華獻曰貧與賤是人之所惡 問如何是佛曰露胸跣足云如何是法曰大赦不放云如何是僧曰釣魚船上謝三郎 問四面無門山嶽秀箇中時節若爲分曰東君知子細偏地發萌芽云春去秋來事宛然也曰纔方撻彈子便要捏金剛 一日顧問門人曰諸子已後如何荷負吾宗佛鑑曰彩鳳舞丹霄佛眼曰鐵蛇橫古路佛果舉足曰看脚趨師曰滅吾宗者克勤也崇寧三年六月二十五日上堂辭衆曰趙州和尚有末後句你作麼生會試出來道看若會得去不妨自在快活如或未然這好事作麼

說良久曰說即說了也只是諸人不知要會麼富嫌千口少貧恨一身多珍重時山門有土木之役躬往督之且曰汝等勉力吾不復來矣歸丈室淨髮澡身迄旦吉祥而化是夕山摧石隕四十里內巖谷震吼闍維設利如雨塔于東山之南壽八十餘

南嶽第十三世臨濟九世  
翠巖二世

### 大潯眞如慕岳禪師法嗣

東京智海普融道平禪師仙都人族許氏嘗師事泉萬卷會荊公請泉居蔣山師與之偕往命掌牋記辭謁眞如於大潯聞舉洗鉢孟話煥然啓悟述偈曰七顛八倒業識忙忙螺江回首處笑殺謝三郎趙璧與燕金寶環并玉珮拈起兎角鐙一時俱擊碎如詰之無爽於是聲名四馳後六生道場四被詔旨上堂曰山僧不會佛法爲人總沒來由或時半開半合或時全放全收還如萬人叢裏冷地掉箇石頭忽然打著一箇方知觸處周流上堂趙州有四門門門通大道玉泉有四路路路透長安門門通大道畢竟誰親到路路透長安分明進步看拍膝一下曰歲晚

未歸客西鳳門外寒上堂舉盤山示衆曰似地擎山不知山之孤峻如石含玉不知玉之無瑕古人恁麼說話大似抱賊叫屈普融門下人人慷慨生擒虎兇活捉彈龍眼裏著得須彌山耳裏著得大海水遂拈拄杖曰不是向人誇伎倆丈夫標致合如斯卓拄杖下座靖康初謝事歸黃州栢子山建炎改元十月二日示化

隆興府潯潭景祥禪師建昌南城人族傅氏父翼爲永豐令母上官氏夢絳幡皂纓擁一偉丈夫至稱塞上將軍已而出胎因以塞上公名之及長警敏強記博覽常夜夢持刀刺人一日睡中神人授以偈後不復夢適永豐下世追念罔極非出世間法無以報聞有琦禪師說法于靈鷲往聽頓有省發依琦剃染受具乃之遠方至大潯久而開悟日常留侍盡其機用潯既薨寂歸隱臨川越十年列剎迎居槩不就大觀四年偶潯潭虎席府座以書幣三邀不得已而應命上堂舉鏡清和尚示衆曰若據令而行碧眼老胡不得無過若盡令而行須閉却僧堂門倩人守院始

得時有僧問盡令而行時如何曰汝欲散衆那師曰  
寶峰今日舉話不得動著留與諸方檢點 至節上  
堂世謂君子道長小人道消消底向甚麼處去長底  
自何而來所以道若言其有無物可守若言其無觸  
應萬途若言其新自古夙因若言其故物不能汙是  
故在鳥鳥鳴在獸獸鳴在天同天處人同人遂拈拄  
杖曰且道在這裏同箇甚麼良久曰祖室傳來行正  
令撥發蘆芽偏地春 中秋上堂靈山話曹溪指放  
過初生研額底未問龍眠老古雖昨夜三更轉向西  
正常恁麼時有人問如何是月向明暗未分處道得  
一句便與古人共出一隻手如或未然寶峰不免依  
模畫樣應箇時節乃打一圓相曰清光萬古復千古  
豈止人間一夜看 僧問如何是祖師西來意曰十  
箇指頭八箇了 問我手何似佛手曰金鑰難辨二  
我脚何似驢脚曰黃龍路險云人人有箇生緣如何  
是和尙生緣曰把定要津不通凡聖 室中問僧達  
磨西歸手攜隻履當時何不兩隻都將去云此土也  
要留箇消息曰一隻脚在西天一隻脚在東土著甚

來由僧無語 問僧唯一堅密身一切塵中現如何  
是塵中現底身僧指香爐云這箇是香爐師曰帶累  
三世諸佛生陷地獄僧罔措師便打 問僧布袋關  
裏撒開作麼生會云某不會曰鐵鉢但言鐵鉢木履  
但言木履眼前蹉過彌勒天宮討甚麼屎遂推出  
師不安行有僧問和尙近日尊候如何曰土地前燒  
二陌紙著 師常叉手夜坐如對大賓初坐手與跌  
綴至五鼓必齊膺因號祥叉手其莊肅若此建炎初  
荷策游天台郡守聞于朝以 詔居浮山紹興二年  
十月七日集衆言別侍僧請偈師曰幸無去來何偈  
之有卽加跌而逝火後目睛齒舌不壞護設利五色  
其徒分塔于浮山勸潭  
潭州東明仁仙禪師 開堂曰僧問世尊出世梵王  
前引帝釋後隨和尙出世有何祥瑞曰任是百千諸  
佛一時趕向水牯欄裏云有何祥瑞曰山僧不曾眼  
華  
廬山東林正覺自遵禪師 上堂曰十五日已前放  
過一著十五日已後未可商量正當十五日試道一



句看良久曰山色翠穠春雨歇栢庭香擁木蘭開  
泗州普照明悟曉欽禪師 上堂曰引手撮空展轉  
莫及翻身擲影徒自勞形當面拈來却成蹉過畢竟  
如何拍禪床曰泊合錯商量 僧問師唱誰家曲宗  
風嗣阿誰曰東邊更近東云潞山的子智海親孫也  
曰却笑傍人把釣竿

和州光孝慧蘭禪師不知何許人也自號碧落道人  
嘗以觸衣書七佛名叢林稱爲蘭布視一日擬草庵  
歌示衆其辭曰吾結庵兮非世寶通身盡是無生艸  
本來基址坦然平四維上下無邊表庵中人匪生老  
妙用縱橫無作造不村不郭不深山暑往寒來俱不  
到問此庵在何處父母未生好薦取掣電之機儻未  
分穿雲陟嶺反相誤住庵人何面目混沌初分堪委  
曲此時一著太分明不解依前打瓦卜或言大等閑  
收向針鋒界或言小森羅普印毫端杪或言貴觀面  
指陳無可示或言賤萬斛驪珠終不換或言顯燦迦  
羅眼觀難見或言隱塞破虛空光燭燭欲識庵中舊  
日人大千沙界俱銷殞建炎末逆虜犯淮執師見僧

長長曰聞我名否師曰我所聞者唯大宋 天子之  
名長惠令左右以鎚擊之鎚至輒斷壞長驚異延麾  
下敬事之經旬師索薪自焚無敢供者親拾薪成龕  
怡然端坐煙焰一起流光四騰虜跪伏灼膚者衆火  
絕得五色舍利併其骨而北歸所執僧尼悉得自便  
和人至今詠之

吉州光孝慧曉禪師 僧問若能轉物卽同如來露  
柱是物請和尙轉曰不放落華隨水去云因甚麼如  
此曰恐招凡客入山

潭州福嚴實禪師 上堂曰禪巖山上雲舒卷任朝  
昏忽爾落平地客來難討門 上堂舉趙州問僧近  
離甚麼處云雪峰曰雪峰近日有何言句云和尙嘗  
示衆道盡大地是沙門一隻眼汝等諸人向甚麼處  
肩曰汝回去麼云便行曰我寄汝一鐵子去師曰如  
今諸方商量趙州寄鐵子與雪峰便是剗却那肩底  
我當時若問這僧汝回去麼云便行只向他道我寄  
你一副鉢孟去你又如何商量

潭州東明遷禪師久侍眞如晚居潞山眞如庵忠道

者高其風每叩之一日閱首楞嚴次忠問如我按指海印發光佛意如何曰釋迦老子好與二十棒云爲甚麼如此曰用按指作麼云汝暫舉心塵勞先起又作麼生曰亦是海印發光

雪竇法雅禪師法嗣

衢州元孝慈覺普印禪師泉之晉江許氏子室中問僧父母未生已前在甚麼處行履僧擬對卽打出或曰達磨在你脚下僧擬著亦打出或曰道道僧擬開口復打出

青原第十三世雲門七世

法雲大通善本禪師法嗣

潭州雲峰祖燈志瑯禪師南粵人族陳氏母因雷震而生五歲授書至未知生焉知死悅如夢覺歸以出家告父母未冠爲僧謁大通於雙林一夕登大士殿作禮既而經行於善惡不思中尋卽開悟住雲峰日上堂曰休去歇去一切萬年去寒灰枯木去古廟裏香爐去一條白練去大衆古人見處如日暉空不著二邊豈墮陰界堪嗟後代兒孫多作一色邊會山僧

卽不然不休去不歇去業識忙忙去七顛八倒去十字街頭闊浩浩地聲色裏坐臥去三家村裏盈衢寒路荆棘裏游戲去刀山劍樹劈腹剗心鑊湯爐炭皮穿骨爛去如斯舉唱大似三歲孩兒親繡毬上堂一切聲是佛聲塗毒鼓透入耳朵裏一切色是佛色鐵蒺藜穿過眼睛中好事不如無便下座上堂孟冬薄寒且道寒作何色上堂盡乾坤大地是箇熟鐵團汝等諸人向甚麼處下口良久曰吞不進吐不出上堂瘦竹長松滴翠香流風疏月度炎涼不知誰住原西寺每日鍾聲送夕陽上堂聲色頭上睡眠虎狼羣裏安禪荆棘林內露身雪刃叢中游戲竹影掃塔塵不動月穿潭底水無痕上堂良久曰吾道一以貫之話作兩橛上堂不是風動不是幡動納僧失却鼻孔是風動是幡動分明是箇漆桶兩段不同眼暗耳聾淵水如藍碧山華似火紅上堂僧問如何是西來意曰築著額頭磕著鼻云意旨如何曰驢馱馬載云向上還有事也無曰朝到西天暮歸唐土云謝和尚答話曰大乘研鄧當僧退師乃曰僧

問西來意築著額頭磕著鼻意旨又如何驢馱并馬  
載朝到西天暮歸唐大乘恰似研郎當何故沒量大  
人被語脉裏轉却遂拊掌大笑下座 僧問丹霞燒  
木佛院主爲甚麼眉鬚墮落曰一人傳虛萬人傳實  
云恁麼則不落也曰兩重公案云學人未曉特伸請  
益曰筠袁虔吉頭上插筆 問德山入門便棒意旨  
如何曰束杖理民云臨濟入門便喝又作麼生曰不  
言而化云未審和尚如何爲人曰一刀兩段 問無  
縫鐵門請師一啓曰進前三步云向上無關請師一  
閉曰退後一尋云不開不開又作麼生曰咤咤便打  
問雪峰輓毯意旨如何曰千鈞之弩云禾山打鼓  
又作麼生曰老不歇心

臨安府淨慈寶印楚明禪師百粵人族張氏祝髮後  
謁大通通夢日月並出曉則師至稱楚明上座通陰  
奇之令參堂久而契悟出住淨慈大播祖道左丞蒲  
公宗孟奏以師名 上堂曰若論此事如散鋪寶貝  
亂堆金玉昧已者自甘窮困有眼底信手拈來所以  
道閻浮有大寶見少得還稀若人將獻我成佛一箇

時乃拈拄杖曰如今一時呈似普請大衆高著眼擲  
拄杖下座 上堂祖師道吾本來茲土傳法救迷情  
一華開五葉結果自然成淨慈當時若見恁麼道用  
黑漆拄杖子一棒打殺埋向無陰陽地上令他出氣  
不得何故叵耐他瞞我唐土人衆中莫有爲祖師出  
氣底麼出來和你一時埋却

東京慧林常悟禪師 僧問若不傳法度衆生舉世  
無由報恩者未審傳箇甚麼法曰開宗明義章第一  
問達磨未來時如何曰省得草鞋錢云來後如何曰  
重疊關山路

眞州長蘆祖照道和禪師與化仙游人族潘氏少警  
敏博學從伯父往京師累舉不第遂師天清釋迦院  
德璋以資 慈聖光獻皇后恩例得度登具謁淨因  
臻圓通秀秀謝世適大通繼居師就參之一日以磻  
黃續火釋然契悟籌室一鎖四衆雲趨 上堂曰一  
二三四五六碧眼胡僧數不足泥牛入海過新羅木  
馬迎風到天竺天竺茫茫何處尋補陀巖上問觀音  
普賢拍手呵呵笑歸去去兮秋水深 上堂觀身實

相觀佛亦然這裏見得黃面瞿曇隱身無地其或渺漫不分照顧眉毛鼻孔 上堂良久曰還會麼大施門開便請單刀直入寶所在近莫教空手而回三十年後自看記敗睦州道底 上堂欲渡巨海必假方舟櫓棹俱全風帆兩便夜觀星月晝視雲山萬里之遙一瞬可到莫有洗脚上船底麼遂曰人心盡畏波濤險未必波濤險似心 僧問無遮聖會還有不到者麼曰有云誰是不到者曰金剛脚下鐵崑崙 問不許夜行投明須到意旨如何曰羊頭車子推明月云便恁麼去時如何曰鐵門路險 問教外別傳未審傳箇甚麼曰鐵彈子 問一槌兩當時如何曰踏藕得魚歸 問百城游罷時如何曰前頭更有趙州關宣和六年八月七日書偈端坐而化茶毗得舍利五采合靈骨塔於摩尼峰下壽六十八臘四十五湖州道場有規禪師婺之金華人族姜氏幼有逸才自薙髮趨師席後徹證於大通 上堂曰種田搏飯地藏家風客來喫茶趙州禮度且道護聖門下別有甚麼長處良久曰尋常不放山泉出屋底清池冷照

人 上堂拈拄杖曰還見麼窮諸玄辯若一毫置於太虛揭世樞機似一滴投於巨壑德山老人雖則焚其疏鈔也是賊過後張弓且道文彩未彰以前又作麼生理論三千劍客今何在獨許莊周致太平 化士出問促裝已辨乞師一言曰好看前路事莫比在家時云恁麼則三家村裏十字街頭等箇人去也曰照顧打失布袋 湖州道場顓禪師 上堂曰世尊按指海印發光遂拈拄杖曰莫妄想便下座有僧登五鳳樓冥坐數日光燄透戶師聞曳杖往扣之僧舉目師以杖擊之遂出寺 鄭州資福寶月法明禪師 上堂曰若論此事譬如伐樹得根灸病得穴若也得根豈在千枝徧所若也得穴不假六分全燒遂卓拄杖曰這箇是根那箇是穴擲下拄杖曰這箇是穴又喚甚麼作根咄是何言歟

福州雪峰妙湛思慧禪師錢塘人族俞氏俞氏方貴且富師抗志慕出家爲童子大通見之與語如流卽

與染削讀圓覺至知幻即離不作方便離幻即覺亦無漸次豁然自契求證於通通曰汝試向未開口時道一句來師震威一喝而出通大笑於是道聲藹著次謁真淨淨一見知非凡材留三年力烹煉之因歸禮大通則曰未始有異也第人各行之耳故道俗爭挽出住雪川道場法席不減二本之盛繼從徑山淨慈詔居京師智海又移補顯親黃檗雪峰上堂曰一法若通萬緣方透拈拄杖曰這裏悟了提起拄杖海上橫行若到雲居山頭爲我傳語雪峰和尚咄上堂布大教網擺人天魚護聖不似老胡拖泥帶水只是見兔放鷹遇鶩發箭乃高聲召衆曰中上堂昔日藥山早暮不參動經旬月一日大衆集藥山便掩却方丈諸禪德彼時佛法早自淡薄論來猶較些子如今每日鳴鼓陞堂切切怛怛地問者口似紡車答者舌如霹靂總似今日靈山慧命殆若懸絲少室家風危如疊卵又安得箇慨然有志扶豎宗乘底衲子出來喝散大衆非唯耳邊靜辨當使正法久住豈不偉哉如或捧上不成山僧到行此令以拄杖一

◆井當作井

時趣退上堂眼睫橫亘十方眉毛上透青天天下徹黃泉且道鼻孔在甚麼處良久曰割上堂妙高山頂雲海茫茫少室岩前雪霜凜凜齊腰獨立徒自苦疲七日不逢一場懽懽別峰相見落在半途隻履西歸遠之遠矣卓拄杖下座上堂大道只在目前要且目前難觀欲識大道真體今朝二月十五不勞久立建炎改元上堂天地之大德曰生聖人之大寶曰位今上皇帝踐登寶位萬國歸仁艸木禽魚咸被其德此猶是聖主應世邊事王宮降誕已前一句天下人摸索不著上堂一切法無差雲門胡餅趙州茶黃鶴樓中吹玉笛江城五月落梅華慚愧太原孚上座五更聞鼓角天曉弄琵琶喝一喝下座上堂南詢諸友踏破艸鞋絕學無爲坐消日月凡情易脫聖解難忘但有纖毫皆成滲漏可中爲道似地擎山應物現形如驢覷并縱無計較途轍已成若論相應轉沒交涉勉諸仁者莫錯用心各自歸堂更求何事僧問古殿無燈時如何曰東壁打西壁云怎麼則撞著露柱也曰未敢相許問九夏賞勞即不問



從今向去事如何曰光剃頭淨洗鉢云謝師指示曰  
滴水難消師住持四十餘年所至衲子不下萬指未  
嘗干謁而檀信嚮風紹興甲子罷寺居東庵明年秋  
絕食清坐出二指示門人曰更兩日在至期易衣儼  
然而逝時七月甲寅也壽七十五塔全身於東庵  
臨安府上天竺慈辯從諫講師處之松陽人也具大  
知見聲播講叢於止觀深有所契每與禪衲游嘗以  
道力扣大通通一日作書寄之諫發緘觀黑白二圓  
相乃悟答偈曰黑相白相擔枷過狀了不了兮無風  
起浪若問究竟事一作相如何洞庭山在太湖上後拈  
香嗣之

金山法印寧禪師法嗣

吉州禾山用安禪師 僧問蓮華未出水時如何曰  
魚挨鼈倚云出水後如何曰水仙頭山戴好手絕躋  
攀云出與未出時如何曰應是乾坤惜不教容易看  
甘露傳祖仲宣禪師法嗣

平江府妙湛尼慈鑑大師文照溫陵人族董氏十七  
得度徧述祖闡獲證甘露郡守陳公師錫聞其名命

中輪駁論次

居妙湛後五遷道場皆革律為禪吳中尼剎禪林寔  
始於照也太宰鄭公居仁奏 賜號并紫方袍 上  
堂曰靈源不動妙體何依歷歷孤明是誰光彩若道  
真如實際大似好肉剜瘡更作祖意商量正是迷頭  
認影老胡四十九年說夢即且止僧堂裏儼陳如上  
座爲你諸人舉覺底還記得麼良久曰惜取眉毛好  
瑞巖有居禪師法嗣

台州萬年處幽禪師 上堂曰先聖行不到處凡流  
拾到凡流既到先聖莫知到與不到知與不知總置  
之一壁只如僧問乾峰十方薄伽梵一路涅槃門未  
審路頭在甚麼處峰以拄杖一畫曰在這裏且道此  
老與他先聖凡流相去幾何南山虎藪石羊兒須向  
其中識生死

淨因佛日岳禪師法嗣

福州鼓山禪鑒體淳禪師 上堂曰養由弓矢不射  
田蛙任氏絲輪要投溟渤發則穿楊破的得則脩鯨  
巨鼈隻箭既入重城長竿豈釣淺水而今莫有吞鉤  
蟹鐵底麼若無山僧卷起絲輪拗折弓箭去也擲拄

杖下座

本覺法眞守一禪師法嗣

台州天台如庵主久依法眞因看雲門東山水上行語發明已見歸隱故山侶猿鹿五馬聞其風遣使逼令住持如作偈曰三十年來住此山郡符何事到林間休將瑣瑣塵寰事換我一生閑又閑遂焚其廬竟不知所止

平江府西竺尼法海寶文呂嘉之姑也首參法雲秀禪師後領旨於法眞言下諸名儒屢挽應世堅不從徂日說偈曰霜天雲結霧山月冷涵輝夜接故鄉信曉行人不知屈明坐脫

嘉泰普燈錄卷第八

音釋

疏音疎	潛音刪	愕五各切	胎與之切
漚下沒切	臍音突	兜徐婢切	羣音羣又音導
穠音農	晉自秋切	研音訝	颯昨胡切

嘉泰普燈錄卷第九

平江府報恩光孝禪寺臣僧 正受 編

青原第十三世雲門七世

投子證悟脩顯禪師法嗣

鄧州香嚴海印智月禪師不知何許人也久參證悟深達法源自京師出居穎之薦福紹聖三年移香嚴上堂曰判府吏部此日命山僧開堂祝 聖紹續祖燈只如祖燈作麼生續不見古者道六街鍾鼓響寥寥即處鋪金世界中池長菱荷庭長栢更將何法演眞宗恁麼說話也是事不獲已有旁不肯底出來把山僧拽下禪床痛打一頓許伊是箇本分衲僧若未有這箇作家手脚切不得草草匆匆勘得脚跟下不實頭沒去處卻須倒喫薦福手中鐮柄莫言不道僧問法雷已震選佛場開不昧宗乘請師直指曰三月三日時千華萬華拆云普天匝地承恩力覺苑仙葩一夜開曰切忌隨他去

金山智覺法慧禪師法嗣

常州報恩寶月覺然禪師越之嵎縣鄭氏子 上堂

曰學者無事空言須求妙悟去妙悟而事空言其猶  
逐臭耳然雖如是罕逢穿耳客多遇刻舟人紹興六  
年五月日誠其徒曰世緣易染道業難辦汝等勉之  
語卒而逝

長蘆淨照崇信禪師法嗣

東京慧林慈受懷深禪師壽春六安人族夏氏生而  
鮮光現舍父殊行堅禪師遙見疑火也詰且知師始  
生堅歎曰非凡兒往訪之師見堅輒笑母張氏許出  
家十四割愛冠祝髮後四年訪道方外崇寧初往嘉  
禾依淨照資聖照學良遂見麻谷因緣問曰如何  
是良遂知處師即洞明照徙長蘆命首衆政和初儀  
真守吏部季公益以城南資福邀師履滿戶外蔣山  
佛鑑慙禪師渡江行化見之茶退師引巡察至千人  
街坊鑑問既是千人街坊爲甚麼只有一人師曰多  
虛不如少實鑑曰恁麼那師被然偶朝廷以資福  
爲神霄宮因棄往蔣山留西庵陳請益鑑曰資福知  
是般事便休曰其實未穩望和尚不外鑑舉倩女離  
魂話反覆窮之大豁疑礙呈偈曰只是舊時行李處

等閑舉著便殺訛夜來一陣狂風起吹落桃華知幾  
多鑑拈几曰這底豈不是活祖師意未幾被旨居  
焦山閱四稔詔住慧林靖康改元勾歸不聽秋再  
辭乃允徑之天台石橋尋徙靈巖久之勅補蔣  
山未數月退居洞庭之包山復應王氏請爲圓覺第  
一祖上堂曰不是境亦非心喚作佛時也陸沉箇  
中本自無階級切忌無階級處尋總不尋過猶深打  
破雲門飯袋子方知赤土是黃金上堂古者道忍  
忍三世如來從此盡饒饒萬禍千殃從此消默默無  
上菩提從此得師曰會得此三種語了好箇不快活  
漢山僧只是得人一牛還人一馬潑水相唾插觥斝  
罵卓拄杖曰平出平出上堂雲自何山起風從甚  
淵生好箇入頭處官路少人行上堂昔有人獲一  
塊鐵鑄作一座方響人聞之便生逸樂之情謂之樂  
器後將方響打作一口磬人聞之便生善此後因人  
從軍却將磬鑄成一口劍人見之便生驚怖更後時  
又將劍鑄成一尊佛人見之便生歸向諸仁者大都  
只是一塊鐵因甚麼起得許多驚喜善惡之念試思

之 僧問甚麼人不被無常吞曰只恐他無下口處云恁麼則一念通玄箭三尸鬼失釵也曰汝有一念定被他吞了云無一念時如何曰捉著闍梨 問知有道不得時如何曰啞子喫蜜云道得不知有時如何曰鸚鵡喚人僧禮拜師叱曰這傳語漢 問如何是佛曰面黃不是真金貼云如何是佛向上事曰一箭一蓮華僧作禮師彈指三下紹興二年四月望爲衆小參僧問末後句師良久曰後五日看至二十日果示微疾竟爾告終壽五十六臘三十六火浴戒體光分五色獲設利者無數竹石草木煙所及處累累如綴珠穴土爲坑隨鑊亦有之分靈骨塔于包山之顯慶思溪之圓覺

平江府光孝證悟如瑣禪師建寧魏氏子 開堂曰僧問如何是蘇臺境曰山橫師子秀水接太湖清云如何是境中人曰衣冠皇宋後禮樂大周前師凡見僧必問曰近日如何僧擬對卽拊其背曰不可思議及將示寂衆集復曰不可思議乃合掌而終紹興府天衣如哲禪師族里未詳自退席寓平江之

萬壽飲啖無擇人多侮之有以瑞岩喚主人公語問者師答以偈曰瑞巖長喚主人公突出須彌最上峰大地掀翻無覓處笙歌一曲畫樓中一日曰吾行矣令拂拭所乘筇輿乃書偈告衆曰道在用處用在死處時人只管貪歡樂不肯學無爲叙平昔參問勉衆進修已忽豎起拳曰諸人且道這箇落在甚麼處衆無對師揮案一下曰一齊分付與秋風送入輿中端坐而逝實紹興庚辰八月二十三日也火葬日闍郡捧香薪送者擁道師蛻身搖動咸謂其復生婺州智者法銓禪師 上堂曰要扣玄關須是有節操極慷慨斬得釘截得鐵硬剝剝地漢始得若是隄刀避箭碌碌之徒看卽有分以拂子擊禪床下座臨安府徑山妙空智訥禪師 僧問牛頭未見四祖時是何日坐久成勞云見後如何曰不妨我東行西行

#### 保寧覺印子英禪師法嗣

臨安府鹽官廣福惟尙禪師自幼南詢至泗州依覺印於普照一日請方丈問云南泉斬貓兒意旨如何

曰須是南泉始得印。卽以前語詰之。師不能對。至僧堂忽大悟。曰古人道。從今日去。更不疑天下老和尚。舌頭信有之矣。述偈呈印。曰須是南泉第一機。不知不覺。薰頭雖覷面。若無青白眼。還如鸛鷀守空池。舉未絕印。豎拳曰。正當恁麼時。作麼生。師掀倒禪床。印遂喝。師曰。賊過後張弓。便出住。廣福曰。室中問僧提起來作麼會。又曰。且道是箇甚麼。要人提起。餘語未見

慶元府雪竇法寧禪師。衢之西安人族社氏父母。禱金華聖者。一夕夢梵僧入家。乃生。弱冠祝髮。志慕游歷。因閱趙州語。默契心源。及見覺印言。其所得印。特稱之後。入坐道場。上堂曰。百川異流。以海爲極。森羅萬象。以空爲極。四聖六凡。以佛爲極。明眼衲僧。以拄杖子爲極。且道拄杖子以何爲極。有人道得。山僧兩手分付。儻或未然。不知閑倚禪床畔。留與兒孫指路頭。

甘露德順禪師法嗣

楊州光孝元禪師。僧問如何是和尙家風。曰。七顛八倒。云。忽遇客來如何祇待。曰。生鐵蒺藜。劈口壓。

法雲佛國惟白禪師法嗣

東京慧林月印惠海禪師。初住湯泉。上堂曰。黃金地上具眼者。未肯安居荊棘林。中本分底。留伊不得。只如去此二途。作麼生。是衲僧行履處。良久曰。舉頭煙靄裏。依約見家山。上堂。願眎大眾。拍禪床一下。曰。聊表不空。便下座。僧問。師唱誰家曲。宗風嗣阿誰。曰。黃金地上玉樓臺。云。如何是祖師西來意。曰。三月洛陽人戴華。

楊州建隆原禪師。姑蘇洞庭人族。夏氏初得法於甘露禪師。後機契於佛國。以步武高妙。侍國入禁中。陞座問答。稱旨。賜金襴伽梨。自京回。蔣山值佛鑑上堂。師出問。如何是蔣山境。鑑抗聲曰。你次第問我。境中人耶。師便禮拜。歸衆。鑑大喜。端明蔡公襄請開法建隆。後住洞庭翠峰。上堂。拈拄杖曰。買帽相頭。依樣畫。從他野老自顰眉。誌公不是閑和尚。卓拄杖下座。上堂。舉僧問。鏡清明教新年佛法有無。師曰。新年景物漸舒蘇。佛法徒勞論有無。得失是非都喪却。波斯鼻孔自來麤。僧問。大覺世尊昔於波。



羅奈國轉四諦法輪建隆今日開堂未審轉那箇法輪曰千江同一月萬戶盡逢春云法輪轉處達者皆知旂檀燕時香風匝地曰寒山拈掌拾得呵呵

開先心印智珣禪師法嗣

廬山開先宗禪師 上堂曰一不做二不休振轉鼻孔捺下雲頭禾山解打鹽官鼓僧繇不寫戴嵩牛廬陵米投子油雪峰依舊輓雙毬夜來風送衡陽信寒鴈一聲霜月幽

元豐惠圓清滿禪師法嗣

福州雪峰圓覺宗演禪師恩州人也 上堂曰道箇直下便會早是枝生節外更若舉古明今笑殺德山臨濟薦拈拄杖召衆曰月道德山臨濟有甚麼長處卓一卓喝一喝曰曾經大海休誇水除却須彌不是山 上堂遣迷求悟不知迷是悟之鉗鎚愛聖憎凡不知凡是聖之爐鞴只如聖凡雙泯迷悟俱忘一句作麼生道半夜彩霞籠玉像天明峰頂五雲遮 僧問不慕諸聖不重已靈時如何曰款出囚口云便恁麼會去時如何曰換手推胃 問如何是大善知識

心曰十字街頭片瓦子 辭衆曰僧問如何是臨岐一句曰有馬騎馬無馬步行云途中事作麼生曰賤避貴

雪竇道榮禪師法嗣

福州雪峰大智禪師 僧問如何是祖師西來意師銜拂柄示之僧云此是香巖底和尚又作麼生師便喝僧大笑師叱曰這野狐精

夾山自齡禪師法嗣

潭州石霜法聰禪師 僧問如何是君王劒曰四塞輪降款梯山入貢來云如何是諸侯劒曰瞻之仰之云如何是百官劒曰四海煙塵淨六合一家昌云如何是和尙劒曰理長即就

育王真戒曇振禪師法嗣

慶元府岳林真禪師 上堂曰古人道初秋夏末合有貴情三十棒岳林則不然靈山會上世尊拈華迦葉微笑正當恁麼時好與三十棒何故如此太平時節蠶起千戈教人吹大法螺擊大法鼓舉步則金蓮蹉躑端居則寶座巍峩梵王引之於前香華繚繞帝

釋隨之於後龍象駢羅致令後代兒孫遞相做數三  
三兩兩皆言出格風標劫劫波波未肯歸家穩坐鼓  
唇搖舌宛如鐘磬笙竿奮臂點眉何啻稻麻竹葦更  
逞游山翫水撥草瞻風人前說得石點頭天上飛來  
華撲地也好與三十棒且道坐夏賞勞如何酬獎良  
久曰萬寶功成何厚薄千鈞價重自低昂

招提廣燈惟湛禪師法嗣

嘉興府華亭觀音禪師

遺其

僧問如何是佛曰半

夜烏龜火裏行云意作麼生曰虛空無背面僧禮拜  
師使打

青原第十三世

洞山九世

丹霞子淳禪師法嗣

眞州長蘆眞歇清了禪師左綿安昌人族雍氏襁褓  
入寺見佛喜動眉睫咸異之年十一依聖果清俊歷  
七稔試法華得度往成都大慈習經論領大意出蜀  
至河漢扣丹霞入室次霞問如何是空劫時自己師  
擬對霞曰你闕在且去一日登鉢孟峰豁契悟徑歸  
見霞方侍立次霞掌曰將謂你知有師欣然拜之翌

日霞上堂曰日照孤峰翠月臨溪水寒祖師玄妙訣  
莫向寸心安便下座師直前云今日陞座更瞞某不  
得也霞曰你試舉我今日陞座看師良久霞曰將謂  
你瞞地師便出後游五臺之京師浮汴抵長蘆謁祖  
照禪師一語契投命爲侍者踰年分座宣和三年照  
稱疾退院四年秋經制陳公璋請師繼席諸子憧憧  
堂盈千七百衆建炎末自儀真游四明之補怛洛迦  
山又之丹丘天峰受闔中象骨請紹興初勅住育  
王從溫之龍翔禪其律居移徑山及崇先新寺上  
堂曰我於先師一堂下伎倆俱盡竟箇開口處不可  
得如今還有恁麼快活不徹底漢麼若無銜鐵負鞍  
各自著便上堂鹽決定鹹醋決定酸大家知有這  
滋味因甚麼却喚作割茅刈草底人還知他家未穩  
處麼不行尊貴路爭踏上頭關上堂久默斯要  
不務速說釋迦老子待要款曲賣弄爭奈未出母胎已  
被人覷破且道覷破箇甚麼瞞雪峰不得上堂上  
孤峰頂過獨木橋驀直恁麼行猶是時人脚高脚低  
處若見得徹不出戶身偏十方未入門常在屋裏其

或未然越涼般取一轉柴 上堂天曉濃霜白依然  
境未分出門無所辨華鳥寂無聞正恁麼時作麼生  
是虛不墮位要須擊起冰河焰莫使凝然凍不回  
上堂道得第一句不被拄杖子瞞識得拄杖子猶是  
途路中事作麼生是到地頭一句 上堂處處覓不  
得只有一處不覓自得且道是那箇一處良久曰賊  
身已露 上堂口邊白醜去始得入門通身紅爛去  
方知有門裏事更須知有不出門底復曰喚甚麼作  
門僧問三世諸佛向火燄裏轉大法輪還端的也無  
師大笑曰我却疑著云和尚爲甚麼却疑著曰野華  
香滿路幽鳥不知春 問不落風彩還許轉身也無  
曰石人行處不同功云向上事作麼生曰妙在一漚  
前豈容千聖眼僧禮拜師曰卽恐不恁麼 問不求  
諸聖不重已靈時如何曰古鏡臺前荒草秀云便恁  
麼去時如何曰金烏銜片玉二十一年九月壬子  
慈寧皇太后幸寺 命開堂垂箔聽法 賜金襴銀  
帛等月末示疾十月旦 太后遣中使宣醫候問從  
容而別卽加趺而逝龕留七日 太后降香錫金以

脩齋祭塔全身于院西挑華塢壽六十四臘四十五  
二十三年秋 謚曰悟空塔名淨照  
慶元府天童宏智正覺禪師隰之隰川人族李氏母  
夢五臺一僧解環與環其右臂乃孕遂齋戒及生師  
右臂特起若環狀七歲日誦千言祖寂父宗道久參  
佛陀遜禪師遜嘗指師謂其父曰此子道韻勝甚非  
塵埃中人苟出家必爲法器十一得度於淨明本宗  
十四具戒逾三年渡河之洛坐夏少室秋至香山謁  
枯木成禪師染指法味卽造丹霞問如何是空劫  
已前自己云井底蝦蟆吞却月三更不借夜明簾曰  
未在更道師擬議霞打一拂子曰又道不借師於言  
下釋然作禮霞曰何不道取一句云某今日失錢遭  
罪霞曰未暇打得你且去時年二十三霞領大洪師掌棧  
記宣和三年命首衆得法者已數人四年過圓通時  
眞歇初住長蘆遣僧邀至衆出迎見其衣鳥穿弊且  
易之眞歇俾侍者易以新履師却曰吾爲鞋來耶衆  
聞心服懇求說法居第一座六年出住泗之普照次  
補太平圓通能仁及長蘆天童而天童屋廬湫隘師

至創闢一新衲子爭集萬指餘 上堂曰黃閣簾垂

難傳家信紫羅帳合暗撒眞珠正恁麼時視聽有所

不到言詮有所不及如何通得箇消息去夢回夜色

依稀曉笑指家風爛慢春 上堂心不能緣口不能

議直須退步荷擔切忌當頭觸諱風月寒清古渡頭

夜船撥轉琉璃地 上堂空劫有眞宗聲前問已躬

赤窮新活計清白舊家風的三乘外寥寥一印中

却來行異類萬派自朝東 上堂句裏明宗則易宗

中辨白則難良久曰還會麼凍雞未報家林曉隱隱

行人過雪山 上堂今日是釋迦老子降誕之辰長

蘆不解說禪與諸人畫箇樣子只如在摩耶胎時作

麼生以拂子畫此●相曰只如以清淨水浴金色身

時又作麼生復畫此●相曰只如周行七步目顧四

方指天指地成道說法神通變化智慧辯才四十九

年三百餘會說青道黃指東畫西入般涅槃時又作

麼生乃盡此●相復曰若是具眼衲僧必也相許其

或未然一一歷過始得 僧問如何是向去底人曰

白雲投壑盡青嶂倚空高云如何是却來底人曰滿

頭白髮離岩谷半夜穿雲入市酈云如何是不來去

底人曰石女喚回三界夢木人坐斷六門機 問一

絲不著時如何曰合同船子並頭行云其中事作麼

生曰快刀快斧斫不入 問布袋頭開時如何曰一

任填溝塞壑 問清虛之理畢竟無身時如何曰文

彩未痕初消息難傳際云一步密移千聖外通身放

下劫盡空曰誕生就父時合體無遺照云理既如是

事又作麼生曰歷歷纔回通化事十方機應又何妨

云恁麼則塵塵皆現本來身去也曰透一切色超一

切心云如理如事又作麼生曰路逢死地莫打殺無

底籃子盛將歸云入市能長嘯歸家著短衫曰木人

嶺上歌石女溪邊舞師住持以來受無貪而施無厭

歲艱食竭已有及贍衆之餘賴全活者數萬日常過

午不食紹興丁丑九月謁郡僚及檀度次謁越師趙

公令謁與之別十月七日還山翌日辰已間沐浴更

衣端坐告衆願侍僧索筆作書遺育王大慧禪師請

主後事仍書偈曰夢幻空華六十七年白鳥煙沒秋

水天連擲筆而逝龕留七日顏貌如生爪髮漸長奉

水天連擲筆而逝龕留七日顏貌如生爪髮漸長奉

全軀塔于東谷僧臘五十有三其生前所遺髮齒設  
利綴之如珠或髮貫其中至今以誠心求者必得戊  
寅春 盜宏智塔妙光

隨州大洪慧照慶預禪師 上堂曰進一步踐他國  
王水草退一步踏他祖父田園不進不退正在死水  
中還有出身之路也無蕭騷晚籟松釵短游漾春風  
柳線長 上堂舉船子囑夾山云直須藏身處無蹤  
跡無蹤跡處莫藏身吾在藥山三十年只明此事今  
時人爲甚麼却造次丹山無彩鳳寶殿不留冠有時  
慙有時癡非我途中爭得知

處州治平隅禪師 上堂曰優游實際妙明家轉步  
移身指落霞無限白雲猶不見夜乘明月出蘆華

焦山枯木法成禪師法嗣

太平州吉祥法宣禪師 上堂曰離四句絕百非德  
山棒猶鈍臨濟喝還遲七佛已前消息子相逢何待  
更揚眉諸仁者若作無事商量正落闌提群隊若作  
佛法領解又是特地新條而今直須撥開向上一竅  
坐斷千聖舌頭運出自已家珍始有衲僧巴鼻儻不

如是滿口嚼冰霜逢人向誰說 僧問如何是祖師  
西來意曰久旱無甘雨田中稻穗枯云意旨如何曰  
今年米價貴容易莫嫌鹽

台州天封子歸禪師 上堂以拄杖卓一下召大衆  
曰八萬四千法門八字打開了也見得麼金鳳夜棲  
無影樹峰巒縹緲露海雲遮 上堂天封一語時時直  
與莫挂胷襟切須記取

台州護國守昌禪師 上堂拈拄杖卓曰三十六旬  
之開始七十二候之起元萬拜迎和氣之時東帝布  
生成之令直得天垂瑞彩地雍貞祥微微細雨洗寒  
空淡淡春光籠野色可謂應時納祐慶無不宜盡大  
地人皆添一歲敢問諸人且道那一人年多少良久  
曰千歲老兒顏似玉萬年童子鬢如絲

鄞州丹霞普月禪師初住汝州寶應次遷丹霞 上  
堂曰威音已前誰當辨的然燈而後孰是知音直饒  
那畔承當未免打作兩橛縱向這邊行履也應未得  
十全良由杜口毗耶已是天機漏洩任使掩室摩竭  
終須縫罅離披休云體露真常直是純清絕點說甚



皮膚脫落自然獨運孤明雖然似此新鮮未稱衲僧意氣直得五眼齊開三元洞啓從此竿頭絲線自然不犯波瀾須明轉位回機方解入鄺垂手所以道任使板窗生毛莫教眼睛顧著認著則空花線亂言之則語路參差既然如是敢問諸人不犯鋒鉞一句又且如何道得良久曰半夜烏龜眼豁開萬象曉來都一色

東京妙慧尼淨智大師慧光宣和三年春勅住妙慧上堂舉趙州勘婆話乃曰趙州舌頭連天老婆眉光覆地分明勘破歸來無限平人瞋瞎

石門元易禪師法嗣

吉州青原齊禪師長樂人族陳氏年二十八辭父兄從雲蓋智禪師出家執事首座寮座一日秉拂罷師前曰某竊聞首座所說莫曉其義伏望慈悲指示座諄諄誘之使究無著說這箇法踰兩日有省以偈呈曰說法無如這箇親十方刹海一微塵若能於此明眞理大地何曾見一人座駭然因語智得度徧扣諸方後至石門深蒙器可出住青原僅十二年示寂日

十疑子

樂經業

說偈遺衆曰昨夜三更過急灘灘頭雲霧黑漫漫一條拄杖爲知已擊碎十關與萬關紹興府天衣法聰禪師上堂曰幽室寒燈不假挑虛空明月徹雲霄要知日用常無間烈焰光中發異苗裝普賢大士開光明次師登梯乘筆顧大衆曰道得卽爲下筆衆無對師召侍者曰與老僧牢扶梯子遂點之

遂寧府香山尼佛通大師遺其名因誦蓮經有省往見

石門乃曰成都喫不得也遂寧喫不得也門拈拄杖打出通忽悟曰榮者自榮謝者自謝秋露春風好不著便門拂袖歸方丈尼亦不顧而出由此道俗景從得法者衆

淨因自覺禪師法嗣

東京華嚴眞懿慧蘭禪師上堂曰達磨大士九年面壁未開口已前不妨令人疑著却被神光座主一觀脚手忙亂便道吾本來茲土傳法救迷情一華開五葉結果自然成當時若有箇漢腦後有照破古今底眼目手中有截斷虚空底鉗鎚纔見道便與鶩舂

擲住一華五葉且拈放一邊作麼生是傳底法待伊開口便與掀倒禪床直饒達磨全機也倒退三千里免見千古之下負累兒孫慧嚴今日豈可徒然非唯重整顏綱且要爲諸人雪屈遂拈拄杖橫按召大衆曰達磨大師向甚麼去也擲拄杖下座 中秋雨下上堂家家啓戶待嬋娟豈謂風雲翳碧天以手打一圓相曰賴得箇中消息在團圓不動照三千上堂拈拄杖曰靈山會上喚作拈華少室峰前名爲得髓從上古德只可傍觀末代宗師盡皆拱手華嚴今日不可逐浪隨波擬向萬仞峰前點出普天春色會麼觸骸無喜識枯木有龍吟

天寧禧誦禪師法嗣

西京熊耳慈禪師 上堂曰般若無知應緣而照山僧今日撒屎撒尿這邊放那邊屙東山西嶺笑呵呵幸然一片清涼地剛被熊峰染汙他染汙他莫嗽嗽泥牛木馬盡呵叱過犯彌天且莫論再得清明又何日還會麼來年更有新條在惱亂春風卒未休

寶峰闍提惟照禪師法嗣

江州圓通青谷眞際德止禪師金紫徐公閩中之季子也世居歷陽師雙瞳紺碧神光射人十歲未知書多喜睡其父目爲憊然子暨成童強記過人學文有奇語彩冠夢異僧授四句偈已而有以南安岩主像遺之者卽傍所載聰明偈自是持念不忘後五年隨金紫將漕西洛一夕忽大悟連作數偈一日不因言句不因人不因物色不因聲夜半吹燈方就枕忽然這裏已天明時闍提主招提寺已與往來一日詣寺提望見拊掌笑曰曹洞之宗賴子振矣師嘯歌自若衆莫測之乃力求出家父弗許欲以官授之曰某方將脫世網不著三界豈復刺頭於利名中耶請移授須兄王遂祝髮受具未數載名振京師宣和三年春徽宗皇帝特賜號眞際俾居圓通 上堂曰山僧二十年前兩目雙盲了無所覩唯是聞人說道青天之上有大日輪照三千大千世界無有不徧之處籌策萬端終不能見二十年後眼光漸開又值天色連陰濃雲亂湧四方觀察上下推窮見雲行時便於行處作計較見雲住時便於住處立箇窠臼正如是罰

忽遇著箇多知漢問道莫是要見日輪麼何不向高山頂上去山僧却徵他道那裏是高山頂上他道紅塵不到處是諸仁者好箇端的消息還會麼長連床上佛陀耶上堂昨夜黃面瞿曇將三千大千世界來一口吞盡如人飲湯水蹤跡不留應時消散當爾時諸大菩薩聲聞羅漢及與一切衆生盡皆不覺不知唯有文殊普賢瞥然覩見雖然得見渺渺茫茫恰似向大洋海裏頭出頭沒相似諸人且道是甚麼消息若也檢點得破許他頂門上具一隻眼紹興乙亥夏某月五日有異議次日泊然示寂闍維煙氣所及悉成設利塔司空山又分空疊石原壽五十六臘三十二其偈頌流行者幾數百篇

台州真如道會禪師上堂曰空劫中事自肯承當日用全彰有何滲漏正好歸家穩坐任他雪覆青山不留元字挂懷誰顧波翻水面且道正不立玄偏不附物一句如何舉似機絲不挂梭頭事文彩縱橫意自殊

與國軍智通大死翁景深禪師台之仙居人族王氏

自幼不羣年十八依廣度院德芝披削始謁淨慈象禪師一日曰思而知慮而解皆鬼家活計與不自退聞寶峰名尊當世往求入室峰曰直須斷起滅念向空劫已前掃除立路不涉正偏盡却今時全身放下放盡還放方有自由分師聞頓領歎旨峰擊鼓告衆曰深得闡提大死之道後學宜依之因號大死翁建炎改元開法智通上堂曰來不入門去不出戶來去無痕如何提唱直得古路苔封羈羊絕迹蒼梧月鏤丹鳳不棲所以道藏身處沒蹤跡沒蹤跡處莫藏身若能如是去住無依了無向背還委悉麼而今分散如雲鶴爾我相忘觸處立上堂火裏靈苗秀無根偏界生諸人如體悉千里共途行若也未然放出連天荆棘直教大地崢嶸僧問如何是大死翁道曰不落正偏圓云如何是大死翁德曰深山藏不得獨露有乖疎問如何是正中偏曰黑面老婆披白練云如何是偏中正曰白頭翁子著皂衫云如何是正中來曰屎裏翻筋斗云如何是兼中至曰雪刃籠身不自復云如何是兼中到曰崑崙夜裏行云向上

還有事也無曰捉得烏龜喚作鼈云乞師再垂方便  
曰入山逢虎臥出谷鬼來牽云何得干戈相待曰三  
兩綫一斤麻紹興初歸住寶藏岩以事民其服至壬  
申二月示微恙乃曰世緣盡矣三月十三留兄滋家  
寫遺書別道舊隣里爲衆小參仍說偈曰不用剃頭  
何須澡浴一堆紅焰千足萬足雖然如是且道向上  
還有事也無遂歛目而逝世壽六十有三坐夏四十  
有五

衡州華藥智朋禪師四明人族黃氏未冠爲僧依寶  
峰有年無省因爲衆持鉢峰自題其像曰雨洗淡紅  
桃萼嫩風搖淺碧柳絲輕白雲影裏怪石露流水光  
中古木清噫憫是何人師卽禮辭持以還浙至南徐  
焦山展挂次枯木成禪師見之歎曰今日方知此老  
親見先師來師聞卽契悟有本小異遂曰元來恁麼地成  
曰汝作麼生會師曰春生夏長秋收冬藏成曰直須  
保任師應喏紹興初出住華藥次遷清涼上堂曰  
海風吹夢嶺猿啼月敢問諸人是何時節恁麼會得  
無影樹下任遨遊其或未然三條椽下直須打徹後

退居四明之瑞岩建康帥再以清涼挽之明守亦勉  
其行師不從作偈送使者曰相煩專使入煙霞灰冷  
無湯不點茶寄語甬東賢太守雖教枯木再生華未  
幾終於端岩

衡州烏巨癡憨如懿禪師上堂曰至道休存佛祖  
言更須放下莫論禪未彰文彩全提妙暗裏展明徹  
底圓

### 大洪智禪師法嗣

紹興府天章樞禪師上堂召大衆曰春將至歲已  
暮思量古往今來只是箇般調度凝眸昔日家風下  
足舊將岐路勸君休莫莽鹵貶上眉毛須薦取東村  
王老笑呵呵此道今人棄如土

### 大洪淨嚴守遂禪師法嗣

隨州大洪慶顯禪師僧問須菩提岩中宴坐帝釋  
雨華和尚新據洪峰有何祥瑞曰鐵牛耕破扶桑國  
迸出金烏照海門云未審是何宗旨曰熨斗煎茶餤  
不同

嘉泰普燈錄卷第九

音釋

誦音普 嶠音盛 釜音父 蹀蘇協切

蹀徒篋切 沔音緬 懂音衝 信禹救切

隱音習 湫在九切 諤音良 憊武巨切

甬音乏音勇耳割

嘉泰普燈錄卷第十

平江府報恩光孝禪寺臣僧 正愛 編

南嶽第十四世臨濟三世黃龍三世

泐潭應乾禪師法嗣

楚州勝因咸靜禪師郡之山陽人族高氏甫冠落髮受具游講肆慨然曰義學豈吾事哉乃去謁名宿晚契悟於泐潭望重江湖凡三董名利住勝因日嘗臨池爲堂以燕息名曰戲魚故叢林雅以稱焉 上堂曰游徧天下當知寸步不曾移歷盡門庭家家竈底少煙不得所以肩笻屨乘輿而行掣鉤沉絲任性而住不爲故鄉田地好因緣熟處便爲家今日信手拈來從前幾會計較不離舊時科段一回舉著一回

新明眼底瞥地便回未悟者識取面目且道如何是本來面目良久曰前臺華發後臺見上界鐘聲下界聞以拂子擊禪床下座 上堂氣候欲流金炎威將鑠石扇子搖明月雲片聳奇峰蠶成繭而麥漸收笋抽替而梅已熟薰風習習逝水滔滔鵲噪森松鶯啼脩竹觀音勢至文殊普賢有願必從無利不現正當今日人天會上還有得見底麼如無聽取崇寧老從頭說向公 上堂匣中寶劍袖裏金鎚時節既彰莫辭拈出擊開關鑰斬斷葛藤令他跳出生死門驚過荊棘路人人似生師子箇箇如活大虫休教著布過他州直待還鄉衣畫錦 上堂學世尊在摩竭陀國爲衆說法是時將欲白夏乃謂阿難曰諸大弟子人天四衆我常說法不生敬仰我今入因沙白室中坐夏九旬忽有人來問法之時汝代爲我說一切法不生一切法不滅言訖掩室而坐師召衆曰釋迦老子初成佛道之時大都事不獲已纔方成箇保社便生退倦之心勝因當時若見將釘釘却室門教伊一生無出身之路免得後代兒孫遞相做教不見道若不



傳法度衆生是不名爲報恩者。擊拂子下座後。晦處連滿之天寧云。微疾書偈曰。弄罷影戲七十一載。更問如何回來。別賽置筆儼然而逝。茶毗收設。利靈骨建塔奉藏。臘五十二。

潭州龍牙宗密禪師。豫章人。虎丘隆禪師游方。尙及親見。上堂曰。休把庭華。領此身庭華落後。更逢春。此身一往。知何處。三界茫茫。愁殺人。

福州雪峰有需禪師。興化莆田洪氏子。上堂曰。山僧尋常不欲潑水向諸人耳裏撒砂。向諸人眼裏何故水若入耳。終壞耳根。砂若入眼。必爲眼翳。若是皮下有血。漢聞怎麼道。便好醫地去。若能如是。三世諸佛。覓他蹤跡。不得十聖三賢。階級他不得。一大藏教說他不著。爲甚麼如此。只爲他聖凡情盡。數量管他不得。於諸僧分上。早不著便了也。那堪向老胡口頭。盛將涕唾向口中。咽喉如人患瘡。喫鹽梅相似。雖則一期引發津液。豈知他日抵債去在。福州東禪祖鑑從密禪師汀州人也。上堂曰。開口不是禪。合口不是道。踏步擬進前。全身落荒草。

慶元府天童普文禪師。郡之萬齡人。族事氏幼穎悟。未冠得度。往南屏聽台教。因爲檀越修懺摩有問曰。公之所懺罪。爲自懺耶。爲他懺耶。若自懺。罪性何來。若懺他罪。非汝烏能懺之。師不能對。遂改服游方。造潏潭。足縋踵門。潭卽呵之。擬問卽曳杖逐之。一日忽呼師至丈室曰。我有古人公案。要與你商量。師擬進語。潭遂喝師。豁然領悟。乃大笑。潭下繩床。執師手曰。汝會佛法耶。師便喝。復托開潭大笑。於是名聞四聰。學者宗仰。後歸桑梓。留天童掩關。却掃者八年。寺偶虛席。辭僚命師開法。恐其還預遣吏候于道。故不得辭。受請曰。上堂曰。咄哉黃面老佛。法付王臣。林下無情。客官差逼殺人。莫有知心底爲我免得麼。若無不免將錯就錯。便下座。師凡見僧來。必叱曰。擲栗未擔時。爲汝說了也。且道說箇甚麼。招手洗鉢。拈扇張弓。趙州栢樹子。靈雲見桃華。且擲放一邊。山僧無怎麼。閑唇吻與汝打葛藤。何不休歇去。拈拄杖逐之。宣和六年三月二十沐浴陞堂。說偈遺衆。脫然示寂。偈曰。寶杖敲空。觸處春箇中。消息特彌綸。昨宵

風動寒巖冷驚起泥牛耕白雲壽七十七臘五十八  
 江州圓通圓機道旻禪師世稱古佛興化仙遊人族  
 蔡氏母夢吞摩尼寶珠有孕生五歲足不履口不言  
 母抱遊西明寺見佛像遽履地合爪稱南無佛仍作  
 禮人大異之及宦學大梁依景德寺德祥出家熙寧  
 二年以試經得度徧往參激皆染指親爲山謁禪師  
 最久晚慕渤潭往謁潭見默器之師陳歷參所得不  
 蒙印可潭舉世尊拈華迦葉微笑語以問復不契後  
 傳潭行次潭以拄杖架肩長嘯曰會麼師擬對潭便  
 打有頃復拈草示之曰是甚麼亦擬對潭遂喝於是  
 頓明大法作拈華勢曰這回瞞旻上座不得也潭挽  
 曰更道更道師曰南山起雲北山下雨卽禮拜潭首  
 肯建中靖國出住灌溪三年謝去未幾居圓通以符  
 道濟禪師之記學者嚮臻朝廷聞其道會宰臣復  
 爲之請錫以命服與圓機號上堂曰諸佛出世  
 無法與人只是抽釘拔楔除癡斷惑學道之士不可  
 自護若有一疑如芥子許是汝眞善知識喝一喝曰  
 是甚麼切莫刺腦入膠盆上堂拈拄杖示衆曰看

看這箇變作執金剛神被金甲持叉當門而立佛來  
 魔來天來人來被喝云道得也又下死道不得也又  
 下死直得釋迦勢耳彌勒攢眉自餘依草附木無主  
 孤魂孰敢正眼觀著咄饒他氣宇如王也是冬行夏  
 令上堂把定乾坤照徹鬪體卽且從你如何道得  
 雲龍亭會句良久曰袖頭打領腋下刺襟福嚴專  
 使主僧問如何是把得住底句曰巍巍石耳峰云如  
 何是把不住底句曰渺渺侯溪水云去則不去時如  
 何曰三峰指天云去則便去時如何曰一驢兩背云  
 恁麼則小出大遇也曰舌拄上齦問如何是佛曰  
 狗咬敎書云如何是祖師西來意曰黃鶴樓前鸚鵡  
 洲政和二年建寧塔波于西峰之麓庵其傍明年十  
 月九日乞旨以嫡子守慧繼席朝廷從之退藏  
 西庵緇白愈敬四年十月九日粥罷忽集衆書偈已  
 跌坐垂誠二百餘言其略曰至道虛寂迥脫根塵光  
 境俱忘靈機絕待眞常任運寧屬去來應用無方不  
 存格則牢關敲磕電激難通直須鐵眼頓開可以死  
 生無間自茲訣別可葬全身三百年後當與佛事臨

行一著不落見知折半破三好好薦取隨聲拈膝一下端然而逝世壽六十有八僧臘五十門人如其誠奉全身入窆塔波有聚師平日所遺鬚髮者火之收設利甚富郡守上其事 諡妙空之塔

慶元府二靈知和庵主蘇臺玉峰人族張氏兒時嘗習坐垂堂堂傾父母意其必死師瞑目自若因使出家年滿得度趨謁泐潭潭見乃問作甚麼師擬對潭便打復喝曰你喚甚麼作禪師嘉頴旨即曰禪無後無先波澄大海月印青天又問如何是道曰道紅塵浩浩不用安排本無欠少潭深然之次謁衡嶽辯禪師辯尤密重元符間抵四明遂留中峰有僧來禮拜師曰近離甚處云天童曰太白峰高多少僧以手斫額作望勢師曰猶有這箇在云却請庵主道師却作斫額勢僧擬議便打師剛毅志高少偕天童交禪師問道盟曰他日吾二人宜踞孤峰絕頂日眎霄漢爲世外之人不可作今時籍名官府屈節下氣於俗子者交爽盟交至師竟不出正言陳公關書堂爲庵延師咨參居三十年殊無長物唯二虎侍其右一日咸

於人以偈遣之宣和七年四月十二跌坐終于此山陳公嘗狀師行實及示寂異跡甚詳仍塑其像二虎侍之至今存焉

### 投子廣鑑行瑛禪師法嗣

紹興府慈氏瑞仙禪師郡之餘姚人年二十去家以試經披削習毗尼因觀戒性如虛空持者爲迷倒師謂戒者束身之法也何自縛乎遂探台教又閱諸法不自生亦不從他生不共不無因是故說無生疑曰又不自他不共不無因生畢竟從何而生卽省曰因緣所生空假三觀抑揚性海心佛衆生名異體同十境十乘轉識成智不思議境智照方明非言詮所及棄謁承天英天童交白牛鄉保寧瑛佛鑑龍門遠死心新三祖宗洞山微皆有機語始至投子鑑問鄉里甚處云兩浙東越曰東越事作麼生云秦望峰高鑑湖水闊曰秦望峰與你自己已是同是別云西天梵語此土唐言曰此猶是叢林祇對畢竟是同是別師便喝鑑便打師曰恩大難酬便禮拜後歸里開法慈氏上堂曰吾心似秋月碧潭清皎潔無物堪比倫

教我如何說堪嗟古人心難與今人說語與時人同意與時人別語同人盡知意別少人別今人不曾古人意今日教我如何說直饒會得寒山意秋月碧潭猶未徹如何得徹去此夜一輪明皎潔縱目觀瞻不是月是箇甚麼咄 上堂舉德山托鉢話乃曰棚頭鼓未鳴部樂未抹搶竿未逞伎倆著忙出定場懣懣便回去一段最光揚室中曾問僧三箇橐駝兩隻脚日行萬里越不著而今收在玉泉山不許時人亂對酌諸人向甚麼處與仙上座相見

潭州大潯海評禪師 上堂曰燈籠上作舞露柱裏藏身森沙神惡發崑崙奴生嗔喝一喝曰一句合頭語萬劫墮迷津

象田梵鄉禪師法嗣

慶元府雪竇禪師郡之盧氏子壯棄俗爲僧偏造禪關晚謁象田始悟心要 上堂曰休將碧落中秋節來並曹溪無相月冷淡非關玉兔光虛明直透銀蟾穴圓不圓缺不缺一道靈光無間歇照人何處不分明直下承當眼添屑本無生亦無滅只有休心最

親切採石江頭弄影時謫仙到此空顧歔 上堂悟心容易息心難息得心源到處雨斗轉星移天欲曉白雲依舊覆青山 僧問中秋不見月時如何曰更待夜深看云忽若黑雲未散又且如何曰爭怪得老僧

紹興府石佛益禪師 上堂曰一葉落天下秋一塵起大地收一法透萬法周且道透那一法遂喝曰切忌錯認驢鞍橋作阿爺下領便下座

黃龍死心悟禪師法嗣

吉州禾山超宗慧方禪師臨江人族龔氏少依禪居寺十七試經得度歷參名宿後契機於死心執侍十有四年以大法託之心去世師跡晦而價愈崇宣和中開法隆慶次補禾山 上堂舉拂子曰看看只這箇在臨濟則照用齊行在雲門則理事俱備在曹洞則偏正叶通在潯山則暗機圓合在法眼則何止唯心然五家宗派門庭施設則不無直饒辨得個儻分明去猶是光影邊事若要抵敵生死則霄壤有隔且超越生死一句又作麼生道良久曰泊合錯下注脚



上堂死心先師每舉隻履西歸話以問衲子而實難明諸方或謂之隱顯或謂不可有兩箇或謂唯此一事實若也恁麼殊未識祖師意旨諸人要見麼濁中清清中濁勿謂麒麟生隻角西行東向路不差大用頭頭如啐啄莫莫玄要靈機休卜度

臨安府崇覺空禪師姑執人也 上堂曰十方無壁落四面亦無門淨裸裸赤漚漚沒可把遂舉拂子曰灌溪老漢向十字街頭逞風流實惺惺道我解穿真珠解玉版過亂絲卷箇絹姪坊酒肆瓦合與臺虎穴魔宮那吒忿怒遇文王與禮樂逢桀紂逞干戈今日被崇覺覷見一場懣懣 上堂崇覺門下莫有體悟三空心明入解底衲僧麼若無則辜負已靈若有喚來與崇覺提鞋拄杖便下座

潭州上封祖秀禪師常德興陽何氏子 上堂曰枯木巖前夜放華鐵牛依舊臥煙沙儂家鞭影重拈出擊拂子曰一念回心便到家遂喝一喝下座

嘉州九頂寂惺慧泉禪師成都靈泉人族張氏自幼業儒嘗從真覺勝禪師游有省卽辭親師中江資教

同  
◆新羅語下

希則崇寧改元得度學楞嚴論三記既極其要南下謁玉泉勤大洪恩谷隱顯未能深到聞死心受晦堂囑付其門庭壁立多詬罵諸方卽往謁踰數年未能徹證令親慧宣首座一日與宣食資次偶舉公安二聖嘗遺履長數尺於富室倉廩間事及于祿射利網捕偷兒等輩禱之皆遂其志豈正直所用心哉宣不答師辯不已宣以筋搥之卽領悟曰今日食資方得其味心聞然之後笑謂師曰吾老矣欲得一孝順子分付活計奈汝兄弟頻來反倒何云不彎射弩弓何以報深德心復笑曰賊賊巾侍六載以母老西歸初受香於廣漢之龜山成都之保福繼四董名利 上堂曰若論此事譬夫望中秋月色十分圓滿正當滿時缺向甚麼處去泊乎十六十七漸漸復缺圓滿之相又却向甚麼處去若云月體本無圓缺我信是人未識其月學道之人亦復如是正當迷時悟向甚麼處去及乎悟後迷却向甚麼處去若云本無迷悟我信是人未達其道還委悉麼百尺竿頭天欲暮急須進步問曹溪 上堂昔日雲門有三句謂函蓋乾坤



句截斷衆流句隨波逐浪句九頂今日亦有三句所謂飢來喫飯句寒即向火句困來打睡句若以佛法而論則九頂望雲門直立下風若以世諦而論則雲門望九頂直立下風二語相違且如何是九頂爲人處僧問心迷法華轉心悟轉法華未審意旨如何曰風暖鳥聲碎日高華影重問如何是無生路曰五里復五里云向上還有事也無曰一步一徘徊紹興乙丑九月十六沐浴淨髮書偈囑累已復曰叢林事例今則爲昔趙州道底好屈好屈侍僧曰和尚五十年手段至此當如何師曰明破即不中擲筆叉手而逝茶毗設利五色門人合靈骨塔于寺之西原壽六十有七臘四十有三

嘉興府華亭性空妙普庵主漢州人遺其氏久依死心獲證乃抵秀水追船子遺風結茆青龍之野吹鐵笛以自娛多賦詠士夫俊衲得其言必珍藏建炎初徐明叛道經烏鎮肆殺戮民多逃亡師獨荷策而往賊見其偉異疑必詭伏者問其來師曰吾禪者欲抵密印寺賊怒欲斬之師曰大丈夫要頭便斫取奚以

怒爲吾死必矣願得一飯以爲送終賊奉肉食師如常齊出生畢乃曰孰當爲我文之以祭賊笑而不答師索筆大書曰嗚呼惟靈勞我以生則大塊之過役我以壽則陰陽之失之我以貧則五行不正困我以命則時日不吉吁哉至哉賴有出塵之道悟我之性與其妙心則其妙心孰與爲隣上同諸佛之眞化下合凡夫之無明纖塵不動本自圓成妙矣哉妙矣哉日月未足以爲明乾坤未足以爲大磊磊落落無量無礙六十餘年和光混俗四十二臘逍遙自在逢人則喜見佛不拜笑矣乎笑矣乎可惜少年卽風流太光彩坦然歸去付春風體似虛空終不壞尙享遂舉筋骸馮賊徒大笑食罷復曰劫數旣遭離亂我是快活烈漢如今正好乘時便請一刀兩段乃大呼斬斬賊方駭異稽首謝過令衛而出烏鎮之廬舍免焚寶師之慧也道俗聞之愈敬有僧觀師見佛不拜歌逆問曰旣見佛爲甚麼不拜師掌之曰會麼云不會師又掌曰家無二主紹興庚申冬造大盆穴而塞之修書寄雪竇持禪師曰吾將水葬矣壬戌歲持至見其

尙存作偈嘲之曰咄哉老性空剛要餞魚鼈去不索性去只管向人說師閱偈笑曰待兄來證明耳令偏告四衆衆集師爲說法要仍設偈曰坐脫立亡不若水葬一省柴燒二免開墻撒手便行不妨快暢誰是知音船子和尙高風難繼百千年一曲漁歌少人唱遂盤坐盆中順潮而下衆皆隨至海濱望欲斷目師取塞厚水而回衆擁觀水無所入復乘流而往唱曰船子當年返故鄉沒蹤跡處妙難量真風徧寄知音者鐵笛橫吹作散場其笛聲鳴咽頃於蒼茫間見以笛擲空而沒衆號慕圖像事之後三日於沙上趺坐如生道俗爭往迎歸留五日闍維設利大如菽者莫計二鶴徘徊空中火盡始去衆奉設利靈骨建塔于青龍壽七十二臘五十三

嚴州鐘山道隆首座桐廬董氏子於鐘山寺得度自游方所至耆衲皆推重晚抵黃龍死心延爲座元心順世遂歸隱鐘山慕陳尊宿高世之風掩關不事事日齋數簋自適人無識者手常穿一襪凡有禪者至提以示之曰老僧這襪著三十年了也有寺僧戲問

云如何是無靜三昧師便掌揚州齊諡首座本郡人也死心稱爲飽參諸儒屢以名山致之不可後示化於潭之谷山異跡頗衆門人嘗繪其像請贊爲書曰箇漢灰頭土面尋常不欲露現而今寫出人前大似虛空著箭怨怨可惜人間三尺絹

空室道人智通者龍圖范岫女也幼聰慧長歸丞相蘇頌之孫悌未幾厭世相還家求祝髮父難之遂清修因看法界觀頤有省連作二偈見意一曰浩浩塵中體一如縱橫交互印毗盧全波是水波非水全水成波水自殊次曰物我元無異森羅鏡像同明明超主伴了了徹眞宗一體含多法交參帝網中重重無盡處動靜悉圓通後父母俱亡兄涓頌分寧尉通偕行聞死心名重往謁之心見知其所即便問常啼菩薩賣却心肝教誰學般若曰你若無心我也休又問一雨所滋根苗有異無陰陽地上生箇甚麼曰一華五葉後問十二時中向甚麼處安身立命曰和尙惜取眉毛好心打曰這婦女亂作次第通禮拜心然之

於是道聲籍甚後爲尼名永久挂錫姑蘇之西竺緇  
白日夕師問得其道者頗衆俄不疾書偈跌坐而終  
有明心錄行於世佛果禪師爲之序靈源佛眼皆有  
偈贊之

### 黃龍靈源惟清禪師法嗣

舒州真乘靈峰慧古禪師郡之宿松人族頂氏早年  
試經得度首謁靈源源令看疎山造塔話倏然領契  
源難之無爽由是知名出住真乘遷光孝淨光二刹  
上堂送諸路化主次乃曰梵語比丘此云乞士何謂  
乞士上從諸佛乞法以資慧命下從檀越乞食以資  
色身乞食資色身也則千門萬戶貴賤隨緣折我慢  
之幢益他人之善乞法資慧命也則三椽位坐寂照  
凝神內忘智照之勤外息大患之本倏然與群有永  
分混爾與太虎同體更有一人亦不大智上來亦不  
大悲下化當堂不正坐不赴兩頭機在凡凡莫能測  
在聖聖莫能知十方收不得三世莫能該且道喚渠  
作甚麼卽得龍向洞中喚雨出蝶從華裏採香歸  
上堂瞻仰尊顏巾子峰寂然不動證圓通善財別後

無消息落日樓臺一笛風紹興丙辰八月十九示寂  
塔于黃巖之方山

潭州上封佛心才禪師七閩長溪人族姚氏幼得度  
受具游方至大中依海印隆禪師有老宿居几右閱  
華嚴金師子章師旁昧至一毛頭師子百億毛頭一  
時現因疑之會海印爲參徒請益罷擲拄杖曰了卽  
毛端吞巨海始知沙界一微塵師猛省通夕不寐迨  
曉語老宿宿曰吾不如汝然可謁東林總必了于大  
事師至東林總已歸寂乃依死心久之往參靈源於  
黃龍留三年源每以向上事激之無所湊泊偶讀古  
洞山錄豁如也作偈曰徹徹大海乾枯虛空迸裂四  
方八面絕遮欄萬像森羅齊漏泄後分座眞乘應上  
封之命遷道林退歸閩中居大乘乾元靈石鼓山  
上堂曰達磨未來懷藏至寶頂髻有珠達磨既來十  
和剛足楊朱途窮來與未來何處得這箇消息還知  
麼擬議之間知君罔措上堂一法有形該動植百  
川雷激競朝宗昭琴不鼓雲天淡想像毗耶老病翁  
維摩病則上封病上封病則拄杖子病拄杖子病則

森羅萬像病森羅萬像病則凡之與聖病諸人還覺病本起處麼若也覺去情與無情同一體處處皆同眞法界其或未然甜瓜徹蒂甜苦瓠連根苦紹興間說偈遺衆泊然示寂

隆興府黃龍通照德逢禪師郡之靖安人族胡氏師生有龐眉年十七從上藍晉禪師下髮往依靈源卽明深旨宣和初江守徐公任道請居天寧三年遷黃龍六年詔住京師天寧皇叔祖仲恭表賜命服師名上堂舉夾山境話師曰法眼徒有此語殊不知夾山老漢被這僧輕輕拶著直得脚前脚後設使不作境話會未免猶在半途僧問人天普集龍象交參學人上來請師說法曰枯木無橫枝鳥來難措足

潭州法輪應端禪師南昌人族徐氏少依化度善月圓顯登具謁眞淨文禪師機不諧至雲居會靈源分座爲衆激昂師扣其旨然以妙入諸經自負源骨痛割之師乃授馬祖百丈機語及華嚴宗旨爲表源笑曰馬祖百丈固錯矣而華嚴宗旨與箇事喜沒交涉

師憤然欲他往因請辭及揭簾忽大悟汗流浹背源見乃曰是子識好惡矣馬祖百丈文殊普賢幾被汝帶累由此譽望四馳名士夫爭挽應世皆不就政和末大師張公司成以百丈堅命開法師不得已始從上堂舉大隨劫火洞然話遂曰六合傾翻劈面來暫披麻縷混塵埃因風吹火渾閑事引得游人不肯回壞不壞隨不隨徒將聞見強針錐太湖三萬六千頃月在波心說向誰僧問如何是賓中賓曰芒鞋竹杖走紅塵云如何是賓中主曰十字街頭逢上祖云如何是主中賓曰御馬金鞭混四民云如何是主中主曰金門誰敢擡眸觀云賓主已蒙師指示向上宗乘又若何曰昨夜霜風刮地寒老猿嶺上啼殘月東京天寧長靈守卓禪師泉州族莊氏冠游京師於天清寺試經得度至三衢謁南禪雅禪師次依東吳定慧式禪師誦華嚴奧妙聞靈源開法太平道鳴四方卽往造值夜參適中其病遂猛省投誠入室源鍛以差別機智且戒其緘默餘十年辭謁佛鑑命分座舒守繫公傑以甘露請開法後徙天寧上堂曰



三千劍客獨許莊周爲甚麼跳不出良醫之門多病人因甚麼不消一割已透關者更請辨看 上堂譬如眼根不自見眼性自平等無平等者便怎麼去無孔鐵鎚聊且安置直得入林不動草入水不動波也是一期方便若也離內竹抽籬外笋澗東華發澗西紅更待勘過了打 僧問丹霞燒木佛院主爲甚麼眉鬚墮落曰貓兒會上樹云早知如是終不如是曰惜取眉毛 問如何是衲衣下事曰天旱爲民愁問佛未出世時如何曰絕毫絕釐云出世後如何曰填溝塞壑云出與未出相去幾何曰人平不語水平不流宣和五年十二月二十七奄然示寂闍維日皇帝遣中使賜香持金盤求設利熬香罷盤中鏗然視之五色者數顆大如豆使者馳還 上見大悅而京城傳爲盛事

信州博山無隱子經禪師 歲旦上堂曰和氣生枯枿寒雲散遠郊木人占吉兆夜半露龜爻諸禪德龜爻露處文彩已彰便見一年十二月月月如然一日十二時時相似到這裏直似黃金之黃白玉之白

自從曠大劫來未嘗異色還見麼其或未然且鉤張三通節序從教李四鬢蒼浪  
隆興府百丈以栖禪師與化人也 上堂曰摩騰入漢達磨來梁途轍旣成後代兒孫開眼迷路若是箇惺惺底終不向空裏採華波中捉月護勞心力畢竟何爲山僧今日已是平地起骨堆諸人行時各自著精彩看

邵州光孝曇清禪師 上堂曰殺父殺母佛前懺悔殺佛殺祖不消懺悔爲甚不消懺悔且得冤家解脫温州光孝德遇禪師信之上饒人族璩氏於景德尊聖院染削問道有年後至靈源聞舉少林面壁頓悟述二偈以呈源許之自爾名流江浙 上堂曰舉體露堂堂十方無罣礙千聖不能傳萬靈咸頂戴擬欲共商量開口百雜碎只如未開口已前作麼生咄  
上堂回互不回互覷見沒可覷透出祖師關踏斷人天路阿呵呵悟不悟落華流水知何處紹興甲戌九月十三集衆說偈而逝

黃龍草堂善清禪師法嗣



隆興府黃龍上堂震禪師金陵人族趙氏少依覺  
印英禪師爲童子英移居泗之普照適淑妃擇度童  
行師得圓具久之辭謁丹霞淳禪師一日與論洞上  
宗旨師呈偈曰白雲深覆古寒巖異草靈華彩鳳鳴  
夜半天明日當午騎牛背面著靴衫淳器之師自以  
爲礙棄依草堂一見契合日取藏經讀之一夕聞晚  
參鼓步出經堂舉頭見月遂大悟亟趨方丈堂望見  
卽爲印可初住曹山大遷廣壽黃龍上堂曰舉箇

古人因緣問闍黎闍黎不得作古會若作古會失却  
當面眼舉箇卽今因緣問闍黎闍黎不得作今會若  
作今會障却闍黎本來眼假饒不失不障非古非今  
猶是藥病相治止啼之說只如透脫一句闍黎還道  
得也無若道不得直待羅漢峰深談實相卽向汝道  
上堂眼見色時耳便靈耳聞聲處眼無功朝來不  
耐靈禽報樹上楊梅似火紅上堂雷聲震地室內  
不聞大鼓游光攬不盈手靈利漢直下便了何須撞  
入膠盆若更問龜毛有幾莖兔角長多少直饒你一  
鏹鏹斷雲山我亦不向汝道上堂黑漢實炭不識

秤上星狂子疑頭將謂頭在鏡忽然省悟非邪非正  
山河大地久成正覺釋迦老子未有佛性上堂少  
林冷坐門人各說異端大似衆盲摸象神光禮三拜  
依位而立達磨云汝得吾髓這黑面婆羅門脚跟也  
未點地在 上堂石人問枯椿何時汝發華枯椿怒  
石人何得口吧吧石人呵呵笑枯椿吐異葩紅霞輝  
玉象白玉碾金沙借問通玄士何人不到家

台州萬年雪巢法一禪師大師襄陽郡王李公遵勉  
之玄孫也世居開封祥符縣母夢一老僧至而產師  
年十七試上庠從祖仕淮南欲官之不就將棄家事  
長蘆慈覺禪師翁弗許母曰此必宿世沙門願勿  
奪其志未幾慈覺沒大觀改元禮靈嚴通照愿禪師  
祝髮登具依愿十年迷悶不能入圓悟禪師住蔣山  
見曰此法器也悟奉詔徙京師天寧師侍行靖康  
末自天寧至疎山一語之及大法頌明紹興七年京  
守寶文劉公彥脩請居延福後四遷巨利上堂曰  
衲僧正法眼照破鐵圍山四方并八面尖角更圓圓  
雙椎轟法鼓一擊透玄關乾坤收不得留與後人看

既是乾坤收不得後人作麼生看要會麼門庭開處  
無施設松檜風生助寂寥 上堂拈拄杖曰拄杖子  
有時作出水蛟龍萬里雲煙不斷有時作踞地師子  
百年妖怪潛蹤有時心法兩忘照體獨立有時照用  
同時主賓互用以拄杖畫曰延福門下總用不著且  
道延福尋常用箇甚麼卓拄杖喝一喝下座 上堂  
仰面不見天低頭不見地古劍觸體前大海波濤沸  
二十八年春退席長蘆歸天台萬年之觀音院鑄決  
日忽示微疾囑門人具龕釘內至三月四日書偈曰  
今年七十五歸作庵中主珍重觀世音泥地吞石虎  
入龕跌坐別衆曰吾不能聽諸方來此寐語即自寫  
鐫有頃主事令匠者啓龕捫之肉猶未冷八日塔於  
觀音院之後臘五十二

福州雪峰東山慧空禪師本郡人族陳氏十四圓頂  
卽游方徧謁諸老晚契悟於草堂紹興癸酉開法雪  
峰受請曰 上堂曰俊快底點著便行癡鈍底推挽  
不動便行則人人歡喜不動則箇箇生嫌山僧而今  
轉此癡鈍爲俊快去也彈指一下曰從前推挽不出

而今出從前有院不肯住而今住從前嫌佛不做而  
今做從前嫌法不肯說而今說出不住不住卽且  
置教問諸人做底是甚麼佛空王佛耶然燈佛耶釋  
迦佛耶彌勒佛耶說底又是甚麼法根本法耶無生  
法耶世間法耶出世間法耶衆中莫有道德底麼若  
道得山僧出世事畢如或未然逢人不得錯舉喝一  
喝下座 上堂舉雪門示衆云只這箇帶累殺人師  
曰雪門尋常氣宇如王作怎麼說話大似貧恨一身  
多山僧卽不然只這箇快活殺人何故大雨方歸屋  
裏坐業風吹又遶山行然雖如是也是乞兒見小利  
且不傷物義一句作麼生道 上堂一拳拳倒黃鸝  
樓一趵趵翻鸚鵡洲有意氣時添意氣不風流處也  
風流俊哉俊哉快活快活一似十七八歲狀元相似  
誰管你天誰管你地心王不妄動六國一時通罷拈  
三尺劍休弄一張弓自在自在在快活快活恰似七八  
十老人作宰相相似風以時雨以時五穀植萬民安  
豎起拄杖曰大衆這兩箇并山僧拄杖子共作得一  
箇衲僧到雪峰門下但知隨例餐鑊子也得三文買

草鞋喝一喝卓拄杖下座 僧問和尚未見草堂時如何曰江南有云見後如何曰江北無戊寅三月十三示寂於東庵壽六十三臘四十八

慶元府育王野堂普崇禪師本郡人也 示衆舉巴陵和尚道不是風動不是幡動不是風幡又向甚麼處著有人爲祖師出氣出來與巴陵相見雪竇和尚道風動幡動既是風幡又向甚麼處著有人爲巴陵出氣出來與雪竇相見師曰非風非幡無處著是風是幡無著處遶天俊鶴悉迷蹤踞地金毛還失措阿呵呵悟不悟令人轉憶謝三郎一絲獨釣寒江雨

### 青原惟信禪師法嗣

潭州梁山權禪師 僧問大衆雲臻請師開示曰天靜不知雲去處地寒留得雪多時云學人未曉玄言乞師再垂方便曰一重山後一重人

成都府正法希明禪師漢之綿竹人弱冠從馬谿廣禪師下髮登具南游至夾山依曉純禪師咨參有省棄謁芙蓉楷梁山歡歡指見青原師抵青原一日原入室舉拳以示師契悟原拊而印之踰年歸隱故居

郡守以延祥補處次遷彭之曲尺 解制上堂曰林葉紛紛落乾坤報早秋分明西祖意何用更馳求若恁麼會得始信佛祖之道本自平夷大解脫門元無關鑰彌綸宇宙偈塞虛空量不可窮智莫能測若也未明此旨不達其源任是百劫薰功千生煉行徒自疲苦了無交涉若深明此旨洞達其源乃知動靜施爲經行坐臥頭頭合道念念朝宗祖不云乎迷生寂亂悟無好惡得失是非一時放却如是則誰迷誰悟誰是誰非自是諸人獨生異見觀大觀小孰有執無已靈獨耀不肯承當心月孤圓自生違背何異家中捨父衣內忘珠致使菩提路上荆棘成林解脫空中迷雲蔽日山僧今日幸值衆僧自恣化主還山諸上善人得得光訪不可緘默隨分葛藤曲爲今時少開方便也須是諸人著眼各自諦觀若更擬議尋思白雲萬里遂拈拄杖曰於斯明得靈山一會儼在目前其或未然更待來晨分付

祖庵主者不知何許人也見青原之後縛屋衡嶽間餘三十年人無知者偶遣與作偈曰小鍋羹菜上蒸

飯菜熟飯香人已饑一補飢瘡了無事明朝依樣畫  
貓兒由是衲子披襟扣之無盡居士張公力挽其開  
法不從竟終于此山

### 昭覺紹覺純白禪師法嗣

成都府信相正覺宗顯禪師潼川飛鳥人族王氏少  
爲進士有聲嘗擲溪水爲戲至夜思之遂見水冷  
然盈室欲汲之不可而塵境自空曰吾世網裂矣往  
依昭覺得度具滿分戒後隨衆參覺一日問師高  
高峰頂立深深海底行汝作麼生會師於言下頓悟  
曰釘殺脚跟也覺拈起拂子云這箇又作麼生師一  
笑而出服勒七祀南游至京師歷淮浙晚見五祖演  
和尚於海會出問未知關楔子難過趙州橋趙州橋  
卽不問如何是關楔子祖曰汝且在門外立師進步  
一踏而退祖曰許多時茶飯元來也有人知滋味明  
日入室祖云你便是昨日問話底僧否我固知你見  
處只是未過得白雲關在師珍重便出時圓悟爲侍  
者師以白雲關意扣之悟云尔但直下會取師笑曰  
找不找不會只是未諳待見這老漢共伊理會一上

明日祖往舒城師與悟繼往適會於興化祖問師記  
得曾在那裏相見來師曰全火祇候祖頓悟曰這漢  
饒舌自是機緣相契遊廬阜回師以高高峰頂立深  
深海底行向所得之語告之祖曰吾嘗以此事詰先  
師先師云我曾問遠和尚遠云猫有歎血之功虎有  
起尸之德非素達本源不能到也師給侍之久祖鍾  
愛之後辭西歸爲小參復以頌送云離鄉四十餘年  
一時忘却蜀語禪人回到成都切須記取魯語時覺  
尙無恙師再侍之名聲藹著遂出住長松遷保福信  
相上堂舉仰山問中邑如何是佛性義曰我與你  
說箇譬喻汝便會也譬如一室有其六窻中有一箇  
彌猴外有人喚云往往彌猴卽應如是六窻俱喚俱  
應仰乃禮拜却云適來蒙和尚指示某有箇疑處曰  
你有甚麼疑云只如彌猴睡時又作麼生邑下禪床  
把住曰往往我與你相見師曰諸人要見二老麼我  
也與你說箇譬喻中邑大似箇金師仰山將一塊金  
來使金師酬價金師亦盡價相酬臨成交易賣金底  
更與貼秤金師雖然闍喜心中未免偷疑何故若非

細作定是賊賊便下座 僧問三世諸佛六代祖師  
總出這圈積不得如何是這圈積曰并欄唇

### 大瀉祖瑤禪師法嗣

眉州中巖慧日雲能禪師本郡人族呂氏年二十二  
於村落一富室爲校書偶游山寺見禪冊閱之似有  
得卽裂冠圓具一鉢游方首參寶勝澄甫禪師所趣  
頗異至荊湖謁永安喜直如詣德山繪造詣益高迨  
抵大瀉瀉問上座桑梓何處曰西川云我聞西川有  
普賢菩薩示現是否師曰今日得瞻慈相云白象何  
在曰爪牙已具云還會轉身麼師提坐具繞禪床一  
匝瀉云不是這箇道理師趨出一日瀉爲衆入室問  
僧黃巢過後還有人收得劍麼僧豎起拳瀉云菜刀  
子僧云爭奈受用不盡瀉喝出次問師黃巢過後還  
有人收得劍麼師亦豎起拳瀉云也只是菜刀子師  
曰殺得人卽休遂近前攔臂築之瀉云三十年弄馬  
騎今日被驢子撲後還蜀庵於舊址應四衆之請出  
住報恩等刹厭於世務結弟賴姪曰慧日竟終老焉  
師道望顯著行解相應又以慈忍接人爲士大夫耆

●木蘭本

漸宗仰 上堂曰龍濟道萬法是心光諸緣唯性曉  
木無迷悟人只要今日了師曰既無迷悟了箇甚麼  
咄 上堂舉雪峰一日普請般柴中路見一僧遂擲  
下一塊柴云一大藏教只說這箇後來真如詰道一  
大藏教不說這箇據此二尊宿說話是同是別山僧  
卽不然豎起拂子曰提起則如是我聞放下則信受  
奉行 室中問崇真龔頭如何是你空劫已前父母  
眞領悟云和尚且低聲遂獻投機頌云萬年倉裏曾  
飢饉大海中住儘長渴當初尋時尋不見如今避時  
避不得師爲印可一日與黃提刑奕碁次黃問數局  
之中無一局同千著萬著則故是如何是那著師  
提起碁子示之黃佇思師曰不見道從前十九路迷  
殺幾多人師住持三十餘載凡說法不許錄其語臨  
終書偈趺坐而化閭維時暴風忽起煙所至處皆雨  
設利道俗斷其地皆得之心舌不壞塔于慧目  
懷安軍雲頂寶覺宗印禪師 上堂曰古者道識得  
堯子周匝有餘又道識得堯子天地懸殊山僧總不  
恁麼識得堯子是甚麼閑家具 一日普說罷師曰



諸子未要散去更聽一頌乃曰四十九年一場熱鬧  
八十七春老漢獨弄誰少誰多一般作夢歸去來兮  
梅梢雪重言訖下座扶策行數步屹然而化

兜率真寂從悅禪師法嗣

撫州疎山了常禪師 上堂曰等閑放去佛手掩不  
住特地收來大地絕纖埃向君道莫疑猜處處頭頭  
見弄財毬下分明如得旨無限勞生眼自開 僧問  
如何是疎山爲人底句曰懷中玉尺未輕擲袖裏金  
鎚劈面來

隆興府兜率慧照禪師南安郭氏子 上堂曰龍安  
山下道路縱橫兜率宮中樓閣重疊雖非天上不是  
人分到者心安全忘諸念善行者不移雙足善入者  
不動雙扉自能笑傲煙蘿誰管坐消歲月既然如是  
且道向上還有事也無良久曰莫教推落巖前石打  
破下方遮日雲 開堂日僧問如何是第一義諦曰  
毬下分付云第二義門又作麼生曰千家簾幕春光  
在幾處園林秀色新

法雲佛照果禪師法嗣

筠州洞山辯禪師 上堂曰不是心不是佛不是物  
鑽天鵲子遶天鵲不度火不度水不度爐難弦箭發  
沒迴途直饒會得十分去笑倒西來碧眼胡

東京慧海義禪師 上堂曰無相如來示現身破魔  
兵衆絕纖塵七星斜映風生處四海還歸舊主人諸  
仁者大迦葉靈山會上見佛拈華投機微笑須菩提  
聞佛說法深解義趣涕淚悲泣且道笑者是笑者是不見道  
高派橫流總向東超然入面自玲瓏萬人磨  
破沙場上一箭雙雕落碧空 上堂舉過山坐次仰  
山問和尚百年後有人問先師法道如何祇對過曰  
一粥一飯仰曰前面有人不肯又作麼生過曰作家  
師僧仰便禮拜過曰逢人不得錯舉師曰自古及今  
多少人下語道嚴而不威恭而無禮橫按拄杖豎起  
拳頭若只恁麼却如何知得他父子相契處山僧今  
日也要諸人共知莫分彼我彼我無殊困魚止藥病  
鳥棲廬逡巡不進泥中履爭得先生一卷書  
西蜀靈法師者遺其氏里幼爲苾芻通大小乘佛照  
謝事居景德師適至問照曰禪家言多不根何也照

曰汝習何經論曰諸經粗知頗通百法照曰只如昨日雨今日晴是甚麼法中收師慘然照舉癢和子擊曰莫道禪家所言不根好師憤曰昨日雨今日晴畢竟是甚麼法收中照曰第二十四時分不相應法中收師恍寤即禮謝後歸蜀居講會以直道示徒不泥名相而衆多引去遂說偈罷講曰衆賣華兮獨賣松青青顏色不如紅筭來終不與時合歸去來兮翠靄中由是隱居二十年道俗追慕青命演法笑答偈曰遁迹隱高峰高峰又不容不如歸錦里依舊賣青松衆列拜悔過兩川講者爭依之

### 勸潭湛堂文準禪師法嗣

隆興府雲巖典牛天游禪師成都人族鄭氏世爲鴻儒嘗兩與貢籍不第慨然慕丹霞祝髮受具浮峽而下謁名宿於諸席後至勸潭潭方自吳中回首衆一日普說衆集潭曰諸人苦苦就準上座覓佛法遂搯膝曰會麼雪上加霜又搯膝曰若也不會豈不見乾峰示衆云舉一不得舉二放過一著落在第二師聞脫然穎悟潭對衆爲印可於是道聲四播去游淮浙

未幾旋豫章廬於勸潭之前障目曰典牛庵出住雲蓋徙雲巖上堂卓拄杖曰久雨不晴割金烏飛在鐘樓角又卓一下曰猶在殼得卓曰一任衲僧名遞上堂馬祖一喝百丈蹉過臨濟小厮兒向糞桶堆頭拾得一雙破草鞋胡喝亂喝師震聲喝曰喚作胡喝亂喝得麼上堂象骨觀毬能已盡玄沙斫牌伎亦窮還知麼火星入袴口事出急家門上堂三百五百銅頭鐵額木笛橫吹誰來接拍時有僧出師曰也是賊過後張弓

潭州三角智堯禪師上堂曰捏土定千鈞秤頭不立蠅箇中些子事走殺嶺南能還有薦得底麼直饒薦得也第二月

### 文殊宣能禪師法嗣

常德府德山瓊禪師受請曰上堂曰作家撈籠不肯住呼喚不回頭爲甚麼從東過西自代曰後五日看

### 慧日文雅禪師法嗣

隆興府九仙祖鑑法清禪師嚴陵人也上堂曰萬

柳千華暖日開一華端有一如來妙談不二虛空藏  
動著微言徧九垓笑哈哈且道笑箇甚麼笑覺苑脚  
跟不點地 上堂自古至今叢林道丹霞燒木佛院  
主眉鬚墮落大衆會麼萬仞崖頭曾借路百千禪侶  
盡生疑只因滿眼多巖嶮不識天然却問誰參 上  
堂舉睦州示衆云汝等諸人未得箇入頭處須得箇  
入頭處既得箇入頭處不得忘却老僧明明向汝道  
尙自不會何況蓋覆將來師曰睦州恁麼道意在甚  
麼處其或未然覺苑下筒注脚張僧見王伴王伴叫  
張僧昨夜放牛處嶺上及前村溪西水不飲溪東草  
不吞教覺苑如何卽得會麼不免與麼去遂以兩手  
按空下座 僧問如何是奪人不奪境曰惺惺寂寂  
云如何是奪境不奪人曰寂寂惺惺云如何是人境  
兩俱奪曰惺惺惺惺云如何是人境俱不奪曰寂寂  
寂寂云學人今日買鐵得金去也曰甚麼處得這話  
頭來 師度夏池之天寧以伽梨覆頂而坐侍郎曾  
公開問曰上座仙鄉甚處曰嚴州云與此間是同是  
別師拽伽梨下地揖曰官人曾到嚴州否曾問措師

曰待官人到嚴州時却向官人道

平江府覺海法因庵主郡之嵎山人族朱氏年二十  
四被緇服進具游方至東林謁慧日曰舉靈雲悟道  
機語問之擬對曰曰不是不是豁有所契占偈曰巖  
上桃華開華從何處來靈雲纔一見回首舞三臺曰  
日子所見雖已入微然更著鞭當明大法師承教居  
廬阜三十年不與世接叢林尊之建炎中盜起江左  
順流東歸邑人結庵命居緇白繼踵問道嘗謂衆曰  
汝等飽持定力無憂晨炊而事于求也晚年放浪自  
若稱五松散人

### 龍牙梵言禪師法嗣

筠州洞山擇言禪師 僧問如何是十身調御投子  
下禪床立未審意旨如何曰脚跟下七穿八穴

### 道林一禪師法嗣

潭州大潯大圓智禪師四明人也 上堂舉南泉道  
三世諸佛不知有狸奴白牯却知有師曰三世諸佛  
既不知有狸奴白牯又何曾夢見灼然須知向上有  
知有底人始得且作麼生是知有底人喫官酒臥官

骸 街當處死當處理沙場無限英靈漢堆山積岳露屍

嘉泰普燈錄第十

音釋

璫音英	週音周	璫音椿	勑音勑
警匹茂切	衣於既切	彌於宜切	蘭古典切
啞音匝	聞音問	詰音哲	楔音屑
勢租悅切	橫祖九切	齧逆各切	麓音鹿
憊亡果切	蹶音厥	覆敷救切	啐音卒
過音戈	挈詰結切	餐音慈	梨妍計切
磊魯猥切	飲依據切	憂訖黠切	菽式竹切
雙越縛切	繪音會	峴音荀	脩音叔
髻音計	剔五刮切	厖莫江切	決即協切
劈匹力切	刮古脫切	鍛都玩切	枿牙葛切
檐朱江切	吧音巴	庠音祥	愿音願
轟呼宏切	往音生	歎音雲	與音預

續胡對切 凳丁鄧切 闕胡貢切 樂音力  
慘莫孔切 癢餘兩切 蠟虛宜切

嘉泰普燈錄卷第十一

平江府報恩光孝禪寺臣僧 正受 編

南嶽第十四世 臨濟十世 楊岐三世

五祖法演禪師法嗣

舒州太平佛鑑惠懃禪師郡之懷寧人族汪氏卯歲  
師廣教圓深試所習得度每以唯此一事實餘二則  
非真味之有省乃徧參名宿往來五祖之門有年恚  
祖不爲印據與圓悟相繼而往及悟在金山染疾因  
悔過歸白雲方大徹證師忽至意欲他適悟勉令挂  
錫且曰某與兄相別始月餘比舊相見時如何師曰  
我所疑者此也遂參堂一日聞祖舉僧問趙州如何  
是和尙家風曰老僧耳聾高聲問將來僧高聲再問  
州曰爾問我家風我却識爾家風了也即大豁所疑  
曰乞和尙指示極則祖曰森羅及萬象一法之所印  
師展拜令主翰墨與圓悟語次悟舉東寺問仰山索

珠話至無言可對無理可伸處曰既云收得逮索此珠却云無言可對無理可伸是如何師曰東寺當時索一顆仰山當下傾出一拷佬悟曰兄向時安有此語耶相笑不已明年謁太平清禪師命爲第一座會清之黃龍以師繼之法道大播政和初詔住東都智海五年乞歸得旨居蔣山樞密鄧公子常奏賜徽號棋服開堂日上首白槌罷師曰南瞻部洲北鬱單越西瞿耶尼東弗于逮於此觀得可謂妙圓超悟只在如今其或未然遂指問話僧曰且看這僧敗闕問答乃曰問話且止何必紛紛不見道窮諸玄辨若一毫置於太虛竭世樞機似一滴投於巨壑沉祖師心印諸佛本源千聖悟由群生性命非中非外不滅不生存在聖在凡無增無減彌綸天地混茫太虛而不知其大鼓變陰陽陶鑄萬物而不宰其功浩浩然不可以語言造昭昭然不可以寂默通語言求之翻成諍論寂默求之墮於斷滅到此唯聖與聖乃能共知以何爲證豈不聞我大宋

仁宗皇帝有修心偈曰初祖安禪在少林不傳經教

但傳心後人若悟真如理密印由來妙理深敢問諸人如何是真如之性如何是密印妙理假使目連鷲子無礙辨才到此也須亡鋒結舌唯有山僧今日幸逢快便爲國開堂得路便行豈畏旁觀笑怪舉拂子曰看看豈不是諸人真如之性豎兩指曰豈不是諸人密印妙理於斯薦得同報國恩其或未然別容理論叙謝復舉二祖安心話遂曰覓心不得乃安心悟了爭如未悟深萬丈寒潭秋月白一聲雲外老猿吟積塵成獄削鐵成針少室山前無異路遊人來往自崎嶇上堂至道無難唯嫌揀擇桃華紅李華白誰道融融只一色鸞子語黃鸝鳴誰道關關只一聲不透祖師關楔子空認山河作眼睛上堂日日西沉日日東上若欲學菩提擲下拄杖曰但看此榜樣上堂鐵非至寶鑄太阿而價直萬金心是塵緣悟真空而頓超十地所以道無邊剎境自佗不隔於毫端十世古今始終不離於當念移南作北一任縱橫坐斷十方一句作麼生道龍袖拂開全體現象王行處絕孤蹤五祖周祥上堂去年今日時紅爐



片雪飛今日去年時曹娥讀夜碑末後一句子佛眼  
莫能窺白蓮峰頂上紅日繞須彌鳥啄珊瑚樹鯨吞  
鹽水犀太平家業在千古襲楊岐 上堂橫拄杖曰  
先照後用豎起曰先用後照倒轉日照用同時卓一  
下日照用不同時汝等諸人被拄杖一口吞盡了也  
自是懶不覺着向這裏道得轉身句免見一場氣悶  
其或未然老僧今日失利 上堂金烏急玉兔速急  
急流光七月十無窮遊子不歸家縱歸只在門前立  
門前立把手牽伊不肯入萬里看看寸草無殘華落  
地無人拾無人拾一回雨過一回濕 上堂舉僧問  
乾峰十方萬伽梵一路涅槃門未審路頭在甚麼處  
峰以拄杖一畫云在這裏雲門云扇子躑跳上三十  
三天築著帝釋鼻孔東海鯉魚打一棒雨似盆傾此  
二老宿一人向陸地行船一人向針鋒走馬同時同  
日到長安其中一箇最尖要 上堂八月二十五有  
賓兼有主輟出雪峰毬打動禾山鼓天帝釋搖頭大  
梵王作舞不透上林關未敢輕相許空生不解此家  
風惹得岩前華似雨 上堂學世尊有密語迦葉不

覆藏乃曰爾尋常說黃道黑評品古今豈不是密語  
爾尋常折旋俯仰拈匙把筯祇揖萬福是覆藏不覆  
藏忽然瞥去去也不可要會麼世尊有密語冬到  
寒食一百五迦葉不覆藏水洩不通已露藏靈利衲  
僧如會得一重雪上一重霜 僧問如何是祖師西  
來意曰喫醋知酸喫鹽知鹹云弓折箭盡時如何曰  
一場懨懨 問不與萬法爲侶有是甚麼人曰拶破  
露柱云歸鄉無路時如何曰王程有限云前三三後  
三三又作麼生日六六三十六 問承聞和尚親見  
五祖是否曰鉄牛醫碎黃金草云恁麼則親見五祖  
也曰我與爾有甚冤讎云只如達磨見武帝意旨如  
何曰胡言易辨漢語難明云爲甚懨懨暗渡江曰因  
風借便 問如何是主中賓曰進前退後愁殺人云  
如何是賓中主曰眞實之言成妄語云如何是賓中  
賓曰夫子遊行厄在陳云如何是主中主曰終日同  
行非伴侶云賓主已蒙師指示向上宗乘事若何曰  
大斧斫了手摩訶 問卽心卽佛卽不問非心非佛  
事如何曰昨日有人問老僧不對云未審與卽心卽

佛相去多少曰近則千里萬里遠則不隔絲毫云忽被學人截斷兩頭歸家穩坐又作麼生曰備家在甚麼處云大千沙界內一箇自由身曰未到家在更道云學人到這裏直得東西不辨南北不分去也曰未爲分外室中以木骰子六隻面面書字字僧纔入擲曰會麼僧擬不擬即打出七年九月八日上堂示衆曰祖師心印狀似鐵牛之機去即印住住即印破直饒不去不住亦未<sub>三</sub>衲僧行履處且作麼生是衲僧行履處待十月前後奉爲諸人注破至後月八日沐浴更衣端坐手寫數書別故舊停筆而化火後門弟子奉靈骨設利塔于本山

東京天寧佛果克勤禪師彭之崇寧人族駱氏世宗儒師犀顙月面骨相不凡幼日記千言偶游妙寂寺見佛書三得悵然如獲舊物曰子殆過去沙門也即去家依自省祝髮從文照通講說又從敏行授楞嚴俄得病瀕死歎曰諸佛涅槃正路不在文句中吾欲以聲求色見其無以死也遂棄去至真覺勝禪師之席勝方創臂出血指示師曰此曹溪一滴也師矍

然良久曰道固如是乎即徒步出蜀首謁玉泉皓次依金鑾信大鴻詰黃龍心東林總僉指爲法器而晦堂稱他日臨濟一派屬子矣最後見白雲盡其機用祖皆不諾且訶曰汝欲了生死大事何以意氣得耶師不顧趨出抵吳中已而復還祖迎笑曰吾望子久矣即命入侍司會部使有解印還蜀詣祖作禮問佛法大意祖曰不見小斲詩云頻呼小玉元無事只要檀郎認得聲使者惘然師旁侍竊聆忽大悟立告祖曰今日去却膺中物喪盡目前機祖曰佛祖大事非小根劣器所能造詣吾助汝喜師述偈曰金鴨香囊錦繡幃笙歌叢裏醉扶歸少年一段風流事只許佳人獨自知由此所至衆推爲上首崇寧中還里省親四衆迓拜成都帥翰林郭公知章請開法六祖更昭覺再出蜀次荊南會無盡居士張公商英以師禮留居碧岩復徙道林樞密鄧公子常奏賜紫服師名政和中詔住金陵蔣山學者無地以容名振京師勅補天寧萬壽上召見褒寵甚渥建炎初又遷金山適駕幸維揚入對賜圓悟禪師改雲居久之

復領昭覺 上堂曰通身是眼見不及通身是耳聞  
不徹通身是口說不著通身是心鑒不出直饒盡大  
地明得無絲毫透漏猶在半途據令全提且道如何  
展演域中日月縱橫挂一亘晴空萬古春 上堂山  
頭鼓浪井底揚塵眼聽似震雷霆耳觀如張錦繡三  
百六十骨節一一現無邊妙身八萬四千毛端頭頭  
彰寶王利海不是神通妙用亦非法爾如然苟能千  
眼頓開直是十方坐斷且超然獨脫一句作麼生道  
試玉須經火求珠不離泥 上堂本來無形段那復  
有脣臂特威廣稱揚替他說道理且道他是阿誰  
上堂十五日已前千牛拽不回十五日已後俊鶻越  
不及正當十五日天平地平同明同暗大千沙界不  
出當處可以含吐十虛進一步超越不可說香水海  
退一步坐斷千里萬里白雲不進不退莫道閨梨老  
僧也無開口處舉拂子曰正當怎麼時如何有時拈  
在千峰上劃斷秋雲不放高 上堂十方同聚會本  
來身不昧箇箇學無爲頂上用鉗鎚此是選佛場深  
廣莫能量心空及第歸利劍不如錐龐居士舌拄梵

天口包四海有時將一莖草作丈六金身有時將丈  
六金身作一莖草甚是奇特然雖如此要且不會動  
著向上關且如何是向上關鑄印築高壇 上堂有  
句無句超宗越格如藤倚樹銀山鐵壁及至樹倒藤  
枯多少人失却鼻孔直饒收拾得來已是千里萬里  
只如未有怎麼消息時如何還透得麼風暖鳥聲碎  
日高華影重 上堂舉步越東勝身退身入西瞿耶  
回首望北鬱單捏拳獨南閣浮淨地裏看是箇沒量  
大人正眼觀來猶是麻萍翹末須知四維上下無邊  
香水海不可說浮幢王刹捏爲微塵一一塵中現無  
邊身說無量法猶只是順機教看窟窿著楔而況提  
向上鉗鎚用作家爐鞴便是徧界德山有棒無下手  
處徧界臨濟有喝無啓口處徧界金色頭陀有定力  
無容身處正當怎麼時驀然有箇承當擔荷得趣向  
得行履得且道向甚麼處著渠山僧有箇著處待說  
又恐成露布擬不說又却辜負當機說與不說一時  
拈却最後一句放開話會去也青松下明窓內玉殿  
珠樓未爲對衲被蒙頭萬事休此時山僧都不會委

悉麼天台華頂秀南岳石橋高 上堂第一句薦得

祖師乞命第二句薦得人天瞻落第三句薦得虎口

橫身不是循途守轍亦非革轍移途透得則六臂三

頭未透亦人間天上且三句外一句作麼生道生涯

只在絲輪上明月扁舟泛五湖 僧問雲門道須彌

山意旨如何曰推不向前約不退後云未審還有過

也無曰坐却舌頭 問法不孤起仗境方生提坐具

云這箇是境那箇是法曰却被闍梨奪却槍 問古

人道柳栗橫擔不顧人直入千峯萬峯去未審阿那

裏是他住處曰騰蛇纏足露布遶身云朝看雲片片

暮聽水潺潺曰却須截斷始得云此回不是夢真箇

到廬山曰高著眼 問不歷化城便登寶所時如何

曰滿眼本非色滿耳本非聲云親到寶山空手回時

又作麼生曰入荒田不揀 問勿謂無心云是道無

心猶隔一重關如何是一重關曰十重也有云如何

是關中主曰放過一著云作何面自師便喝 問猿

抱子歸青嶂後鳥喚華落碧岩前此是和尙舊時安

身立命處如何是道林境曰寺門高開洞庭野殿脚

插入赤沙湖云如何是境中人曰僧實人人滄海珠

云此是杜工部底作麼生是和尙底曰且莫亂道云

如何是奪人不奪境曰山僧有眼不曾見云如何是

奪境不奪人曰闍梨問得自然親云如何是人境俱

奪曰収云如何是人境俱不奪曰放 問玄沙不遇

嶺保壽不渡河未審意旨如何曰直超物外云雪峯

三度到投子九度到洞山又作麼生曰別是一家春

云恁麼則春色無高下華枝自短長曰一任卜度

問有句無句如藤倚樹如何得透脫曰倚天長劒逼

人寒云只如樹倒藤枯瀉山爲甚麼呵呵大笑曰愛

他底著他底云忽被學人掀倒禪床拗折拄杖又作

箇甚麼伎倆曰也是賊過後張弓 問無邊身菩薩

爲甚麼不見如來頂相曰有時恁麼有時不恁麼云

如何是和尙頂相曰錯僧禮拜師曰果然果然 問

明歷歷露堂堂因甚麼乾坤収不得曰金剛手裏八

棱棒云忽然一喚便回還當得活也無曰鷺子目連

無奈何云不落照不落用如何商量曰放下雲頭云

忽遇其中人時如何曰騎佛殿出三門云萬象不來



渠獨誦教誰把手上高峰曰錯下名言紹興五年八月己酉示微恙跌坐書偈遺衆投筆而逝茶毗舌齒不壞設利五色無數塔于昭覺之側壽七十有三臘五十有四六年三月諡曰眞覺塔曰寂照

舒州龍門佛眼清遠禪師蜀之臨邛人族李氏爲人嚴正寡言年十四圓具常依毗尼師因讀法華至是法非思量分別之所能解持問講者莫能對遂南游江淮首參眞覺勝禪師無契棄依太平事祖數載因丐於廬州偶兩足跌仆地煩懣間聞二人交相惡罵諫者曰爾猶自煩惱在師於言下有省及歸侍祖祖見師凡有所問卽曰我不如爾爾自會得好或曰我不會我不如爾師愈疑每咨決於元禮首座禮一日見師欲訴意遽引師耳繞圍爐旋行旋告之曰爾自會得好師曰憑公開發乃爾相戲耶禮曰爾他後悟去方知今日曲折耳後典賓海會雨夜讀傳燈錄至破竈墮因緣忽撥火大悟作偈曰刀刀林鳥啼披衣終夜坐撥火悟平生窮神歸破墮事咬人自迷曲淡誰能和念之永不忘門開少人過圓悟聞之問曰青

林般土話古今無人出得爾如何會云也有甚難曰只如他道鐵輪天子寰中旨意作麼生云我道帝釋宮中放教書悟喜曰遠兄便有活人句祖亦然之自是隱居四面大中庵屬天下一新崇寧萬壽寺舒守王公渙之命師開法次補龍門道望尤振學者爭集逾十二年勅居和之褒禪樞密鄧公洵武奏賜師號及紫方袍上堂曰臺山路上過客全稀破竈堂前感恩無地雪埋庭柏冰鎖偃谿雖在南方火爐頭不入他家盡裏看看臘月三十日便是孟春猶寒爾等諸人各須努力向前切忌自生退屈上堂卓拄杖曰圓明了知不由心念抵死要道墮坑落壘畢竟如何乃倚拄杖下座上堂泡幻同無礙如何不了悟眼裏瞳人吹叫子達法在其中非今亦非古六隻骰子滿盆紅大衆時人爲甚麼坐地看楊州鉢孟著柄新鑲樣牛上騎牛笑殺人上堂趙州不見南泉山僧不識五祖甜瓜徹蒂甜苦瓠連根苦上堂一葉落天下春無路尋思笑殺人下是天上是地此言不入時流意南作北東作西動而止喜而悲地



頭蝸尾一試之猛虎口裏活雀兒是何言歸堂去

上堂面前過便知是張三李四背後過爲甚麼却不見壁這邊便見條臺倚子壁那下爲甚麼分疎不得咫尺之間尙爾況十方世界耶參學人若不明此當知參學事卒未在上堂蘇武牧羊辱而不屈李陵望漢樂矣忘歸是在外國在本國佛諸弟子中有者雙足越坑有者聆箏起舞有者身埋糞壤有者呵罵河神是習氣是妙用至於擎叉打地空拂敲床睦州一向閉門魯祖終年面壁是爲人是不爲人信知一切凡夫埋沒寶藏殊不丈夫諸人何不擺拖張帆拋江過岸休更釘椿搖櫓何日到家既作曹溪人又是家裡漢還見家裡事麼僧問劫火洞然大千俱壞未審這箇壞不壞曰黑漆桶裡黃金色問道遠乎哉觸事而真如何是道曰頂上八尺五云此理如何曰方圓七八寸問劫火威音前別是一壺天御樓前射獵不是刈茅田提起坐具云這箇喚作甚麼曰正是刈茅田僧便喝師曰猶作主在問僧孤燈獨照時如何僧無對代曰露柱證明聞靜板聲師乃

曰據款結案宣和初以病辭歸蔣山之東堂二年書

雲前一日飯食訖趺坐謂其徒曰諸方老宿臨終必留偈辭世世可辭耶且將安往乃合掌怡然趨寂門人函骨歸龍門塔于靈光臺側壽五十四臘四十潭州開福道寧禪師欽溪汪氏子也壯爲道人於崇果寺執浴一日將濯足偶誦金剛經至於此章句能生信心以此爲實遂忘所知忽垂足沸湯中發明已見後祝髮蔣山依雪竇老良禪師踰二年次參涌泉誠子湖覺開先遷羅漢英三祖宗太平清鐘山佛惠圓通法鏡諸名宿晚至白蓮間五祖小參舉忠國師古佛淨瓶趙州狗子無佛性話頓徹法源大觀中潭帥席公震請住開福衲子景從上堂曰未離兜率已降王宮未出母胎度人已畢諸禪德日日從東畔出朝朝雞向五更啼雖然不是桃華洞春至桃華亦滿溪又道毗藍園內右脇降生七步周行四方目顧天上天下唯我獨尊大似貪觀天上月失却掌中珠還知落處麼若知落處方爲孝子順孫苟或未然不免重下注脚良久曰天生伎倆能奇怪未上輪他

弄一場 上堂徧界不曾藏通身無影像相逢莫訝  
太愚癡癡劫至今無伎倆無伎倆少人知太抵還他  
肌骨好何須臨鏡畫蛾眉 上堂摩竭正令未免崎  
嶇少室垂慈早傷風骨腰囊掣錫辜負平生煉行灰  
心遞相鈍置爭似春雨晴春山青白雲三片四片黃  
鳥一聲兩聲千眼大悲看不足王維雖巧畫難成直  
饒便恁麼猶自涉途程且不涉途程一句作麼生道  
人從汴州來不得東京信 僧問蓮華未出水時如  
何曰人天合掌云出水後如何曰不礙往來看 問  
如何是句到意不到曰瑞草本無根信手拈來用云  
如何是意到句不到云領取鉤頭意莫認定盤星云  
如何是意句俱到曰大悲不展手通身是眼睛云如  
何是意句俱不到曰君向瀟湘我向秦政和三年十  
一月四日淨髮沐浴次日齋罷小參勉衆行道辭語  
誠切期初七示寂至日酉時加趺而逝十一闍維獲  
舍利五色歸藏于塔

悟述偈曰顛倒顛顛倒顛新婦騎驢阿家牽便怎麼  
太無端回頭不覺布衫穿祖見乃問百丈野狐話又  
作麼生曰來說是非者便是是非人祖大悅久之辭  
歸住青溪太守呂公來瞻大像問曰既是大像因甚  
麼肩負兩楹曰船上無散工至閣下觀觀音像又問  
彌勒化境觀音何來曰家富小兒嬌守乃禮敬勤老  
宿至師問舞劍當咽時如何云伏惟尚享師詎曰老  
賊死去爾問我勤理前語問之師叉手揖曰拽破師  
後遷九頂道播闡中紹興乙卯四月二十四日得微  
疾書偈遺衆曰木人備舟鐵人備馬丙丁童子穩穩  
登喝散白雲歸去也竟爾趨寂示衆機語未見  
彭州大隨南堂元靜禪師後名道興閩之玉山人大儒趙  
公約仲之子也十歲病甚母禱之感異夢捨令出家  
師成教大慈寶生院宗裔元祐三年通經得度留講  
聚有年而南下首參永安恩禪師於臨濟三頓棒話  
發明次依諸名宿無有當意者聞五祖機峻欲抑之  
遂謁祖見乃曰我此間不比諸方凡於室中不要汝  
進前退後豎指擎拳繞禪床作女人拜提起坐具千

般伎倆只要備一言下諦當便是汝見處師茫然退參三載一日入室罷祖謂曰子所下語已得十分試更與我說看師卽剖而陳之祖曰說亦說得十分更與我斷看師隨所問而判之祖曰好則好只是未曾得老僧說話在齋後可來祖師塔所與汝一一按過及到見師來便問卽心卽佛非心非佛睦州擔板漢南泉斬猫兒趙州狗子無佛性有佛性之語編辟之其所對了無凝滯至紫胡狗話祖遽轉面曰不是云不是却如何曰此不是則和前面皆不是云望和尚慈悲指示曰爾看他道紫胡有一狗上取人頭中取人腰下取人脚入門者好看纔見僧入門便道看狗向紫胡道看狗處下一轉語教紫胡結舌無言老僧鉢口有分便是爾了當處次日入室師默啓其說祖笑曰不道爾不是千了百當底人此語只似先師下底語師曰某何人得似端和尚祖曰不然老僧雖承嗣他謂他語拙者蓋只用遠錄公手段接人故也如老僧共遠錄公便與百丈黃檗南泉趙州輩把手共行纔見語拙卽不堪師以爲不然乃曳杖渡江適大

水泛漲因留四祖齊輩挽其歸又二年祖方許可嘗商略古今次執師手曰得汝說須是吾舉得汝舉須是吾說而今而後佛祖秘要諸方關鍵無逃子掌握矣遂創南堂以居之於是名冠寰海成都師席公且請開法嘉祐未幾徙昭覺遷能仁及大隨上堂曰夫參禪至要不出箇最初句與末後句透得過者參學事畢儻或未然更與爾分作十門各各印證自心還得穩當也未一須信有教外別傳二須知有教外別傳三須會有情說法與無情說法無二四須見性如觀掌中之物了了分明一一田地穩密五須具擇法眼六須行鳥道玄路七須文武兼濟八須摧邪顯正九須大機大用十須向異類中行凡欲紹隆法種須盡此綱要方坐得這曲汞床子受得天下人禮拜敢與佛祖爲師若不到恁麼田地只一向虎頭他時異日閻老子未放爾在有則出來大家證據若無不用久立珍重上堂君王了了將師惺惺一回得勝六國平寧上堂舉臨濟參黃檗之語白雲端和尚頌云一拳拳倒黃鶴樓一趂趂翻鸚鵡洲有意氣時

添意氣不風流處也風流師曰大隨卽不然行年七十老躍躍眼目精明耳不聾忽地有人欺負我一拳打倒過關東 上堂問答曰乃曰有祖已來時人錯會只將言句以爲禪道殊不知道本無體因體而得名道本無名因名而立號只如適來上座纔恁麼出來便恁麼歸衆且道具眼不具眼若道具眼纔恁麼出來眼在甚麼處若道不具眼爭合便恁麼去諸仁者於此見得個儻分明則知二祖禮拜依位而立眞得其髓只這些子是三世諸佛命根六代祖師命脉天下老和尚安身立命之處雖然如是須是親到始得 上堂自己田園任運耕祖宗基業力須爭悟須千聖頭邊坐用向三塗底下行 上堂舉雪峰普請自負一束藤中路見一僧來便拋下僧擬取次峰便踏倒歸舉似長生生曰和尚替這僧入涅槃堂始得峰休去雪竇云長生大似東家人死西家助哀也好與一踏師曰雪峰一踏別傳教外雪竇一踏千古無對長生答對失錢遭罪若人點檢得出老僧只呵呵大笑且道笑與踏是同是別良久曰參 僧問祖師

心印請師直指曰備聞熱麼云聞曰且不聞寒云和尚還聞熱否曰不聞云爲甚麼却不聞師搖扇曰爲我有這箇 問如何是奪人不奪境曰活捉魔王鼻孔穿云如何是奪境不奪人曰中心樹子屬吾曹云如何是人境兩俱奪曰一釣三山連六鼇云如何是人境俱不奪曰白日騎牛穿市過 問蓮華未出水時如何曰好云出水後如何曰好云如何是蓮華曰好僧禮拜師曰與他三箇好萬事一時休 問藏天下於天下卽不問乃舉拳云只如這箇作麼生藏曰有甚麼難云且作麼生藏曰衫袖裏云未審如何是紀綱佛法底人曰不可是鬼云忽遇殺佛殺祖底來又作麼生支遣曰老僧有眼不曾見 問學人乍入叢林乞師指示曰喫粥喫飯莫教放在腦後云終身喫時未嘗喫曰負心衲子不識好惡 問劫火洞然大千俱壞未審這箇壞也無曰阿誰教爾恁麼問僧進前鞠躬云不審師曰是壞不壞僧無語 問如何是山裡禪曰庭前嫩竹先生笋澗下枯松長老枝云如何是市裡禪曰六街鐘鼓韻寥寥卽處鋪金世界



中云如何是村裏禪曰賊盜消亡蠶麥熟謳謠鼓腹樂昇平問如何是諸佛出身處曰問得甚當云便恁麼去時如何曰答得更奇問因山見水見水忘山山水俱忘理歸何所曰山僧坐却舌頭天地黯黑有一老宿垂語云十字街頭起一間茅廁只是不許人屙僧舉以扣師師曰是爾先屙了更教甚麼人屙宿聞焚香遙望大隨再拜謝之紹興乙卯秋七月大雨雪山中有異象師曰吾期至矣十七日別郡守以次越二日示少恙於天彭二十四夜謂侍僧曰天曉無月時如何僧無對師曰倒教我與汝下火始得翌日還壩口廨院留遺誠蛻然示寂壽七十有一臘四十有七門弟子奉全身歸煙霧四合猿鳥悲鳴八月一日茶毗異香遍野舌本如故設利獲五色者不可計瘞于定光塔之西

斬州五祖表自禪師懷安人初依祖令看德山小參不答話因緣未有省時圓悟爲座元師往請益悟云兄有疑處試語我師遂舉五祖所示德山小參不答話悟掩其口云但恁麼看師出揚聲曰屈屈豈有公

案只教人看一句底道理有僧謂師曰兄不可如此說首座須有方便因靜坐體究及旬頻棒所疑詣悟禮謝悟云兄始知不欺汝又詣方丈祖迎笑自爾曰深玄奧有本祖將示寂遺言郡守守命嗣其席納子四至不可遏師榜侍者門曰東山有三句若人道得卽挂搭衲子皆披靡一日有僧攜坐具徑造丈室謂師云某甲道不得只是要挂搭師大喜呼維那於明窗下安排上堂曰世尊拈華迦葉微笑時人只知拈華微笑要且不識世尊僧問如何是祖師西來意曰荊棘林中舞柘枝云如何是佛曰新生孩子擲金盆

斬州龍華道初禪師梓之馬氏子爲祖侍者有年住龍華日上堂曰雞見便闘犬見便齧殿上蚩蚩終日相對爲甚麼却不嗔使下座師機辯峻捷門人罔知造詣一日謂衆曰昨日離城市白雲空往還松風清耳目端的勝人間召衆曰此是先師末後句有頃脫然而逝

漢州無爲宗泰禪師涪城人自出關徧游叢社後至



五祖告香日祖舉趙州洗鉢孟話俾參祖入室舉此話問師備道趙州向伊道甚麼這僧便悟去師曰洗鉢孟去齊云備只知路上事不知路上滋味既曰知路上事路上有甚麼滋味云備不知耶又問備曾游浙否曰未也云備未悟在師自此凡五年不能對祖一日陞堂顧衆曰八十翁翁觀繡毬便下座師欣然出衆云和尚試觀一觀看祖以手作打仗鼓勢操蜀音唱綿州巴歌曰豆子山打瓦鼓楊平山撒白雨白雨下取龍女織絹得二丈五一半屬羅江一半屬玄武師聞大悟掩祖口曰只消唱到這裏祖大笑而歸祖入寂師還蜀四衆請開法無爲遷正法上堂曰此一大事因緣自從世尊拈華迦葉微笑世尊云吾有正法眼藏分付摩訶大迦葉以後燈燈相續祖相傳迄至于今綿綿不墜直得遍地生華故號涅槃妙心亦曰本心亦曰本性亦曰本來面目亦曰第一義諦亦曰槃迦羅眼亦曰摩訶大般若若在男曰男在女曰女汝等諸人但自悟去這般盡是閑言語遂拈起拂子曰會了喚作禪未悟果然難難難目前隔箇須

彌山悟了易易信口道來無不是僧問如何是佛曰阿誰教爾恁麼問僧擬議師曰了元禮首座七閩人也依祖於白雲凡入室必謂曰衲僧明取絕素好疑之不已一日祖陞堂舉首山新婦騎驢阿家牽語乃曰諸人要會麼莫問新婦阿家免須路上波吒遇飯即飯遇茶即茶同門出入宿世冤家禮豁如且曰今日絕素分明矣二年祖遷席祖山命分座不就祖歸寂即他往崇寧間再到五祖僧逆問五祖遷化向甚麼處去曰有眼無耳朶六月火邊坐云意旨如何曰家貧猶自可路貧愁殺人或問金剛經云一切善法如何是善法曰上是天下是地中間坐底坐立底立喚甚麼作善法僧無對禮便打後終於四明之瑞岩

普融知藏閩之古田人遊方至五祖隨衆入室祖舉倩女離魂話問之有契呈偈曰二女合爲一媳婦機輪截斷難回互從來往返絕蹤由行人莫問來時路凡有鄉僧來謁則發闍音誦偈語曰書頭教娘勤作息書尾教娘莫瞋眠且道中間說箇甚麼僧擬對即

推出

法闕上座久依五祖未有所入一日造室祖問不與萬法爲侶者是甚麼人云法闕卽不然祖以手指曰住住法闕卽不然作麼生於言下啓悟後至東林宣密度禪師席下見其得平實之旨一日拈華繞度禪床一匝背手插香爐中曰和尚且道意作麼生度屢下語皆不契踰兩月遂問闕令試說之闕曰某只將華插香爐中和尙自疑有甚麼事來

瑯琊永起禪師法嗣一人

俞道婆金陵人也市油資爲業常隨衆參問瑯琊以臨濟無位真人話示之一日聞丐者唱蓮華樂云不因柳毅傳書信何緣得到洞庭山忽大悟以資盤投地夫傍晚云僮頭耶婆掌曰非汝境界往見瑯琊耶婆望之知其造詣問那箇是無位真人婆應聲曰有一無位人六臂三頭努力噴一壁華山分兩路萬年流水不知春由是聲名藹著凡有僧至則曰兒兒僧擬議卽掩門佛燈珣禪師往勸之婆見如前所問珣云爺在甚麼處婆轉身拜露柱珣卽踏倒云將謂有多

少奇特便出婆曰兒兒來惜爾則箇珣竟不顧安首座至便問甚麼處來云德山曰德山泰乃老婆兒子云婆是甚人兒子曰被上座一問直得立地放尿安休去管頭馬祖不安因緣曰日月面靈光閃電雖然截斷天下衲僧舌頭分明只道得一半

嘉泰普燈錄卷第十一

音釋

闕初六切	卅音慣	變蘇協切	嶽音欽
耍沙瓦切	齧五結切	駱音落	散音投
創音瘡	矍居角切	渥於角切	楔音屑
騰音滕	洵音荀	歎音攝	閔音浪
龍五勞切	壩方鄧切	瘞依厲切	

嘉泰普燈錄卷第十二

平江府報恩光孝禪寺臣僧 正受 編

南嶽第十四世 臨濟十世  
翠巖三世

智海普融道平禪師法嗣

東京淨因佛慈蹠庵繼成禪師表之宜春人族劉氏冠以博學知名崇寧中入貢于宗伯不第慨然有出塵志師仰山普禪師得度去依雲蓋老智得其大略往扣普融深明旨要融力稱之尋往玉泉分座名震舊京宣和六年春 詔住右街顯忠寺久而徙淨因高宗皇帝潛邸時賜 御書扇面二十一事及 賜錢飯僧命陞座建炎初居天台華頂紹興間移闔中秀峰 上堂拈拄杖曰清淨本然云何忽生山河大地看看富樓那穿過釋迦老子鼻孔釋迦老子鑽破虚空肚皮且道山河大地在甚麼處鄉下拄杖召大眾曰虚空翻筋斗向新羅國裏去也是爾諸人切忌認葉止啼刻舟尋劍 上堂太陽門下日日三秋從東過西明月堂前時時九夏指鹿爲馬會麼珊瑚枝枝撐著月 上堂茫茫盡是覓佛漢學世難尋閑道

人捧喝交馳成藥忌了亡藥忌未天真 上堂崑崙奴著鐵袴打一棒行一步爭似火中釣鼈日裏藏冰陰影問翻翻題虚空縛殺麻繩 上堂踞坐曰擒虎兕剉於菟坐斷千聖路頭打破群魔境界還有如是納僧麼時有僧問不求諸聖不重已靈時如何曰一釣便上云學人會也曰休將披地竹擬比拂雲松云爭奈上無攀仰下絕已躬曰一任撐天拄地僧禮拜師拍禪床下座一日同法真慈受圓悟十法師泊四禪諸講千僧赴太尉陳公良弼府伊蒲塞供

徽宗皇帝私幸觀之太師魯國公與焉有善華嚴者乃賢首宗之義虎也對衆問諸禪曰吾佛設教自小乘至於圓頓掃除空有獨證真常然後萬德莊嚴方名爲佛嘗聞禪宗一喝能轉凡成聖則與諸經論似相違背今一喝若能入吾宗五教是爲正說若不能入是爲邪說諸禪視師曰如法師所問不足三大禪師所酬淨因小長老可以使法師無惑也師召善善應諾師曰法師所謂愚法小乘教者乃有義也大乘始教者乃無義也大乘終教者乃不有空義也

大乘頓教者乃卽有卽空義也。一乘圓教者乃不有而有。不空而空。或有而不空。義也。如我一喝非唯能入五教。至於工巧技藝諸子百家。悉皆能入。師震聲喝。一喝問善曰。聞麼。云。聞曰。汝既聞此。一喝是有能入小乘教。須臾又問善曰。聞麼。云。不聞曰。汝既不聞。適來一喝。是無能入。始教遂顧善曰。我初一喝。汝既道有。喝久聲消。汝復道無。道無則元初實有道。有則而今實無。不有不無。能入終教。我有一喝之時。非有是有。因無故有。無一喝之時。非無是無。因有故無。卽有卽無。能入頓教。須知我此一喝。不作一喝用。有無不及情解。俱忘道有之時。纖塵不立。道無之時。橫遍虛空。卽此一喝。入百千萬億喝。百千萬億喝。入此一喝。是故能入圓教。善乃起再拜。師復謂曰。非唯一喝爲然。乃至語默動靜一切時。一切處。一切事。一切物。契理契機。周遍無餘。聞者靡不歎仰。皇帝顧謂近臣曰。禪宗玄妙深極。如此淨因才辯。亦罕有也。近臣奏云。此宗師之緒餘耳。癸亥秋。終于秀峰。祥異甚衆。潭州南巖法輪達宗彥孜禪師處之龍泉陳氏子也。

上堂曰。若是諦當漢通身。無隔礙。舉措絕毫釐。擡手出紅塵。撥開向上竅。當頭割定。不犯鋒棱。轉握將來。應用恰好。絲毫不漏。函蓋相應。任是諸佛諸祖。觀著寒毛卓豎。會麼。喫茶去。僧問。如何是不涉煙波底。句曰。皎皎寒松月。飄飄谷口風。云。萬差俱掃蕩。一句截流機。曰。點僧云。到師曰。借人面具。舞三臺。問。如何是佛。曰。白額大虫。云。只如洞山道。麻三斤。又作麼生。曰。毒蛇鑽露柱。云。學人不曉。曰。踏著始驚人。衡州開福崇哲禪師邵州人。族劉氏。於新化廣福寺得度。徧踵叢席。晚見普融。深得法忍。出住開福。上堂曰。妙體堂堂。觸處彰快。須回首。便承當。今朝對衆。全分付。莫道儂家有覆瓿。拂子召侍者曰。因甚打下老僧拂子。上堂。山僧有三印。更無增減。剎覷面。便相呈。能轉凡成聖。諸人還知麼。若也未知。不免重。重注破一印。印空日月星辰。列下風。一印印泥頭頭。物物顯真機。一印印水。振轉魚龍頭。作尾。三印分明。體一同。看來非赤。又非紅。互換高低。如不薦。青山依舊白雲中。僧問。一水吞空遠。三峰峭壁危。覩臺重。

拂拭共喜主人歸未審到家如何施設曰空手捻雙拳云意旨如何曰突出難辨

### 渤潭景祥禪師法嗣

台州鴻福德昇禪師衡陽人幼選經得度即依渤潭密授法印上堂曰諸人怎麼上來墮在見聞覺知怎麼下去落在動靜施爲若也不去不來正是鬼窟活計如何道得出身底句若也道得則分付拄杖子若道不得依而行之卓拄杖下座

建寧府萬壽惠素禪師郡之浦城人族黃氏年二十七依南峰俊禪師下髮持頭陀行閱三載辭謁圓悟草堂諸宗匠尋詣寶峰頓悟心法服勤久之龍圖祖公秀實聞府座以萬壽固請師不得辭上堂僧問劫火洞然大千俱壞未審這箇還壞也無大隨云壞修山主云不壞未審孰是執非師曰一壞一不壞笑殺觀自在師子驚駭人狂狗盡逐塊復曰會麼云不會師曰漆桶不快便下座一日有僧來作禮師問甚處來云和尚合知某來處曰湖南擔屎漢江西刈禾客云和尚眞人眼目甚大滿充園頭東林作

藏主師打三棒喝出紹興二十三年六月朔沐浴跌坐書偈曰昨夜風雷忽爾露柱生出兩指天明笑倒燈籠拄杖依前扶起拂子踈跳過流沙奪轉胡僧一奪隻履於是儼然而逝壽七十有九臘五十有三

慶元府香山道淵禪師本郡人上堂曰酒市魚行頭頭寶所鴉鳴鵲噪一一妙音卓拄杖曰且道這箇是何佛事狼藉不少上堂香山有箇話頭彌滿四大神洲若以佛法批判還如認馬作牛諸人既不作佛法批判畢竟是甚麼道理擊拂子曰無鑄鑊子不厭動搖半夜枕頭要須摸著珍重

隆興府渤潭惟足禪師上堂曰奔流渡刃疾焰過風已是鷄子過新羅倒拈蝎尾逆持虎鬚作死馬醫了移星換斗倒嶽傾瀉却較些子頃足上座前言不副後語便下座

慶元府啓霞德宏禪師衡陽人徧游師席後契悟於渤潭出住烏回次遷啓霞上堂曰上士相逢擊石火迸出流星眨眼過是渠成佛已多時堪笑擬禪黑處坐阿呵呵冥然作夢幾時休守却飯籬空忍餓



建寧府開善本菴道場首座信之上饒人叢林以著德尊之泐潭亦謂其飽參分座日嘗舉隻履西歸語謂衆曰坐脫立亡倒化即不無要且未有逝而復出遺履者惟復後代兒孫不及祖師惟復祖師剩有這一著子乃大笑曰老野狐紹興庚申冬信守以超化革律爲禪迎爲第一祖瓊語專使曰吾初無意人間欲爲山子正其宗派耳然恐多不能往受請已取所藏寶峰繪像與木庵二字仍書偈囑清泉亭老寄得法弟子慧山偈曰口觜不中祥老子愛向叢林鼓是非分付雪峰山首座爲吾痛罵莫饒伊顧專使曰爲我傳語侍郎行計迫甚不及修答聲絕而化時十月十六日也

景淳知藏梅州人於化度寺得度往依寶峰入室次峰問陝府鉄牛重多少淳叉手近前云且道重多少峰曰尾在黃河北頭枕黃河南善財無鼻孔依舊向南參淳擬議峰便打忽頓徹巾侍有年竟隱居林壑嘗作偈曰怕寒懶剃鬚髮愛暖頻添槽枥柴破衲伽梨疎亂搭誰能勞力强安排

信州懷玉用宣首座四明人族彭氏幼爲僧徑趨叢室侍泐潭於黃檗一日自臨川持鉢歸值潭晚參有云一葉飄空便見秋法身須透開啾啾宣聞領旨潭爲證據後依大慧慧亦謂其類已以是名卿鉅公以列利禮迎不就嘗頌大愚答佛話曰鋸解秤鎚出老杜詩紅稻啄殘鸚鵡顰碧梧棲老鳳凰枝

光孝碧落慧蘭禪師法嗣

慶元府蘆山無相法眞禪師江南後主之裔也於和之東城廣聖圓具旣游叢社卽光孝之室遂舉臨濟參黃檗因緣問之師擬對孝震聲一喝師聞竟死偷心乃家記剝留一宿而退由此名重一時出住興教遷薦福及蘆山上堂曰蘆峰深處無人到門前雪壓枯松倒板聲驚起夢中人一條古路清風掃上堂欲明向上事須具頂門眼若具頂門眼始契出家心旣契出家心常具頂門眼要會頂門眼麼四京人著衣喫飯兩浙人飽暖自如通玄峰頂香風清華發蟠桃三四株

青原第十四世

雲門八世

淨慈寶印楚明禪師法嗣

温州靈巖德宗禪師會稽人族李氏於大善寺得度爲城下都表白去遷寶印之席清苦爲志日唯一食久乃開悟未幾聞文關西道化盛行往謁文見稱賞印聞迎歸爲第一座聲名籍籍溫守以靈巖遣使命住持堅臥不答閉戶絕糧屢日而後就學侶雲萃入院日僧問如何是靈巖境曰地從三島裏分出門向雙峰中處開會方臘嘯聚衆奔逃師端坐怡然賊至拜敬而去宣和辛丑六月二十三日應供次偶中油毒病革門人請以酒進藥師叱曰有生則有死可破戒而逃死乎乃渾偈曰一住二十四年隨宜建立因緣如今去也何時節風在青松月在天飲日而化臨安府淨慈象巖師上堂古者道一翳在眼空華亂墜拈拄杖曰淨慈拈起拄杖豈不是一翳在眼百千諸佛總在拄杖頭度丈六紫磨金色之身乘其國土遊歷十方說一切法度一切衆豈不是空華亂墜卽今莫有向拄杖未拈已前坐斷得底麼出來與淨慈相見如無切忌向空太無眼本無翳處著到乃

鄒拄杖下座

福州雪峰海月隆禪師上堂曰一不成二不是口喫飯鼻出氣休云北斗藏身說甚南山鼉鼻家財運出任交關勸君莫競雞頭利

長蘆祖照道和禪師法嗣

鎮江府甘露達珠禪師編之長樂人妙齡得度一鉢游方高行異倫叢林尊仰出住甘露上堂曰聖賢不分古今惟一可謂火就燥水流濕鑿井而飲耕田而食大衆東村王老去不歸紛紛黃葉空狼藉沂州天寧明禪師僧問靈雲見桃華悟道還端的也無曰竊有所自云只如玄沙道諦當甚諦當致保老兄未徹意作麼生曰擬殺天下人臨安府靈隱圓智法淳禪師上堂曰吾心似秋月碧潭清皎潔師喝曰寒山子話墮了也諸禪德被溺無邊豈中秋之月可比靈相絕待非照世之珠可倫獨露乾坤光吞萬象普天匝地耀古騰今且道是箇甚麼良久曰此夜一輪滿清光何處無噫人上堂舉祖照和尚云半夜逾城要不回再山深處絕猿埃

蘆芽穿膝尋常事一見明星眼豁開先師怎麼說話  
尋善盡美要且未有出身一路山僧見處也要諸人  
共知半夜逾城景象虎雪山深處背盧都直饒一見  
明星悟已是當時不丈夫明眼衲僧一任貶刺

### 雪峰妙湛思慧禪師法嗣

臨安府淨慈佛行月堂道昌禪師雪之寶溪人族吳  
氏母感異夢而生六歲從鹿苑證大德十三祝髮逾  
二年調妙湛於道場聞學須彌山話言下知歸湛戒  
其藏器於身復示以雪寶爲道日損偈令洞究一日  
始徹證淵微亟往告湛湛爲助喜於是以偏參爲志  
率時輩俊傑如聞庵宗正堂辯借游淮楚湖湘間依  
長靈卓保寧機圓悟勤諸大宗師咸器賞之尤於圓  
悟室中問答無滯特加前席命典翰拂衣不願歸省  
湛於淨慈俾掌藏爲衆說法道聲藹著時年二十九  
湖守以何山從妙湛勾有道者住持以師應命未幾  
補穹窿瑞光遷育王建炎中席跨黃犢游天台紹  
興初居閩中大吉徙秀峰龜山力來萬指詔移金  
陵蔣山蔣山新經戒燼師至一新之復奉旨擢徑

山靈隱庚辰冬上表乞行度牒辛巳春蒙放行是年  
退藏靈泉乾道丙戌秋適淨慈闕主法衲子荷包懇  
師座乞師振之王公炎入山禮請遂不得辭上堂  
曰道不屬知不屬不知知是妄覺不知是無記若眞  
達不疑之道礙他銅盤不打老鼠所以抽身入遷從  
屋裏來扱教臺堯穩脚且勸三杯兄呼弟喚殷勤處  
留得兒孫辨劫灰上堂未透祖師關千難與高難  
既透祖師關千難與萬難未透時難即且置既透了  
因甚麼却難放下策籬雖得價動他杓柄大無端  
上堂與我相似共備無緣打翻藥鉢傾出爐煙還丹  
一粒分明在流落人間是幾年咄上堂雁過長空  
影沉寒水雁無遺蹤之意水無沉影之心若能如是  
正好買草鞋行脚所以道動則影現覺則冰生不動  
不覺正在死水裏薦福老人出頭不得即且置育王  
今日又作麼生向道莫行山下路果聞猿叫斷腸聲  
歲旦上堂舉拂子曰歲朝把筆萬事皆吉忽有箇  
漢出來道和尚這箇是三家村裏保正書門底爲甚  
麼將在華王座上當作宗乘只向他道牛進千頭馬

入百足 僧問大用現前不存軌則時如何曰張家

兄弟太無良云恁麼則一切處皆是去也曰莫唐突

人好 問心生則法生心滅則法滅只如心法雙忘

時生滅在甚麼處曰左手得來右手用 問如何是

從上宗門中事曰一畝地云便恁麼會時如何曰埋

沒不少 問擎頭戴角來時如何曰老僧只管看云

看後如何曰自起自倒云和尚還出得麼曰啣取一

莖草來僧擬議師曰著甚死急 問如何是諸佛本

源曰屋頭問路云向上還有事也無曰月下拋磚

問如何是十身調御曰喫水論噯師以智證精微操

履高遡垂手之際不少假透關之士多望崖而退紹

興之來叢林殆欲委地師力扶之以正教化餘五十

年而王公大臣有過門者將迎未嘗垂堂嘗謂衆曰

吾欲得眞實慕道之士令大徹大悟起雲門一派俾

天下向吾教者知有此宗則人自然如水赴壑豈爲

枉道而涉叢林耶辛卯正月二十擊鼓辭衆遠近咸

集無不泣留侍者請偈至再師呵曰圓照大通與先

師皆不作此態即瞑目而逝後七日塔全身於寺之

東廡號曰常樂壽八十有三臘六十有九

臨安府徑山照堂了一禪師 上堂曰參玄之士屬

境遇緣不能直下透脫者蓋爲業識深重情妄膠固

六門未息一處不通絕點純清合生難到直須入林

不動草入水不動波始可順生死流入人間世諸人

要會麼以拄杖一畫曰只向這裏薦取

福州大吉法圓禪師 上堂豎拂子曰描不成畫不

就吞熱鐵圓解開大口吉山報應如斯自笑人間罕

有

鎮江府金山了心禪師 上堂曰佛之一字孰云無

木馬泥牛滿道途倚欄欄干春色晚海風吹斷碧珊

瑚還有同聲相應同氣相求者麼百鳥不來樓閣閉

只聞夜雨滴芭蕉

福州石松祖天禪師 僧問如何是一心不生曰七

縱八橫云如何是萬法無咎曰一場漏逗

報恩寶月覺然禪師法嗣

嘉興府資聖元祖禪師 僧問紫金蓮捧千輪足白

玉毫輝萬德身如何是佛曰拖槍帶甲云貫華千偈

雖殊品標月還歸理一如如何是法曰元豐條紹興  
令云林下雅爲方外客人間堪作火中蓮如何是僧  
曰披席把碗

慧林慈受懷深禪師法嗣

臨安府靈隱寂室慧光禪師錢塘夏侯氏子爲人克  
苦凡四坐道場三奉 詔旨 上堂曰不用求真何  
須息見倒騎牛兮入佛殿羌笛一聲天地空不知誰  
識瞿曇面 僧問飛來峰頂山色示清淨法身合澗  
橋邊溪聲演廣長舌相正當恁麼時如何是雲門一  
曲曰芭蕉葉上三更雨云一句全提超佛祖滿筵未  
紫盡知音曰逢人不得錯舉

台州國清愚谷妙印禪師 上堂曰滿口道得底爲  
甚麼不知有十分知有底爲甚麼滿口道不得且道  
殺訛在甚麼處若也知得許你照用同時明闇俱了  
其或未然道得道不得知有不知有南山石大虫解  
作師子吼

台州國清垂慈普紹禪師 上堂曰靈雲悟桃華賢  
沙傍不肯多少癡禪和擔雪去填井今春華又開此

意誰能領端的少人知華落春風靜

泉州九座慧邃禪師 上堂曰九座今日向孤峰絕  
頂駕一隻鐵船截斷天下人要津教他揮篙動棹不  
得有箇錦標子且道在甚麼人手裏舉拄杖曰看看  
向道是龍剛不信等閑奪得始驚人

慧林月印慧海禪師法嗣

廬山萬杉壽堅禪師相州人也 歲旦上堂曰有一  
人不拜歲不迎新寒暑不能侵其體聖凡不能混其  
跡從來鼻孔遶天誰管多年曆日大眾且道此人即  
今在甚麼處卓拄杖曰咄咄咄沒處去

廬山萬杉壽隆禪師自繼兄堅禪師之席學者四至  
一夕小參叙語畢復曰不免舉箇公案辭別大眾良  
久曰青山無限好猶道不如歸聲輟而卒衆愕眙時  
方仲夏如焚留七日神色無少變火後設利如雨

開先宗禪師法嗣

筠州黃檗惟初禪師毗陵錦溪人族蔡氏妙齡捨家  
試經得度卽詣開先先問十方智者皆入此宗只如  
此宗作麼生入師擬對先喝曰你纔開口堪作甚麼



師悚然曰願師指示先曰譬如習射念念只在紅心眼無異盼手不離拈箭發離弦管取中的於是豁然領解出住黃檗上堂曰我見宗大哥平生稿默危坐所謂朽木形骸未嘗口角譏譏將佛祖言教以當門庭只要當人歇得十成自然不向這般漏子上著到時有僧問既不向這般漏子上著到未審如何保任曰無備用心處曰和尚豈無方便曰鐵餅既無汁壓沙那有油

潭州嶽麓海禪師僧問進前三步時如何曰撞頭磕額云退後三步時如何曰墮坑落壑云直得不進不退時又作麼生曰立地死漢

### 雪峰圓覺宗演禪師法嗣

福州鳳山道沼禪師上堂曰如來正眼列祖真規向出聖凡超諸有表不是目前法莫生種種心起滅不相箇中無向背既無向背如何湊泊徹底若能無見見舉頭方證不空空

福州西禪慧舜禪師真定府人也上堂曰五日一參三人普說千說萬說橫說豎說忽有箇衲僧出來

道說即不無爭奈三門頭兩箇不肯山僧即向他道瞎漢若不得他兩箇西禪大似不遇知音上堂今朝清旦萬事成辦直饒只麼休去已是生枝引蔓且道截斷葛藤一句作麼生道臥水鐵牛歸北嶺雙趺單枕雁南飛上堂說不得處作麼生舉舉不得處作麼生會會不得處作麼生明明不得處作麼生透良久曰乞火和煙得擔泉帶月歸箇中如未委紅日曉來輝

### 香巖海印智月禪師法嗣

鄧州香巖倚松如璧禪師撫之臨川人族饒氏舊名節字德操業儒起家自妙齡飽於學優於才工於搜扶高於志節深爲人所知然連蹇場屋不弟後走京師以詩文鳴上庠故一時名士皆與之遊丞相曾公布聞其名延爲上客一日上書陳利害曾不納去之鄧依俞公彥明留數月因館僕占對異常竊恠之謂僕曰汝其有以語我來僕徐對曰某向守舍無所用心聞隣寺海印長老有道價往請一轉語體究忽爾覺悟身心泰然無它也顧僕曰汝能是我乃不能何

哉徑往扣印旬餘忽墮鑊而悟印印之以偈師作書報友人呂公本中舍人曰某自去年十二月二十八日於海印老人處請話咨決從此日日去參正月半間瞥然有箇省處奇哉奇哉世間元來有此不可說不可說不可說無量無邊勝事佛言一大事因緣豈欺我哉便向山河大地草木叢林牆壁瓦礫雞鳴狗吠著衣喫飯舉手動足處一一見本來面目始悟無始以來生死顛倒爲物所轉到這裏如燈破暗一時失却豈不是無量大緣乎於是棄婚宦盡發囊橐市之與僕同祝髮僕名如琳尊爲兄已而偕琳遍參諸名宿所主蒙肯可歸結茹香嚴之鵲壁賢士大夫初聞師聞顛太息曰吾黨中失一國士重爲四海惜襄守趙公研以天寧挽師開法衲子爭集檀信委施無虛日方盛而棄去鄧師王公仲凝請居香嚴未幾復棄去道俗遮留不可遂隱於故廬示衆曰變化密移何太急刹那念念一呼吸八萬四千方便門且道何門不可入入不入曉來雨打芭蕉濕殷勤更問箇中人門外堂堂相對立聞啄木鳥鳴說偈曰剝剝剝裏

心師聲

切字聲

日聲

面有蟲外面啄多少茫茫驢睡人頂後一推猶未覺若不覺更聽山僧剝剝剝餘語未見惜其錄非衲子所編今唯文集行於世建炎三年四月日書偈遺衆無疾而逝士庶致祭不輟五月日奉全身塔于日崖之下世壽六十有五夏臘二十有七

嘉泰普燈錄卷第十二

音釋

蹣音盤	泐音勒	瑄音言	璘音隣
於音烏	菟音徒	與去聲	貶音割
鑿音蓬	鬆音松	椿音骨	拙音咄
飮音瘀	拔初洽切	噉魚蹇切	饒女交初
岍口強切	蕤音紀切		

嘉泰普燈錄卷第十三

平江府報恩光孝禪寺臣僧 正受 編

青原第十四世 洞山十世

天童宏智正覺禪師法嗣

慶元府雪竇聞庵嗣宗禪師徽城人。族陳氏。幼業經。圓具冠。依妙湛慧禪師。詰問次。釋然契悟。慧以麈尾付之。後謁宏智。蒙印可。其道愈尊。出住普照。徙善權。翠巖。遷雪竇。上堂曰。人人有箇鼻孔。唯有善權無鼻孔。爲甚麼無。二十年前。被人掣落了也。人人有兩箇眼睛。唯有善權無眼睛。爲甚麼無。被人木楔子。揷却了也。人人有箇髑髏。唯有善權無髑髏。爲甚麼無。借人作屎杓了也。召大眾曰。鼻孔又無眼睛。又無髑髏。又無諸人。還識善權麼。若也不識。是諸人埋沒善權。其或未然。更聽一頌。洞底泥牛。金貼面。山頭石女。著眞紅繫。驢轡上。生芝草。不是雲。霧香爐峰。上堂。空劫田地。歷歷分明。域外風光。堂堂不隱。憑祖父。當年書契。付兒孫。今日耕鋤。箇中道種。不枯直下。靈苗秀實。功中得妙。自然活計。興隆足下。無私方信。本無。

滲漏得力。底須知來處。飽參底。切忌顛預。若能步步不迷。卽是吾家眷屬。上堂。翠巖不是。不說只爲無箇時節。今朝快便。難逢一句。爲君剖決。露柱本是木頭。秤鎚只是生鐵。諸人若到諸方。莫道山僧饒舌。上堂。少林坐。庾嶺行。書偈傳衣。成戰爭。庾嶺行。少林坐。得隨安心。成話墮。兩家公案。未曾圓。後代兒孫。作殃禍。這殃禍。可煞大。天下衲僧。透不過。僧問。眼若不睡。諸夢自除。如何是不睡底。眼曰。論劫不曾開云。爲甚麼論劫不曾開。曰。不顧一切。問。如何是道。曰。雨多根脚爛。日盛鬢毛焦。云。如何是道中人。曰。冰肌明似玉。雪體瑩如珠。問。如何是大通智勝佛。曰。半夜紅輪耀大地。森羅萬象一時明。云。如何是十劫坐道場。曰。大地紅塵起。虛空不展顏。云。如何是佛法不現前。曰。陶潛醉石。今猶在五柳陰中。不變春。問。如何是常在底人。曰。石裏無星火。拶著便光生。云。如何是不在底人。曰。翻身直透千峰外。更不回頭望故關。云。未審此人。如何親近。曰。白雲路斷。無消息。佛祖從來不得名。問。蓮華未出水時。如何。曰。沒却偏鼻孔。

云出水後如何曰穿著爾眼睛 問如何是返本還

源事曰泥牛入土云如何是禪曰靈詞奪正理云如

何是正法眼曰烏豆二十三年十月朔示微恙初三

與得法上足翠巖宗靜言別泊然而逝是月十三日

塔全身於寺之西南隅

常州善權法智禪師陝府人族栢氏壯於西京聖果

寺祝髮習華嚴棄謁南陽謹次參洪峰智踰十年無

所證後於宏智言下豁然出住善權次居金粟 上

堂曰明月高懸未照前雪眉人凭玉欄干夜深雨過

風雷息客散雲樓酒碗乾 上堂三界無法何處求

心驚地入草飛鳥出林雨過山堂秋夜靜市聲終不

到孤岑

隨州大洪法爲禪師天台鮑氏子 上堂曰法身無

相不可以音聲求妙道忘言豈可以文字會縱使超

佛越祖猶落塔梯直饒說妙談立終挂唇齒須是功

勳不犯影迹不留枯木寒岩更無津潤幻人木馬情

識皆空方能垂手入鄺轉身異類不見道無漏國中

留不住却來煙塢臥寒沙 上堂舉香巖上樹話乃

●錄後

曰綠鬢紅裙窈窕娘百華園裏採桑桑三三兩兩羞  
人見偷眼戲他年少郎

眞州長蘆琳禪師 上堂拈拄杖曰其宗也離心意

識其旨也超去來今離心意識故品萬類不見差殊

超去來今故盡十方更無滲漏當頭不犯徹底無依

悟向朕兆未生已前用在功勳不犯之處平常活計

不用躊躇擬議之間卽沒交涉

臨安府淨慈自得慧暉禪師會稽上虞人族張氏幼

依澄照道凝年十二染削進具甫二十扣眞歇於長

蘆微有所證旋里謁宏智智舉當明中有暗不以暗

相遇當暗中有明不以明相觀問之語不契初夜定

回往聖僧前燒香而宏智適至師見之頓明前話次

日入室智舉堪嗟去日顏如玉却嘆回時鬢似霜詰

之師曰其入離其出微自爾問答無滯智許爲室中

眞子紹興丁巳待制仇公念請開法補陀徙萬壽及

吉祥雪竇淳熙三年 勅補淨慈 上堂曰朔風凜

凜掃寒林葉落歸根露赤心萬派朝宗船到岸六窗

虛映芥投針本成現莫他尋性地閑閑耀古今戶外

凍消春色動四山，渾作木龍吟。上堂釋迦老子窮理盡性，金口敷宣。一代時教，珠回玉轉，被人喚作拭不淨故紙，達磨祖師以一乘法直指單傳。面壁九年，不立文字，被人喚作壁觀婆羅門。且道作麼生行履，免被傍人指注去。納帳蒙頭萬事休。此時山僧都不會。上堂舉風幡話，師曰：風幡動處，著得箇眼，卽是上座。風幡動處，失却箇眼，卽是風幡。其或未然，不是風幡，不是心。衲僧徒自強，錐針岩房雨過昏。煙淨臥聽涼風生竹林。七年秋退歸雪竇，晦藏明覺塔十年仲冬二十九日，中夜沐浴書偈而逝。空全身於中峰號雙塔，世壽八十，有七僧臘七十有五。

慶元府瑞岩石窠法恭禪師，郡之奉化人。族林氏，於棲真院下髮，受具，往延慶講。下一夕，誦蓮經至父母所生眼，悉見三千界，時聞風刺樓欄葉聲，欬然有省。棄依天童，始明大事。凡當世弘法者，悉往咨決之。出住能仁，次補光孝瑞巖。上堂曰：春風楊柳眉春禽弄百舌，一片祖師心兩處俱漏泄。不動步還家習漏頓消滅，時投玉線芒，曉貫金針穴。深固實幽遠，無人

孰辨別，慚愧可憐生。頭頭皆合轍，不念阿彌陀。南無乾屎橛，無智癡人前第一，不得說。上堂頭祖纔始陞堂，百丈卷席歸去，不是拾得寒山有理也。無雪處，上堂見得徹，用時親相逢，盡是箇中人。望空雨寶休誇富，無地容錐，未是貧。踏著秤砣硬似鐵，八兩元來是半斤。上堂舉世尊生下一手指天，一手指地。云：天上天下，唯我獨尊。師曰：五天一隻蓬蒿箭，攪動支那百萬兵。不得雲門行，正令幾乎錯。認定盤星，襄陽府石門清涼法道禪師。劔門人也，後住萬壽。上堂曰：柳色含煙，春光迥秀。一峰孤峻，萬卉爭芳。白雲淡泞，已無心滿目。青山元不動，漁翁垂釣一溪寒。雪未曾消，野渡無人。萬古碧潭，清似鏡。賓中有主，拄杖橫挑。日月輪主中有賓，踏破草鞋，赤脚走直得賓主互顯，殺活自由。理事混融，正偏不滯。入荒田不揀信手拈來草，且道如何委悉。塵中雖有隱身術，爭似全身入帝鄉。慶元府光孝了堂思徹禪師。上堂曰：羊頭車子推明月，沒底船兒載曉風。一句頓超情量外，道無南北。



與西東所以劫前消息非口耳之所傳格外真規豈思量之能解。知佛佛祖祖了無一法爲人子子孫孫直下全身荷負。既已萬機寢削自然一慤不留。湛湛之波碧水冷涵。秋色靈靈之照。雲天淨洗。於冰輪宛轉。旁參叶通。兼帶夢手推開玉戶。顰身撥動機輪。正令纔行。又見一陽萌動。化功密運。俄驚三世變遷。雖則默爾無言。爭奈熾然常說。無遷無變。今朝拈置一邊。有故有新。且道如何。話會諸人還委麼。羣陰消剝盡來。日是晝雲。

長蘆真歇清了禪師法嗣

眞州長蘆妙覺慧悟禪師 上堂曰。盡大地是箇解脫門。把手拽不肯入。雪峰老漢。抑逼人作麼。既到這裏。爲甚麼鼻孔在別人手裏。良久曰。貪觀天上月。失却手中撓。僧問。鴈過長空。影沉寒水。鴈無遺蹤之意。水無沉影之心。還端的也無。曰。蘆華兩岸雪。江水一天秋。云。便恁麼去時。如何。曰。鴈過長空。暫擬議。師曰。靈利衲子。

福州龜山義初禪師 上堂曰。久默斯要不務速說。

釋迦老子麻語作麼。我今爲汝保任。斯事終不虛也。大似壓良爲賤。既不恁麼。畢竟如何。白雲籠嶽頂。翠色轉崔嵬。

建康府保寧興譽禪師 上堂曰。步入道場。影涵宗鑑。粲粲星羅。霽夜英英。華吐春時。木人密運。化機絲毫不爽。石女全提。空印文彩。未彰且道。不一不異。無去無來。合作麼。生體悉的的。縱橫皆妙用。阿儂元不異中來。

眞州北山法通禪師 上堂曰。吞盡三世底。爲甚麼開口不得。照破四天下底。爲甚麼開眼不得。作麼生得十成通暢。去金針。雙鏤備叶。露隱全該。僧問。斷言語。絕思惟。處乞師指示。曰。滴水不入石。慶元府天童宗莊禪師 上堂曰。劫前運步。世外橫身。妙契不可以意到。眞證不可以言傳。直得虛靜。歛氛白雲。向寒巖而斷靈光。破暗明月。隨夜船而來。正恁麼時。作麼生履踐偏正。不曾離本位。縱橫那涉語。因緣。僧問。如何。是道。曰。十字街頭。休斫額。

大洪慧照慶預禪師法嗣

臨江軍慧力悟禪師 上堂曰一切聲是佛聲簷前雨滴響冷冷一切色是佛色觀面相呈諱不得便恁麼若爲明碧天雲外月華清

福州雪峰慧深首座示衆曰未得入頭應切切入頭已得須教徹雖然得入本無無莫守無無無聞歇照聞乃曰深兄說禪若此惜福緣不勝耳一日普說罷揮偈辭衆以筆一拍手竟不收而化

天封子歸禪師法嗣

江州東林通理禪師 上堂曰峰頂駕鐵船三更日輪果心閑不自明落葉知誰掃等閑摘箇鄭州梨放手元是青州棗

天衣法聰禪師法嗣

平江府慧日法安禪師本郡人也 僧問如何是和尙爲人一句曰狗走抖擻口云意旨如何曰猴愁擡揪頭

溫州護國欽禪師 上堂曰有句無句明來暗去活捉生擒捷書露布如藤倚樹物以類聚海外人參川中附子樹倒藤枯切忌名模句歸何處嘛嚨嚨阿

呵大笑破鏡不照大地茫茫一任蹉跎

無爲軍吉祥元實禪師高郵人也自到天衣蚤夜精勤而臨不席一日偶失笑喧衆衣擯之中夜宿田里觀星月粲然有省曉歸趨方丈衣見乃問洞山五位君臣如何話會云我這裏一位也無衣令參堂謂侍僧曰這漢却有箇見處奈不識宗旨何入室次衣預令行者五人分序而立師至俱召云實上座於是密契奧旨述偈曰一位纔彰五位分君臣叶處紫雲屯夜明簾卷無私照金殿重重顯至尊衣稱善後住吉祥

道宣知藏久侍天衣無所契衣叱之宣忘寢食者月餘一夕聞巡與鈴聲忽猛省曰住住一聲直透青霄路寒潭月皎有誰知泥牛觸折珊瑚樹衣間命職堂司後住投子凡有所問以拂子作搖鈴勢

南嶽第十五世臨濟十一世黃龍四世

勝因戲魚咸青禪師法嗣

連水軍萬壽夢庵普信禪師後住蔣山 上堂曰殘雪既消盡春風日漸多若將時節會佛法又如何且道時

節因緣與佛法道理是同是別良久曰無影樹栽人不見開華結果自馨香 上堂空生岩中宴坐諸天空裏兩華山僧高陞此座諸人如何領會若委悉得去八部不言而自會其或未然賣心求得又何榮平江府慧日默庵與道禪師 上堂曰同雲欲雪未雲愛日似暉不暉寒雀啾啾開籬落朔風冽冽舞簾帷要會韶陽親切句今朝覲面爲提撒卓拄杖下座廣德軍光孝果慇禪師德安桃源人 上堂舉南泉斬猫兒話乃曰南泉提起下刀誅六臂修羅救得無設使兩堂俱道得也應流血滿街衢

雪峰有需禪師法嗣

福州雪峰毘盧堂慧忠禪師 上堂曰眞覺彈廣陵散欽山唱菩薩蠻總被岩頭教壞山僧今日輪須彌鉤擊虛空鼓聲出歲樂唱萬年歡且道被阿誰教壞少林澄九鼎浪動百華新 上堂終日忙忙那事無妨作麼生是那事良久曰心不負人面無慚色

天童普交禪師法嗣

慶元府蓬萊園禪師不知何許人住山二十年足不

越聞道俗尊仰之師有偈曰新縫紙被烘來暖一覺安眠到五更聞得上方鐘鼓動又添一日在浮生餘語未見

圓通圓機道旻禪師法嗣

江州圓通沖眞密印通慧守慧禪師 上堂曰但知今日復明日不覺前秋與後秋平步坦然歸故里却乘好月過滄洲嘆不是苦心人不知隆興府黃龍道觀禪師 上堂曰古人道眼色耳聲萬法成辦爾諸人爲甚麼從朝至暮諸法不相到遂喝曰牽牛入欄鼻孔不入慎家之門

明招法鏡文慧禪師法嗣

揚州石塔宣祕禮禪師 上堂曰奪不奪縱有餘臨岐不分袂富貴却蕭疎句裏不曾舒慷慨禹門先自透金魚 上堂舉百丈野狐話乃曰不是翻濤手徒誇跨海鯨由基方撚鐵枝上衆猿驚 一日上堂至座前師搨一僧上法座僧惶惶欲走師遂指座曰這棚子若牽一頭驢上去他亦須就上厠在汝諸人因甚麼却不肯以拄杖一時趕散願侍者曰峻 僧問

山河大地與自已是同是別曰長亭涼夜月多爲客  
鋪舒云謝師言語曰綱大難爲鳥綸稠始得魚僧作  
舞歸衆師曰長江爲硯墨頻寫斷交書

上封佛心才禪師法嗣

福州普賢元素禪師建寧人也 開堂曰示衆曰拈  
華微笑猶垂量外之機斷臂安心何異捉月之見設  
使萬機休罷千聖不携還同待兔守株未是通方達  
士明眼漢沒窠臼高高處觀之不足低低處平之有  
餘神光照徹大千萬有全歸掌握大機大用草偃風  
行全暗全明超情離見所以道神光不昧萬古微猷  
入此門來莫存知解知解既泯眞智現前八字打開  
分明顯示豎起拂子曰還見麼於斯見得言語路絕  
取捨情忘了非生佛未分豈是威音那畔權實俱備  
照用雙行流出自己胷襟要且不從人得既不從人  
得正當今日祝延 聖壽一句作麼生道良久曰四  
海浪平龍睡穩萬年松在祝融峰 上堂未開口時  
先分付擬思量處隔千山莫言佛法無多子未透玄  
關也大難只知玄關作麼生透喝一喝 上堂南泉

道我十八上便解作活計囊無繫蟻之絲厨乏聚蠅  
之糝趙州道我十八上便解破家散宅南頭買賤北  
頭賣貴檢點將來好與三十棒且放過一著何故曾  
爲若子偏憐客自愛貪杯惜醉人

福州鼓山山堂僧洵禪師郡之長溪阮氏子 上堂  
曰盡力道不得底句和盲勃塑瞎一時推出來餽飯  
泥茶爐總不恁麼天高東南地傾西北這三轉語天  
下衲僧跳不出莫有跳得出底麼喝一喝卓拄杖下  
座 上堂黃檗手中六十棒不會佛法的大意却  
較些子大愚肋下築三拳使道黃檗佛法無多子鈍  
置殺人須知有一人大棒驚頭打他不回頭老拳劈  
面槌他亦不顧且道是誰

福州鼓山師子祖珍禪師興化林氏子 上堂曰大  
道只在目前要且目前難覩欲識大道眞體不離聲  
色言語卓拄杖曰這箇是聲豎起拄杖曰這箇是色  
喚甚麼作大道眞體直饒向這裏見得也是鄭州出  
曹門 上堂尋牛須訪跡學道貴無心跡在牛還在  
無心道易尋豎起拂子曰這箇是跡牛在甚麼處直

饒見得頭角分明鼻孔也在法石手裏 上堂舉僧問投子月未圓時如何曰吞却三箇四箇云圓後如何曰吐却七箇八箇師曰投子和尙雖然善能吞吐要且未知月之所在或問鼓山月未圓時如何只對他道天上有星皆拱北圓後如何人間無水不朝東僧問趙州透禪床一匝轉藏已竟此理如何曰盡龍看頭盡地看尾云婆子道比來請轉全藏爲甚麼只轉得半藏此意又且如何曰人無遠慮必有近憂未審甚處是轉半藏處曰不是知音者徒勞話歲寒

### 浮山法真禪師法嗣

峨嵋靈岩微禪師 僧問文殊是七佛之師未審誰是文殊之師曰金沙灘頭馬郎婦

### 黃龍通照德逢禪師法嗣

饒州薦福當庵擇崇禪師寧國府人也行實未詳 上堂

舉僧問古德生死到來如何免得曰柴鳴竹爆驚人耳僧云不會德曰家犬聲獐夜不休諸人要會麼柴鳴竹爆驚人耳大洋海底紅塵起家犬聲獐夜不休陸地行船三萬里堅牢地神笑呵呵須彌山王眼觀

鼻把手東行却向西南山聲應北山裏千手大悲開眼看無量慈悲是誰良久曰頭長腳短少喜多瞋上堂西山青無謂情洪井碧無涓滴西山人見曷親西山事無可似若是靈利底舉著便知懵懂者付與德山臨濟擲拂子下座 一日上堂顧問侍者曰還記得昨日因緣麼云記不得復顧問大衆曰還記得麼衆無對豎起拂子曰還記得麼良久曰也忘却了也三處不成一亦非有諸人不會方言露柱且莫開口以拂子擊禪床下座

### 天寧長靈守卓禪師法嗣

慶元府育王無示分謨禪師溫之永嘉人族張氏年十六禮崇德慧微落髮微持律刻苦嘗然身燈爲佛事師見曰大丈夫當明佛祖意以光明照大千何區區於此辭謁徑山悟佛鑑懃晚依長靈餘八載悉得其道宣和六年太師劉公正夫捨臨安第爲顯寧寺請師出世未幾擢廬山瑞岩育王法道大振 上堂曰出西天入東土雲從龍風從虎一任諸方點頭舉拂子曰只如這箇順行三千倒行八百又作麼生辨



若也辨得橫按鎖鑰全正令若辨不得百千年後與人看 上堂尺頭有寸鑑者猶稀秤尾無星且莫錯認若欲定古今輕重較佛祖短長但請於中著一雙眼果能一尺還他十寸八兩元是半斤自然內外和平家國無事山僧今日已是兩手分付汝等諸人還肯信受奉行也無尺量刀剪遍世間說公不是閑和尚 上堂文殊智普賢行多年曆日德山棒臨濟喝亂世英雄汝等諸人穿僧堂入佛殿還知嶮過鐵圍關麼忽然踏著釋迦頂額磕著聖僧額頭不免一場禍事 上堂我若說有你有礙我若說無你爲無礙我若橫說你又跨不過我若豎說你又跳不出若欲叢林平貼大家無事不如推倒育王且道育王如何推得倒去召大家曰著力著力復曰苦哉苦哉育王被人推倒了也還有路見不平拔劍相爲底麼若無山僧不免自倒自起擊拂子下座師性剛毅蒞衆有古法時以謔鐵面稱之紹興十八年五月十三示寂於無異堂後七日塔全軀於烏石庵之左閱世六十有九坐夏五十有四

湖州道場普明慧琳禪師七閩福清人 上堂曰有漏兼籬無漏木杓庭白牡丹檻紅芍藥因思九年面壁人到頭不識這一著且道作麼生是這一著以拄杖擊禪床下座 上堂一卽多多卽一毗盧頂上明如日也無一也無多現成公案沒殺訛拈起舊來豈拍板明時共唱太平歌

湖州道場無傳居慧禪師本郡人族吳氏幼師景德寺宗省十九中經選授僧服從南屏妙慧習教觀越十年易服依長蘆淨照最久晚至長蘆未幾總院事一日擬食醪膳豁然有省亟造方丈陳所入靈詰之師呈偈曰打破多年赤肉團大千俱現一毫端縱橫妙用無多子妙用縱橫總一般乃蒙印可靈沒師還里謁天聖琳禪師琳命首衆說法復退席令主盟後移靈石何山道場 上堂曰鍾馗醉裏唱涼州小妹門前只點頭巡海夜叉相見後大家拍手上高樓大衆若會得去錄却天下人舌頭若會不得將謂老僧別有奇特 上堂百尺竿頭弄影戲不唯瞞你又瞞天自笑平生岐路上投老歸來沒一錢 上堂舉臨

濟示衆云一人在高高峰頂無出身之路一人在十字街頭亦無向背且道那箇在前那箇在後師曰更有一人不在高高峰頂亦不在十字街頭臨濟老漢因甚不知便下座紹興辛未九月二十四日示微疾而終壽七十五夏五十六

臨安府顯寧松堂圓智禪師 上堂曰蘆華白蓼華江溪邊脩竹碧煙籠閑雲抱幽石玉露滴岩叢昨夜烏龜變作鼈今朝水牯悟圓通咄

湖州烏回庵範禪師 上堂曰塵劫已前事堂堂無背面動靜莫能該舒卷快如電莫道凡不知佛也覷不見決定在何處合取這兩片薦不薦更爲諸人通一線良久曰天下太平皇風永扇 上堂舉僧問趙州至道無難唯嫌揀擇是時人窠窟否曰曾有人問老僧直得五年分疎不下大衆趙州具頂門眼向擊石火裏分縈素閃電光中明縱奪爲甚麼却五年分疎不下還委悉麼易分雪裏粉難辨墨中煤温州本寂靈光文觀禪師郡之瑞安人族葉氏年十九依白岩慧通二十得度游方謁長靈於天寧因看

栢樹子頌有省靈歿旋里庵居二紀待制王公輝守郡請開法本寂 上堂曰過去諸如來斯門已成就好事不如無現在諸菩薩今各入圓明好事不如無未來修學人當依如是法好事不如無還知麼除却華山陣處士何人不帶是非行參 上堂舉劬賓國王斬師子尊者雪竇拈云作家君王天然有在師曰路見不平當與雪屈雪竇只解據款結案要且不知尊者不曾被斬淳熙五年正月二十六日端坐而逝壽九十六臘七十七

### 黃龍山堂震禪師法嗣

常德府德山無諍慧初禪師靖江府人也自見山堂得大受用三據寶坊衆所宗仰 上堂顧眎大衆曰見麼在天成象在地成形在日月爲晦爲朔在四時爲寒爲暑致之以雷霆潤之以風雨且道在衲僧分上又作麼生一超超四大海一拳拳倒須彌山佛祖位中留不住又吹漁笛汨羅灣 上堂九月二十五聚頭相共舉曙却正法眼拈却雲門普德山不會說禪贏得村歌社舞阿呵呵囉哩遂作舞勢下座

萬年雪巢法一禪師法嗣

嘉興府報恩法常首座開封人亟相薛居正之裔宣和十年依長沙益陽華嚴元軾禪師下髮徧依叢社於首楞嚴經深入義海自湖湘至萬年謁雪巢機契命掌牋翰淳熙初抵報恩室中唯一矮榻餘無長物庚子九月中語寺僧曰一月後不復留此十月二十一往方丈謁飯將曉書漁父詞於室門就榻收足而逝詞曰此事楞嚴嘗露布梅華雪月交光處一笑寥寥空萬古風甌語迥然銀漢橫天宇蝶夢南華方栩栩斑斑誰跨豐干虎而今忘却來時路江山暮天涯目送鴻飛去

嶽山祖庵主法嗣

廬山延慶叔禪師 僧問多子塔前共談何事曰一回相見一回老能得幾時爲弟兄僧禮拜師曰唐興今日失利

信相正覺宗顯禪師法嗣

成都府金繩文禪師 僧問如何是大道之源曰黃河九曲云如何是不犯之令曰鐵地鑽不入僧擬議

師入打

泐潭典牛天游禪師法嗣

臨安府徑山塗毒智策禪師天台人族陳氏十六依護國楚光授方服首謁國清光禪師次謁育王謔萬壽智後於雲居聞板聲契入抵雲岩岩見然之游時住雲岩留歲餘告別岩送以偈尋首衆大瀉歸里聞法黃岩之普澤繼歷數剎淳熙戊申冬 詔居徑山 上堂曰著意忘懷掘地深埋空洞無象觸體妄想譬如兩鏡相照中間早已立象直饒東澗水流西澗水南山燒炭北山紅到這裏正好喫棒爲甚如此我王庫內無如是刀 上堂畢教中道若以色見我以音聲求我是人行邪道不能見如來然雖怎麼正是捕得老鼠打破油甕懷禪師道你眼在甚麼處雖則識破釋迦老子爭奈拈鎚祇指若是塗毒即不然色見聲求也不妨百華影裏繡鴛鴦自從識得金針後一任風吹滿袖香紹熙壬子秋七月示疾至二十七辰初說偈而逝八月二日塔全身於東麓壽七十六臘六十

嘉泰普燈錄第十三

音釋

珏音角

羣音銀

旻音民

洵音荀

陝音閃

窈音杳

窕徒了切

會音檜

忝余庶切

汧直與切

糝桑感切

樓音樓

撇速侯切

郵音尤

搗楚尤切

懵莫孔切

蒞音利

賺胡斬切

馱音達

汨手筆切

栩音雨

嘉泰普燈錄卷第十四

平江府報恩光孝禪寺臣僧 正受 編

南嶽第十五世 臨濟十一世 楊岐四世

東京天寧佛果圓悟克勤禪師法嗣 上卷

潭州大瀉佛性法泰禪師漢州人族季氏冠爲大僧

習南山教久而游方機契五祖後於圓悟語下頓明

大法出住鼎之德山邵之西湖及谷山道吾 勅居

大瀉

賜號佛性

上堂曰推眞眞無有相窮妄妄

無有形眞妄兩無所有廓然露出眼睛眼睛既露見

箇甚麼曉日燦開巖畔雪朔風吹綻蠟梅華 上堂

涅槃無異路方便有多門拈起拄杖曰看看山僧拄

杖子一口吸盡西江水東海鯉魚躡跳上三十三天

帝釋忿怒把須彌山一搗粉碎堅牢地神合掌讚歎

曰諦觀法王法法王法如是以拄杖擊禪床下座

上堂今朝正月巳半是處燈火撩亂滿城羅綺駢闐

交互往來遊翫文殊走入開籃中普賢端坐高樓看

且道觀音在甚麼處震天椎盡鼓聒地奏笙歌 上

堂渺渺邈邈十方該括坦坦蕩蕩絕形絕相目欲眎

而睛枯口欲談而詞喪文殊普賢全無伎倆臨濟德

山不妨提唱龜吞陝府鐵牛蛇敵嘉州大像赫得東

海鯉魚直至如今肚脹嘻 上堂火雲燒田苗泉源

絕流注婆竭大龍王不知在何處以拄杖擊禪床曰

在這裏看看南山起雲北山下雨老僧更爲震雷聲

助發威光令遠布乃高聲曰闍弄闍弄 上堂得念

失念無非解脫是甚麼語話成法破法皆名涅槃料

掉沒交涉智慧愚癡通爲般若顛倒佛性菩薩外道

所成就法皆是菩提猶較些子然雖如是也是楊廣

失駱馳 上堂德山棒下金沙異時濟喝中賓主分

到此若無真正眼可憐辜負本來人喝一喝拍禪床下座。上堂欲識佛去處只這語聲是咄傳大士不識好惡以昭昭靈靈教壞人家男女被誌公和尚一喝曰大士莫作是說別更道看大士復說偈曰空手把鋤頭步行騎水牛人從橋上過橋流水不流誌公呵呵大笑曰龍頭由似可末後更愁人。上堂憶昔游方日獲得二種物一是金剛鎚一是千聖骨持行宇宙中氣岸高突兀如是三十年用之爲準則而今年老矣二物知何物擲下金剛鎚擊碎千聖骨拋向四衢道不能更惜得任意過浮生指南將作北呼龜以爲鼈喚豆以爲粟從他明眼人笑我無繩墨。僧問理隨事變該萬有而一片虛凝事逐理融等千差而咸歸實際如何是理法界曰山河大地云如何是事法界曰萬象森羅云如何是理事無礙法界曰東西南北云如何是事事無礙法界曰上下四維。問如何是十身調御投子下禪床立未審意旨如何曰脚跟下七穿八穴。

鄧州丹霞佛智蓬庵端裕禪師吳越王之裔六世祖

安守會稽因家焉師生而挺巍眉目淵秀十四驅烏於大善寺十八得度受具往依淨慈法真一禪師未幾偶僧擊露柱曰你何不說禪師聞微省去謁龍門遠甘露卓泐潭祥皆以顯邁見推晚見圓悟於鍾阜一日悟問誰知正法眼藏向這瞎驢邊滅却卽今是滅不滅云請和尚合取口好曰此猶未出常情師擬對悟擊之師頓去所滯嘗述偈自適侍悟居天寧命典記室尋分座道聲講著京西憲王公請開法丹霞次遷虎丘徑山謝事徇平江道俗之請庵于西華閱數稔勅居建康保寧後移蘇城萬壽及閩中賢沙壽山西禪復被旨補靈隱。慈寧皇太后幸昱王第召師演法賜金襴僧伽梨乞歸西華紹興戊辰秋四明育王遣使固邀月餘始就。上堂曰德山入門便棒多向皮袋裏埋蹤臨濟入門便喝總在聲塵中出沒若是英靈衲子直須足下風生超越古今途轍拈拄杖卓一下喝一喝曰只這箇何似生若喚作棒喝瞌睡未省不喚作棒喝未識德山臨濟畢竟如何復卓一下曰總不得動著。上堂盡大地是沙



門眼偏十方是自已光爲甚麼東弗于遠打鼓西瞿耶尼不聞南瞻部洲點燈北鬱單越暗坐直饒向箇裏道得十全猶是光影裏活計撼拂子曰百雜碎了也作麼生是出身一路擲下拂子曰參 上堂頂顙一著佛祖不知若玄機尙戢影草未彰通身有透關眼也照不著若過這邊來正按金剛寶王放出踞地師子許你挨拶一步地雖然已是頭角不全卽今莫有疾焰過風者麼喝曰甚麼處去也復喝一喝下座上堂動則影現覺則冰生直饒不動不覺猶是秦時轆轤鑽到這裏便須千差密照萬戶俱開毫端撥轉機輪命脉不沉毒海有時覺如湛水有時動若星飛有時動覺俱忘有時照用自在且道正恁麼時是動是覺是照是用還有人區分得出麼鐵牛橫古路觸著骨毛寒 上堂易填巨壑難滿漏卮若有操持了無難易拈却大地寬綽有餘放出纖毫礙塞無路忽若不拈不放向甚麼處履踐同誠共休戚飲水亦須肥 僧問如何是實中賓曰你是田庫奴云如何是實中主曰相逢猶莽鹵云如何是主中賓曰劍氣鏖

愁雲云如何是主中主曰敲骨打髓師蒞衆色必凜然寢食不肯衆唱道無倦紹興庚午十月初示微疾至十七夜書偈付主事曰吾小休至五鼓起坐首座法全請遺訓師曰盡此心意以道相資語絕而逝火後目睛齒舌不壞其地發光終夕得設利者無筭踰月不絕黃冠羅肇常平日問道於師適外歸獨無所獲道念勤切方與客食咀噍間若有物吐哺則設利也大如菽色若琥珀好事者持去遂再拜於闍維所聞香匳有聲亟開所獲如前而差紅潤門人奉遺骨分塔於鄮峰西華壽六十有六夏四十有八 諡曰大悟塔名寶勝 建康府華藏密印安民禪師嘉定人族朱氏初講楞嚴於成都爲義學所歸時圓悟居昭覺師往扣悟令看國師三喚侍者之語趙州云如人暗中書字字雖不成文彩已彰那裏是文彩已彰處但恁麼參取 小後因悟普說僧出請問十玄談云只如古人道問君心印作何顏意旨如何悟曰文彩已彰師於言下有省悟未之許一日造室白悟曰和尚休舉語待某

顏色不如紅筭來終不與時合歸去來兮翠靄中可笑古人恁麼道大似逃峰赴壑避溺投火爭如隨分到尺八五分鏤頭邊討一箇半箇雖然如是保寧半箇也不要何故富嫌千口少貧恨一身多上堂呵佛罵祖須是德山作家渡馬渡驢還他趙州手段瞎驢滅却正法眼藏利動君子驪人不用二種語言慣釣鯨鯢集雲峰下四藤條雙明雙暗大愚肋底築三下同死同生祖佛未與已前向上人提撕此事羶羊挂角之後仙陀客奪鼓掣旗露刃藏鋒作師子哮吼裂破祖師印掃蕩袈裟蹤硬如兜羅綿軟似南賓鐵摩竭陀國水洩不通少室峰前親行此令所以定光招手智者點頭可謂良馬不窺鞭側耳知人意還會麼三面狸奴手捉月兩頭白牯脚拏煙戴冠碧兔立庭栢脫殼烏龜飛上天冬夜示衆舉玉泉皓和尚云雪雪片片不別下到臘月再從來年正月二月三月四月五月六月七月八月九月十月依前不歇凍殺餓殺免教胡說亂說師曰不是罵人亦非贊嘆高出臨濟德山不似雲居羅漢且道玉泉意旨作麼生

良久曰但得雪消去自然春到來師後示寂於本山  
闍維設利頗賸細民穴地尺許皆得之尤光明瑩潔  
心舌亦不壞

眉州象耳山袁覺禪師眉山人族袁氏幼於傳燈院  
試所習得度始名圓覺郡守填綾牒誤以圓作袁守  
憊然戲謂師云一字名可乎師笑曰一字已多郡守  
異之具戒後即出蜀謁五祖自海會宗龍門遠皆未  
得其津涯又謁闍提照於寶峰久之值照入寂往侍  
石門政執役數秋親承記前時圓悟道望傾一時師  
曳杖欲一見石門徒衆顧師云兄既有得自宜鑿炊  
巾何區區復行邁耶師曰不然我是則所往無礙弗  
應守株于此師至蔣山適悟被旨居天寧遂往大  
溈依佛性頃之入室陳所見性云汝忒聰遠在然知  
其爲法器俾充侍者掌賓客師每侍性性必舉法華  
開示悟入四字令下語又云直待我豎點頭時汝方  
是也偶不識被斥制中無依寓俗士家一日誦法華  
至亦後不知何者是火何者爲舍乃豁然制罷歸省  
性見首肯之圓悟再得旨住雲居師至彼以所得

白悟悟呵云本是淨地屙屎作麼師所疑頓釋紹興  
丁巳眉之象耳虛席郡守謂此道場久爲蠅虻囊橐  
非名流勝士莫能起廢諸禪畢師應聘嘗語客曰東  
坡云我持此石歸袖中有東海山谷云慧崇煙雨蘆  
鴈坐我瀟湘洞庭欲喚扁舟歸去傍人謂是丹青此  
禪髓也又曰我敲床豎拂時釋迦老子孔夫子都齊  
立在下風有學此語似佛海遠禪師遠曰此覺老語  
也我此間即不恁麼

成都府昭覺徹庵道元禪師綿之巴以人族鄧氏幼  
於降寂寺圓具東游謁大別心道禪師因看廓然無  
聖之語忽失笑曰達磨元來在這裏道譽之往參佛  
鑒佛眼蒙賞識後依圓悟於金山以所見告悟弗之  
許高宗皇帝駕幸維揚召悟說法賜號圓悟  
又賜侍僧十人紫衣師與焉圓悟詔住雲居師  
從之雖有信入終以梗胸之物未去爲疑會悟問參  
徒生死到來時如何僧云香臺子笑和尚次問師汝  
作麼生云草賊大敗悟曰有人問你時如何師擬答  
悟憑陵曰草賊大敗師即徹證圓悟以拳擊之師拊

掌大笑悟曰汝見甚麼便如此云毒拳未報永劫不忘悟歸照親命首衆悟將顛世以師繼席機語未見

平江府虎丘紹隆禪師和之舍山人也九歲謝觀居佛慧院踰六年得度受具又五年荷包謁長蘆淨照信禪師得其大略有傳圓悟語至者師讀之嘆曰想醉生液雖未澆腸沃胃要且使人慶快第恨未聆警欬耳遂由寶峰依湛堂客黃龍叩死心其機語妙出一時卽至夾山聞悟移道林師隨往一日入室悟問曰見見之時見非是見見猶離見見不能及舉拳曰還見麼云見曰頭上安頭師聞脫然契證悟叱曰見箇甚麼云竹密不妨流水過悟肯之自此且且不忘二十年盡圓悟之妙歸邑繼住城西開聖建炎之擾乃結廬銅峰之下郡守尚書李公光延居彰教四年徙虎丘道化益盛上堂曰凡有展托盡落今時不展不托墮坑落漚直饒風吹不八雨灑不著檢點將來自救不了豈不見道直似澄潭月影靜夜鍾聲隨扣擊以無虧觸波瀾而不散此猶是生死岸頭事拈拄杖畫一畫曰盡斷賢沙老漢許多葛藤點頭石不

覺拈掌大笑且道笑箇甚麼腦後見腮莫與往來上堂百鳥不來春又喧凭欄溢目水連天無心還似今宵月照見三千與大千上堂摩竭陀國親行此令拈拄杖卓一下曰大盡三十日小盡二十九上堂眼裏不著砂耳裏不著水堪笑老俱胝無端豎一指諸禪德且道誰是解笑者還會麼鬧市拶出禪尸迦吃噉舌頭三千里上堂不犯之令明古今風月靈機常獨耀萬象悉澄徹更說甚麼正法眼藏瞎驢邊滅無計較中翻成計較無途轍中翻成途轍一時與你截斷秤鎚硬似鐵別別八月秋何處熱上堂有佛處不得住上無攀仰無佛處急走過下絕已躬從來無向背本自絕羅籠出門撞著須菩提寸草不生千萬里自是長臂鳥休言芳樹不棲護自說禪說道摩斯吒直饒心挂樹頭未免身沉海底莫動著動著二十棒且置休夏自恣一句作麼生道青山淅水元依舊明月清風共一家僧問爲國開堂一句作麼生道曰一願皇帝萬歲二願重臣千秋云只如生佛未興時一著落在甚麼處曰吾常於此切云官



而變面

不容針更借一問時如何曰據虎頭收虎尾云中間  
 事作麼生曰草繩自縛漢云毗婆尸佛早留心直至  
 如今不得妙曰幾行巖下路少見白頭人問九旬  
 禁足意旨如何曰理長卽就云只如六根不具底人  
 還禁得也無曰穿過鼻孔云學人今日小出大遇曰  
 降將不斬云怎麼則和尚放某逐便也曰停囚長智  
 問雪峰道盡大地撮來如粟米粒大拋向而前漆桶  
 不快打鼓普請看未審此意如何曰一畝之地三蛇  
 九鼠云乞師再垂指示曰海口難宣問如何是大  
 道真源曰和泥合水云便怎麼去時如何曰截斷草  
 鞋跟問如何是佛法的大意曰蛇頭生角問  
 古人到這裏因甚麼不肯住曰老僧也怎麼云忽然  
 一刀兩段時如何曰平地神仙問萬機休罷千聖  
 不携時如何曰未足觀光云還有奇特事也無曰獨  
 坐大雄峰紹興丙辰感微疾白衆曰當以首座宗達  
 承院事請於郡從之乃書偈而逝五月八日也塔全  
 軀於寺之西南隅住世六十有五坐夏四十有五  
 眉州中巖華嚴祖覺禪師嘉之龍游人族楊氏世業

儒父洪有大名後居眉師生而偉異少爲書生志齊  
 昌黎嘗著文大排釋教忽患贅瘡醫莫愈乃自悔從  
 彌勒慧目能禪師疾瘳然右膝不舉師因手書華嚴  
 合論畢夜感異夢且卽捨杖步趨心意快然因習誦  
 一日誦至現相品曰佛身無有生而能示出生法性  
 如虛空諸佛於中住遂悟旨趣四衆命講不輟大觀  
 庚寅師佐慧目來居中巖政和乙未春得度明年成  
 都師周公燾俾朝請李鶴制疏以照覺寺命師大敞  
 講筵師詞辯橫放若決江河衆所歎歎適南堂靜禪  
 師過門謂師曰觀公講說獨步西南惜未解離文字  
 相耳儻問道方外卽今之周金剛也師欣然罷講南  
 至荊渚會丞相張公商英撰峨眉寺記證辨舊文誤  
 以賢首位等普賢修書破之復著三聖圓融論四篇  
 公讀之撫几稱善乃曰師果不爾負可往蔣山依佛  
 果老發明向上關樞他日豈易量哉師如其言徑至  
 鍾阜一日入室悟舉羅山垂語問之師罔措夙夜數  
 年有省述偈曰家住孤峰頂長年半掩門自嗟身已  
 老活計付兒孫悟爲印可次日見之悟曰昨日公案



作麼生師佇思悟呵逐之又五載莫能領解辭之盧  
山於棲賢寺閱浮山圓鑑禪師削執論遂大悟方知  
錦泉鉗鎚妙密作偈寄悟曰出林依舊入蓬蒿天網  
恢恢不可逃誰信業緣無避處歸來不怕語聲高悟  
大喜持以示衆曰覺華嚴徹矣悟歸蜀再住昭覺適  
師亦西還命掌牋記令嗣座力辭隱義眉之南垂撰  
佛祖紀傳六百卷將成復出峽探索遺逸以彌縫之  
初抵長沙丞相張公浚力以智度請開法堅臥不起  
公諭曰師以固守爲志節豈從上傳持此道者乃爾  
用心耶師翻然就之法席大盛如三佛時癸亥八月  
謝院事入浙以華嚴要訣并錄大藏不備載者傳入  
海東又欲通箋經旨償所志願復泝流西歸部使者  
大監榮公竄以成都信相延之未幾移瓦屋開善僅  
二年前叩守史公堪顧中巖久不振乃移文漕使迎  
師主之師欣從凡於槌拂之下未嘗有倦色故道俗  
視之皆無虛時上堂曰炁光洞耀迥脫根塵大用  
現前不存軌則一見便見擬議則差起意推求便成  
剗法所以祖師道圓同太虛無欠無餘良由取捨所

以不如若能取捨俱忘觸目無滯拈來便用立處皆  
眞譬如擲劍揮空不論及之不及若更推尋玄妙拈  
出精明病在鑽穴索空撥波求水念念忘本步步迷  
源借使窮究萬法始末洞明未契本源但名假法喚  
作從門入者不是家珍直得大地山河無絲毫過患  
先要得个入門方知性海圓澄萬有俱備無有一法  
從外而入未有一法從內而出直饒如此猶是無風  
匝匝之波乃至萬緣俱喪表裏一如三際十方坦然  
平等聊且得箇轉身句子尙在半途更須掃蕩玄機  
盡却聖解卽偏而常正猶如鶴在銀籠卽正而常偏  
大似龍吻異寶萬年松徑白雪漫漫異草寒巖未嘗  
顧戀尙坐一色喚作貼肉汗衫教中謂之解脫坑亦  
名寂滅病須是不稟威音佛透出未生前不挂萬年  
衣不坐空王殿視本來人如破草履見佛祖似生冤  
家不入異類中不行無間路雖然怎麼奇特猶未是  
渠儂極則處不見道不見一色始是半提更須知有  
全提時節始得我若全提去法堂前定是草深一丈  
盡大地道絕人稀諸禪德快須著些精彩豈可取次

承當他時異日只成自誤山僧恁麼道還有知落處底麼良久日夜行人只貪明月不覺和衣渡水寒上堂一塵起大地收一葉落天下秋懸須彌於諸人鼻孔上著大海於諸人眼睛中得則得只是未知有向上一竅在古人事不獲已垂一言半句只要教人會去殊不知向好肉上剜瘡豈況舉古明今遠照近用大似嚼飯餒嬰兒有甚麼用處所以雲門道西天二十八祖唐土六祖盡乾坤大地天下老和尚總在拄杖頭上直饒會得個儻分明放過去只在半途若不放過盡是野狐精去還委悉麼燕市屠牛春色好鈎齊元在直鈎中到虎丘請上堂某逢歎手雖有行而難藏月到天心得無遮而自在欲行向上路須得同參證明方可脫體提持全機出沒更不必優游性海入理深談只知語妙意玄切恐渾身泥水又不欲破三作五換斗移星免使家醜外揚教他傍觀者哂且不敢正偏回互隱密全該正按則理事雙忘言思路絕傍提則龍吟枯木韻出青霄又恐劍已化龍刻舟無益亦不敢說四種料簡列四主賓一句具

三玄一立具三要一喝分賓主照用一時行自知是已陳芻狗靈龜負圖只欲說句裏明機風前有路未語先分付用處絕蹤由終是野鷹見人意已先改更說言無展事語不投機承言者喪滯句者迷不犯波瀾迢然自異不立窠臼徧界難藏大似滯殼迷封日中逃影擊禪床一下曰今日一齊打破更不用這箇閑家具別有騎聲蓋色越格超宗底一著子不免對衆拈出舉拂子曰還見麼海山幸有任公子一鈎曾連十二鰲上堂舉石霜和尚遷化衆請首座繼鍾住持虔侍者所問公案師曰宗師行處如火消冰透過是非關全機亡得喪盡道首座滯在一色侍者知見超師可謂體妙失宗全迷向背殊不知首座如鷺鷥立雪品類不齊侍者似鳳翥丹青不縈金鏤一人高高山頂立一人深深海底行各自隨方而來同會九重城裏而今要識此二人麼豎起拂子曰龍臥碧潭風凜凜垂下拂子曰鶴歸霄漢背摩天僧問最初威音王末後婁至佛未審最初參見甚麼人曰家在大梁城更問長安路云只如德山擔疏鈔行脚意

在甚麼處曰：「打破你眼睛云：與和尚悟華嚴宗旨相去幾何云：同途不同轍云：昔日德山今朝和尚曰：夕陽西去水東流。問：世尊拈華爲何事曰：「揭開腦蓋云：爭奈迦葉微笑何曰：「情知你落第二頭云：「怎麼則載斷脚跟曰：「猶自不知羞。問：如何是一喝如金剛王寶劍曰：「血濺梵天云：如何是一喝如踞地師子曰：「驚殺野狐狸云：如何是一喝如探竿影草曰：「驗得你骨出云：如何是一喝不作一喝用曰：「直須識取把針人莫道鴛鴦好毛羽。問：如何是荊南境曰：「千里雲濤三峽嶮一帆風浪五湖寬云：如何是境中人曰：「直諫豈無唐獨座英雄宜有眷髯翁云：「人境已蒙師指示高提祖印事如何曰：「巡海夜叉頭戴角電光石火莫踟躕僧禮拜師曰：「更須透過未生前。問：如何是正中偏曰：「更深垂却夜明簾云：如何是偏中正曰：「天曉賊人投古井云：如何是正中來曰：「百卉乘春在處開云：如何是兼中至曰：「雨雪交加無處避云：如何是兼中到曰：「兩頭截斷無依倚心法雙忘始得玄紹與庚午孟夏示少恙至五月朔晨起衆衲環擁求末

多言

後句師揭之曰：「吾平生口過不少今尙何言去去吾將少憩焉遂瞑目而逝三日慈客儼如火浴後獲舍利有大如蚌珠五色者吳計塔于院之東師以踐履無玷而嚴於授受宣撫邵公溥給事馮公機與數十勝流皆以師事之閱世六十四坐夏三十五潭州福嚴文演禪師成都新繁人族楊氏年十八依廣孝子安爲僧登戒住習經論久之謁正法明禪師聞舉雲門胡餅話有省後見圓悟始極法源初住智度晚遷福嚴上堂曰：「當陽坐斷凡聖跡絕隨手放開天回地轉直得日月交互虎嘯龍吟頭頭物物耳聞目眎安立諦上是箇甚麼還委悉麼阿斯吒吽上堂等閑地明白不思量現成前佛後佛於此指注不及天下衲僧計較不就制遏不住迥脫情塵唯自肯方親全機放下一向靠將去上無佛祖可依下無自己可據如大虛空更無執礙直是坦坦地不昧一切得這些巴鼻子了便乃應用無窮然亦須隨手捏破始得何故大紅爐中不容點雪僧問：如何是定林正主曰：「坐斷天下人舌頭云：未審如何親近日觀

著則睹 問學人上來請師相見曰三要印開云功不浪施也曰見箇甚麼云賓主儼然曰望空啓告紹興丙子十一月二十六端坐忽集耆舊囑以後事書偈罷喝一喝擲筆而逝壽六十五臘四十八閣維獲設利五色同靈骨藏于院之三生塔

平江府西山明因曇玩禪師溫之樂清人族黃氏妙齡披削徧參叢社宣和庚子回至鐘阜適 朝廷易僧爲德士師與同志數人入頭陀巖食松自處久之圓悟被 旨居是山親至巖所令去鬚髮及悟 詔補京師天寧與師俱往命掌香水海未幾因舉桴擊鼓頌明大法悟默識之室中凡有所問皆對曰莫理會故流輩咸以莫理會稱之 皇叔齊安郡王乞 旨請開法明因次遷寶華 上堂曰你有一對眼我也有一對眼汝若瞞還自瞞汝若成佛作祖老僧無汝底分汝若做驢做馬老僧救汝不得 一日衆檀越入山請師上堂說偈曰我無長處名虛出謝汝殷勤特地來明因無法堪分付謾把山門爲汝開 僧問和尚未見圓悟時如何曰莫理會云見後如何曰

莫理會云見與未見時如何曰莫理會莫理會紹興二十三年謝事居四明雪竇明覺塔所 皇叔欽奏回象臧竟以疾辭之明年歸寂顯異特甚故不詳錄

平江府虎丘雪庭元淨禪師雙溪人也 上堂曰要行便行要坐便坐六處神通是箇甚麼把定時一物不爲放行時殺人放火忽有箇衲僧出來道這無面目漢不要亂做雪庭只向伊道將謂無人證明 上堂知有底人過萬年如同一日不知有者過一日如同萬年不見死心和尙道山僧行脚三十餘年以九十日爲一夏增一日也不得減一日也不得取不得捨不得不可得中只麼得翠雲見處又且不然山僧行脚三十來年誰管他一日九十日也無得也無不得處處當來見彌勒且道彌勒在甚麼處金風吹滿水落葉滿長安 上堂說得須是見得見得又須說得見得說不得落在陰界見解偏枯說得見不得落在時機墮在毒海若是翠雲門下直饒說得見得好與三十棒說不得見不得也好與三十棒翠雲恁麼

道也好與三十棒遂高聲召大眾曰嶮 上堂曰日  
日東出日日西沒是時人知有自古自今如麻似  
粟忽然捩轉話頭亦不從東出亦不從西沒且道從  
甚麼處出沒若是透關底人問甚麼道定知五里牌  
在郭門外若是透不過者往往道半山熱瞞人 僧  
問如何是到家一句曰坐觀成敗 問不與萬法爲  
侶者是甚麼人曰遠親不如近隣云待汝一口吸盡  
西江水卽向汝道又作麼生曰近隣不如遠親 問  
亡僧遷化向甚麼處去曰糞堆頭云意旨如何曰築  
著磕著

懷安軍雲頂庵宗正禪師潼川郫縣人 上堂拈  
拄杖卓一下曰聞處絕聞豎起曰見處絕見風動塵  
起埃生招箭未恁麼已前分明破兩片德山橫按絕  
商量黃檗用時機掣電大千沙界一毛頭手眼通身  
無背面咄

衢州天寧舘堂梵思禪師蘇臺人族朱氏年二十一  
去髮受具游師席往來佛鑑佛眼會下有年晚依圓  
悟徹證後七坐道場 上堂曰趯翻生死海踏倒逗

幾岸世上無活人黃泉無死漢遂拈拄杖曰舘堂今  
日拄杖子有分付處也還有承當得者麼試出來擔  
荷看有麼有麼良久擲拄杖下座 上堂知有底也  
喫粥喫飯不知有底也喫粥喫飯如何直下驗得他  
有之與無是之與非邪之與正若驗不出參學事大  
遠在喝一喝下座 上堂山僧是楊岐四世孫這老  
漢有箇三腳驢子弄蹄行公案雖人人舉得只是不  
知落處山僧不惜眉毛爲諸人下箇註脚乃曰八角  
磨盤空裏走

岳州君山佛照覺禪師 上堂曰是卽徹底是從來  
脫體先天地非卽徹底非萬別千差共一機是也是  
不著非也非不及此時佛祖從何立曉天霜重泄眞  
機一顆圓明色非色無非色且道是箇甚麼妙體全  
體處分明只自知 上堂舉古者道仰之彌高鑽之  
彌堅瞻之在前忽焉在後諸人還識得麼若也不識  
爲你注破仰之彌高不隔絲毫要津把斷佛祖難逃  
鑽之彌堅眞體自然烏啼華笑在碧巖前瞻之在前  
非正非偏十方坐斷威鎮大千忽焉在後一場漏逗



堪笑雲門藏身北斗咄

平江府寶華顯禪師本郡人也 上堂曰喫粥了也

頭上安頭洗鉢孟去爲地盡足更問如何自納敗闕

良久高聲召大衆衆舉首師曰歸堂喫茶 上堂禪

莫參道休學歇意忘機常廓落現成公案早用遮只

箇無心已穿鑿直饒坐斷未生前難透山僧錯錯錯

紹興府東山覺禪師後住因聖 上堂曰三通鼓罷

諸人各各上來擬待理會祖師西來意還知劒去久

矣麼設使直下悟去也是斬頭覓活東山事不獲已

且向第二頭鞠拶看以手拍禪床下座 上堂花爛

漫景喧妍休說壺中別有天百草頭邊如薦得東高

三丈西闊八寸 上堂東弗于代與西瞿耶尼闍額

會麼你諸人猶白不知鉢孟口向天在 上堂滿口

道不得偶爾成文良久曰喫棒得也未 上堂老演

師翁道說心說性老僧這裏是惡口山僧道若是教

外別傳乃是當的帝都丁 上堂舉昔廣額屠兒白

殺千羊一日至佛所颺下屠刀云我是千佛一數世

尊云如是如是今時叢林將謂廣額過去是一佛權

現屠兒日殺千羊如此見廣額且喜沒交涉又曰廣  
額正是箇殺人不少眼底漢颺下屠刀立地成佛且  
喜沒交涉又道廣額颺下屠刀云我是千佛一數這  
一佛多少分明且喜沒交涉要識廣額麼夾路挑華  
風雨後馬蹄何處避殘紅

嘉泰普燈錄卷第十四

音釋

六音伊	類於倫切	挺音鋌	嶷魚力切
撒沙獲切	較音鐸	輅盧各切誤作轢	
厄音支	庫音舍	警去挺切	欬音慨
蒞音利	咀才與切	噉才笑切	菽音叔
匿音廉	鄮音茂	髀房禮切	嶠音轄
贅之芮切	瘳音抽	敵昌兩切	歆許金切
捶音朶	浚音峻	泝音素	嶷音擬
叩渠容切	剌一九切	侔音剔	翥韋恕切
髻女監切			

嘉泰普燈錄卷第十五

平江府報恩光孝禪寺臣僧 正受 編

南嶽第十五世臨濟十一世  
楊岐四世

天寧佛果圓悟克勤禪師法嗣卷下

臨安府徑山大慧普覺宗杲禪師宣城人族奚氏夙有英氣年十三試入鄉校一日偶同舍見譚師怒即以硯投之誤中廣文帽償金而歸曰大丈夫讀世間書曷若究出世法即詣東山慧雲院事慧齊明年薙髮具毗尼偶閱古雲門錄悅若舊習往依廣教理禪師稟游四方從曹洞諸老宿既得其說去登寶峰謁湛堂準禪師準一見異之俾侍巾幘指以入道捷徑師橫經無所讓準呵曰汝曾未悟病在意識領解則爲所知障準疾革囑師曰吾去後常見川勤必能盡子機用動即準卒師趨謁無盡居士求準塔銘無盡延之名師庵曰妙喜且篤令見圓悟師至天寧值悟陞堂舉僧問雲門如何是諸佛出身處門曰東山水上行若是天寧卽不然如何是諸佛出身處熏風自南來殿閣生微涼師聞豁然神悟踰月悟謂曰也不

易你到這田地只是可惜你死了不能活又却不疑言句是爲大病不見道懸崖撒手自肯承當絕後再蘇欺君不得須信有這箇道理延爲擇木堂侍者曰同士大夫入室至數次澤木乃朝悟每舉有句無句如藤倚樹問之師擬對悟曰不是經半載問曰聞和尙當時在五祖曾問這話不知五祖如何答悟俛首師曰和尙當時對人天大衆問之如今說亦何妨悟不得已謂曰我問有句無句如藤倚樹時如何祖曰相隨來也師於言下去盡知見悟曰始知吾不汝欺遂命掌翰墨著臨濟正宗記付之未幾令分座室中握竹筴以驗學者叢林浩然歸重名振京師右丞呂公舜徒奏 錫紫衣佛日之號會女眞之愛其曾欲取禪僧十數人師在選得免趙吳門虎丘度夏因閱華嚴至菩薩登第七地證無生法忍其向所請問湛堂央崛摩羅持鉢至產婦家因緣曉然洞明聞圓悟 詔住雲居詣之復爲第一座爲衆授道譽望益尊後留古雲門庵學者雲集久之入閨結茅於長樂

洋嶼從之得法者十有三人徙居小溪庵圓悟在蜀  
 囑右丞張魏公浚曰果首座眞得法豈苟不出無支  
 臨濟宗者魏公還朝以徑山迎之道法之盛冠于一  
 時衆二千餘皆諸方俊乂侍郎張公九成亦從之游  
 灑然契悟一日因議及朝政與師連禍師恬然紹興  
 辛酉五月毀衣牒屏居衡陽乃袁先德機語間與拈  
 提難爲三昧目曰正法眼藏凡十年移居梅陽又五  
 年高宗皇帝特恩放還明年春復僧伽梨四方虛  
 席以邀率不就後奉朝命居育王逾年有旨改  
 徑山道俗歡慕如初時

孝宗皇帝爲普安郡王時遣內都監入山謁師師作  
 偈爲獻及在建邸復遣內客詣山供五百應眞  
 請師說法親書妙喜庵三字并製贊寵寄之  
 上堂曰祖師道一心不生萬法無咎無咎無法不生  
 不心能隨境滅境逐能沉境由能境能由境能大小  
 祖師却作座主見畔徑山卽不然眼不自見刀不自  
 割喫飯濟饑飲水定渴臨濟德山特地迷枉費精神  
 施棒喝除却棒拈却喝孟八郎漢如何止遏上堂

舉僧問利山衆色歸空空歸何所曰舌頭不出口云  
 爲甚麼如此曰內外一如故師曰事存函蓋合理應  
 箭鋒挂須還利山始得若是徑山卽不然或問衆色  
 歸空空歸何所考藥華開菩薩面樓閣葉散夜叉頭  
 爲甚麼如此但辨肯心必不相賺上堂拈拄杖卓  
 一下喝一喝曰德山棒臨濟喝今日爲君重拈撥天  
 何高地何闊休向糞埽堆上更添掩揜換却骨洗却  
 腸徑山退身三步許你諸人商量且道作麼生商量  
 擲下拄杖喝一喝曰紅粉易成端正女無錢難作好  
 兒郎上堂正月十四十五雙徑樵羅打鼓要識祖  
 意西來看取村歌社舞上堂舉僧問風穴古曲無  
 音韻如何和得齊曰木鷄啼子夜芻狗吠天明這黃  
 面漸子怎麼答話也做他臨濟兒孫未得在今日或  
 有人問徑山古曲無音韻如何和得齊只向他道木  
 鷄啼子夜芻狗吠天明上堂舉僧問臨濟如何是  
 三眼國土曰我共汝入淨妙國土著清淨衣說法身  
 佛又入無差別國土著無差別衣說報身佛又入解  
 脫國土著光明衣說化身佛師顧視大眾曰還見臨

濟老漢麼若也未見徑山爲你指出法身報身化身  
咄哉魍魎妖精三眼國中逢著笑殺無位真人上  
堂久雨不曾晴豁然天地清祖師門下事何用更施  
呈上堂舉僧問五祖牛頭未見四祖時爲甚麼百  
鳥啼華獻曰富與貴是人之所欲云見後爲甚麼不  
啼華獻曰貧與賤是人之所惡師曰師翁怎麼答話  
雖則善起來機爭奈語驚時聽徑山亦有兩轉語要  
與師翁相見牛頭未見四祖時爲甚麼百鳥啼華獻  
茹屋上安蚩蚩見後爲甚麼不啼華獻佛殿裏掘東  
司上堂舉僧問六祖黃梅意旨甚麼人得曰會佛  
法人得云和尚還得否曰我不得云和尚爲甚麼不  
得曰我不會佛法大衆還見祖師麼若也不見徑山  
爲你指出蕉芭蕉芭有葉無子忽然一陣狂風起恰  
似東京大相國寺裏三十六院東廊下北角頭王和  
尚破袈裟畢竟如何歸堂喫茶上堂舉圓通秀禪  
師示衆曰少林九年冷坐剛被神光覷破如今玉石  
難分只得麻纏紙裏這一箇那一箇更一箇若是明  
眼人何須重說破徑山今日不免狗尾續貂也有些

子老胡九年話盡可惜當時放過致令默照之徒鬼  
窟長年打坐這一箇那一箇更一箇雖然苦口叮嚀  
却似樹頭風過結夏上堂文殊三處安居誌公不  
是關和尚迦葉欲行正令未免眼前見鬼且道徑山  
門下今日事作麼生下座後大家禮三拜上堂  
僧問有麼有麼庵主豎起拳頭還端的也無師便下  
座歸方丈上堂舉趙州洗鉢孟話乃曰諸方拈撥  
甚多下注脚亦不少未曾有一人分明說破妙喜今  
日爲諸人分明說破喫粥了便洗鉢孟且道還會指  
示無黑豆從來好合醬比丘尼定是師姑上堂纔  
方八月中秋又是九月十五拈拄杖卓曰唯有這箇  
不遷擲下曰一衆耳聞目覩上堂舉五祖舉僧問  
趙州如何是祖師西來意曰庭前柏樹子怎麼會使  
不是了也如何是祖師西來意庭前柏樹子怎麼會  
方始是要識五祖師翁麼腦後見腮莫與往來  
孝宗皇帝在建邸時遣內知客入山供養羅漢祝  
聖請上堂乃曰欲識佛性義當觀時節因緣時節若  
至其理自彰敢問大衆作麼生是自彰底道理舉起

拂子曰：還見麼？擊禪床曰：還聞麼？聞見分明，是箇甚麼？若向這裏提得去，皇恩佛恩一時報足，其或未然。徑山打葛藤去也。復舉起拂子曰：看看無量壽世尊。在徑山拂子頭上放大光明，照不可說不可說，又不說。佛刹微塵數世界中，轉大法輪，作無量無邊廣大佛事。其中若凡若聖，若正若邪，若草若木，有情無情，遇斯光者，皆獲無上正等菩提。所以諸佛於此得之，具一切種智；諸大菩薩於此得之，成就諸波羅蜜；辟支獨覺於此得之，出無佛世；現神通光明，諸聲聞衆泊夜來迎，請五百阿羅漢於此得之，得入解脫具；六神通天人於此得之，增長十善脩羅於此得之，除其憍慢，地獄於此得之，頓超十地；餓鬼傍生及四生九類一切有情於此得之，隨其根性，各得受用無量壽世尊放大光明，作諸佛事，已竟。然後以四大海水灌彌勒世尊頂，與授阿耨多羅三藐三菩提記。當於補處作大佛事，無量壽世尊有如是神通，有如是自在。有如是威神，到這裏還有知恩報恩者麼？若有出來與徑山相見，爲汝證明，如無聽取一頌十方法界。

至人口法界，所有卽其舌，只憑此口與舌頭祝。吾君壽無間，歇億萬斯年，注福源如海，混漾永不竭。師子窟內產，狻猊驚定出，丹山穴爲瑞，爲祥遍九垓。草木昆蟲盡，懽悅稽首不可思議事，喻若衆星拱明月。故今宣暢妙伽陀第一義中真實說。圓悟禪師忌師拈香曰：這箇尊慈，平昔強項氣，壓諸方逞過頭底。顙預用格外底，儻侗自言：我以木鐺子換天下人眼睛，殊不知被不孝之子將斷貫索穿却鼻孔。索頭旣在徑山手裏，要教伊生也由徑山，要教伊死也由徑山。且道以何爲驗？遂燒香曰：以此爲驗。僧問：達磨西來，將何傳授？曰：不可總作野狐精見解。云：如何是麤入細？曰：香水海裏一毛孔云：如何是細入麤？曰：一毛孔裏香水海。問：古鏡未磨時如何？曰：火不待日而熱。云：磨後如何？曰：風不待月而涼。云：磨與未磨時如何？曰：交。問：不與萬法爲侶者，是甚麼人？待汝一口吸盡西江水，卽向汝道。意作麼生？曰：釘釘膠黏。問：一法若有毗盧墜在，凡夫萬法若無普賢失其境界，去此二途，請師速道。曰：脫殼鳥龜飛上天。問：高



揖釋迦不拜彌勒時如何曰夢裡惺惺 問大修行  
底人還落因果也無前百丈云不落因果爲甚麼墮  
野狐身曰逢人但恁麼舉云只如後百丈道不昧因  
果爲甚麼脫野狐身曰逢人但恁麼舉云或有人問  
徑山大修行底人還落因果也無未尋和尚向他道  
甚麼曰向你道逢人但恁麼舉 問明頭來時如何  
曰頭大尾顛纖云暗頭來時如何曰野馬嘶風蹄撥  
刺云明日大悲院裏有齊又作麼生曰雪峯道底  
問過去心不可得現在心不可得未來心不可得如  
何曰親言出親口云未審如何受持曰但恁麼受持  
決不相賺 問我宗無語句實無一法與人時如何  
曰五味鑽秤鎚 問心佛俱忘時如何曰賣扇老婆  
手遮日 問教中道塵塵說刹刹說無間歇未審以  
何爲舌師拍禪床右角一下僧云世尊不說說迦葉  
不聞聞也師拍禪床左角一下僧云也知今日令不  
虛行曰識甚好惡 師室中問僧不是心不是佛不  
是物你作麼生會僧云領師曰領你屋裏七代先靈  
僧便喝師曰適來領而今喝干他不是心不是佛不

是物甚麼事僧無語師打出 僧請益夾山境話聲  
未絕師便喝僧茫然師曰你問甚麼僧擲舉師連打  
喝出 師纔見僧入便云不是出去僧便出師曰沒  
量大人被語脉裏轉却次一僧入師亦云不是出去  
僧却近前師曰向你道不是更近前覓箇甚麼便打  
出復一僧入云適來兩僧不會和尚意師低頭噓一  
聲僧罔措師打曰却是你會老僧意 問僧我前日  
有一問在你處你先前日答我了也即今因甚麼瞋  
睡僧云如是如是師曰道甚麼僧云不是不是師連  
打兩棒曰一棒打你如是一棒打你不是 舉竹筴  
問僧曰喚作竹筴則觸不喚作竹筴則背不得下語  
不得無語速速道道僧云請和尚放下竹筴即與和  
尚道師放下竹筴僧拂袖便出師曰侍者認取這僧  
著又舉問僧僧云甕裏怕走却驚那師下禪床擒住  
曰此是誰語速道道僧云實不敢謾昧老師此是竹庵  
和尚教某恁麼道師連打數棒曰分明舉似諸方師  
年遠求解辛已春得 旨退居明月堂隆興改元一  
夕星殞于寺西流光赫然尋示微恙八月九日學徒

問安師勉以宏道徐曰吾翌日始行至五鼓親書遺奏又貽書辭紫巖居士侍僧了賢請偈復大書曰生也只怎麼死也只怎麼有偈與無偈是甚麼熱大癩筆委然而逝平明有蛇尺許腰首白色伏于龍王井欄如義服者卽山之昭濟示現也四衆哀號

皇帝聞而歎惜丞相以次致祭者沓來門弟子塔全身於明月堂之側壽七十有五夏五十有八詔以明月堂爲妙喜庵諡曰普覺塔名寶光淳熙初賜真全錄八十卷隨大藏流行

台州護國此庵景元禪師永嘉楠溪人族張氏年十八依靈山希拱爲僧習台教歷三禪易衣夏淨慈謁圖悟於鐘阜未幾睹二僧闕死心小參語曰旣迷須得箇悟旣悟須識悟中迷迷中悟迷悟雙忘却從無迷悟處建立一切法師拂袖行至殿廡洞然曉悟卽以所證白悟悟弗許師沂流從之匪勞剪拂嘗侍悟入對維揚賜褫服及悟歸蜀以法衣付之太秀居士龍學耿公延禧守括蒼尊其道請開法南明留二年退居永嘉護國憲使明公臺太守呂公丕問以

連雲遯之三請克至法社大興而括蒼叢林實由師振次遷真如護國上堂曰威音王已前這一隊漢錯七錯八威音王已後這一隊漢落二落三而今這一隊漢坐立儼然且道是錯七錯八落二落三還定當得出麼舉拂子曰吽吽上堂拈拄杖橫按曰有時瞋有時喜有時觀音面有時夜叉觜或現鼠尾龍頭或現鼠頭龍尾偏要檢非不檢檢是何故是金不博金是水不洗水卓拄杖曰梢公自應喏只你是直符滿船都是鬼參浴佛上堂這釋迦老子初生下來便作箇笑具一手指天一手指地云天上天下唯我獨尊後來雲門大師道我當時若見一棒打殺與狗子喫却貴圖天下太平尙有人不肯放過却道讚佛讚祖須是雲門始得且道那裏是讚他處莫是一棒打殺處是麼且喜沒交涉今日南明乍此住持只得放過若不放過盡大地人並皆乞命始得如今事不獲已且問大眾向佛殿上每人與他一狗何故豈不見道乍可違條不可越例以拂子擊禪床下座上堂野干鳴師子吼張得眼開得口動南星蹉北斗

召曰大衆還知落處麼金剛塔下蹲神龜火裏走

師在西山爲西堂耿龍學請就淨光陞座靈峰古禪  
師舉茶陵郁和尚悟道頌曰我有明珠一顆久被塵  
勞關鎖今朝塵盡光生照破山河萬朵又舉白雲端  
和尚見楊岐曰令舉此頌岐大笑雲疑之因問其故  
時方歲暮岐曰汝見昨日打毆雞者麼云見曰汝一  
籌不及渠雲益疑之云意旨如何曰渠愛人笑汝怕  
人笑雲大悟請前南明和尚爲衆判斷師乃曰諸禪  
德楊岐大笑眼觀東南意在西北白雲悟去聽事不  
真喚鐘作甕檢點將來和楊岐老漢都在架子上將  
錯就錯若是南明卽不然我有明珠一顆切忌當頭  
蹉過雖然覲面相呈也須一鎚打破舉拂子曰還會  
麼基逢敵手難藏行詩到重吟始見功 僧問三聖  
道我逢人卽出出則不爲人意旨如何曰八十翁翁  
嚼生鐵云與化道我逢人卽不出出則便爲人又作  
麼生曰須彌頂上浪翻空 問蓮華未出水時如何  
曰一任摸索云出水後如何曰有眼如盲 問天不  
能蓋地不能載是甚麼物曰無孔鐵鎚云天人羣生

類皆承此恩力也曰莫妄想 問三世諸佛說不盡

底句請師速道曰眨上眉毛 問昔年三平道場重

興是日圓悟高提祖印始自師傳如何是臨濟宗曰

殺人活人不眨眼云目前抽顧鑑領略者還稀如何

是雲門宗曰頂門三眼耀乾坤云未舉先知未言先

見如何是潯仰宗曰推不向前約不退後云三界唯

心萬法唯識如何是法眼宗曰箭鋒相擲不相饒云

建化何妨行鳥道回途復妙顯家風如何是曹洞宗

曰手執夜明符幾箇知天曉云向上還有路也無曰

有云如何是向上路曰黑漫漫地僧便喝師曰貪他

一粒粟失却半年糧紹興乙丑冬示微疾丙寅正月

九日請西堂曇華禪師爲座元繼集主事付囑殆盡

示訓如常俄握拳而逝學者悲慕茶毗得五色舍利

齒舌右拳無少損二月二日塔于寺東劉阮洞前壽

五十三臘三十五

台州鴻福子文禪師 上堂曰不昧不落作麼會會

得依前墮野狐一夜涼風生畫角滿船明月泛江湖

上堂鈎錐不到處千眼頓開箭鋒不及時萬機併

會無邊差別智三昧總持門喝一喝則日照天臨打一棒乃雲行雨施拈却面前案山子倒轉舌頭試爲我道一句看若道不得三十年後莫道見鴻福來福州玄沙僧昭禪師上堂曰天上無彌勒地下無彌勒且道彌勒在甚麼處良久曰夜行莫踏白不是水便是石上堂撥轉關板透出情塵截斷古今露箇面目理事俱到敲唱雙行直得泥牛哮吼露柱驚忙佛殿走出三門金剛開口大笑且道笑箇甚麼遂曰自家屋裏事難爲說向人以拂子擊禪床下座平江府南峰雲辯禪師本郡人也壯年棄妻孥入閩依瑞峰章禪師圓顛旋里謁穹窿圓禪師中夜忽有得述二偈呈圓圓曰子雖得入未至當也切宜著鞭乃辭扣諸席後造圓悟值入室纔踵門悟曰看脚下師打露柱一下悟曰何不著實道取一句云師若搖頭弟子擺尾悟曰你試擺尾看師翻筋斗而出悟大笑由是知名歸住城西之思憶移小湖之觀音晚居南峰僧問如何是奪人不奪境曰霸王到烏江云如何是奪境不奪人曰築壇拜將云如何是人境兩

俱奪曰萬里山河獲太平云如何是人境俱不奪曰龍吟霧起虎嘯風生云向上還有事也無曰當面嗟過僧云眞箇作家師曰白日鬼迷人一日入城與道俗行至十郎巷有問巷在這裏十郎在甚麼處師奮臂曰隨我來

臨安府靈隱佛海慧遠禪師眉之眉山人族彭氏世業儒年十三因兄從釋師問曰出家何爲兄曰求解脫法師曰如是我亦可爲遂白母宋氏願偕往母欣然遂事藥師院宗辨爲僧詣大慈習經論四年去依靈巖徽禪師久之微有契會圓悟頌昭覺師卽之聞悟曾說忽頓悟仆於衆衆掖之乃曰吾夢覺矣至暮與悟問答無滯悟大喜以偈贈之自此機鋒峻發紹興乙卯春眉守以象耳命師開法不就是歲圓悟順世師東下抵淮南出住蟠龍遷瑯琊又移婺普濟衢定業光孝郡王趙公令衿侍郎曾公開皆問道於師後居南臺未幾過天台歷護國清鴻福三寺尚書沉公介守平江以虎丘久廢邀師振之乾道乙丑敕居崇先明年被旨補靈隱

孝宗皇帝 召入 禁中與酬酢其道愈尊癸巳春  
特 賜佛海禪師 上堂曰道絕名言法離聞見打

破虛空成七八片直饒錮鏑完全也是由基副箭

上堂昨夜來報五參正值老僧洗脚起來抖擻精神

末上輪他一著 上堂天道虧盈地道變盈鬼神害

盈人道惡盈老僧本貫眉州眉山縣人事行年癸未

十二月十六日巳時建生自小出家橫草不拈豎草

不把路轉山回君自看南不龜頭北不厦 上堂滴

水冰生分外寒凍雲環合鑠峰巒根塵不昧心珠露

眨上眉毛子細看 上堂新歲有來由烹茶上酒樓

一雙無兩脚半箇有三頭穿出神難辨相逢鬼見愁

倒吹無孔笛促拍舞涼州咄 上堂好是仲春漸暖

那堪寒食清明萬疊雲山從翠一天風月爲隣在處

華紅柳綠湖天浪穩風平山禽枝上語諄諄再三瑣

瑣碎碎囑付叮叮嚶嚶你且道他叮嚶囑付箇甚麼

卓拄杖曰記取明年今日依舊寒食清明 上堂舉

僧問睦州以一重去一重卽不問不以一重去一重

時如何州曰昨日栽茄子今朝種冬瓜師曰問者善

問不解答答者善答不解問山僧今日向飢鷹爪下

奪肉猛虎口裏橫身爲你諸人說箇樣子登壇道士

羽衣輕呪力雖窮法轉新拊指破開天地闍蛇頭顱

落鬼神驚 僧問十二時中教學人如何用心曰蘸

雪喫冬瓜 問浩浩塵中如何辨主曰木狗頭邊鎌

切菜云莫便是和尚爲人處也無曰研槌捺捺飪

問卽心卽佛時如何曰頂分了角云非心非佛時如

何曰耳墜金環云不是心不是佛不是物又作麼生

曰禿頂修羅舞柘枝 問東山水上行意旨如何曰

初三十一不用擇日 問文殊是七佛之師爲甚麼

出女子定不得曰擔頭不挂針 問昔有一秀才作

無鬼論論成時有一鬼叱曰你爭奈我何意作麼生

師以手斫額曰何似生僧云只如五祖以手作鵝鳩

鶩云谷呱呱又且如何曰自領出去 問庵內人爲

甚麼不知庵外事曰拄杖橫挑鐵蒺藜 問不與萬

法爲侶者是甚麼人曰腳踏轆轤 一日鳴鼓陞堂

師潛坐帳中待僧尋之師忽撥開帳曰只在這裏因

甚麼不見僧無對師曰大斧斫三門 問僧一大藏



教是惡口如何是本身盧舍那僧云天台普請南嶽游山師陞座別曰阿耨達池深四十丈濶四十丈乙未秋師示衆曰淳熙二年閏季秋九月日闌處莫出頭冷地著眼看明暗不相干彼此分一半一種作貴人教誰賣柴炭向你道不可毀不可讚體若虛空沒涯岸相喚相呼歸去來記取明年正月半都下喧傳之果於丙申得辛後一日感微疾至上元揮偈安坐而化偈曰拗折秤鎚掀翻露布突出機先鴉飛不度留七日顏色不異是月二十五日塔全身於寺之烏峰送者幾萬人世壽七十四僧臘五十九

成都府正法建禪師 上堂曰兔馬有角牛羊無角絕毫絕釐如山如嶽針鋒上師子驪身藕竅中大鵬展翼等閑突過北俱盧日月星辰一時黑

温州雁山靈峰伽堂中仁禪師洛陽人也少依東京奉先院出家宣和初 賜牒於 慶基殿落髮進具後往來三藏譯經所諦窮經論特於宗門未之信時圓悟 詔居天寧凌晨謁之悟方爲衆入室師見敬服奮然造前悟曰依經解義三世佛冤離經一字卽

同魔說速道師擬對悟劈口擊之因墜一齒卽大悟竟留天寧由是師資契合請問無間自南渡隆興初開法大覺遷中天竺次徙靈峯 上堂曰九十春光已半過養花天氣正融和海棠枝上鶯聲好道與時流見得麼然雖如是且透聲透色一句作麼生道金勒馬嘶芳草地方樓人醉杏花天 上堂學狗子無佛性話乃曰二八佳人刺繡遲紫荊花下鸚鵡黃鸝可憐無限傷春意盡在停針不語時淳熙甲午四月八日 孝宗皇帝 詔入 賜座說法 皇帝遂舉不與萬法爲侶因緣俾拈提師拈罷頌曰秤鎚擲出油閑言長語休腰纏十萬貫騎鶴上揚州癸亥中陞堂告衆而逝

台州天封覺禪師 上堂曰無生國裏未是安居萬仞崖頭豈容駐足且望空撒手直下翻身一句作麼生道人逢好事精神爽入火真金色轉鮮

成都府昭覺道祖首座初見圓悟於卽心是佛語下發明久之悟命分座一日爲衆入室餘二十許人祖忽問曰生死到來如何回避衆無對祖擲下拂子奄

然而逝衆皆愕眙亟以聞悟悟至召曰祖首座祖張  
目眛之悟曰抖擻精神透關去祖點頭竟爾趨寂  
南康軍雲居宗振首座丹丘人也依圓悟於雲居一  
日因仰瞻鐘閣倏然契證有詰之者振酬以三偈其  
後曰我有一機直下示伊青天霹靂電卷星馳德山  
臨濟棒喝徒施不傳之妙於汝何虧悟見大悅竟以  
節操自高道望愈重嘗書壁曰住在千峰最上層年  
將耳順任騰騰免教名字挂人齒甘作今朝百拙僧  
覺庵道人祖氏建寧游察院之姪女也幼志不出適  
留心祖道趨圓悟之席於悟示衆語下了然明白悟  
曰更須颺却所見始得自由祖答偈曰露柱抽橫骨  
虚空弄爪牙直饒玄會得猶是眼中沙

令人本明亡其族里號明室自機契圓悟偏參名竊  
皆蒙印可紹興庚申二月望親書三偈寄呈泐潭草  
堂清禪師徵露謝世之意至旬末別親里而終草堂  
跋其偈後爲刊行大慧禪師亦嘗垂語發揚偈曰不  
識煩惱是菩提若隨煩惱是愚癡起滅之時須要會  
錫過新羅人不知不識煩惱是菩提淨華生淤泥人

來問我若何爲喫粥喫飯了洗鉢盂莫管他莫管他  
終日癡憨弄海沙要識本來真面目便是祖師一木  
叉道不得底又下死道得底也又下死畢竟如何不  
許夜行投明須到

成都府范縣君者癸居歲久常坐而不臥聞圓悟被  
旨歸住昭覺往禮拜請示入道因緣悟令看不是心  
不是佛不是物是箇甚麼久無所契范泣告悟曰和  
尙有何方便令某易會悟曰却有箇方便遂令只看  
是箇甚麼後有省曰元來恁麼地近那

嘉泰普燈錄卷第十五

音釋

仰於渤切	矜音今	謹虛約切	薩他計切
理音呈	臧古得切	蘇素姑切	曾自秋切
輻渠勿切	嶼音序	挫蘇答切	飲許金切
韶音渴	澗胡廣切	狡素官切	阮音倪
驚音嶽	驚食角切	槐音思	饋作管切

楠音南

堪食桂切

迦音素

歐音區

難音那

眨側洽切

窿音隆

錮音固

鐺音路

抖音斗

撒音叟

諄章倫切

蘸莊陷切

鐺音簾

呱音孤

搦女白切

愕五各切

眙音怡

贅音狸

嘉泰普燈錄卷第十六

平江府報恩光孝禪寺臣僧 正受 編

南嶽第十五世 臨濟十一世 楊岐四世

太平佛鑑慧勲禪師法嗣

常德府文殊心道禪師眉之丹梭人族徐氏年三十得度具戒游成都從師授唯識論自以爲至有同齊詰之曰三界唯心萬法唯識今日前境象縱然心識安在師愕立遂出關依谷隱顯禪師歷十祀周流江淮抵舒之太平遇鑑小參舉趙州栢樹子話至覺鐵臂云先師無此語莫謗先師好因疑之求挂錫以宴寂爲務一夕理前話豁如夢覺趨丈室擬叙所悟鑑首肯後命分座政和二年襄守游公定夫請師開法

紹改僧

天寧未幾擢大別文殊 上堂曰師子擎伸象王哮吼雲門北斗裏藏身白雲因何喚作手三世諸佛不能知狸奴白牯却知有且道作麼生是他知有底事雨打梨華蛺蝶飛風吹柳絮毛毬走 上堂拈拄杖直上指曰恁麼時刺破僞尸迦脚跟卓一下曰恁麼時卓碎閻羅王頂骨乃指東畔曰恁麼時穿過東海鯉魚眼睛指西畔曰恁麼時塞却西王母鼻孔且道總不恁麼時如何今年雨水多各宜頻曬眼宣和改元下 紹改僧爲德士上堂祖意西來事今朝特地新昔爲比丘相今作花君形鶴鰲披銀褐頭包蕉葉巾林泉無事客兩度受君恩所以欲識佛性義當觀時節因緣且道卽今是甚麼時節毗盧遮那頂戴寶冠爲顯眞中有俗文殊老叟身披鶴鰲且要俯順時宜一人旣爾衆人亦然大家成立叢林喜得群仙衆會共酌迷仙酣同唱步虛詞或看靈寶度人經或說長生不死藥琴彈月千指端發太古之音縈布軒前妙著出神機之外進一步便到大羅天上退一步却入九幽城中只如不進不退一句又作麼生道直饒

羽化三清路終是輪迴一幻身二年九月復僧上堂  
不挂田衣著羽衣老君形相頗相宜一年半內閑思  
想大底興衰各有時我佛如來預識法之有難教中  
明載無不委知較量年代正在茲魔得其便惑亂  
正宗僧改俗形佛更名字妄生邪解刪削經文鑄鉞  
停音鉢盂添足多般矯詐欺罔 聖君賴我 皇帝  
陛下聖德聖明不忘付囑不廢其教特賜 宸章頒  
行天下仍許僧尼重新披削實謂寒灰再焰枯木重  
榮不離俗形而作僧形不出魔界而入佛界重鳴法  
鼓再整頽綱迷仙耐變爲甘露瓊漿步虎詞翻作還  
鄉曲子放下銀木簡拈起尼師壇昨朝稽首擎拳今  
日和南不審只改舊時相不改舊時人敢問大衆舊  
時人是一箇是兩箇良久曰秋風也解嫌狼藉吹盡  
當年道教灰建炎三年春示衆舉臨濟入滅癯三聖  
因緣師曰正法眼藏瞎驢滅臨濟何曾有是說今古  
時人皆妄傳不信但看後三月至閏三月賊鍾相叛  
其徒欲奉師南奔者師曰學道所以了生死何避之  
有賊至師端坐自若賊扣而不答即舉槩殘之血皆

白乳賊駭引席覆之而去壽七十二臘四十二塔于  
文殊五髻峯

韶州南華知覺禪師蜀之永康人也久從佛鑑始蒙  
印可繼住太平法席鼎盛後奉 旨居南華 上堂  
曰此事最希奇不礙當頭說東隣田舍翁隨例得一  
概非唯貫聲色亦乃應時節若問是何宗八字不著  
人擊禪牀下座 上堂日日說時時舉似地擎山爭  
幾許隴西鸚鵡得人隣大都只爲能言語休息惟帶  
伴侶智者聊閒猛提取更有一般也大奇貓兒偏解  
捉老鼠 上堂以拄杖向空中攪曰攪長河爲酥酪  
蝦蟇猶自眼搭眇卓一下曰變大地作黃金窮漢依  
前赤乾體爲復自家無分爲復不肯承當可中有箇  
漢荷負得行多少人失錢遭罪再卓一下曰還會麼  
寶山到也須開眼勿使忙忙空手回 上堂春光燭  
燭華爭發子規啼落西山月橋梵鉢提長吐舌底事  
分明向誰說啞  
潭州龍牙囉囉智才禪師龍舒人族施氏年十八師  
事靈隱院道詮以試經下髮初謁三祖宗禪師次依

佛鑑鑑一見曰異日大弘楊岐之道當在爾躬後見死心靈源圓悟皆冥符前記由是道聲四播潭帥服師之名以獄麓延請開法踰三月遷龍牙

欽宗皇帝登位衆官請上堂祝聖已就座拈拄

杖卓一下曰朝奉疏中道本來奧境諸佛妙場適來

拄杖子已爲諸人說了也於斯悟去理無不顯事無

不周如或未然不免別通箇消息舜日重明四海清

滿天和氣樂昇平延祥拄杖生歡嘉擲地山呼萬歲

聲擲拄杖下座上堂彈指一下曰彈指圓成八萬

門刹那滅却三祇劫若也見得行得健即經行困即

歇若也不會兩箇鷓鴣扛箇鼈示衆舉死心和尙

小參曰若論此事如人家有三子第一子聰明智慧

孝養父母接待往來主掌家業第二子兇頑狡猾貪

姪嗜酒倒街臥巷破壞家業第三子盲聾啞啞菽麥

不分是事無能只會喫飯三人中黃龍要選一人用

更有四句死中有活活中有死死中常死活中常活

將此四句驗天下衲僧師曰喚甚麼作四句三人姓

甚名誰若也識得與黃龍把手並行更無纖毫間隔

◆堂語

如或未然不免借水獻華去也三人共體用非用四句同音空不空欲識三人并四句金烏初出一團紅師每登座凡有所問皆答曰囉囉故叢林稱之居龍牙十三載以清苦蒞衆衲子敬畏大帥席公震遷住雲溪經四稔紹興戊午八月望俄集衆付寺事仍書偈曰戊午中秋之日出家住持事畢臨行自己尙無有甚虛空可覓其垂訓如常二十三日再集衆示問曰涅槃生死盡是空花佛及衆生並爲增語汝等諸人合作麼生衆皆下語不契師喝曰苦苦復曰白雲湧地明月當天言訖飄然而逝火浴日緇白會送者數千人慟震林壑獲設利五色者夥併靈骨塔於寺之西北隅世壽七十有二臘戒四十有二

慶元府蓬萊鄉禪師上坐曰有句無句如藤倚樹

且任諸方點頭及手樹倒藤枯上無衝天之計下無

入地之謀靈利漢這裏著得一雙眼便見七縱八橫

舉拂子曰看看一曲兩曲無人會雨過夜堂秋水深

上堂杜鵑聲裏春光暮滿地落花留不住瑠璃殿

上絕行蹤誰人解插無根樹舉拄杖曰這箇是無根



底且道解開華也無良久曰只應連夜雨又過一年春上堂蓬萊突兀無遮護鐵壁銀山無入處有時關板一時開放出毒蛇當大路參禪人早回顧莫待臨時生怕怖荆棘林中暗坐時百尺竿頭須進步三十三人老古錐象轉龍蟠曾指注休指注成露布蚊子上鐵牛無你下觜處上堂舉法眼道識得堯子周匝有餘雲門道識得堯子天地懸殊師曰此二老人一人向高山頂立一人向深深水底行然雖如是一不是二不成落花流水裏啼鶯閑亭雨歇夜將半片月還從海底生

湖州何山佛燈守珣禪師郡之安吉人族施氏甫冠師寶梵院道才剃染卽謁徑山常悟禪師久之隨往隱靜悟問曰登天不假梯偏地無行路時如何云清光何處無悟稱善師退謂全衣曰一語偶投非解脫法棄參廣鑑行瑛禪師不契遂造太平隨衆咨請彌扣彌深始知所見未出常情乃封其衾曰此生若不徹去誓不展此於是晝坐宵立逾七七曰鑑忽上堂謂衆曰森羅及萬象一法之所印師聞頓悟尋語鑑

鑑詰曰靈雲道自從一見桃華後直至如今更不疑如何是他不疑處云莫道靈雲不疑只今覓箇疑處了不可得曰賢沙道諦當甚諦當敢保老兄未徹在那裏是他未徹處云深知和尚老婆心切鑑然之師拜起呈偈曰終日看天不舉頭桃華爛熳始擡眸饒君更有遮天網透得牢關卽便休鑑囑令護持是夕厲聲謂衆曰這回珣上座穩睡去也鑑移蔣山命分座說法出住廬陵之禾山退藏故里道俗迎居天聖後徙何山及天寧上堂曰轆轤鑽住出斧佛祖出頭未輕與縱使醍醐滿世間你無寶器如何取阿呵呵神山打鑼道吾作舞甜瓜徹蒂甜苦瓠連根苦上堂舉婆子燒庵話師曰大凡扶宗立教須是其人你看他婆子雖是箇女人宛有丈夫作略二十年筵油費醬固是可知一日向百尺竿頭做箇失落直得用盡平生腕頭氣力自非箇俗漢知機泊手巧盡拙出然雖如是諸人要會麼雪後始知松栢操事難方見丈夫心上堂如來禪祖師道切忌將心外邊討從門所得卽非珍特地埋藏衣裏寶禪家流須及早

撥動祖師關捩抖擻多年布襖是非毀譽付之空豎  
闔橫長渾恰好君不見寒山老終日嬉嬉長年把掃  
人問其中事若何入荒田不揀信手拈來草參 僧  
問如何是賓中賓曰客路如天遠候門似海深云如  
何是賓中主曰長因送客處憶得別家時云如何是  
主中賓曰相逢不必問前程云如何是主中主曰一  
朝權祖令誰是出頭人云賓主已蒙師指示向上宗  
乘事若何曰向上問將來云如何是向上事曰大海  
若知足百川應倒流僧禮拜師曰玆上座三十年學  
得底師入院曰謂衆曰兄弟如有省悟處不拘時節  
請來露箇消息雪夜有僧扣方丈門師起秉燭震威  
喝曰雪深夜半求決疑情因甚麼威儀不具僧顧眎  
衣鉢師逐出院每日先師只年五十九吾年五十六  
矣來日無多紹興甲寅解制退天寧之席謂雙槐居  
士鄭績曰十月八日是佛鑑忌則吾時至矣丐還鄣  
南十月四日鄭公遣弟僧道如訊之師曰汝來正其  
時也先一日不著便後一日踉過了吾雖與佛鑑同  
條生終不同條死明早可爲我尋一雙小船子來如

云要長者要高者曰高五尺許越三日鷄鳴端坐如  
平時侍者請辭世偈師曰不曾作得言訖而逝十一  
月四日闍維舌根不壞郡人陳師顏以寶函藏其家  
門弟子奉靈骨塔于普應院之側  
隆興府潞潭明禪師 上堂舉趙州訪茱萸採水因  
緣師曰趙老雲收山嶽露茱萸雨過竹風清誰家別  
館池塘裏一對鴛鴦盡不成又舉德山托鉢話曰從  
來家富小兒嬌偏向江頭弄盡撓引得老爺把不住  
又來船上助歌謠  
台州寶藏本禪師 上堂曰清明已過十餘日華雨  
闌珊方寸深春色惱人眠不得黃鸝飛過綠楊陰遂  
大笑下座 住烏鎮壽聖曰大慧禪師行化至師上  
堂叙謝畢乃曰鮑老當年笑郭郎郭郎舞袖太郎當  
及乎鮑老當場舞鮑老郎當勝郭郎下座大慧炷香  
拜之  
吉州大中祥符清海禪師初見佛鑑鑑問三世諸佛  
一口吞盡何處更有衆生可教化此理如何師擬進  
語鑑喝之師忽領旨述偈曰實際從來不受塵箇中

無舊亦無新青山況是吾家物不用尋家別問津鑑  
曰放下著師禮拜而出

漳州淨衆佛眞了瓌禪師泉南羅氏子 上堂願四  
衆曰昨夜安排得兩段禪末後一句也用不著今朝  
打鼓陞堂一句也未嘗安排但見諸人簇簇上來山  
僧不免胡說亂說鬚張三黑李四箇箇解唱囉囉哩  
雖然如是入著光孝門未免穿過髑髏換了眼睛參  
上堂重陽九日菊華新一句明明亘古今楊廣衆  
駝無覓處夜來足跡在松陰

隆興府谷山海禪師 上堂一舉不再說已落二三  
相見不揚眉纒成造作設使動絃別曲告往知來見  
鞭影便行望利竿回去脚跟下好與三十棒那湛更  
向這裏撮摩石火收捉電光工夫枉用渾閑事笑倒  
西來碧眼胡卓拄杖下座

龍門佛眼清遠禪師法嗣

温州龍翔竹庵士珪禪師成都人族史氏世宗禪師  
妙齡明敏年十三求爲僧父母難之輒不食伯父使  
從其志依城下大慈宗雅剗染心醉楞嚴逾五秋南

游謁玉泉勤雲蓋智百丈肅靈源清有年始登龍門  
即以平時所得白佛眼眼曰汝解心已極但欠著力  
開眼耳遂職堂司一日侍立次問云絕對待時如何  
曰如汝僧堂中白椎相似師罔措眼至晚抵堂司師  
復以前話問之眼曰閑言語師於言下大悟眼曰今  
無復言政和末和守錢公景述請開法天寧次遷褒  
禪東林及西山繼徙聖泉鼓山尋奉 詔移鴈蕩能  
仁紹興乙丑蒙 恩補江心龍翔 上堂曰萬年一  
念一念萬年和衣泥裏輓洗脚上床眠歷劫來事只  
在如今大海波濤湧小人方寸深拈起拄杖曰汝等  
諸人未得箇入頭須得箇入頭既得箇入頭須有出  
身一路始得大衆且作麼生是出身一路良久曰雪  
壓難摧澗底松風吹不動天邊月卓拄杖下座 上  
堂萬機不到眼見色耳聞聲一句當堂頭戴天脚踏  
地你諸人只知今日是五月初一殊不知金烏半夜  
忙忙去玉兔天明上海東以拂子擊禪床下座 上  
堂明明無悟有法卽迷諸人向這裏立不得諸人向  
這裏住不得若立則危若住則瞎直須意不停玄句

不停意用不停機此三者既明一切處不須管滯自然現前一切處不須照顧自然明白雖然如是更須知有向上事久雨不晴咄上堂一葉落天下秋欲窮千里目更上一層樓一塵起大地收嘉州打大像陝府灌鐵牛明眼漢合作麼生良久曰久旱簷頭句橋流水不流卓拄杖下座上堂今朝八月二十五老禪問你諸人且道是八月二十五不是八月二十五若道不是是何言歟若道是瞞上座卽得爭奈諸聖眼何乃擊禪床下座上堂見見之時見非是見見猶離見見不能及落華有意隨流水流水無情戀落華諸可還者自然非汝不汝還者非汝而誰長恨春歸無覓處不知轉入此中來喝一喝曰三十年後莫道能仁教壞人家男女上堂僧問如何是祖師西來意曰東家點燈西家暗坐云未審意旨如何曰馬便搭鞍驢便推磨僧禮拜師曰靈利衲僧只消一箇遂曰馬搭鞍驢推磨靈利衲僧只消一箇縱使東家明點燈未必西家暗中坐西來意旨問如何多口何師自招禍問如何是第一義曰你問底是第三

義問獅子還有佛性也無趙州道無意旨如何曰  
一度著地齧怕見斷井索問鷲子深談實相善說  
法要此理如何曰不及鴈喻蘆問如何是佛曰華  
陽洞口石鳥龜問魯祖面壁意旨如何曰金木水  
火土羅睺計都星問有句無句如藤倚樹時如何  
曰作賊人心虛云國師三喚侍者又作麼生曰打鼓  
弄胡孫鼓破胡孫走丙寅七月十八日召法屬長老  
宗範付後事遺偈曰前三十一中九下七老人言盡  
處龜哥眼睛赤次日沐浴更衣申令聲大鐘亥至衆  
集處就座泊然趨寂茶毗送者均獲設利奉靈骨塔  
于鼓山壽六十四臘五十一  
南康軍雲居高庵善悟禪師洋之興道人族李氏年  
十一去家業經得度有夙慧聞冲禪師舉武帝問達  
磨因緣如獲舊物遽曰我旣廓然何聖之有冲異其  
語勉之南詢蒙授記於龍門一日有僧被地傷足佛  
眼問曰既是龍門爲甚麼却被地齧師卽應曰果然  
現大人相眼益豁之初住吉之天寧遷雲居七稔  
敕徙金山以疾辭得免上堂曰少林面壁懷藏東

土西天歐阜陞堂充塞四維上下致使山巍巍而砥掌平水昏昏而常自清華非艷而結空果風不搖而片葉零人無法而得咨問佛無心而更可成野蕨淡飯延時日任運隨緣道自靈畢竟如何日午打三更遂寧府西禪文璉禪師郡之長江人族張氏天姿穎邁幼從鄉先生趙嗣業頗通儒趙以遠大期之師飄然有出塵志徑依崇福院希澄年二十三薙髮詣成都表言講席聽圓覺起信深得其旨會圓悟歸昭覺往依之久無所入遂東下謁谷隱顯洞山淵復無所證晚抵龍門宴坐忘寢食佛眼憐其爲道之篤一夕携師縱步至普現坡下顧師曰望州亭與汝相見了也烏石嶺與汝相見了也師於言下證無生忍佛眼翌日登堂對衆印之道譽籍甚閱三年以母老勾還眼贈以偈曰烏石嶺望州亭意未畢道先成十年辛苦游江海此日言歸不問程桑梓無別路行藏在守護果熟自然香記取來時步復書曰禪者璉上人操心珠入龍岫得之還故丘不忘本也仍率罷參宿衲數十餞之於是泝流歸肆業築堂高隱靖康元郡守

更西禪律居迎師開法 上堂曰一向恁麼去直得凡聖路絕水泄不通鐵地鑽不入鐵鎚打不破至於千里萬里鳥飛不度一向恁麼來未免灰頭土面帶水拖泥唱九作十指鹿爲馬非唯辜負先師亦乃埋沒已靈敢問大衆且道恁麼去底是恁麼來底是苟藥華開菩薩面撥欄棄散夜叉頭 上堂諸方浩浩談玄每日撞鐘打鼓西禪無法可說勘破燈籠露柱門前不置下馬臺免被傍人來借路若借路須照顧脚下若參差邯鄲學唐步 上堂心生種種法生森羅萬象縱橫信手拈來使用日輪午後三更心滅種種法滅四句百非路絕直饒達磨出頭也是眼中著屑心生心滅是誰木人携手同歸歸到故鄉田地猶遭頂上一鎚 上堂正月孟春猶寒直下言端語端拈起衲僧鼻孔穿開祖佛心肝知有者達磨不來東土二祖不往西天不知有者誰知當面蹉過迢迢十萬八千山僧爲你重說偈言大衆莫教辜負孟春猶寒 上堂舉外道問佛今日說甚麼法曰說定法明日又問今日說甚麼法曰不定法云昨日爲甚麼定



今日爲甚麼不定曰昨日定今日不定師曰昨日與今日說定說不定寰中天子敕塞外將軍令外道當年入夢鄉直至如今猶未省 僧問師子未出窟時如何曰爪牙已露云出窟後如何曰龍頭蛇尾云出與未出時如何曰正好喫棒 問以一重去一重卽不問不以一重去一重時如何曰闍梨有許多工夫紹興十四年十一月忽示疾二十八日端坐訓徒手書命本院書記希秀嗣法住持捐囊資益田瞻衆囑累說有請以頌者師曰先師龍門最後垂範嘗曰無世可辭無法可說無頌可留吾豈負先師意耶語卒而化壽七十二臘五十一

隆興府黃龍牧庵法忠禪師四明人族姚氏七歲師鄞縣國寧道英十九試經得度習台教悟一心三觀之旨而未能泯跡歷扣名緇至龍門觀水磨旋轉發明心要述偈曰轉大法輪目前包裏更問如何水推石磨呈佛眼眼曰其中事作麼生云潤下水長流眼曰我有末後一句待分付汝師卽掩耳而出乃之廬山於同安枯樹中絕食清坐宣和間湘潭大旱禱不

應師躍入龍淵呼曰業畜當雨一尺雨隨至居南嶽後洞木食澗欲侶虎豹猿狖二十年著正心論十卷每跨虎出游儒釋望塵而拜紹興甲寅秋樞密折公彥質染疏親往以勝業力挽開法師嘉其勤渠乃赴未幾移南木雲蓋謝事復應二聖越壇及大瀉之請晚居黃龍 上堂曰張公喫酒李公醉子細思量不思議李公醉醒問張公恰使張公無好氣無好氣不如歸家且打睡 上堂今朝正月半有事爲君斷切忌兩眼睛被他燈火換 上堂我有一句子不借諸聖口不動自己舌非聲氣呼吸非情識分別假使淨名杜口於毗耶釋迦掩室於摩竭大似掩耳偷鈴未免天機漏泄直饒德山入門便棒臨濟入門便喝若向牧庵門下檢點將來只得一橛千種言萬般說只要教君自家歇一任大地虛空七凹八凸 僧問如何是佛曰莫向外邊覓云如何是心曰莫向外邊尋云如何是道曰莫向外邊討云如何是禪曰莫向外邊傳云畢竟如何曰靜處薩婆訶 問大衆臨筵請師舉唱師豎起拂子僧云乞師再垂方便師擊禪床

一下已巳十一月示少恙至望丈室後有白氣二道搖曳而出師遽曰吾期至矣令集衆囑付殆盡引筆書偈而寂塔于香原洞掩壙罷大雪獨覆區所壽六十臘四十七

衡州烏巨雪堂道行禪師括蒼人族葉氏父仲謹仕二千石棲心祖道號見獨居士母陶氏夢苾芻抵其室而孕既生莊重警敏甫志學有出塵志然書牧屢前列間從天寧微禪師游於言下知歸以出家陳父母乃聽年十九禮普照覺印英禪師授僧伽梨首謁指源潤禪師無所入徑之龍門質其所得佛眼諭曰到眞實不疑方有語話分師無對一日畢賢沙築著脚指師契悟即趨方丈眼曰悟即不無要是千里之起足若向箇裏扶持起來甚生次第事令侍右踰八周辭省親郡守侍御黃公葆光結庵於黃堂後圖力致之建炎二年中散徐公康國來守是郡堅請開法於壽寧次遷法海天寧烏巨大播立風後名藩賢侯以甲剎迎之者八師悉辭諸方益加尊仰紹興戊辰鄱陽守陳公璫命樞密何公若編修趙公廉裔躬往

虔請師不得已而從之上堂曰會即便會玉本無瑕若言不會確贅生花試問九年面壁何如大會拈華南明恁麼商確也是順風撒沙參上堂雲籠嶽頂百鳥無聲月隱寒潭龍珠自耀正當恁麼時直得石梁忽然大悟石洞頓爾心休虎空開口作證溪北石僧點頭諸人總在這裏瞋睡笑殺陝府鐵牛上堂佛說三乘十二分頓漸偏圓癡人面前不得說夢祖師西來直指人心見性成佛癡人面前不得說夢臨濟三玄雲門三句洞山五位癡人面前不得說夢南明恁麼道還免得遭人檢責也無所以古人道石人機似汝也解唱巴歌汝若似石人雪曲也應和還有和雪曲底麼若有喚來與老僧洗脚上堂通身是口說得一半通身是眼用得一概用不倒處說有餘說不到處用無盡所以道當用無說當說無用說同時用說不同時諸人若也擬議西峰在你脚底到國清衆請上堂句亦刻意亦刻絕毫絕毫處如山如嶽句亦到意亦到如山如嶽處絕毫絕毫處忽若拶通一線意句俱到俱不倒俱刻俱不刻直得三句外

絕牢籠六句外無標的正當怎麼時一句作麼生道  
傾蓋同途不同轍相將携手上高臺 上堂舉趙州  
示衆云老僧除却二時齋粥是雜用心處師曰今朝  
六月且行者擊鼓長老陞堂你諸人總來這裏雜用  
心 上堂舉僧問雲門如何是驚人句門云響鐺曰  
雲門答這僧話不得便休却鼓粥飯氣以當平生  
示衆黃梅雨麥秋寒恁麼會太無端時節因緣佛性  
義大都須是觸醢乾二十一年春示疾門弟子教授  
注公喬年至省候師以後事委之示以偈曰識則識  
自本心見則見自本性識得本心本性正是宗門大  
病注曰爛泥中有刺莫道不疑好乃二月九日也黎  
明沐浴易服加趺而逝郡守躬營後事道俗瞻禮歎  
未曾有十七日閣維胷腋出銀液不斷皆五色設利  
也煙所至累然綴之人得以市齒舌不壞建窆堵波  
於寺之西壽六十三夏四十五

撫州白楊法順禪師綿之魏城人族文氏神觀秀發  
韶時夜視如晝父母異之捨出家依鹽泉香積奉禪  
師年十八落髮受具崇寧初徧游禪會抵襄陽造谷

隱靜覺之室留數載聞佛眼說法龍門卽之一日眼  
上堂舉傳大士心王銘曰水中鹽味色裏膠青只聞  
其有不見其形師於言下有省後觀寶藏迅轉頓明  
大法趨丈室作禮呈喝曰頂有異峰雲冉冉源無別  
派水冷泠游山未到山窮處終被青山礙眼睛眼笑  
而可之龍圖蔣公璨出守是那服師大名以白楊迎  
居訥子蜂集 上堂曰好事堆堆疊疊來不須造作  
與安排落林黃葉水堆去橫谷白雲風卷回寒厲一  
聲情念斷霜鐘纔動我山摧白楊更有過人處盡夜  
寒爐撥死灰忽有箇衲僧出來道長老少賣弄得恁  
麼窮乞相山僧向他道却被你道著 上堂我手  
何似佛手天上南星北斗我脚何似驢脚往事都來  
忘却人人盡有生緣箇箇足方頂圓大愚灘頭立處  
孤月影射深灣會不得見還難一曲漁歌過遠灘  
示衆染緣易就道業難成不了目前萬緣差別只見  
境風浩浩凋殘功德之林心火炎夕燒盡菩提之樹  
道念若同情念成佛多時爲衆一似爲身彼此事辨  
不見他非已是自然上敬下恭佛法日日現前煩惱

時時解脫師律身清苦自住山出入杖笠獨行而已  
歲序因袖刺賀郡守嘗仆雪中偈曰垂老住山寺  
參官走道途前村雪嶺上踰倒没人扶紹興己未五  
月十一日感微疾夜聞曉鐘遂憑陵喝之侍僧趨省  
已坐亡矣閣維收設利目睛齒舌數珠同靈骨塔于  
寺之西壽六十四臘四十七

南康軍雲居法如禪師丹丘臨海人族胡氏依護國  
瑞禪師祝髮登具備參浙右諸宗匠晚至龍門以平  
日所證白佛眼眼曰此皆學解非究竟事欲了生死  
當求妙悟師駭然諦信一日命主香積以道業未辨  
固辭眼勉曰姑就職其中大人爲汝說法未幾晨  
興開厨門望見聖僧契所未證入白佛眼眼曰這裏  
還見聖僧麼師詣前問訊叉手而立眼曰向汝道大  
有人爲汝說法師禮拜

示衆機  
語未見

南康軍歸宗真牧正賢禪師潼川郫縣人族陳氏世  
爲名儒幼從三聖海澄爲苾芻具滿分戒游成都依  
大慈秀公習經論凡典籍過目成誦義亦頓曉秀稱  
爲經藏子正覺顯禪師見之令著鞭荷負大法會圓

悟禪師來居昭覺悟勉之南詢乃謁死心靈源湛堂  
皆蒙委寄遂扣佛眼一日入空眼舉殷勤抱得旃檀  
樹語聲未絕師卽頓悟眼曰經藏子漏逗了也自是  
與師商確淵奧疊疊無盡眼稱善因手書眞牧二字  
授之紹興己巳歸宗虎席郡侯以禮請堅臥不應寶  
文李公懋嘗問道於師同屬官強之乃就上堂曰  
且第一句如何道汝等若向世界未成時父母未生  
時佛未出世時祖師未西來時道得已是第二句且  
第一句如何道直饒你十成道得未免左之右之卓  
拄杖下座上堂良久召大衆曰作麼生若也擬議  
賢上座瞞你諸人去也打地和尙噴他祕魔巖主擎  
箇叉兒胡說亂道遂將一摑成齏粉散在十方世界  
還知麼舉拂子曰而今却在拂子頭上說一切智智  
清淨無二無二分無別無斷故還聞麼闍老子知得  
乃云賢上座你若相當去不妨奇特或不相當總在  
我手裏只向他道闍老子你也退步摸索鼻孔看擊  
禪床下座僧問久點斯要已泄眞機學人上來請  
師開示曰耳朵在甚麼處云一句分明該萬象曰分



明底事作麼生云台星臨照枯木回春曰換却你眼睛  
湖州道場正堂明辯禪師本郡人族俞氏年十九事  
報本蘊禪師圓顯受具辭謁徑山妙湛慧禪師慧移  
補淨慈因與月堂昌翠巖宗往扣保寧璣禪師及諸  
名宿晚依佛眼眼問從上祖師方冊因緣許你曾得  
忽舉拳曰這箇因何喚作拳師擬對眼策其口曰不  
得作道理於是頓去知見遂作禮眼曰這鈍漢師笑  
而趨出後造道林參圓悟禪師深蒙印可既而旋里  
父母亡乃廬其墓待制葛公勝仲訪師議論警合守  
郡日檄徐簿敦濟以天聖致請師遁古墓中使者往  
返數四後爲吏所跡不得辭久之左丞葉公夢得以  
積善命爲第一祖謝事庵居作頌古百首繼住何山  
衆數千指又遷道場徙衛林爲鼻祖上堂曰猛虎  
口邊拾得毒蛇頭上安排更不釘樁搖櫓回頭別有  
生涯婆子被我勘破了大悲院裏有村齊上堂淨  
五眼湧金春色晚得五力吹落碧桃華唯證乃知難  
可測卓拄杖曰一片何人得流經十萬家上堂三  
祖道但莫憎愛洞然明白當時老僧若見便與一擲

且道是憎耶是愛耶近來經界稍嚴不許詭名挾佃  
解夏上堂十五日已前不得去少林雙履無藏處  
十五日已後不得住桂子天香和雨露正當十五日  
又且如何阿呵呵風流不在著衣多育王遺書至  
上堂黃龍頭角從來異不與今時歲月爭復妙回途  
何處去月明終夜照虎堂嗚呼無示老人道傳龍岫  
德播寰中居常吒吒呀呀時塞斷天下人舌頭有時  
玲玲瓏瓏時通透卓長靈鼻孔驢脚行時收佛手誰  
是知音拳頭舉處覓生緣了無向背三十載入泥入  
水今年五月十三日始見長人回途大地竟無蹤只  
有衲僧知去處山僧今日盡施三昧大展神通直得  
蕩蕩地絕絲毫巍巍然無背面猶覓他蹤跡不得適  
來爲甚麼却道衲僧知去處還道得麼拄杖子忍俊  
不禁爲你諸人道去也卓一下曰春前得雨華開早  
秋後無霜葉落遲上堂舉僧問投子大死底人却  
活時如何子云不許夜行投明須到師曰我疑千年  
蒼玉精化爲一片秋水骨海神欲護護不得一旦鰲  
頭忽擎出上堂舉須菩提持鉢維摩詰家滿盛香



飯云汝能誘於佛毀於法不入衆數乃可取食須菩提不知是義置鉢而去師曰當時若有箇漢倒拈蝎尾逆捋虎鬚擺手出荆棘林纔見他道誘於佛毀於法不入衆數乃可取食但對他道賢賢易色事父母能竭其力事君能致其身與朋友交言而有信直饒淨名老人也須倒退三千里上堂華開離上綻柳堤邊黃鶯調叔夜之琴芳草入謝公之句何必聞聲悟道見色明心非唯水上覓漚已是眼中著屑孽開胷曰汝等當觀吾紫磨金色之身今日則有明日則無大似無風起浪全不知羞且道今日事作麼生好箇迷達磨不知誰解承當雙槐居士鄭參議入山上堂佛鑑腦後眼不親睹却何山珣佛燈佛燈照破四天下又被禹功吹滅却從茲大地黑漫漫物物拈來總一般試問一般何所似蓮華在水葉長乾禹功參議中大使施俯臨既是屋裏人方說屋裏話不欲世諦飾詞浼瀆台聽今日到這裏所以楊歧門下鍋子大小枸柄短長鼻孔輕重一時被他覷見了也汝等諸人各自照顧雖然如是要且有一處未知端

的且道道場八功德池水深多少有幾箇赤梢鯉魚且寬數日方知底裏始信道場逐日吞却三箇四箇吐却七箇八箇豈不見百靈和尚問龐居士曰居士得力句還曾舉似人麼云曾舉來曰舉似阿誰龐以手指胷云龐公龐却問百靈阿師得力句還曾舉似人麼曰曾舉來云舉似阿誰靈戴笠子便行龐云善爲道路師曰龐公大似堂前開飯店經紀屋裏人百靈正如馬前相撲步步不虧今日忽有人問道場如何是參議見佛燈得力句只向道上士由山水中仁坐竹林渠若云曾舉似人麼只向道立行方回也文才比仲壬上堂舉瀉山問仰山天寒人寒話師曰一問一答玉線交羅雲錦段成了無滲漏若也見得方知瀉仰父子唱拍相隨其或未然更爲諸人頌出吹盡風流大石調唱出富貴黃鍾宮舞腰催拍月當曉更進蒲萄酒一鍾上堂舉僧問趙州狗子還有佛性也無州云無師曰若於這一句下見得千句萬句一時百雜碎遂喝曰切忌立地作夢且道畢竟如何狗子佛性有毗盧愛飲彌勒酒狗子佛性無文殊醉

倒普賢扶扶到家中。全酪酊胡言漢語罵妻孥。僧問蓮華未出水時如何。曰七尺八尺云。出水後如何。曰三尺四尺。問如何是祖師西來意。曰毒蛇無角。最威憐云。便恁麼會時如何。曰梁山務長云。只如教意。又作麼生。曰長江滾不休。問如何是曹洞宗。曰鶴宿梧枝云。如何是雲門宗。曰木馬上金梯云。如何是漚仰宗。曰目前無異草云。如何是臨濟宗。曰我終不向你說。問如何是佛師。乃鳴指三下。問語點涉。離微如何通。不犯曰。橫身三界外。獨脫萬機前云。只如風穴道。長憶江南三月裏。鷓鴣啼處白華香。又作麼生。曰說這不唧。囉漢作麼云。嫩竹搖金風。細細百華鋪地。曰遲遲曰。你向甚麼處見風穴云。眼裏耳裏絕瀟灑。曰料掉沒交涉。問蓮華未出水時如何。曰未過冬至。莫道寒云。出水後如何。曰未過夏至。莫道熱云。出與未出時如何。曰三十年後不要錯舉。問如何是佛。曰無柴猛燒火云。如何是法。曰貧做富裝裹云。如何是僧。曰賣扇老婆手遮日云。如何是和尙栗棘蓬。曰不答此話云。爲甚麼不答。師大笑曰。吞

不進吐不出。問如何是一喝。如金剛王寶劔曰。古墓毒蛇頭戴角云。如何是一喝。如踞地師子曰。虛空笑點頭云。如何是一喝。如探竿影草曰。石人拍手笑。呵呵云。如何是一喝。不作一喝用。曰布袋裏豬頭云。四喝曰。蒙師指示。向上還有事也。無曰。有云。如何是向上事。曰鑿解秤鎚。隨聲便喝。佛眼禪師忌師拈香曰。龍門和尚闌提潦倒。不信佛法。滅除禪道。搗破毗盧。向上關。貓兒洗面自道好。一炷沉香爐上。然換手。槌背空懷惱。遂搖手曰。休懷惱。以坐具搭肩。上作女人拜曰。莫怪下房媳婦。觸忤大人好。室中垂問曰。貓兒爲甚麼愛捉老鼠。又曰。板鳴因甚麼狗吠。紹興二十七年二月。上幹遊寺之西原。指地謂侍僧令役工治小塔。三月旦示少恙。翌日衛侯遣醫來師笑曰。藥能愈人世無死者。寄語衛公佐國厚。自重初六日。侍僧告塔將就。師遣擊鼓集衆。師登座拈拄杖於左邊卓一下。曰三十二相。無此相於右邊卓一下。曰八十種好。無此好。僧瑤一筆畫成。誌公露出藁草。又卓一下。顯大衆曰。莫懷惱。直下承當。休更討下座歸。

方丈儼然跌坐而逝壽七十有三夏五十有四火後收靈骨設利藏所建之塔曰仙人山

潭州方廣深禪師 僧問一法若有毗盧墮在凡夫

萬法若無普賢失其境界未審意旨如何曰富嫌千

口少貧恨一身多

世奇首座者成都人也遍依師席晚造龍門一日因

請益次大豁所疑眼命分座奇固辭曰此非細事也

如金針刺眼毫髮若差睛則破矣願生生居學地而

自煅煉眼尤尙之暮年學者力請不容辭因說偈曰

諸法空故我心空我心空故諸法同諸法我心無別

體只在而今一念中且道是那一念衆罔措奇喝一

喝而終

温州淨居尼慧溫 示衆舉法眼上堂云三通鼓罷

簇簇上來佛法人事一時周畢溫曰山僧道三通鼓

罷簇簇上來拄杖不在苕帚柄聊與三十

嘉泰普燈錄卷第十六

音釋

棲盧登切

樅音窻

愕逆各切

篳窗兩切

識楚禁切

槩音朔

啞於雅切

鷓音慈

暗音音

輾丑忍切

珣音荀

衾區音切

輶達各切

抖音斗

攢音叟

臧古得切

泐音勒

褒補刀切

薙丈九切

櫻祖紅切

泯音敏

凹於交切

凸徒結切

藩方煩切

鄱蒲禾切

璫音執

剗楚限切

液音亦

灣烏還切

鄴音妻

璽音尾

擎渠京切

摑吉獲切

壘棧西切

櫓音魯

呀虎加切

捋郎括切

擘博厄切

滲所禁切

唧子栗切

掉徒弔切

闌齒善切

潦音老

藁古老切

嘉泰普燈錄卷第十七

平江府報恩光孝禪寺臣僧 正受 編

南嶽第十五世 臨濟十一世 楊岐四世

開福道寧禪師法嗣

潭州大瀉月庵善果禪師信之錫山人族余氏幼孤

依七寶元決下髮游方至鵝湖聞二童子戲語師有  
 省遂至雲居一日有僧自黃龍來問死心室中如何  
 爲人云每舉雲門話墮因緣問學者子那裏是話墮  
 處師聞心大慶快即趨黃龍蒙印可死心謝事乃往  
 開福語允契命分座福垂入寂以麈尾授師師力辭  
 福曰大法末運賴汝以興無拒福歿師憩湘西會佛  
 果禪師住道林命典藏爲衆秉拂師提綱罷舉乾峰  
 示衆云舉一不得舉二放過一著落在第二雲門出  
 衆云昨日有人從天台來却往徑山去峰云典座來  
 日不得普請師曰乾峰平地生堆韶石因風起浪雖  
 然合水和泥千古叢林榜樣既是叢林榜樣爲甚麼  
 合水和泥要會麼不入洪波裏爭見弄潮人佛果爲  
 擊節自爾有聞郡守曾公孝序以上封請師出世繼  
 補道吾福嚴徙閩中黃檗及東西禪晚居大瀉兩住福嚴  
 上堂曰奚仲造車一百輻拈却兩頭除却軸以拄  
 杖打一圓相曰且莫錯認定盤星卓一卓下座上  
 堂八月秋何處熱向上事時時說撥轉天關放迴地  
 軸卽不問且道黃金爲地白銀爲屋是甚麼人居止

良久曰巍巍聖德遇三皇歷歷清光吞二曜上堂  
 言語道斷物我皆如義路不生風雲會合直得玄關  
 大啓正眼流通匝地光輝呈祥顯瑞然雖恁麼且應  
 物無私一句作麼生道喝一喝曰頭頭無取捨處處  
 絕親疎上堂是法不可示言詞相寂滅擊破太虛  
 空萬里一條鐵諸禪德適來話頭道甚麼若也見得  
 功不浪施其或未然只知犯重障菩提不見如來眞  
 秘訣擊禪床下座謝供頭上堂解猛虎領下金鈴  
 驚羣動衆取蒼龍穴裏明珠光天照地山僧今日到  
 此讚歎不及汝等諸人合作麼生豎起拂子曰眨上  
 眉毛速須薦取擲拂子下座僧問達磨九年面壁  
 時如何曰魚行水濁云二祖禮三拜爲甚麼却得其  
 髓曰地肥茄子大云只如一華開五葉結果自然成  
 明甚麼邊事曰賊以賊爲驗云有時乘好月不覺過  
 滄洲曰闍梨無分問如何是月庵曰丹青畫不成  
 云如何是月庵家風曰生鐵鑄就問有句無句如  
 藤倚樹時如何曰驗盡當行家云樹倒藤枯句歸何  
 處又作麼生曰風吹日炙云瀉山呵呵大笑響曰波

斯讀梵字云道吾推倒泥裏瀉山不管此意又且如何曰有理不在高聲云羅山道道吾是撮馬糞漢又作麼生曰多口阿師云今日足見老師七通八達曰仰面哭蒼天僧禮拜師曰過問蓮華未出水時如何曰乾坤無異色云出水後如何曰徧界有清香紹興壬申正月十三寢疾書別知舊十九集大衆勉令進道書偈已談笑而逝二月八日奉全身塔于寺之西峰壽七十四臘五十八

### 五祖表自禪師法嗣

新州龍華高禪師 上堂曰象王行師子住赤脚崑崙卓豎寒山拾得笑呵呵指點門前老松樹且道他指點箇甚麼忽然風吹倒時好一堆柴

### 大隨南堂元靜禪師法嗣

簡州南巖勝禪師 上堂舉拂子示衆曰識取鉤頭意莫認定盤星會麼卽心卽佛幾人知立雪齊腰只得皮四海浪平龍玩寶儘他螻蟻撼須彌非佛非心絕謂情玄途鳥道急回程傑迦羅眼存機變莫守寒巖異草青心佛物兮俱不是坐斷舌頭除藥忌橫拈

倒用總由他活捉魔群穿却鼻擗拂子下座 上堂召大衆曰護生須是殺殺盡始安居會得箇中意分明在半途且道到家一句又作麼生釋迦彌勒沒量大看來猶只是他奴 僧問放行五位卽不問把定三關事若何曰橫按鎮錫全正令云把定三關蒙指示放行五位又如何曰太平寰宇斬癡頑云恁麼則南巖門下土曠人稀曰靈利衲僧只消一點云自古自今同生同死時如何曰家賊難防云今日學人小出大過去也師便打曰須是老僧打你始得僧禮拜師曰切忌詐明頭

常德府梁山廓庵師遠禪師合川魯氏子 上堂曰今朝二月半百華開爛熳雲繞翠峰頭鶯啼楊柳岸觀音借路行文殊分主伴獨有解空人支筇渾不管直饒天外雨華飛飄覆都來是這漢且道如何是這漢喫茶去 上堂舉達磨見武帝師曰堯風舜日兩依依一片虛凝截萬機何必胡僧親付囑如人飲水自家知 上堂五日一番陞座拈出現成行貨大衆普請商量恰是老僧罪過既是大衆商量因甚麼恰



成老僧罪過不見道常在於其中經行及坐臥上堂舉楊岐三脚驢子話師召大衆曰揚其湯者莫若撲其火壅其流者莫若杜其源此乃智人之明鑒佛法之至論正在斯焉這因緣如今叢林中提唱者甚多商量者不少有般底只道宗師家無必固凡有所問隨口便答似則也似是則未是若恁麼只作得箇乾無事會不見楊岐用處乃至祖師千差萬別方便門庭如何消遣又有般底只向佛邊會却與自己沒交涉古人道凡有言句須是一一銷歸自己又作麼生又有般底一向只作自己會棄却古人用處唯知道明自己事古人方便却如何消遣既消遣不下却似抱橋柱澡洗要且放手不得此亦是一病又有般底却去脚多少處會若恁麼會此病最難醫也所以他語有巧妙處參學人卒難摸索纔擬心則差了也前輩謂之楊岐宗旨須是他屋裏人到恁麼田地地方堪傳授若不然者則守死善道之謂也這公案直須還他透頂徹底漢方能了得此非止禪和子會不得而今天下叢林中出世爲人底亦少有會得者若要

會麼直向威音那畔空劫已前輕輕覷著提起便行捺著便轉却向萬仞峰前進一步可以籠罩古今坐斷天下人舌頭如今還有恁麼者麼有則出來道看如無更聽一頌三脚驢子弄蹄行直透威音萬丈坑雲在嶺頭閑不徹水流澗下大忙生湖南長老誰能會行人更在青山外

嘉州能仁默堂悟禪師上堂舉趙州訪二庵主師曰一重山盡一重山坐斷孤峰子細看霧卷雲收山嶽靜楚天空闊月輪寒

合州釣魚臺石頭自回庵主郡之石照人世爲石工管參禮報恩璉禪師求安心法璉諭之因棄家爲道人一日於大隨出石次心光頓發往見南堂蒙印可堂授以僧服後庵居學者從之示衆曰參禪學道大似井底叫渴相似殊不知塞耳塞眼回避不及且如十二時中行住坐臥動轉施爲是甚麼人使作眼見耳聞何處不是路頭若識得路頭便是大解脫路方知老漢與你證明山河大地與你證明所以道十方薄伽梵一路涅槃門諸仁者大凡有一物當途要

見一物之根源一物無處要見一物之根源見得源源無所源所源既非何處不圓諸禪德你看老漢有甚麼勝你處諸人有甚麼不如老漢處還會麼太湖三萬六千頃月在波心說向誰

彭州士溪智陀子言庵主綿之彰明人初至大隨聞舉石頭和尚示衆偈倏然領旨歸隱士溪懸崖絕岳間有石若蹲異獸言鑿以爲室中發異泉無涸溢四衆訝之居三十年化風盛播室成日作偈曰一擊石庵全縱橫得自然清涼無暑氣清潔有甘泉寬廓含沙界寂寥絕衆緣箇中無限意風月一床眠  
劍門南修造者淳厚之士自大隨一語契投服勤不怠歸謁崇化贊禪師坐次贊以宗門三印問之南曰印空印泥印水平地寒濤競起假饒去就十分也是靈龜曳尾

### 淨因踊庵繼成禪師法嗣

台州瑞巖佛燈如勝禪師 上堂曰人人領略釋迦箇箇平欺達磨及乎問著宗綱束手盡云放過放過卽不無只如女子出定趙州洗鉢孟又作麼生話會

鶴有九臯難翥翼馬無千里謾追風

無爲軍治父實際道川禪師姑蘇玉峰人爲懸之弓級聞東齊謙首座爲道俗演法遂從之習坐不倦一日因是不職尉答之師於杖下大悟辭依謙謙爲改名道川且曰汝舊呼狄三今名道川川卽三耳此去能豎起脊梁了辨箇事其道如川之增若放倒則依舊狄三也師銘於心建炎初圓頂游方至天峰踊庵與語鋒投庵稱善歸憩東齊道俗愈敬有以金剛般若經請問者師爲頌之今盛行於世隆興改元殿撰鄭公喬年漕淮西適治父虛席迎開法 上堂曰群陰剝盡一陽生草木園林盡發萌唯有衲僧無底鉢依前盛飯又盛羹 上堂舉雪峯一日登座召衆云看看東邊底又云看看西邊底汝若要會拈拄杖擲下云向這裏會取師曰東邊觀了復西觀拄杖重重話歲寒帶雨一枝華落盡不煩公子倚闌干

### 青原第十五世 雲門九世

### 雪竇明禪師法嗣

密州瞻山寧禪師 上堂曰有時孤峰頂上嘯月眠

雲有時大洋海中翻波走浪有時十字街頭七穿八穴諸人還相委悉麼樟樹華開盛芭蕉葉最多僧問全身放下時如何曰既是全身何消放下云直是步步不將來心心無處所曰亦無步步云不見道直須步步踏著曰落在功勛云不涉功勛爭得到這裏曰庭前樹子一任風吹云而今四海清如鏡暢快漁翁把釣輪曰不見鯨鯢上玉鉤

淨慈月堂佛行昌禪師法嗣

臨安府五雲惜禪師茗溪人謁月堂於何山入室次堂舉雲門須彌山問之擬對堂以拂子擊其口師即契悟命爲侍者後謁諸方皆蒙許可月堂被旨居靈隱師歸省堂延爲座元未幾出住五雲宿禰所向

瑞嚴寂室惠光禪師法嗣

舊薇紫問著春風總不知乾道戊子秋回冷泉爲西堂十二月望示微疾至二十四夜請堂頭首座龍華本禪師爲衆普說叙師出處及得法師未開躬起蘇堂故也香至四鼓危坐不動侍僧清隱請偈息師曰更少時鐘鳴報我鐘既鳴書三偈付隱一遺龍華以二別月堂顧隱曰更寫一紙辭衆如何隱曰諾復大書曰倒跨楊歧三脚驢拗折雲門一條杖禪流更擬問如何江西十八灘俱漲隱曰莫更有在師歛手而逝龕留五日顏如生目微開時國使入山觀者如市火浴目睛舌本身根不壞

臨安府中天竺癡禪元妙禪師雙溪東陽人族王氏年十二去家圓具習台教去依寂室於國清聞舉索命話師有省撫屏大笑辭謁西禪淨禪師淨使職堂司一日舉興化打克賓公案問師師曰知恩方解報恩淨打曰多人作此見解師頓領及寂室詔補靈隱擢爲第一座自開法靈石凡四坐道場上堂曰靈石說禪靈操動著七顛八倒觀妙理玄言恰似尿

坑視諸佛祖師猶如糞埽罵詈懣懣禪和排斥杜撰長老有時讚歎使一一人面前喜歡有時耻剝教一一人人肚裏煩惱雖然九凸一凹調湊將來恰好敢問大眾且道那裏是恰好處提拄杖曰還見麼直饒向這裏見得個儻分明須知更有一處未免殺訛遂橫按曰還委悉麼東籬綻黃菊秋雨滴青莎上堂黃昏雞報曉半夜日頭明驚起雪師子瞳開紅眼睛上堂去年梅今歲柳顏色馨香喝一喝良久曰若不得這一喝幾乎道著依舊且道道著後如何眼睛突出上堂舉南泉喫油糞師曰南泉肚裏飽餉齋莊主雖饑解點頭侍者只聞歌樂響不知洪飲在高樓僧問如何是截斷衆流句曰佛祖開口無分云如何是函蓋乾坤句曰匝地普天云如何是隨波逐浪句曰有時入荒草有時上孤峰隆興改元師以足疾退藏橋李李氏庵明年七月作書偈別參政周公葵及道俗問侍者立秋近遠以十一日對至期書偈而逝火浴舌晴齒顛不化設利瓌然歸塔于寺之稽留峰壽五十有四

嶽麓海禪師法嗣

荊門軍玉泉思達禪師僧問如何是一印印空曰萬象收歸古鑑中云如何是一印印水曰秋蟾影落千江裏云如何是一印印泥曰細觀文彩未生時

開覺曇禪師法嗣

撫州靈巖圓日禪師嘉興崇德人年二十六投千金妙冲爲頭陀數暮落髮不善書唯務宴寂夜設香鼎於前昏睡卽引指慈之兩月盡一指後聞維那白鍵椎發明往依圓覺有年辭扣諸方歸侍次問云文殊與三十二菩薩各說不二法門維摩默然叙語未終覺喝曰你擬向默然處垛根那所疑冰釋命分座隆興初住靈巖後居圓覺上堂曰悟無不悟得無不得九年面壁空勞力三脚驢兒跳上天泥牛入海無蹤跡爲甚麼如此九九八十一上堂舉南泉示衆曰馬大師說卽心卽佛王老師不恁麼不是心不是佛不是物師曰倒腹傾腸幾箇知更無絲髮可相依直饒徹底承當去也落他家第二機

青原第十五世 洞山十

天童大休宗珏禪師法嗣

慶元府雪竇足庵智鑒禪師 上堂曰世尊有密語迦葉不覆藏一夜落華雨滿城流水香

雪竇聞庵嗣宗禪師法嗣

秦州如皐廣福微庵道勒禪師邑之俞氏子 上堂曰祖師正令不通水泄放一線開露柱饒舌寒時須寒熱時須熱無欠無餘應時應節一切成現休強分別纔入思惟便成剩說不入思惟只得一概是則金剛眼睛不是則黃泥土捏 上堂舉僧問同安如何是和尙家風曰金雞抱子歸霄漢玉兔懷胎向紫微云忽遇客來將何祇待曰金果早朝猿摘至玉華晚後鳳啼來師曰廣福即不然有問如何是和尙家風只向道翠竹叢邊歌款乃碧巖深處臥煙蘿忽遇客來將何祇待沒底籃兒盛白月無心盃子貯清風

善權法智禪師法嗣

紹興府超化藻禪師 開爐日上堂曰雪滿寒窻燒盡丹霞木佛冰交野渡凍殺陝府鐵牛直得寒灰發焰片雪不留任運縱橫現成受用諸禪德要會麼禪

被蒙頭坐冷暖了無知

南嶽第十六世 臨濟十二世黃龍五世

光孝果慙禪師法嗣

廣德軍光孝初首座分座日示衆舉風幡話至仁者心動處乃曰祖師恁麼道賺殺一船人今時禪僧不可也恁麼會既不恁麼會畢竟作麼生良久曰六月好合誓切忌著鹽多

祥符立禪師法嗣

湖南報慈淳禪師 上堂曰青眸一瞬金色知歸授手而來如王寶劍而今開張門戶各說異端可謂古路坦而荆棘生法眼正而還自翳辜負廼祖埋沒已靈且道不埋沒不辜負正法眼藏畢竟如何話會有吐露得底試出來道看如無擔取詩書歸舊隱野華啼鳥一般春

育王無示介謹禪師法嗣

南劍州西巖宗回禪師雙溪人久依無示深得法忍紹興己巳春寺僧以茶禁聞有司吏捕知事師謂衆曰此事不直之則罪坐於我若自直彼復得罪不忍



爲也令擊鼓陞堂師遂登座說偈曰縣吏追呼不暫停爭如長往事分明從前有箇無生曲且喜今朝調已成言訖瞑目而逝餘語未見

台州萬年心聞曇實禪師永嘉人上堂曰一見便見八角磨盤空裏轉一得永得辰錦朱砂如墨黑秋風吹渭水已落雲門三句裏落葉滿長安幾箇而今被眼瞞豎拂子曰瞞得瞞不得總在萬年手裏還見麼華頂月籠招手石斷橋水落捨身巖僧問百丈卷席意旨如何曰賊過後張弓

高麗國坦然國師少嗣王位欽鄉宗乘因海商方景仁抵四明錄無示語歸師閱之啓悟卽棄位圓顛作書以語要及四威儀偈令景仁呈無示示答曰佛祖出興於世無一法與人實使其自信自悟自證自到具大知見如所見而說如所說而行山河大地草木叢林相與證明其來久矣後復通嗣書獻其國所賜磨衲袈裟山錦拜褥青磁香爐等泊開堂語錄其書略曰生死海廣劫殫罔通得遇本分宗師以三要印子驗定其法實謂龜盲值浮木孔耳

慶元府天童慧航了朴禪師七閩人行實未詳上堂曰酷暑如焚不易禁炎炎赫赫欲流金夜明簾外無人到靈木迢然博綠陰上堂久雨不晴半睡半醒可謂與天地合其德日月合其明四時合其序鬼神合其吉凶遂喝曰住住內卦已成重求外象卓拄杖曰適來擲得雷天大壯如今變作地火明夷上堂牛皮鞞露柱露柱啾啾叫燈籠佯不知虛明還自照殿脊老蚩刎聞得呵呵笑三門側耳聽就上打之邊譬如十日菊開徹阿誰要阿呵呵未必秋香一夜衰熨斗煎茶不同銚室中問僧賊來須打客來須看只如三更夜半人面似賊賊面似人作麼生辨臨安府龍華無住本禪師廣德人上堂舉雲門大師拈起胡餅云我只供養兩浙人不供養向北人衆無語自代云天寒日短兩人共一腕師曰韶陽老漢言中有響痛處著錐檢點將來翻成毒藥諸人要會麼半在河南半河北一片虛疑如墨黑冷地思量愁殺人叵耐雲門這老賊老賊下座更不巡堂

道場普明慧琳嗣師法嗣

臨江軍東山吉禪師因李朝請與甥薌林居士向公  
子謹訪之遂問家賊惱人時如何師曰誰是家賊李  
豎拳師曰賊身已露云和尚莫誣罔人好曰賊證現  
在李無語師示以偈曰家賊惱人孰奈何千聖回機  
只爲他徧界徧空無影跡無依無倚絕籠羅賊賊猛  
將雄兵收不得疑殺天下老禪和笑翻鬧市古彌勒  
休休不用將心向外求回頭瞥爾賊身露并賊捉獲  
世無儔世無儔眞可仰從茲不復誇伎倆貼貼安邦  
立業時萬象森羅齊拊掌後首衆於闔之開元食時  
停筯而化

嘉泰普燈錄卷第十七

音釋

听許斤切	堵音著	講時壬切	決卽協切
輻音福	領尸感切	眨音劑	響足止切
鎡音莫	鄒音耶	捺女點切	罩陟教切
璉力展切	潤曷各切	溢音逸	贊於倫切

義章庶切	蹠謨官切	漕在到切	勛音熏
鯢音倪	蕪儒劣切	歧音祁	拗於絞切
憎母總切	懂行董	湊千候切	惆他力切
殺何交切	瞠抽庚切	資才咨切	駒呼侯切
顛音盧	憊居言切	欸音祺	乃音藹
閩音民	輓摸官切	嗽卽由切	刎音吻
藕音香	謹音因	誣音巫	

嘉泰普燈錄卷第十八

平江府報恩光孝禪寺臣僧 正受 編

南嶽第十六世 臨濟十二世 楊岐五世

徑山大慧普覺宗杲禪師法嗣

福州西禪懶庵鼎需禪師長樂人族林氏幼舉進士  
有聲年二十五因讀遺教經忽曰幾爲儒冠誤欲去  
家母難之以親迎在期師乃絕之曰天桃紅杏一時  
分付春風翠竹黃華此去永爲道伴竟依保壽樂禪  
師爲比丘探蹟方外踰十年歸里庵于窮谷之麓佛  
心挽師出山首衆于鹿溪紹興初大惠來洋嶼師謁

之一日入室惠問內不放出外不放入正怎麼時如  
何師即大徹慧曰此正是汝放身命處未幾慧移小  
溪令分座由是得聲泉守請開法延福後退處洋嶼  
八年挽居東西禪 上堂曰太虎挂劍用顯吾宗按  
坐神威如何近傍縱具迴天轉地電卷星馳底手段  
要且不堪勅敵而今還有別休咎者麼便請從東過  
西不妨水雲自若如其稍涉遲回直是一槌粉碎喝  
一喝下座 上堂懶翁懶中懶懶懶說禪亦不重  
自己亦不重先賢又誰管你地又誰管你大物外脩  
然無箇事日上三竿猶更眠 上堂衆方集定師曰  
靈利人不勞再舉便下座 元宵上堂心如皎月連  
天照性似寒潭徹底清無價夜光人不識夢中虛度  
幾千春豎拂子曰阿呵呵燈光王如來向這拂子頭  
上放大光明照大千界未審諸人還見麼若也見得  
青春無虛度若也未見有眼如盲見與不見拈放一  
邊忽若毗嵐風起驟雨傾盆正恁麼時且道燈光王  
如來在甚麼處喝一喝曰莫瞌睡好 上堂舉僧問  
趙州如何是古人言州云諦聽諦聽師曰諦聽即不

無切忌喚鐘作甕 僧問釋迦彌勒僧是他奴未審  
他是阿誰曰明破即不堪 開堂曰僧纔出師曰住  
住今日不答話僧擬進語師喝曰退退後不堪爲  
種草 問幽鳥語喃喃辭雲入亂峰時如何曰暗寫  
愁腸寄與誰云怎麼則不離當處當湛然竟即知君  
不可見曰莫尿涕 室中問僧萬法歸一一歸何處  
云新羅國裏曰我在青州作一領布衫重七斤豐云  
今日親見趙州曰頭頭見後頭見僧乃作祈願勢師  
曰上座其處人云江西曰因甚麼却來這裏納敗闕  
僧擬議師便打紹興癸酉七月望陞堂勉衆激礪凡  
數百言翌日語門弟子吾世緣盡矣遂書曰十四十  
五明明曰露更問如何西天此土囑首座安永曰汝  
善保任努力爲人言畢而逝世壽六十有二僧臘三  
十有七

福州東禪蒙庵思嶽禪師事叙未見 入院上堂曰大地  
茫茫怎麼廣闊窮山漠漕分幽深爲衲僧法戰之  
場報佛祖冤讎之處盡力道得一棒一條痕盡力道  
不得一掌一手血如以眼見則復耳聞如以心知則

復智證是故謂之智證三昧亦是文殊普賢大人境界若也於此共相委悉大千沙界一毫收百億毛頭輓繡毬直是通身還有眼不風流處也風流上堂蛾羊蟻子說一切法牆壁瓦礫現無邊身見處既精明聞中必透脫所以雪峰和尚凡見僧來輒出三箇木毬如弄雜劇相似賢沙便作斫牌勢卑末謾道將來普賢今日謗古人千佛出世不通懺悔這裏有人謗普賢定入拔舌地獄且道謗與不謗者是誰心不負人面無慚色上堂達磨來時此土皆知梵語及乎去後西天悉會唐言若論直指人心見性成佛大似羶羊挂角獵犬尋蹤一意乖疎萬言無用可謂來時他笑我不知去後我笑他唐言梵語親分付自古齊僧怕夜茶上堂臘月初歲云徂黃河凍已合深處有嘉魚活鑿鑿跳不脫又不能相煦以濕相濡以沫慚愧菩薩摩訶薩春風幾時來解此黃河凍令魚化作龍直透桃華浪會即便會癡人面前且莫說夢上堂卽心卽佛非心非佛不是心不是佛不是物通身無影象徧界不曾藏喚作一物卽不中敢保老

兄未徹在怎麼說話開人眼睛人眼若也不會天寒日短三人共兩碗且道爲諸人說對古人話還會麼禮繁卽亂上堂二祖償宿債萬法絕對待一心無聖纔浮山有九帶十方虛空圓陀陀無量法門百雜碎若言其有非內非外若言其無無在不在在智與理冥境與神會如牛拽磨似水打碓三千里外逢人東倒西偏十字街頭遇賤則貴還會也無蘇噓蘇噓上堂僧問如何是初日分以恒河沙等身布施曰從苗辨地因語識人云如何是中日分復以恒河沙等身布施曰築著磕著云如何是後日分亦以恒河沙等身布施曰向下文長付在來日復曰一轉語如天普蓋似地普擎一轉語舌頭不出口一轉語且喜沒交涉要會麼慚愧世尊面赤不如語直大小嶽上座口似磑盤今日爲這問話僧講經不覺和注脚一時說破便下座泉州教忠晦庵彌光禪師闔之長樂人族李氏兒時寡言笑聞梵唄則喜十五依幽巖文慧禪師十八圓頂猶喜閱群書一日曰旣剃髮染衣當期悟徹豈醉

於俗典耶遂出嶺謁圓悟禪師於雲居次參黃檗祥  
高庵悟機語皆契以淮楚盜起歸謁佛心會大慧寓  
廣因往從之慧謂曰汝在佛心處所得者試舉一二  
看師舉佛心上堂拈普化公案云佛心卽不然總不  
恁麼來時如何劈脊便打從教徧界分身慧曰汝意  
如何云某不肯他後頭下箇注脚慧曰此正是以病  
爲法師毅然無信可意慧曰汝但揣摩看師竟以爲  
不然經旬因記海印信禪師拈曰雷聲浩大雨點全  
無始無滯趨告慧慧以舉道者見瑯琊并賢沙未徹  
語詰之師對已慧笑曰雖進得一步只是不著所在  
如人所樹根下一刀則命根斷矣汝向枝上斫其能  
斷命根乎今諸方浩浩說禪者見處總如此何益於  
事其楊岐正傳三四人而已師愠而去翌日慧問汝  
還疑否云無可疑者曰只如古人相見未開口時已  
知虛實或聞其語便識淺深此理如何師悚然汗下  
莫知所詣慧令究有句無句慧過雲門庵師侍行一  
夕問曰某到這裏不能得徹病在甚處慧曰汝病最  
癖世醫拱手何也別人死了活不得汝今活了未會

死要到大安樂田地須是死一回始得師疑之愈深  
後入室慧問喫粥了也洗鉢盂了也去却藥忌道將  
一句來云裂破慧震威喝曰你又說禪也師大悟慧  
撫鼓告衆曰龜毛拈得笑哈哈一擊萬重關鎖開慶  
快平生在今日孰云千里賺吾來師亦以頌呈之曰  
一拶當機怒雷吼驚起須彌藏北斗洪波浩渺浪滔  
天拈得鼻孔失却口邵武黃端夫創庵乞師住持留  
二年東歸分座於鼓山參政李公邨以教忠迎開法  
闕十年移龜山上堂曰有句無句如藤倚樹放憨  
作麼及至樹倒藤枯句歸何處情知汝等諸人卒討  
頭鼻不著爲甚麼如此只爲分明極讓令所得遲  
上堂夢幻空華何勞把捉得失是非一時放却擲拂  
子曰山僧今日已是放下了也汝等諸人又作麼生  
復曰侍者收取拂子 上堂卓拄杖喝一喝曰不是  
坐來頻勸酒自從別後見君稀便下座 上堂一物  
不將來兩肩擔不起直下便承當坐在屎窖裏還有  
獨脫出來底麼設有也是黃龍精 僧問文殊爲甚  
麼出女子定不得曰山僧今日困云罔明爲甚麼却



出得日令人疑著云恁麼則壁開華嶽千峰秀放出  
黃河一派清曰一任卜度問如何是向上事曰七  
十三八十四師住龜山歲餘以疾歸雲門庵紹興乙  
亥二月八日剃沐更衣告衆右脇而逝十五日闍維  
獲舍利五色門人慧空頂歸教忠六月八日建塔于  
山之陽

福州玉泉曇懿禪師嘗久依圓悟自謂不疑紹興初  
出住興化祥雲法席頗賡大慧入閩知其所見未諦  
致書令來師遲遲慧小參且痛斥仍榜告四衆師不  
得已破夏謁之慧鞠其所證既而曰汝恁麼見解敢  
嗣圓悟老人耶師退院親之一日入室慧問我要箇  
不會禪底做國師師云我做國師去也慧喝出居  
無何語之曰吾嚴悟處不在擊竹邊俱胝得處不在  
指頭上師乃頓明後住玉泉爲慧拈香繼省慧於小  
溪慧陞座舉雲門一日拈拄杖示衆曰凡夫實謂之  
有二乘析謂之無緣覺謂之幻有菩薩當體卽空禪  
僧見拄杖但喚作拄杖行但行坐但坐總不得動著  
慧曰我不似雲門老人將虛空剗窟籠鶻拈拄杖曰

拄杖子不屬有不屬幻不屬空卓一下曰凡夫二乘  
緣覺菩薩盡向這裏各隨根性悉得受用唯於衲僧  
分上爲害爲冤要行不得行要坐不得坐進一步則  
被拄杖子迷却路頭退一步則被拄杖子穿却鼻孔  
只今莫有不甘底麼試出來與拄杖子相見如無來  
年更有新條在惱亂春風卒未休正當恁麼時合作  
麼生下座頃玉泉爲衆拈出師登座叙謝畢遂舉前  
話曰適來堂頭和尚恁麼批判大似困魚止瀝病鳥  
棲蘆若是玉泉卽不然拈拄杖曰拄杖子能有能無  
能幻能空凡夫二乘緣覺菩薩卓一下曰向這裏百  
雜碎唯於衲僧分上如龍得水似虎靠山要行便行  
要坐便坐進一步則乾坤震動退一步則草偃風行  
且道不進不退一句作麼生道良久曰閑持經卷倚  
松立笑問客從何處來下座衆拜之或出圓悟下  
饒州薦福福悟本禪師江之湖口人初住博山上堂  
曰高揖釋迦不拜彌勒者與三十拄杖何故爲他只  
會步步登高不會從空放下東家牽犁西家拽杷者  
與三十拄杖何故爲他只會從空放下不會步步登

高山僧恁麼道還有過也無衆中莫有點檢得出者麼若點檢得出須彌南畔把手共行若點檢不出布袋裏老鷄雖活如死 上堂釋迦掩室於摩竭淨名杜口於毗耶須菩提喝無說以顯道釋梵絕眎聽而雨華大衆這一隊不唧啮漢無端將祖父田園私地結契一時華望了也致令後代兒孫千載之下上無片瓦遮頭下無卓錫之地博山當時若見十字路頭掘箇無庭坑喚來一時埋却免見遞相鈍置何謂如此不見道家肥生孝子國霸有謀臣

福州西禪此庵守淨禪師

叙語未詳

上堂曰談玄說妙

撒屎撒尿行棒行喝將鹽止渴立主立賓華肇宗乘設或總不恁麼又是鬼窟裏坐到這裏山僧已是打退鼓且道諸人尋常心憤憤口俳俳合作麼生莫將閑學解埋沒祖師心 上堂坐斷毗盧頂顙須是沒量大人若是沒量大人不坐毗盧頂顙 上堂若也單明自己不悟目前此人有眼無足若也只悟目前不明自己此人有足無眼直得眼足相資如車二輪如鳥二翼正好勘過了打 上堂今朝臘月九窮漢

外邊走雖然不還家却是他好手既是不還家因甚麼却道他好手陋巷不騎金色馬回途却著破襦衫 上堂九夏炎炎大熱木人汗流不輟夜來一兩便涼莫道山僧不說以拂子擊禪床下坐 上堂若欲正提綱直須大地荒欽來衝雪刃未免露鋒鋦當恁麼時釋迦老子出頭不得卽不問你諸人只如馬鑑裏藏身又作麼生話會 上堂道是常道心是常心汝等諸人聞山僧恁麼道便云我會也大盡三十日小盡二十九頭上是天脚下是地耳裏聞聲鼻裏出氣忽若四大海水在你頭上毒地穿你眼睛蝦蟆入你鼻孔又作麼生 上堂文殊普賢談理事臨濟德山行棒喝東禪一覺到天明偏愛風從涼處發咄 上堂佛祖頂顙上有破天大路未透生死關如何敢進步進步不進步大千沒遮護一句絕言詮那吒擎鐵柱 開堂日拈香罷師就座南堂和尚白槌云法筵龍象衆當觀第一義師隨聲便喝曰此是第幾義久參先德已辨來端後學有疑何妨請問僧問阿難問迦葉世尊傳金襴外別傳何物迦葉喚阿難阿難應

諸未審此意如何曰切忌動著云只如迦葉道倒却門前刹竿著又作麼生曰石牛橫古路云只如和尚於佛日處還有這箇消息也無曰無這箇消息云爭奈定光金地遙招手智者江陵暗點頭曰莫將庭際栢輕北路傍蒿僧禮拜師乃曰定光金地遙招手智者江陵暗點頭已是白雲千萬里那堪於此未知休設或於此便休去一場狼藉不少還有檢點得出者麼如無山僧今日失利問佛佛授手祖祖相傳未審傳箇甚麼曰速禮三拜問永嘉道不見一法即如來方得名爲觀自在此意如何曰獼猴弄網膠云千江有水千江月萬里無雲萬里天曰胡獼繫露柱問不施寸刃請師相見曰逢強即弱云何得埋兵掉鬪曰只爲闍梨寸刃不施云未審向上還有事也無曰有云如何是向上事曰敗將不斬問古佛堂前甚麼人先到曰無眼村翁云未審如何趣向曰柳栗橫擔

建寧府開善密庵道謙禪師本郡人遺其氏具戒游東都於圓悟會中師事大慧追慧補徑山師侍行未幾

遣之零陵致訊紫巖居士於中途倏然契悟既回慧特爲印可歸隱仙州山四衆雲集法席鼎盛寶學劉公彥脩請居開善上堂曰去年也有箇六月十五年也有箇六月十五年六月十五多却去年六月十五多處不用減少處不用添既不用添又不用減則多處多用少處少用乃喝一喝曰是多是少良久曰箇中消息子能有幾人知上堂洞山麻三斤將去無星秤子上定過每一斤恰有一十六兩二百錢重更不少一盤正與趙州殿裏底一般只不合被大愚錫鉢秤卻教人理會不得如今若要理會得但問東門乾屎橛上堂有句無句如藤倚樹撞倒燈籠打破露柱佛殿奔忙僧堂回顧子細看來是甚家具咄只堪打老鼠上堂諸人從僧堂裏怎麼上來少間從法堂頭怎麼下去並不曾差了一步因甚麼却不會良久曰只爲分明極翻令所得遲上堂舉馬大師道即心即佛師曰錯又道非心非佛師曰錯南泉道不是心不是佛不是物師曰錯若人做得三箇硬塞

許他參學中著得箇眼其或未然。毗嵐風忽起驚著梵王睡。

慶元府育王大圓遵璞禪師長溪人幼同玉泉懿問道圓悟數載建炎初還里佐懿於莆中祥雲紹興甲寅春大慧居洋嶼師往訊之入室次慧問三聖與化出不出爲人不爲人話。你道這兩箇老漢還有出身處也。無師於慧膝上打一拳。慧曰只你這一拳爲三聖出氣爲興化出氣。速道速道。師擬議慧便打復謂曰你第一不得忘了這一棒。後因慧室中問僧曰德山見僧入門便棒。臨濟見僧入門便喝。雪峰見僧入門便道。是甚麼睦州見僧便道現成公案。放你三十棒。你道這四箇老漢還有爲人處也。無僧云有。慧曰。割僧擬議慧便喝。師聞遽領微旨大慧欣然許之。世出機語未見

温州鴈山能仁枯木祖元禪師七閩長樂人族林氏初謁雪峯預次依佛心才皆已機喫及親大慧於雲門庵夜坐次睹僧剔燈始棄前證有偈曰剔起燈來是火歷劫無明照破歸堂撞見聖僧幾手對面蹉過

不蹉過是甚麼十五年前奇特依前只是這箇慧亦以偈贈之曰萬仞崖頭解放身起來依舊却惺惺飽餐渴飲渾無事那論昔人非昔人紹興己巳春出住能仁上堂曰有佛處不得住踏著秤鎚似鐵無佛處急走過脚下草深三尺三千里外逢人不得錯舉北斗挂須彌恁麼則不去也棒頭挑日月摘楊華摘楊華眼裏瞳人著繡靴卓拄杖下座上堂音菩薩買胡餅放下却是饅頭雲門大師只見雞頭利不見鑿頭方能仁即不然初三十一上堂鴈山枯木實頭禪不在矣新語句邊背手忽然摸得著長鯨吞月浪滔天

江州東林已庵道顏禪師潼川飛鳥人族鮮于氏世爲名儒少依淨安諫律師試經得度與正聲頭結友南遊凡名緇宿衲無不扣見唯疑圓悟門庭不類諸方悟時住金山師親之無所投一日浣衣次忽有得乃曰天知地知你知我知更莫漏泄天機往悟傍將所述所證悟不顯異日見之語曰汝以學解自負意氣凌人臘月三十日能自負否師慚汗俛首悟復謂曰儕輩

中如果者即大汝當就其磨礱師益不悅悟還蜀師

願侍行悟曰不可我嘗囑汝依杲汝欲決擇大事詎

宜以閑氣介胄中耶仍以書致慧曰顏川彩繪已畢

但欠點眼耳他日嗣其後未可量也久之慧奉旨

住徑山師趨謁質疑朝夕方大契悟分座接納會正

歸住雲頂邀師西還正遷無爲命繼席次徙下山薦

福及却恩白楊晚居東林上堂曰一葉落天下秋

一塵起大地收鳥窠吹布毛便有人悟去今時學者

爲甚麼却不識自己良久曰莫錯怪人好上堂欲

識諸佛心但向衆生心行中識取欲識常住不凋性

但向萬物遷變處會取還識得麼欲得不招無間業

莫謗如來正法輪上堂諸人知處良遂總知良遂

知處諸人不知作麼生是良遂知處乃曰鷓鴣語鷓

上堂仲冬嚴寒三界無安富者快樂貧者饑寒不識

玄旨錯認定盤何也牛頭安尾上北斗面南看上

堂一滴滴水一滴滴凍天寒人寒風動幡動雲門扇

子踣跳上三十三天築著帝釋鼻孔東海鯉魚打一

棒雨似盆傾不出諸人十二時中尋常受用上堂

元宵已過化主出門六羣比丘各從其類此衆無復

枝葉純有貞實如是增上慢人退亦佳矣麒麟不爲

瑞鸞驚不爲榮麥秀兩岐禾登九穗總不消待但願

官中無事林下棲禪水牯牛飽臥斜陽擔板漢清貧

長樂粥足飯足俯仰隨時筋籠不亂攪匙老鼠不敲

飯簞山家活計淡薄長情不敬功德天誰嫌黑暗女

有智主人二俱不受良久曰君子愛財取之以道

上堂去年寒食後今年寒食前日日是好日不是正

中偏上堂客舍久留連家鄉夕照邊簷懸三月雨

水沒兩湖蓮鏤漏燒燈盞柴生滿竈煙已忘南北念

入望盡平川上堂向上一竅八面玲瓏覲面一機

全身擔荷是則金鎗難掩非則玉石俱焚擬議不來

銀山粉碎總不恁麼又且如何是非不挂孃生口自

有旁人話短長上堂一塵起大地收一葉落天下

秋甲巳之年丙作首乙庚之歲戌爲頭上堂拈檀

林無雜樹鬱密深沉師子住所以拈檀叢林拈檀圍

繞荊棘叢林荊棘圍繞一人爲主兩人爲伴成就萬

億國土士農工商若夜叉若羅刹見行魔業優哉游



哉聊以卒歲 僧問香巖上樹話意旨如何曰描不成畫不就云李陵雖好手爭奈陷番何曰甚麼處去來 問如何是佛曰汝是元固僧近前云喏喏師曰棍無襠袴無口 問如何是佛曰誌公和尚云學人問佛何故答誌公和尚曰誌公不是閑和尚云如何是法曰黃絹幼婦外孫壘白云是何章句曰絕妙好辭云如何是僧曰釣魚船上謝三郎云何不直說曰賢沙和尚云三寶已蒙師指示向上宗乘事若何曰王喬詐仙得仙僧呵呵大笑師乃叩齒隆興甲申五月二十三日徧辭道俗示寂於昭覺火浴後設利甚富歸葬雲頂壽七十一臘五十四

潭州大瀉寶禪師 上堂曰喚作竹筴則觸不喚作竹筴則背直須師子嚙人莫學韓獪逐塊阿呵呵會不會金剛脚下鐵崑崙捉得明州懸布袋 上堂千般言萬種喻只要教君早回去夜來一片黑雲生莫教錯却山前路咄

眞州靈巖東庵了性禪師 上堂曰勘破了也放過一著是衲僧破草鞋現修羅相作女人拜是野狐精

魅打箇圓相虛空裏下一點是小兒伎倆攔腮贈掌拂袖便行正是業識茫茫無本可據直饒向黑豆未生已前一時坐斷未有喫靈巖拄杖分敢問大眾且道爲人節文在甚麼處還相委悉麼自從春色來嵩少三十六峰青至今 上堂一葦江頭楊柳春波心不見昔時人雪庭要識安心土鼻孔依前塔上層豎起拂子曰祖師來也還見麼若也見得卽今薦取其或未然此去西天路迢迢十萬餘 僧問人天交接如何開示曰金剛手裏八棱棒云忽被學人橫穿凡聖擊透玄關時又作麼生曰海門橫鐵柱 問如何是獨露身曰壯丹華下睡猫兒

建康府蔣山一庵善直禪師德安雲夢人初住白兆次居保寧蔣山 上堂曰諸佛不曾出世人人鼻孔遶天祖師不曾西來箇箇壁立千仞高揖釋迦不拜彌勒理合如斯坐斷千聖路頭獨步大千沙界不爲分外若向諸佛出世處會得祖師西來處承當自救不了一生受屈莫有大丈夫承當大丈夫事者麼出來與保寧爭交其或未然不如拽破好便下座師每

以安州人解斯撲之語示衆

劍州萬壽自護禪師 上堂曰古者道若人識得心地無寸土萬壽即不然若人識得心未是究竟處且那裏是究竟處拈拄杖卓一下曰甜瓜徹蒂甜苦瓠連根苦

潭州大潯了庵景暉禪師 上堂曰雲門一曲臘月二十五瑞雪飄空積滿江山塢峻嶺寒梅華正吐手把須彌毬笑打虛空鼓驚起驕梵鉢提冷汗透身如雨忿怒阿脩羅王握拳當曾問云畢竟是何宗旨咄少室峯前亦曾錯舉

臨安席靈隱誰庵了演禪師 上堂曰面門拶破天地懸殊打透牢關白雲萬里饒伊兩頭坐斷別有轉身三生六十劫也未夢見在喝一喝下座

秦州光孝草庵致遠禪師 上堂學女子出定乃曰從來打鼓弄琵琶須是相逢一會家佩玉鳴鸞歌舞罷門前依舊夕陽斜

建寧府竹原宗元庵主郡之建陽人族連氏少號儒林秀傑年二十八悟世虛假乃禮西峯道叅舍縫腋

而緇之徑趨大惠入室次慧舉嚴頭見德山語問之師所疑頓釋久之分座西禪亟相張公浚師三山以數院迎居不就歸舊里結茆號衆妙園宿衲皆集士夫交請開法一無所從 示衆曰若究此事如失却鑰匙相似只管尋來尋去忽然撞著噤在這裏開箇鑰了便見自家庫藏一切受用無不具足不假他求別有甚麼事 示衆諸方爲人抽釘拔楔我這裏爲人漆釘著楔諸方爲人解黏去縛我這裏爲人加繩加索了遂向深潭裏待他自去理會 示衆主法之人氣吞宇宙爲大法王若是釋迦老子達磨大師出來也教伊叉手向我背後立地直得寒毛卓堅亦未爲分外 一日舉世尊生下一手指天一手指地云天上天下唯我獨尊乃曰見怪不怪其怪自壞淳熙丙申十月初爲衆普說勉勵學者修書別知已復遣囑訓諸徒至初十揮偈而寂闔維設利盈溢歛遺骨窆于園之右崗壽七十七夏五十

近禮侍者三山人也侍大慧最久嘗默究竹筴話無所入一日入室罷求指示慧曰你是福州人我說箇

噫向你如將名品荔枝和皮殼一時剝了以手送在你口裏只是你不懂吞禮不覺失笑曰和尚吞却卽禍事後問禮前日吞了底荔枝只是你不知滋味禮曰若知滋味轉見禍事

温州淨居尼妙道世居延平尙書黃公裳之女也幼絕嗜好每夜坐忘身父伺其言用無少隙積二十年授以僧服徧謁諸名宿時大慧來居洋嶼道卽之值慧爲衆入室問僧不是心不是佛不是物是箇甚麼道聞頓領厥旨慧可之劍守以福興盡禮迎補遷後毗陵資聖徙淨居慧之法嗣始自道也開堂日乃曰問話且止直饒有傾湫之辯倒嶽之機禡僧門下一點用不著且佛未出世時一事全無我祖西來便有許多建立列利相望星分派列以至今日累及兒孫遂使山僧於人天大衆前無風起浪向第二義門通箇消息語默該不盡底彌亘大方言詮說不及處徧周沙界通身是眼顛面當機電卷星馳如何湊泊有時一喝生殺全威有時一喝佛祖莫辨有時一喝八面受敵有時一喝自救不了且道那一喝是生殺

全威那一喝是佛祖莫辨那一喝是八面受敵那一喝是自救不了若向這裏薦得堪報不報之恩脫或未然山僧無夢說夢去也拈起拂子曰還見麼若見被見刺所障擊禪床曰還聞麼若聞被聲麼所惑直饒離見絕聞正是二乘小果跳出一步蓋色騎聲全放全收主賓互換所以道欲知佛性義當觀時節因緣敢問諸人卽今是甚麼時節蕩蕩仁風扶聖化熙熙和氣助昇平擲拂了下座上堂舉僧問米胡自古上賢還達眞正理也無胡曰達僧云只如眞正理作麼生達曰當時霍光賣假銀城與單于時甚麼人作契書道曰福興當時若見只對他道自從胡亂後三十年不少鹽醬尼問如何是佛曰非佛云如何是佛法大意曰骨底骨董問言無展事語不投機時如何曰未屢已前墮坑落壑問古人道楞嚴經中五十種魔如今盡大地人參禪更高也出他魔界不得和尚還出得也未曰不入這保社平江府資壽尼無著道人妙總亟相蘇公頌之孫女也年三十許厭世浮休脫去緣飾咨參諸老已入正

信作夏徑山大慧墜堂次舉藥山初參石頭後見馬祖因緣總聞豁然省悟慧下座不動居士馮公機隨至方丈云某理會得適來和尚所舉公案慧曰居士如何云恁麼也不得囉囉婆婆訶不恁麼也不得囉哩婆婆訶恁麼不恁麼總不得囉囉哩婆婆訶慧舉似總總曰曾見郭象註莊子識者云却是莊子註郭象慧見其語異復舉巖頭婆子話問之總答偈曰一葉扁舟泛渺茫呈撓舞掉別宮商雲山海月都拋却贏得莊周蝶夢長慧休去馮公疑其所悟不根後過無錫招至舟中問云婆生七子六箇不遇知音只這一箇也不消得便棄在水中老師言道人理會得且如何會曰已上供通並是詣實馮公大驚慧挂牌次總入慧問古人不出方丈爲甚麼却去莊上喫油糞云和尚放妙總過妙總方敢通箇消息慧曰我放你過你試道看云妙總亦放和尚過慧曰爭奈油糞何總喝一喝而出於是聲聞四方隆興改元舍人張公孝祥來守是郡以資壽挽開法入院日上堂曰宗乘一唱三藏絕詮祖令當行十方坐斷二乘聞之

怖走十地到此猶疑若是俊流未言而諭設使用移星換斗底手段施機奪鼓底機關猶是空拳豈有實義向上一路千聖不傳學者勞形如猿捉影靈山付囑俯仰時機演唱三乘各隨根器始於鹿野苑轉四諦法輪度百千萬衆山僧今日與此界他方乃佛乃祖山河大地草木叢林現前四衆各轉大法輪交光相羅如寶絲網若一草一木不轉法輪則不得名爲轉大法輪所以道於一毫端現寶王刹坐微塵裏轉大法輪乘時於其中間作無量無邊廣大佛事周遍法界一爲無量無量爲一小中現大大中現小不動步遊彌勒樓閣不反聞入觀音普門情與無情性相平等不是神通妙用亦非法爾如然於此個儻分明皇恩佛恩一時報足且道如何是報恩一句天高羣象正海闊百川朝上堂舉雲門示衆云十五日已前即不問十五日已後道將一句來自代云日日是好日乃日日是好日佛法世法盡周畢不須特地覓幽玄只管鉢盂兩度濕上堂黃面老人橫說豎說權說實說法說喻說建法幢立宗旨與後人作

榜樣爲甚麼却道始從鹿野苑終至跋提河於是二  
中間未嘗說一字點檢將來太似抱贓叫屈山僧今  
日人事忙冗且放過一著便下座 尼問如何是奪  
人不奪境曰野華開滿路徧地是清香云如何是奪  
境不奪人曰茫茫宇宙人無數幾箇男兒是丈夫云  
如何是人境俱不奪曰處處綠楊堪繫馬家家門底  
透長安云如何是人境兩俱奪曰雪覆蘆華舟橫斷  
岸人境已蒙師指示向上宗乘事若何總便打

秦國夫人計氏法真自寡處屏去紛華常蔬食習有  
爲法因大慧遣謙禪者致問其子魏公魏公留謙以  
祖道誘之眞一日問謙徑山和尚尋常如何爲人謙  
曰和尚只教人看狗子無佛性及竹篋子話只是不  
得下語不得思量不得向舉起處會不得向開口處  
承當狗子還有佛性也無無只恁麼教人看眞遂諦  
信於中夜起坐以前話究之洞然無滯謙辭歸眞親  
書入道槩略作數偈呈慧其後曰終日看經文如逢  
舊識人莫言頻有礙一舉一回新

嘉泰普燈錄卷第十八

音釋

邛音丙	迎魚慶切	嶼音叙	勅音擎
脩音蕭	喃女咸切	蛾音鵝	徂昨胡切
煦況羽切	偏薄猥切	唄音敗	殺魚既切
揣初委切	愠委粉切	癖音僻	聲音教
翰音菊	剋一丸切	寵力董切	濼音
□□尾切	鐙都鄧切	鰲五交切	詭許候切
儕士皆切	碧音籠	鵲音慈	穗□□□
繪音會	鸞音嶽	鷺食角切	簞音篋
盡相稽切	獮音盧	舍與捨同	

嘉泰普燈錄卷第十九

平江府報恩光孝禪寺臣僧 正受 編

南嶽第十六世 臨濟十二世 楊岐五世

文殊心道禪師法嗣

潭州楚安慧方禪師郡之醴陵人族許氏年二十事  
等覺法思越七稔得度崇寧五年具戒謁開福寧道  
者次依佛鑑鑑指往大別既至職藏司未幾改大別



爲神霄因歸長沙附舟至江口聞呼渡船者有省作  
 偈曰沔水江頭叫一聲此時方得契平生多年不識  
 重相見千聖同歸一路行及寧移居文殊復侍之舉  
 前偈乃蒙印可命爲第一座久而開法楚安擢澄之  
 欽山 上堂曰臨老方稱住持全無些子玄機開口  
 十字九乖問東便乃答西如斯出世討甚玄微有時  
 拈三放兩有時就令而施雖然如是同道方知且道  
 知底事作麼生直須打翻鼻孔始得 上堂達磨祖  
 師在脚底踏不著兮提不起子細當頭放下看病在  
 當時誰手裏張公會看脉李公會使藥兩箇競頭醫  
 一時用不著藥不相投錯錯喫茶去

常德府文殊思業禪師世爲屠宰一日戮猪次忽洞  
 徹心源卽棄業爲比丘述偈曰昨夜叉心今朝菩  
 薩面菩薩與夜叉不隔一條線往見文殊殊曰你正  
 殺猪時見箇甚麼便乃剃頭行脚師遂作鼓刀勢殊  
 喝曰這屠兒參堂去師便下參堂住文殊曰 上堂  
 舉趙州勘婆話乃曰勘破婆子面青眼黑趙州老漢  
 瞞我不得

### 大潯佛性法泰禪師法嗣

潭州慧通清旦禪師蓬之儀巖人族嚴氏初出關至  
 德山值山上堂舉趙州云臺山婆子已爲汝勘破了  
 也且道意在甚麼處良久曰就地撮將黃葉去入山  
 推出白雲來師聞釋然翌日入室山問前百丈不落  
 因果因甚麼墮野狐後百丈不昧因果因甚麼脫野  
 狐師曰好與一坑埋却出住岳之永慶遷慧通 上  
 堂曰三世諸佛不知有一一面南看北斗狸奴白牯  
 却知有雲外金毛正哮吼箇中隱顯現全身頭頭透  
 脫無前後撥轉機輪向上關八角磨盤空裏走 上  
 堂說佛說祖正如好肉剗瘡舉古舉今猶若殘羹餽  
 飯一聞便悟已落第二頭一舉便行早是不著便須  
 知箇事如天普蓋似地普擎師子游行不求伴侶壯  
 士展臂不借他力佛祖拈撥不起衲僧願見無門迷  
 悟雙忘聖凡路絕且道從上諸聖以何法示人喝一  
 喝曰莫妄想 上堂見色明心墮坑落澗聞聲悟道  
 辜負平生直饒聲色純真塵塵入妙坐在光影裏未  
 爲究竟直須萬機休罷千聖不携撒手那邊跳出窠

白到這裏亦無人亦無佛大千沙界海中漚一切聖賢如電拂且道釋迦老子向甚麼處出頭良久曰放過一著上堂目前無法垛生招箭意在目前挂箔遮驢鳴非耳目所到出門使是草夾山老子在百草頭上橫身鬧市裏打磬諸人還見麼若也不見却歸碧巖去也上堂正眼豁開照破多年山鬼窟腕頭著力拈却門前下馬臺捨重從輕裁長補短奪饑餐於正食猛自知非驅耕牛於正行不借他力住則當頭印破去則截斷脚跟無卓錫之地者萬德來朝赤骨歷地者現成活計然雖如是忽遇其中人來時如何且待別時相見佛性和尚忌日上堂三脚驢子弄蹄行步步相隨不相到樹頭驚起雙雙魚拈來一老一不老爲憐松竹引清風其奈出門便是草因喚檀郎識得渠大機大用都推倒燒香勸證見根源糞埽堆頭拾得寶叢林浩浩謾商量勸君莫謗先師好僧問至道無難唯嫌揀擇時如何曰河水從源濁澧州靈巖仲安禪師未詳氏里幼爲比丘壯留講聚因閱首楞嚴至知見立知即無明本知見無見斯即涅槃

師破讀爲知見立句知即無明句本知見無句見期即涅槃句忽開悟裏謁圓悟禪師於蔣山時佛性爲座元師扣之即領旨追性住德山遣師至鍾阜通嗣書圓悟問云千里馳來不辱宗風公案現成如何通信曰觀面相呈更無回互云此是德山底那箇是上座底曰豈有第二人云背後底囑師投書悟笑云作家禪客天然有在師曰付與蔣山次至僧堂前捧書問訊首座座云玄沙白紙此自何來曰久默斯要不務速說今日拜呈幸希一鑒座便囑師曰作家座又囑師以書便打座擬議師曰未明三八九不免自沉吟首座作麼生會座無語師以書復打一下時圓悟與佛眼見之悟云打我首座死了也復云所謂龍象蹴踏眼云非也官馬嘶趨耳悟令召至云我五百人首座你爲甚麼打他云和尚也須喫一頓始得悟顧佛眼吐舌眼云未在却顧師曰空手把鋤頭步行騎水牛意作麼生師鞠躬曰所供並是詣實眼笑云眞箇是屋裏人又往見五祖自和尚通法眷書自云書裏說箇甚麼曰文彩已彰云畢竟說箇甚麼曰當陽

揮寶劍云近前來這裏不識幾箇字曰莫詐敗自顧

侍者云是那裏僧者云此上座向曾在和尚會下自

云怪得恁麼滑頭師曰被和尚鈍置來自乃將書於

香爐上熏云南無三滿多沒陀南師近前彈指一下

自乃啓書回德山曰佛果佛眼皆有偈送之未幾而

靈巖虛席衲子投牒乞師住持出應其命上堂曰

參禪不究淵源觸途盡爲留礙所以守其靜默澄寂

虛閑墮在毒海以弱勝強自是非他立人我量見處

偏枯遂致優劣不分照不構用用不離窠此乃學處

不立盡爲流俗到這裏須知有殺中透脫活處藏機

佛不可知祖莫能測所以古人道有時先照後用且

要共你商量有時先用後照你須是箇漢始得有時

照用同時你又作麼生抵當有時照用不同時又向

甚麼處湊泊還知麼穿楊箭與驚人句不是臨時學

得來餘語未見

成都府正法瀨禪師上堂舉永嘉到曹溪因緣師

曰要識永嘉掀翻海嶽求知曰要識祖師麼撥動

乾坤建太平二老不知何處去卓拄杖曰宗風千古

播嘉聲

成都府昭覺禪師上堂曰毫釐有差天地懸隔

隔江人唱鷓鴣詞錯認胡笳十八拍要麼欲得現

前莫存順逆五湖煙浪有誰爭自是不歸歸便得

虎丘紹隆禪師法嗣

慶元府天童應庵曇華禪師黃梅人族江氏生而奇

傑年十七往東禪院去髮首依水南遂禪師染指法

味因徧歷江湖與諸老激揚無不契者至雲居禮圓

悟禪師悟一見痛與提策及入蜀指見彰教教移虎

丘師侍行未半載頓明大法去謁此庵分座連雲處

守以妙戲請開法繼住衢之明果斬之德章饒之報

恩薦福婺之贊林報恩江之東林建康之蔣山平江

之萬壽兩住南康歸宗後居天童上堂曰九年面

壁壞却東土兒孫隻履西歸鈍置黃面老子以拄杖

一畫曰石牛攔古路一馬生三寅上堂德章老瞎

禿從來沒滋味拈得口失却鼻三更二點唱巴歌無

端驚起梵王睡喝一喝曰我行荒草裏汝又入深村

上堂臨濟在黃檗處二度喫棒底意旨你諸人還

覷得透也未直饒一敲便斷也未是大丈夫漢三世  
諸佛口挂壁上天下老和尚將甚麼喫飯 上堂十  
五日已前水長船高十五日已後泥多佛大正當十  
五日東海鯉魚打一棒雨似盆傾直得三千大千世  
界一切衆生悉皆歡喜謂言打這一棒不妨應時應  
節報恩不覺通身踊躍遂作詩一首舉似大衆蜻蜓  
許是好蜻蜓飛來飛去不曾停被我捉來摘却兩邊  
翼恰似一枚大鐵釘 上堂若作一句商量喫粥喫  
飯阿誰不會不作一句商量屎坑裏蟲子笑殺闍黎  
拈拄杖曰拄杖子罪犯彌天貶向二鐵圍山且道薦  
福還有過也無卓拄杖曰遲一刻 上堂明不見暗  
暗不見明明暗雙忘無異流俗阿師野干鳴師子吼  
師子吼野干鳴三家村裏臭胡獠價增十倍驪龍領  
下明月珠分文不直若作衲僧巴鼻甚處得來三十  
年後換手搥曾未是苦在 上堂飯籬邊漆桶裏相  
唾饒你潑水相罵饒你接觜黃河三千年一度清蟠  
桃五百年一次開華鶴勒那敲定牙關朱頂王呵呵  
大笑歸宗五十年前有一則公案今日舉似諸人且

道是甚麼公案王節級失却帖 上堂參學人切忌  
錯用心悟明見性是錯用心成佛作祖是錯用心看  
經講教是錯用心行住坐臥語言三昧是錯用心喫  
粥喫飯屙屎送尿是錯用心一動一靜一來一往是  
錯用心更有一處錯用心歸宗不敢與諸人說破何  
故一字入公門九牛拽不出 上堂舉僧問雲門殺  
父殺母佛前懺悔殺佛殺祖向甚麼處懺悔門云露  
師曰光孝著一轉語不是老僧見處亦非垂手爲人  
何故豈不見道字經三寫烏焉成馬 上堂三十二  
相八十種好從朝至暮嗽嗽唧唧說黃道黑不知那  
裏是二時上堂喫粥喫飯不覺嚼破舌頭血濺梵天  
四天之下霈然有餘玉皇大帝惡發追東海龍王向  
金輪峯頂鞠勘頃刻之間追汝諸人作證見也且各  
請依實供通切忌回避儻若不實喪汝性命 上堂  
趙州喫茶我也怕他若非債主便是冤家倚牆靠壁  
成羣隊不知誰辨龍蛇 上堂五百力士揭石義  
萬仞崖頭撒手行十萬世界一團鐵虛空背上白毛  
生直饒拈却胭脂帽子脫却燈旒吳布衫向報恩門下

正好喫棒何故半夜起來屈膝坐毛頭星現納僧前

上堂舉泉大道訪慈明因緣師曰二老漢當時若踏著臨濟向上底我等今日飯也無喫還知薦福落處麼遂卓拄杖喝一喝下座 上堂舉雲門大師到乾峰云請師答話峰云到老僧也未門云恁麼那恁麼那峰云將謂侯白更有侯黑師曰二老宿一等相見就中奇特光孝今日爲諸人說道理一徧將謂春歸無覓處不知轉入此中來 上堂舉僧問雲門不起一念還有過也無門云須彌山師曰雲門道得不妨諦當要且落在第二頭若是明果卽不然忽有人問不起一念還有過也無只對他道致將一問來 上堂三世諸佛眼裏無筋六代祖師皮下無血明果敲定牙關踴跳也出他圈積不得何故南泉斬猫兒 僧問機不離位用處停機卽不問未審機不到處如何通信曰一舉四十九云坐斷十方去也曰你要啞却老僧口那 問呈撓舞棹則不問且道婆婆手中兒子甚處得來嚴頭扣船舷三下未審意旨如何曰焦磚打著連底凍云當時若問和尚如何祇對他

曰一棒打殺云婆生七子六箇不遇知音只這一箇也不消得便擲向水中又且如何曰少賣弄云嚴頭當時不覺吐舌意又作麼生曰樂則同歡 問如何是清淨法身雲門云華藥欄此意如何曰森沙努眼睛問只這是埋沒自己只這不是辜負先聖去此二途和泥合水處請師道曰玉筋撐虎口云一言金石談來重萬事鴻毛脫去輕曰莫謾老僧好 問虎空消殞時如何曰离婁行處浪滔天 問人皆畏炎熱我愛夏日長薰風自南來殿閣生微涼時如何曰倒戈卸甲 問真淨和尚道頭陀石被莓苔裏擲筆峰遭薛荔纏羅漢院一年度三箇行者歸宗寺裏參退喫茶未審明甚麼邊事曰他是關西子愛說川僧話 虎丘忌日拈香曰平生沒興撞著這無意智老和尚做盡伎倆湊泊不得從此卸却干戈隨分著衣喫飯二十年來坐曲糸木懸羊頭賣狗肉知他有甚憑據雖然一年一度燒香曰千古令人恨轉深師於室中能鍛鍊著又故世稱大慧與師居處爲二甘露門嘗誡徒曰衲僧家著草鞋住院至如蚯蚓戀窟手



隆興改元六月十三奄然而化春秋六十有一夏臘四十有三塔全身於院之西麓

丹霞佛智蓬庵端裕禪師法嗣

福州清涼坦禪師不知何許人也久侍蓬庵深蒙印可屢分座說法住清涼日有僧舉徑山竹筴話請益師示以偈曰徑山有箇竹筴直下別無道理佛殿厨庫三門穿過衲僧眼耳其僧言下有省餘語未見臨安府淨慈水庵師一禪師葵之東陽人族馬氏年十六披削首參雪峰慧照禪師照舉藏身無迹話問之師數日方明呈偈曰藏身無迹更無藏脫體無依便斷當古鏡不勞還自照淡煙和露濕秋光照質之曰畢竟那裏是藏身無迹處師曰嘎照曰無蹤迹處因甚麼莫藏身師曰石虎吞却木羊兒照深肯之去謁東禪用月庵果皆有所投晚依佛智於西禪盡得其道出住慈雲繼遷數刹乾道辛卯始屆淨慈上堂曰圓悟師翁道參禪參到無參處參到無參始徹頭水庵則不然參禪參到無參處參到無參未徹頭若也欲窮千里目直須更上一重樓上堂今晨改

旦伏惟首座大眾知事頭首一九二九天寒不出手三九二十七籬頭吹簫築四九三十六夜眠如路宿屈而復伸展而又縮一夜萬筭千思胃中一團麻線睡也睡不熟及至天曉起來腳踏實地頭戴屋簷若作佛法商量口啞舌禿若作世諦流布特牛生犢拂子道我悟也山僧道你悟箇甚麼拂子道可憐馳逐天下人六六元來三十六上堂舉法眼示衆云盡十方世界明皎皎地若有一絲頭卽是一絲頭師豎起拂子曰還見麼穿過髑髏猶未覺法燈和尚云盡十方世界自然明皎皎地若有一絲頭不是一絲頭師曰夜來月色十分好今日秋山無限清上堂寂然不動感而遂通古人怎麼說話大似預搔痒若教渠踏著衲僧關捩管取別有生涯喝一喝卓拄杖下座上堂舉僧問雲門如何是超佛越祖之談門云胡餅師曰超談胡餅餅應時機逐塊知非師子兒敗葉霜風都掃盡古松方見歲寒枝師室中常同學者西天鬚子因甚麼無鬚鬚淳熙丙申十二月二十四書偈示寂於嘉禾之光孝壽七十臘五十五

湖州道場無庵法全禪師東吳玉峰人族陳氏幼不茹葷十六師邑之東齊道川禪師川嘗謂曰汝十二時中承誰恩力後閱法界觀色即不空以即故空始有趣入及冠祝髮進具入國禮佛智於西禪命爲侍者智後庵居西華師每入室智以狗子無佛性話問之罔對一日與僧語次僧舉五祖頌云趙州露刃劍師至此忽然大悟智室酬對如流令加護智徙育王請嗣其座初說法於宜黃之臺山移白楊西華隆興改元少鄉鄭公作肅守吳興延居虎巖上堂拈拄杖曰汝等諸人箇箇頂天立地肩橫柳栗到處行脚勘驗諸方更來這裏覓箇甚麼纔輕拶著便言天台普請南嶽游山我且問你還曾收得大食園裏寶刀麼卓拄杖曰切忌口嚼羊角僧問牛頭未見四祖時如何曰天下無貧人云見後如何曰四海無富漢乾道己丑七月二十五且將入寂衆求偈師瞪目下視衆請益堅遂書無無二字棄筆而逝火後設利五色塔于金斗峰壽五十六夏三十八

泉州延福寒巖慧升禪師建寧人也上堂喝一喝

曰盡十方世界會十世古今都盧在裏許畐畐塞塞了也若乃放開一針鋒許則大海四流巨嶽倒卓龜鼉魚龍蝦蟇蚯蚓盡向平地上湧出波瀾游泳鼓舞然雖如是更須向百尺竿頭自進一步則步步踏轉無盡藏輪方知道鼻孔搭在上脣眉毛不在眼下還相委悉麼復喝一喝曰切忌轉喉觸諱

### 華藏密印安民禪師法嗣

臨安府徑山別峰寶印禪師嘉之龍游人族李氏自幼通六經而厭俗務乃從德山院清素得度具戒聽華嚴起信既盡其說棄依密印於中峰一日印舉僧問巖頭起滅不停時如何巖吒曰是誰起滅師啓悟即首肯會圓悟歸昭覺印遣師往省內隨衆入室悟問從上諸聖以何接人師豎拳悟曰此是老僧用底作麼生是從上諸聖用底師以拳揮之悟亦舉拳相交大笑而止留三年印俾其徒往昭覺挽歸中峰爲第一座久之南下謁佛性泰月庵果草堂清皆契合晚至徑山謁大慧禪師慧問從甚處來曰西川慧曰未出劒門關與汝三十棒了也師曰不合起動和尚

慧欣然掃室延之慧南遷師乃西還出住臨邛鳳凰  
徙廣漢崇慶武信東禪成都龍華眉山中巖復還成  
都頌止法俄再出峽抵金陵留守以保寧延師未幾  
移居金山遷雪竇淳熙庚子夏勅補徑山上堂  
曰三世諸佛以一句演百千萬億句收百千萬億句  
只在一句祖師門下半句也無只恁麼合喫多少痛  
棒諸仁者且諸佛是祖師是若道佛是祖不是祖是  
佛不是取捨未忘若道佛祖一時是佛祖一時不是  
顛預不少且截斷葛藤一句作麼生道大虫裹紙帽  
好笑又驚人復舉僧問巖頭浩浩塵中如何辨主頭  
云銅砂羅裏滿盛油師曰大小巖頭打失鼻孔忽有  
人問保寧浩浩塵中如何辨主只對他道天寒不及  
卸帽上堂舉南泉和尚到莊莊主預辦迎禮泉云  
爭知道老僧來排辨如此主云昨夜土地來報泉云  
老僧修行無力被鬼神覷破師曰盡道南泉被鬼神  
覷破不是好手殊不知王老師當面做賊金山今日  
新請都莊萬一山僧到莊第一不得鬼語上堂六  
月初一燒空赤日十字街頭雪深一尺掃除不暇回

避不及凍得東村廖胡子半夜著靴水上立上堂  
曰上月下速如電掣又是重新一陽來復湛不搖處  
暖生寒谷籬落梅華枝枝粲玉賀客街頭亞肩疊足  
借婆裙子拜婆年不識本來真面目仲冬嚴寒伏惟  
尊候起居萬福上堂將心除妄安難除即妄明心  
道轉近桶底趂穿無忌諱等閑一步一芙蓉師至徑  
山彌決

孝宗皇帝召對選德殿稱旨入對曰賜肩輿  
於東華門內十年二月上製圓覺經注遣使馳賜  
命作序師年邁益厭住持十五年冬奏乞庵居得請  
紹熙元年十一月往見交承智策禪師與之言別策  
問行日師曰水到渠成歸索紙書十二月初七夜雞  
鳴時九字如期而化奉蛻質反寺之法堂留七日顏  
色明潤髮長頂溫越十日葬于庵之西岡壽八十有  
二臘六十有四特諡曰慈辨塔曰智光庵曰別峰  
昭覺徹庵元禪師法嗣

鄂州鳳棲慧觀禪師上堂曰前村落葉盡深院桂  
華殘此夜初冬節從茲特地寒所以道欲識佛性義

當觀時節因緣時節若至其理自彰喝一喝曰怎麼說話成人者少敗人者多

嘉泰普燈錄卷第十九

音釋

灝音浩 醴音禮 沔音緬 澠音禮

嚨力空切 蹴七宿切 鞠音菊 醺音犁

霈音沛 臍音織 炮音髒 絃音絃

噎所嫁切 鬻音必 策音栗 廖音溜

穀音穀

嘉泰普燈錄卷第二十

平江府報恩光孝禪寺臣僧 正受 編

南嶽第十六世 臨濟十二世 楊岐五世

龍翔竹庵土珪禪師法嗣

南康軍雲居頑庵得昇禪師蜀之廣漢德陽人族何

氏年十七依崇果寺二十得度習講久之棄謁文殊

道禪師講問佛法省要殊示偈曰契丹打破波斯寨

奪得寶珠村裏賣十字街頭窮乞兒腰間挂箇風流

袋師擬對殊曰莫錯乃退參三年方得旨趣往見佛

性機不投入闕至鼓山禮觀次便問國師不跨石門

句意旨如何竹庵應聲喝曰閑言語師即領悟命師

分座說法紹興辛酉丞相魏國張公浚擁旄闔中請

開法石門遷明教及報恩開先 上堂曰久雨不晴

一箭兩垛鼻孔一時沒爛且道是誰之過賴得老趙

州出來爲你勘破且道勘破箇甚麼曰輪天子現扶

桑誰管西來閑達磨 上堂萬仞崖頭打一推待渠

絕後復蘇來活鐵鑊禪須自悟萬重關鎖一時開

僧問應真不借三界高超即不問如何是無位真人

曰聞時富貴見後貧窮云擡頭須掩耳側掌便翻身

放你三十棒乾道已丑九月二十五集衆示偈而化

七日茶毗獲設利同靈骨藏于三生塔壽七十四夏

五十四

通州狼山靈庵慧溫禪師七閩人族鄭氏甫二十禮

五十四

通州狼山靈庵慧溫禪師七閩人族鄭氏甫二十禮

靈鳳主僧以巽落髮受具謁棲賢初百丈栖水南遂  
雲居舒上封才南昌原晚依竹庵於東林未幾庵謝  
事復謁高庵悟南華島草堂清皆蒙賞識會竹庵徙  
閩之乾元師歸省次庵問情生智隔想變體殊不用  
停囚長智道將一句來師乃釋然述偈曰拶出通身  
是口何妨罵雨呵風昨夜前村猛虎斃殺南山大虫  
庵首肯紹興辛未冬出住宣城寶勝後四居望剎  
上堂曰釋迦老子四十九年坐籌帷幄彌勒大士九  
十一劫帶水拖泥凡情聖量不能剗除理照覺知猶  
存露布佛意祖意如將魚目作明珠大乘小乘似認  
橘皮爲猛火諸人須是豁開胃襟寶藏運出自己家  
珍向十字街頭普施貧乏衆中忽有箇靈利漢出來  
道美食不中飽人喫出僧却向他道幽州猶自可最  
苦是新羅

護國此庵景元禪師法嗣

台州國清簡堂行機禪師那之仙居人族楊氏風姿  
挺異器識宏遠年二十五棄妻孥往顯慶寺圓顚受  
具乃依國清光禪師去游諸席晚契證於此庵出住

莞山次遷江之圓通太平之隱靜天台之萬年再居  
隱靜後處國清 上堂曰單明自己樂是苦因趣向  
宗乘地獄劫住五日一參三八普說自揚家醜更苦  
問理問事問心問性克由叵耐若是英靈漢窺藩不  
入據鼎不嘗便於未有生佛已前轉得身却於今時  
大官路上捷行闊步終不向老鼠窟草窠裏頭出頭  
沒若也根性陋劣要去有滋味處敲嚼遇著義學阿  
師遞相錮鎔直饒說得雲興雨現也是蝦蟆化龍下  
梢依舊喫泥喫土堪作甚麼 上堂仲秋八月旦庭  
戶入新涼不露風骨句愁人知夜長 上堂無隔宿  
恩可參臨濟禪有肯諾意難續楊岐派窮斯煎餓斯  
炒大海只將折筯攪你死我活猛火然鎔煮佛喋恁  
麼作用方可撐門拄戶更說聲和響順形直影端驢  
年也未夢見 上堂似鏡長明猶是真常流注圓悟  
禪師云今時覓一箇半箇似鏡長明底亦難得那堪  
打破鏡來恁麼說話是則別有清規一期見來大似  
乞兒見小利殊不知打破鏡來正是貼肉汗衫若到  
隱靜門下二俱失利何故體才相似可克家箇地不



容通水泄。上堂此一段事若道是有與賊爲伴若道是無曠野藏身總不恁麼潚潚蕩蕩朝行三千暮行八百忽若眼開方知驢唇先生不是泗州大聖高宗皇帝慶典請就使廳祝聖陞座問答罷師乃曰教中道譬如琴瑟笙篴雖有妙音若無妙指終不能發今日天下禪流爲

太上皇帝崇慶七十演妙音發妙指驚雷掣電聳動聽觀已自祝聖了也便恁散去未見末後殷勤記得世尊一日敷座而坐須菩提前白佛言希有世尊大衆且道此之希有以端坐爲希有以尊重福相爲希有以所說爲希有若以端坐爲希有世尊何嘗不端坐若以尊重福相爲希有何獨此日若以所說爲希有佛未開唇動舌一字元無將甚麼作希有遂喝一喝曰此之希有在朕兆已前語言未通之際一觀破方爲希有此名根本法輪亦名正法眼藏亦名眞如解脫亦名般若妙心亦名大圓鏡智平等性智妙觀察智成所作智在華嚴經中男子身中入正定女人身中從定出爲希有維摩經中五百長者子各

獻寶蓋合成一蓋爲希有涅槃經中大地震動天花紛紛爲希有般若經中包含內空外空內外空統攝欲界色界無色界爲希有法華經中佛放眉間光現諸希有事爲希有一大藏教不可悉說若開第二義門於世間品類之中物物皆有希有所謂黃河以清爲希有麒麟出現爲希有鳳凰來儀爲希有河出圖洛出書爲希有今日

太上皇帝崇慶七十壽過五帝之上爲天中天作王中王爲希有臣僧行機向河清海晏之時祝地久天長之筭爲希有如上所說盡是世間之希有大衆還知向上出世間之希有麼復喝一喝曰四大海水可知滴數諸須彌山可知斤兩釋尊壽命無量無邊於此見得徹不妨太上與釋尊壽命齊年更無優劣其或未然暫輟玉皇天上位端居德壽福生宮僧問三聖問雪峰透網金鱗未審以何爲食峰云待汝出網來卽向汝道意旨如何曰同途不同轍云三聖道一千五百人善知識話頭也不識峰云老僧住持事繁又作麼生曰前箭猶輕後箭深云只如雪竇道

可惜放過好與三十棒這棒一棒也較不得直是罕遇作家意又作麼生曰陣敗說兵書云這棒是三聖合喫雪峰合喫師以拂子擊禪床曰這裏薦取淳熙庚子五月六日無疾端坐握拳而終闍維設利甚夥瘞靈骨于國清寺之西南隅壽六十八臘四十三

鎮江府焦山或庵師體禪師丹丘黃巖人族羅氏年十五出家師妙智院守威弱冠爲沙彌登具後會蹠庵成禪師抵其院與語挽歸典客去游浙右此庵開法真如歸參禮一日經行殿廡聞庵怒叱知事所疑頓豁翌日入室庵指師曰是子今日茅廣矣及此庵奄世護國因結茅白石峰爲終計佛海遠禪師移國清邀師分座長徒衲子宗仰出住吳門之覺報徒澄照焦山上堂學臨濟示衆云一喝如踞地師子一喝如金剛王寶劍一喝如採竿影草一喝不作一喝用師曰這箇公案天下老宿拈掇甚多第恐皆未盡善焦山不免四棱著地與諸人分明注解一徧如何是踞地師子咄如何是金剛王寶劍咄如何是採竿影草咄如何是一喝不作一喝用咄若也未會拄杖

子與焦山吐露看卓一下曰笑裏有刀又卓一下曰毒蛇無眼又卓一下曰忍俊不禁又卓一下曰出門是路更有一機舉話長老也理會不得上堂年常浴佛在今朝目擊迦維路不遙果是當時曾示現宜乎惡水驀頭澆上堂熱月須搖扇寒來旋著衣若言空過日大似不知時上堂古德道祖師九年面壁爲訪知音若恁麼會喫鐵棒有日在又古德云祖師九年面壁何不慚惶若恁麼會更買草鞋行腳三十年師曰祖師九年面壁一似不曾若恁麼會日日香華夜夜燈上堂道生一無角鐵牛眠少室一生二祖父開田說大義二生三梁間紫鸞語呢喃三生萬物男兒活計離窠窟多處添少處滅大虫怕喫生人膽有若無實若虛爭掩驪龍明月珠是則是只如焦山坐斷諸方舌頭一句作麼生道肚無偏僻病不怕冷油鹽拍禪床下座僧問如何是卽心卽佛曰鼎州出得爭神云如何是非心非佛曰閩蜀同風云如何是不是心不是佛不是物曰窮坑難滿問起滅不停時如何曰謝供養問我有沒絃琴久居在

曠野不是不會彈未遇知音者知音既遇未審如何  
品弄曰鐘作鐘鳴鼓作鼓響云雲門放洞山三頓棒  
意旨如何曰和身倒和身偏云飯袋子江西湖南便  
恁麼去又作麼生曰淚出痛腸云真金須是紅爐煅  
白玉還他妙手磨曰添一點也難爲室中常舉帶  
柄問學者曰依稀若帶柄髭髯赤斑地衆皆下語不  
契有僧請益師示以頌曰依稀若帶柄髭髯赤斑地  
棒下無生忍臨機不識爺淳熙己亥八月朔示微疾  
四日染翰別郡守曾公逮夜半書偈付侍僧戒遺諸  
山書復書偈辭衆至鐘鳴趨寂龕留七日塔全軀於  
石公山壽七十有二臘五十有二

常州華藏湛堂智深禪師武林人也佛涅槃日上  
堂曰兜率降生雙林示滅掘地討天虛空釘橛四十  
九年播土揚塵三百餘會納盡敗關盡力布網張羅  
未免喚龜作鼈末後拘尸城畔梯示雙趺旁人冷眼  
看來大似弄巧成拙卓拄杖曰無這箇道理千古之  
下誰把口說且道是甚麼道理癡人面前切忌漏洩  
靈隱佛海慧遠禪師法嗣

慶元府東山全庵齊已禪師叩之蒲江人族謝氏年  
二十五遽脫塵軼往法輪寺下髮聽圓覺久之棄游  
關外謁佛海於蟠龍盡其機用海未之許一日五參  
出問未審如何是佛海曰齊已你問箇甚麼師於言  
下大悟遂禮拜海曰這漢今日大似方木返著圓孔  
於是名振叢席初住鵝湖遷居廣慧徙東山上堂  
舉修山主偈曰是柱不見柱非柱不見柱是非已去  
了是非裏薦取召大衆曰薦得是移華兼蝶至薦得  
非擔泉帶月歸是也好鄭州梨勝青州棗非也好象  
山路入蓬萊島是亦沒交涉踏著秤砣硬似鐵非亦  
沒交涉金剛寶劍當頭截阿呵呵會也麼知事少時  
煩惱少識人多處是非多蓮社會道友請上堂漸  
漸雞皮鶴髮父少而子老看看行步踉蹌疑殺木上  
座直饒金玉滿堂照顧白拈賊豈免衰殘老病正好  
著精彩任汝千般快樂渠儂合自由無常終是到來  
歸堂喫茶去唯有徑路修行依舊打之邊但念阿彌  
陀佛念得不濟事復曰啞這條活路已被善導和尚  
直截指出了也是你諸人朝夕在徑路中往來因甚

麼當面蹉過阿彌陀佛這裏薦得便可除迷倒障拔  
猶緣箭截疑惑網斷癡愛河伐心稠林洗心垢濁正  
心詣曲絕心生死然後轉入那邊擡起脚向佛祖履  
踐不到處進一步開却口向佛祖言詮不到處說一  
句喚回善導和尚別求徑路修行其或準前捨父逃  
走流落他鄉撞東磕西苦哉阿彌陀佛淳熙丙午秋  
退居天童示少恙寄古爐瓶別育王佛照德光禪師  
乃書偈而逝

撫州疎山歸雲如本禪師台城人也 上堂久雨不  
晴戊在丙丁通身泥水露出眼睛且道是甚麼眼睛  
卓拄杖曰林間泥滑滑時叫兩三聲 上堂舉丹霞  
燒木佛話乃曰李四有錢不解飲張三解飲又無錢  
相招豐樂樓中看不怕寒威雪滿天

覺阿上人日本國藤氏子也十四得度受具習大小  
乘有聲二十九屬商者自 中都回言禪宗之盛阿  
然拉法弟金慶航海而來歲餘始至乾道辛卯夏也袖香

拜靈隱佛海禪師海問其來阿輒書而對復書曰我  
國無禪宗唯講五宗經論國主無姓氏號金輪王以

嘉應政元捨位出家名行眞年四十四王子七歲令  
受位今已五載度僧無進納而講義高者賜之某等  
仰服 聖朝遠公禪師之名特詣丈室禮拜願傳心  
印以度迷津且如心佛及衆生是三無差別離相離  
言假言顯之禪師如何開示海曰衆生虛妄見見佛  
見世界阿書云無明因何而有海便打卽命海陸座  
決疑明年秋辭游金陵抵長蘆江岸聞鼓聲忽穎悟  
始知佛海垂手旨趣旋靈隱述五偈叙所見辭海東  
歸偈曰航海來探教外傳要離知見脫蹄筌諸方參  
遍草鞋破水在澄潭月在天其掃盡葛藤與知見信  
手拈來全體現腦後圓光徹太虛千機萬機一時轉  
其妙處如何說向人倒地便起自分明驚然踏著故  
田地倒裏轉頭孤路行其求眞滅妄元非妙卽妄明  
眞都是錯堪笑靈山老古錫當陽拋下破木杓其豎  
拳下喝少賣弄說是論非入泥水截斷千差休指注  
一聲歸笛囉囉哩其海稱善書偈贈其行阿少親文  
墨善諸國書至此未數載徑躋祖域其於華語能自  
通淳熙乙未與其國僧統遣僧訊海副以水晶降魔



杵及數珠二臂綵扇二十事貯以寶函壬寅夏王請  
住持其國叡山寺復遣僧通嗣書時海已入寂矣

何山佛燈守珣禪師法嗣

婺州義烏稠嚴了贊禪師 上堂舉趙州狗子無佛  
性話乃曰趙州狗子無佛性萬疊青州藏古鏡赤脚  
波斯入大唐八臂那吒行正令咄

西禪文璉禪師法嗣

遂寧府西禪第二代希秀禪師 上堂曰秋光將半  
暑氣漸消鴻鴈橫空點破碧天似水猿猱挂樹撼翻  
玉露如珠直饒對此明機未免認龜作鼈且道應時  
應節一句作麼生道野色併來三島月溪光分破五  
湖秋

雲居高庵善悟禪師法嗣

婺州雙林用禪師郡之金華人族戴氏年十四往智  
者寺出家試所習得度乃遊江表初謁長蘆信保寧  
環甘露卓後至龍門久之高庵過廬陵天寧遷雲居  
師隨至一日庵陞座舉僧問投子如何是十身調御  
投子下禪床叉手而立師聞罔知所詣歸坐紙帳中

因垂手褰帳忽悟由是往來三佛會下皆蒙肯諾初  
住閩之中際次居東西二禪後補天寧雙林 上堂  
曰拈槌豎拂祖師門下將黃葉以止啼說妙談玄禪  
僧面前望梅林而止渴際山今日去却之乎者也更  
不指東畫西向三世諸佛命脉中六代祖師骨髓裏  
盡情傾倒爲諸人說破良久曰啼得血流無用處不  
如緘口過殘春

台州萬年無著道閑禪師郡之黃巖人族洪氏年二  
十六師芭蕉庵主以中選籍名九峰興善院得度未  
久歷諸老之門晚至歐峰機語頓契紹興壬戌以天  
台太平興國爲萬年報恩光孝 勅師居之 上堂  
曰全機敵勝猶在半途啐啄同時白雲萬里纔生朕  
兆已落二三不露鋒鋦成何道理且道從上來事合  
作麼生誣人之罪以罪加之 上堂蕩蕩無迂曲明  
明透古今曉雲籠碧岫殘葉落疎林脫體全收放當  
堂定淺深饒君親薦得未是我智音 上堂舉臨濟  
侍德山次山云今日困濟云這老漢寐語作麼山便  
打濟掀倒禪床雪竇云二員作者具啐啄同時眼有



啐啄同時用雪竇擬向饑鷹爪下奪肉餓虎口裏爭  
餐敢謂德山臨濟俱是瞎漢有人辨得天下橫行師  
曰然則旃檀薔薇氣不相饒鸞鷟麒麟瑞無私出爲  
甚麼雪竇道俱是瞎漢選佛若無如是眼假饒千載  
亦奚爲 上堂舉乾峯示衆云舉一不得舉二放過  
一著落在第二雲門出衆云昨日有人從天台來却  
往徑山去峰曰典座來日不得普請師曰相見不須  
瞋君窮我亦貧謂言侵早起更有夜行人丁卯九月  
壬申書偈而寂

福州中際能禪師嚴陵人也往來龍門雲居有年未  
有所證一日普請擇菜次高庵忽以貓兒擲師懷中  
師擬議庵攔臂踏倒於是大事洞然所至宗匠倒屣  
紹興甲子春入閩抵中際歲餘遂繼席 上塔曰萬  
古長空一朝風月不可以一朝風月味却萬古長空  
不可以萬古長空不明一朝風月且如何是一朝風  
月人皆畏炎熱我愛夏日長薰風自南來殿閣生微  
涼會與不會何忌承當 僧問國師三喚侍者意旨  
如何曰路側轉身難云萬象之中獨露身又作麼生

師舉拳示之

南康中雲居普雲自圓禪師綿之巴西族雍氏年  
十九以試經被僧服留教苑五祀出關南下謁谷隱  
顯開福寧百丈古始詣龍門一日於廊廡間覩繪胡  
人有省夜白高庵庵舉法眼偈曰頭戴貂鼠帽腰懸  
羊角錐語不令人會須得人譯之復篝火示之曰我  
爲汝譯了也於是大法明了呈偈曰外國言音不可  
窮起雲亭下一時通口門廣大無邊際吞盡楊岐栗  
棘蓬庵遣師依佛眼眼謂曰吾道東矣紹興丁巳出  
住薦福遷雲居 上堂舉僧問雲門如何是透法身  
句門云北斗裏藏身師曰南北東西萬萬千乾坤上  
下兩無邊相逢相見呵呵笑屈指擡頭月半天

大馮牧庵法忠禪師法嗣

成都府信相戒修禪師 上堂舉馬祖不安師曰兩  
輪舉處煙塵起電急星馳擬何止目前不礙往來機  
正令全施無表裏丈夫意氣自衝天我是我兮你是  
你

寶峰擇明禪師法嗣

漢州無爲隨庵守緣禪師本郡人族史氏年十三病目因去家依棲禪慧目能禪師圓具出峽至寶峯一日峯上堂舉永嘉曰一月普現一切水一切水月一月攝遂舉拂子曰看看千江競注萬派爭流若也素善行舟便諳水脉遂可優游性海笑傲煙波其或未然且歸巖下坐更待月明時師聞釋然領悟翌日詣方丈陳所得峰首肯留五年西歸寓中巖郡守邵公溥挽師開法棲禪遷無爲中巖上堂曰以一統萬一月普現一切水會萬歸一一切水月一月攝展則彌綸法界收來毫髮不存雖然收展殊途此事本無異致但能於根本上著得一雙眼去方見三世諸佛歷代祖師盡從此中示現三藏十二部一切修多羅盡從此中流出天地日月萬象森羅盡從此中建立三界九地七趣四生盡從此中出沒百千法門無量妙義乃至世間工巧諸伎藝盡現行此事所以世尊拈華迦葉便乃微笑達磨面壁二祖於是安心桃華盛開靈雲疑情盡淨擊竹作響香嚴頓忘所知以至盤山於肉案頭悟道彌勒向魚市裏接人誠謂造次

顧沛必於是經行坐臥在其中既有如是奇特更有如是光輝既有如是廣大又有如是周徧你輩諸人因甚麼却有迷有悟要知麼幸無偏照處剛有不明時上堂錄暗紅稀日蜂忙蝶困時本來真面目一點不曾移回上堂舉趙州示衆云至道無難唯嫌揀擇纔有語言是揀擇是明白老僧不在明白裏是汝還護惜也無時有僧問既不在明白裏護惜箇甚麼曰我亦不知云和尚既不知爲甚麼道不在明白裏曰問事即得禮拜了退師曰世間無物可羅籠獨立嵯峨萬仞峰忽若有人猛推落騰身雲外不留蹤

### 烏巨雪堂道行禪師法嗣

饒州薦福退庵休禪師上堂曰恁麼也不是不恁麼也不是針眼裏跳出赤梢鯉魚變化昇騰神通游戲直饒雨似盆傾不是不是上堂風動耶幡動耶風鳴耶鈴鳴耶非風鈴鳴非風幡動此土與西天一隊黑漆桶誑惑世間人看看滅胡種山僧不奈何越後也打鬬瓠子曲彎彎冬瓜長儺侗上堂結夏時左眼半斤解夏時右眼八兩謾云九十日安居贏得

一肚皮妄想直饒七穴八穿未免山僧拄杖雖然如是千鈞之弩不爲鼯鼠發機上堂先師尋常用腦後一鎚卸却學者胃中許多詰曲當年克賓維那會中興化此毒往往天下叢林喚作超宗異目非唯辜負興化亦乃克賓受辱若是臨濟兒孫終不依草附木資福喜見同參今日傾腸倒腹遂卓拄杖喝一喝曰還知先師落處麼猗死禪和如麻似粟上堂言發非聲是箇甚麼色前不物莫亂針錐透過禹門風波更險咄

信州龜峰晦康慧光禪師建寧人也上堂數日暑氣如焚一箇渾身無處安著思量得也是煩惱人這箇失是煩惱更有已躬下事不明便是煩惱所以達磨大師煩惱要爲諸人吞却又被咽喉小要爲諸人吐却又被牙齒碍取不得捨不得煩惱九年若不得二祖不惜性命往往轉身無路煩惱教死所謂祖彌不了殃及兒孫後來蓮華峰庵主到這裏煩惱不肯住南嶽思大到這裏煩惱不肯下山更有臨濟德山用盡自己查梨煩惱鉢盂無柄龜峰今日爲他閑事

長無明爲你諸人從頭點破卓拄杖一下云一人腦後露腮一人當門無齒更有數人鼻孔沒半邊不勞再勸你諸人休向這裏立地瞋睡殊不知家中飯糲鍋子一時失却了也你若不信但歸家點檢看

貢州長蘆且庵守仁禪師上堂曰百千三昧無量妙門今日日庵不惜窮性命只做一句子說與諸人乃卓拄杖下座上堂雲從龍風從虎吹散江村寒露雨麗天杲日絕纖埃有路明明吞佛祖物見主眼卓豎天邊白鴈送寒歸籬下黃華香半吐上堂卓拄杖召大衆曰這般曲調豈屬宮商不是知音徒勞側耳且庵今日待爲諸人吹一曲舞一拍還有擊節者麼若有乾闥婆王性命難存若無贏得一場懺懺嘉泰普燈錄卷第二十

音釋

珪音圭	郊音談	曷音丙	珣音荀
贊於倫切	續則歷切	浚音峻	拏音奴
呢音元	喃女咸切	啞音亞	訖音銳
褰去虔切	貂音凋	囧戶臥切	

嘉泰普燈錄卷第二十一

平江府報恩光孝禪寺臣僧 正受 編

南嶽第十六世臨濟十二世  
楊岐五世

大滬月庵善果禪師法嗣

荆門軍玉泉窮谷宗璉禪師合郡雲門人族董氏兒時有異言幼師廣化了達試法華凡兩奏名 恩乃及剃染登戒之成都大慈講習往參信相昌禪師值上堂僧問法法不隱藏古今常顯露如何是顯露底法曰山河大地師聞微有得出關謁鹿苑業文殊道佛性泰皆未釋所滯往扣月庵於道吾隨居福嚴每舉雲門放洞山三頓棒話詰之語不契一日普請擔采至彌陀嶺倦甚去檐嘯之忽大悟拊掌笑曰快活快活亟歸擬白月庵庵見來乃曰信吾不賺汝師禮謝於是命首衆說法衲子踵隨竟晦迹南嶽二十年居思大三生藏亦久因號璉三生會上封虛席潭師龍圖劉公昉力挽開法未幾引退復住報恩福嚴及龍王玉泉 開堂日問答已乃曰衲僧向人天衆前一問一答一擒一縱一卷一舒一揆一撈須是具金

剛眼睛始得若是念話之流君向西秦我之東魯於宗門中殊無所疊這一段事不在有言不在無言不礙有言不礙無言古人垂一言半句正如國家兵器不得已而用之橫說豎說只要控人入處其實不在言句上今時人不能一徑徹證根源只以語言文字而爲至道一句來一句去喚作禪道喚作向上向下謂之菩提涅槃謂之祖師巴鼻正似鄭州出曹門從上宗師會中往往真箇以行脚爲事底纔有疑處便對衆決擇只一句下見諦明白造佛祖直指不傳之宗與諸有情盡未來際同得同證猶未是泊頭處豈是空開唇皮胡言漢語來所以南院示衆云諸方只具啐啄同時眼不具啐啄同時用時有僧問如何是啐啄同時用院曰作家不啐啄啐啄同時失僧云猶是學人問處院曰如何是你問處僧云失院便打其僧不契後至雲門會中因二僧舉此話一僧云當時南院棒折那其僧忽悟卽回南院院已遷化時風穴作維那問曰你是問先師啐啄同時話底僧那云是穴曰你當時如何云我當時如在燈影裏行穴曰你

會也大衆暗穿玉線密度金針如水入水似金博金敢問大衆啐啄同時是親切處因甚却失若也會得堪報不報之恩共助無爲之化便可橫身宇宙獨步大方若跳不出依前只在架子下上堂拈拄杖曰破無明暗截生死流度三有城泛無爲海須是識這箇始得遂召大衆曰喚作拄杖則觸不喚作拄杖則皆若也識得荊棘林中撒手是非海裏橫身脫或未然普賢乘白象土宿跨泥牛參上堂一切數句非數句與吾靈覺何交涉師曰永嘉麼道大似含元殿上更覓長安殊不知有水皆含月無山不帶雲雖然如是三十年後趙婆酤醋上堂舉瀉山問仰山仲冬嚴寒即不問晷運推移事若何仰山進前三步瀉曰知子答這話不得時香嚴旁立云某偏答得這話瀉理前話問之嚴亦進前三步瀉山曰賴過寂子不會師曰問既一般答亦相似爲甚麼肯一不肯一要識瀉山麼脚踏西溪流去水手持南嶽寄來書上堂宗乘一唱殊途絕萬別千差俱泯滅通身是口難分雪金剛腦後三斤鐵好大哥上堂舉麻谷持

錫到章敬又到南泉師曰是是放出南山真鼉鼻是不是勒回千里追風驥終成敗壞可憐生塞斷咽喉無出氣無出氣有巴鼻趙州東壁挂葫蘆堪笑維摩談不二僧問保壽開堂三聖推出一僧保壽便打意旨如何曰利動君子云惟復棒頭有眼惟復見機而作曰獼猴緊露柱云只如三聖道你怎麼爲人瞎却鎮州一城人眼又作麼生曰錦上鋪華又一重問行脚逢人時如何曰一不成二不是云行脚不逢人時如何曰虎齧大虫云只如慈明道釣絲絞水意作麼生曰水浸鋼石卵問三聖道我逢人即出出則不爲人意旨如何曰兵行說道云與化道我逢人即不出出則便爲人又作麼生曰綿裏秤鎚問不落因果爲甚麼墮野狐身曰廬山五老峯云不昧因果爲甚麼脫野狐身曰南嶽三生藏云只如不落不昧未審是同是別曰倚天長劍逼人寒問北斗裏藏身時如何曰從地涌出云便怎麼去時如何曰波斯讀梵書問初生孩子還具六識也無趙州道急水上打毬子意旨如何曰兩手扶犁水過膝云只如



僧又問投子急水上打毬子意旨如何云念念不停  
流又作麼生日水晶甕裏浸波斯 問楊岐道三脚  
驢子弄蹄行意旨如何曰過蓬州了便到巴州 問  
有句無句如藤倚樹時如何曰昨夜祝融生兩角云  
樹倚藤枯句歸何處曰今朝突兀又麼光云只如潯  
山呵呵大笑又作麼生日海水逆流云羅山道道吾  
是箇館驛裏撮馬糞漢又且如何曰衣穿肉露 問  
文殊是七佛之師爲甚麼出女子定不得曰闍處莫  
出頭云罔明爲甚麼却出得曰放屁合著大石調云  
一等是箇時節爲甚麼有出得出不得曰這裏有人  
教唆詞訟 問達磨未來時如何曰雲籠嶽頂云來  
後如何曰雨灑瀟湘 問世尊拈華迦葉微笑意旨  
如何曰路窮山轉云冤有頭債有主曰噤噤噤云  
忽然百萬大衆一時笑時如何曰你見箇甚麼僧禮  
拜師曰賺殺一船人 問如何是佛法大意曰騎牛  
穿市過云學人買鐵得金曰父南子北紹興庚辰十  
二月二十三日集衆出衣孟令於寺南建一窰堵一  
以存吾報身劫灰之餘一以奉四衆靈骨書偈而逝

七日闍維獲舍利五色衆咸得之以正月二十四歸  
骨奉藏焉壽六十四臘四十一

潭州大滙行禪師 上堂曰不是心不是佛不是物

且道是箇甚麼不在內不在外不在中間畢竟在甚  
麼處苦苦有口說不得無家何處歸 上堂橫拄杖

曰你等諸人若向這裏會去如紀信登九龍之鰲不  
向這裏會去似項羽失千里烏騅饒你總不恁麼落

在無事閑裏若向這裏撥得一路轉得身吐得氣山  
僧與你拄杖子遂靠拄杖下座 上堂學僧問趙州

路逢達道人不將語默對未審將甚麼對州云人從  
陳州來不得許州信師曰滿滿彎弓射不著長長揮

劍斫無痕堪笑日月不到處箇中別是一乾坤  
潭州道林淵禪師 上堂曰節近端午午晴乍雨帶

累達磨眼睛特地和泥合土二祖不會承當雪庭枉  
受辛苦引得後代兒孫各自開張門戶或放南山毒

蛇或作玄沙猛虎雪峰連鞵三毬禾山一味打鼓山  
僧檢點將來盡是葛藤露布爭如喫飯著衣此外更

無佛祖畢竟如何阿嬈便是大哥妻師姑元是女人

做僧問鍾未鳴鼓未響托鉢向甚麼處去德山便低頭歸方丈意旨如何曰奔雷迸火云巖頭道這老漢未會末後句在又作麼生曰相隨來也云巖頭密啓其意未審那裏是他密啓處曰萬年松在祝融峰云然雖如是只得三年三年後果遷化還端的也無曰嚀呢嚤喇吽嚤吽紹興二十三年五月七日上堂拈拄杖示衆曰雖却聲色言語道將一句來衆無對師曰動靜聲色外時人不肯對世間出世間畢竟使誰會言訖倚杖而逝

隨州大洪老衲祖證禪師潭之瀏陽潘氏子上堂曰萬象之中獨露身如何說箇獨露底道理豎起拂子曰到江吳地盡隔岸越山多僧問雲門問僧光明寂照徧河沙豈不是張拙秀才語僧云是門云話墮也未審那裏是這僧話墮處曰鮎魚上竹竿問離却言句請師直指師豎起拂子僧云還有向上事也無曰有云如何是向上事曰速禮三拜隆興府石亭野庵璇禪師上堂曰喫粥了也未趙州無忌諱更令洗鉢孟太煞沒巴鼻悟去由來不丈

夫這僧那免受塗糊有指示無指示韶石四楞渾塌地入地獄如箭射雲岫清風生大廈相逢携手上高峰作者應須辨眞假眞假分若爲論午夜寒蟾出海門

隆興府泐潭山堂德淳禪師信之上饒人上堂曰俱胝一指頭一毛拔九牛華嶽連天碧黃河徹底流截却指急回眸青窳笠前無限事綠蓑衣底一時休常州宜興保安復庵可封禪師三山玉融林氏子上堂曰天寬地大風清月白此是海宇清平底時節衲僧家等閑問著十箇有五雙知有只如夜半華嚴池吞却楊子江開明橋撞倒平山塔是汝諸人還知麼若也知去試向非非想天道將一句來其或未知擲下拂子曰須是山僧拂子始得上堂舉雲門問僧光明寂照徧河沙豈不是張拙秀才語僧云是門云話墮也師曰向道莫行山下路果聞猿叫斷腸聲潭州石霜宗鑑禪師上堂曰送舊年迎新歲動用不離光影內澄輝湛湛夜堂寒借問諸人會不會若也會增瑕類若不會依前昧與君指箇截流機白雲

更在青山外

雲居法如禪師法嗣

太平州隱靜圓極彥岑禪師台城人也。上堂曰：韓信打關，未免傷鋒；犯手張良，燒棧大似曳尾靈龜。既然席卷三秦，要且未能囊弓裹革；煙塵自靜，我國晏然。四海九州，盡歸皇化；自然牛閑馬放，風以時雨。以時五穀熟，萬民安，大家齊唱村田樂。月落參橫，夜向闌。上堂：今朝八月初五，好事分明，爲舉嶺頭漠漠秋雲，樹底鳴鳩。喚雨昨夜，東海鯉魚吞却南山猛虎。雖然有照有用，畢竟無賓無主。唯有文殊普賢，住住我識得你。上堂：舉正堂辯和尚室中問學者蚯蚓，爲甚麼化爲百合？師曰：客舍并州已十霜，歸心日夜憶咸陽。無端更渡桑乾水，却望并州是故鄉。鄂州報恩成禪師：上堂曰：秋雨乍寒，汝等諸人青州布衫成就也未？良久，喝曰：雲溪今日冷處，著一把火便下座。

道場正堂明辯禪師法嗣

平江府覺報清禪師：上堂：舉僧問雲門：如何是諸

佛出身處？門云：東山水上行。師曰：諸佛出身處，東山水上行。石壓笋斜出，岸懸華倒生。

湖州何山然首座，姑蘇人也。侍正堂之久，入室次堂。問貓兒爲甚麼偏愛捉老鼠？曰：物見主，眼卓豎堂欣然。因命分座，淳熙初終於此山。

白楊法順禪師法嗣

吉州青原如禪師：僧問：達磨未來時，如何曰：生鐵鑄崑崙。云：來後如何？曰：五彩畫門神。

淨居尼慧溫法嗣

溫州淨居尼無相大師法燈：上堂拈拄杖卓曰：觀音出普賢入文殊，水上穿靴立擡頭。鷄子過新羅，石火電光追不及咄。

南嶽第十七世臨濟十三世黃龍六世

萬年心聞曇實禪師法嗣

溫州龍鳴在庵賢禪師：上堂：舉崇壽示衆云：識得凳子，周匝有餘雲。門道識得凳子，天地懸殊。師曰：崇壽老漢，坐殺天下人，雲門大師走殺天下人。龍鳴即不然，識得凳子，四脚著地，安坐便坐，要起便起。

潭州大瀉嘆庵鑑禪師會稽人也。上堂曰：木落霜空，天寒水冷，釋迦老子無處藏身，拆東籬補西壁，撞著不空見菩薩，請示念佛三昧也。甚奇怪，却向道金色光明雲參退喫茶去。上堂：老胡開一條路，甚生徑直，只云歇卽菩提，性淨明心，不從人得，後人不得其門，一向奔馳南北，往復東西，極歲窮年，無箇歇處。諸人還歇得麼？休休。上堂：舉晦堂和尚一日問僧：甚處來？云南雄州曰：出來作甚麼？云：尋訪尊宿。曰：不如歸鄉好。云：未審和尚令某歸鄉，意旨如何？曰：鄉裏三錢買一片魚鮮，如手掌大。師曰：寧可碎身如微塵，終不瞎箇師僧眼。晦堂較些子有般漢，便道熟處難忘，有甚共語處。

南嶽第十七世臨濟十三世  
楊岐六世

### 西禪懶庵鼎需禪師法嗣

福州鼓山本庵安永禪師閩縣人，族吳氏，弱冠依安國慈濟爲苾芻，未幾謁懶庵於雲門。一日入室，庵曰：不問有言不問無言，世尊良久不得，向世尊良久處，會隨後便喝，條然契悟，作禮曰：不因今日問，爭喪目。

前機庵許之，及徙怡山，命師首衆，閱二年，庵將頤寂，以大慧所傳磨衲授之，囑令剪拂學者，安撫尙書張公澄請師繼席，不數月拂袖雲門。庵乾道甲申，郡師大資王公之望從衆衲請居乾元遷黃檗，又三年移鼓山。上堂曰：要明箇事，須是具擊石火閃電光底手段，方能嶮峻崖頭，全身放捨，白雲深處，得大安，居如其巖地，竟金針直下，臘門須逆裂到這裏，假饒見機而變，不犯鋒鏑，全身獨脫，猶涉泥水，只如本分全提一句，又作麼生？道擊拂子曰：淬出七星光，燦爛解拈天下任橫行。上堂：布網垂鈎，闊長江不繫舟，水寒魚不食，特地過滄洲，怎麼舉似著，甚來由半夜黑風翻大海，直得波濤絕點流。上堂：拈拄杖曰：臨濟小厮兒，未曾當頭道著，今日全身放憨，也要諸人知有遂擲拄杖下座。上堂：舉睦州示衆云：諸人未得箇入處，須得箇入處，既得箇入處，不得忘却老僧師曰：怎麼說話？面皮厚多少？木庵則不然，諸人未得箇入處，須得箇入處，既得箇入處，直須颺下入處，始得。僧問：須彌頂上翻身倒卓時，如何？曰：未曾見毛頭星。

現云怎麼則傾瀉倒嶽去也。曰：莫亂做僧，便喝師曰：雷聲浩大雨點全無。

南劍州劍門安分庵主號分禪，少與木庵同肄業。安國後依懶庵，未有深證辭。謁徑山大慧禪師，行次江于，仰瞻宮闕，聞街司喝侍，郎來釋然大悟，作偈曰：幾年箇事挂眉懷，問盡諸方眼不開。肝膽此時俱決盡，一聲江上侍郎來。徑回西禪，懶庵迎之，付以伽梨。自爾不規所寓，後庵居劍門化被嶺表。學者從之，所作偈頌走手而成，凡千餘首，盛行於世。示衆曰：這一片田地汝等諸人，且道天地未分已前，在甚麼處？直下徹去，已是鈍置。分上座：「不少了也。」更若擬議思量，何啻白雲萬里。薰拈拄杖打散衆。示衆上至諸佛下及衆生，性命總在山僧手裏，檢點將來有沒量罪過。山僧亦有沒量罪過，還有檢點得出者麼？卓拄杖一下曰：「冤有頭，債有主。」遂左顧右視曰：「自出洞來，無敵手，得饒人處且饒人。」示衆十五日已前天上，有星皆拱北；十五日已後，人間無水不朝東。已前已後，總拈却到處鄉談，各不同。屈指曰：「一二三四五。」

六七八九十十一十二十三十四諸兄弟，且道今日是幾良久。曰：本店買賣分文不賒。

### 東禪蒙庵思嶽禪師法嗣

福州鼓山宗逮禪師。上堂曰：世尊道應如是知，如是見，如是信解，不生法相，遂喝曰：「至本無瑕，却有瑕。」

### 開善密庵道謙禪師法嗣

建寧府仙州山吳十三道人者，每以已事扣諸禪，及開善歸結茅於其左，遂往給侍。紹興庚申三月八日夜，適然啓悟，占偈呈善曰：「元來無縫罅，觸著便光輝。」既是千金寶，何須彈雀兒。善答曰：「焮地折時真慶快，死生凡聖盡平沉。」仙州山下呵呵笑，不負相期宿昔心。

### 東林止庵道顏禪師法嗣

荊南府公安遜庵祖珠禪師，南平人也。依止庵之久，一日入室，次庵問僧云：「如何？」佛麻師聞，頓契有偈曰：「機前一句子，用處不留情。如撞幢子，弩箭箭中紅。」心後開法，公安四衆歸仰。上堂曰：「不是心，不是佛，不是物，灑盡野狐涎，耀翻山鬼窟，平田淺草裏露出。」



焦尾大虫大虎寥廓中放出遼天俊鶴阿呵呵露風  
骨等閑拈出衆人前畢竟分明是何物咄咄 上堂  
玉露垂青草金風動白蘋一聲寒鴈叫喚起未惶人  
上堂鷺子深談實相善說法要可惜玄沙老人漏  
泄向上一竅自從一見桃華後直至如今更不疑禪  
客相逢只彈指此心能有幾人知大衆這兩箇老漢  
一人撥動天關一人掀翻地軸山僧輒爾微聾敢繼  
渠儂高躅蒼鷹爪下分餐猛虎口中奪肉一句當機  
千足萬足君不見古人有言兮逢船便渡得路便行  
要會箇中意日午打三更拍禪床下座

教心晦庵彌光禪師法嗣

泉州法石中庵慧空禪師贛城贛縣人族蔡氏少爲  
書生年三十六投郡之觀音院下髮往依仰山祖禪  
師有省次參翠巖廣照燈禪師燈與語鋒投俾典翰  
墨辭謁大慧於徑山宿疑盡去屬慧貶衡陽遂入問

見鼓山珪淨衆嶽皆蒙印可後抵教忠一日入室聞  
學女子出定話擬踵門忽大悟乃曰自携瓶去沽村  
酒却著衫來作主人忠曰中間底是阿誰師禮拜便  
出忠晒之紹興己巳會忠移住龜山以師繼席後遷  
大安及崇福乾道丁亥謝事寓雪峰東庵洋嶼雲門  
庚申春泉守龍學王公十朋挽居法石 受請日上  
堂曰雲門山中割硬寨已是經年洋嶼江頭未見有  
毛頭星出現舉手攀南斗回身倚北辰等閑拋出東  
山暗號驗盡天下野狐當機觀面不相饒喝下跛驢  
成隊走是以藥山道未有長行而不住未有長住而  
不行欲益無所益欲爲無所爲宜作舟航無久住此  
咄古人大似以隋珠彈雀用趙璧抵烏氈麼要續如  
來正法大似鄭州出曹門且道雲門庵主今日赴法  
石請爲人底句作麼生道八十翁翁輓繡毬直從洋  
嶼江心過 春日上堂拈拄杖卓一下曰先打春牛  
頭又卓一下曰後打春牛尾驚起虛空入藕絲裏釋  
迦無路潛蹤彌勒急走千里文殊却知落處擲掌大  
笑歡喜且道他歡喜箇甚麼春風昨夜入門來便見

一字  
上座脫

千華生確背 上堂舉芭蕉示衆曰你有拄杖子我  
與你拄杖子你無拄杖子我奪却你拄杖子師曰要  
識芭蕉用處麼更將歸去夢說與欲行人 上堂千  
家樓閣一雲秘風只知襟袖涼生不覺園林落葉於  
斯薦得觸處全真其或未然且作寒溫相見 上堂  
舉金剛經云佛告須菩提爾所國土中所有衆生若  
千種心如來悉知何以故如來說諸心皆爲非心是  
名爲心要會麼春風得意馬蹄疾一日看盡長安華  
僧問先佛垂範禁足安居未審是何宗旨曰瑠璃鉢  
門托須彌僧便喝師便打 問知師久韞囊中寶大  
衣臨筵乞借看曰猛虎畫蛾眉云今日小出大遇也  
曰劒去久矣不須刻舟云只如真覺示衆道南山有  
條鼈鼻蛇汝等諸人切須好看未審此意如何曰黑  
雲遮古路云長慶道今日堂中大人喪身失命意  
作麼生曰抱劒入桑林云只如雲門將拄杖攬向雪  
峰面前峰作怕勢又且如何曰一家有事百家忙云  
玄沙道用南山作麼雲曰也要大家知云古人恁麼  
提持成得甚麼透事曰兩兩三三成羣作隊 問禾

山四打鼓意旨如何曰打下打著云打著後如何曰  
不在鼓聲中頭頭皆漏泄云雪峰見僧來連輦出三  
箇毬子又且如何曰兄弟添十字云學人未曉乞師  
再指曰退步思量愁殺人淳熙甲午春偶徵恙寶文  
傳公自得赴漕江左聞而省之值師偃息即召曰和  
尙惺惺著師應曰已與侍郎相見了也傳曰一鈞便  
上師曰也不可放過傳謂侍僧曰誰言渠病師曰雪  
上加霜翊日剃沐更衣書偈已端然坐亡乃三月二  
十三日也闍維數珠不壞獲設利五色窆于東山之  
鉢那塔壽六十九臘四十有三  
臨安府淨慈混源曇密禪師天台人族盧氏年十二  
出家師資福道榮十六圓具習台教棄依大慧於徑  
山未幾往謁雪巢一此庵元入門留東西禪無省遂  
之泉南教忠求決於晦庵俾悅衆會解事歸前資偶  
舉香嚴擊竹因緣豁然契悟述偈呈庵與賢沙未徹  
語詰之無滯庵曰子今始可見妙喜矣即禮辭至梅  
陽服勤四載乾道辛卯出住茗溪上方次遷台城紫  
簪鴻福萬年淳熙甲辰夏 詔居淨慈 上堂諸佛

出世打劫殺人祖師西來吹風放火古今善知識佛口蛇心天下衲僧自投籠檻莫有天然氣槩特達丈夫爲宗門出一隻手主張佛法者麼良久曰設有也須斬爲三段上堂德山小參不答話千古叢林成話霸問話者三十棒慣能說詞說秀時有僧出的能破的德山便打風流儒雅某甲話也未問頭上著枷脚下著匣你是那裏人一回相見一傷神新羅人把手笑欣欣未踏船舷好與三十棒依前相厮誑混源今日恁麼批判責情好與三十棒且道是賞是罰具參學眼者試請辨看戊申十二月望偈書入寂壽六十九臘五十四

西禪此庵守淨禪師法嗣

福州乾元宗顯禪師上堂卓拄杖曰性燥漢只在一鎚遂靠拄杖曰靈利人不勞再舉而今莫有靈利底麼良久比擬張麟兔亦不遇

天童應庵曇華禪師法嗣

慶元府天童密庵咸傑禪師七閩福清人也上堂曰牛頭橫說豎說不知有向上關捩子有般漆桶輩

東西不辨南北不分便問如何是向上關捩子何異開眼尿床華藏有一轉語不在向上向下千手大悲摸索不著雨寒無處曬眼今日普請布施大眾良久曰達磨大師無當門齒上堂世尊不說說曲作直迦葉不聞聞望空啓告馬祖卽心卽佛懸羊頭賣狗肉趙州勘庵主貴買賤賣分文不直只如文殊是七佛之師因甚出女子定不得河天月暈魚分子樹葉風微塵養茸上堂卓拄杖曰迷時只迷這箇復卓一下曰悟時只悟這箇迷悟雙忘糞埽堆頭重添槌搔莫有向東涌西沒全機獨脫處道得一句底麼若道不得華藏自道去也擲拄杖曰三十年後上堂舉死心和尙示衆云一人所在要須到半人所在也須到無人所在亦須親到一回召大眾曰三邊一箭收功後四海何愁不太平南書記者三山人久依應庵於趙州狗子無佛生話豁然契悟有偈曰狗子無佛性羅睺星入命不是打殺人被人殺打定庵見喜其脫略紹興末終於歸宗道場無庵法全禪師法嗣

常州華藏伊庵有權禪師 上堂曰今朝結却布袋口明眼衲僧莫亂走心行滅處瞬翻身噴嚏也成師子吼拈檀林任馳驟剔起眉毛頂上生剋肉成瘡露家醜 上堂禪禪無黨無偏迷時千里隔悟在口皮邊

大瀉行禪師法嗣

常德府德山涓禪師潼川人也 上堂橫拄杖曰一二三四五六七七六五四三二一循環逆順數將來數到未來無盡日因七見一見一亡七踏破大虎空鐵牛也汗出絕氣息無蹤跡擲拄杖曰更須放下這箇始是參學事畢 上堂見見之時見非是見見猶離見見不能及遂喝曰鯨吞海水盡露出珊瑚枝衆中忽有衲僧出來道長老休寐語却許伊具一雙眼 上堂拈拄杖曰有時奪人不奪境拄杖子七縱八橫有時奪境不奪人山僧七顛八倒有時人境兩俱奪拄杖子與山僧削跡吞聲有時人境俱不奪卓拄杖曰伴我行千里携君過萬山忽若撞著臨濟大師時如何師喝曰未明心地印難透祖師關

雙林用禪師法嗣

婺州三峰卯禪師 上堂舉野狐話曰不落不昧誣人之罪不昧不落無繩自縛可憐柳絮隨春風有時自西還自東

嘉泰普燈錄卷第二十一

音釋

召音韶	遯音鈍	晷音鬼	昉音傲
離音錐	瀏音留	賴盧對切	參音森
焮七內切	肄羊至切	贛音紺	雲山洽切
韞音蘊	擇音託	榭音解	噓音帝

嘉泰普燈錄卷第二十二

平江府報恩光孝禪寺臣僧 正受 編

聖君

太宗皇帝以 聖極真諦而 廣闢度門 間發元機鮮克如對者如 幸相國府見僧看經 上問看

底是甚麼經云仁王經 上曰既是朕經爲甚却在

卿手裏僧無對雪竅明覺重顯禪師後嘗代對曰皇天無親唯德是輔幸開

寶塔 問僧卿是甚人云塔主 上曰朕之塔爲甚

麼卿作主僧無對明覺代對曰因僧見 上問卿居

甚處云廬山臥雲庵 上曰朕聞臥雲深處不朝天

爲甚到此僧無對明覺代對曰僧入對次奏云 陛

下還記得麼 上曰甚處相見來奏云靈山一別直

至如今 上曰卿以何爲驗僧無對明覺代對曰已賣

京寺回祿藏經悉爲煨燼僧欲乙 宣賜召問昔

日摩騰不燒如今爲甚却燒僧無對明覺代對曰陛下不忘付囑

上嘗夢神人報云請 陛下發菩提心因早朝 宣

問左右街菩提心作麼生發街無對明覺代對曰實

智寂大師進三界圖 上問朕在那一界中寂無對

保寧仁勇禪師嘗代對一日朝罷擎鉢問丞相王隨

曰既是大庾嶺頭提不起爲甚麼却在朕手裏隨無

對慈明楚圓禪師後嘗代對曰陛下有力白雲端

眞宗皇帝臨御以來 歷覽貝文 探蹟祖教乃於

華嚴曉然自得嘗 製偈曰寂寂太虛空湛湛如秋

水拂拭本無塵不屬張王李因建智海勝藍偉冠都

下廣延禪衲馳 詔正覺本逸禪師主之逸至入對

稱 旨賜前偈令和逸謝 恩已置爲四章一日寂

寂太虛空何人達此宗本來無一物佛祖永潛蹤二

日湛湛如秋水此心誰可委唯有悟空人相逢只彈

指三日拂拭本無塵青天月一輪堂堂無罣礙全露

法王身四日不屬張王李從來自家底山河及大地

通身無不是 上大悅乃 錫正覺號

仁宗皇帝垂佛心以治天下四夷來王 欲隆宗教

乃 詔僧懷璉入對便殿 命陞座稱 旨賜號大

覺禪師 製詩頌褒之餘二十首及 提綱語二篇

璉嘗進偈中有圓相 上因製頌二章 賜璉曰今

伏觀淨因長老於禪偈內畫圓相○此人人皆有除

鈍根下愚人不曉裏面無安排鼻孔處呵呵又一重

案底寡學淺近敢吟頌一首一日接引本無言出沒

任往還元無添減處但同秋月圓二日愚蒙全不會

上聖卒難知三十年年後更添一暈兒令璉箋註璉

註已并進三偈乞歸林下 上註璉頌一首仍 宣



諭曰山卽如如體也將安歸乎令再住京國且與佛法璉頌曰千族雲山萬壑流上曰佛法廣大非只渠壑也歸心終老此峰頭上曰不止峰頭更審細莫錯也朝昏但祝堯多壽上曰但是含生皆同天壽也一炷檀煙滿石樓上曰偏法界白煙灰息也璉復進二頌稱謝有曰中使傳宣出禁闥再令臣此住禪扉青山未許藏千拙白髮將何補萬幾霄露恩波方湛湛林泉情味苦依依堯仁況是如天闊應任孤雲自在飛二十日賜羅扇一把題元寂頌於其上又嘗製修心頌曰初祖安禪在少林不傳經教但傳心後人若悟真如性密意由來妙理深明年春璉堅辭上從之特賜御容一軸以示不忘之意

徽宗皇帝踐祚之初留神禪奧詔芙蓉道楷禪師住持法雲以問宗要二年佛國禪師惟白奏所集宗門續燈錄三十卷上賜其序政和三年夏四月嘉州道傍有大樹風雷所摧一僧晏坐樹內髭髮被指爪遶身本州以事具奏獲旨令迎至京師

供養時西天總持以金鑿出其定乃問何代僧曰我東林遠法師之弟也因游峩眉不記時代遠無恙否持曰遠法師晉人也去世七百年矣遂不復語持曰師欲何歸曰陳留縣卽復入定帝命繪其像頒行天下并製三頌一曰七百年前老古錐定中消息許誰知爭如隻履西歸去生死徒勞木作皮二曰藏山於澤亦藏身天下無藏道可親寄語莊周休擬議樹中不是負趨人三日有情身不是無情彼此人人定裏身會得菩提本無樹不須辛苦問盧能高宗皇帝以神武平海內三教一致尤宅心少林之道潛龍時差侍臣韓子扈往天寧寺命主僧佛泉禪師克勤陞堂勤據座說偈二章曰善因招善果種穀不生豆大福德人修大福德人受八萬四千波羅蜜一毫端上已圓成棒頭喝下承當得高步毗盧頂上行時靖康元年三月二十五日也越三日復命陞堂勤遂擧天竺有王者嘗往見一祖師卽請說法祖曰大王來時好道去如來時王歎伏勤拈曰佛法是世法世法卽佛直道而行風行草偃

若未委悉重說偈言去也至簡至易最尊最貴往還千聖頂額頭世出世間不思議彈指圓成八萬門一超直入如來地韓錄三偈以進上題其後曰靖康改元四月初一觀佛果禪師善偈理趣高妙云二年卽皇帝位未幾幸維揚十一月詔勤詣行在引對至闕下上遣中使八人翊之賜座上日朕一一記得昨過泗洲見普照佛心長老稱是師弟子朕亦素知師禪道高妙可得聞乎勤曰陛下以仁孝治天下率土生靈咸被光澤雖草木昆蟲各得其所此佛祖所傳之心也此心之外無別有心若別有心非佛祖之心矣上大喜曰可賜圓悟禪師號勤謝畢上曰師居金山何如勤曰臣老且病願歸林下上曰不可天下名山惟師擇居之勤固辭上曰何山可住勤曰願投老雲居上從其請勤復奉曰陛下旣以佛心而化育生靈萬邦稽首臣亦當傳佛心宗以酬覆壽賜茶罷傳宣引謁五府經夕奉旨五府以次就雍熙寺講開堂演法孝宗皇帝道自生知性由天縱在普安潛

藩一閱徑山佛日宗杲禪師之道委內都監往問要旨杲作偈以獻及建邸復令內侍齎束帛等命杲就山爲衆說法大書妙喜庵三字仍製贊賜之杲演成四偈以呈上甚喜歡卽皇帝位詔杲引對杲稱疾乃特賜大慧禪師一日因門司黃彥節舉傳燈錄所載二十二祖摩拏羅偈曰心隨萬境轉轉處實能幽隨流認得性無喜亦無憂上卽悟其奧乾道庚寅冬景德靈隱禪寺虎席詔僧慧遠住持辛卯春召見上舉不與萬法爲侶問遠是甚麼人語遠以龐居士奏之語繁不錄壬辰秋召入東閣上曰前日在此閣靜坐忽思向所舉不與萬法爲侶因緣朕從這裏有箇見處遠曰不與萬法爲侶陛下作麼生會上曰四海不爲多遠曰一口吸盡西江水又且如何上曰亦未曾欠缺繼賜佛海禪師癸巳春駕幸其寺御方丈見遠畫像問曰是誰遠曰臣之陋質學者寫以求贊上曰此是畫底那箇是真底遠鞠躬奏曰春氣和融恭惟聖躬萬福上大笑至東廓觀畫

壁次遠奏曰此乃歷代高僧 上曰如今有否遠曰  
西廓底筆尤工淳熙丙申春僧德光奉 旨補居靈  
隱寺冬十一月 召對便殿光舉靈雲見桃華悟道  
偈曰三十年來尋劍客幾回葉落又抽枝自從一見  
桃華後直至如今更不疑奏曰那裏是他不疑處  
上曰空手牽鐵牛 上曰若問長老如何祇對光曰  
千聞不如一見光復舉瀉山問香嚴汝試向父母未  
生已前道一句看香嚴無對 上曰朕有一語光曰  
如何是父母未生已前一句 上曰昨夜今朝又明  
日示光偈曰大暑流金石寒風結凍雲梅華香度遠  
自有一枝春未幾 賜佛照禪師號庚子秋延徑山  
主僧贊印於選德殿 上曰三教聖人本同這箇道  
理印奏曰譬如虛空東西南北初無二也 上曰但  
聖人所立門戶各別爾孔子以中庸設教印曰非中  
庸之教何以安立世間故華嚴亦不壞世間相而成  
出世間法法華云治世語言資生產業皆與實相不  
相違背 上曰今之士夫學孔氏者多只攻文字不  
見夫子之道不識夫子之心唯釋迦老子不以文字

教人直指心源開示衆生各令悟入此爲殊勝也印  
曰非獨今之學者不見夫子之道當時十哲如顏子  
號爲且體盡其平生力量只道得箇瞻之在前忽焉  
在後如有所立卓爾竟捉摸未著而夫子分明八字  
打開與諸弟子曰二三子以我爲隱乎吾無隱乎爾  
吾無行而不與二三子者是丘也以此而觀夫子未  
嘗回避諸弟子而諸弟子自蹉過也昔張商英丞相  
云惟吾學佛然後能知儒 上曰朕意亦謂如此印  
曰臣近見 陛下賜德光長老 御札曰今俗人乃  
有以禪爲虛空以語爲戲論其不知道也如此切中  
今日流俗之病蓋流俗例以佛法爲清淨寂滅之教  
遂引莊老之說以合佛意以臣所觀莊老立地處止  
做得經論中二乘人見解 上曰如何見得印曰墮  
肢體黜聰明形固可使如槁木心固可使如死灰便  
是二乘人灰心滅智厭身如桎梏棄時如雜毒所以  
去大乘人遠矣大乘人衆生度盡方證菩提正如伊  
尹有一夫不被其澤若已推而內之溝中又云予天  
民之先覺者也將以斯道覺斯民也此便是大乘人

履踐處 上然之嘗 製布袋和尚贊曰袋貯乾坤  
杖挑日月藹藹苴苴僧中之傑愁癡癡式中之絕  
令行兮一棒一條痕逗機兮殺人須見血別別分明  
一點紅爐雪又嘗 游戲於圓覺大光明藏中 備  
覽諸經 發於淵默 疏其至奧 警悟人天如釋  
清淨慧章至一切障礙即究竟覺則曰菩薩初發心  
時名始覺圓覺成就名究竟覺今見諸障即究竟覺  
者蓋已入佛地無一切差別心也 釋得念失念無  
非解脫則曰得念是無念失念是有念佛知諸念本  
空了無得失故皆得解脫 釋成法破法皆名涅槃  
則曰進修曰成毀謗爲破佛知諸法本空了無成壞  
故皆名涅槃 釋智慧愚癡通爲般若則曰智慧者  
已悟之性愚癡者未悟之性究其本源同一佛性故  
曰通爲般若 釋菩薩外道所成就法同是菩提則  
曰菩薩外道所立之法雖有邪正之殊皆是菩提覺  
性釋無明眞如無異境界則曰眞妄一體性本解脫  
釋諸戒定慧及姪怒癡俱是梵行衆生國土同一  
法性則曰涅槃經云我以佛眼徧觀三界有情無情

一切人法悉皆究竟究竟者即法性也 釋地獄天  
宮皆爲淨土則曰佛知善惡二報皆如空華故謂苦  
樂二境皆爲淨土 釋有性無性齊成佛道則曰有  
性三乘也無性闡提也佛眼觀之悉皆是佛 釋一  
切煩惱畢竟解脫則曰佛謂煩惱本空故云畢竟解  
脫釋法界海慧照了諸相猶如虛空此名如來隨順  
覺性則曰法界海慧者佛之智慧如法界之廣如大  
海之深故也其慧光照了諸相如太虛空廓然無礙  
方爲佛之隨順覺性如孔子之無可無不可是也

### 賢臣

丞相王隨居士嘗謁首山省念禪師得言外之旨自  
爾踐履益深竟明大法至臨終日書偈曰盡堂燈已  
滅彈指向誰說去住本尋常春風掃殘雪  
殿院李琛居士嘗謁福嚴雅禪師與論倩女離魂話  
未終雅曰隨他去也公曰師意如何雅曰切忌向倩  
女處著到公領悟曰元來却在這裏雅晒之翌日同  
入藏院時雪竇顯禪師爲藏主公曰便是藏主那顯  
曰是公曰藏中還說著下官麼顯曰目前可驗公曰

驗底事作麼生。顯曰：不消一割。公擬議。顯曰：且請殿院歸寮喫茶。坐次嵐霧忽起。雅曰：殿院游山恰阻烟霧。公曰：靈峰聖跡爲甚麼却有這箇。顯曰：下方無公擬對雅曰：藏主壯觀。福嚴顯曰：和尚且莫開眼。公曰：作家作家。顯曰：殿院尊重時有道士秀才到院。公曰：三教中那教最尊。顯起側立。公曰：有口何不道取。顯曰：對夫子難言。公曰：休休。便起。顯曰：適來造次公喝之。

文定公張方平居士字安道知滁州日嘗游琅琊山周行廊廡不忍去旋抵藏院有感流涕指梁間經函曰：此吾前身事也。令取而視之乃所書楞伽經始二卷齊沐續之與前書無少異。前身爲此寺知藏書未終而卒誓再書故也焚香展讀佛語心品至贊偈曰：世間離生滅猶如虛空華智不得有無而興大悲心遂洞明已見書偈曰：一念存生滅千機縛有無神鋒輕舉處透出走盤珠暮年出此經示東坡居士仍以其事語之坡題其後刻之浮玉山龍游寺。

修撰曾會居士幼與雪竇重顯禪師同舍及冠異途

天禧間值於淮甸公遂引中庸大學參以楞嚴符宗門語句質顯曰：這箇尙不與教乘合。況中庸大學耶。學士要徑捷理會此事乃彈指一下曰：但恁麼薦取公於言下領旨。天聖初公守四明以書幣迎師補雪竇。既至公曰：某近與清長老商量趙州勘婆子話未審端的有勘破處也。無顯曰：清長老道箇甚麼曰：又與麼去也。顯曰：清長老且放過一著。學士還知天下衲僧出這婆子圈積不得麼。公曰：這裏別有箇道處。趙州若不勘破婆子一生受屈。顯曰：勘破了也。公大笑。顯領衆入城緣化欲見之。聞者以謁禁告。師以偈寄公曰：碧落烟凝雪乍晴住山情緒寄重城。使君道在未相見空戀甘棠影裏行。公答曰：勞勞世務逐游沈一性澄明亘古今。目擊道存無阻隔何須見面始知心。即請公見問曰：道存無阻因甚。人來不得顯曰：他日見別處長老學士不請舉向伊。公曰：舉著又何妨。顯曰：山僧罪過。公曰：好好。應喏喏。郎中許式居士守隆興時從洞山聰禪師。或曰：足得正法眼。一日與渤潭澄上藍溥坐次澄問聞郎中道。



夜坐連雲石春栽帶雨松當時答洞山甚麼話公曰  
今日放衙早澄曰聞答泗州大聖在揚州出現底是  
否公曰別點茶來澄曰名不虛傳公曰和尚早晚回  
山澄曰今日被上蓋觀破便喝公曰不柰船何打破  
屏斗公至上蓋僧堂問首座年多少座曰六十八公  
曰僧臘多少座曰四十七公曰聖僧得幾夏座曰與  
虛空同受戒公拍床板首曰下官喫飯不似首座喫  
鹽多

參政呂慧卿居士字吉甫於法界觀研味有年後看  
李長者合論心地豁然說偈曰欲見文殊久馳心向  
五臺誰知黃卷上指出妙光來

都尉李遵勗居士字用和探索宗要有年聞慈照所  
舉因緣頓明大法述偈曰參禪須是鐵漢著手心頭  
便判直趣無上菩提一切是非莫管照詰而印之後  
作照塔銘其自叙問道始末曰予早欽風而虎溪世  
之福地也。會師退位以素緣熟乃走胥命駕百舍重  
研道將迎意遂有王城之入創茲寺居之獲陪巾屨  
之侍諦求眉髓之論師嘗諭房孺問徑山禪可學乎

曰此大丈夫事非將相之所能爲一旦聞舉一喝耳  
鑿三日之語如處蔀室耀燭而頓明如對靈山听然  
而微笑自此叙弟子禮或外館開供妙談渴聞旋請  
入都留問旬浹或命駕香刹時間輕安服勤左右六  
周歲霤于是確求歸隱者數四咸緩以他語貴其延  
居亦嘗微露風指謂吾償汝宿緣祖福有記事著傳  
錄今不可泄云云銘曰離四句絕百非嘗以禪國大  
長公主誕辰命慈照石霜葉縣就第演法最後葉縣  
登座拈拄杖拗折擲地便下座公笑曰老作家手段  
終別照曰都尉亦不得無過一日與堅上座送別公  
問近離上黨得屈中都方接塵談遽回虎錫指雲屏  
之翠嶠訪雪嶺之清流未審此處彼處的事作麼  
生堅曰利劍拂開天地靜霜刀纔動斗牛寒公曰恰  
值今日耳聾堅曰一箭落雙鵬公曰上座爲甚麼著  
草鞋睡堅以衣袖一拂公低頭曰今日可謂降伏也  
堅曰普化出僧堂又圓禪師未出世時謁公公使童  
子問曰道得卽與上座相見圓曰今日特來相看公  
又令童子問曰碑文刊白字當道種青松圓曰不因

●將經清

今日節餘日定難逢童子又出曰都尉言怎麼則與上座相見去也圓曰脚頭脚底公乃出揖坐復問我聞西河有金毛師子是否圓曰甚處得這箇消息來公便喝圓曰野干鳴公又喝圓曰恰是公大笑同留數日乃辭公曰如何是臨歧一句圓曰好自將息公曰怎麼則不異諸方也圓曰都尉見處作麼生公一放你二十棒圓曰專爲流通公拊掌圓曰瞎公曰好去圓曰喏喏圓歸唐明未幾公遣章介二師訊之圓於書尾畫雙足寫來僧名以答之公作偈寄曰黑毫千里餘金柳示雙趺人天都莫測珍重赤鬚胡楊文公會次遂問釋迦六年苦行成得箇甚麼邊事公曰檐折方知柴束重其造入妙密應機無滯類此及疾篤命邀圓圓至公盡此○相并書偈曰世界無依山河匪礙大法微塵須彌納芥拈起幘頭解下腰帶若覓生死問取皮袋圓見乃問如何是都尉本來佛性公曰今日熱如昨日却問圓臨行一句作麼生道圓曰本來無罣礙隨處任方圓公曰晚來困倦更不答話圓曰無佛處作佛有尼道堅謂曰衆生見劫盡大

火所燒時都尉切宜照顧主人翁公曰大師與我煎一服藥來尼無對公曰這師姑藥也不會煎語罷投枕未安而逝公於天聖中以所集宗門廣燈錄三十卷繳進上製序冠其卷首仍賜入大藏流行英公夏竦居士字子喬自契機於石門慈照蘊聰禪師一名日與老衲游偶上藍溥禪師至公問百骸潰散時那箇是長老自家底溥曰前月二十離斬陽公休去溥却問百骸潰散時那箇是相公自家底公便喝溥曰喝則不無畢竟那箇是相公自家底公對以偈溥休認風前第一機太虎何處著思惟山僧苦要通消息萬里無雲月上時溥曰也是弄精魂節使李端愿居士兒時在館舍常閱禪書長難婚宦之然篤志祖道遂於後圃築室類蘭若邀達觀曇顯禪師處之朝夕咨參至忘寢食顯一日視公曰非示現力豈致爾哉柰無箇所入何公問曰天堂地獄畢竟是有是無請師明說顯曰諸佛向無中說有眼見空華太尉就有裏尋無手攬水月堪笑眼前見牢獄不避心外聞天堂欲生殊不知忻怖在心善惡成境

太尉但了自心自然無惑公進曰心如何了穎曰善惡都莫思量公曰不思量後心歸何所穎曰且請太尉歸宅公曰只如人死後心歸何所穎曰未知生焉知死公曰生則某已知之穎曰生從何來公問措穎起獲其臂曰只在這裏更擬思量箇甚麼公曰會得也穎曰作麼生會公曰只知貪程不覺蹉路穎拓開曰百年一夢今朝方省有本小異既而說偈曰三十八歲曹然無知及其有何異無知滔滔汴水隱隱隋堤師其歸矣箭浪東馳

禮部楊傑居士字次公號無爲歷參諸名宿晚從天衣義懷禪師游懷每引老龐機語令研究深造後奉祠泰山雞一鳴觀日如盤湧忽大悟因以有男不婚有女不嫁之偈別曰男大須婚女長須嫁討甚閑工夫更說無生話書以寄懷懷稱善後會芙蓉楷禪師公曰與師相別幾年楷曰七年公曰學道來參禪來楷曰不打這鼓笛公曰恁麼則空游山水百無所能也楷曰相別未久善能高鑒公大笑嘗以履一緇惠齊曉山主曰菖蒲海內有一犀牛鼻孔遼天不知向

背被崔崙兒入水牽向一鈎截斷自後頭角不全慙皮別無用處海上老商裁爲隻履祖師歸去只得半邊葱額使還空傳消息至今七百來年未曾踏著完全在縱使背法堂著去未免止宿草庵直饒頂上戴來也救貓兒不得今日無爲子布施與黃梅齊曉山主莫不舉足下足皆是道場東行西行無非佛事雖然如是向道禪僧脚跟未曾夢見在且道如何得與履相應去挂向千年葛藤上洞庭湖內與人看辭世偈曰無一可戀無一可捨大虛空中之乎者也將錯就錯西生極樂

中書李林宗居士久參宗師未契後會益首座於南嶽公乃虛心扣之遂問意欲出塵今未出請師端的決疑情益曰作麼生是出塵底意公問措益召曰會麼公猛省呈偈曰心鏡從來瑩黃河本自深只因師問後砂石化爲金益曰正趨地獄公曰人我無相胡爲地獄益曰汝今何在曰見祇對次益曰只此是黃金公曰眼中添屑益大笑公便禮拜簽判劉經臣居士字與朝少以逸才登仕版於佛未

之信年三十二會東林照覺總禪師與語啓迪之乃敬服因醉心祖道既而抵京師謁慧林冲禪師於僧問雪竇如何是諸佛本源答曰千峰寒色語下有省歲餘官籬幕就參韶山果禪師將罷官辭果囑曰公如此用心何愁不悟爾後或有非常境界無量歡喜宜急收拾若收拾得去便成法器若收拾不得則有不寧之疾成失心之患矣未幾復至京師趨智海依正覺逸禪師請問因緣逸曰古人道平常心是道你十二時中放光動地不自覺知向外馳求轉疎轉遠公益疑不解一夕入室逸舉傳燈所載波羅提尊者見香至國王問何者是佛提曰見性是佛之語問公公不能對疑甚遂歸就寢熟睡至五鼓覺來方追念間見種種異相而表裏通徹六根震動天地回旋如雲開月現喜不自勝忽憶韶山臨別所囑之言姑抑之逗明趨逸悉以所得告逸爲證據且曰更須用得始得公曰莫要履踐否逸厲聲曰這箇是甚麼事却說履踐公默契乃作發明心地頌八首及著明道諭儒篇以警世詞曰明道在乎見性余之所悟者見

性而已孟子曰口之於味也目之於色也耳之於聲也鼻之於臭也四支於安佚也性也楊子曰視聽言貌思性所有也有見於此則能明乎道矣當知道不遠人人之於道猶魚之於水木實須與離也唯其迷已逐物故終身由之而不知佛曰大覺儒曰先覺蓋覺此耳昔人有言曰今古應無墜分明在目前又曰大道只在目前要且目前難觀欲識大道真體不難聲色言語又曰夜夜抱佛眠朝朝還共起坐鎮相隨語默同居止欲識佛去處只這語聲是此佛者之語道爲最親者立則見其參於前也在輿則見其倚於衡也瞻之在前也忽焉在後也取之左右逢其原也此儒者之語道最邇者奈何此道唯可心傳不立文字故世尊拈華而妙心傳於迦葉達磨面壁而宗旨付於神光六葉既敷千華競秀分宗列派各有門底故或瞬目揚眉擎拳舉指或行棒下喝豎拂拈槌或持叉張弓輟毬舞笏或拽石般土打鼓吹毛或一默一言一吁一笑乃至種種方便皆是親切爲人只然爲太親故人多因措管然見者不隔絲毫其或沈吟迢迢萬里欲明道者宜無忽焉祖祖相傳

至今不絕真得吾儒所謂念而不發開而弗違者矣  
 余之有得實在此門反思吾儒自有其道良哉孔子  
 之言默而識之一以貫之故目擊而道存指掌而意  
 喻凡若此者乃合宗門之妙旨得教外之真機然而  
 孔子之道傳之子思子思傳之孟子孟子既沒不得  
 其傳而所以傳於世者特文字耳故余之學必求自  
 得而後已幸余一夕開悟凡目之所見耳之所聞心  
 之所思口之所談手足之所運動無非妙者得之既  
 久日益見前每以與人人不能受然後知其妙道果  
 不可以文字傳也嗚呼是道也有其人則傳無其人  
 則絕余既得之矣誰其嗣之乎終余之身而有其人  
 耶無其人耶所不可得而知也故既爲記頌歌語以  
 流播其事而又著此篇以諭吾徒云

此部孫居士遺其名因楊歧會禪師來謁值視斷次公  
 曰某爲王事所牽何由免離會指曰委悉得麼公曰  
 望師點破會曰此是比部弘願深廣利濟群生公曰  
 未審如何會示以偈曰應現宰官身廣弘悲願深爲  
 人重指處棒下血淋淋公因此有省

節推朱炎居士嘗問義江禪師云未審此身死後此  
 心何住江曰此身未死此心何住公契旨述偈曰四  
 大不須先後覺六根還向用時空難將語默呈師也  
 只在尋常語默中江曰更須吐却

嘉泰普燈錄卷第二十二

音釋

- |      |      |      |      |
|------|------|------|------|
| 深尺今切 | 曷吁玉切 | 鮮息淺切 | 腕烏貫切 |
| 蘆陵之切 | 暈音運  | 繪音會  | 展於豈切 |
| 兼大到切 | 黜尺律切 | 桎音質  | 格姑沃切 |
| 內與納同 | 荔盧下切 | 疏音疎  | 倩倉甸切 |
| 晒式忍切 | 甸音奠  | 幣音弊  | 闇音昏  |
| 棠音堂  | 溥音普  | 屏荒故切 | 研五堅切 |
| 部音部  | 篇音藥  | 贖五怪切 | 據莊加切 |
| 堪知林切 | 崙盧昆切 | 雒與洛同 |      |



## 嘉泰普燈錄卷第二十三

平江府報恩光孝禪寺臣僧 正受 編

賢臣下

文公楊億居十字大年幼舉神嬰及壯負才名而未  
知有佛一日過同僚見讀金剛經笑且罪之彼讀自  
若公疑之曰是豈出孔孟之右乎何佞甚因竊閱數  
板憮然始少敬信後會翰林李公維勉令參問及由  
秘書監出守沙州首至廣慧謁元璉禪師璉接見公  
便問布鼓當軒擊誰是知音者璉曰來風深辨公曰  
怎麼則禪客相逢只彈指也璉曰君子可入公應喏  
喏璉曰草賊大敗夜語次璉曰秘監曾與甚人道話  
來公曰某曾問雲巖諒監寺兩箇大蟲相齧時如何  
諒曰一合相某曰我只管看未審怎麼道還得麼璉  
曰這裏即不然公曰請和尚別一轉語璉以手作拽  
鼻勢曰這畜生更踉跳在公於言下脫然無疑有偈  
曰八角磨盤空裏走金毛師子變作狗擬欲將身北  
斗藏應須合掌南辰後復杼其師承密證寄李維翰  
林語見僧寶廣慧傳中既而過門問道者無虛日悉隨機應之

嘗爲衆曰此事大難委悉釋迦老子於三七日中思  
惟如是事便道我寧不說法疾入於涅槃帝釋梵王  
殷勤三請不得已而許之始自鹿野苑終於拘尸城  
中間四十九年作大佛事說三乘十二分教如瓶注  
水末後於靈山會上謂大衆曰吾正法眼已付摩訶  
大迦葉又云四十九年間未嘗說一字是甚麼道理  
於諸人分上著一字脚不得爲諸人各各有奇特事  
在若喚作奇特事早不中了也我道釋迦是敗軍之  
將迦葉是喪身失命底人汝等諸人作麼生會不見  
道涅槃生死是夢言佛及衆生爲增語直須怎麼會  
取不要向外馳求若也不明乖張不少居輪苑日慈  
明楚圓禪師爲唐明嵩和尚持書至公問對面不相  
識千里却同風圓曰某奉院門請公曰真箇謾語圓  
曰前月離唐明公曰適來悔伸一問圓曰作家公便  
喝圓曰恰是公又喝圓以手畫一畫公吐舌曰真龍  
象也圓曰是何言歟公召典客令別點茶復曰元來  
是家裏人圓曰也不消得公良久又問如何是圓上  
座爲人一句圓曰切公曰怎麼則長裙新婦拖泥走

圓曰誰得似內翰公曰作家作家圓曰放內翰二十棒公搥膝曰這裏是甚麼所在圓拍手曰也不得放過公大笑復問專使還記得唐明和尚當時悟底因緣麼圓曰也曾見舉來公曰請不吝慈悲圓遂舉問僧問首山如何是佛法大意山云楚王城畔汝水東流公曰只如此語意旨如何圓曰水上挂燈毬公曰恁麼則辜負古人去也圓曰疑則別參公曰三脚蝦蟆飛上天圓曰一任踈跳公哂之取辭曰公曰某有一轉語寄上座往唐明處還得否圓曰明月照見夜行人公曰却不相當去也圓曰更深猶自可午後更愁人公曰開寶寺前金剛近日爲甚麼汗出圓曰知公曰上座臨行豈無爲人底句圓曰重疊關山路公曰恁麼則隨上座去也圓噓一聲公曰眞師子兒大師子吼圓曰放去又扶來公曰某適來失脚倒地又得家童扶起圓曰有甚了期公大笑因微恙問環大師曰某今日忽逢和大師慈悲如何醫療環曰丁香湯一碗公便作吐勢環曰恩受成煩惱環爲煎藥次公叫曰有賊環下藥於公前叉手側立公瞪目眎之

曰少叢林漢環拂袖而出又一日問曰某四大將欲離散大師如何相救環乃鼃臂三下公曰賴遇作家環曰幾年學佛法俗氣猶未除公曰禍不單行環作噓噓聲公尋書偈付左右令來早送達李都尉偈曰溫生與溫滅二法本來齊欲識眞歸處趙州東院西李見遂曰泰山廟裏賣紙錢亟跨馬至公始熟睡李撼之已逝矣朝野聞之莫不歎慕後廣慧於公諱曰設位供養爇香次有僧問從來弟子供養師今日爲甚麼師供養弟子璉曰恩來義住僧曰恁麼則令人轉憶龐居士也璉曰兩彩一賽僧噓一聲璉乃奠茶顧其僧曰鈍置老僧驢漢自餘機語見乎它集清獻公趙抃居士字悅道年四十餘擯去聲色系心宗教會佛慧法泉禪師號泉萬卷來居衢之南禪公曰親之泉未嘗容措一詞後典青州政事之餘多宴坐忽大雷震驚卽契悟作偈曰默坐公堂虛隱几心源不動滿如水一聲霹靂頂門開喚起從前自家底泉見笑曰趙悅道撞彩耳富鄭公初於宗門未有所認公勉之書曰伏惟執事富貴如是之極道德如是之盛

心夢錄

福壽康寧如是之備退休閑逸如是之高其所未甚留意者如來一大事因緣而已能專誠求所證悟則它日爲門下賀也公年七十有二以太子少保致仕而歸親舊里民遇之如故作高齊以自適題偈見意曰腰佩黃金已退藏箇中消息也尋常世人欲識高齊老只是柯村趙四郎復曰切忌錯認臨夢遺泉書曰非師平日警誨至此必不得力矣泉悼以偈曰仕也邦爲瑞歸歟世作程人間金粟去天上玉樓成慧劍無纖缺冰壺徹底清春風灑水路孤月破雲明

郎中張僅居士嘗戲問桂府義禪師曰某如今剃却頭還做得長老也無義以手摩頂召曰郎中公應諾義曰會麼公曰不會義曰于頭甚麼事公恍然有得太傅高世則居士字仲貽號無功初依芙蓉道楷禪師求指心要楷令去其所重扣已而參一日忽造微密呈偈曰懸崖撒手任縱橫大地虛空自坦平照壑輝嚴不借月庵頭別有一簾明

太史黃庭堅居士字魯直號山谷以般若夙習雖臨仕澹如也出入宗門未有所向好作艷詞嘗謁圓通

秀禪師秀呵曰大丈夫翰墨之妙甘施於此乎秀方戒李伯時工畫馬事公謂之曰無乃復置我於馬腹中耶秀曰汝以艷語動天下人姪心不止馬腹正恐生泥犁中耳公悚然悔謝由是絕筆惟孳孳於道著發願文痛戒酒色但朝粥午飯而已往依晦堂祖心禪師乞指徑捷處心曰只如仲尼道二三子以我爲隱乎吾無隱乎爾者太史居常如何理論公擬對心曰不是不是公迷悶不已一日侍心山行次時巖桂盛放心曰聞木犀華香麼公曰聞心曰吾無隱乎爾遂釋然即拜之曰和尚得恁麼老婆心切心笑曰只要公到家耳有本小異久之如雲巖謁死心新禪師隨衆入室新見張目問曰新長老死學士死燒作兩堆灰向甚麼處相見公無語新約出曰晦堂處參得底使未著在後左官黔南道力愈勝於無思念中頓明死心所問報以書曰往年嘗蒙苦苦提撕長如醉夢依稀在光影中蓋疑情不盡命根不斷故望崖而退矣謫官在黔南道中晝臥覺忽然廓爾尋思被天下老和尚謾了多少惟有死心道人不肯乃是第一相爲

中大吳中立居士字德夫居晦堂入室次堂謂曰平生學解記憶多聞卽不問你父母未生已前道將一句來公擬議堂以拂子擊之卽領深旨連述三偈呈之其後曰咄這多知俗漢齷齪古今公案忽於狼藉堆頭拾得蛭蜋糞彈明明不直分文萬兩黃金不換等閑拈出示人只爲走盤難看喫堂答曰水中得火世還稀看著令人特地疑自古不存師弟子如今却許老胡知

經濟之志用舍不能則心未平以未平之心持經世之志何時能一念萬年哉人多怒而學問尙理於道爲所知愚此其三也特視名利如脫髮甘澹泊如頭陀此爲近道且當以教乘滋茂之可也公再拜後於首楞嚴深得其旨又嘗問眞淨克文禪師曰諸經皆首標時處獨圓覺不然何也文曰頓乘所演直示衆生日用見前不屬古今老僧卽今與相公同入大光明藏游戲三昧互爲主賓非臨時處又曰一切衆生皆證圓覺而圭峰易證爲具謂譯人之訛其義是否文曰圓覺可易則維摩亦可易也維摩曰亦不滅受而取證證與證義有何異哉蓋衆生現行無明三昧卽是如來根本大智圭峰之說但知其具耳公卽領

- 589 -



趨前拈香曰海邊枯木入手成香爇向爐中橫穿香積如來鼻孔作此大事須是對衆白過始得雲居老人有箇無縫布衫分付南禪禪師著得不長不短進前則諸佛讓位退步則海水澄波今日顰伸六種震動遂召曰大衆還委悉麼有意氣時添意氣不風流處也風流泉曰遞相鈍置公曰因誰致得崇寧初到五祖拜演禪師命演舉揚演就座公復趨前拈香曰此一辨香爇向爐中供養我堂頭法兄禪師伏願於方廣座上擘開面門放出先師形相與他諸人描邈何以如此白雲巖畔舊相逢往日今朝事不同夜靜水寒魚不食一爐香散白蓮風演拍禪床一下僧出問云云

丞相富弼居士字彥國由清獻公警勵之後不舍晝夜力進此道聞證悟脩顯禪師主授子法席冠淮南往質所疑會顯爲衆登座見其顧眎如象王回施公微有得因執弟子禮趨函丈命侍僧請爲入室顯見卽曰相公已入來富弼猶在外公聞汗流浹背卽大悟尋以偈寄圓照本禪師曰一見顯公悟入深黃綠

●偶題以

傳得老師心東南謾說江山遠目對靈光與妙音後  
奏願得證悟師名遣子普送至顯上堂謝語有曰彼  
一期之誤我亦將錯而就錯公偈偈贊曰萬木千華  
欲向榮臥龍猶未出滄溟形雲彩霧呈嘉瑞依舊南  
山一色青

內翰蘇軾居士字子瞻號東坡宿東林日與照覺常  
總禪師論無情話有省黎明獻偈曰溪聲便是廣長  
舌山色豈非清淨身夜來八萬四千偈他日如何舉  
似人未幾抵荊南聞玉泉皓禪師機鋒不可觸公擬  
抑之卽微服見皓皓問尊官高姓公曰姓秤乃秤天  
下長老底秤皓喝曰且道這一喝重多少公無對於  
是尊師之後過金山有寫公照容者公戲題曰心似  
已灰之木身如不繫之舟一作眼似初生犢牛問汝平生功業  
黃州惠州瓊州

黃門侍郎蘇轍居士字子由元豐三年以罪謫高安  
會黃檗全禪師於城寺全嗣老南熟視公曰君靜而慧苟  
存心宗門何患不成此道公識之因習坐數求決於  
全無契後有省聰禪師來居壽聖公以此事往問聰

●施歸旋

●同聲問



不答公又扣之聰徐徐謂曰吾圓照未嘗以道語人吾今亦無語子公於是得言外之妙有偈見于家集云

正言王居士

名犯欽宗廟諱

依晦堂心禪師數載無所入

元祐中漕江西辭晦堂乃問嗣師得甚深法者何人曰雲巖死心新老因即之問曰某常聞三緣和合即生又聞即死即生何故有奪胎而生者某所疑也望師明決新曰且如正言作運使所到處即居其位還疑之否曰不疑新曰復何疑也由是頓去封滯

樞密徐俯居士字師川號東湖每侍先龍圖謁法昌及靈源語論終日公聞之貌如也及法昌歸寂在笑談間公異之始篤信此道後丁父憂念無以報罔極即命靈源至孝址說法源登座問答已乃曰諸仁者只如龍圖平日讀萬卷書如水傳器涓滴不遺且道尋常著在甚麼處而今捨識之後這著萬卷書底又却向甚麼處著公聞灑然有得遂曰吾無憾矣源下座問曰學士過來見箇甚麼便恁麼道公曰若有所見則鈍置和尚去也源曰恁地則老僧不如公日和

尙是何心行源大笑靖康初爲尙書外郎與朝士同志者挂鉢於天寧寺之擇木堂力參圓悟悟亦喜其見地超邁一日至書記寮指悟頂相曰這老漢脚跟猶未點地在悟顙面曰甕裏何曾走却鼈公曰且喜老漢脚跟點地悟曰莫謗他好公休去

丞相張商英居士字天覺號無盡年十九入京赴春闈抵向氏家向預夢神人報明日接相公凌晨公至向異之勞問動腴後妻以女一日入寺見僧拂拭藏經梵夾肅莊皆金字公乃怫然曰吾孔聖之教反不如胡人之書夜坐書室吟哦至三鼓向呼曰夜深何不睡去公以前意對曰正此著無佛論向曰既無佛何用論之公疑其言遂已後訪一同列見佛龜前經乃問何書云維摩詰經公信手開閱至此病非地大亦不離地大處嘆曰胡人之語能爾耶因借歸讀之向問看者何書公曰維摩詰所說經向云可熟讀然後著無佛論公知其爲誚始留心祖道元祐六年奉使江左由東林謁照覺總禪師叙論久之乃曰南昌諸山誰可與語總曰兜率悅玉溪喜公下車至八月

按部過分寧諸禪近之公請俱就雲巖寺陞堂有偈曰五老機緣共一方神鋒名向袖中藏明朝老將登壇看便請橫戈戰一場悅最後登座其提綱語要盡貫穿前列公大喜遂入兜率抵擬瀑亭公問此是甚處悅曰擬瀑亭公曰擬轉竹筒水歸何處悅曰目前薦取公佇思悅曰佛法不是這箇道理及夜話悅曰某無夢十年矣前五夜夢身立孤峰頂有日輪出于東方而公之來豈東方慧輪乎徐以所見真淨及素首座事語公公罔措悅因舉德山托鉢話令熟究之公悵然不寐至五鼓忽垂脚飄溺器猛省即造悅寢召曰某已捉得賊了也悅曰賊物在甚麼處公扣門三下悅曰且去來日相見翌旦投偈曰鼓寂鐘沈托鉢回巖頭一拶語如雷果然只得三年活莫是遭他授記來悅首肯書長偈付之囑曰參禪爲命根未斷依語生解如是之法公已深知然有至微極細之魔使人不覺不知墮在區宇更宜著便公感甚邀至建昌道中求悅一一窺察之成十偈以誌其事悅依韻酬之是歲書雲日悅澡浴示徒說偈而化訖至公哭

而慟及大拜乞證悅號真寂禪師遣親持文祭其塔崇寧中寓江寧戒壇重閣雪竇拈古至百丈再參馬祖因緣云大冶精金應無變色投卷曰審如此言豈得臨濟法道有今日也以偈寄智海普融平禪師曰馬師一喝大雄峰聲入觸髓三日顰黃檗聞知驚吐舌江西從此振宗風仍舉似圓悟克勤禪師時住碧巖勤爲點破公喟然曰始知宗師垂手處果不可以意得肯哉卽下拜政和乙未秋大慧禪師宗杲自龍安謁公時爲湛堂侍者公立問曰上座只恁麼著草鞋遠來果曰某數千里行乞而至公曰年多少曰二十四公曰水牯牛年多少曰兩箇公曰甚麼處學得這虛頭來杲曰今日親見相公公曰念汝遠來且坐喫茶纔坐復問上座此來有何事杲起稟曰泐潭和尚示寂茶毗睛齒數珠不壞舍利盈溢山中耆宿皆願得相公大手筆爲作塔銘激礪後學得遠來冒瀆鈞聽公曰某被罪于此未嘗爲人作文字今有一問問上座若道得卽與做塔銘若道不得贈公裹足歸龍安參禪去杲曰請相公垂問公曰問準老睛眼不壞是否

杲曰是公曰我不問這箇眼睛杲曰未審相公問甚麼眼睛公曰金剛眼睛杲曰若是金剛眼睛在相公筆頭上公曰恁麼則老夫爲他點出光明令他照天照地去也杲趨階曰先師多幸謝相公作塔銘公大笑以宣和四年十一月遽明口占遺表命子弟書之俄取睡枕擲門窗上聲如雷震衆驚眎之已薨矣享年七十有七

文定公胡安國居士字康侯號草庵久依上封得言外之旨崇寧中過藥山有禪人舉南泉斬貓話問公公以偈答曰手握乾坤殺活機縱橫施設在臨時滿堂鬼馬非龍象大用堂堂總不知又寄上封有曰祝融峰似杜城天萬古江山在目前須信死心元不死夜來秋月又同圓

大夫王居士遺其名以喪偶厭世相卽慕南宗於元豐慧圓清滿禪師言下知歸滿一日謂曰子乃今之陸亘也公便掩耳旣而回壇山之陽縛茅自處者三十載脇未嘗至席偶歌曰壇山裏日何長青松嶺白雲鄉吟鳥啼猿作道場散髮採薇歌又笑從教人道野

夫狂

左丞范冲居士字致虛由翰苑守豫章過圓通謁圓微道旻禪師茶罷曰某宿世作何福業今生墮在金紫囊中夫此事稍遠旻呼內翰公應喏旻曰何遠之有公躍然曰乞師再垂指誨旻捉膝一下公擬對旻曰見卽便見擬思卽差公乃豁如

中丞盧航居士與旻禪師擁爐次公問諸家因緣不勞拈出直截一句請師指示旻厲聲掛曰看火公急撥衣忽大悟公謝曰灼然佛法無多子旻喏曰放下著公應喏喏

左司都貺居士問旻禪師曰是法非思量分別之所能解當如何湊泊旻曰全身入火聚公曰畢竟如何曉會旻曰驀直去公沈吟旻曰可更喫茶麼公曰不必旻曰何不恁麼會公契旨曰元來太近旻曰十萬人千公占偈曰不可思議是大火聚便恁麼去不離當處旻曰咦猶有這箇在公曰乞師再垂直指旻曰便恁麼去鑑是鐵鑄公頓首謝之

郡王趙令衿居士字表之號超然任南康政成事簡

多與禪衲遊公堂間爲摩詰丈室適圓悟禪師奉

旨來居歐阜公欣然就其鑪錘悟不少假公固請悟曰此事要得相應直須是死一回始得公默契嘗自疏之其略曰家貧遭劫誰知盡底不存空屋無人幾度賊來亦打悟見覺令加護紹興庚申冬公與汪內翰藻李參政邴曾侍郎開詣徑山謁大慧禪師慧聞至令行者擊鼓爲衆入室公欣然袖香趨之慧曰趙州洗鉢孟話居士作麼生會公曰討甚麼碗拂袖便出慧起攔住曰古人向這裏悟去你因甚麼却不悟公擬對扣拋之曰討甚麼碗公曰還這老漢始得給事馮楫居士字濟川自壯扣諸名宿最後居龍門從佛眼清遠禪師再歲一日同遠經行法堂偶童子趨庭吟曰萬象之中獨露身遠拈公背曰好響公於是契入紹興丁巳除給事中會大慧就靈隱開堂慧下座公挽之曰和尚每言於士大夫此生決不作這蟲豸今日因甚麼却納敗闕慧曰盡大地是箇果上座你向甚麼處見他公擬對慧便打公曰是我招得越月特句 嗣坐夏徑山榜其室曰不動軒一日果

醒堂舉藥山問石頭和尚云三乘十二分教某甲粗知承聞南方直指人心見性成佛實未明了伏望慈悲示誨頭曰怎麼也不得不怎麼也不得怎麼不怎麼總不得你作麼生山罔措頭曰子緣不在此可往江西見馬大師去山至馬祖處亦如前問祖曰有時教伊揚眉瞬目有時不教伊揚眉瞬目有時教伊揚眉瞬目者是有時教伊揚眉瞬目者不是山大悟果拈罷公隨至方丈曰適來和尚所舉底因緣某理會得果曰你如何會公曰怎麼也不得嚇嚇婆婆訶不怎麼也不得嚇嚇婆婆訶怎麼不怎麼總不得嚇嚇嚇嚇婆婆訶果不顧後出知邛州移帥瀘南所至宴晦無倦嘗自詠曰公事之餘喜坐禪少曾將脇到床眠雖然現出宰官相長老之名四海傳至二十三年秋乞休致預報親知期以十月三日報終至日令後廳置高座見客如平時至辰已間降塔望闕肅拜請漕使攝那事著僧衣履踞高座囑諸官吏及道俗各宜向道扶持教門建立法幢遂拈拄杖按膝蛻然而化漕使請曰安撫去住如此自由何不留一頌以



表罕聞公張目索筆書曰初三十一中九下七老人言盡龜哥眼赤復斂目竟爾長往建炎後而名山巨刹教藏多不存公累以已俸印施凡一百二十八藏

用祝君以康兆民門人蒲大聘嘗誌其事云有語

錄頌古行於世公施經有偈曰我賦就痴癡有財貯空虛不作子孫計不爲車馬運不充

玩好用不買聲色娛置雖無南畝片瓦無屋室所得月俸給唯將贖梵書萬里遺迎介崎嶇涉長途奉安大利

中開示諸迷徒無幾披閱者咸得入無餘古佛爲半個尙乃捨全軀我今以財施痛楚不侵膚以我較古佛苦

樂萬倍殊所以不惜財非是稟性愚借問借財人終日較鋪錄無常忽地到事免生死無

龍圖王蕃居士字觀復留昭覺日聞開靜板聲有省

問南堂元靜禪師曰某有箇見處纔被人問著却開口不得未審過在甚處靜曰過在有箇見處却問公

朝旆幾時到任曰去年八月四日靜曰自按察幾時離衙公曰前月二十靜曰爲甚麼道開口不得公深

領

教授謝鳳居士字子儀號休休未詳參問因疾甚子

弟烏遣像公見援筆題曰我心之憂日月如流仰箭

必墜覆水難收蝮毒在手火然著頭天下輕於兩臂

此身同乎一漚身與物孰重心與身孰優象儒釋老

之學非內外中之求一既不著三何由收殊途同歸萬壑交流道並行而不悖聊卒歲以優游一藥對病豈問乎君臣狼虎一味適口豈擇乎藜藿珍羞孰爲瞿聃孰爲孔周雖任重而道遠未嘗休而未嘗不休故曰休休停筆而逝

待制潘良賁居士字義榮年四十回心祖闢所至挂鉢隨衆參扣後依佛燈守珣禪師久之不契因訴曰某只欲死去時如何珣曰好箇封皮且留著使用而今不了不當後去忽被他換却封皮卒無整理處又以南泉斬猫兒話問曰某看此甚久終未透徹告和尚慈悲珣曰你只管理會別人家猫兒不知走却自家狗子公於言下如醉醒珣復曰不易公進此一步更須知有向上事始得如今士夫說禪說道只依著義理便快活大率似將錢買油糞喫了便不飢其餘便道是瞞他亦可笑也公唯唯

侍郎張九成居士字子韶號無垢未第因客談楊文公呂微仲諸名儒所造精妙皆由禪學而至也於是心慕之聞寶印楚明禪師道傳大通居淨慈卽之請



問入道之要明日此事唯念念不捨久久純熟時節到來自然證入復舉趙州栢樹子話令時時提撕公久之無省辭謁善權清禪師問曰此事人人有分箇箇圓成是否清曰然公曰爲甚某無箇入處清於袖中出數珠示之曰此是誰底公俛仰無對清復袖之曰是汝底則拈取去纔涉思惟卽不是汝底公悚然未幾留蘇氏館一夕如廁以栢樹子話究之聞蛙鳴釋然契入有偈曰春天月夜一聲蛙撞破乾坤共一家正恁麼時誰會得嶺頭脚痛有玄沙屈明謁法印一禪師機語頗契適私忌就明靜庵供雲水主僧惟尙禪師纔見乃展手公便喝尙批公頰公趨前尙曰張學錄何得謗大般若公曰某見處只如此和尚又作麼生尙舉馬祖陞堂百丈卷席話詰之叙語未終公推倒卓子尙大呼張學錄殺人公躍起問傍僧曰汝又作麼生僧罔措公歐之顧尙曰祖禪不了殃及兒孫尙大笑公獻偈曰卷席因緣也大奇諸方聞舉盡攢眉臺盤趺倒人星散直漢從來不受欺尙答曰從來高價不饒伊百戰場中奪兩眉奪角衝關君會

也叢林誰敢更相欺紹興癸丑魁多士復謁尙於東庵尙曰浮山園鑑云饒你入得汾陽室始到浮山門亦未見老僧在如何公指侍僧曰蝦蟆窟裏討甚麼龍丁已秋大慧禪師董徑山學者仰如星斗公問其語要歎曰是知宗門有人持以語尙恨未一見及爲禮部侍郎偶參政劉公請慧說法于天竺公三往不值暨慧報謁公見但寒暄而已慧亦默識之尋奉祠還里至徑山與馮給事諸公議格物慧曰公只知有格物而不知有物格公茫然慧大笑公曰師能開諭乎慧曰不見小說載唐人有與安祿山謀叛者其人先爲閬守有畫像在焉明皇幸蜀見之怒令侍臣以劍擊其像首時閬守居陝西言忽墮地公聞頓領深旨題不動軒壁曰子韶格物妙喜物格欲識一貫兩箇五百慧始許可後守邵陽丁父難過徑山飯僧乘釣者意與慧議及朝政遂竄慧衡陽令公居家守服服除安置南安丙子春蒙恩北還道次新淦而慧適至與聯舟劇談宗要未嘗語往事于氏心傳錄曰憲自嶺下侍舅氏歸新淦因會大慧舅氏令拜之

憲曰素不拜僧舅氏曰汝姑扣之憲知其嘗執卷遂  
學子思中庸天命之謂性率性之謂道修道之謂教  
三句以問慧曰凡人既不知本命元辰下落處又要  
率好人入火坑如何聖賢於打頭一著不鑿破憲曰  
吾師能爲聖賢鑿破否慧曰天命之謂性便是清淨  
法身率性之謂道便是圓滿報身修道之謂教便是  
千百億化身憲得以告舅氏曰子拜何辭繼鎮永嘉  
丁丑秋旬 祠枉道訪慧於育王作妙喜泉記越明年慧  
得旨復領徑山謁公於慶善院曰某每於夢中必誦  
語孟何如慧舉圓覺曰由寂靜故十方世界諸如來  
心於中顯現如鏡中像公曰非老師莫聞此論也其  
頌黃龍三關語曰我手何似佛手天下衲僧無口縱  
饒撩起便行也是鬼窟裏走諱不我脚何似驢脚又  
被呵膠黏著翻身直上兜率天已是遭他老鼠藥不吐  
出人人有箇生緣處鐵圍山下幾千年三災直到四  
禪天這驢猶自在旁邊熟得工夫公嘗設心六度不爲子  
孫計因取華嚴善知識日供其二回食以飯糲流又  
嘗供十六大天而諸位茶杯悉變爲乳書偈曰稽首

十方佛法僧稽首一切護法天我今供養三寶天如  
海一滴牛一毛有何妙術能感格試借意識爲汝說  
我心與佛天無異一塵才起大地隔儻或塵銷覺圓  
淨是故佛天來降臨我欲供佛佛即現我欲供天天  
亦現佛子若或生狐疑試問此乳何處來狐疑即塵  
塵即疑終與佛天不相似我今爲汝掃狐疑如湯沃  
雪火消冰汝今微有知與惑鷄子使到新羅國  
參政李邴居士字漢老醉心祖道有年間大排默  
照爲邪公疑怒相半及見慧示衆舉趙州庭栢垂語  
曰庭前栢樹子今日重新舉打破趙州關爲甚麼却特地尋言  
語敢問大衆既是打破趙州關爲甚麼却特地尋言  
語良久曰當初只道茆長短燒了方知地不平公領  
悟謂慧曰無老師後語幾踉蹌過後以書咨決曰某近  
扣籌室伏蒙激發蒙滯忽自省人顧惟根識暗鈍平  
生學解盡落情見一取一捨如衣壞絮行草棘中通  
自纏繞今一笑頓釋所疑欣幸可量非大宗匠委曲  
垂慈何以致此自到城中著衣喫飯抱子弄孫色色  
仍舊既亡拘執之情亦不作奇特之想其餘夙習舊

障亦稍輕微臨行叮嚀之語不敢忘也重念始得入門而大法未明應機接物觸事未能無礙更望有以提誨使卒有所至庶無玷於法席矣又書曰某比蒙誨答備悉深旨某自驗者三一事無逆順隨緣卽應不留胃中二宿習濃厚不加排遣自爾輕微三古人公案舊所茫然時復瞥地此非自昧者前書大法未明之語蓋恐得少爲足當廣而充之豈別求勝解耶淨勝現流理則不無敢不銘佩

寶學劉子羽居士字彥脩出知永嘉問道於大慧禪師慧曰僧問趙州狗子還有佛性也無趙州道無但恁麼看公後乃於栢樹子上發明有頌曰趙州栢樹太無端境上追尋也大難處處綠楊堪繫馬家家門底透長安

提刑吳偉明居士字元昭久參眞歇了禪師得自受用三昧爲極致後訪大慧於洋嶼庵隨衆入室慧舉狗子無佛性話問之公擬答慧以竹篋便打公無對遂留咨參一日慧謂曰不須呈伎倆直須啐地折屐地斷方敵得生死若只呈伎倆有甚了期卽辭云道

次延平煥然契悟連書數頌寄慧皆室中所問者其頌不是心不是佛曰不是心不是佛不是物通身一具金鑲骨趙州親見老南泉解道鎮州出蘿蔔門司黃彥節居士字節夫號妙德於大慧一喝下疑情頓脫慧以衣付之嘗舉首山竹篋話至葉縣近前奪得拗折擲向堦下曰是甚麼山曰瞎公曰妙德到這裏百色無能但記得曾作蠟梅絕句曰擬嚼枝頭蠟驚香却肖蘭前村深雪裏莫作嶺梅看

參政錢端禮居士字處和號松窓從護國此庵景元禪師發明已事後於宗門旨趣一一極之淳熙丙申冬簡堂行機禪師歸住平田法席鼎盛公遂與往來丁酉秋微恙修書召機及國清瑞巖主僧有訣別之語機與二禪詣榻次公起趺坐言笑移時出萬緒遺三剎卽書曰浮世虛幻本無去來四大五蘊必歸終盡雖佛祖具大威德力亦不能免這一著子天下老和尚一切善知識還有跳得過者無盡爲地水火風因緣和合暫時湊泊不可錯認爲已有大丈夫磊磊落落當用處把定立處皆眞順風使帆上下水皆可

因齋慶贊去留自在。此是上來諸聖開大解脫一路。涅槃門本來清淨空寂境界。無爲之大道也。今吾如是。豈不快哉。塵勞外緣。一時掃盡。荷諸山垂顧。咸願證明。伏惟珍重。置筆顧而堂曰。某坐去。好臥去。好堂曰。相公去便。了理會。甚坐與臥耶。公笑曰。法兄當爲祖道自愛。遂斂目而逝。

內翰曾開居士字天游。久參圓悟。暨往來大慧之門。有日矣。紹興辛未。佛海慧遠禪師補三衢光孝公。與超然居士趙公訪之。問曰。如何是善知識。遠曰。燈籠柱。貓兒狗子。公曰。爲甚麼贊卽歡喜。毀卽煩惱。遠曰。侍郎。時未除翰苑。曾見善知識否。公曰。某三十年參問。何言不見。遠曰。向歡喜處見煩惱。處見公擬議。遠震聲便喝。公擬對。遠曰。開口底不是公。罔然。遠召曰。侍郎向甚麼處去也。公猛省。遂點頭說偈曰。咄哉瞎驢叢林妖孽震地。一聲天機漏泄。有人更問意如何。拈起拂子。劈口截遠曰。也只得一撇。知府葛郊居士字謙問。號信齋。少擢上第。玩意禪悅。首謁無庵全禪師。求指南。全以卽心卽佛因緣令究。

之久。無所契請。曰。師有何方便。使某得入。全曰。居士大無厭生。已而佛海來居劔池。公因從游。乃舉無庵所示之語。靖爲衆普說。海發揮之曰。卽心卽佛。眉拖地。非佛非心。雙眼橫。蝴蝶夢中家。萬里子規枝上月。三更留旬日。而後反。一日。舉不是心。不是佛。不是物。燿爾頓明。頌曰。非心非佛。亦非物。五鳳樓前山突兀。艷陽影裏倒翻身。野狐跳入金毛窟。金肯之卽遣書。頌呈海海報曰。此事非紙筆可旣。居士能過我。當有所聞矣。遂復至虎丘海迎之曰。居士見處止。可入佛境界。入魔境界。猶未得在。公加禮不已。海正容曰。何不道金毛跳入野狐窟。公乃痛領。嘗問諸禪曰。夫婦二人相打。通兒子作證。且道證父卽是證母。卽是或庵體禪師著語曰。小出大遇。淳熙六年守臨川。八年感微疾。一夕忽索筆書偈曰。大洋海裏打鼓須彌山。上聞鍾業鏡。忽然撲破。翻身透出虛空。召僚屬示之曰。生之與死。如晝與夜。無足怪者。若以道論。安得生死。若作生死會。則去道遠矣。語畢端坐而化。正月二十七日也。



侍郎李浩居士字德遠號正信幼閱首楞嚴經如游舊國志而不忘登第後聞應庵曇華禪師時住明果與大慧之道爲二甘露門乃造明果投誠入室華提其臂曰侍郎死後向甚麼處去公駭然汗下華喝出公退參不旬日竟躋堂奧以偈寄同參嚴康朝教授曰門有孫儼鋪家存甘贄妻夜眠還早起誰悟復誰迷華見稱善有鬻胭脂者亦久參應庵頗自負公贈之偈曰不塗紅粉自風流往往禪徒到此休透過古今圈積後却來這裏喫拳頭華益稱之

通判趙善期居士未詳參問嘗舉韶州乳源和尚示衆云西來的的意也不易舉唱時有僧出源劈脊便打云如今是甚麼時節汝出頭來便歸方丈公頌曰西來的的意何如舉唱多憐在半途勾賊到門還破賊信知身佩辟兵符

朝奉俞南仲居士字彥若號大山乾道間子澂仕三山公與偕往聞乾元安永禪師爲衆衲所歸欲謁之會永遷黃檗來辭公就以平日咨參求決永曰所言皆當止欠一味藥耳既去公甚以爲疑永嘗贗稱奇

居士倅案造詣高妙因修敬李舉南泉斬貓話示之仍爲頌曰提處分明斬處親落華飛絮撲行人頭戴草鞋出門去四月圓荷葉葉新公究數月有省謂其子曰我和得此偈了也子請其所以公極力拊掌三下李聞之曰且喜打透漆桶自衛智證成就年七十有二屬疾有至省問則隨機開諭一日邀僧命看華嚴僧欲歸請經公曰此自有經僧取經展卷公笑曰幾時得了且只誦多心經僧方誦心經公起趺坐泊然而逝公之高祖守尚書屯田郎中汝尚字退翁元豐七年秋與其室黃氏相期先後亡故墓表有曰夫人則沐浴而化退翁則隱几而終嘗作發願偈曰我死願作修行僧出處常與善知識生身永斷塵緣緣世世踐履菩薩道其契悟機緣未詳附見于此

## 嘉泰普燈錄卷第二十二

音釋

儼莫孔切 瞠音撐 薨呼肱切 澂音斛



孳音茲 黔音鉗 窳蘇骨切 蟻去羊切

蝦音良 舍與捨同 決子協切 姓秤去聲

藐亡角切 賴匹米切 向式亮切 臆它典切

拂扶弗切 謂才笑切 溺與尿同 倅普耕切

蓬音犁 搗楚尤切 撥於許切 豸池爾切

瀘音盧 痂音加 蕃音藩 蝮孚六切

悖音勃 叛音畔 淦音紺 啐子律切

堪知鳩切 案音節 臙音武 與音預

嘉泰普燈錄卷第二十四

平江府報恩光孝禪寺臣僧 正受 編

應化聖賢

千歲寶掌和尚中印度人也周威烈十二年丁卯降神受質左手握拳至七歲祝髮乃展因名寶掌魏晉間東游此土入蜀禮普賢留大慈常不食日誦般若等經千餘卷有詠之者曰勞勞玉齒寒似迸巖泉急有時中夜坐塔前神鬼泣一日謂衆曰吾有願住世千歲今年六百二十有六故以千歲稱之次游五臺

徙居祝融之華嚴黃梅之雙峰廬山之東林尋抵建鄴會達磨入梁師就扣其旨開悟武帝高其道臘延入內庭未幾如吳有偈曰梁城遇導師參禪了心地飄零二浙游更盡佳山水順流東下由千頃至天竺往鄮峰登太白穿鴈蕩盤礴於翠峰七十二庵回赤城憩雲門法華諸暨里浦赤符大巖等處反飛來棲之石寶有行盡支那四百州此中偏稱道人游之句時貞觀十五年也後居浦江之寶巖與朗禪師友善每通問遣白犬馳往朗亦以青猿爲使令故題朗壁曰白犬啗書至青猿洗鉢回師所經處後皆成寶坊顯慶二年正旦手塑一像至九日像成問其徒慧雲曰此肖誰雲曰與和尚無異卽澡浴易衣趺坐謂雲曰吾住世已一千七十二年今將謝世聽吾偈曰本來無生死今亦示生死我得去住心他生復來此頃時囑曰吾滅後六十年有僧來取吾骨勿拒言訖而逝入滅五十四年有剌浮長老自雲門至塔所禮曰冀塔洞開少選塔戶果啓其骨連環若黃金浮卽持往秦望山建寧塔波奉藏以周威烈丁卯至唐高宗

顯慶丁巳攷之實一千七十二年抵此土歲歷四百餘僧史皆失載開元中慧雲門人宗一者嘗勒石識之

扣冰藻先古佛建寧新豐翁氏子母夢比丘風神炯然荷錫求宿人指謂曰是辟支佛已而孕生於武宗會昌之四年香霧滿室彌日不散年十三求出家父母許之依烏山興福行全爲師咸通乙酉落髮受具初以講說爲衆所歸棄謁雪峰真覺禪師手攜見此一包醬一器獻之峰曰包中何物云見此曰何處得來云泥中得曰泥深多少云無丈數曰還更有麼云轉深轉有又問器中何物云醬曰何處得來云自合得曰還熟也未云不較多峰異之曰子異日必爲王者師後自鵝湖歸溫嶺結庵今爲永豐寺繼居將軍巖二虎侍側神人獻地爲瑞巖院學者爭集嘗謂衆曰古聖修行須憑苦節吾今夏則衣楮冬則扣冰而浴故世人號爲扣冰古佛太傅章公仔鈞聞師道譽躬迎瞻禮未幾捨館爲寺夫人練氏以子孫爵問之答以十世後如住靈曜日上堂曰四衆雲臻教老僧說箇

客語答

甚麼便下座有僧燒炭積成火龕云請師入此修行曰眞玉不隨流水化瑠璃爭奪衆星明云莫只這便是麼曰且莫認奴作郎云畢竟如何曰梅華臘月開刺史陳公誨於建安顯親寺之溪西範鐵爲三大佛既成飯僧告衆曰有能爲贊者當得奉之衆皆默然師居座末起對曰百年陳鐵一朝成佛誨大喜即跪奉以歸鐵陳之小名也天成戊子縣閩主之召延居內堂敬拜曰謝師遠降賜茶次師提起橐子曰大王會麼云不會曰人王法王各自照了留十日以疾辭至十二月二日沐浴陞堂告衆而逝王與道俗備香薪蘇油茶毗之祥耀滿山獲設利五色塔於瑞巖正寢壽八十有五臘六十有三諡曰妙應法威慈濟師之苦節異行他心慧眼備見于本錄云

酒仙遇賢和尚姑蘇長洲林氏子母夢吞大珠而孕生多異祥貌偉怪口客雙拳七歲嘗沈大淵而衣不潤遂去家師嘉禾永安可依三十剃染圓具往參錢塘龍冊珠禪師發明心印回居明覺院唯事飲酒醉則成歌頌警道俗因號酒仙初自錢塘歸執鐵鎚路

見瓦甃卽擊或問所謂曰世路不平故碎之耳建隆間創葺殿宇動費數百萬莫知其所得之由繼改三門遣匠取石柱於洞庭工久不獲卽登山呼酒仙有頃石渤後泛江風將覆舟篙人大恐師解袈裟爲帆風卽轉有虎入城見師跪伏師撫摩虎遂去郡守梅公初不識師夢與之語及見果如所夢益加禮敬凡經酒家退則座客常滿以是日常俟至聽其所需師將順世往其家曰平時飲汝酒未嘗酬直今酬之可富三世因見石臼遂嘔而羈之曰閱三日可開三日啓封結如雞子乃酒黃也是歲疫盛沃以酒服者無不愈其家遂富郡人有疾覓符不與者不救符後書陳僧二字祥符二年上元凌晨浴罷就室合拳右舉左張其口而化三七日身不斂唇色如故寺僧欲髹之其徒曰非師意也遂火葬收骨塑其像壽八十八臘五十八

南安嚴自嚴尊者泉之同安人族鄭氏世傳定光如來之應身年十一棄家依建興臥像寺契緣爲童子十七圓梵相之廬陵謁西峰雲谿禪師卽證心法通

宿命辭居黃石巖及盤古山皆虵虎窟師至乃爲使令人以雨暘男女禱者輒應比尸像而事之有沙彌無利性作禮求偈師爲書曰大智發於心於心何處尋成就一切義無古亦無今令誦之未踰月過目成誦凡所述作若隱語於後題贈以之中四字師服飾純白帽首以布跡旣著所屬聞於朝詔甚嘉之丞相王欽若參政趙安仁以下獻詩師置之不視淳化乙卯正月六日集衆曰汝等當知妙性廓然本無生滅示有去來更疑何事吾此日生今正是時遂吉祥而化閱世八十有二坐夏六十有五諡曰定光圓應禪師

法華志言大士壽春許氏子也弱冠游東都繼得度於七俱胝院留講聚之久一日讀雲門錄忽契悟未幾宿命遂通獨語笑口吻嚙嚙日嘗不輟世傳誦法華經因以名之每入市則褰裳而趨或舉手畫空佇立良久或從屠沽飲啖無擇然識福禍輒應於是名播朝野至和三年仁宗皇帝以國圖未立夜因焚香默禱曰翌日化城殿具齋虔請法華大士願俯臨

無却清旦。上道衣凝立以待。俄馳奏有僧言法華者。自右掖門徑趨將至寢殿。侍衛莫阻。上笑曰。朕請而來也。有頃至。登御榻。加趺受供。將去。上曰。朕以儲嗣未立。大臣咸以爲言。侵尋晚景。嗣息有無法華其一決之師。索筆連書三十三字。凡數十行。擲筆無他語。皆莫測其意。後英宗皇帝登極。在濮邸。諸王之數實居十三。始符前識。丞相呂許公問佛法大意曰。日本來無一物。一味總成。眞集仙王質問如何。是祖師西來意。曰。青山影裏潑藍起。寶塔高吟撼曉風。又云。請法華燒香曰。未從齋戒覓。不向佛邊求。國子助教徐嶽問如何。是祖師西來意。曰。街頭東畔底云某。未會曰。一般人會不得。僧問世有佛否。曰。寺裏文殊有問師。凡耶聖耶。舉手曰。我不在此。住慶曆戊子十一月二十三日。將化。謂人曰。我從無量劫來。成就逝多國土。分身揚化。今南歸矣。語畢。右脇而寂。知足智華道者。開封人也。傳失其氏。世務農。母孕二年。餉父田間。生於林下。濯於河兒。曰。無冰。我是時紅光燭。天太史以產異人奏。令物色得師。乃育於近臣家。

襴褌能語往事。三歲起。趺坐。知其苾芻也。及長。與圓梵相。覆體止一衲。祁寒隆暑。莫能侵。日食或倍二十人。不飽。水漿不入口。二三月不飢。一臥必三載。坐立如之。未嘗讀誦。辨才無礙。未嘗修眞。而頂出白光。忽張目大呼。而非怒。終日言笑。而非喜。每告人吉凶禍福。不差毫釐。居京都時。五府以次爭延之。間語人曰。天平白雲。是吾歸處。崇寧初。持拂歌笑出夷門。強挽不回。東來姑蘇。天平之白雲寺。緇素景從。有以佛法問者。不答。以偈請者。則大書此。且以示政和中。奄然而逝。闔維其胃腸。瑩徹若瑠璃。骨碧者如玉。黃者如金。設利無數。道俗以所化之地爲塔。奉藏鑿壙三尺。得紫石函。題其上曰。知足道場衆乃益異。入塔日。地爲之震。郡守上其事。賜金襴紫伽黎。諡淨行大師。塔曰明因風法華。名其。東京張氏子也。於開寶寺得度。誦法華不輟。所居無定。世稱風法華。有以休咎問之所答。若識過則有驗。及化。乃歌曰。歸去來兮。歸去來。不去泗州。不五臺。脫下舊鞋。著新鞋。舊鞋即時磨滅。盡新鞋。



不肯踏塵埃新鞋却似舊鞋樣替新換舊人莫猜去  
時光明道中去來時平坦路上來今生多少舊相識  
幾人似我却重回歌絕而逝

李通玄長者不知何許人或曰唐宗子殆文殊普賢  
之幻有也開元七年<sup>一云十年</sup>隱於太原壽陽方山之

主龕初至虎爲負經而神龍化泉天女給侍夜則齒  
光代燭間食棗栢因號棗栢大士嘗以華嚴大教扶  
微剔奧論而明之曲折萬旋如水赴海會釋十門妙

盡經旨總四十卷目曰華嚴論其首叙曰夫有情之  
本依智海而爲源含識之流總法身而爲體只爲情  
生智隔想變體殊達本情亡知心體合今此大方廣  
佛華嚴經者明衆生之本際示諸佛之果源其爲本  
也不可以功成其爲源也不可以行得功亡本就行  
盡源成源本無功能隨緣自在者卽此毗盧遮那也  
以本性爲先智隨根應大悲濟物以此爲名依本如  
是設其教澤滂流法界以潤含生於是寄位四天示  
形八相菩提場內現闍若以始成普光法堂處報身  
之大宅普賢長子舉果得於藏身文殊小男創啓蒙

於金色以海印三昧周法界而降靈用普眼法門觀  
塵中之刹海依正二報身土交參因果兩門體用相  
徹以釋天之寶網彰十刹以重重取離垢之摩尼明  
十身而隱隱無邊刹境自他不隔於毫端十世古今  
始終不移<sup>一作</sup>於當念其爲廣也以虛空而爲量其  
爲小也處極微而無跡十方無卷匪虧小相之中纖  
塵不舒含十方而非礙智海果德乃殊分於五位之  
門常住法堂示進修於九天之上此方如是十刹皆  
然聖衆如雲海會相入聖凡不等狀多鏡以納衆形  
彼此無妨若干燈而共一室此經總有四十品之勝  
典互開果復之智門百萬億之妙言咸舉佛華之行  
海十身十會闍十之法門十處十方啓十之通  
辨<sup>一云啓十通</sup>十現品內示因果以結始終給孤園  
中利人天而明法界目連鷲子隔眎聽於對顏六千  
比丘啓十明於路上覺城東際五衆咸臻古佛廟前  
同登十智善財發明導首用彰來衆齊然又成五位  
法門具德行其軌範令使啓蒙易達解行無疑遣信  
首文殊之前正證妙峰之頂經過五衆成一百一十



之法門至慈氏之園結會一生之佛果返視文殊之初友明以果同因後入普賢之妙身彰體用圓極此經名大方廣佛華嚴經者大以無方爲義方以理智爲功廣則毫剎相容佛乃體用無作華喻行門可樂能敷理事之功嚴即依正莊嚴經即貫穿縫綴世主

妙嚴品者類會同流法門均隔爲品此經總有四十品之勝典此品建初故稱第一是故言大方廣佛華

嚴經世主妙嚴品第一釋此一部之經總作十門分別第一明依教分宗第二明依宗分教第三明教義

差別第四明成佛同別第五明見佛差別第六明說教時分第七明淨土權實第八明攝化境界第九明

因果延促第十明會教始終云云以十八年或作二十年

三月二十八日論成竟爾趨寂是日飛走悲鳴白虹

貫天四衆擁觀歎未曾有壘石葬于山北清泰中村

民撥石得連環金骨扣之如簧天福三年再造石塔

瘞于山之東七里始翬屋廬號昭化院 皇朝初閩

僧志寧以其論義分布經中是爲合論至元祐戊申

歲無盡居士張商英漕江左出按壽陽因齋戒至謁

於破屋之下散帙間得華嚴修行決疑論四卷疾讀數紙疑情頓釋乃移文令廢淫祀置長者像爲民祈福十月七日治地八日白光現於山南父老扣頭悲淚曰不知長者之福吾土也請併院新之施心雲起不唱而和無盡嘗記其實云

呂巖真人字洞賓京川人也唐末三舉不第偶於長安酒肆遇鍾離權授以延命術自爾人莫之究嘗游廬山歸宗書鍾閣壁曰一日清閑自在身六神和合

報平安丹田有寶休尋覓對境無心莫問禪未幾道經黃龍師觀紫雲成蓋疑有異人乃入謁值龍陞堂

龍見意必呂公也欲誘而進厲聲曰座傍有竊法者呂毅然出問一粒粟中藏世界半升鐺內煮山河且

道此意如何龍指曰這守屍鬼呂曰爭奈囊有長生不死藥曰饒經八萬劫終是落空亡呂薄訝飛劍脅

之劍不能入遂再拜求指歸龍詰曰半升鐺內煮山川卽不問你如何是一粒粟中藏世界有本小異呂於言

下頓契作偈曰棄却瓢囊撼碎琴如今不戀水中金自從一見黃龍後始覺從前錯用心龍囑令加護後

謁潭之智度覺禪師有曰余游韶邨東下湘江令見覺公觀其禪學精明性源淳潔促膝靜坐收光內照一衲之外無餘衣一鉢之外無餘食達生死岸破煩惱殼方今佛衣寂寂兮無傳禪理懸懸兮幾絕扶而興者其在吾師乎聊作一絕奉記達者推心方濟物聖賢傳法不離真請師開說西來意七祖如今未有人皇祐間至西湖淨慈即圓照本禪師室照見之乃曰黃龍道底呂曰錢大不要饒舌便出圓照乃錢王後身也見揚無爲圓時往來接化京華而人鮮遇有偈曰獨自行來獨自坐無限世人不識我唯有橋東老樹精分明知道神仙過有老宿見此偈問禪者曰既是神仙爲甚麼却被樹精觀破宣和中抵四明金鵝寺顧方丈蕭然頃有童子出呂問此何寥寥童云莫道寥寥虛空也不著呂嘉其言題詩於壁曰方丈有門出不鑰見箇山童赤雙腳問伊方丈何寥寥報道虛空也不著聞此語何欣欣主翁豈是尋常人我來謁見不得見渴心耿耿生埃塵歸去也波浩渺路入蓬萊山杳杳相思爲上石樓時雪晴海闊千峰曉

張用成真人字平叔天台人也熙寧己酉至成都有授以丹砂者久之功乃成且曰吾形雖固而本源真覺之性有所未究豈宜自怠遂探佛書讀傳燈有省著悟真篇警於世嘗作禪宗歌頌其自叙曰此恐學道之人不通性理獨修金丹於性命之道未備則運心不普物我難齊又焉能究竟圓通迺超三界故首楞嚴經言十種仙皆是人中鍊心堅固服餌壽千萬歲不修正覺報盡還來散入諸趣彌勒菩薩金剛經頌有云饒經八萬劫終是落空亡故此悟真篇先以神仙命術誘其修鍊次以諸佛妙用廣其神通後以真如空性遣其幻妄而歸於究竟空寂之本源矣近黃冠謂呂公見黃龍初無是說乃釋輩欲神其禪宗耳苟以平叔方之則呂公參問可見古今服藥鍊形之士不爲不多獨二公不以功成自居回心祖道殆出三界其下於二公者爲如何哉吁

拾遺未詳法

福州東山雲頂禪師泉南人遺其以再下春闈往雲臺大吼寺剃染具戒即謁大愚芝神鼎諶諸名衲後見羅漢下尊宿始徹已事道學有聞叢林稱爲頂三教出住東山遷數剎上堂曰一句函蓋乾坤不離

毛吞巨海一句截斷衆流不離斬釘截鐵一句隨波逐浪不離目機銖兩若是通玄上士出言坐斷天下老和尚舌頭若不到這裏進前築著鼻孔退後墮坑落壑各自知時打草鞋行脚去上堂召大衆曰諸佛說法似擲劍揮空祖師傳心如著鞋上樹天下老和尚指注徧大地盡是葛藤更說無心是道乃同死漢直得山河大地與自己無差坐在法身處見聞不脫光影似搖生死茫然如何辨主直須透過如水入水如風入風拋擲自由開合不成孔竅爲妙九龍觀道士并三士人請上堂儒門畫八卦造契書不救六道輪迴道門朝九皇鍊真氣不達三祇劫數我釋迦世尊洞三祇劫數救六道輪迴以大願攝人天如風輪持日月以大智破生死若劫火焚秋毫入得我門者自然轉變天地幽察鬼神使須彌鐵圍大地大海入一毛孔中一切衆生不覺不知我說此法門如虛空俱含萬象一爲無量無量爲一若人得一卽萬事畢珍重上堂夢中作大梵王位不如醒後一縣尉種種勞筋骨何似展脚睡明得自己無許多般若

未明自己假饒如今一身現得十身盧舍那佛使雷音徧衆刹化佛滿世間俱是夢中事須知向上一段函蓋乾坤耀古騰今靈光不礙入生入死與物推移救度無量衆生出三界牢獄散壞無量諸魔宮殿息滅無量諸煩惱火便共釋迦彌勒同坐一華老僧如此說箇化門且要人天小果生希奇之念若據迦葉門下從來無這般說話華嚴大會上堂廣大寶乘住四衢文殊前引普賢扶肥壯白牛甚有力一念徧游無卷舒世尊御也四十九年三百六十餘會演大乘經有十箇三千大千世界微塵數偈一四天下微塵數品其諸餘部帙不可勝言使大海須彌爲筆墨未能書寫得盡世尊又說過五十六億萬年後有彌勒佛出世悲臻末劫劫海無涯佛海無際非口所宣非心所測皆是世尊度脚買靴之說看風使帆之義世尊又說有大法眼藏付囑迦葉且未有世尊迦葉時此法眼藏在甚麼處安著若有人知得落處出來說看僧問如何是乾元境曰千峰寒色云如何是境中人曰二尊不並化問如何是毗盧師曰口吐

陰陽宣造化云超然迥出威音外也曰須作披毛帶  
角人去始得 問如何是有漏曰破屋云如何是無  
漏曰古井 問如何是祖師西來意曰孤舟載明月  
云意旨如何曰來往照閻浮 俗士問三道寶階曲  
爲初機向上一路請師直指曰高皇斬白蛇當年用  
此劍云不背一切人不向一切人也曰頭在這裏尾  
在那邊 問昔日柏如題柱未是作家今日橋成請  
師下筆曰彩氣夜常動精靈曰少逢云荆山有玉鑒  
在下和曰洪州斬冬瓜滿江皆是血 問月落碧潭  
時如何曰仙人禮枯骨云轉變後如何曰北邙山下  
俗士問如何是卽色是空曰春地入竹筒云暫時調  
直和曰從地獄出更作畜生 問如何是和尙日用  
事曰我喫飯汝受飢云法法不相到又作麼生曰汝  
作罪我皆知 問如何是和尙一枝拂曰打破修行  
窟云怎麼則本來無一物也曰知無者是誰云學人  
罪過曰再思可矣 俗士問洞山道有一物上拄天  
下拄地未審是甚麼物曰擔鐵枷喫鐵棒云天地黑  
山河走曰閻老殿前添一鬼北邙山下臥千年土叫

快活快活師曰也是野狐吞老鼠 問如何是佛曰  
舉世無相以如何是道曰清風拂白月  
京洛和尙不知何許人久居嵩少後廬舒慚之間嘗  
沮座下童行習讀唯令參究適李後主以試經選僧  
得度者衆諸童慍見曰和尚止某等誦經今何望師  
占偈曰比擬將心合太虛免教和氣有親疎誰知道  
德渾無用今日爲僧貴識書刺史聞以偈而主悉方  
其服  
婺州雲幽重憚禪師今日初謁雪峰存禪師次依石  
霜諸禪師乃開悟旋里隱居蔽形唯一衲後住雲幽  
上堂曰雲幽有一語入門便相與汝若諦審來我  
卽途中去 上堂雲幽一隻箭虚空無背面射去遍  
十方要且無人見時有僧出問如何是和尙一隻箭  
曰盡大地人無觸體  
建寧府千山智榮禪師侍三教頂禪師之久未有所  
證脇不至席者數年一日飯後至鍾閣經行聞忽雷  
而悟述偈曰一震驚天地轟轟不是聲何勞動苦覓  
時至自然明以所見白頂頂曰此乃觀音入道之門



也宜自護持出住等覺衲子蜂集

雙溪布衲如禪師因嵩禪師戲以詩悼之曰繼祖當吾代生緣行可規終身常在道識病懶尋醫貌古筆難遡情高世莫知慈雲布何處孤月自相宜師讀罷舉筆答曰道契平生更有誰閬鄉於我最心知當初未欲成相別恐誤同參一首詩投筆坐亡於六十年後塔戶自啓其眞容儼然

舒州海會如新禪師 僧問承師有言橫說豎說猶未知向上關楨子如何是向上關楨子曰賴遇孃生臂短 問繡半挂角時如何曰恁麼來恁麼去云爲甚麼如此曰只見好笑不知爲甚了如此

舒州投子通禪師 僧問遠磨未來時如何曰兩岸唱漁歌云來後如何曰大海涌風波 問如何是孤峰頂上節操長松曰能爲萬象主不逐四時凋 問如何是和尙這裏佛法曰東壁打西壁

舒州海會通禪師 僧問如何是和尙爲人一句曰清光滿目云學人不會曰茶灰抹土 問如何是佛法大意曰柿桶蓋椀笠云學人不曉曰行時頭頂戴

坐則挂高壁

舒州四面懷清禪師初住斬口與化 僧問臨濟三玄似石女向波中作舞雲門關楨閃爍如鷄子過新羅去此二途與化當行何令曰道甚麼云恁麼則和尙與古人出氣師以拄杖打禪床曰若不點破將謂山僧瞌睡

處州法海立禪師因 朝廷有 旨革本寺爲神霄宮師陞座謂衆曰都緣未徹所以說是說非蓋爲不眞便乃分彼分此我身尙且不有身外鳥足道哉正眼觀來一場笑具今則 聖君垂旨更僧寺作神霄佛頭上添箇冠兒筭來有何不可山僧今日不免橫擔拄杖高挂鉢囊向無縫塔中安身立命於無根樹上嘯月吟風一任乘雲仙客駕鶴高人來此呪水書符叩牙作法他年成道白日上昇堪報不報之恩以助無爲之化只恐不是玉是玉也大奇然雖如是且道山僧轉身一句作麼生道還委悉麼擲下拂子竟爾還寂郡守具 奏其事奉 旨改其寺曰眞身汝州天寧明禪師改德士曰師登座謝 恩畢乃曰



木簡信手拈來坐具乘時放下雲散水流去寂然天地空卽歛目而逝

成都府保福贊禪師郡之唐氏子住保福日 僧問如何是閩州境曰錦屏天下秀淩水月中清云祖意教意是同是別曰兩輪日月並光輝一合乾坤同覆載

蜀中仁王欽禪師 僧問如何是佛曰聞名不如見面云如何是祖師西來意曰開市裏弄胡孫云如何是道曰大蟲看水磨

神照本如法師嘗以經王請益四明尊者者震聲曰汝名本如卽領悟作偈曰處處逢歸路頭頭達故鄉本來成現事何必待思量

本嵩律師因無爲居士楊傑請問宣律師所講毗尼性體嵩以偈答曰情智何嘗異犬吠地自行終南的意日午打三更

臨安府上天竺證悟圓智講師台城人族林氏年二十四剃染依白蓮僊法師入室問具變之道僊指行燈曰如此燈者離性絕非本自空寂理則具矣六凡

四聖所見不同變則在焉智不契後因掃地誦法華至知法常無性佛種從緣起始論旨白僊僊然之自領徒以來嘗患本宗學者囿於名相膠於筆錄至以天台之傳爲文字之學南宗鄙之乃謁護國此庵元禪師夜語次智舉東坡宿東林偈云也不易到此田地庵曰尙未見路徑何言到耶云只如他道溪聲便是廣長舌山色豈非清淨身若不到此地地如何有這箇消息曰是門外漢耳云和尚不吝可爲說破曰却只從這裏猛著精彩覷捕看若覷捕得他破則亦知本命元辰落著處智通夕不寐及曉鐘鳴去其秘密以前偈別曰東坡居士大饒舌聲色關中欲透身溪若是聲山是色無山無水好愁人持以告此庵庵曰向汝道是門外漢智禮謝未幾有化馬祖殿瓦者求語發揚智書曰寄語江西老古雖從教日父與風吹兒孫不是無料理要見冰消瓦解時此庵見之笑曰須是這閤梨始得

金陵鐵索山主遺其 僧問久嚮鐵索未審作何面目主打露柱僧云謝見示主曰你據箇甚麼便怎麼

道僧却打露柱主曰且道索在甚麼處僧作量勢主曰今日遇箇同參

渤潭山前一老僧庵居有年未嘗言參問獨秀宏禪師初來主此山僧聞書偈附樵者邀宏飯偈曰瓦甌炊陳粟瓷罌煮薺苗不嫌山味薄必赴老夫招宏讀之曰山前有此老兒耶乃振策獨往言笑終日僧翌旦乃逝

温州爭居尼圓機出郡之戴氏唐景雲中得度嘗習定於大日山石窟一日忽念曰法性湛然本無去住厭喧趣寂豈為達耶乃往參雪峰禪師峰問甚處來云大日山曰日出也未云若出則融却雪峰曰汝名甚麼云圓機曰日織多少云寸絲不挂遂禮拜而退峰召曰袈裟拖地機纔整衣峰曰又道寸絲不挂機頓領深旨世傳圓機乃永嘉大師之弟子嘗同遊方以景雲歲月考之是矣第所見雪峰非真覺也永嘉既到曹溪必嶺下雪峰耳

温州陳道婆者嘗遍扣諸名宿後於長老山淨禪師語下發明有偈曰高坡平頂上盡是採樵翁人人盡懷刀斧意不見山華映水紅

卷第二十四

音釋

藻音早	憚許慎切	鄧音茂	礪音泊
澡音早	宰蘇骨切	攷考同	識音志
炯音迴	仔音茲	球音求	臂扶歷切
羣音覓	髹音休	𠵿張尼切	囁而涉切
嚙音儒	輟陟劣切	褰去虔切	掖音亦
儲音除	濮音卜	邸音底	襴居兩切
祿音保	祁音岐	殆音待	鷺音秋
簣音黃	瘞騎厲切	脅虛業切	撼所六切
榔尹林切	鮮是淺切	鑰音藥	闌音圍
度音鐸	邛音亡	繻音鈴	囿音又

嘉泰普燈錄卷第二十五

平江府報恩光孝禪寺臣僧 正受 編

諸方廣語

西蜀仁王欽禪師示衆曰若據德山嚴令豈容一箇上來暫依百丈規繩且許諸人立地山僧恁麼開口已是不善隄防忽若衆中有箇解倒行此令底衲僧

出來喝散大衆掀倒禪床擲下堦來豈不遭他毒手而今既無恁麼底漢教山僧坐地對了諸人說箇甚麼卽得若是叢林法則禪苑清規自是諸人知有底事何用山僧苦口相勸自餘無非發明自己決擇死生在衣線下斯爲急要雖然這一段事莫非當人自知皮下有血向已躬下猛省得來譬地有箇悟入處只始知不自外來不從人得若未得箇端的悟入處只是向人口角頭尋言逐句刺頭入經裏論求玄覓妙猶如入海筭沙捫空追響只益疲勞終無了日殊不知大覺老人爲見衆生根器不等出來立箇權實法門隨機設教應疾施方盡是譬喻表顯之談要諸智者以譬喻得解故有大乘小乘半字滿字由漸入頓從始暨終說染說淨揀凡揀聖莫非發明這一段事所以道三世諸佛之所證蓋證此也如來爲一大事出現蓋爲此也三藏十二部一切修多羅蓋詮此也所謂一切衆生妙圓覺心本無生滅圓同大虛如淨瑠璃內含寶月如大明鏡照了萬殊光體無二如大摩尼寶珠映於五色隨方各現如百千燈光照一室

其光圓滿無壞無雜然後便依這裏立箇體用則有三種土三種身於淨妙國土中則有報身佛解脫國土中則有化身佛所謂身依義立土據體論法性身法性土究竟得來猶是教家極則未離光影邊事到這裏直得言思路絕無可指陳乃云始從光耀土終至跋提河如是二十間未嘗談一字於是迴紫金山擊七寶几瞬青蓮目顧視迦葉迦葉微笑乃普告大眾云吾有正法眼藏涅槃妙心付與摩訶大迦葉爲第一祖教外別傳於五百歲後與大地衆生直證妙心由是佛佛授手祖祖相承達磨爰來此方禪光由茲得髓自是曹溪已後列派分宗無非宏法爲人延佛慧命其間忽若遇箇上上根輩一聞千悟直下無疑如芥投針絲毫不錯或向一棒一喝下明或於一機一境上會自然脫略窠臼不滯見聞似這般漢聞甚深法如清風屈耳警然而過聞百千諸佛出世如不聞相似豈況教伊向經論裏推尋於人口角頭取辨出來眼卓朔地似箇識蹤獵犬喚一聲便知落處選甚挂角羴羊賣蹤狡兔聞聲見影去便拏來只是

千人萬人中不得一箇半箇所以後代祖師又不免別通線路曲爲中下之機於第二義門東引西樓看他還會也無有時就他六根門頭指箇常光獨露底向伊道靈光洞照迴脫根塵體露眞常不拘文字心性無染本自圓成但離妄緣卽如如佛且要他從這裏趣人便有沒意智漢纔聞怎麼說話便向自己色身內觸骸前認箇昭昭靈靈底隱隱地似一面古鏡如一顆明珠亘古亘今照天照地殊不知這箇你若識不破正是無始劫來出驢胎入馬腹底是名無始劫來生死本癡人喚作本來人雖然如是也怪他不得何故且如靈山會上百萬之衆其間智如鶩子辯若滿慈尙乃茫然不知落處豈況乾慧禪客無聞比丘教理未嘗措懷玄道無由契悟是以近代參學人纔入門來便呈箇自己見解云不離當處常湛然覓則知君不可見又云六般神用空不空一顆圓光色非色有底但叉手當胷張目直視云在這裏各把箇死蛇頭有甚麼提掇處或但於一切法空處會將去謂一切諸法本來空寂故云無明實性卽拂性幻化

空身卽法身幻身終歸敗壞法身本體恒然但於理性明將來聲色裏透出去直得綿綿密密不漏絲毫純是眞空更無別法又有一般擔板禪和不明回互之機只認箇平實語句但見山是山水是水僧是僧俗是俗板頭只是板頭拄杖只是拄杖移易他絲毫地位不得皆是自不具眼未遇作家於法於人不能甄別由是發明不徹悟入乖差次第相承過非一二師眼不正弟子見邪承授能浮致斯得失良由不辨佛祖正脉各逐己見開張令後學未識旨歸但望風而言參請更有十年二十年向江湖上走自號飽參遍歷諸家門戶謂祖師言句自有來由從上機緣各有淺深把諸家相似語比類排布錄作大冊小冊藏衣單下不令人見到處把作宗門玄旨或則先明道眼因緣次過擇法眼話然後透聲透色拂跡忘情或有見來參者便舉箇修山主頌與他理論要見一切諸法不離本心大地虛空非心外法所以撲落非他物縱橫不是塵山河及大地全露法王身方明盡大地是箇眞實人體盡大地是箇解脫門盡大地是毗

盧一隻眼盡大地是自己法身，怎麼見得心外無法？實自心一切處總怎麼也，或說空劫已前自己日用自己不行鳥道，直透龍門，言尊貴邊事則忌觸諱，當頭於異類中行，要須披毛戴角，或明一色，轉位回機及去，及盡然後於枯木上更糝些子，華始得或示學者，但畫作圓相，或全明全暗，或半暗半明，或偏或正，或點或破，百數十箇度樣子，一一須辨得下，始得或但一切法本無自性，亦無自己，所以祖師云本來無一物，何處有塵埃，但怎麼會得徹去，不爲一切諸法所礙，其餘更有甚麼事？如上許多見解，皆是情存滲漏，各護師承，殊不知宗師家出一言半句，乃是方便門中垂手爲人，初非自立門風，爲一宗說話，後代兒孫忘了祖翁，各認箇爺，互立宗旨，便將他古人一問一答盡作自受用，三昧要得如擊石火閃電光，但莫入陰界擬議，一向高禪將去，或棒喝扶持，好晴好雨，好燈籠好露柱，拂袖便行，禮拜出去，則無不甚深，無不解脫，此蓋言其大略爾。若論三玄三要四種料揀五位君臣二種滲漏，內紹外紹王種臣種同詮性

海轉側流注法身有二種病三種光，如斯之類不可備舉。有底纔聞說著，總一味作建立會，却便道諸佛未出世，祖師未西來時，還有怎麼說話也，無便舉僧問趙州如何，是玄中玄，州云：「闍梨玄來多少？」僧云：「玄來久矣。」州云：「儂若不得老僧幾乎玄殺，便將這箇話印定了。」也有云：古人玄妙之設，豈徒然哉？若怎麼會則三玄五位皆爲施設，要須就裏一一明辨出來，方見臨濟洞山用處，有舉僧問雪峰：「臨濟四喝意旨如何？」峰云：「他家宗旨，我所未知。」汝尋臨濟下兒孫問之，僧後問南院，仍舉雪峰所遣之意，南院大展坐具，望南方禮拜云：「雪峰古佛，又以此語印定了也。」又安可以古人二期救弊之語爲定論哉？不見道怎麼也，不得不怎麼也，不得怎麼不怎麼，總不得若是頂門具眼底，自解出脫，設若把一大藏教都作建立會，却也怪他不得。祖師機緣一一就裏明辨出來，亦總由他，你有甚麼擬議處，豈可互立知解，各認門風，便道諸家宗旨各有長處，亦不必議他底，如兩異姓人隔壁住，彼此各不相知，閨閣裏事一般是甚麼說話，不



見臨濟大師道一切處無非是道流歸舍處怎麼見得便能於一刹那間入淨入凡入聖入彌勒樓閣入毗盧法界處處游履國土須知是箇無依道人乘境出來且不是有莫作有見不是無莫作無見不是佛莫作佛見不是法莫作法見且不是你無始時來生死報本又不是你體面前昭昭靈靈底又不是你六根門頭攀緣徧計底直須見得透頂徹底和會得來總是一家裏事更無如許殺訛等見解方能爲一切人去黏解縛出釘拔楔若具怎麼手段只將平生參得多知多解築向肚皮裏飽餉餉地向人家叢林板頭喫了飯坐禪觀行舌持上齋把捉念漏不令放起是外道法祖師云你若住心看靜舉心外照攝心內澄凝心入定如是之流皆是造作忽若一旦被些福緣推出來便即點胷自負爭人爭我爭勝爭負恣意亂統貶剝諸方這家說平實那家只掠虛有宗一向滯著語言有宗坐在無事閑裏一向開大口道天下無人及乎被明眼人靠著見得他自無眼目不識好惡有時是處又即拋却不是處強作主宰如

說藥人真藥現前自不能辨只是學得虛頭到處開眼鼓弄輦俗誑諱無知便有瞎禿子白衣輩十箇五箇簇著他如蒼蠅聞臭肉相似便聚頭鬪咬將去纔經久久臭氣過了見無可嗜依前散去到這裏也須回頭識羞始得這箇事且不是你說得底道理直饒你說得天華亂墜頑石點頭也是口頭辨更須就你覓箇履踐處且不是持戒忍辱方便行檀入定修禪強勞精進又不是隨緣消舊業更莫造新殃便當得去須知親近般若有四種藏鋒之用親近以自治藏鋒之以治物古來住山老衲蛇虎就手而食歸宗禪師見蛇即憂爲兩段取性和尙凡見蟲蛇盡皆打殺拋却云取性取性立沙見虎僧云和尚沙云是你靈潤法師山行野燒迅飛而來衆皆避之法師安步徐行曰心外無火火實自心爲火可逃無由免火火至自滅到這箇田地且不是修證得底道理也不是煉得身心如枯木石頭寒灰死火無些子氣焰逼著他便得怎麼地且莫錯你若要得於一切處自由自在直須具大無畏如師子游行不求伴侶方得名爲

大自在故教中云譬如人畏時非人得其便如是弟子畏生死故色聲香味觸法得其便也已離畏者一切五欲不能爲也然雖怎麼忽若有箇飢來喫飯困即打眠底聞怎麼說話也不用起來與你辯論只是喉嚨裏作箇呬呬聲也須更疑著他在珍重

勸潭真淨文祖師示衆喝一喝舉拂子曰唧唧盡十方世界若凡若聖若僧若俗草草若木盡向拂子下成佛作祖無前無後一時解脫還有不解脫者麼設有命若懸絲遂拈掌曰知音者少所以此箇事論實不論虛參須實參悟須實悟若纖毫不盡總落魔界豈不見古人道平地上死人無數過得荊棘林是好子如今人多是得箇身心寂滅前後際斷一念萬年去休去歇去古廟裏香爐去冷湫湫地去便爲究竟殊不知却被此勝妙境界障蔽自己正知見不能現前神通光明不能發露或又報箇平常心是道以爲極則天是天地是地山是山水是水僧是僧俗是俗大盡三十日小盡二十九依草附木不覺不知一向迷將去忽問他我手何似佛手便道是和尙手我脚

何似驢脚便道是和尙脚人人盡有生緣處那箇是上座生緣處便道某是某州人是何言歟且莫錯會好凡百施爲須要平常一路子以爲穩當定將去合將去更不敢別移一步怕墮坑落壑長時一似雙盲底人行路一條拄杖子寸步拋不得緊把著憑將去步步依倚一日若道眼豁開頓覺前非拋却杖子撇開兩手十方蕩蕩七縱八橫東西南北無可不可豈可一向倚他門戶傍他行脚有甚快活自己畢竟如何不見雲門大師道而今天下老和尚多是師承學解路布葛藤印板上打來模子裏脫出當人若是明去何不一切臨時又不見臨濟大師云我這裏是活祖師西來意把來使用立處皆真他不說古又如何今又如何這語得那語不得那裏是虛這裏是實你與我拈出絲毫許實底道理來看此蓋當人眼不開自無見處一向承虛接響百般忌諱自纏自縛直饒聞恁說當下忽然見得個儻分明去也是棺木裏瞪眼如今還有無師智自然智不與萬法爲侶者咄赫底丈夫漢醺醺斷斷千變萬化見我怎麼胡言漢語

便好近前。齋口搗拽下。倚子擲向三門外。喝散大眾。豈不快哉。還有麼。良久曰。若無且看老僧騎案山。跳入你諸人眼睛裏。七顛八倒。呵佛罵祖去也。復喝一喝下座。

天寧芙蓉楷禪師示衆曰。夫出家者。爲厭塵勞。求脫生死。休心息念。斷絕攀緣。故名出家。豈可以等閑利養。埋沒平生。直須兩頭撒開。中間放下。遇聲遇色。如石上栽華。見利見名。似眼中著屑。況從無始以來。不是不曾經歷。又不是不知次第。不過翻頭作尾。止於如此。何須苦苦貪戀。如今不歇更待何時。所以先聖教人。只要盡却。今時能盡。今時更有何事。若得心中無事。佛祖猶是冤家。一切世事。自然冷淡。方始那邊相應。你不見隱山至死不肯見人。趙州至死不肯告人。匾擔拾橡栗爲食。大梅以荷葉爲衣。紙衣道者。只披紙立太上座。只著布石霜置枯木堂。與人坐臥。只要死了你心。投子使人辦米同煮。共食要得省取你事。且從上諸聖有如此榜樣。若無長處。如何甘得諸仁者。若也於斯體究的不虧人。若也不肯承當。向後

人或作衆

深恐費力。山僧行業無取。豈主山門。豈可坐費常住。頓忘先聖付囑。今者輒欲略數古人爲住持體例。與諸人議定。更不下山。不赴齋。不發化主。唯將本院莊課一歲所得。均作三百六十分。日取一分用之。更不隨人添減。可以備飯。則作飯。作飯不足。則作粥。作粥不足。則作米湯。新到相見茶湯而已。更不煎點。唯置一茶堂。自去取用。務要省緣。專一辦道。又況活計具足。風景不疎。華解笑鳥。解啼木馬。長鳴石牛。善走天外之青山。寡色耳畔之鳴泉。無聲嶺上猿啼。露濕中宵之月林間鶴唳。風回清曉之松春風起時。枯木龍吟。秋葉凋而寒林華散。玉塔鋪苔。薛之紋人面。帶煙霞之色。音塵寂爾。消息宛然。一味蕭條。無可趣向。山僧今日向諸人面前說家門。已是不著便。豈可更去陞堂入室。拈槌豎拂。東喝西捧。張眉努目。如癩病發。相似不唯屈沈上座。況亦辜負先聖。你不見達磨西來到少室山下。面壁九年。二祖至於立雪。斷臂可謂受盡艱辛。然而達磨不曾措了一詞。二祖不曾問著一句。還喚達磨作不爲人得。麼喚二祖做不求師得。





顯八到江南人護江南人廣南人護廣南人淮南人護淮南人向北人護向北人湖南人護湖南人福建人護福建人川僧護川僧浙僧護浙僧道我鄉人住院我去贊佐他一朝有箇不周旋翻作是非到處說苦哉苦哉恁麼行脚拖彩殺人鈍置殺人苦是箇漢一劃劃斷多少自由自在若也劃不斷處處被愛之所縛愛色被色縛愛院被院縛愛名被名縛愛利被利縛愛身被身縛你何不退步思量你這臭皮袋子有甚麼好處當時只爲你有一念愛心便入母胎中受父精母血交構成一塊膿團母喫熱時便愛羹湯地獄母喫冷時便受寒冰地獄及至撞從母胎裏出來受寒受熱受飢受飽受病受苦煎煎迫迫直至今日只爲你不能返觀便有許多是非生滅我生你死你死我生生死死死生生隨業受報無有休時近來又有一般奴狗受雇得錢買度牒剃下狗頭披佛袈裟奴郎不辨菽麥不分入吾法中破壞吾法一向裝裏箇渾身搔腰捺膊胡揮亂擻要做大漢大漢不恁麼做要做大漢麼須是退步莫面前背後奴唇

婢舌嫌好道惡說這裏飲食豐厚那裏寮舍穩使不消得如此諸上座人身難得佛法難聞此身不向今生度更向何生度此身你諸人要參禪麼須是放下著放下箇甚麼放下箇四大五蘊放下無量劫來許多業識向自己脚根下推窮看是甚麼道理推來推去忽然心華發明照十方利可謂得之於心應之於手便能變大地作黃金攪長河爲酥酪豈不暢快平生莫只管冊子上念念語討禪討道禪道不在冊子上縱然念得一大藏教諸子百家也只是閑言語臨死之時總用不著古人悟了方求明師決擇去其砂石純一眞實稱斤定兩恰如人開雜貨鋪相似無種不有來買甘艸便將甘艸與他來買黃連便將黃連與他不可買黃連將甘艸與他又似你有一塊金將入紅爐裡鍛鍊鍊來鍊去鍊得熟也方上鉗鎚打作瓶盤釵釧瓶重幾兩盤重幾兩一分明然後却將此瓶盤釵釵鎔成一金喚作一味平等法門若不如此盡是龜洞眞如顛頂佛性你還會麼你還信麼山僧適來答這僧四轉語死中有活活中有死死中



恒死活中恒活將此四轉語驗天下衲僧且道天下衲僧將甚麼驗黃龍良久云大體還他肌骨好不塗紅粉也風流

本覺法真一禪師示衆云宗師爲人只與汝拈破情解令汝自悟譬如金在鑛中治者只是與汝烹鍊除其鑛穢而已若是金體則是本有非人造作得來又如磨瑩寶珠只是去其塵垢而已若光彩是珠體上本來自有亦非人能與之學者自不向前體究只管望人說破將謂是教得說得驢年得會麼又曰學道猶如鑽火一鑽須緊如一鑽若得熱相現前切要加功不可停息若停息則廢却前功無由得火龍牙和尚頌云學道如鑽火逢煙且莫休參學之士到情識伎倆盡處百不會如平地上有氣死人相似如熱相現前却須向前體究忽然有箇省處此卽真實也若一念退卽要悟無因矣又曰學道之人多是不解用心一向背馳不能返照如人觀射不應觀垛須看箭發處始得今時人被語脉裏轉却良爲此也又曰禪家語言不尙浮華唯要朴實直須似三家村裏納稅

漢及嬰兒相似始得相應他又豈有許多般來此道正要還淳返朴不用聰明不拘文字今時人往往嗤笑禪家語言鄙野所謂不笑不足以爲道又云古者道自己眼若不開鑽入釋迦老子肚裏去屬下來只是箇解行底屎橛有般漢雖在宗師會下全不肯做工夫久後到別處便云我從某人法席下來及乎問著黑漫漫地更有般底見他從尊宿處參學底人到別處納敗闕便并其師輕薄云不會爲人彼師佛法元來只如此不道當人自打不徹昔日洛浦久爲臨濟侍者一日辭去游方濟云我有一頭赤梢鯉魚搖頭擺腦直往南方去也及到夾山拜起正身而立山曰雞棲鳳巢非其同類出去云自遠趨風乞師一接曰目前無闍梨此間無老僧浦便喝山曰住住闍梨不得草草匆匆雲月是同溪山各異截斷天下人舌頭則不無爭教無舌人解語浦茫然山便打遂留夾山臨濟聞云可惜一頭赤梢鯉魚向蠢蠢裏浸殺臨濟可是不解爲人彼師佛法只如此也不見道一兩所滋根苗有異切不可容易望風擬議他尊宿大有

因果在又曰古人雖則偏參知識承嗣燒香只爲最初發明之師非是別底不如此人揀人承嗣蓋不忘本也今時見人曾參某人却不承嗣却承嗣某人便謂前人不如彼人生輕重心又有般底或受他摩挲或希他勢望便忘本逐勢既負慚作欲釋人非返生毀謗如斯之輩閻羅王未放你在古人接得弟子却指令承嗣他人則睦州與雲門大愚與臨濟是也不似今時勾爬人家男女硬斷送與三間屋子令承嗣他若總如此佛法豈得殊勝敗壞宗門有現世報者自不省耳云

渤潭湛堂準禪師示衆僧問金剛經中道一切賢聖皆以無爲法而有差別未審如何是無爲法曰水底泥牛吼火中木馬嘶云爲甚麼却有差別曰春力無高下華枝自短長云這箇是教意如何是祖師西來意曰煙村三月裏別是一家春云恁麼則祖意教意了不相干曰有不是無云若然者施主雲恩去也曰但知隨例演餽子僧禮拜師乃曰井底烏龜頭帶雪七六五四三二一神通隱顯百千門一一皆從此經

子云

出遂以拂子擊禪床一下曰豈不是從此經出又喝一喝曰豈不是從此經出是以過現未來一切諸佛三千二大人相八十種隨形好十力四無所畏十八不共法若不從此經出即不能成就地前地後一切菩薩歷三祇涉五位斷二障明一心自利利他修行進趣若不依此經即不能成就一切緣覺一切聲聞觀十二緣空悟四諦真理得八解脫證六神通若不依此經即不能成就乃至西天此土諸代祖師古往今來一切知識種種建立種種施爲至如禾山打鼓雪峰輓毬臨濟三玄洞山五位巴陵銀碗裏盛雪雲門北斗裏藏身隱顯縱橫千萬別若不依此經即不能成就是故金剛經中說一切諸佛阿耨菩提之法皆從此經出但是世出世間一切諸法未有不從此經出者佛之與法且拈放一邊且那箇是此經莫是以兩手舒空作展經勢麼莫是叉手當胸進身三步麼又莫道最初是如是我聞末後是信受奉行麼又莫是但莫著他文字語言麼又莫是但向料掉沒交涉處道一句便得麼若作如是見解大似隔靴爬

癢若不作如是見解畢竟作麼生遂以拂子擊禪床  
一下云須是怎麼明得苟能如是明得於曉夕日用  
之間未有一處而不聞法是以金剛經中道在在處處  
即爲有佛一切法皆是佛法怎麼見得一任三門  
頭舍掌佛殿裏燒香寮舍裏橫拈倒把左卷右舒擲  
去拋來朝讀暮誦這一卷經若是展去也豎窮三際  
橫變十方周沙界之羣生遍刹塵之品類包羅萬有  
統括二儀無一法而不明無一法而不顯可謂是法  
門重疊如雲起於長空行解分披似華鋪於錦上言  
言見諦情忘於二十七疑句句朝宗妙契於三十二  
分有而不有空而不空明法界則一體同觀說去來  
則威儀寂靜窮微盡妙豈不極於斯矣其卷去也更  
討甚麼一點墨經頭邊只有一箇以字不成八字不  
是不知是箇甚麼字設使須菩提解空第一到這裏  
也只得目瞪口呆憶得昔日有一僧問睦州云經頭  
以字不成八字不是未審是箇甚麼字睦州乃彈指  
一下云會麼僧云不會州云上來表讀無限聖因蝦  
蟬踴跳上梵天蚯蚓驚過東海大衆且道睦州當時

爲這僧說這箇字不說這箇字若道說因甚麼睦州  
却問這僧云會麼若也明得不唯使施主罪滅福生  
亦乃自家平生慶快其或未明三德六味施佛及僧  
復喝一喝曰珍重

太平佛鑒勲禪師示衆衆集師曰還委悉麼若也委  
悉功不浪施如或未然彼此鈍置欲知此事覲面相  
呈未語已前早是蹉過如金翅鳥王入阿盧大海擊  
開雪浪直取龍吞眼睛定動之間早已喪身失命況  
乃低頭卜度識路追尋何啻白雲萬里靈鋒寶劍常  
露現前亦能殺人亦能活人沙門眼目函蓋世界把  
定乾坤永無絲毫許滲漏所以此事一塵纔起大地  
全收在天地而不在天地所以爲蓋爲載其實未嘗  
蓋載在日月而不在日月所以能爲照爲照其實未  
嘗照臨在海嶽而不在海嶽所以能爲高爲深其實  
未嘗高深在陰陽而不在陰陽所以能生能殺其實  
未嘗生殺在雨露而不在雨露所以能爲潤爲潤其  
實未嘗濕潤在雷霆而不在雷霆所以能鼓動庶物  
其實未嘗鼓動在衲僧而不在衲僧且道能箇甚麼

切忌道著室中兄弟累累求說久坐看話無所趣向欲得半月十日普請入室一次舉覺古今因緣提撥殺訛貴得有所滋益既然相諾豈謂起動在上尊宿兄弟曲賜見臨言詞鄙俚無可采聽殊深愧悚然此間爲入室兄弟說話語似乎太殺近前幸望諸宿德亮察不以見疑卽爲幸甚每見學道兄弟有者不求省悟唯務言說要會他古人因緣豈非大錯他古人只是一期對病施方隨機發藥遂有如許多葛藤路門如標月指頭敲門瓦子意只是假扣開門因標見月儻得門開月現瓦子指頭何用之有所以諸佛出世隨宜說法廣設多門如握空拳以止悲啼之子學道兄弟若無省悟設使智如流水辯若懸河倒念得一大藏教於這事上轉沒交涉參須實參悟須實悟研窮教徹底去不是今日下得一轉語明日過得一則因緣古今因緣數若河沙有甚休歇畢竟不明心地如何了達生死只如達磨初來時未有許多因緣爲甚有人悟道不可道他是聖人我是凡夫這箇事上不論凡聖優劣是以古今因緣大似世間地符

關契相似山河大地廣闊無邊於中置得少許田園物產便以立箇關契分箇界分投官押印深藏篋笥以爲已有忽若一朝踏著皆屬自已從前地符關契何用佛法大海廓周沙界不屬方隅參學之人見不透脫於情識上自分界分敵得一言半句以爲奇特於宗師邊相求印證宗師家事不獲已以冬瓜印子印定自此一人傳一人以爲究竟忽若一朝金剛眼開照破四天下說甚麼聲色道眼識情唯心說甚麼權實平常差別異智都盧是箇甚麼明眼漢沒窠臼突然地蕩蕩無依七縱八橫一切臨時把來使用我爲法王於法自在誰肯倚他門戶傍他牆壁奉勸兄弟但明心地莫愁不會因緣古今因緣也不道一時不看但將一則去看得透千則萬則皆同若道會得這一則未會那一則決定未是試與你舉尋常大家知底因緣和會將來看是同是別只如釋迦世尊王宮降誕纔出母胎叫一聲見人不曾遂一手指天一手指地云天上天下唯我獨尊且道明箇甚麼這事後於涅槃會上拈一枝華以青蓮目顧眎迦葉迦葉



微笑世尊遂云吾有正法眼藏涅槃妙心分付摩訶迦葉又是甚麼道理莫是與前來不同麼武帝問達磨如何是聖諦第一義磨云廓然無聖帝云對朕者誰磨云不識又是箇甚麼道理二祖禮拜依位而立磨云汝得吾髓喚作兩般得麼六祖一日云汝等諸人速理舟楫吾欲歸新州僧云和尚去了幾時回祖云葉落歸根來時無口不可也是別有道理麼只如馬大師一喝百丈三日耳聾還別著得箇道理得麼其他德山棒臨濟喝雪峰毬俱胝豎指道吾作舞祕魔擎叉丹霞燒木佛趙州勘婆子種種多端較量將來與釋迦老子一手指天一手指地如合符契毫髮無差有般底見人恁麼說話便道但明取道眼因緣其他微細纖毫會却便休殊不知自是你儂儂只箇道眼因緣名字千錯萬錯了也有底道若恁麼只如洞山五位君臣三種滲漏臨濟四料簡近代浮山九帶薦福兩種自己不可也只是一同古人因甚有許多類聚編排殊不知正是一同只爲一同所以古人類聚編排若是開悟之士觀來毫髮無異情解之

● 雜錄

施萬別千差是以古人云鎔瓶盤釵釧爲一金攪酥酪醞醕爲一味若是徹底漢也不必如此瓶盤釵釧本是一金酥酪醞醕元是一味何須鎔攪又見一般兄弟認得箇昭昭靈靈動轉施爲便道會了也到處要人印證揚眉瞬目合掌擎拳一棒一喝皆是我心全體恁麼來開口便是且道還當也不當可謂百千大海棄之唯認一浮漚體目爲全潮此事無限量不可思議之事豈可將有作思惟限量情識擬議測度得及豈不見教中道如取螢火燒須彌山縱經塵劫終不能著又道有作思惟從有心起皆是六塵妄想緣氣非實心體又道虛妄浮心多諸巧見不能成就圓覺方便正是此矣然則眞妄同源妄因眞立其奈少有窮徹根源多是緣枝逐葉返成弄影底漢果若窮徹法源動靜去來皆如來藏如或未然只是認賊爲子其家財寶終不成就返被情塵業識蔽塞靈源妙智光明不能發露大用不得現前大丈夫自有彌天意氣匝地威風威音不遙彌勒不後忽若道眼頓開坐斷毗盧頂額不見有祖佛出世天下老和尚瞻



仰有分。怎麼說話對諸作者面前。大似炫耀見知。塵  
瀆清聆。然通心之士。言外見意。情妄之流。未免輕笑。  
記得天柱開山崇慧禪師云。祖師西來。似賣卜。漢見  
你不會爲你鑽破卦文。吉凶纔生在你分上。一時自  
看時。有僧問。如何是賣卜底人。曰。出門便不中也。若  
是山僧。卽不然。祖意西來。似鴟鳴相。以吉凶將兆報  
人。先知世人不會。却謂鴟鳴。喚作妖送。凶於人返遭  
斥逐。鴟儻不鳴。吉凶自定。雖本用好心。不得好報。忽  
有箇出來道。適來說今古。因緣無許多般事。如今却  
作怎麼說話。豈非語自相違。但向伊道。這裏別有好  
處待你。作老鴟。我却向你說久立。

天寧佛果圓悟勤禪師。心要示隆。知藏曰。有祖以來。  
唯務單傳。直指不喜帶水拖泥。打露布列窠窟。鈍置  
人蓋。釋迦老子三百餘會。對機設教。立世垂範。大段  
周遮。是故最後徑捷省要。接最上機。雖自迦葉二十  
八世。少示機關。多顯理智。至於付授之際。雖不直面  
提持。如倒剎竿。盤水投針。示圓光相。執赤幡。把明鑒。  
說如鐵橛子。傳法偈。達磨破六宗。與外道立義。天下

太平。飄轉我天。你狗皆神機。迅捷非擬議。思惟所測。  
暨劉梁游魏。尤復顯言教外別行。單傳心印。六代傳  
衣。所指顯著。逮曹溪大鑑。詳示說通。宗通歷涉既久。  
具正眼大解脫宗師。變革通途。俾不滯名相。不墮理  
性。言說放出。活卓卓地。脫灑自由。妙機遂見。行棒行  
喝。以言遣言。以機奪機。以毒攻毒。以用破用。所以流  
傳七百年。年支分派。別各擅家。風浩浩。毒毒莫知紀  
極。然鞠其歸著。無出直指人心。心地既明。無絲毫隔  
礙。脫去勝負。彼我是非。知見解會。透到大休大歇。安  
穩之場。豈有二致。所謂百川異流。同歸于海。要須是  
箇向上根器。具高識遠見。有紹隆佛祖志氣。然後能  
深入闢奧。徹底信得及。直下把得住。始可印證。堪爲  
種艸。捨此切宜寶祕。慎詞勿作。容易放行也。五祖老  
師平生孤峻。少許可。乾曝曝地。壁立只靠此一著。常  
自云。如倚一座須彌山。豈可落虎弄滑頭。瞞人把箇  
沒滋味鐵酸餒。劈頭拈似學者。令敲噉。須待渠桶底  
子脫。喪却如許惡知惡見。冒次不挂絲毫。透得淨盡。  
始可下手鍛鍊。方禁得拳趯。然後示以金剛王寶劍。

度其能踐履負荷淨然無一事。山是山水是水。更應轉而那邊千聖龍羅不住處。便契乃祖以來所證傳持正法眼藏。及至應用爲物。仍當驅耕夫牛奪飢人食。驗得十成無滲漏。即是本家道流也。摩竭陀國現行此令。少林面壁全提正宗。而時流錯認。遂尙泯默以爲無縫罅。無摸索。壁立萬仞。殊不知本分事。恣情識搏量。便爲高見。此大病也。從上來事。本不如是。巖頭云。只落目前些子。箇如擊石火閃電光。若措不得。不用疑著。此是向上人行履處。除非知有莫能知之趙州喫茶去。祕魔擎叉。雪峰毬禾山打鼓。俱抵一指。歸宗拽石。玄沙未徹。德山棒臨濟喝。並是透底直截。剪斷葛藤。大機大用。千差萬別。會歸一源。可以與人解黏去縛。若隨語作解。卽須與本分料。譬如十斛驢乳。只以一滴師子乳。悉皆迸散。要脚下傳持相繼。綿遠直須不徇人情。勿使容易。乃端的也。末後一句。始到牢關。誠哉是言。透脫死生。提待正印。全是此箇時節。唯踏著上頭關。板子底便諳悉也。隆公知藏湖湘。投機往還北山十餘年。眞探蹟精通本色。

衲子遂舉分席訓徒。已三載。予被 睿旨移都。下天寧。欲得法語。以表道契。因爲出此數段。宣和六年十二月。中辭佛果老僧書。

龍門佛眼遠禪師示衆曰。如今直下信道是也。已名不啣。啣者況更不能直下信得。又堪作甚麼。直下信道是何名不啣。啣者從前許多時。甚麼處去來。須知已失一橛了。也便見從前不了底。却成分外之見。我觀從上古人有從迷得悟者。所有流布皆是從迷得悟。法門有悟了知迷者。所以流布皆是悟了知迷。法門有無迷無悟者。所以流布皆是無迷無悟。法門其次來迷外得悟者。亦甚多。固不足道。況不知悟亦不了迷。此正是凡夫也。從上南泉歸宗諸人。方喚作無迷無悟之見。如今學者也。越口說無迷無悟。又何曾到來不得容易。出言蓋爲你有疑在我。今問你一件事。初入母胎時。將得甚麼物來。你來時。並無一物。只有箇心識。又無形無貌。及至死時。棄此五蘊。擔子亦無一物。只有箇心識。如今行脚人。衆中者箇是主宰也。如今問你受父母氣。分精血。執受名爲我身。始於

出胎漸漸長成此身皆屬我也且道屬你不屬你若道屬你初入胎時並不將一物來此箇父母精血幾時屬你又只合長在百年依舊拋却死屍又何曾屬你若言不屬見今一步也少不得罵時解噴痛時能忍作麼生不屬你得試定省看道是有是無管取分疎不下蓋爲疑根不斷道有來初生時漸長至三歲五歲乃至二十時決定不移到四五十而此身念念遷謝念念無常決定喚作有不得道無來種種運爲皆解作得道無且不得昔有一人因行失路宿一空屋中夜有一鬼負一死屍至續有一鬼來云是我屍前鬼云我在彼處將來後鬼強力奪之前鬼云此中有客子可證二鬼近前云此屍是誰將來客子思惟道二鬼皆惡必有一損我我聞臨死不妄語者必生天上遂指前鬼曰是這鬼將來後鬼大怒拔去客子四肢前鬼愧謝曰你爲我一言之證令你肢體不全遂將死屍一一補却頭首心腹又被後鬼所取前鬼復一一以屍補之二鬼遂於地爭食其肉淨盡而去於是客子眼前見父母身體已爲二鬼所食却觀

所易之身復是何物是我耶非我耶有耶無耶於是心大狂亂奔走至一精舍見一比丘具述前事比丘曰此人易可化度已知此身非有也乃爲略說法要遂得道果汝等諸人只說參禪舉因緣便喚作佛法此是禪髓何不恁麼疑來參取會得麼你身不是無有是心有身則未嘗有無是心無身則未嘗無你會得麼更說箇心亦不有亦不無畢竟不是你本有今無本無今有斷常見解久立

渤潭闡提照禪師示衆曰諸公好熱熱一上了又寒一上寒寒熱熱煎迫人太煞你若已事已明時寒也從他寒熱也從他熱若是已事未明時寒時寒殺人熱時熱殺人且道不寒不熱時人在甚麼處佛在甚麼處無佛亦無衆生佛只是覺義謂之自覺覺他覺行圓滿要得會麼只如你被虱咬便是自覺知覺他人亦復如是便名覺他又知我與衆生本來平等是名覺行圓滿那裏更有佛來你輩而今參禪只是學佛學佛是心外法故名外道是名邪見豈不見釋迦如來云我於過去世見然燈佛實無一法可得又觀

音菩薩云我於過去世見古觀音豈更別有佛來你輩而今不要別見你但張上座見古張上座李上座見古李上座便沒人奈得你何十二時中不得自由只爲受學佛去便被這死屍四大五蘊礙殺你所以寶峰切切教你如大死底人去便不費多心力若能如大死人便不見有四大乃至七大性自滅七大者地水火風空識覺是也空大者是你禪和子坐到一念不生前後際斷物我俱忘唯見空無所有被空性一包却便不見有四而空無自性因性立空又坐之已久不見有空大只有箇曉事底人便喚作識大今時人做工夫到這裏便喚作本來面目便依法身此正是認賊爲子若遇寶峰教你一時放下若能一時放下便待從生至老也只得箇老爛禪和亦是依教理行果修行且不是教外別傳所謂教理行果者從上諸聖說底名言謂之教依名言趣向謂之理依名言所行謂之行依名言所證謂之果然未免生受但依寶峰如大死人時更不見有唾涕膿血濕潤之體便無水大又不見有溫煖并動轉施爲便無火大

生理圖

風大更不見有前後際斷物我俱忘便無空大更不見有曉事底人便無識大更不見有自覺覺他覺行圓滿便無覺大七大既空三十二相八十種紫磨金色那理得來所以道本覺妙明性覺明妙亦喚作法身無相猶如虛空你若知法身便屬報身便有著衣喫飯般屎送尿便屬化身不見永嘉大師道三身四智體中玄八解六通心地印又云了了見無一物亦無人亦無佛大千沙界海中漚一切聖賢如電拂若是寶峰卽向你道了了見如大死人亦無喜亦無瞋直是全身行異類處處相逢處處真久立開善密庵謙禪師解夏示衆曰先聖立箇結夏謂之護生禁足三月安居晚學初機修行辨道潔淨三業四威儀中無令過失敢問大眾且作麼生修作麼生行若道有法可修可行便成欺誑若道無一法可修可行又如何得安穩去不見昔有僧問一老宿如何是修行宿曰見性是修行往往叢林中見這般說話便以爲尋常殊不知他古人實證實悟到究竟處只據本分答他無許多華巧也不行棒亦不下喝又不



道蝦蟆蹠跳上梵天蚯蚓驚過東海總不如此只平  
 白向他道見性是修行也不妨真實且作麼生是你  
 諸人性又作麼生見這些子事直是好笑未見時千  
 難萬難及乎見了無易得恁地易因思舊日有箇同  
 參兄弟久在老和尚身畔參禪崖到那伎倆盡處只  
 是不能得透每日入室問他時只答道不會有箇後  
 生笑他參禪許多年只道得箇不會同參聞得甚叵  
 耐他道小鬼頭你未出世時我已三度去霍山廟裏  
 退牙了也好教你知後來參得禪了到庵中相聚一  
 日因舉勇和尚頌古山僧舉頌五通仙人話云無量  
 劫來曾未遇如何不動到其中莫言佛法無多子最  
 苦瞿曇那一通山僧愛他道如何不動到其中既不  
 動如何到昨昨這裏便是交加處間不容髮難也只  
 在這裏易也只在這裏須是箇沒量漢始得同參却  
 問因甚麼道最苦瞿曇那一通山僧却向他道你未  
 出世時我已向霍山廟裏三度退牙了也相對不覺  
 呵呵大笑自然打著南邊動北邊如此方喚作見性  
 三世諸佛見你迷却此性枉被輪迴所以與慈運悲

亦當作亦

廣說三乘十二分教如將蜜果換苦葫蘆洵汝諸人  
 業根本無實事爲你有箇衆生見便將箇佛來洵你  
 爲你有箇無明見便將箇菩提來洵你爲你有箇生  
 死見便將箇涅槃來洵你你若無許多見則佛亦不  
 用出世亦不用說法亦不用說見性亦不用說修行  
 蓋此性上本無佛亦無衆生本無菩提亦無煩惱本  
 無涅槃亦無生死所以古人道無三界可出無菩提  
 可求無佛祖可成無衆生可度淨裸裸亦灑灑沒可  
 把雖無可把却能現佛現衆生現菩提現煩惱現涅  
 槃現生死你莫看他現底未現時是箇甚麼所以臨  
 濟和尚云學道人須要得真正見解若得真正見解  
 生死不滯去住自由不用求他殊勝殊勝自至如此  
 方喚作修行不是別法教你修行若別有法盡屬三  
 乘因果次第非本來佛古人謂之情存聖量解在果  
 因未能逾越聖情過諸影迹若能一念緣起無生超  
 彼三乘權學等見山僧今夏修行有無量功德凡解  
 夏之日謂之衆僧自恣日有缺犯無缺犯須恣自己  
 意對佛披露今夜不免對人天大眾前一一披露去



也好事大家知分明聽取自結夏後聞當山慈覺臥疾卽過來問疾又黃亭衆信作水陸請普說赴其普說歸來送慈覺茶毗迤邐受開善請入院開堂賓客往還迎來送去勞勞地直到今日且道是佛法是世法是見性是不見性是修行是不修行到這裏如何定當往往十箇有五雙定當不出因記得鵝湖和尚上堂云莫道未了底人浮逼逼地設使了得底人明得知有去處尙乃浮逼逼地雲門下來舉此話問首座意作麼生座云浮逼逼地門云首座在此久住頭白齒黃作這箇語話座云未審上座又作麼生門云要道卽得見卽便見若不見莫亂道座云只如堂頭道浮逼逼地又作麼生門云頭上著枷脚下著杻座云恁麼則無佛法也門云此是文殊普賢大人境界師曰大小雲門前頭赫殺人後頭笑殺人山僧當時若見便向他道且莫惡口你諸人聞恁麼道又不得去這裏博量直須實頭到這田地始得若實到這田地地方知他雲門落處卽知鵝湖落處既知鵝湖落處卽知開善落處既知開善落處卽知當人自性落處

● 語錄

既知當人自性落處未可便休更須參三十年待別有生涯始得爲甚麼如此不見道地頭却要重揩癢萬萬千千出一毫以拂子擊禪床一下徑山別峰印禪師示衆曰直截簡徑廣大明白底一段大事諸人自打之遶自求葛藤遂見紛紛紆曲曲屈屈卒了不下拈拂子曰見麼屈曲了也擊禪床曰紛紛了也直饒機如掣電辯似懸河分疎得行趣赴得到不如還我第一頭來今早室中初無奇特亦無玄妙只問兄弟荔枝因甚麼赤十箇有五雙莫擬如何祇對只這求話會欲祇對底是大病也鼻孔在老僧手裏豈是要你答轉語施一伎倆合得也便道是也莫道會盡古今會盡差別會盡大機大用石火雷光父子君臣擒縱殺活只箇裏一點不明則許多皆沒交涉更說甚麼大話豈不見黃面老子道松直棘曲鵠白鳥玄皆了元由敢問大衆松因甚麼直棘因甚麼曲鵠因甚麼白鳥因甚麼玄有一般杜撰底便道差別因受差別報我且問你松造甚麼因棘受甚麼報管你分疎不下又有一般道松自然直棘自

然曲鵠自然白鳥自然玄此是西天九十六種中自然外道見解也又有一般喚作唯心便引三界唯心萬法唯識以爲證據我且問你既是一心爲甚麼有曲有直有玄有白又是分疎不下又有一般道萬法本明唯人自鬧起許多分別作甚麼我且問你喚曲作直得麼喚白作玄得麼又亦分疎不下諸兄弟如上惡知惡見皆是不了元由自打之邊自求葛藤不曾到簡徑直截處廣大明白處豈不見白雲羣展手曰因甚麼喚作手且道白雲意在甚麼處又如何祇對宗門下無有不管底法無有不透底事問著便要七穿八穴不問一點也瞞他不得此是本分參學人分上事莫道喝一喝打一棒蹉過了也直下便是只管口皮上轟將去肚皮裏元黑漫漫地且得沒交涉昔趙州見僧忽策火起問云不要喚作火喚作甚麼這老漢擔枷過狀而多少開口不得被他換了眼睛也又僧問多福如何是多福一叢竹曰一莖兩莖斜云學人不會曰三莖四莖曲古人不妨簡徑不妨綿密後人喚作問竹答竹問本答本有甚麼交涉晦堂

和尚初自南雄來負文章慧辯一肚皮依雲峰悅禪師三年前無近傍處又依南禪師二年下盡工夫亦無近傍處遂棄去不願參禪往山主院中過夏因閱傳燈錄至適來僧問多福一叢竹因緣驚然頓悟親見二師相爲處遂徑歸黃檗纔展坐具南曰子入吾室矣且道晦堂見箇甚麼便恁麼不同所以道參禪人切忌向語脉裏轉却晦堂又嘗請益南禪師云大事本來如是和尚何用教人看話頭百計搜尋南曰若不如是令汝究尋到無心處自見自肯吾卽埋沒汝也諸兄弟此是古人腳踏實地處吐氣出來無不的確無不諦當而今要會這荔枝因甚麼赤亦須自見自肯與他晦堂趙州白雲把手共行則松直棘曲鵠白鳥玄以至天地日月山川草木鳥獸人民四聖六凡皆穿透矣要道便道要拈便拈更不借他鼻孔出氣也果然恁麼則返觀向來蹉過多少好事了也莫有不蹉過底麼在舍只言爲客易臨淵方覺取魚難

嘉泰普燈錄卷第二十五

音釋

擣側九切 齏音查 齏音干 橡辭兩切

蹺去延切 蹺去奇切 繙音橘 繙音律

接儒追切 聲當作魑煙脛切 塗音茶

博音團 笑音類

嘉泰普燈錄卷第二十六

平江府報恩光孝禪寺臣僧 正受 編

拈古

蔣山佛慧泉禪師二則

舉巴陵示衆祖師道不是風動不是幡動既不是風  
幡向甚麼處著有人與祖師作主出來與巴陵相  
見雪竇道風動幡動既是風幡向甚麼處著有人  
與巴陵作主出來與雪竇相見師曰要知二尊宿  
落處麼蔣山爲你說箇譬喻一似箇人家祖上從  
來極有涯業有二兄弟各各闢使大者使五百小  
者使一貫日往月來闢使不已遂將祖父涯業一  
時蕩盡累他子孫無安身立命處忽有一親友見

其子孫孤露遂將伊家祖上宅舍借伊居止其間  
子孫須思舊時祖業如何却屬他人須作方便討  
得當時契書方爲究竟若趁目前過日得即得未  
免住在他人屋下大衆蔣山爲你說譬喻了也且  
問諸人作何方便討得當時契書

舉僧問夾山境話法眼云師曰諸禪德法眼和尚  
話墮也不知若不喚作境待喚作甚麼既不能截  
斷兩頭致令後代兒孫遞相敲噉便這天地同根  
萬物一體心外無法法外無心種種計較一似夢  
中說夢相似豈知鬼子母失却愛兒無處尋蹤森  
沙神倒被地纏眼中出血

翠巖眞禪師二則

舉盤山似地擎山云云師曰盤山力盡神疲也是望  
雲上樹還知有不歷諸聖階梯獨超物外者麼師  
遂大笑

舉德山托鉢師曰巖頭德山一狀領過雪峰一千五  
百人善知識地在

舉寶應示衆云欲得易會麼第一莫將問來問問在

答處答在問處你若擬議老僧在你脚底師曰寶應只解把住翠巖卽不然寒山倒地拾得扶起豐干禮拜不見文殊更有觀音菩薩魚行酒肆且不識主人翁乃卓拄杖一下

白雲端禪師三則

舉僧問洞山亡僧遷化向甚麼處去曰火後一莖茅師曰白雲卽不然亡僧遷化向甚麼處去只向道牆壁有耳

舉甘贄行者接待有僧曰行者接待不易贄曰譬如餓驢餓馬瑯琊覺和尚云快把飯來師曰瑯琊雖有不犯之令若是白雲卽不然譬如餓驢餓馬但對道願行者常似今日

舉龍牙偈曰一切名山到因脚辛苦多年與襪著而今年老不能行手裏把箇破木杓師曰龍牙老人可謂熟處難忘

保寧勇禪師二則

舉雪峰示衆云南山有一條鼈鼻蛇汝等諸人切須好看長慶云師拈起拄杖召曰大衆喪身失命

了也

舉無著遇文殊喫茶次文殊擡起玻璃盞曰南方還有這箇麼師代以手指口

黃龍晦堂心禪師二則

舉世尊拈華迦葉微笑師曰直下穿過髑髏已是換却眼睛臨危不在悚然向甚麼處見釋迦老子舉莊宗云朕恢復中原收得一寶只是無人酬價興化云師曰興化一期見機而作爭奈埋沒伊一朝天子當時若但向道蚌蛤之珠收得也無用處教伊向後別有生涯免得遞相鈍置而今若有問上座又作麼生酬價

泐潭眞淨雲庵文禪師三則

舉三聖道我逢人卽出出則不爲人興化道我逢人卽不出出則便爲人師曰看這兩箇老古錐竊得臨濟些子活計各自分疆列界氣衝宇宙使明眼衲僧只得好笑語禪德且道笑作甚麼還知落處麼若知一任七顛八倒若不知且向三聖興化葛藤裏敲嚼

舉三聖問雪峰透網金鱗以何爲食師曰俊哉俊哉快活快活恰似一隻鷄子莫驚著保寧卽不然透網金鱗以何爲食待你出網來卽向你道待他道一千五百人善知識話頭也不識但拽拄杖打出三門外復曰也好快活恰似一隻虎莫動著諸禪德且道保寧快活何似三聖快活莫有快活底漢麼出來定當看良久喝曰把手拽不住

舉臺山路上有一婆子凡有僧問臺山路向甚麼處去云驚直去僧擬行婆云好箇阿師又恁麼去也問曰游臺山者憧憧往來莫知其數未有一人不被伊瞞唯有趙州一日謂衆曰臺山下婆子被老僧勘破了也大衆雖然不受伊瞞若點檢來也好喫婆子手中棒且道趙州過在甚麼處若知趙州過處方解不受人瞞歸宗門下莫有不受人瞞底麼咄

大滙眞如詰禪師二則

舉芭蕉拄杖子話師曰大滙卽不然你有拄杖子我奪却你拄杖子你無拄杖子我與你拄杖子大滙

既然如是諸人還用得也未若人用得德山先鋒臨濟後令若也用不得且還本主

舉世尊一日見文殊在門外立乃云文殊文殊何不入來文殊曰我不見一法在門外何以教我入門師代曰吾不如汝

法雲圓通秀禪師二則

舉首楞嚴經云十方薄伽梵一路涅槃門師以手空中一畫喝曰九流於是乎交歸衆聖於是乎冥會乃知新羅高麗南番日本西天此土十方世界一切人民盡在諸人鼻孔裏叫叫鬧鬧東頭買賤西頭賣貴諸人還聞麼若不聞還我耳朵來

舉雲門問僧光明寂照徧河沙豈不是張拙秀才語僧云是雲門云話墮也師曰甚處是話墮處忽有人問法雲如何是祖師西來意只對伊道話墮也還會麼具眼底辨取

智海正覺逸禪師二則

舉夾山偈曰明明無悟法悟法卽迷人長伸兩脚睡無僞亦無眞師曰諸禪德此乃療久戀實所者病



之妙藥未到化城之士切忌錯服服之則耆婆拱手醫王敵眉

舉趙州示衆云老僧有時將一枝草作丈六金身有時將丈六金身作一枝草五峰云我有時將拄杖子作三世諸佛有時將三世諸佛作拄杖子師曰此二尊宿一時熱發亂語狂言指神話鬼智海卽不然有時將丈六金身喚作丈六金身曾題卍字或佩圓光合掌讚嘆曰容顏甚奇妙光明照十方我適曾供養今復還親近有時將拄杖子喚作拄杖子不長不短不直不曲亦讚嘆曰柳栗出匡頂萬中無一枝得來爲至寶行坐鎮相隨只如山僧恁麼道還塞得諸方口麼自曰塞不得又曰爲甚麼塞不得青山只解磨今古流水何曾洗是非

上方益禪師三則

舉趙州洗鉢孟話師曰趙州不唯瞎却這僧眼直得南北叢林盡向鉢孟上作活計當時幸好箇喫茶去不解道得

舉臨濟上堂云我在先師處三度喫六十棒如篙枝

拂相似云云師曰照用之機不無臨濟要且打得箇皮下無血底這僧當初若會纔見云誰爲我下手但云貧兒思舊債待伊拈棒却向道自己雖然急他人未肯忙直饒臨濟令行也是拗曲作直

舉趙州訪二庵主因緣師曰避得風雷更遭霹靂

五祖演禪師六則

舉教中道若有一人發眞歸源十方虛空悉皆消殞雙泉卽不然若有一人發眞歸源十方虛空築著磕著

舉梁武帝問達磨如何是聖諦第一義曰廓然無聖帝云對朕者誰曰不識又僧問六祖黃梅意旨甚麼人得曰會佛法人得云和尚還得否曰不得云和尚爲甚麼不得曰我不會佛法師曰大小大祖師問著底便是不識不會爲甚麼却兒孫徧地復曰一人傳虎萬人傳實

舉靈雲見桃華悟道玄沙未徹師曰說甚麼諦當更參三十始得

舉僧請益瑯琊清淨本然云何忽生山河大地曰清

淨本然云何忽生山河大地其僧悟去師曰金屑雖貴落眼成翳

舉國師無縫塔師曰前面是真珠瑪瑙後面是瑪瑙真珠東邊是觀音勢至西邊是普賢文殊中間有一首幡被風吹著道胡盧胡盧

舉趙州狗子無佛性師曰大衆你諸人作麼生會老僧尋常只舉無字便休你若透得這一箇字天下人不奈何你諸人作麼生透還有透得徹底麼有則便出來道看我也不需要你道有也不要你道無也不要你道不有不無你作麼生道

#### 黃龍死心新禪師四則

舉僧問夾山如何是相似句曰荷葉團團似鏡菱角尖尖似錐復曰會麼云不會曰風吹柳絮毛毬走雨打梨花蛺蝶飛師曰夾山簷前捧日未是高明狹路分岐寧同大轍要會相似句麼白鷺沙汀立蘆華相對開

舉多福一叢竹師曰斜卽任斜曲卽任曲喚甚麼作多福一叢竹

舉僧問雲門樹凋葉落時如何曰體露金風師曰大小雲門境上縛殺雲巖卽不然樹凋葉落時如何珊瑚枝枝撐著月

舉南泉問黃檗甚麼處去云擇菜去曰將甚麼擇檗豎起刀子泉曰只解作客不解作主師曰精金百鍊本分鉗鎚往往今時師僧將黃檗南泉只作擇菜會却

#### 兜率真寂悅禪師一則

舉曹山一日入僧堂向火次僧云今日好寒曰須知有不寒者云誰是不寒者山策火示之僧云莫道無人好山拋下火僧云某到這裏却不會山曰日照寒潭明更明師曰這僧雖行合行不行之路未免草裏藏身曹山有應不應却應之機爭奈爐邊露影這兩箇不解端然向火寧免挂後人齒牙若嚼不破須信言中有味若嚼得破方知舌上無鹽既然如是兜率何曾踏著古人脚跟遂喝一喝

#### 渤潭祥禪師二則

舉祖師道心隨萬境轉轉處實能幽隨流認得性無

鈎鐵爪吼一聲直令百里內猛獸潛蹤滿空裏飛禽亂隊澤上座未弄師子請大衆高著眼先看做一箇定場以拄杖擲下云箇中消息子能有幾人

知喝一喝

學永嘉道直截根源佛所印摘葉尋枝我不能師遂

拈拄杖卓一下曰大小直截或有箇秀才出來道  
雲巖長老你佛法得恁麼簡易卽向伊道田庫奴  
你豈不聞孝經序云朕聞上古其風朴略

舉雪峰低頭歸庵師曰大衆雪峰是會末後句不會

末後句若道會巖頭又道當初悔不向他道末後

道不疑好

漢我生已盡梵行已立爲甚麼不歸家穩坐只管

游山翫水參

舉雲門拈世尊生下一手指天一手指地師曰雲門大師只知其一不知其二只道我一朝權在手看取令行時殊不知盡法無民準上座卽不然待這老子纔生下來未行未開口之時向伊面前結一道金櫃藏魂印一禁禁定教這老子言詞路絕心行處滅不唯使釋迦老子自家得人安樂處亦乃使十方世界衆生一切安樂諸禪德且道雲門是準上座是若道雲門是準上座又何用別說若道雲門非不可將佛法作得失是非會也若不作得失是非會又是顛預佛性籠侗真如且道畢竟作麼生莫言佛法無多子不是苦心人不知咄

太平佛鑑勸禪師六則

舉瀉山與僧語次僧云大好雨曰甚麼處是好處僧無語瀉却曰大好雨僧云甚麼處是好處瀉乃指雨示之僧又無語瀉曰何得大智而默師曰瀉山尋常放電光到這裏却著賊也不知山僧不是抑強扶弱黨理不黨親且道那裏是著賊處若於

此檢點得出便能騎賊馬追賊奪賊槍殺賊若檢點不出凡有言說皆是與賊過梯智海今日路見不平與諸人并賊捉獲擲下拂子曰諸人各自認取贓物

舉瀉山同陸侍御入僧堂陸問如許多僧爲復是喫粥飯僧爲復是參禪僧曰亦不是喫粥飯僧亦不是參禪僧云在此作甚麼曰侍御自問取他看師曰瀉山元來小膽被這俗官一問直得手忙脚亂閉戶開門若是老僧卽不然大開門戶放伊入來此是參禪僧喫粥飯僧向伊道是喫粥飯了參禪僧侍伊眼睛定動便與木槌子換却教伊做箇惺惺歷歷底侍御若處廟堂之高則致君爲堯舜之君或在江湖之上則致民爲堯舜之民豈不快哉乃呈起數珠曰諸人還見這箇麼良久曰此是老僧來京師換得底諸人各自歸堂摸索看

舉三平參石鞏平後舉似大顛曰既是活人箭爲甚麼向弓弦上辨三平無語顛曰三十年來要人舉此話也難得師曰大小三平元來只是箇死漢若

非死漢又覓甚麼活人箭石鞏龍頭尾矢在弦  
上又却不發當時若便與一箭那裏得來大顛作  
死馬醫醫之不瘥從他掘地深埋且如智海恁麼  
批判古今還有過也無細雨洒華千點淚淡煙籠  
竹一堆愁

舉谷山問秀溪聲色純真時如何曰婉鳴作麼山從  
東過西立溪曰若不恁麼則禍生山却從西過東  
立溪下禪床行三五步山把住云聲色純真又作  
麼生溪打一掌山云百年後要箇人下茶也無溪  
曰要谷山老漢作麼山大笑師舉了呵呵大笑曰  
也大好笑有甚好笑處樓前巧鸞雙雙語林內嬌  
鶯對對飛因看古人無義語等閑又得一聯詩  
舉南泉示衆曰文殊普賢昨夜三更起佛見法見趙  
州出衆云云師曰大似無手人行拳無口人叫喚  
無手人拖著無口人口無口人皺著無手人手恁  
麼會得方知道法性不動動徧三界之中至理無  
言言滿四天之下若也不會紅塵飛碧海白浪湧  
青岑

舉披雲去看天仙纔入方丈仙便問未見東越老時  
作麼生爲物曰只見雲生碧嶂焉知月落寒潭云  
只恁麼也難得曰莫是未見時麼仙便喝雲展兩  
手仙云錯怪人者有甚麼限雲掩耳便出仙云死  
却這漢平生也師曰喻似敵手下碁雖則著著不  
落別處其奈須有輸贏既有輸贏便成勝負要得  
兩無傷損麼待天仙道死却這漢平生也便好向  
道元來是錯怪人天仙却好展兩手便得始終一  
貫頭尾雙全雖然如是你諸人各各摸索腰下斧  
柄看

天寧佛果圓悟勤禪師四則

舉文殊菩薩問維摩居士云我等各自說已云何是  
仁者所說不二法門師曰這一轉語叢林話會不  
少有道默然有道良久有道不對要且摸索不著  
直得其聲如雷普驚群動自古及今前聖後聖所  
說法門只向維摩片時之間一時顯現且道正當  
恁麼時作箇甚麼得見維摩

舉古者道護生須是殺殺盡始安居要會箇中意鐵



船水上浮師曰且道殺箇甚麼殺衆生物命凡夫見解殺六賊煩惱座主見解殺佛殺祖大闢提人見解納僧分上畢竟殺箇甚麼

舉雪峰示衆云盡大地撮來如粟米粒大師曰絕天維立地紀未足稱奇壁太華逗黃河亦非敏手若向箇裏覷得透便可以撒驪龍窟明珠噴旃檀林香氣豈不快哉山僧今日不避泥水放一線道乃拈拄杖曰還見雪峰麼卓拄杖曰割

舉興化見同參師曰辨王庫刀振塗毒鼓掣電未足以擬其迅震雷未足以方其威可謂善驅耕夫之牛能奪飢人之食只如主賓互換有照有用有權有實則且置甚處是興化將手向伊面前畫兩遭若這裏洞明可以荷負臨濟正法眼藏如或泥水未分未免瞎驢題大隊

龍門佛眼遠禪師二則

舉趙州訪二庵主師曰庵主一般豎起拳頭趙州何故肯一箇不肯一箇且道得失在甚麼處趙州自起自倒勘破多少阿師庵主坐斷要津過了幾多

寒暑要識趙州麼拍禪床右角曰識取趙州要識二庵主麼拍禪床左角曰識取庵主還有人點檢得失處出底麼易開終始口難保歲寒心

舉洗鉢孟語師曰大衆山僧今朝喫粥也洗鉢盂只是不悟既是爲善知識爲甚麼却不悟還會麼豈可喚鐘作甕終不指鹿爲馬善人難犯水銀無假冷地忽然覷破管取一時放下

大隨南堂靜禪師四則

舉昔有秀才造無鬼論論成纔放筆有鬼現手斫手謂秀才曰你爭奈我何五祖道我當時若見便以手作鵝鳩鵲向伊道谷呱呱師曰秀才雖知無鬼而不知鬼之所以無五祖先師雖知鬼之所以無而不能掃蹤滅跡若是大隨即不然待他斫手道你爭奈我何只向道閻直饒是大力鬼王也教伊頭破作七分如阿梨樹枝且道是那箇閻字

舉德山示衆云今夜小參不答話問話者三十棒師曰要見德山麼悟須千聖頭邊坐用向三塗底下行要見法眼麼闢中猛將要見圓明麼塞外將軍

要見新羅僧麼但摘菓子喫莫管樹曲彖要見南堂麼分明記取舉似作家

舉僧問智門如何是般若體話師曰古人是則是答得大高生山僧卽不恁麼如何是般若體一穀一米如何是般若用七擒七縱

舉僧問雲門不起一念還有過也無門云須彌山師曰南堂卽不然或有人問不起一念還有過也無只向他道割

九仙清禪師二則

舉雲門示衆拈起拄杖云拄杖子化爲龍吞却乾坤了也山河大地甚處得來師曰大衆會麼雲門大師讚歎拄杖子有出沒神通卷舒妙用擲須彌於他界塞滿虛空大地不容塵纖毫無立處這老漢一期遲俊不顧危亡只知拄杖子吞却乾坤不知拄杖子向何處著如今莫有爲雲門救得拄杖子者麼若無天寧自下手去也提起拄杖曰探水卓破金鼈頭撥雲敲折老虎脚復卓一下

舉雪峰問德山從上宗乘學人還有分也無德山打

一棒曰道甚麼師曰如今若有問光孝從上宗乘學人還有分也無光孝也不下禪床也不拈拄杖也不劈脊打只向他道窮鬼子不要忙少你一分不得然雖如是癡人面前不得說夢

崇覺空禪師一則

舉藥山小參不點燈示衆曰我有一句子待特牛生兒卽向汝道時有僧出云特牛生兒也自是和尙不道山曰把火來其僧便歸衆師曰藥山三寸甚密爭奈被這僧下一粒巴豆直得心肝五臟一時吐出直饒討得火來也是半夜天明

淨因踊庵成禪師二則

舉栢樹子話師曰蘇武不拜韓信臨朝恁麼會得十萬迢迢

舉黃龍三關話師曰我手何似佛手龍蛇易辨我脚何似驢脚衲子難瞞人人有箇生緣舉頭天外看誰是箇中人須知瞞庵更有一關黃龍老漢亦透不得如何是瞞庵一關遂喝一喝拍禪床一下

淨慈月堂昌禪師二則

舉僧問投子月未圓時如何師曰投子只知得路便行不覺渾身泥水瑞光即不然月未圓時如何布施不如還却債問後如何僧婆裙子拜婆年

舉趙州洗銷孟雲門拈之云云師曰雲門盡誠收拾特地打翻育王見處也要諸人共知敢請大小趙州死在這僧手裏

### 大滌佛性泰禪師七則

舉楞嚴曰一人發真歸源十方虛空悉皆消殞後來五祖和尚道一人發真歸源十方虛空築著磕著若是德山即不然一人發真歸源十方虛空只是十方虛空

舉耽源問忠國師百年後有人問極則事如何祇對國師曰幸自可憐生須要箇護身符子作麼師曰大小耽源被國師一坐直至而今起不得若是德山要且不然待伊道幸自可憐生須要箇護身符子作麼只對他道暗中爲照燭嶮處作津梁

舉興化示衆云我見你諸人前廊也喝後廊也喝云云師曰驅耕夫牛奪飢人食擊碎明月珠敲出鳳

凰髓可謂富貴中富貴風流中風流藹藹嘉聲迄今未已敢問大衆只如興化道未曾向紫羅帳裏撒真珠作麼生會或者總道咄我也知你跳不出舉僧問地藏如何是佛法的大意曰山前麥熟也未又問青原如何是佛法的大意曰廬陵米作麼價師曰平常心地穩密家風隨時應用越格超宗於斯薦得麥裏有麴若也不會米裏有蟲

舉僧問六祖黃梅意旨甚麼人得師曰破布裏真珠識者方知是寶爛泥藏棘刺踏著方乃驚人諸人還見祖師麼倒騎白額虎突出衆人前

舉教中道是法住法位世間相常住師召大衆曰那箇是常住底法良久曰始逢黃葉落又見一陽生舉阿育王設三萬大阿羅漢會時上座一位無人王問此位何以無人有海意尊者曰白王曰有賓頭盧尊者親見佛來故留此位須臾尊者從空而下便就座王曰承聞尊者親見佛來是否尊者以兩手撥開眉曰會麼王曰不會尊者曰阿耨達池龍王請齋齋道是時亦無尊者師曰阿育王進飯三

萬大阿羅漢要且不識賓頭盧尊者阿育王既已  
不識諸人還識也無若也不識山僧爲諸人指出  
乃拈拄杖下禪床立曰作麼

徑山大慧普覺杲禪師六則

舉僧問洞山寒暑到來如何回避曰何不向無寒暑  
處去云如何是無寒暑處曰寒時寒殺闍黎熱時  
熱殺闍黎又僧問一老宿時節恁麼熱向甚處回  
避曰向鑊湯爐炭裏云只如鑊湯爐炭裏如何回  
避曰衆苦不能到師曰二老宿一人在寒暑裏垂  
手一人在寒暑外垂手寒暑裏垂手者不見有寒  
暑之相寒暑外垂手者通身是寒暑徑山恁麼道  
諸人還辨明得麼若辨明得南天台北五臺若辨  
明不得今日熱如昨日

舉興化打克賓維那雲居舜和尚拈云大冶精金應  
無變色其奈興化令行太嚴不是克賓維那也大  
難承當總似而今泛泛之徒翻轉面皮多少時也  
師曰雲居恁麼道未免拗曲作直徑山卽不然要  
作臨濟祖赫兒孫直須翻轉面皮始得

舉提婆達多在地獄中受罪師曰既無出分又無入  
分喚甚麼作釋迦老子喚甚麼作提婆達多喚甚  
麼作地獄還委恁麼自携瓶去沽村酒却著衫來  
作主人

舉讓和尚遣僧問馬祖云作麼生祖云自從胡亂後  
三十年不少鹽醬師曰雲門卽不然夜夢不祥書  
門大吉

舉無著見文殊師曰徑山當時若見卽向他道和尚  
如此住持直是不易

舉龍牙頌云一切名山到因脚白雲端和尚拈云龍  
牙老人可謂熟處難忘師曰白雲恁麼道大似以  
已方人杲上座卽不然家貧難辦素食事忙不及  
草書

淨因枯木成禪師二則

舉僧問洞山寒暑到來如何回避師曰衆中商量道  
這僧問既落偏洞山答歸正位其僧言中知旨却  
入正來洞山却從偏去如斯商量不唯謗瀆先聖  
亦乃屈沈自己不見道聞衆生解意下丹青目前

雖美久蘊成病大凡行脚高士欲窮此事先須識  
取上祖正法眼藏其餘佛祖言教是甚麼熱碗鳴  
聲雖然如是敢問諸人畢竟作麼生是無寒暑處  
還會麼玉樓巢翡翠金殿鎖鴛鴦

舉南禪師示衆曰達磨西來十萬里少林冷坐八九  
年唯有神光知此意專伸三拜不虛傳後代兒孫  
忘正覺棄本逐末尙邪言直到臘月三十日一身  
負債入黃泉師曰奇哉諸禪德本分宗師一言半  
句如箭中的功不浪施以衲僧正眼觀之大似將  
方木逗於圓孔何故大凡稱提此事如刀斫水似  
手捫風兩不相傷彼此無礙香山怎麼說話大似  
以圓木逗於方孔且道如何得恰好去諸人還知  
也未拂殿上崔芻高聲大笑罷曰塵世勞生早  
晚休隨波逐浪謾悠悠如今林下安禪客幾箇無  
心得到頭乃喝曰且莫以已方人

護國此庵元禪師一則

舉世尊生下一手指天一手指地雲門云師曰今  
時有般說快意話底便道當時若不是雲門誰敢

恁麼道殊不知雲門落在黃面老子圈裡直至  
而今跳不出若向這裏觀得透不唯識得釋迦老  
子亦乃觀破雲門脚跟其或未然山僧更爲你下  
箇注脚貪他一盃酒失却滿船魚

西禪懶庵需禪師二則

華馬祖踏倒水潦師曰大小大水潦喫人拳趯了却  
道我悟悟甚麼屎及乎起來更不識羞猶道我向  
一毛頭上識得根源且莫捏目生華住山後告衆  
曰自從一喫馬師踏直至如今笑不休且道笑箇  
甚麼

舉臨濟問院主糴米師曰院主一喝電卷雷奔山摧  
地裂典座禮拜雲收雨散月白風清然猶恁麼因  
甚總喫痛棒不見道臥龍纔奮迅丹鳳亦翱翔

大潯月庵果禪師二則

舉趙州訪二庵主師曰泣露千般草吟風一樣松爲  
甚麼肯一不肯一若向這裏見得釋迦不先彌勒  
不後坐斷要津天長地久苟或未月庵老人爲  
諸人下箇注脚良久曰若不如是爭知如是



舉話墮話師曰雲門大師張慢天網撈罷打鳳這僧不覺入他陷阱中落他圈裡裏若是福嚴卽不然纔見伊舉道豈不是張拙秀才語但向道未到雲門不妨疑著然雖如是也是賊過後張弓

何山佛燈珣禪師一則

舉疎山壽塔師曰疎山傾囊答謝其奈尺頭有寸這僧只知造塔元來秤尾無星大嶺三文兩鐵支破不難慧曰若作這僧待疎山恁麼道但對曰某甲今日功不浪施著得箇語免被三文兩鐵擾亂一生不教疎山外揚家醜只如臘月蓮華龜毛三尺又且如何要會麼待你諸人造塔成就卽向你道

烏巨雪堂行禪師四則

舉僧問雲門如何是驚人句門云響師曰雲門答這僧話不得便休却鼓粥飯氣以當平生

舉雪竇示衆云大施門開無壅塞忽有箇衲僧出來雪竇退身七百里何故臨危不悚人後有老宿道大施門開無壅塞忽有箇衲僧出來兩手分付何故心不負人面無慚色師曰西山今日亦開大施

門忽有箇衲僧出來三十棒一棒也不較何故許人一物千金不移

舉懷禪師示衆云無手人能行拳無舌人能解語忽若無手人打無舌人教無舌人道箇甚麼白雲端和尚道未舉步時未上一步踏著未開口時最初一句道著師曰二老宿向諸人面皮上寫却一本曆日了也若更眼目定動觸體前鬼神無數

舉僧問雲門樹凋葉落時如何曰牀露金風死心和尙道大小雲門大師境上縛殺有問死心樹凋葉落時如何只對道珊瑚枝枝撐著月師曰大小死心句裏縛殺

大瀉牧庵忠禪師一則

舉長生問靈雲混沌未分話師曰二尊宿發明本分大事可謂如切如磋如琢如磨不妨端的檢點將來大似貼肉汗衫未能脫躰致使有漢隨語生解便向混沌未分時生計較打破鏡處說道理驢年解悟去若據牧庵見處說甚麼混沌未分與未分打鏡破與不破直饒向露柱懷胎處會得正是片

雲點太清諸仁者還委悉麼良久曰待虛空落地時却向你道

西禪此庵淨禪師二則

學教中道佛滅度後其爲善知識者總是見佛來後來歸宗和尚道其爲善知識者亦不可輕慢師曰歸宗恁麼道大似新婦怕阿家未免隨他舌頭轉殊不知其爲善知識者只是箇瞎漢所觀善知識者如夙世冤家便好剗却眼睛掀却腦蓋雖然如是未足酬恩

舉誌公令人傳語思大後來白雲端和尚道思大恁麼說話大似釘椿搖櫓有甚快活新怡山卽不然青山忽憶便歸去浮世要看還下來

靈隱佛海遠禪師二則

舉興化見同參師曰搗衣問道肝膽相傾及至掀翻鼻孔倒轉槍旗爲甚麼一家不知一家事是則這僧勢不兩立興化禍不單行這一頓痛棒架閣來久矣而今拄杖子在老僧手裏無有了底公案卽今目前燈籠露柱大地山河豈不是同參築著

磕著底豈不是同參又參見阿誰喝一喝曰汲水已歸林下去待船猶立渡頭沙復卓拄杖一下

舉眞淨和尚示衆云天地與我同根萬物與我同體脚頭脚底橫三豎四北俱盧洲火發燒却帝釋眉毛東海龍王忍痛不禁轟一聲霹靂直得傾湫倒嶽雲暗長空十字街頭廖胡子醉中驚覺起來拈掌呵呵大笑云筠陽城中近來少賊乃拈拄杖云賊賊師曰是則一場賣弄不少爭奈鼻孔眼睛各有主在何故葛藤堆裏作竊未當白拈酒店門前拾遺不是正賊時東廊下偶犬吠師呼行者探門前有甚客來大衆皆回首師曰要見正賊麼遂指一聲搖手下座

天童應庵華禪師五則

舉大愚芝和尚示衆大家相聚喫葢若喚作一葢入地獄如箭射師曰好語要且無來處有人辨得出與你一兩金  
舉六祖曰不是風動不是幡動仁者心動師曰一言引衆盲相牽入火坑

舉僧問興化四方八面來時如何曰打中間底僧禮拜化曰大衆興化昨日赴箇村齋迴至中路值一陣狂風暴雨却向古廟裏避得過師曰我見燈明佛本光瑞如此

舉僧問雲門不起一念還有過也無門云須彌山師曰雲門道得不妨諦當要且落在第二頭明果即不然忽有人問不起一念還有過也無只對道致將一問來

舉靈雲見桃華悟道玄沙云諦當甚諦當敢保老兄未徹在雪峰云備頭陀何不偏參去沙云達磨不來東土二祖不往西天師曰百鳥不來春又老不知誰是到庵人

舉慈明示衆曰一切賢聖皆以無爲法而有差別前是案山後是主山且道無爲法在甚麼處良久曰向下文長付在來曰師曰天童也著一隻眼一切賢聖皆以無爲法而有差別東弗于逮西瞿耶尼南瞻部洲北鬱單越到處去來不如此

道場正堂辯禪師一則

舉達磨初見梁武帝帝問如何是聖諦第一義云廓然無聖曰對朕者誰云不識帝不契遂渡江至魏達磨去後誌公問云陛下還識此人否帝曰不識誌公云此是觀音大士傳佛心印帝悔遣使去取誌公云莫道陛下遣使去取盍國人去他亦不回師曰後來有般漢道以年曆考之誌公圓寂已十四年矣豈有前頭事耶當時雪竇渾不考詳師笑曰從古至今未有一人明得苦哉佛陀耶殊不知雪竇乃於頌古首篇立此一大因緣要見古人明悟正脉者布幔天大網待稱意之魚歲月滋深益見鰕魚小蠅多少明眼衲僧觸體被渠穿過山僧忍俊不禁爲諸人露箇消息利刀割肉瘡猶合惡語傷人恨不消只見國清才子貴那知家富小兒驕

教忠晦庵光禪師一則

舉雪峰在鼇山成道師曰只如巖頭道一一從自己胷襟流出且道雪峰前三次悟還從自己胷襟流出也無若從自己胷襟流出又道未穩在若不從

自己冒襟流出又從甚麼處得來莫有斷得出底麼若斷得出不唯雪峰鰲山成道盡大地有情齊成正覺若斷不出說甚麼鰲山成道直饒少室傳心也未夢見在

東禪蒙庵嶽禪師一則

舉古澗寒泉師曰雪峯不從口入松栢千年青不入時人意趙州云死牡丹一日紅滿城公子醉

開善密庵謙禪師二則

舉祕魔擎叉霍山往訪師曰祕魔尋常氣宇如王不消一捏便見四稜塌地且作麼生免得他道三千里外賺我來然雖如是殊不知霍山三千里外已死在祕魔叉下了也具眼者辨取

舉洞山冬夜與泰首座喫果子次真如拈云這箇果子莫道泰首座不得喫三世諸佛也不敢正眼覷著師曰洞山倚勢欺人真如隨風倒施今夜忽有人問山僧有一物上拄天下拄地常在動用中動用中收不得未審過在甚麼處拈起果子便喫何故下坡不走快便難逢

東林已庵顏禪師四則

舉慈明水盆話師曰和尚今日供養家親那又以手挪揄便作女人拜

舉慈明冬至日榜僧堂前作此相

申曲題其

右曰若人識得不離四威儀中首座一見謂衆云

和尚今日放參師曰鐵輪天子下閻浮急急如律

令勅攝又曰首座向八八六十四卦中定吉凶

舉橫眸看梵字彈舌念真言吹火長尖嘴柴生滿竈

煙師曰大愚老人經事多矣

舉玄沙聞鶯子聲師召大衆曰玄沙恁麼道不是苦心人不知

玉泉窮谷璉禪師二則

舉雲門話墮師曰權衡祖道號令宗乘須是雲門老人諸方扶強不扶弱璉上座扶弱不扶強當時若作這僧待他雲門大師道光明寂照徧河沙豈不是張拙秀才語只對道和尚也不認爲大善知識教他雲門進也無門退也無門非但截斷雲門脚跟亦與天下衲僧出氣雖然如是只如雲門道話

墮也。意作麼生。良久曰。諦觀萬法交羅處。一一塵中更有誰。

舉僧問洞山。如何是佛。曰。麻三斤。師曰。天無四壁。地絕八荒。向甚麼處與洞山相見。咄。

國清簡堂機禪師三則

舉僧問廣德周和尚。教中道阿逸多。不斷煩惱。不修禪定。佛記此人成佛無疑。未審此理如何。曰。鹽又盡炭又無。僧曰。鹽盡炭無時如何。曰。愁人莫向愁人說。說向愁人愁殺人。師曰。這老子艱難起家。至老慳澁。雖然如是。畢竟也是看窟籠。著楔山僧。即不然。一尺絹搗練。一杯酒上樓。是則是。孤窮且要自張聲勢。忽有人問。教中道阿逸多。不斷煩惱。不修禪定。佛記此人成佛無疑。未審此理如何。只向他道大底。還他肌骨好不。塗紅粉。自風流。未審意旨如何。更向他道。驢事未去。馬事到來。

舉雪峯山裏有一僧。往庵髮長不剃。以木杓舀水。凡有人問。如何是祖師西來意。曰。溪深杓柄長。雪峯聞得。乃曰。也奇怪。一日。潛地帶剃刀與侍者同去。

見之。峰曰。道得。即不剃。你頭僧便將水洗頭。峰便與剃。却師曰。這僧大似諸葛亮。隱於草廬。先主三顧方起。且道起後。成得箇甚麼。邊事利劍拂開。天地靜。霜刀纔動。斗牛寒。

舉興化示衆曰。今日不用如何。若何。便請單刀直入。興化爲你證明。時有旻德長老出來禮拜。偈。喝化亦喝。德又喝。化亦喝。德便禮拜。化曰。旻德今日較二十棒。若是別人一棒也少。不得爲他。旻德會一喝。不作一喝。用師曰。臨濟這一路。踏得開步。驟闊用者。如鴆毒飲者。如醍醐用者。似醍醐飲者。似鴆毒。始有說話。分興化旻德。怎麼敷揚。遞相鈍置。所謂養子不及父家門。一世衰臨濟。一宗掃土而盡。隱靜今日。若更拈頭接尾。轉見不堪。遂顧大衆曰。你總在這裏作箇甚麼。以拄杖一時趕散。復喝一喝。

天童密庵傑禪師一則

舉明招到昭慶。有度上座問云。羅山尋常道。諸方盡是。麩飯。唯有羅山。是白飯。兄從羅山來。却展手云。



白飯謂些子招打兩掌度云將謂是白飯元來是  
麤飯招曰癡人棒打不死度至夜舉似諸禪客次  
招近前曰不審度云今日便是這上座下兩掌有  
瑠上座云不用下掌就裏許作麼生道招曰就裏  
許也道道瑠無對招曰是你諸人一時縛作一束  
倒卓放尿躡下來曰相見珍重師曰尋常向諸人  
道終日在洪波浩渺中舀水相潑渾身無一點濕  
是他明踏著這些子自然用出來閑閑地惜乎鋒  
頭少銳引得許多葛藤若是華藏見他道將謂是  
白飯元來是麤飯連腮更與兩掌且教這僧疑三  
十年

資壽尼無著妙總一則

學文殊請維摩談不二法門總曰當時好與一喝維  
摩老人若下得這一喝可謂鍼起膏肓之疾重布  
龍蛇之陣非但文殊讚歎不及亦免使後人向鬼  
窟裏作活計要見維摩端的處麼臂長衫袖短脚  
瘦草鞋寬

嘉泰普燈錄卷第二十六

音釋

贊音至

懂音衝

閻音閻

瑤七何切

剌一九切

擲音耶

揄音與

楔音屑

舀以沼切

麤充小切

嘉泰普燈錄卷第二十七

平江府報恩光孝禪寺臣僧 正受 編

頌古上

○法昌遇禪師七首

法身

螺螄吞大象石虎齧番馬驚起段家龍踏落雲屋瓦

廬陵米價

烏龜三眼赤祥麟一角尖騰雲生暮雨溪月夜明簾

風幡

不是風兮不是幡黑花貓子面門斑夜行人只貪明  
月不覺和衣渡水寒

麻三斤

火麻皮子若何分臘雪煎茶解醉君更有路行人未

到野華含笑舊枝春

三玄

體中玄獨角泥牛水上眠轉身觸破澄潭月巫山頂上浪滔天

用中玄征人帶甲眠春華風掃盡黃葉落堦前句中玄遠道絕人煙甜瓜甜似蜜苦瓠苦如蓮

○蔣山佛慧泉禪師三首

龐居士云此是選佛場心空及第歸

幞頭塵土靴襪破選佛場中無兩箇若道心空及第歸頂上一椎難放過

金剛經云於是中無實無虛

菩提無實亦無虛幾箇男兒是丈夫丹穴不歸金鷲鷺碧潭空浸玉蟾蜍

石霜虔侍者

石霜會裏擇高才上首貪程去不回只愛寒灰無焰起不能枯木放華開虔侍者亦堪哀先師意旨雖明得未免長拖破艸鞋

○翠巖眞禪師七首

百丈再參馬祖

踏著船頭把釣竿浪蘆風緊得魚難翻思幾處解雲雨只見四方雲出山

臨濟栽松

帶礪山河畫土疆漢高殿下有張良千言萬語無人會又逐流鶯過短牆

首山答佛法大意

楚王城畔水東流南地禪僧北地游眼目直教從淺辯權衡爭奈出常流金篋爲子挑除翳驢上穿靴背打毬

玄沙三種病人

一二三見聞覺更是誰頓銷礫華族處鷓鴣啼艸薰薰時鴛鴦飛玄沙老玄沙老賴遇當年欠一著諦當之言徒唯然中間樹子半零落

馬祖卽心卽佛後云非心非佛

百萬雄兵出將軍獵渭城不閑弓矢力斜漢月初生麻三斤

如何是佛麻皮三斤咄大地茫茫愁殺人

野狐

百丈野狐語至言。龜但薩阿竭。吾有吾廬。

○白雲端禪師十二首

外道問佛

萬丈寒潭徹底清。錦鱗夜靜向光行。和竿一掣隨鉤上。水面茫茫散月明。

二祖安心

終始覓心無可得。寥寥不見少林人。滿庭舊雪重知冷。鼻孔依前搭上唇。

勘婆

干戈中立太平基。塊雨條風勝古時。婆子爲君勘破。了趙州。脚跡少人知。

三頓棒

一拳拳倒黃鶴樓。一趯趯翻鸚鵡洲。有意氣時添意氣。不風流處也風流。

無位真人

春風浩浩喧天地。是處山藏煙靄裏。無位真人不可尋。落華又見隨流水。

臨濟將示寂囑三聖

劈破泰山雷未猛。照開滄海月非光。瞎驢滅却正法眼。直得哀鳴滿大唐。

德山見龍潭

明暗相凌不足云。絲毫有解未爲親。紙燈忽滅眼睛出。打破大唐無一人。

麻三斤

斤兩分明不付君。眼中瞳子莫生瞋。百年三萬六千日。得欣欣處且欣欣。

汝是慧超

一文大光錢買得。箇油糞喫向肚裏了。當下便不饑。芭蕉拄杖雲蓋鵬。和尚與雙泉雅禪師。向火次舉此話。鵬擬開口。雅以火筴一搥。鵬豁然。

有省

與奪雙行。驗正邪。纔爭拄杖。便忘家。驚然鐵棒如風至。失却從前眼裏華。

洗鉢盂

梅華落盡杏華披。未免春風著出禪。一氣不言含有。

象萬靈何處謝無私

北斗裏藏身

五陵公子游華慣未第貧儒自古多冷地著他人富貴等閑不奈幘頭何

○保寧勇禪師十三首

達磨見武帝

燒得通紅打一錐周遭無限火星飛十成好箇金剛鑽擬向門前賣與誰

清淨行者不入涅槃

生平疎逸無拘檢酒肆茶坊信意游漢地不收秦不管又騎驢子下揚州

不與萬法無侶

風吹日炙露屍骸泣問山人覓地理忍俊不禁多口老陰陽無處可安排

日面佛月面佛

蒲團上端坐針眼裏穿線西風一陣來落葉兩三斤

仰山打破瀉山鏡

瀉山古鏡仰山提日上東方月照西墜落不知誰拾

得秋風索索艸萋萋

臨濟問黃檗佛法大意

雷電喧轟海嶽昏一家愁閉雨中門狂風忽起烏雲散白日滿天星斗分

臨濟屬三聖

出門握手再叮嚀往往事從叮嚀生夜過路長休把火大家吹殺暗中行

須彌山

萬仞峰頭立大乘須臾眨眼落懸崖通身不損毫毛者天上人間安敢埋

漸源吊慰

終日挨門復倚樓幾回明鏡照梳頭一從事却潘郎後也解人前不識羞

大隨龜

露足藏頭可笑奇千年誰謂是靈龜雨傾不解乘流去浮木相逢又幾時

靈雲悟道玄沙未徹

萬年松下忽相逢拔樹鳴條浩浩風堪笑晚來無處

覓崔嵬和雨在雲中

大禪佛半夜於僧堂前叫云我悟也

夜半高聲似少神箇中明白有疎親如今隨例傳其響也道師姑是女人

芭蕉拄杖

你有面前枯取去如無背後奪將來可憐黑漆光生底擊著千門萬戶開

○渤潭眞淨雲庵文禪師八首

栢樹

庭前栢樹子我道不如松枯枝折落地打著去年撥

吹布毛

鳥窠吹布毛紅日午方高趙王因好劍蒲國人帶刀

保壽開堂

探騎飛來捧下寧諸人翻滿鎮州城太平本是將軍

致不許將軍見太平

狗子無佛性

言有業識在誰云意不深海枯終見底人死不知心

臨濟參黃檗後到大愚

資糧更不著些些岐路年深忍轉賒直下痛施三頓棒夜來依舊宿盧華

便言黃檗無多法大丈夫見豈自乖肋下三拳明有信不從黃檗付將來

百丈再參馬祖

客情步步隨人轉有大威光不能現突然一喝三日響那吒眼開黃檗面

野狐

不落藏鋒不昧分要伊從此脫狐身相逢盡道休官去林下何曾見一人

○淨因枯木成禪師二首

達磨見武帝

閑將一段秦川錦裁作人間巧婦衣幾度著來呈伎倆暗中曲調少人知

三頓棒

山藤六十輕分付肋下三拳已太遲堪笑不能知痛癢上堂猶道拂蒿枝

○慧林慈受深禪師四首



瀉山一日坐次仰山從外而入瀉山以兩手握拳相交示之仰山便作女人拜瀉山曰如是如是

佳人十八正嬌癡一曲當前舞柘枝只有玉郎知雅態更無人道柳如眉

女子出定

長江靦底浪如銀秋日白蘋紅蓼新莫怪扁舟到彼岸行船猶在把梢人

麻三斤

洞山麻三斤斤兩不謾人語稀難問事貌古易傳神

世尊生下

一火鑄成金彈子團圓都不費鉗鎚拈來萬仞峰頭放打落天邊白鳳兒

○雪峰妙湛慧禪師一首

二祖安心

覓心不得得心安安得心來有幾般好把山藤贈二十免教千古弄泥團

○泐潭湛堂準禪師七首

楞嚴吾不見時

老胡徹底老婆心爲阿難陀意轉深韓幹馬嘶青艸渡戴嵩牛臥綠楊陰

黃龍三關

我手佛手十八十九雲散月明癡人夜走我脚驢脚放過一著龐公策籬清平木杓人人生緣北律南禪道吾打鼓華亭撐船

洗鉢盂

之乎者也衲僧鼻孔大頭向下若也不會問取東林

王大姐

勸婆

行路難行路難最難難是過臺山唯有趙州公驗正昂頭掉臂總閑閑

提婆達多受罪

好笑提婆達多入捺落十小劫波然得三禪妙樂吹布毛須還鳥窠

○泐潭闍提照禪師五首

南泉斬猫

縮水酒越濃負心人越窮鐵剛刀自利不用苦磨礱  
艸鞋頭戴今何在我見牽來劈面春

女子出定

小樹子傍山栽華從葉裏開枝高攀不得和樹折將來

巴陵雞寒上樹

梨華一枝春帶雨金色頭陀笑不語龍宮海藏月明  
前織女姮娥相對舞笑者笑舞者舞十方無虛空地無寸土

南泉爲馬祖忌日設齋垂語

千尺絲輪直下垂一波纔動萬波隨江上晚來堪畫  
處漁人披得一簑歸

曹山去亦不變異

齋時一鉢飯飯後一覺睡睡起去放尿洗手成變異

○太平佛鑑勲禪師七首

達磨見武帝

始聞阿闍一聲鐘日暖蒼龍睡正濃再擊鳳凰臺上  
鼓夜半祥鸞未飛舞帝基永固如磐石胡僧枉費平

先力回指少林歸去來春風一陣華狼藉

日面佛月面佛

東街柳色拖煙雨西巷桃華相映紅左顧右盼看不  
足一時分付與春風

世尊陞座

一輪明月挂天心四海生靈荷照臨何必西風撼丹  
桂碧霄重送九秋音

離四句絕百非

美如西子離金閣嬌似楊妃倚玉樓猶把琵琶半遮  
面不令人見轉風流

十身調御

捉賊分明要見賊十身調御下禪床曾經巴峽猿啼  
處鐵作心肝也斷腸

三聖逢人卽出

城南措大騎驢子市北郎君跨馬兒各各四蹄俱著  
地三春同到月明池

山

南泉示衆云文殊起佛見法見貶向二鐵圍

彩雲影裏仙人現，手把紅羅扇遮面。無人著眼看，仙人却看隨後紅羅扇。

○天寧佛果園悟勤禪師七首

德山小參不答話

大冶烹金忽雷驚，春艸木秀發光輝日新不費纖毫力。擒下天麒麟，全威殺活得自在。千古照耀同水輪，話作兩橛。句中眼活，龍頭蛇尾以指喻。指撞著露柱，瞎衲僧塞斷咽喉。無出氣擬議，尋思隔萬山。咭，噤舌頭三萬里。

女子出定

大定等虛空，廓然誰辨的女子。與瞿曇據令何調直，師子奮迅兮搖乾蕩坤。象王回旋兮不資餘力，孰勝孰負誰出誰人。雨散雲收，青天白日君不見馬駒踏殺天下人。臨濟未是白拈賊。

須彌山

石笋抽條泥牛吼月，誰料同舟自胡越。應機涌出須彌盧，一念不生何處雷。無處雪金剛寶劍當頭截。

麻谷持錫到章敬又到南泉

○唱贊

如是不是去却棄忌，擬犯封疆全軍失利。杖頭突出古菱華，舉世風流出當家。

透網金鱗以何爲食

百艸頭出沒三界外，遨遊從布漫天網。虛下鈎鼈鈎搖麟，振鬣撼乾坤。兀目昂頭，洪浪噴棒雨點唱雷奔。肯將爭戰定功勳。

麻三斤

鐘在扣谷受響，池印月鏡含僧。曾非展事投機，豈是預搔待癢。點鐵成金，舉直措枉。一箭鵬一雙一摑血，一掌君不見疎而不漏兮恢恢天網。

雲門示衆云人人盡有光明在

夜明簾外千峰秀，鸞鏡臺前萬象虛。掃蹤滅跡不立錙銖，誰爲佛殿誰是香厨。敲出鳳凰五色髓，擊碎龍明月珠。

○龍門佛眼遠禪師五首

俱胝指

老大宗師豎指頭，一生用得最風流。玄沙拗折無人會，年來年去冷颼颼。

玄沙三種病人

玄沙三種病人有理不在高聲引得香嚴老子却來樹上懸身

野狐

醉眠醒臥不歸家。一身流落在天涯。祖佛位中留不  
住。夜來依舊宿蘆華。

爲山撼門扇三下

春至百華開朱顏安在哉可憐園裏色不入鏡中來

鬪賓斬師子尊者

楊子江頭楊柳春。楊華愁殺渡頭人。一聲羌笛離亭晚。君向瀟湘我向秦。

○開福寧禪師二首

女子出定

抹粉塗杯恰我，默神頭鬼面舞三臺。千千萬萬人窺看，子細不知誰見來。

風幡

非風幡動唯心動猶涉廉纖強指陳大地未曾添寸土不知誰是點頭人

風頭稍硬

風頭坐斷進還難。子相將不易看。未到潼關天已曉，不堪回首望長安。

○大隨南堂靜禪師六首

卽心卽佛

卽心卽佛鐵牛無骨戲海  
驀龍摩天俊鶻西江吸盡  
未爲奇火裏生蓮香尉尉

狗子無佛性

趙州狗子無佛性七佛如來合掌聽彌伽<sub>二</sub>娑舞三<sub>一</sub>  
臺海水騰波行正令

野狐

長蛇偃月鐵旗鐵鼓坐斷乾坤輝騰今古曾騎鐵馬  
入重城手握金鞭賀太平

女子出定

懷藏日月八面玲瓏袖裏金鏹鮮血通紅香風颭颭  
華雨濛濛兵隨印轉處萬里長虹將逐符行時些子  
神通

僧問瑯琊清淨本然

清淨本然云何忽生山河大地大小瑯琊禪師借人

鼻孔出氣出得氣有巴鼻昨夜那吒生八臂

無縫塔

皎潔天心月朦朧徧九垓三秋黃葉落二月牡丹開  
每觀南來鴈常詢北方五臺均提童子報拾得在天  
台

○龍牙言禪師九首

趙州衫

趙州老對面人難曉一歸何處青州布襖金銀瑠璃  
碑礫瑤瑤

靈雲桃華

春風二月半桃華紅爛漫靈雲到處逢衲僧著眼看  
看看短棹孤舟誰居彼岸

仰山推枕子

田中插鋤床上推枕子手手千眼不審不審

百丈再參馬祖

風雲會合又相期覲面難明第一機霹靂一聲天地  
迴西河師子却生兒

栢樹

庭前栢樹子不是祖師心莫執一時見便忘千古音

雲門放洞山三頓棒二

汗馬功勞要立身將軍一等掃邊塵全身只待英雄  
士不遇英雄愁殺人

查渡湖南涉路岐雲門不惜兩莖眉萬古碧潭空界  
月再三撈攬始應知

有句無句

仰之彌高鑽之彌固昭昭明明如藤倚樹大笑呵呵  
跨白牛碧雲繚繞無尋處

斬貓

當日臨崖看潁眼至今觀水憶南泉趙州頭戴艸鞋  
去漁翁腰帶好牽船

○勝因戲魚靜禪師四首

勘婆二

婆子只知指路雞犬被人偷去直待趙州勘了這回  
緊閉門戶

趙州老老大大不解山中打坐自言去勘婆了倒被



婆子勘破

犀牛扇

扇上犀牛從古畫索來既破要元牛縱教戴子重描  
出不是當時那一頭

四不遷心墳時起

掐珠不念佛開眼不見色喫飯誰擇日任東西南北

○薦福常庵崇禪師二首

風幡

浪靜風恬正好看秋江澄澈碧天寬漁人競把絲輪  
擲不見冰輪蘸水寒

趙州三不度

金佛不度爐窮源有處無木佛不度火渾崙敲不破  
泥佛不度水何處不是你眞佛屋裏坐趙州言是福  
水牯會耕田黃牛能拽磨

○寶華佛慈鑑禪師二首

世尊拈華

拈華親付老頭陀平地俄興一丈波後代釘椿搖搖  
者竹篙量水轉殷訛

樓子和尙悟道

你若無心我也休鴛鴦帳裏懶擡頭家童爲問深深  
意笑指紗窓月正秋

○淨慈月堂昌禪師四首

忠國師問紫璘供奉艸作何色

慣使渡頭船如今不記年愛他風浪惡方是越羅錢

秀才讀千佛名經

千佛居何處題詩黃鶴樓感恩并積恨終日在眉頭

盤山光非照境

光非照境界非存光境俱忘復是痕百鳥不來春已

老落華流水繞江村

丹霞燒木佛

慣行私路乍赴公筵幞頭脚短腰帶夸圓不是伴郎

來勸酒誤他年少覓青氈

○天童宏智覺禪師一首

野狐

一尺水一丈波五百生前不奈何不落不昧商量也  
依前撞入葛藤窠阿呵呵曾也麼若是你洒洒落落

●人聲入

不妨我哆哆和和神歌社舞自成曲拍手其間唱哩囉

○華嚴真懿蘭禪師五首

五位

正中偏拈轉虛空過那邊夜半金雞生鐵卵明明誰辨暗中圓

偏中正曉月梳雲華弄影石人驚起夢魂消帶雪鳥

雞回鳳嶺

正中來玉兔團天耀九垓萬古碧潭無影像紅爐焰

裏雪華開

兼中至錦縫金針雙鑲備靴頭線綻足知音有耳不

臨流水流

兼中到眼裏雙瞳齊喝道少室山前鐵馬駒三便喫

盡無根艸

○上方益禪師二首

臨濟見普化喫生菜

艸裏相逢兩赤眉交鋒一陣疾如飛東西旗號渾相似試問何人得勝歸

香嚴上樹

狹路轉身難東西盡是山行人不到處風定落華閑

○淨因踊庵成禪師四首

夾山境話

古路雪深覆好山雲更遮鴈聲天外急遊子夜還家

德山托鉢

巫峽山頭窈窕女朝爲行雲暮爲雨王孫一見空斷

腸便作紅霞隱身去

女子出定

文殊頭白罔明頭黑女子治容瞿曇是賊山僧不犯

鋒銚直下并賊捉獲

龍牙問翠微臨濟佛法大意

駕與青龍不解騎人人盡道阿師癡爛泥中有傷人

刺三度曾施陷虎機

○黃龍死心新禪師二首

秀才問長沙千佛

黃鶴樓前法戰時百千諸佛豎降旗渠無國土居何處留得多才一首詩

魯祖面壁

魯祖垂慈不用功逢僧面壁顯家風若遇上乘同道者請讀此句

○木庵瓊首座二首

達磨見武帝

掩耳不及忽雷奔天低尺五兩傾盆葉隨流水歸何處牛帶寒鴉過別村

世尊一日坐次見二人昇猪乃問這箇是甚麼云佛具正偏知爲甚麼猪也不識世尊曰也要問過

捨筏懷兼濟逢耕更問津却將未歸意說與欲行人

○欽山方禪師二首

乾峰云衆云法身有三種病二種光

三種病兮二種光衲僧於此共商量商量得到無疑地野艸閑華滿地香

燒木佛

覲面難藏最上機家風千古爲人施銀山鐵壁重重透賴有丹霞院主知

○南華曷禪師二首

僧問清平有漏無漏

策籬木杓錢貫井索打瓦鑽龜徒勞卜度休卜度麒麟只有一隻角

僧問雪竇明覺如何是佛曰四山圍繞

狂狗逐塊瞎驢越隊只許我知不許你會

○文殊道禪師四首

野狐

石崇富貴錢鏗壽潘岳容儀子建才但願東風齊著力一時吹入我門來

勘婆

三月春光上國游祥雲瑞氣鑲龍樓親從宣德門前過更問行人覓汴州

狗子無佛性

狗子佛性無老蚌吐明珠西川鳴杜宇江南啼鷓鴣

燒木佛

彭祖八百乞延壽秦皇登位更求仙昨向天津橋上過石崇猶自送窮船

○龍牙囉囉才禪師二首

爲山百年後向山前檀越家作一頭水牯牛  
去

翻手書空字已成忙忙人向兩頭爭屈原不是尋漁  
父千古誰人論獨醒

玄沙白紙

踏翻漁艇成家業笑出蘆華月正圓地闊天長三幅  
紙同風千里爲重宣

○何山佛燈珣禪師五首

南泉示衆文殊起佛見法見

鴛鴦繡出世無雙好手元來更有強呈罷各歸香閣  
去金針難把度蕭郎

德山入門便棒

入門便棒沒商量拶出紅流便斷當不是奴奴情淡  
薄無錢難作好兒郎

臨濟入門便喝

張公未醉李公扶從此嘉聲滿道途却被金剛開口  
笑誰能愛你護身符

央崛取世尊指頭

急行緩步無前後渾踏長安路一條央崛回頭知住  
處便能平步出雲霄華冠不用嫌生指鬚髮寧煩費  
力搖好似移華兼蝶至等閑買石得雲饒

外道問佛

露影藏身問世尊瞿曇一點不加文迷雲舒卷從斯  
入十倍精神滅八方

○龍翔竹庵珪禪師六首

女子出定

不假文殊神通休要罔明彈指爾時靈山會中女子  
從定而起

國師三喚侍者

世路風波不見君一回見面一傷神水流華落知何  
處洞口桃源別是春

趙州勘婆

劈面三拳連腮七掌盡大地人不知痛癢  
趙州七斤衫

夜半墨漆黑提得一箇賊點火照來看元是王大伯

南泉油糝

近在口皮邊遠過河沙國世間多少人不得油糝喫

○劉賓斬師子尊者

船子下揚州浮萍逐水流一聲河滿子千古動悲愁

○大滄牧庵忠禪師三首

女子出定

秤鎚落井只有秤衡兩兩相憶分物不平方始取出  
秤鎚忽又失却秤衡始去隣家借覓衡上不曾釘星  
休休重者從他重輕者從他輕

新婦騎驢

柳憚江頭賞白蘋小風吹處曉煙輕漁翁坐釣秋亭  
月翻憶茗溪說性情

非心非佛

二月春光景氣浮少年公子御街游銀床踞坐傾盃  
樂三箇孩童打馬毬

○鳥巨雪堂行禪師五首

遂磨見武帝

西天屠子氣雄豪欺負神州罪莫逃武帝當頭輕一

撈果然提起活人刀

風幡

不是風幡動天生李老君出胎頭上髮寸寸白如銀

陳操尙書驗衲僧

一語離窠窺千生出蓋纏夜來風雪惡木折古巖前

二祖安心

金不博金水不洗水二祖腦後露腮達磨當門無齒

夫妻相打到官官問你有誰證見各云有親

兒證見兒到官欲證父不得證母不得

生死自憐同室穴因何中路隔關山一朝忽得親兒

證趨踏方知蓋覆難

嘉泰普燈錄卷第二十七

音釋

蟾時占切 蜎常如切 禪音池 柘音蔗

咭巨吉切 嘹力吊切 鬚音蠶 麝居例切

吸魚及切 嶠五各切 游音虎 招苦洽切

昇音餘 簞音箋 憚音蘊



嘉泰普燈錄卷第二十八

平江府報恩光孝禪寺臣僧 正受 編

頌古下

○大瀉佛性泰禪師十二首

淨果與演化至報慈化問如何是真如佛性  
曰誰無云云

朝三暮四一何少暮四朝三何太多多少未能知數  
量有無從此見般訛不般訛噉噉噉噉喇薩婆訶

楊歧三脚驢

三脚驢子弄蹄行步步蓮華機足生堪笑艸中尋覓  
者不知芳樹轉新鶯

靈雲悟道玄沙未徹二

無星秤子兩頭平拈起應須見得明若向箇中爭分  
兩知渠錯認定盤星

十分風采露堂堂玉藥瓊華未比量剛被傍人論好  
醜因茲難嫁與潘郎

龍牙問翠微臨濟祖師西來意

子卿下下單于拜治末常遵漢帝儀雪後乃知松栢

操事難方見丈夫兒

闕賓斬師子尊者

得人一牛還人一馬有往有來可知禮也

侍者報大王來

應用從來不覆藏當機何得味真常只知報道王來  
也不覺渾身在帝鄉

野狐

不落因果何曾墮不昧因果何曾脫當堂鏡破兩頭  
忘掃影滅蹤無摸索無摸索何倚托秋風吹梧桐樹  
葉鳴曝曝

廓侍者問德山從上諸聖向甚麼處去

商嶺東西路不分兩間茅屋一溪雲師年耳聾知師  
意人是人非不欲聞

有句無句

樹倒藤枯意若何瀉山開口笑呵呵可恰三尺龍泉  
劍喚作陶家壁上梭

外道問佛

有無不問語先墮明鏡當臺雙照破迷雲散盡曉天

空杲日團團紅似火

倒刹竿

多子塔前衣付後更傳何物示於人雙珠迸出刹竿  
倒直得寒光徹四隣

徑山大慧普覺果禪師十首

二祖安心

覓心無處更何安嚼碎通紅鐵一團縱使眼開張意  
氣爭如不受老胡瞞

黃檗噀酒糟

身上著衣方免寒口邊說食終不飽大唐國裏老婆  
禪今日爲君都說了

不許夜行

禾黍不陽艷競栽桃李春翻令力耕者半作賣華人

勘婆

天下禪和說勘破爭知趙州已話墮引得兒孫不丈  
夫人人點過冷地臥

德山托鉢

一棚塗毒聞皆喪身在其中總不知八十翁翁入場

屋真誠不是小兒嬉

風頭稍硬

夜半明星當午現愚夫猶待曉雞鳴可伶自屎不覺  
臭又欲重新拈似人

闍賓斬師子尊者

殺人須是殺人漢當下一刀成兩段頭臂雖虧劒刃  
鋒何似秦時轆轤鑽

一口吸西江

一口吸盡西江水甲乙丙丁庚戌巳咄咄咄囉囉哩  
維摩經其施汝者不名福田

產難

華陰山前百尺井中有寒泉徹骨冷誰家女子來照

影不照其餘照斜領

○道場正堂辯禪師十六首

達磨見武帝

黃金鑿白玉推開開混沌竅透出玄元機

達磨分皮髓

社舞村歌笑殺人騎牛挑鴨走成羣三盃酒罷歸家  
去留得猪頭礙塞人

女子出定

要得他家活計強竿頭須解倒拈槍這邊打鼓那邊  
拍引得瞿會笑一場

圓覺於一切時

張果老踏破葫蘆呂洞賓失却寶劍兩箇撒手相逢  
囊篋更無一線何仙姑鐵笛橫吹解道長江靜如練

亮座主參見馬祖

弓強難結鴛鴦紐御道那栽栗棘蓬堪笑香嚴饒舌  
老今年猶勝去年窮

野狐

不向東山久薔薇幾度華白雲他自散明月落誰家

先師無此語

行主無人能賽姐姐更是好手騰身百尺竿頭打箇  
背翻筋斗

因我得禮你

老鼠敲生鐵十分滋味別貓兒左右看嚙睡也不徹

栢樹

百寶光橫無兒頂是大神呪最靈奇揭諦波羅僧揭  
諦石人半夜失烏雞

十智同真

畫得真如活華間試展開黃鶯偷眼覷不敢下枝來

黃龍三關

我手何似佛手黃龍鼻下無口當時所見顛頂至今  
百拙千醜

我脚何似驢脚文殊親見無著好箇玻璃盞子不要  
當面諱却

人人有箇生緣從來罪大彌天不是牽犁拽把便須  
鼎鑊油煎

小麥化為蝴蝶

春水滿幽澗江風吹斷雲年年那時節憶著別離人

蚯蚓化為百合

住山身已老世事任乖張年來無侍者客到自燒香

兩女合為一媳婦

兩女合為一媳婦古寺基前幢子豎髻髻上有陀羅

尼多少行人盡驚怖

○萬年雪巢一禪師二首

外道問佛

世尊隻眼通三界外道雙眸貫五天華意正濃桃臉  
笑春光不在柳梢邊

晦堂拳頭

背觸人難會憑君子細看片雲纔出洞遮却面前山

○上封佛心才禪師二首

風幡

指出風幡俱不是直言心動亦還非夜來一片曹溪  
月却照儂家舊翠微

大禪佛參仰山後到霍山

子陵灘水急如弦摸得黃魚縮項鰻提向市中頻索  
價他家不著半分錢

○崇覺空禪師一首

栢樹

打人罵人易勸人休却難不識饒人處急水下高灘

○南巖勝禪師七首

馬祖踏水潦

無量妙義皆周匝旋乾轉坤爲一合當陽橫按笑中

刀猶欠頂門上一踏

興化打克賓

漢祖拜將務決勝非韓誰敢當茲任赤幡高豎化城  
降星在盤兮不在秤

廓侍者問經山從上諸聖向甚麼處去

腳踏清波分華嶽手擎紅日轉重雲徒勞謾費干戈  
力究竟還歸有道君

保壽作街坊見相打有省

借路經過無面目因邪打正有拳頭衲僧門下無干  
涉徒用精金換得鎗

金剛經爲人輕賤故先世罪業

藤蘿荆棘離離艸枯樹無退還不倒敗葉知他疊幾  
重不消一陣秋風掃

侍者報大王來

許由臨岸洗耳巢父不飲牛水侍者親入帝鄉趙州  
只在艸裏

狗子無佛性

乙巳大人丘叢林爲寇讎利牙如劍戟生殺有來由

○梁山廓庵遠禪師三首

女子出定

出得出不得定從何處起文殊往梵天罔明輕彈指  
乘流卽行遇坎卽止君不見盧家防胡萬里城不知  
禍起蕭牆裏

普化有齋

不是風兮不是雨長街短巷走如煙院裏有齋常記  
得時時挂在口皮邊

有句無句

呵呵大笑不尋常笑得眉間也放光不是明招重注  
脚叢林泊合錯商量

○道場普明琳禪師二首

北斗藏身

五鳳樓前問洛陽金鞭遙指御街長春風是處華爭  
發游子年年憶故鄉

晦堂拳頭

赤體更無藏隱處黃龍未語先分付若將見解上門  
來他家自有通霄路

○雲隱佛海遠禪師七首

勘婆

纔拈折箭斷弦弓隨手雙鵬落碧空打鼓看來君不  
見萬年松在祝融峰

臨濟囑三聖

濃雲潑墨忽遮山碎雨跳珠亂入船卷地風來忽吹  
散望湖樓下水如天

風幡

不是風幡動亦非人者心自從胡亂後泥墮到如今

栢樹

靜鞭聲裏駕頭來緊握雙拳打不開打得開雲壓香  
塵何處是靜鞭聲裏駕頭來

楚王城畔

楚王城畔水東流獨脚山魃趨氣毬貪看六么華十  
八斷頭船子下揚州

普眼不見普賢



飄飄一鴈落寒空步步追空竟鴈蹤踏破艸鞋跟子  
斷巍然獨坐大雄峯

慈明水盆

暑往寒來春復秋夕陽西去水東流將軍戰馬今何在  
野艸閑華滿地愁

○本寂靈光觀禪師二首

疎山造壽塔

冬瓜蘸雪未爲淡匠者三文淡最幽淡最幽天共白  
雲曉水和明月流

勘婆

趙州勘破老婆時恰似青春三月裏陌上遊人爭看  
華鸞鵲歸處誰相委

僧問黃龍南禪師不去不來時如何曰華嶽  
三峯頭倒卓云却去却來時如何曰風吹柳  
絮毛毬輓

冰雪肌膚西舍女梳粧巧巧畫雙眉傍人筆力強傳  
寫戶外如何見得伊

○鼓山蒙庵巖禪師四首

勘婆

本是山中人愛說山中話五月賣松風人間恐無價  
七賢女游屍陀林

無根樹子一株山翁不費誅鋤斵碎千年桃核不須  
緣木求魚

無陰陽地一片明明賣貴買賤死屍無處活埋露出  
三頭兩面

不響山谷一所透出千門萬戶清曉一聲杜鵑勸人  
不如歸去

○萬年閑禪師二首

世尊拈華

雪壓怪松露風高野渡橫將謂衆生苦更有苦衆生  
乾峯示衆舉一不得舉二

相見不須嗔君窮我亦貧謂言侵早起更有夜行人  
○靈巖安禪師四首

文殊白槌

法王法令沒周遮一片虛凝絕點瑕槌下不開諸聖  
眼幾多騃驢困鹽車

野狐

百丈堂前辨野狐紫羅帳裏撒真珠誰家別館池塘裏一對鴛鴦水上浮

國師三喚侍者

一段風光盡不成洞房深處暢予情頻呼小玉元無事只要檀郎認得聲

三平見石鞏

解劈當宵箭因何只半人爲從途路曉所以不全身

○天童應庵華禪師三首

女子出定

出得出不得滿面是埃塵愁人莫向愁人說說向愁人愁殺人

風幡

大海波濤湧千江水逆流龍王宮殿裏不見一人游

香巖上樹

故園春色在枝頭惱亂春風卒未休無事晚來江上望三三兩兩釣魚舟

○鴈山枯木元禪師二首

香巖貧

無地無錐未是貧知無尙有守無身儂家近日貧來甚不見當初貧底人

竹筴

不觸又不肯徒勞生擬議開口更商量白雲千萬里

○東林訶庵顯禪師八首

祖師曰佛說一切法爲度一切心

牛頭菩薩面馬面夜叉頭不作五逆罪快樂百無憂

勸婆

四海同一家萬口同一舌趙州勸婆子有理向誰說

首山竹筴

罵他還自罵嗔他還自嗔戒之慎之出乎爾者反乎爾者也

雲門露

椎羅搗鼓轉船頭席卷波翻賊激流洗脚上船乘快便順風相送下揚州

芭蕉拄杖

相罵饒汝接背相唾饒汝潑水等閑摸著地頭拍手

囉囉哩哩

楞嚴妙性圓明離諸名相

一錢爲本萬錢利富不足而貧有餘換骨奪胎些子  
藥輸他潘閬倒騎驢

南泉油資

騎虎穿市過把火去偷猪主人開眼睡並舍叫失驢

臘月火燒山

臘月火燒山苦口是黃蓮相將歲除夜寶八布衫穿  
大可怜把手入黃泉

○雪竇聞庵宗禪師三首

虔侍者

石人不怕師子吼須彌頂上飄筋斗滄溟竭盡正二  
更生鐵崑崙雲外走

香嚴擊竹

粥飯隨時養病軀本無迷悟可關渠無端擊著庵前  
竹直至如今在半途

二祖得髓

弟昆各自逞功能獨有家兄徹骨貧三拜起來無一

語鼻孔纍垂蓋上脣

○善權智禪師五首

五王子

誕生

貴胤生時輪掇空玎璫玉珮處東宮月堂轉側朝君  
父直扣堯塔却借功

朝生

學問詩書德行全金門投策紫微班台星不自離  
釣那得寅昏奉聖顏

末生

貧來今日極清虛悲喜寥寥一物無便欲昇爲九包  
鳳依稀雲樹月巢孤

化生

帝命傳來下九天禁城中外化新宣回途復妙持金  
印正令曾無一字傳

內生

鳳勢龍驤大丈夫天然尊貴六宮殊苦封寶殿無人  
侍造次凡眸識得無

○痕山蘿庵溫禪師五首

五位

正中偏玉兔金烏落二邊了角童兒騎黑象三更穿過御樓前

偏中正過房之子初受命金剛脚下崑崙奴腰間也

佩毗盧印

正中來無著當年訪善財瑠璃盤裏藏明月異艸山

華處處開

兼中至不歷僧祇超十地雖然踏著舊家鄉更須知

有深深意

兼中到天寒大雪長安道五陵才子錦袍新馬蹄亂

踏瓊瑤艸

○國清簡堂機禪師四首

魯祖面壁

葉落崗頭一望長幾莖喬木倚斜陽曾經巴峻猿啼

處鐵打心肝寸斷腸

嚴楞吾不見時

隔林髮鬚聞機杼知有人家在翠微及至入門覩見

了元來只是小兒戲

斬猫

青地提起氣腥臊幾箇男兒有痛毛直下血流猶未覺舉頭還見鐵山高

夾山境話

東西南北無門戶大地山河不覆藏今夜碧天雲脚盡一鈎月挂幾人腸

○焦山或庵體禪師七首

金剛經三心

三清道士無仙骨入教闍梨毀梵書黑添崑崙舞華鼓天親無著暗嗟吁

婆子燒庵

不見人斑見虎斑筭來莫願見人斑虎斑見後通回避唯有人斑近最難

南泉油糞

渾身無處著驛路倒騎驢覽盡瀟湘景和船入畫圖

南泉三世諸佛不知有

越鳥巢南枝胡馬嘶北風狸奴并白牯寸步不曾通

千山都坐斷萬派盡朝東天王纔合掌那吒撲帝鍾

倩女離魂

假使百千劫所作業不忘因緣會遇時果報還自受

維摩觀身實相觀佛亦然

眼空四海恣縱橫鼻孔遼天信脚行拏得電光爲火把却來日午打三更

三十六萬億一十一萬九千五百同名同號

阿彌陀佛

竹溪煙絕雨纔通無數深紅間淺紅山店落英春寂寂青旗吹動柳華風

○玉泉窮谷璉禪師三首

德山見龍潭

南來本欲破邪說紙燈滅處難分雪踏著秤鎚硬似鐵錯認烏龜喚作鼈

新婦騎驢

新婦騎驢阿家牽艸裏尋常萬萬千誰在後兮誰在先不須特地苦加鞭

麻三斤

驢尾猪頭牛腳跡三斤麻子露消息誌公杖頭剪刀尺從來雨下塔頭濕

○文殊能禪師二首

臘月火燒山

巢知風穴知雨可憐謝三郎月中自搖櫓

麻三斤

現前三昧料水打碓漏泄天機失錢遭罪

○開善密庵謙禪師七首

夾岫產難

賢聖劫來未嘗殺而今斷這一刀休果然葛怛胷中落笑殺靈山老比丘

女子出定

四箇沒意智漢做處總無畔岸一狀領過塔前與伊據款結案

百丈卷席

浩浩長江際碧空片帆高挂便乘風快哉不費纖毫力萬里家鄉咫尺通

卽心卽佛



誰家飯挂空梁指與小兒令看解開卽是灰囊當下  
命根便斷

非心非佛

賣盡田園徹骨貧不知何處可容身樓頭浪蕩無拘  
檢鐵笛橫吹過洞庭

不是心不是佛不是物

華嶽三峰翠插天上頭無路可躋攀不知誰有神仙  
手折取峰頭十丈蓮

心不是佛智不是道

太平時節歲豐盈旅不賣糧戶不腐官路無人夜無  
月唱歌歸去恰三更

○西禪此庵靜禪師一首

竹簾

千山鳥影滅萬里人跡絕孤舟簫笠翁獨釣寒江雪

○長蘆且庵仁禪師一首

靈雲桃華玄沙未徹

多方竊得破衣裳壁倒離坍沒處藏更有一般無賴  
漢不曾同伴要分贓

○淨慈水庵一禪師二首

話墮

二八佳人美態嬌繡衣輕整暗香飄偷身華圃徐徐  
立引得黃鸝下柳條

慈明水盆

家山指出路非遙萬仞嵯峨插碧霄一片白雲橫谷  
口幾多歸鳥盡迷巢

○德山涓禪師二首

狗子無佛性

狗子佛性無門上釘桃符邪魔并百怪一見便消除

三聖逢人卽出

乍雨乍晴山裏寺或來或去洞中雲滿天星月明如  
晝此境此時誰欲分

○薦福退庵休禪師四首

興化勘同參

恰如劊子氣雄豪便向咽喉下一刀五臟肝心皆若  
出方知王法不相饒

一口吸盡西江水

淨裸裸赤洒洒沒可把喏可知禮也

廣額屠兒放下屠刀

放下屠刀處棒打不回頭雲自帝鄉去水歸江漢流

狗子無佛性

趙州門前毒蛇當路踏著勸你退步退步

○劍門分禪庵主六首

勸婆

臺山一路絕纖埃無限英靈被活埋拈掌高歌天地

闊趙州親到勸婆來

臨濟四喝

是非穿鑿不相干匹喝諸方莫錯看六道四生平等

法牧童吹笛過前山

興化勸同參

長松不改四時青縱奪當機幾箇明陣敗不禁荅帚

掃眼中瞳子面前人

女子出定

鵲鴦午夜破雲飛寶印無私執解提若道箇明能出

定是人拔舌入阿鼻

風幡

非風幡動唯心動踏雪貧兒徹骨寒在聖在凡誰改  
變唧唧囀碎鐵圍山

○資壽尼無著道人二首

產難

不遲一步不疾一刻明眼諸僧如何會得粉骨碎身  
未足酬一句了然超百億

狗子無佛性

鐵壁銀山一箭穿過潦倒趙州口能招禍

○侍鄭楊無爲居士七首

卷席

野鴨飛鼻頭裂卷席更來呈醜拙直饒獨坐大雄峰  
也是天邊第二月

擔板漢

睦州喚隨卦斷回不回擔板漢

如驢觀井

驢觀井井觀驢五臺何處不文殊黃面老人任多口  
未知道得八成無

僧問古德如何是二乘教外別傳一句曰東  
村王老夜燒錢

三乘教外別流傳瞎漢多知喚作禪天下衲僧參不到東村王老夜燒錢

古德垂語云我喚作火汝不得喚作火

我喚作火汝卽不可已道了也喚作甚麼

藥山云怎麼也不得不怎麼也不得

總不得太無端野老焉知天地寬直饒數到八九十

家山猶隔一重關

四祖問牛頭汝在此作甚麼曰觀心

觀者何人心是何物瓦解冰消不勞拈出

○丞相張無盡居士五首

廬陵米價

一派青源出少林信衣到此只傳心尋常示衆無人會盡向廬陵米價尋

靈照雪中賣笠籬回至一廟前云云

寧可饑寒死路邊不勞土地強哀憐滿船家計沈湘

卷十四

兜率三關其一曰撥艸參玄只圖見性卽今  
上人性在甚麼處

陰森夏木杜鵑鳴日破浮雲宇宙清莫對曾參問曾  
哲情知孝子諱爺名

其二曰識得自性方脫生死眼光欲落時作

麼生脫

人間鬼使符來取天上華冠色正恭好箇轉身時節了莫教閻老等閑知

其二曰脫得生死便知去處四大一分時向

甚麼處去

鼓合東州李大妻西風曠野淚霑衣碧盧紅蓼江南岸却作張三坐釣磯

嘉泰普燈錄卷第二十八

音韻

贖五怪切 編音鞭 屈音鶻 脂音突

釐音宵 訂音丁 璫音當 驥音汨

𡵓音攤  
𡵓虎伯切  
𡵓音錫

嘉泰普燈錄卷第二十九

平江府報恩光孝禪寺臣僧 正受 編

偈頌

○翠巖眞禪師三首

占古慶懷

南北無知已東西信有緣祖師言不識眞宰理方宣  
性海寬長滿心華靜後圓定山三徑艸誰爲掃寒煙

偶作

白雲漫世界清露滴咸秦滄海幾回變衲僧把要津

因事

三歲孩兒百歲翁你少我老相逢陌路各西東生死交謝瑠璃

殿上蒼苔色絕人往還明月堂前匝地風我門昌盛

○法昌遇禪師九首

看經

半滿藏兮一絡索子細看來特地錯東村王老打張  
三兩箇善神齊發惡休發惡寒猿昨夜繞窻啼白鳥

今朝上虛閣

寄昭師兄

溪月同觀影異圓嶺雲重鎖故山爾鳥雞帶月啼天  
曉獨狗銜華吹斗寒徑直斫開離却易迂回顧鑿入  
應難龍川露滴層峰外紅日圓暉北上看

不勘自破

打破虛空不用鎚門頭何假更安誰從他勝有張良  
計不勘還須失利歸

三句

第一句無邊大火聚擬議早身灰誰敢當頭覷  
第二句龍蟠并虎踞更問毗耶離已落他路布  
第三句脫却癩生袴直下便承當鐵山橫在路

三訣

第一訣袖裏三斤鐵忽遇病維摩拈起薦頭楔  
第二訣六月漫天雪無處避炎蒸渾身冷如鐵  
第三訣八字無兩人胡僧笑點頭眼中重著屑

○金山達觀禪師一首

答問曹洞宗旨

洞下門庭理事全白雲巖下莫安眠縱饒枯木生華  
去送出荒郊不直錢

○黃龍普覺南禪師二首

答張職方

夢幻年光過耳順，  
萌庵艸座頗相宜。  
日高一鉢和羅飯，  
禪道是非都不知。  
不知猶作不知解，  
解在功成百鳥奔。  
欲絕精華箇中意，  
江心明月嶺頭雲。

○雲峰悅禪師六首

示學者

赫日光中誰不了，  
底事堂堂入荒艸。  
擔簦負笈苦勞神，  
從門入者非家寶。  
演宗乘提祖教，  
千年枯骨何堪敲。  
南北東西歸去來，  
拈得鼻孔失却口。

和泥合水五

予有一道千聖不到北，  
走南奔相頭買帽是何之道。  
雲橫碧嶠，  
予有一辯風生嶽面，  
舉目千差知君不薦是何之辯。  
僧堂佛殿，  
予有一說善知時節，  
若人會得眼裏漆屑是何之說。  
春寒秋熱，

予有一切寒光若鍊虎嘯風生，  
飛霞走電是何之切。  
灰頭土面，

予有一機聖凡豈知拈却鼻孔，  
舉起須彌是何之機。  
淵明皺眉，

○開先暹禪師一首

寄蓮華峯祥庵主

蓮華峯色撐寥沈，  
中有高人眠歲月。  
勞勞塵慮不經心，  
凜凜寒姿天欲雪。  
腰間佩文殊，  
逼佛劒手中握龍猛。  
金膏筆又不肯掃，  
蕩妖氛又不肯點化頑石。  
殷勤問師住山得幾秋，  
報我百年只是三萬六千日。

○芙蓉楷禪師五首

妙唱非干舌

剎利聖處談不勞，  
彈子善財參空生也通消。  
息華雨巖前鳥不啼，

死地驚出艸

日炙風吹艸亂埋，  
獨他毒氣又還乖。  
暗地忽然開口長安依舊絕人來，

解鍼枯骨吟



死中得活是非常密用他家別是長半夜觸體吟一曲冰河紅焰却清涼

鐵鋸舞三臺

不是宮商調誰人和一場伯牙何所措此曲舊來長

古今無間

一法元無萬法空箇中那許悟圓通將謂少林消息

斷桃華依舊笑春風

○白雲端禪師四首

應真不借

情塵我自出安用世人知月好還邀客華開亦詠詩  
訓徒朝有則鍊句夜忘疲頗似區區者剛然不識伊

涉流轉物

物理詎可忽逢時各解鳴亂蛙迎雨急孤猿帶霜清  
歷歷何先後寥寥異性情汨羅嫌醉者病在不分明

偶作

無華可獻見牛頭霽霽聲光數百秋今日龍門庵裏  
老依前獨坐冷颼颼

贊茶陵郁禪師

水月以喻兮古來已多我今不然兮所陳伊何百尺

竿頭曾進步溪橋一踏沒山河固不游方兮何游之

有玄沙保壽兮師與其偶鴈峰之東兮冰川之口三

十三秋兮大師子孔舒兮卷兮已而矣依前空瀉冰

川水九江相去幾千里父有重牙子無齒謾勞提耳

一爐香微煙旋逐松風起

○保寧勇禪師十首

寄端和尚二

雲外青山萬萬重有誰千里暗相通明時簸弄乾坤  
者盡握靈蛇在手中

無限栗蓬吞已了百千圈子透難窮有時共入洪波

裏盡日漫天是黑風

上雲蓋頤和尚二

拈將柳栗路縱橫大地清風颼颼生北斗柄斜輕撥  
轉大唐人眼直須盲

憶昔相將決死生死生難決蓋生盲也知不負歸根  
處到了還從舊路行

答舒城范秀才

舉手抹太虛光明能燦爛赤脚上刀梯縵縵縵縵

山居五

石女呵呵笑東君信已通羽毛爭叫噪華木競青紅  
樵唱深雲裏農耕驟雨中祖師門下客特地問家風  
出家冬景致何處不光輝大地冰凌合漫天雨雪飛  
松間戴笠去林下拾薪歸盛爇爐中火通宵即當衣  
隨分度朝晡客來何所須點茶收却蓋行飯展開盂  
暑熱同搖扇天寒對擁爐等閑相借問還識老僧無  
林下無餘事高眠足曠懷各將鍋裏粥抽出竈中柴  
坐久慵移榻人來揖上塔門前千萬仞誰肯度懸崖  
卓錫孤峰頂門前滑似苔豐干騎虎去拾得越牛來  
倏忽風雲合遼巡境象開相逢語何事搖手任人猜

○五祖演禪師三首

山居

床是柴棚席是茅枕頭葛恒半中回霜天索賈人投  
宿睡到天明手脚交

送分衛者

嚴霜迸開雲片片半籠幽石半從龍爲霖普潤焦枯

後却入羅煙第一重

聞角

幽幽寒角發孤城十里山頭漸杳冥一種是聲無限  
意有堪聽與不堪聽

○淨因枯木成禪師一首

示小師思悟

維摩不默不良久打破玄關沒窠臼堪嗟幾箇杜波  
斯問著癡癡不問口

○黃龍死心新禪師四首

死心室

死心心死死全心死得全心一室深密把鴛鴦閑繡  
出從教人競覓金針

和方侍者頌曹山雲中因緣

滿山風雪色凝然鳥道玄玄沒二邊風翅斂時全叶  
正龍珠耀處却還偏通途辨的誰云妙雙鑲金針理  
未玄若謂孤峰曾不墮依前流落未生前

與方侍者

念念向本家本家即心也念念行吾道吾道即性也

吾心性無二佛祖更無也

### 贊六祖

六祖當年不丈夫，情人書壁自塗糊。明明有偈言無物，却受他家一鉢盂。

### ○慧林慈受深禪師一首

#### 偶述

萬事無如退步眠，松床紙帳暖如氈。夢中說話無華艸，況是山僧不會禪。

### ○泐潭湛堂準禪師五首

#### 送雲侍者

鳥窠吹布毛，老婆爲侍者。今古道雖同，寶峰不然也。二月三月時，和風滿天下。是處百華開，遠近山如畫。歧路春禽喧，高巖春水瀉。頭頭三昧門，虛明周大野。好箇真消息，書送汝歸舍。衲僧末後句，噯是何言歟。

#### 送利監收

開眼合眼道契寰中，東行西行禪非物外。大仰插鉢叉手靴裏動，指頭南泉把鉢刈茅誰人知此意。今也道不及古僧，僧解數滿肚，但尋雪月風華，失却昔年。

活路不能返，照回光。法界毗盧全露，阿呵呵笑倒利頭陀。風前月下囉哩囉，深夜處分諸火客。你看是甚麼火色。

### 自贊三

我若自贊雲居羅漢，我若自毀無主餓鬼。贊之不欣，毀之不嗔。毀譽不動，東魯西秦。

爾圖我真，又求我贊。我真我贊，兩重公案。家醜不外揚，已德不自談。寄之以數六九五十三。

我已是妄爾更妄，寫妄我妄。寫兩重虛假，欲傳吾真。須泯見聞聲色，不礙相似十分。

### ○長蘆祖照和禪師一首

#### 題永明智覺壽禪師頂相

慧日峰高秋色冷，錢塘江靜月華明。寒光一燦周沙界，筆下看來未十成。

### ○泐潭闍提照禪師一首

#### 自贊

自小來打硬佛祖，不奈何放磊直住院殃。害殺禪和道行，闍提道歌唱闍提歌。歡喜入地獄，誰管你閻羅。

○龍門佛眼遠禪師十一首

標指五

了妄元真

問汝貪嗔癡家住在何處我今要與汝各分頭去  
好好細思量免被他官府大者名爲貪養得二舍弟  
三郎都一處日夜共活計令汝家戶大使汝善調制  
子今苦厭我我與子發誓一要子自知二要子依例  
三要當處生四要歡喜偈與汝善和同一無凡穢  
一覺一切了何須去煩騷我是諸佛母十方及三世

同居善說

世人不識我求我以形容形容不相似徒觀紙上龍  
若要識得我問取主人翁主人好家業物物要安藏  
六兄誇藝術三母足溫良南聽善書筭北庫多財糧  
住來但覺久懶去問張主君若一識得與汝同屋梁  
美容可觀

一別海山中十年春艸綠相思在方寸顏容皎如玉  
音書查不來桃李繁且熟唯有意中人使我眉頭蹙  
妙容非觀

通身無影象脫體露堂堂不話非聲色何曾有短長  
河沙恒徧現故號法中王優曇華正開慧著不聞香

延促自爾

春日春山裏萬事盡皆春春光照春水春氣結春雲  
春客春情動春詩春更新唯有識春人萬劫元一春

祖師地種華及總頌四

地

性地本無生因生說有地流傳古至今非愚亦非智

種

從昔未曾迷於今何所悟只緣種性深更亦無別路

華

有種有心地因緣華日開要知成果處却笑祖師來

總

五葉華開後山長水更深亂雲橫谷口游子謾追尋

示衆

求心心未諦等人人不來嚴華曉來雨寂寞爲誰開  
五色燈光曾所成但除其嘗莫除塵若言本眼何曾  
嘗乃是臨河渴死人

○龍牙言禪師一首

張提舉到山有作

清世朝賢難會面，巖堂語道霜風扇。借問何時出帝鄉，笑云西蜀烏頭賤。阿呵阿誰人薦裴相當年典，豫章不惜眉毛又相見。嘆

○勝因戲魚靜禪師二十二首

擬寒山自述

多見擬寒山不然，擬拾得冲天各有志。擬彼復何益，居山山色翠。臨水水聲長，風華與雪月時處自歌揚。頗憶未參禪教中，聽十年晝夜數他寶。何曾得半錢，發志出行脚。遍求無病藥，及至休歇時依舊沒鞋著。行時唯信脚到處，便爲家。午飯隨羈細三衣亂掩遮，空名耳裏水微利。眼中砂一覺黃昏睡，金鳥出海涯。目述自高吟自高，非倨傲。高懷肯隨動，幽鳥徒輕噪。無水定無源有煙，必有竈。天堂并地獄自作還自報，近見一般人堂堂似佛祖。入室求知識爲明生死事，問汝莫是賊當時。面如土語言勿生嗔，只箇是生死。參禪脫生死，輒莫被魔使八風一任吹。六塵終不污

目擊自

十二時

非語亂如麻，截斷衆流句。仰面看青大立地，起佛祖。五更一盂粥，辰時一頓飯。晝夜兩覺眠，一日事俱辦。毀我還自毀，贊我還自贊。是非與榮辱，紅爐赤金彈。良田著力耕，自利復利。故莫栽荆棘，樹子孫沒出路。仁者愛安仁，狡佞生嫉妬。勸汝早回頭，翻覆面前覷。莫笑我自述，羈言無義理。豈爲騁文辭，因筆寫其志。百年呼吸間，何用苦較計。勸汝莫癡毒，無常忽忽至。一曲樂昇平，非關囉哩梭。山河俱屬宋，雲水且饒僧。時擊松風磬，長然澗月燈。願王似南嶽，萬世碧層層。

半夜子心境俱忘，正莽幽撚轉。天關萬象移，泥牛入海誰親覩。雞鳴丑一聲相報，無前後。驚覺騰騰夢裏身，釋迦老子交橫走。平旦寅翠竹黃華拂眼明，靈禽異獸爭嘲哄。總解回頭轉眼睛。日出卯紫霧紅霞騰，海島擠排無限利。名人出門忘却衣中寶。



食時辰掌鉢徒勞入市巡若將心受檀那飯也似無功食祿人

禺中已選甚疑坊并酒肆回頭便是出塵人翻笑曼殊携慶喜

日南午卓然獨耀無今古糞埽堆頭玉馬嘶瑠瑯殿上金剛舞

日跌未萬樹千峰影斜墜兎角龜毛遶市尋貴賣還思買時貴

晡時申一日三分過二分直饒省得來時路到家急急也黃昏

日入西殘霞返照門前柳無聲一曲牧童歸背跨牛兒師子吼

黃昏戌角韻鍾聲遐邇一要會聞復翳杳徐補陀巖上尋彌勒

人定亥念念無常刹那快回光省取不遷心坐照十虛誰對待

○虎丘隆禪師二首

送化士分衛

大地撮來粟米粒一毫頭上現乾坤居家不離途中事常在途中不出門

贊達磨

蓋國人難挽西携隻履歸只因熊耳月千古冷光輝

○薦福常庵崇禪師一首

讀莊子一受其成形不忘以待盡

人生悉如此誰悟此中玄白日無私照青山任意眠松風來不斷泉石自相便路出千峰上雲歸竹徑邊

○寶華佛慈鑒禪師五首

五派

臨濟

銅頭鐵觜百家冤一喝雙分照用全三尺吹毛定寰宇臨行拋向踏驢邊

雲門

三句都將一串穿等閑挂向御樓前幾多行客眼定動東海鯉魚飛上天

曹洞

紫庭黃閣帶春溫寢殿何人侍至尊長愛百司分職

處玉鞭敲鐙出金門

漁仰

一箇撒開千萬箇，  
簸箕解說無生話。  
艸堂睡起背盧都，  
寂子要須原夢破。

法眼

溪光野色浸樓臺，  
一笛遙聞奏落梅。  
風送斷雲歸嶺去，  
月和流水過橋來。

淨慈月堂昌禪師一首

送僧

掃盡諸方路布禪，  
到頭窠臼落誰邊。  
臺盤角畔重拈起，  
萬里神光頂後全。

自贊

丹青寫出剎却一箇寶，  
入布衫著著便破土面灰頭。  
那畔行水墨觀音解推磨。

○廣福尚禪師二首

雌黃龍有作

大袖長拖出祖關，  
蛟龍戰罷海濤閑。  
寄言白首參玄者，  
休把虛空側點斑。

次韻答張無垢居士

從來高價莫饒伊，  
百戰場中奮兩眉。  
奪角衝關君會也，  
叢林誰敢更相欺。

○長蘆真歇了禪師三首

示衆

意句難分別，  
風騷路外求提刀。  
空四顧駐步失全牛，  
落眼情塵脫歸根。  
景象幽萬緣俱不到，  
佛祖莫能酬。  
路斷無依著空船，  
載月歸力窮忘一色。  
功盡喪全機密混凝流，  
處融通向背時古帆風。  
靜夜任運應高低，  
不犯清波句澄江浸一鉤。  
棹頭風色靜蓬底，  
夜明秋鴈影沉寒水。  
蘆華隱白牛須知耕釣外，  
穩密類難收。

○靈峯古禪師一首

題佛鑒禪師語錄後

流水高山不在絃，  
等閑成曲又成篇。  
列璫珊瑚樹枝枝好，  
撒水銀珠顆顆圓。  
揮落禪關無少滯，  
增添禪子幾重冤。  
擬於紙上明端的，  
爭似當機自造玄。

○黃龍艸堂清禪師一首

讀法界觀

多中卽一一中多浪裏全提水是波波水滅時多一

盡日輪當午見星河

○善權智禪師四首

識自宗

紫微宸幄綠苔封寂寂無人寢殿重玉漏夜傳尊貴

語六宮不許扣金鍾

和宏智頌仰山語三

機絲不立顯真空斷滅應無箇事同●沒底月船乘

夜泛無鐺鑊子兩頭通①

回眸照處猶春雨撒手何時正曉風○白髮童兒騎

雪馬轉身就父豈同功◎

如今認得正當初○月下披雲上寶車②暮去朝來

誰辨的開門何處不逢渠○

○德山佛性泰禪師五首

四時般若

日暖風和天地春野華芳艸一番新靈山佳致依然

在誰是當年微笑人

萬木扶疎夏景長園林梅杏嚼紅香山前麥熟還知

否一一當機爲舉揚

飄飄黃葉墜幽庭萬里無雲宇宙清颯颯涼颯生戶

外韶陽三句轉分明

林木蕭條復本根嚴霜凍雪鑊松門地爐煨火通身

暖寒暑到來休更論

贊達磨

泛舶來梁自普通一鎚擊碎有爲功誰云面壁無言

說爭奈當門齒露風

○徑山大慧普覺杲禪師十一首

學者請益竹筴

雲門舉起竹筴開口知君話墮上方香積不食甘伏

食人涕唾

雲門舉起竹筴禪和切忌針錐鸞鳳不棲荆棘鷄鵲

偏守空池

雲門舉起竹筴通身帶水拖泥奉報參玄上士撒手

懸崖勿遲

雲門舉起竹筴擬議知君亂統直饒救得眼睛當下

失却鼻孔

雲門舉起竹筵露出心肝五臟可憐倚死禪和猶自  
魂飛膽喪

示鼎需禪人

頂門豎亞摩醯眼肘後斜懸奪命符瞎却眼解却符  
趙州東壁挂葫蘆

寄福勝長老

真人十八界元空三十一人同姓呂分散游山各占  
山三十一人又同處

贊普融和尚

示無作相擊塗毒鼓行無緣慈誅佛誅祖如是見得  
普融妙喜未敢相許直下來也如龍似虎一鎚打破  
太虛空至今一缺無人補

李漢老參政寫師頂相求贊

這漢沒量罪過不合引惹措大被渠笑裏藏刀殺去  
吾祖達磨不知有底冤讎一向興災作禍果上座諾  
惺惺著莫教話墮

唐道人請贊

這尊慈無摸索忽地喜忽地惡喜也和氣如春百華

開尊惡也雷電風雲一時俱作似恁麼做處若非阿  
脩羅王卽是金仙大覺唐道人緊收却逢人不用展  
開卷來送在壁角

祖傳禪人求贊

藹苴全似川僧蕭灑渾如浙客偏向情未生時拈出  
報慈一隔尊性不定莫可窺測見小時嫌蠅螟眼太  
寬見大時謂太虛空惑窄似這般底阿師如何受人  
天供養好與劈腮一擱

○烏巨雪堂行禪師三首

贈禪者

句下出諸礙翻身古劍寒欲明如上事須是觸體乾  
削東坡宿東林偈

贊佛眼和尚

溪聲廣長舌山色清淨身八萬四千偈明明舉似人  
因我得禮你立沙出窠白龍門與薦燈後咄

○護國此庵元禪師二首

答虎丘隆禪師

佛祖權衡真妙絕一句通明萬機徹縱橫端似走盤

珠念念圓融大休歇要須滴滴爛如膿莫學南方半  
生滅掀然四海浪翻空撼動須彌石崖裂電火影裏  
分縑素烈焰堆中掬飛雪玲瓏八面生清風皎潔一  
輪霜夜月無位真人乾屎橛紫真珠帳羅紋結握起  
吹毛照膽寒擦撥石人驚吐舌全提半提風凜凜奪  
食驅耕妙無錫棒如雨點聲如雷一割當機便超越  
君不見臨濟宗風正令當如此赤骨歷地成活業

送化士

言前薦得成多事句後承當亦未真截斷兩頭閑路  
布不知誰是透關人

○道場正堂辯禪師五首

送街坊

貞女不著娘家服丈夫豈假分時財十盃五盃從何  
有空奮雙拳趁得來

送及禪人

馬面夜叉纔稽首牛頭獄卒便擎拳洞賓唱箇陶甄  
理脫殼烏龜飛上天

自贊三

土豹長老悟處敵諸滑頭勝似毒菜軟頭何香藕膠  
曾被三脚驢子踏得鼻孔成四

瞎老婆半夜吹火張靈子曰午聞歌盡得這般毫相  
出生入死降魔有時鼓起龍門浪婆謁龍王不奈何  
潦倒住持不言規矩聚三百僧說無義語平生要討  
便宜落水也求乾處

○欽山方禪師四首

四威儀

山中行步步踏無生手把過頭杖輕重不多爭  
山中住生死全無路地獄與天堂總是閑家具  
山中坐松竹大底大時時起清風自唱還自和  
山中眠祖佛並齊肩神通并妙用盡在枕頭邊  
○靈隱佛海遠禪師五首

示無住道人

瞎堂有箇不是掃盡衲僧巴鼻驚回陝府鐵牛吞却  
山河大地

寄白石峯體首座

白石峯頭衲子多鐵牛吸盡井中波他年布袋重開



口佛祖依前不奈何

寄道場無庵全和尚

雪頂崑崙著意猜十頭維利笑顏開饒湯冷處君先  
入潞眼橫時待我來

示道源大師

學佛以悟爲則虛詞不入公門君看義之婢聖一點  
入石三分

自贊

大地一渾身虚空絕四隣不識栢樹子喚作麻三斤  
好時十分瀟灑惡時一味藟苴等閑牽犁上佛殿乘  
輿鉢盂裏走馬平地撒屎撒尿知他是真是假禪人  
描邈將來大虫頭上火把

○虎丘雪庭淨禪師四首

四牛圖

龍圖王以寧序

本無位次那容橫立階梯體絕名言豈許強生節目  
玄關跳出何妨土面灰頭金鑲喝開始解披毛戴角  
隨機攝化應物現形唯一堅密身混入諸塵現古今

作牧牛圖皆方便之一端耳或黑或白或有或無然  
皆未能盡善今雪庭道人獨以四牛皆一色白中間  
二位悟則逆騎迷則順騎前後二位爲牛者表父母  
未生及涅槃時也四皆白者表迷亦不失悟亦不得  
生亦不來死亦不去露地坦然法身明矣

一父母未生空劫那畔世界未成此性已  
具坦然明白本體純真衆生因妄發生聖  
人從悲起智 頌曰

混沌不分處三緣未合時神通難可測佛眼莫能窺  
坦蕩全軀白安眠露地肥爲耽春色好又被業風吹  
二三緣既合六賊互興捨父逃亡迷已逐  
物同門出入各不相知向外馳求自生退  
屈故謂之迷 頌曰

改換毛衣了從茲不自由只知今日事忘却舊時牛  
步步雖同轍昂昂不轉頭四山成隔闊相逐沒時休  
三回頭忽見覲面相逢十二時中全承渠  
力君臣道合父子相投自利利他續佛慧  
命故謂之悟 頌曰

譬爾家欄裏回頭識得伊不須常管帶取次倒橫騎  
似客歸家日如兒得母時平田荒艸裏吹唱哩囉哩

四始終一貫起滅同時終日生而不生終  
日死而不死廓然絕跡湛爾清虛如金博  
金似水歸水不斷煩惱而入涅槃不住立  
關匪居正位披毛戴角向異類中行此諸  
佛頓證法門非衆生見聞境界 頌曰

脫下娘生袴還歸不動尊萬緣具頓罷一路涅槃門  
大海波瀾息青天絕點雲披毛同異類無利不分身

○天童應庵華禪師四首

偶作

黃檗堂前行正令天童今日驗疎親老來拄杖思分  
付未見當年喫棒人

贊臨濟

臨濟禿無眼目討便宜兮不知足高懸羊頭賣狗肉  
秤頭斤兩惜如玉胷中更有一般毒天輕觸

贊此庵

十分畫得相似只有一處殺訛佛祖檢點不出從教

平地干戈

禪人寫師頂相求贊

身心一如身外無餘不願成佛亦非凡夫甘作上牢  
漆桶無心計較鎗銖萬古銀山鐵壁更沒者也之乎  
是則活埋老僧不是則打殺曇慧暗透兩重牢關烈  
焰不藏蚊蚋

○博山本禪師二首

浴佛

今日當年佛降生當年今日不多爭若言八十還歸  
滅有眼分明特地盲

遣僧通嗣書

射殺南山老大虫行人從此路頭通年來獵犬渾無  
用臥對千峰與萬峰

○東林泐庵顏禪師七首

明道

心如牆壁眼如眉月餌煙蓑下釣磯湛湛寒光凝一  
片波瀾不犯取魚歸

與洞照禪人

找出趙州舌頭去却當門荆棘歸家倒臥橫眠冷笑  
奔南走北

示衆二

無用頑皮作氣毬誰人趨得上高樓如今潦倒渾無  
力覓得行時即便休

盤陀石上共安居水遠山高一事無唯有多情峰頂  
月夜深移影到堦除

贊達磨

五乳峰前九年冷坐孤風絕攀名不敢沈斷臂嗣芳  
賤賣滯貨與蟪有子負之螺贏卽說呪曰類我類我

自贊一

來自三川應緣兩浙肩擔華木瓜重擔肚束馬箠箕  
三篋飯飯鐵釘羹羹木札要是圓悟兒孫喪却楊歧  
家法奸漢多疑點兒落節

卽眞非眞是相非相龜毛拂子兎角拄杖自歌自舞  
獨吹獨唱認得師姑是女兒誌公不是閑和尚

○國清簡堂機禪師二首

送僧造普同塔

珊珊玉骨木玲瓏挂角羶羊不見蹤特地作亭圖甚  
麼爲憐松竹引清風

送育維那

克賓一字入公門有理難伸笑殺人隱靜不行與化  
令他年誰道棒頭親

○焦山庵體禪師六首

白石庵遇作

白石居山人不住那伽定拄杖秃却枝鉢孟倒安柄  
人舛覓冤讎虛空懸業鏡喝下劒光寒放行塵榻令  
忘機絕照

示衆三

剔起遮天眼空王舊話圓氣毬剛似鐵石臼軟如綿  
苦海無驚浪紅爐斷火煙莊周蝴蝶夢舉世若爲原  
著脚孤危舛不生沒棲泊處等閑行臨風闊却噀空  
口斷送渾家入火坑  
生瘡別是一般村品藻先賢薄後昆掉放孤峰爭合  
殺棒頭有眼蓋乾坤  
男兒脚底透長安得坐披衣肯自護三尺冷光輝夜

月一條秋水，迸人寒。

贊達磨

萬福西來老骨，擗不遵行止。渡流沙，被人打落富門。  
齒啞子，依前喫苦瓜。

○玉泉窮谷璉禪師一首

贊月庵

這箇老漢，渾無縫罅。點鐵成金，指鹿爲馬。以張拙秀，  
才語擒縱多口。阿師跨三脚驢兒，指點諸方話。霸遇  
賤時，三世諸佛正眼難窺。遇貴時，八大龍王亦難酬。  
價阿呵呵也，大差只因會春園裏失却眼睛。從此惡  
名滔滔流遍天下，高挂虎堂。譬如師子全威，一任百  
怪千妖暗中驚訝。燈禪燈禪，第一不得容易與伊點  
化咄。

○公安遜庵珠禪師二首

題出山相

半夜逾城往雪山，龍樓鳳閣絕躋攀。如今覲出艸窠  
裏，一箇閑人天地間。

自贊

月色照幽谷，泉聲落斷崖。水光山色裏，一塊爛枯柴。

○劍門分禪庵主七首

雜詠

參禪雖說做工夫，纔涉毫芒自取誅。幾度見君深問  
訊，養雞意在五更初。  
慣曾放步竿頭去，坐却金烏不放東。一派天河流不  
盡，桃華滿眼趁春紅。  
露地白牛須打殺，紅爐鼓浪立教乾。脫然透出縱橫  
去，猶欠平生無病丸。  
展鉢開單休解會，橫來直去任生疑。隔宵兒子逢親  
母，豈待傍人說是非。  
平地黃金成糞土，翻然糞土是黃金。直饒用得渾相  
似，畫虎何嘗解敵人。  
隨例拋鉤泛五湖，渠船魚滿笑予無。豈知予在鉤頭  
餌，獨在蒼龍不在魚。  
騰今耀古無私句，不比偷心捏合成。學海義天無討  
處，見成拈出示禪人。

○酒仙和尚十首

雜詠

綠水紅桃華前街後巷走百餘遭張三也識我李四也識我識我不識我兩箇拳頭那箇大兩箇之中一箇大會把虛空一敲破摩掌令教却恁麼拈取須彌枕頭臥

醒也街裏走醉也街裏走無錢買酒乞來噉昏昏怛怛忘前失後張開兩眼見北斗拈得斗柄酌海水望空直拔瀉入口誤呷火龍歸五臟日午夜半大哮吼隨我來隨我來與你安身法上竿子打筋斗楊子江頭浪最深行人到此盡沈吟他時若到無波處還似有波時用心

金罍又聞泛玉山還報顏莫教更漏促趁取月明迴一六二六其事已足一九二九我要喫酒長伸兩脚眠一寤起來天地還依舊

癡兀兀兀癡落華流水自依依酒飽摩掌箇肚皮儂家元是林公兒

貴買朱砂畫月筭來枉用工夫醉臥綠楊陰下起來強說真如泥人再三叮囑莫教失却衣珠

門前綠樹無啼鳥庭下蒼苔有落華聊與東風論箇事十分春色屬誰家

秋至山寒水冷春來柳綠桃紅一點動隨萬變江村煙雨濛濛有不有空不空策筇撈取西北風

生在閻浮世界人情幾多愛惡只要喫箇酒子所以倒街臥路死後却產婆婆不願超生淨土何以故西方淨土且無酒醑

○太史黃山谷道人八首

題休堂

頭上安頭如何得休殺佛殺祖方得按堵北鬱單越西瞿耶尼事同一家喫飯著衣向上一路千聖眨眼韓信打關張良燒棧

贈嗣直弟

去日撒手去來時無與階若將來去會一似不曾還

呈永首座

奪得胡兒馬便休休嗟李廣不封侯分明射得南山虎子細看來是石頭

爲慧林冲禪師燒香三



昨夜三更狗吠雪東家閉門推出月是渠覺海性澄  
圓衲子殺人須見血

多年破衲不勝針一曲胡笳無古今往日聞韶獨忘  
味守株人在月西沈

西瞿耶尼開靜北鬱單越受粥慧林也唱雲門曲去  
年臘月二十六

贊真如結禪師

卽邪是正卽藥是病乞水指井乞飯與飯殺人如麻  
出邪命定尸羅清淨而八萬四千清淨是謂毗盧遮  
那正法眼藏以平等印封之以僧伽梨蒙之無心者  
來彈指門開聖凡不盡金鑲生苔丹青回互南北莫  
露影落千江誰知月處

自贊

道是魯直亦得道不是魯直亦得是與不是且置且  
道喚那箇作魯直若是斬釘截鐵一句藏頭白海頭  
黑

嘉泰普燈錄卷第二十九

音釋

登音登	爰其輒切	沈音血	狄音柿
汨音密	米莫禮切	肯所景切	擠音賁
騷音搔	婉烏臥切	螟音冥	蟻音零
螺音果	羸音裸	槌陟瓜切	黻敕角切
畢音假	宿音忽		

嘉泰普燈錄卷第三十

平江府報恩光孝禪寺臣僧 正受 編

雜著

○蔣山佛慧泉禪師

默庵歌并序

余熙寧九年春自杭之千頃移居是院因其方丈缺  
爾遂闢半軒結艸庵於巖石之下以爲宴息之所是  
年十二月庵成命名曰默蓋取摩竭掩室毗耶杜口  
之義也未幾有客造余曰師之庵成矣庵之義著矣  
而師方且嘵嘵萃徒侶引遊士分燈而啓暗潛源而  
導深謂其興悲拯物開蒙發蔽則亦至矣而名爲默

其亦妄乎余謂客曰子是知默而不知其所以默也子居吾語汝夫默者佛祖之真猷含靈之大本也本之正則處喧而常寂本之繆則趣理而厭塵然喧寂正繆雖名數繁然皆不離吾之至默也故西竺聖人佛者應緣感物金文王句殆不勝紀而卒謂乎無說蓋明此也後之人曖昧斯道謂語爲語而謂默爲默經謂語默一體而亦不知體爲何物也徒憤心口蹈之而不詳用之而不辨揚揚然自以爲得復曰彼默傳者斷空絕言而已矣吾佛之道豈然哉於戲是豈識吾佛之道也余學乎默者於默也安能盡之今是庵而且名之者蓋思古人之不可以踐及也而亦有所驚也客去復爲歌曰

庵之基兮不崩而不齏庵之形兮似月而孤圓上無其際兮傍無其邊中無其極兮下亦如然斯古今兮未聞其變遷西來之人兮強謂其相傳嗟余之不敏兮實亦紹焉念道之將墜兮欲扶危而持顛彼昏者何知兮迺拘空而滯偏棄旃檀古幹兮慕螻蟻之腥羶還鄉路絕兮嗟荊棘之參天空華易落兮悲短景

之難延昔人不偶兮亦梁逐而魏還顧余之微兮今復何言結茅宴處兮其樂聞闐朝昏兀兀兮饑餒而困眠九年冷坐兮斯人可憐魯祖面壁兮藩籬未堅諗老敗軍兮徒展戈鋌三斗山茶兮聊思共煎伊人不來兮吾意日懸伊人既至兮凝寂異喧喧之至理兮乃默之源吾無已兮爲若重宣松風之響颺兮嚴溜濺濺峰巒之齒舉兮浮黛而凝煙竹窻皎皎兮桂魄而宵穿几席英英兮白雲而晝聯春夏兮層廳與百華而闐妍秋冬兮擁爐視黃葉之翩跹斯物物兮舉妙以談玄伊迷徒兮剛欲而棄捐全體見成兮不勞雕鐫忽爾回光兮乃聖乃賢眞風既復兮捨窮而忘筌野老歌吟兮幸斯言之未愆熙微幽徑兮蘇駸苦蘊此處同歸兮千年萬年劫火洞然兮此不可然重閣之後兮寒山之前

○吳山師子端禪師

睡辭

夫人處世身有四儀身之四儀唯臥最奇人間萬慮俱遣名利富貴都不能知翻思釋迦老子不知人之

好宜却教我畫則勤心修習善法初夜後夜事勿有廢中夜誦經以自消息莫以睡眠因緣令一生空過若教老僧當時親見領向靈山頂上大松樹下塊石枕頭大家一時打睡驚地起來知道睡中有此滋味

放牛歌

牛牛牛休休休更莫牽犁拽杷任經冬夏春秋無繩無索無準無鈎朝來放向荒郊去杳杳無蹤休復休

易說

夫易之道幽玄難會問著時流指天說地窮他二儀未分已前只言太始太極混沌一氣清濁纔分之後不離乾坎艮震巽离坤兌出來十字街頭撞著南山張二問他上代祖翁却道離鄉日久子孫不知次第

○法昌遇禪師

寄徐龍圖歌

孺子從來心性惡不是德山誰敢撲法昌一句没人知信手拗折珊瑚枝也大奇五十年來尋不得願鑒嘆翻身趨倒盡須彌拽下虚空爲并蓋作地衣一等師子兒他時若見毗耶老腦後雖頭角分明辨大溪

答徐龍圖歌

法昌有條老鼈鼻生得來來沒向背藏身露影恰似無觸著令人身粉碎那箇驢更奇異兩耳纒垂四脚著地正恁麼來爲蛇出氣蛇不惜命近前噴嚏和那老驢總不靈利

○保寧勇禪師

贈洪井朱道人歌

來來去去未嘗休選甚南頭與北頭一錢爲本萬錢利善解看樓便打樓不妨好手著甚來由君不見歸耕有疇歸釣有舟不如騎取箇無眼耳鼻底水牯牛向三家村裏東倒西攞擺尾搖頭清溪萬頃月印中流不収玉粒不擲金鈎悠悠又阿誰管你趙官家世界天下有三百六十州

○勸潭眞淨雲庵文禪師

送雅禪者往石城作勾歌

雞不鷄無功之食水長船高物歸乎有道之心泥多佛大德山呵佛罵祖曾遭嚴頭僧堂前領過臺山路上老婆有箇趙州不出門勘破獨有雲門古錫有日

不妨道火火本無火承言者紛紛自我不然也非言道不通非言理不果理事通達人利生無不可既然也却不解臨時建立又不解逐旋包裹但可日用好心殊不知反遭惡禍末法衆生知恩者能有幾箇雅禪者爲你老婆葛藤得麼

○寶峰闍提照禪師

和陸德先尙書歌

大道坦然兮殊不用功殊不用功兮何必研窮豁虛  
離礙兮從空背空不守自性兮雖同不同百無所依  
兮自西自東照體獨立兮滿目清風廓落大度兮無  
不包容全身異類兮觸處皆通

勸徒銘

身心無拘動寂無知如大死人無倚無依無拘者寬  
無知者安無內無外無定無觀無適無莫無造無作  
無去無來無好無惡一道清虛萬法如如愚極成智  
智極成愚超諸數量孰云比況淨盡不留無法可尙  
識不可識智不可知誰家之子兀然巍巍巍巍不存  
根塵顯脫如懸如擬落落曉曉不惜口業爲子說破

笑殺闍梨山僧罪過

○龍門佛眼遠禪師

坐禪銘

心光虛映體絕偏圓金波匝匝動寂常禪念起念滅  
不用止絕任運滔滔何曾起滅起滅寂滅現大迦葉  
坐臥經行未嘗間歇禪何不坐坐何不禪了得如是  
始號坐禪坐者何人禪是何物而欲坐之用佛覓佛  
佛不用覓覓之轉失坐不我觀禪非外術初心鬧亂  
未免回換所以多方教渠靜觀端坐收神初則紛紜  
久久恬淡虛閑六門六門稍歇於中分別分別纔生  
已成起滅起滅轉變從自心現還用自心反觀一偏  
一反不再圓光頂戴靈醖騰輝心心無礙橫該豎入  
生死永息一粒還丹變金成汁身心客塵透漏無門  
迷悟且說逆順休論細思昔日冷坐尋覓雖然不別  
也大狼藉剎那凡聖無人能信匝地忙忙大須謹慎  
如其不知端坐思惟一日築著伏惟伏惟

○黃龍佛壽靈源清禪師

無生常住眞歸告

賢劫第四尊釋迦文佛直下第四十八世孫惟清雖從本覺應緣出生而了緣即空初無自性氏族親里莫得而詳但以正因一念爲所宗承是則釋迦之遠孫其號靈源更據自了因所了妙性無名字中示稱謂耳亦臨濟無位真人傳大士之心王類矣亦正法眼藏涅槃妙心唯證乃知餘莫能測者歟所以六祖問讓和尚甚麼處來曰嵩山來祖曰甚麼物恁麼來曰說似一物即不中祖曰還假修證否曰修證即不無污染即不得祖曰即此不污染是諸佛之護念汝既如是吾亦如是茲蓋獨標清淨法身以遵教外別傳之宗而揀云報化非真佛亦非說法者然非無報化大功大用謂若解報化而不頓見法身別滯污染緣乖護念旨理必警省耳夫少室道行光騰後裔則有雲門偃蓋雄音絕唱於國中臨濟立振大用大機於天下皆得正傳世咸宗奉惟清望臨濟九世祖也今宗教衰喪其未盡絕滅者唯二家胤派斑斑有焉然名多媿實顧適當危寄而朝露身緣勢迫晞墜因力稱俗從真叙如上事以授二三子吾委息後

當用依稟觀究即不違先聖法門而自見深益慎勿隨末法所尙乞空文於有位求爲銘誌張飾說以悅吾主囑至囑因自所叙曰無生常住眞歸告且繫之以銘銘曰無涯湛海瞥起一漚亘乎百年曷浮曷休廣莫清漢歟生片雲有無起滅隱顯何分了茲二者卽見實相十世古今始終現量吾銘此旨昭示汝曹泥多佛大水長船高

○渤潭湛堂準禪師

贈奇松頭歌

種松道者道情孤往箇茅庵事事無屋內鋤頭三兩柄煙熏一隻醋葫蘆問渠禪回首指山前問渠道戴箇笠笠去鋤艸再三再四再問渠拍手呵呵笑欲倒却言昔日老雲門參見睦州陳長老

○龍牙言禪師

送務紳禪者分衛歌

豁靈明開正道脫却多年燈臭破布襖頂門一割眼睛便定動如今識得無能老天真智現非作造卷衲携筇下雲嶠直去廬陵化有緣萬戶一作室千門須徧



到禾山鼓清平調俯仰順從心一照那邊若遇本色  
人點著皆知妙不妙子莫學石頭老書信不通行太  
早得箇清源鋤斧兒南臺石上鋤荒艸

示曇清侍者牧牛歌

農家牧箇白牛年來可縱可收不用鼻頭索索任渠  
放蕩林丘風清月瑩蹤跡難儔香嚴罷鞭杖石鞦放  
繩頭跨入白雲深處游直得通身無影象時吹木笛  
有來由小牛兒莫容易淺艸平田且隨意勿今逐隊  
上高坡筋力未能登蟻蟻傍水依山養令頭角完備  
叱豈不見狸奴白牯解作師子游戲

○勝因戲魚靜禪師

拄杖歌

誰人無一條拄杖我家收底醜模樣微頭微尾節目  
深從生至老筋骸壯不須修何須漆體段自然或箇  
格或行或坐儘隨身或倚或携還任力拋一拋卓一  
卓三界魔王頓驚愕雨雲雷電匝長空展盡神通難  
揣摩有時收有時用縱奪臨機恣拈弄儻蒙上士入  
門來一棒打教知痒痛說道理没人情動著教伊禍

患生休誇昔日化龍勢說當年解虎聲拋日月吞  
乾坤劃開一路涅槃門大丈夫兒須執提一言不契  
命難存

○薦福常庵崇禪師

和陶潛歸去來辭

歸去來兮一念相應名曰歸既以此處爲我家何外  
物而可悲審靈靈而自到會了了而堪追在我而無  
非我其非我而孰非矧我性之有常如我身之能衣  
問行人而未悟即迷荒而細微全身不動乃馳乃奔  
一塵廓然見此法門塵塵有光剎剎儼存唯此多旨  
匪壺匪錡樂歸來以自得向萬化以開顏居常庵以  
默照念懶拙之可安將寒暑以爲用勞生死而何關  
借夢幻以游戲統思慮而全觀今無心以放曠適有  
趣而來還其至至以無外等空以盤桓歸去來兮  
請悟此以勝游不動步而到家胡自苦兮多求了千  
生之活計聆毫髮以忘憂無寸土而耕鋤實萬頃而  
千疇假道浮囊寄夢扁舟或山丘以城郭或城郭而  
山丘非變化以能融豈神通而同流善寂滅而莫任

起三摩而寧休已矣乎只將煩惱正與時舉體不任  
焉爾留堂歷歷宜知之愚智未嘗間螻蟻亦可期  
幸有田而可種何不及時而耕耕師吉祥而問已從  
無言而賦詩本如如以獨耀證夫親而將誰疑

### 常庵賦

山之前水之後齒翠乎煙雲之上縹渺乎松竹之杪  
或作會靈跡以託化樂幽居而養浩茲固野人之自  
得豈心口之所較雖復異心口於思議即聞見於是  
否破滯著於二乘闢圓常於非道然非造詣深妙與  
識並遷浮雲易散夜壑匪堅豈獨苟初步之不正矧  
脩途之能前乃欲超生死之大患出有無之深源是  
猶照燈光於捺落指慧日於尼乾則亦沉荒於黑暗  
之下淪墮於矯妄之邊顧衣珠之有在是寶刀之終  
還者矣若夫撒手高巖箭峰中鐫全機全用混塵混  
跡瞥爾不到遼然難及喪妙用於刹那超情塵於毫  
忽類春夢之展轉若空華之出沒謂無有以不無言  
有有而非實妙無無之成病妙有有之成賊四句消  
融百非條直暢靈樞而適悅開玄路而安逸故能隨

所而爲樂非居而居一邀涵風於脩竹聽吟猿於石  
宇廓然寥然以語以默非禪非誦非忘非憶然後乘  
萬化之用等衆類之歸以會夫一瞬又胡我胡物

### 司空山歌

司空山在雪外時人到得方自在我今隨力幸登臨  
四顧巍巍無向背絕遮攔難比況千山萬山齊恃仰  
九夏炎炎雪正飛三冬颯颯華初放春不榮秋不落  
隱隱昭昭倚寥廓直下人間咫尺間欲上之人難措  
脚人跡絕野境寬獨事無能懶散便有時向日巖前  
坐有時乘困日高眠不學禪不修道只麼騰騰恣顚  
倒百種無求箇野人隨分隨緣能作造不從他不覓  
已一句靈靈萬緣裏自從識得祖師關歷歷明明此  
爲始無妙名無忌諱來書向渠只麼是任你千般與  
萬般何曾出得箇些子分明說報知音目炙風吹不  
用尋須彌南畔相逢著積翠臺邊旨更深旨更深誰  
會得東村王老眼前黑李四張三不信伊問鄰家  
轉疑惑轉疑惑不較多爲君吟作司空歌宮商角徵  
任吹唱角徵宮商爭奈何

### 座右銘

得之在此失之在此得之失之孰爾爲已已自不形  
堂堂爾名名由實有唯實爾靈一非與猶空隨器  
全空在空在空全器的的自知空器何依匪空匪器  
不二而誰海慧獨照空器俱妙在無私全心了了  
一句全提凡聖同幾悟不自悟迷不自迷影響萬化  
苦樂三界誰知不知無在不在唯我行之我不自欺  
如夜復晝日新日爲功不自有唯我持久與物同波  
唯我爲守守之非緣唯我自堅千佛同訓一志無遷

### ○上封佛心才禪師

### 坐禪儀

夫坐禪者端心正意潔已虛心疊足加趺收視反聽  
惺惺不昧沈沈掉永離縱憶事來盡情拋棄向靜定處  
正念諦觀知坐是心及返照是心知有無中邊內外  
者心也此心虛而知寂而照圓明了了不墮斷常靈  
覺昭昭揀非虛妄今見學家力坐不悟者病由依計  
情附偏邪迷背正因枉隨止作不悟之失其在斯焉  
若也欽澄一念密契無生智鑑廓然心華頓發無邊

計執直下消磨積劫不明一時豁現如忘忽記如病  
頓廖內生歡喜心自知當作佛即知自心外無別佛  
然後順悟增修因修而證證悟之源是三無別名爲  
一解一行三昧亦云無功用道便能轉物不離根塵  
信手拈來互分主伴乾坤眼淨今古更陳觀體神機  
自然符契所以維摩詰曰不起寂滅定而現諸威儀  
是爲宴坐也然當知水澄月現鏡淨光全學道之人  
坐禪爲要苟不爾者脩途輪轉汨沒四生酸鼻痛心  
難以自默聊書大槩助發真源果不廢修即同參契

### ○治父川禪師

### 參玄歌

一尺水一丈波妙高峰頂笑呵呵七步周行渾屬我  
不妨閑唱太平歌靈利漢不消多法門廣大徧周沙  
若能當處分明了只在如今一刹那莫求真休覓假  
真假中間都放下晃晃威光燦太虛不知誰是知音  
者讚不欣徒說謗三際無心俱掃蕩正體堂堂一物  
無是佛是魔俱一棒小根聞說暗攢眉繩上生蛇又  
更疑撥轉面前關楔子只許當人獨自知阿呵呵大

圓覺流出菩提遍寥廓鬼面神頭幾百般無瑕鏡裏  
皆消却君不見觀面相逢機掣電直饒天眼不能觀  
點著不來真死漢勸君參參徹靈明自己禪善財不  
用南方去黑白分明在目前勸君信心戰退魔軍  
陣此是華嚴最上乘森羅萬象皆相應勸君修六門  
通達任優游寒山拾得纔相見指點豐干晒未休火  
風催四山逼那時要見君端的有箇真空解脫門千  
眼大悲何處覓有時放有時收唯有知音暗點頭杳  
華村裏如相見跳出瀉山水牯牛有時喜有時嗔無  
位真人迸面門殷勤爲說西來意暮樓鍾鼓月黃昏  
有時唱有時歌顛言倒語不奈何聲聲盡出孃生口  
不屬宮商一任他有時默有時笑懵懂鐵鎚無孔竅  
輕輕觸著便照明只這無明元是道有時行有時坐  
露影藏身或兩箇不獨張三會打油細觀李四能推  
磨無縫塔見無因巍巍本自隱深雲國師樣子應難  
造不覺鋒稜露一層無底鉢手中擎百千沙界裏頭  
盛大庾嶺頭提不起都緣著力太多生沒底船不曾  
漏千重雪浪皆能透只憑一箇把稍人誰管狂風連

地吼無鑄鑠孰安排鑢斷重關絕往來巨靈擡手空  
勞力唯有無心便得開無毫拂是何物擊碎狐疑山  
鬼屈一喝唯言三日躡誰憐大辯翻成訥無孔笛最  
難吹角徵宮商和不齊有時品起無生曲截斷行雲  
不敢飛無根樹直侵雲枝條鬱密蓋乾坤劫火洞然  
燒不得利刀斬處亦無痕無面目擔板漢翫水遊山  
無侶伴迦葉門前倒刹竿文殊劒上全身現日面佛  
乾屎橛八兩半斤誰辨別七斤衫子恰相當鎮州休  
更秤羅蔔野鴨飛鸞對舞三箇孩兒抱華鼓趙老曾  
看半藏經靈雲一見桃華悟眞實語報君知不用思  
量不用疑春來決定千華秀冬盡長天片雪飛頭頭  
漏世眞消息那箇休心辨端的眼橫鼻直一般般不  
離當處休尋覓古佛言祖師說千聖路頭同一舌他  
日人天匝地來那時方表而今決

○開善密庵謙禪師

答陳知丞書

某啓欣審官舍多暇焚香靜默坐進此道何樂如之  
參禪如應舉應舉之志在乎登第若不登第而欲功

名富貴光華一世者不可得也。參禪之志在乎悟道。若不悟道而欲福德智慧超越三界者不可得也。竊嘗思悟道之爲易登第之爲難。何故學術在我與奪在彼。以我之所見合彼之所見不亦難乎。是以登第之難也。參究在我證入在我。以我之無見合彼之無見不亦易乎。是以悟道之爲易也。然參禪者衆悟道者寡。何也有我故也有我則不能證入。亦易中之難也。讀書者衆及第者亦衆。何也。見合故也。見合則推而應選是難中之易也。故見合爲易。無我爲難。無我爲易。無無爲難。無無爲易。亦無無爲難。亦無無爲易。亦無無爲難。亦無爲難。亦無爲易。和座子撞翻爲難。故龐居士云。煉盡三山鐵。鎔銷五嶽銅。豈欺人哉。因筆及此。庶火爐邊團圓頭說無生話時聊發一笑。

○劒門分禪庵主

雜句

諸人放下坐禪山僧一向妄想喫盡甘艸黃連幾度春生夏長汝等諸人知不知知與不知坐禪妄想復

是誰游魚吞餌去何時水面歸

我責師兄悟本心不責師兄機辯深鳳凰不棲荆棘林貓兒爭解捕麒麟驪珠撲碎亘天明殺活咸歸劍下親問言有理不能伸到此須當是箇人

○侍郎楊無爲居士

了了堂記

了了堂瑯琊詮公之所建也有二野叟登堂而議其名一叟曰了心則能了法了已則能了人已未了則人與已迷心未了則法從心惑了了之義得非是歟一叟曰不然吾聞萬法本空一心非有心既非有有待了而已圓法既本空不待了而常寂了有所了困于方隅了無所了始謂之達了了之旨其在是矣二叟疑而質于無爲子無爲子不答俄而歌曰山堂曉吟白雲飛山堂暮吟白雲歸青松老吟明月溪了不了兮誰與知二叟矍然相顧而去詮公乃記之于石治平二年三月十有九日也

○太史黃公山谷道人

跨牛庵銘



維水牯牛頭角堂堂以作意力徧行道場舉頭看月  
終不觀指浮鼻渡河蹴踏源底三界爲田衆生爲稻  
由我深耕世無寸艸我跨此牛無繩與鞭要下卽下  
馬後驢前

### 翠巖眞禪師語錄序

石霜山中有三角虎孤游獨坐萬木生風至於千里  
無人艸深一丈有一人探其頭而得道是爲黃龍慧  
南有一人履其尾而得道是爲翠巖可眞南之子孫  
江西湖南若揭日月而眞得子晚所乳之子是爲潯  
山道人慕岳林棲谷隱堅密深靜霜露果熟諸聖推  
出枯木朽株雲行雨施然後翠巖之道光明蓋翠巖  
之入石霜適遭一吼凡聖情盡參承咨決徹佛徹祖  
行住坐臥亘古亘今如行川之水無不盈之科似走  
盤之珠無可留之影十聖三賢當路亦須艸偃風行  
四方八面俱來無不投戈散地金章玉句具在可知  
然明月夜光多逢按劍陽春白雪難爲賞音維黃龍  
罷參之客必遣之曰百鍊精金直須入翠巖爐鑪今  
坐鎮諸方龍吟虎嘯者無不稱翠巖室中之句以接

大根器凡夫而叢林號爲眞點習者蓋同門數老雖  
目眇耽耽文彩炳煥似從慈明法窟中來實不解石  
霜上樹之機耳各夢同床不妨殊調冷灰爆豆聊爲  
解嘲云

### ○丞相張無盡居士

#### 金剛經三十二分說

非法無以談空非會無以說法萬法森然曰因一心  
應感曰由故首之以法會因由分從空起慧請答雙  
彰故受之以善現起請分宗絕正邪乘無大小隨三  
根而化度簡異說而獨尊故受之以大乘正宗分得  
宗而行不住於相故受之以妙行無住分行行皆如  
謂之實見故受之以如理實見分見而信之善根深  
固故受之以正信希有分無得之得是名眞得無說  
之說是名眞說故受之以無得無說分無得無說怖  
於沈空一切諸佛皆從此出故受之以依法出生分  
果雖有四相本無二故受之以一相無相分清淨心  
生是名淨土莊嚴諸相卽非莊嚴故受之以莊嚴淨  
土分有爲之福限量有窮無爲之福殊勝無比故受

之以無爲福勝分是經所在天龍敬事故受之以尊重正教分至道無名假之方便以是名字行者受持故受之以如法受持分聞經解義深悟實相故受之以離相寂滅分受持讀誦自利他功德無邊不可稱量故受之以持經功德分恒沙罪業一念消除果報不虛豈經多劫故受之以能淨業障分本來無我安得有人爲度彼人故權立我故受之以究竟無我分一眼攝五眼一沙攝恒河沙一世界攝多世界一心攝若干心故受之以一體同觀分遍周法界一化普通七寶福田寧如四句故受之以法界通化分三身具足諸相圓成人法俱忘卽非具足故受之以離色離相分終日譚空不譚一字若云有說卽謗如來故受之以非說所說分無上正知實無少法法無所得正偏歷然故受之以無法可得分一法存心情生高下淨心修善法法何窮故受之以淨心行善分施寶如山山非盡大身妙智斯卽寶山故受之以福智無比分化門建立未脫筌蹄以要言之實無所化故受之以化無所化分色見聲求是行邪道於茲妙

契獨露眞常故受之以法身非相分相而無相空且不空亘古亘今孰云斷滅故受之以無斷無滅分大心成忍本自無貪世福甚多云何有受故受之以不受不貪分去來坐臥無不如如故受之以威儀寂靜分信心不斷斯卽微塵信寶徧充是名世界塵一合法爾如然故受之以一合離相分四見俱非是名四見故受之以知見不生分一念發心獲福亦爾應身化物豈得已哉眞佛流通能事畢矣故受之以應化非眞分終焉

此經第十分應無所住而生其心大帝本云應生無所住心三十二分無法可得平等王本云衆生深信分語雖小異意亦大同不必易也

#### 東林善法堂記

元祐二年七月八日廬山東林禪寺善法堂成其爲間七其高爲丈者五深而爲尺者九十其廣十有一丈六年三月無盡居士自河北來東林徒衆七百人以弱恩度而爲上首皆於現在老人照覺禪師親近供養深得法要決擇邪正消隕知解一心精進扶堅宗教於是以弱等和南稽首白居士言我此善法堂蓋嘗走四方求士大夫紀錄營建昭示來世終無一

人能承當者何以故此堂雄麗難形摹故我師說法難湊泊故今居士適至是我山中天龍藥叉人非人等三歲守護以待居士也居士其舍諸居士曰汝等說法與過去諸佛異非我名言意識之所測度吾無得而記焉何以故毗盧遮那佛說十住品於須彌頂上帝釋於其殿內安置普光明藏師子之座說十行品於夜摩天宮時分天王於其殿上化作寶蓮華師子之座說十回向品於兜率陀天知足天王於其殿上敷摩尼藏師子之座天住於佛住而未離乎住故說法乎地中之天而切利是矣其座則安置之而未至於化者也行行皆真而超然絕俗故說法乎空中之天而夜摩是矣其座則化之而未至於敷者也化則依空矣而非所以入有也真則自利矣而非所以利他也心也回真而入俗運智而行悲使上而超之可以出乎欲頂下而卽之可以同乎萬物故說法乎天中之天而兜率是矣其座敷而布之則安置能化蓋有不足言者矣古佛之說法也觀根之時依土立義可以科可以釋今子之師建潭潭之堂巍巍之座

法鼓在左教拂在右以切利言之乎則無住爲住以夜摩言之乎則無行爲行以兜率言之乎則本自無向今亦無回雖然嘗試爲汝議乎其涯彼妙湛靈明曠虛粹精莫之與將莫之與迎未始有夢而未始有覺也未始有淳而未始有漓也未始有壞而未始有成也未始有汚而未始有淨也膠膠以生林林以形生死苦樂之變循環乎去來諸佛爲之種種譬喻方便爲之說三乘爲之說五教河沙句偈不足以勝其情而奪其識其究竟也以清淨法眼涅槃妙心無相實相正法眼藏撥去文字教外別傳囑付飲光宛轉傳授以至今日當法堂未建法座未登掣電呈機猶成第二學人上來頗復何用然則建斯堂也登斯座也法竟可說乎法竟不可說乎且夫居其堂正則知其位正知其位正則知其眼正知其眼正則知其根正知其根正則知其識正知其識正則知其塵正知其塵正則知其耳正知其耳正則知其鼻正知其鼻正則知其舌正知其舌正則知其身正知其身正則知其意正如是乃至十方虛空八萬四千陀羅尼門

莫不皆正古之所謂此處最吉祥者其意在此其亦是乎而自少室之後曹溪以來散之四方分爲五派師異訓人殊習祖師之道微矣請略言之月裏麒麟溪邊石笋寒松庭栢日裏看山雨聲鳩聲迷逢達磨撥塵見佛漁父棲巢吐舌退身擡眸一瞬舉拳豎指擊拂敲床叉手當胷展開雙掌或謂之曰道眼或謂之曰根塵或謂之曰向上或謂之曰末後斯皆順風揚灰於馳突之場浚渠流惡於智廢之井禪師於是也大奮迅定駕無礙慧主賓問答縱奪取與庶幾乎惑者有解而執者有破垢者有滌而病者有瘳然則有其事者則必有其理有其實者則必有其名莊嚴妙善而不可不建者堂也方便誘誨而不可不說者法也垂信示後而不可不爲者記也東林衆以記累吾亦不善乎東林律寺改爲十方其本末具於余語錄序茲得以略云時歲四月二十四日記

嘉泰普燈錄卷第二十終

音釋

潯音峻

於戲與嗚呼同

歧音企

還音旋

靈音留

齒自秋切

岑才律切

颺楚飢切

舅音題

鷓竹咸切

適音的

魄音託

梲音鴟

紫音勤

鞏音拱

紆音茲

徵竹里切

廖音抽

蹴七宿切

舍與捨同

智音矧

柄而銳切釋柄也

人未有不以文字語言相授者今七佛偈是其一也乃若中夏則三十萬年之前包犧氏作已畫八卦造書契爲文字權輿至釋迦之興固亦無異今一大藏教可謂富矣乃獨於最後舉華示其上足弟子迦葉迦葉欣然微笑不立文字不形語言謂之正法眼藏然師舉華而傳弟子一笑而受既書之木葉旁行之間矣亦未見其與古聖異也豈謂之文而非文謂之言而非言耶昔有景德傳燈三十卷者蓋非文之文非言之言也燈既傳矣自一而千萬焉有窮盡故廣之於天聖續之於靖國然二家所著皆草創趣成凡

例不立詳簡失中雖聖若賢臣之事有不具者獨旁見間出於諸祖章中識者以爲恨吳僧正受始著普燈凡十有七年成三十卷前日之恨毫髮無遺矣尤爲光明崇顯者我

祖宗之明詔睿藻一語半偈哀集登載皆有據依足以傳示萬世寶爲大訓其有功於釋門最大方上之御府副在名山又以其別本示游俾得紀述梗槩于後游自隆興距嘉泰五備史官今雖告老待盡山澤猶於祖宗遺事思以塵露之微求足山海不自知其力之不逮也

嘉泰四十三月乙酉太中大夫充寶謨閣待制致仕山陰縣開國子食邑五百戶賜紫金魚袋陸游謹書

嘉泰普燈錄跋

傳云廣云續云燈固燈也其如光燭有偏何耿耿餘輝殘燄竝散無遺者虛中燈而普然二楞板于茲既淹矣此錄尙無國本頃歲適出剛氏手余意廓如就

觀國字舊點有艷曲未盡有旁訓絕無措大不合正焉補焉孤之媚必呂猿之蟲必啼醜拙不則此世惑者守株緣木以覓兔魚不惟風之始也而已

寶林 梅峯 敬跋